

續

修

四


庫

全

書

《續修四庫全書》編纂委員會編

續修四庫全書



上海古籍出版社

四〇四・史部・紀事本末類

欽定剿平粵匪方略四百二十卷首一卷(卷三十五至卷七十八)

〔清〕奕訢等撰

EZ84/04

欽定剿平粵匪方略卷三十五 癸丑年

四月十七日 辛卯 江甯布政使陳啟邁奏言 臣查

徐州地方為北行要道在城兵勇不及千名現
有三路糧臺餉銀軍火均關緊要難保賊匪不
伺隙生心且距江浦僅六百五十里中間廬鳳
各處土匪難保不聞風又起皖省兵力極單徐
州唇齒相依不可不早為豫備惟有仰懇

剿平粵匪方略卷三十五

一

天恩飭下慧成李德於原調防剿官兵已到清江宿遷
及山東途次者迅速改道來徐二三千名並派
熟諳軍務武職大員帶領相機扼剿俾免疏虞
奏入

上命軍機大臣傳諭慧成曰陳啟邁奏徐州情形喫重
請調重兵扼剿現在大營糧餉軍火萃集徐州防護
必須兵力著慧成將現到各路官兵酌留徐州一帶

以資防堵前據奏請移糧臺於宿遷是否業經移設
總宜隨時察看情形妥慎辦理

上又命軍機大臣傳諭李德曰徐州近扼黃河又為各
路糧臺總匯之地稍有疏虞關繫匪淺著李德於過
境官兵先其所急催令前進俾資防守一面知照慧
成將清江等處已到官兵迅速分撥應援毋稍遲延

十八日 壬辰 琦善奏言 臣據六合縣知縣溫紹原

剿平粵匪方略卷三十五

二

稟稱賊匪竄至浦口以後初八日燒燬江浦縣
之東葛驛即抵滁州旋被攻陷安徽撫 臣李嘉
端現駐廬州府周天爵呂賢基均在宿州一帶
諒可就近迎擊並有 臣飭令帶領黑龍江原隊
官兵之西凌阿等折回滁州一帶追剿如果前
後夾攻該匪自腹背受敵查滁州路通四處由
舒城桐城潛山太湖英山應山等縣可至河南

信陽州由舒城六安可至河南光山固始等縣
由滁州定遠鳳陽靈璧宿州可至河南永城縣
由滁州來安天長盱眙五河卽至淮安府之桃
源縣無須經過清江浦以上各路信陽光固較
遠永城次之惟桃源一路逼近黃河計程三站
卽與東境毗連路近則籌防宜速 臣琦善現在
確探賊蹤是否踞守滁州或向何處分竄擬卽

聖學聖方略卷三十五

三

督率原帶陝甘直隸督標官兵探明賊蹤所在
超越賊前迎頭截剿惟刻下揚州正在攻剿喫
緊之際 臣與陳金綬勝保所帶官兵共祇數千
若遽分兵前往又恐該逆乘我兵單出巢抵敵
難期制勝惟有仰懇

天恩飭催慧成就近督帶官兵星夜來揚與陳金綬勝

保會同接辦攻剿事宜俾 臣得以親督官兵星

速馳往查探迎剿

琦善又奏言 臣查大股匪眾盤踞江甯鎮江揚
州三城恃爲犄角 臣與向榮分攻江甯揚州南
北之軍皆在陸路聲勢旣難聯絡其水路艇船
又遠在鎮江現江甯揚州擊敗之賊往來江中
無所阻攔且浦口六合儀徵等處隨在皆可登
岸賊若由江甯而至鎮江計程尙隔一百八十

聖學聖方略卷三十五

四

餘里若到浦口六合等處則對江徑渡一水相
通况鎮江續調上海艇船一經到齊攔截大江
則逆蹤不能南竄勢必羣趨北岸東路淮徐距
賊尙遠已蒙

簡派重臣分兵扼守獨與賊對渡之浦口六合儀徵防

兵甚單且有馬隊無步隊不能收相輔而行之

益爲今之計與其分兵遠防莫若合兵迎剿可

以迅掃妖氛刻下滁州失陷凡續調之兵路經安徽不能不截留堵禦縱有多兵亦無由直到江北設逆賊狡焉思逞浦口六合儀徵兵力單薄深恐寡不敵衆惟有仰懇

天恩迅速添派北路綠營官兵兼程前赴浦口六合儀徵使逆賊知我有備不敢萌北竄之心則他路庶可調度

剿平粵匪方略卷三十五

五

同日周天爵呂賢基奏言據鳳陽靈璧等縣及宿州探報逆匪於初九日竄入滁州經署藩司奎綬札委知府裕恭等前赴關山一帶防剿初十日該匪已竄過關山至定遠所屬之池河驛旋又北竄總鋪直撲鳳陽所屬之臨淮關將濠梁驛號舍燒燬查臨淮關爲渡淮要路飛札該署司等相機撤去浮橋將船隻藏於北岸各河

港內以遏奔軼惟沿淮南北兩岸處處可渡急宜乘機堵禦擬將宿州現存兵勇由臣周天爵統領在宿州城東要路酌量前進並號召宿州團練鄉勇分路截殺仰懇

天恩飭催李德慧成等各將所帶大兵擇其行走在前去皖較近者速令赴皖聽候調遣現在驛路梗阻惟自揚州大營速發勁兵直取滁州以中斷逆匪之勢使該匪前後不能相顧然後大兵渡淮進援鳳陽斯逆黨可期蕩平均奏八

剿平粵匪方略卷三十五

六

上命軍機大臣傳諭琦善陳金綬勝保曰琦善奏滁州失守請帶兵迎剿覽奏彌深憤懣江甯揚州屢獲勝仗該逆堅守不出現在陸路北竄之賊未必非其分股以圖牽掣該大臣擬赴桃源永城一帶繞出賊前迎頭截擊恐道路較迂兵機較緩且統帥遠離大營

則揚州聲威不壯又恐墮賊奸計慧成托明阿奕經等現已先後馳抵清江浦北路重兵計已陸續趕到朕思卽派托明阿統帶現到之兵疾趨皖省並飛催在途之兵迅速前進擇要迎剿計周天爵所帶義勇與續到陝甘官兵亦可彙齊夾擊其滁州以南係賊來路卽爲揚州大軍後路若我以勁兵由六合江浦直搗滁州衝斷賊勢使賊腹背受敵與北路迎擊之

聖學聖方略卷三十五

七

兵前後夾攻當可得手該大臣前奏已派武慶開隆阿等帶兵前往擊賊又有德崇額西凌阿等均扼江北要隘應如何督催進剿可否於陳金綬勝保二人中酌派一人前往統帶琦善係欽差大臣值此賊蹤靡定惟當統籌全局相機迅爲布置萬勿令賊北竄卽慧成所帶各兵該大臣亦可調遣此股賊匪究於何路竄出滁州失守情形究竟若何有無土匪勾結

內應該州文武員弁如何下落著查明具奏該大臣此次奏報何以陳金綬勝保並未列銜著一併具奏

上又命軍機大臣傳諭周天爵呂賢基李嘉端曰賊匪大股盤踞金陵及鎮江揚州三城而以分股牽掣我兵自應及早殲除周天爵呂賢基現將宿州兵勇並西安先到之兵酌帶前進著卽督率將弁探明賊蹤相機截擊皖省土匪尙未掃除淨盡斷不可令其勾

聖學聖方略卷三十五

八

結致剿辦更難得手其分竄賊匪究係從何路竄出約有若干人是否占踞滁州其失事情形官員下落著周天爵呂賢基李嘉端等詳查具奏至文報糧餉道路尤關緊要如有阻隔務卽設法繞道行走不可有誤

上又命軍機大臣傳諭慧成托明阿曰賊匪占踞揚城堅拒不出而以他股竄擾滁州一帶牽掣大軍朕早

料其詭詐必有此舉琦善係統帥大員若此時遠離揚州正恐墮賊奸計慧成扼守清江並須兼顧下游著卽派托明阿將現到之兵無論何人所帶迅卽分撥帶往迎剿現在賊徧臨淮我兵自徐州而下必須迎頭截擊斷無株守淮北聽賊至而後縱擊之理若揚州派兵直趨淮南斷賊後路與北路之兵渡淮夾擊使賊腹背受敵攻剿更可得手軍情變幻靡常殊

聖學方略卷三十五

九

難遙度慧成等所帶之兵原爲大營應援一切調度機宜諒必隨時互商酌辦務使賊匪不得踰淮而北而揚州大兵亦不爲奸謀掣動方爲妥善徐州爲渡河要道又爲糧臺重地尤應全局統籌設法援守萬不可稍有疏虞

又命軍機大臣傳諭陸應穀曰本日據琦善奏滁州失守又據周天爵呂賢基等奏逆匪北竄直撲臨淮

關各等語永城縣爲由皖入豫門戶提督善祿是否已帶兵趕赴安徽陸應穀著卽出省迅往永城一帶扼要駐紮嚴密防堵切勿令賊匪闖入其光山固始信陽等州縣一體偵察勿稍大意前調赴山東之陝甘兵四千名已據周天爵等奏准截留現在皖省防剿萬分喫緊著該撫飛催後起過境之西安官兵星速前進毋得稍有遲誤

聖學方略卷三十五

十

二十日甲午文藝奏言臣駐紮丹徒鎮隨至丹陽縣地方會齊官兵整齊器械以杜賊匪下竄之路三月二十九日提臣鄧紹良與臣督兵移於離鎮江十里之甘棠橋地方紮營三十日帶領旗綠兵勇二千餘名出隊進至南城外觀音山一帶逆匪四五百人遙擁來撲提臣鄧紹良與臣督率旗綠兵勇迎前放礮轟擊奪獲黃旗三

悍擊斃賊匪二十餘名轟擊賊人不計其數乘勝直逼城下該逆勢似退縮不料竟由運河旁寶塔山分股斜衝旗營官兵奮勇向前猶復力戰因勢薄卽令撤隊回營除受傷兵三十一名外陣亡佐領賡善萬清廣慶防禦雙永圖敏泰拏齡留貴善成驍騎校恆秀雲騎尉春祥委前鋒校陞興陣亡兵八十一名現在移營京峴山

聖學聖方略卷三十五

十二

駐紮水陸併力進剿奏入

上諭曰此明係攻前遺後被賊兜衝一大敗仗何不詳細聲敘已有旨將汝發往新疆若奮勇向前奏報皆實不特前罪邀免尙可序功若有意掩飾則是一無用之人徒留無益惟有正法而已

同日琦善奏言臣據來安縣知縣稟稱探得初九日賊由烏衣一帶至滁州南門入城劫擄倉

庫槍掠典鋪復由西門出城竄至諸隆橋地方等語查諸隆橋在滁州之西距州城三十五里東北可至來安天長等縣西南可至廬州府西則直達鳳陽府臨淮關等處路徑紛歧在在均通北竄之路六合儀徵濱臨大江浦口更緊對江甯其六合儀徵又在浦口下游而北岸瓜州與南岸鎮江對峙所有艇船數本無多停泊焦

聖學聖方略卷三十五

十二

山是江甯以迄瓜州一百八十餘里之江面竟無堵截之船此時賊匪固來去自由卽將來鎮江克復艇船移泊瓜州江面仍無一巡截舟師該逆窮蹙思竄逆流而上其勢較難獨有對江卽渡浦口六合儀徵等處設不添兵嚴防未免重南輕北是以臣前有北路添兵之請臣於未派武慶開隆阿等帶兵馳赴浦口之先曾以北

路緊要似須陳金綬勝保二人中酌量一人前往商之陳金綬勝保據云該提督等係奉

旨責成攻勦揚州逆匪現在勢難兼顧是諸臣各有專

司臣不敢不先顧北路且疊據江浦六合儀徵

來安天長等縣紛紛以軍情緊急各請援兵數

千而臣所帶之兵除已分撥各隘外數祇三千

其調防儀徵之參將張守仁所帶陝甘兵一千

聖朝方略卷三十五

十三

七百餘名除已到三百餘名暫留浦口外其餘

均在途未到惟有在湖南守城之川勇六百名

尙屬得力飭令縣丞張繼武管帶由水路前來

其大名官兵雖已應調來營而滁州以上地方

戒嚴勢不能不聽其截留堵禦陳金綬勝保既

不能分身前往臣又不能置北路於不顧惟有

俟接替有人卽當親自帶兵馳勦可否仰懇

天恩飭催慧成星速來揚會同陳金綬勝保接辦攻勦

事宜俾臣得分身帶兵馳往探蹤迎勦並添派

綠營官兵星馳前赴浦口六合儀徵一帶防堵

庶兵力厚集面面設防得遏該逆北竄之路奏

八

上命軍機大臣傳諭琦善曰朕思揚州賊匪圍困不出

而以他股由陸路牽掣我軍恐琦善遠離大營致墮

聖朝方略卷三十五

十四

奸計是以特派托明阿就近帶兵與周天爵等迎截

北竄之賊復命琦善等督催西凌阿德崇額武慶等

帶兵斷賊後路又慮現在北路續調重兵統兵多係

一二品大員事權不一調遣難資得力本日已明降

諭旨令該大臣節制江北諸軍矣茲復據琦善奏請

飭慧成來揚接辦攻勦自請帶兵繞至北路迎擊似

與陳金綬勝保商酌意見未合又恐慧成等所帶之

兵不能調遣故為此奏朕昨日見陳金綬勝保未經
聯銜已料及此現在賊情詭譎意圖牽掣該大臣等
協力同心尙恐不濟豈可稍存意見耶此旨著與陳
金綬勝保同閱此時北路萬分緊急無論何人迅卽
帶兵迎擊若能擊敗分股賊匪於江南江北大局可
冀成功儻稍有疏失貽誤匪細軍情緩急勢難遙度
惟望該大臣等善體朕意毋稍拘執也

欽定四庫全書

十五

上諭內閣曰揚州賊匪業經大兵圍困勢已窮蹙其分
股竄擾滁州一帶復派北路重兵前往攻剿惟統兵
多係一二品大員必須事權歸一以專責成琦善係
欽差所有江北各路官兵著統歸節制悉聽調遣該
大臣其通籌全局迅掃賊氛毋負委任

同日兩江總督怡良奏言臣於四月初八日行
抵江蘇省城詢悉近日情形並途中疊接向榮

楊文定來文知逆匪自連次被剿後僅能堅守
營壘不復四出滋擾但賊情詭譎總宜加意防
守現又接據許乃釗來咨奏明截留閩兵一千
名防守蘇州省城前此閩省調來兵丁本祇一
千名俟陸續抵境卽可派撥臣思蘇州爲省垣
重地兵力尙形單薄且調度無人是以擬暫任
蘇省以安民心仍可策應常州等處奏入

欽定四庫全書

十六

上命軍機大臣傳諭向榮怡良許乃釗曰本日已明降
諭旨將楊文定革任拏問交刑部擬罪矣怡良職任
兩江責無旁貸現暫任蘇省須體察何處緊急卽往
策應方爲妥善楊文定所帶礮船和春一人能否督
率著向榮仍派結實可靠大員前往接替刻下賊由
浦口六合竄至滁州明係分股牽掣急須江面礮船
從中橫截使賊首尾不能相應方爲得手該大臣等

務當悉心籌畫隨時知會江北大營水陸夾攻毋任北竄

上諭內閣曰前有旨令楊文定在江甯辦理防堵迨陸建瀛自九江退回藉詞移往鎮江又不能嬰城固守旋至失陷輒復退至江陰因一時簡用乏人將該員革職暫行署理兩江總督猶冀其帶罪自效或可稍贖前愆乃數月以來毫無布置實屬大負委任著卽

聖朝方略卷三十五

十七

革職等因交怡良派員解送刑部治罪

同日李嘉端奏言查賊破滁州後由池河紅心驛徑撲臨淮關經藩司奎綬將調赴揚州之山東兵八百名截留並委知府裕恭帶領兵勇堵禦並請多調兵勇迅往接應查鳳陽爲南北咽喉設有疏虞河南山東全局震動臣未敢在廬株守亟應督兵往剿廬州現有民勇四百九十

餘名酌選四百名交候補直隸州知州李登洲等作爲前隊又都司海陞管帶壽春兵二百九十餘名臣親帶前往救援飛咨河南山東江蘇各巡撫及徐州鎮總兵四面兜剿以期一鼓成擒奏入

上命軍機大臣傳諭周天爵呂賢基李嘉端曰據李嘉端奏稱鳳陽爲南北咽喉情形最要酌帶兵勇親赴

聖朝方略卷三十五

十八

救援並飛咨河南山東江蘇各撫及徐州鎮等四面兜剿現在事勢亟迫各路官兵相距遙遠徵調恐難濟急惟慧成托明阿之兵較近想已遵旨分撥前往著周天爵呂賢基李嘉端會同速籌剿辦其陝甘兵四千名前已行入皖境卽著飛催趕緊到齊以資調遣此時徵兵籌餉均屬要務遠兵遠餉殊難救急惟當就近籌酌移緩就急毋致稍有延誤

同日李德奏言東省門戶必須首扼淮徐所恃者惟黃河天險前將密雲山西陝甘等處官兵八千名分布於王家營各處實力防守原為援應清江浦而設該處係南北鎖鑰所關甚重昨准琦善咨會前赴安慶已飭遊擊馮化青帶領一千四百餘名回東查此項官兵軍裝器械一切齊備可以就近截留調撥王家營先令該遊

聖學方略卷三十五

十九

擊暫行管帶約計山西陝甘官兵次第可到臣定於四月二十日起程前赴宿遷於山湖兩路要隘安頓大營後即周歷重興集王家營各處按現在官兵實數約計尙有六千餘名分撥足敷防堵容俟會商河臣楊以增相度機宜加意防範奏入

上命軍機大臣傳諭李德曰據奏擬親自帶兵前赴宿

遷於山湖兩路擇要防堵所奏尙合機宜著即權衡緩急相機妥辦如前路緊急自宜派兵進攻而後路空虛亦宜準備不可稍涉大意致誤事機

同日

上諭內閣曰恩華現在統帶吉林官兵前赴江北軍營所有續調黑龍江官兵到軍營後著一併交恩華統帶

聖學方略卷三十五

二十

二十一日乙未向榮許乃釗奏言據總兵和春稟稱四月初二日該總兵將艇船揚帆直上行至焦山口遙見甘露寺至鎮城一帶皆有礮臺臺下停泊大小賊船約三百餘隻見我師艇上駛開礮迎拒各水勇亦開礮還擊當時擊壞賊船數十隻燒燬六七隻陸路之賊隨即退回鎮城各艇又駛向江北直趨瓜州岸上逆匪開放大

礮連環不絕各師艇順風衝擊該逆船隻有被
艇船撞壞者有被大礮擊破者該逆不能抵敵
敗回江岸登岸之賊亦被船礮擊斃甚多日暮
風微始將各船退回除燒燬擊壞各賊船外生
擒賊匪三名殺斃無算此下游艇船勝仗情形
也臣等探聞大兵破雨花臺後賊中設備南門
尤嚴通濟朝陽兩門較疏初六日密派四川兵

欽定剿平粵匪方略卷三十五

三

勇攻通濟門之左陝甘兵勇攻通濟門之右湖
南兵勇由鍾山攻朝陽門之右廣東兵勇由鍾
山攻朝陽門之左貴州廣西雲南兵勇由鍾山
直攻朝陽門之中於初七日五更出隊該逆卽
於通濟朝陽二門內各出二三千人離城數十
步而止我五路兵勇分投衝殺直撲賊陣該逆
回奔入營我兵追擊殲斃極多於通濟門外刺

死執大黃旗賊目一名兩城外生擒賊匪共七
十餘名隨卽逼近賊營開放槍礮奮力環攻直
薄城圍城上矢石交下城外賊營大礮夾擊官
兵暫退數武謾罵誘敵該逆始終不出臣向榮
徧觀鍾山形勢舊時賊壘離城過近大礮能及
我兵不便安營惟右手紫金山麓坡陀之上居
高臨下俯瞰全城其地可以紮營四座因於十

欽定剿平粵匪方略卷三十五

三

一日飭役築壘護以兵勇該逆恐我軍占據形
勝出賊數千前來攻奪當卽揮兵分投尾抄該
逆遁回追殺長髮賊四十餘人餘皆逃匿入營
我兵亦卽撤回此江甯節次攻勦情形也至長
江上游據盧應翔等稟稱初十日會同都司楊
煥章等選派兵勇分作三路一由雙牯小河水
路進一由大江水路進一由雙牯洲陸路進另

派奮勇二百五十名各持火器假賊旗幟號衣
用小艇沿江北岸潛渡南岸草窠峽伏蘆洲中
十一日子初出隊約定丑刻齊抵信地起火為
號同時舉發盧應翔督帶礮船八隻礮勇四百
名從雙牯河直抵螺絲橋繞出夾江楊煥章帶
官兵三百五十名沿洲繞岸至夾江於蘆葦中
多樹旗幟以為應援千總黃秉忠督帶礮船十

聖朝方略卷三十五

三

二隻小礮船二十四隻礮勇五百名從大江繞
進夾江賊營放礮迎拒楊煥章即從葦岸接應
夾攻將賊營並礮臺望樓一齊踢毀殺賊十餘
名奔潰落水死者無數乘機齊進見城外賊船
林立上有礮臺對我船開礮盧應翔礮船抄截
賊船之後黃秉忠率領各礮船迴環衝突施放
大礮轟碎賊船二十餘隻並用火桶火罐燒燬

賊船一百餘隻賊船始皆潰散其川楚各勇從
草窠峽分作數路同時拋擲火器各燒賊船洲
上賊匪見各船火起約數百人擁出馳救陳喜
率船中礮勇登岸赴援立斃執黃旗賊目一名
賊始紛紛潰逃各兵將峽口木簞即時拆斷救
出民船一百三十餘隻此上游礮船勝仗大略
情形也查該逆盤踞金陵於城門外空濠築壘
以用礮對擊並已行文蘇杭各處調出四五千
斤大礮以便安放新營對擊朝陽門外賊營惟
是現在兵力戰勝有餘而省城過大圍攻不足
非潛通消息運奇設謀一時難以力爭必須見
有成效乃可深入奏入

聖朝方略卷三十五

三

上命軍機大臣傳諭向榮怡良許乃釗曰該逆分踞金

陵鎮江爲負固計和春與各鎮將督率戰船進攻下
游擊壞匪船向榮探聞通濟朝陽兩門賊防甚疏分
別五路進擊並奪紫金山築壘安營其長江上游亦
經盧應翔等分路進攻焚燒賊船連次獲勝卽著該
大臣設計用間謀定後戰早圖克復朕心實深盼望
現在南北兩岸賊船甚多總須斷其浮橋使不得來
往自如以孤其勢則浦口等處北竄之賊亦不敢深

聖朝方略卷三十五

三十五

八

同日李嘉端奏言臣於初九日接據探稱浦口
有賊船千餘隻停泊江心北竄要道必須重兵
防守臣卽咨周天爵督飭原帶將弁管領留鎮
定遠之山東等兵趕赴清流關扼要置守又調
舒城縣收集之壽春兵二百六十餘名前來廬
郡由臣調遣又安省之宿亳係渡黃要道現值

逆匪分股竄擾滁州漸近宿亳較爲喫緊臣已
分咨河南撫臣飭令將原派之弁兵進駐亳州
山東撫臣將駐紮交界之兵進駐宿州以防北
竄雖該逆大夥尙在江甯而此股業經北竄所
關尤巨况揚州餘賊無多未便顧彼失此臣已
飛咨琦善分兵由天長抄出賊前迎擊並咨向
榮分兵應援冀免竄逸惟安危所繫間不容髮

聖朝方略卷三十五

三十五

誠恐該大臣等稍有遲滯必致貽誤事機應請
特旨分飭該大臣等迅速調撥精兵前來堵剿遏賊北
竄要路

李嘉端又奏言探聞浦口斗岡營盤火藥被賊
燒燬山東黑龍江官兵退回滁州南關初九日
賊至滁州用礮轟開城門擁入山東黑龍江兵
連夜由池河退回紅心驛等情查紅心驛距臨

淮僅六十里滁州北惟清流關可守過此惟淮河最爲扼要現臣周天爵行抵宿州卽趕回堵截恐賊已過清流不及防禦僅能於河上下紮營鳳陽以南均無重兵各城練勇亦單一無足恃爲此籲請

皇上飭下江西北各督撫就近挑選精兵數千名趕赴廬州以資救應奏入

聖學方略卷三十五

三

上命軍機大臣傳諭李嘉端曰前聞賊擾滁州當經諭令琦善酌派精兵馳往救援又命托明阿就近帶兵徑赴北路與周天爵等合力迎剿各路官兵早經分撥必可迅抵皖省且截留陝甘官兵計亦陸續趕到該撫卽與周天爵呂賢基等妥爲布置勿令賊匪紛竄仍飛催未到各兵以資調遣當此賊蹤靡定惟當就近籌撥以期有濟毋庸遠調鄰省官兵徒延時日

也

上又命軍機大臣傳諭琦善曰前因賊匪攻陷滁州疊經諭令琦善分兵應援本日復據李嘉端奏請調江西湖北官兵前往朕思琦善所派援兵暨托明阿周天爵所帶兵勇計日可到毋庸遠調他省官兵徒稽時日該大臣所派援兵著令迅速馳往毋稍遲延至黑龍江官兵前在浦口遇賊退回營盤被燬賊至滁

聖學方略卷三十五

三

州用礮轟開城門山東黑龍江兵連夜由池河退回紅心驛黑龍江兵素稱勁旅何至遇賊披靡毫無振作該帶兵官所司何事著琦善迅卽查明據實具奏
二十二日丙申楊以增奏言臣准向榮咨稱賊由江浦越竄滁州派兵堵截等因查滁州北距徐州六百餘里係屬驛路東北距清江浦三百餘里係屬間道關繫尤重前飭遊擊蔡天祿等就

地募勇並派洪湖河右營兵前往設防尙嫌力單派委千總劉冠文等管帶練勇三百名馳赴蔣壩紮營時赴來安天長等處分投巡哨並因一綫湖隄袤延百數十里無險可扼現於蔣壩迤南添築土堰以備屯兵守禦此陸路情形也又查滁鳳東北爲臨淮關再下卽淮河口乃入洪湖要路查湖內山岡叢錯周圍四百餘里一帆可達是水路較陸路尤爲緊要隨飭山東後起參將嵩瑞率領所帶官兵馳赴盱眙上游擇淮河要隘處所相地紮營以資堵截並飛札沿湖州縣將湖船悉數調泊北岸委員嚴查以防偷越此水路情形也惟賊竄滁鳳一帶現經琦善派兵追剿並有周天爵等遏其前路難免不豕突狼奔所有盱眙水陸兩路俟續有兵到尙

聖朝方略卷三十五

五

須添撥方昭慎重

同日李嘉端奏言據連日探報皆稱逆賊盤踞臨淮其意叵測鳳陽府城雖未失守而土匪搶劫勢已燎原爲今之計山東兵由宿靈進分出懷遠定遠河南兵由潁毫進分出壽州六安淮揚兵分出盱眙泗州滁州全椒庶幾四面兜剿可冀殄滅若一路空弱賊必趨之東西皆有北竄之路均宜極力堵禦刻下李德陸應毅周天爵呂賢基在北琦善陳金綬勝保在東其南則向榮一軍餘力尙可截其後惟西路則鎮臣遠在潁州牽於土匪臣在西南水陸皆關緊要現在兵勇數不滿千而鳳定紛紛告急當令將弁帶勇三百名先行繼令王正誼於梁園鎮會合李鴻章號召練勇勸借軍餉臣卽於十八日帶

聖朝方略卷三十五

三十一

領壽春兵二百七十四名陸續進發明知此舉無益頗近行險徼倖之爲然非臣策其後而驅之終恐未能踴躍且於號召勸借等事亦恐呼應不靈故不辭輕易之譏冀稍竭涓埃之報均奏入

上命軍機大臣傳諭周天爵呂賢基楊以增李嘉端曰現在逆匪盤踞臨淮鳳陽勢甚危急亟宜四面兜剿

聖學聖方略卷三十五

三

遏其北竄李嘉端於十八日帶兵赴援自係刻不容緩惟所帶兵壯單薄卽號召練勇亦屬緩不濟急該撫旣冒險前進儻各路竟無接應致令賊勢益張所關匪細著周天爵呂賢基迅卽帶領兵勇星速赴援與托明阿善祿及李嘉端或合兵進攻或分路兜截兵貴神速萬不可稍事拘執致有延誤至清江西路亦宜嚴防楊以增所奏水陸防堵情形自爲遏賊分

竄起見惟退守不如進攻楊以增仍當偵探賊情隨時相機進剿以爲我軍後路聲援聞李德現已帶兵前抵宿遷正可聲勢聯絡互相策應該侍郎等總以權衡緩急先幾應變力堵賊匪北竄勾結是爲至要

上又命軍機大臣傳諭慧成托明阿曰本日據李嘉端奏親督兵勇前進其所帶官兵不過二三百名卽使號召練勇亦非剋期能集設有疏失關繫甚重江北

聖學聖方略卷三十五

三

帶兵諸臣次第前進無論水陸要隘均應隨時相機剿辦若稍涉拘泥卽恐有誤事機慧成現赴揚州卽著托明阿遵照前旨將北路現到之兵無論何人所帶迅卽統帶何處賊情緊急卽馳往該處攻擊萬不可徒有分兵之名仍無剿賊之效該署督等諒能權衡緩急相機迅辦也

同日陸應穀奏言據呂賢基周天爵等咨會十

一日賊至臨淮關現在鳳陽危急等情臣查皖豫相爲唇齒賊既竄至鳳陽自當不分畛域派兵協防惟豫省歸德陳州光州皆與皖省接壤又時有捻匪出沒防守均屬緊要現駐紮永城官兵三千三百餘名除前經慧成調取一千五百名帶赴江北外現在連截留商州興安之兵僅存二千二百餘名尙屬不敷布置擬將截留永城之商州興安官兵五百名並善祿原帶之陝西兵七百五十名調赴李德軍營道出豫省之宜君營參將兵六百五十名共兵一千九百名先交善祿管帶馳赴宿州協防其已到歸德之兵尙有定邊營副將所帶兵七百名甯夏營都司所帶兵五百名刻下驛路梗塞不能前進應請先行截留駐紮歸德以資守禦奏入

欽定剿平粵匪方略卷三十五



上命軍機大臣傳諭陸應穀曰現在賊撲臨淮關鳳陽

危急巡撫李嘉端前往督勦兵力甚單實深懸繫著該撫卽令善祿帶兵迅速赴皖不可稍有遲誤至永城爲由皖入豫緊要門戶留兵嚴守亦係要著該撫諒已遵旨馳抵永城仍著先其所急將現留之定邊甯夏官兵飭令迅速前進以爲善祿後路應援陝甘官兵前已准令安徽盡數截留其未到之二千餘名著卽催令速進該官兵行抵歸德仍著該撫隨時察看情形斟酌留遣並咨會周天爵李嘉端等查照總期移緩就急共保大局

欽定剿平粵匪方略卷三十五



欽定勦平粵匪方略卷三十六 癸丑年

四月二十三日 丁琦善陳金綬勝保奏言查揚

城逆賊占踞月餘計在死守誘戰不出十六日

晚間 臣琦善派總兵雙來進攻揚州北面陳金

綬勝保派將弁兵丁攻打西面均於四鼓各帶

布囊並雲梯攔牌等物直趨城下 臣琦善復遣

遊擊兵格馳赴蔣王廟一帶會同侍衛德興阿

勦平粵匪方略卷三十六

一

等於南面分投埋伏防賊向儀徵西竄去後是

夜雙來帶兵行至近城坑塹即令各兵用布囊

裝土填塞立時越過直抵城下詎賊匪晝夜微

備聞我兵猝至即用滾木插石輒塊灰罐等物

紛紛擲下城上槍礮排列甚密我兵於城下仰

攻不能得力僅將城上望樓轟燬一座 臣陳金

綬 臣勝保所派官兵攜帶攻城各具攻打西面

亦係同時馳抵城下賊匪面面設防亦難得手

遊擊兵格等探至南門外河干有賊船七隻在

彼停泊係該逆裝載糧石兵丁即梟水過河將

賊船焚燬而 臣等西北兩路攻城之兵自丑至

申竭力攻打時已天晚撤隊回營又據管帶西

安馬隊官兵防堵儀徵縣之副都統常春及知

縣都梁森報稱十二日卯刻有賊船十一隻駛

勦平粵匪方略卷三十六

二

入儀徵縣沙漫洲地方該副都統即令該縣督

率兵勇馳赴該處見賊船正近江岸即會同遊

擊福明奮勇前進施放槍礮鉤住賊船三隻該

逆紛紛落水仍令開槍擊斃賊匪七人槍傷二

十餘人擒獲逆匪男婦十人十四日午時據報

又有賊船數十隻或駛回江甯或駛至瓜州適

遇暴風在老河影江面翻沈賊船兩隻溺斃賊

匪數十人查六合儀徵兩處若再有續派官兵
益資得力

琦善陳金綬勝保又奏言 臣琦善前經札委開
散旗人書義前往瓜州督同該處紳董辦理團
練茲據該處紳董等稟稱書義督同紳董等購
覓眼線於十一日戌時潛入賊營乘隙縱火已
將瓜州由牖北首賊匪所築土壘木臺概行焚

勦平粵匪方略卷三十六

三

燬十六日又經該處紳董率領兵勇鄉民萬餘
人共往瓜州殺賊奪獲賊船傷賊多名並將越
河地方賊築土城拆毀殆盡賊皆登舟亂竄或
渡往鎮江或從由牖直上等語該處居民志切
同仇深堪嘉尚現仍飭令嚴密防範毋稍鬆懈
勝保又奏言 臣查各省大礮皆爲賊有足抗我
兵非兵力厚集不能圍攻 臣等各營除撥調外

僅三千九百餘名統計 臣琦善所帶僅六千餘
名而揚城四面要隘甚多萬不能分兵布置遇
有兵到各省紛紛截留以致進剿兵單反不能
剋期奏效 臣愚以爲今日之勢兵貴合不貴分
任在專不在衆現在各路雖有精兵然各有統
屬分而不合不如專一責成以期得力南岸北
岸責成統理襄辦各大員將續到各路重兵均
歸統帶隨時調遣所有竄擾處所亦卽責令各
員相機剿除則兵以合而見多事以專而能集
否則徒分攻剿之力恐曠日持久無濟實功也
奏八

勦平粵匪方略卷三十六

四

上命軍機大臣傳諭琦善陳金綬勝保曰賊匪踞城固
守經琦善等分路進攻各有斬擒雖未得手而逆匪
困守城中其勢已極窮蹙正可乘機設法圍攻迅圖

克復揚州團練紳董在瓜州由隔等處焚燒賊船殲
擒賊匪如果始終出力卽著該大臣等酌量保奏以
示獎勵該大臣統領江北諸軍各營官兵均歸節制
鳳陽爲南北咽喉情形危急必當先其所急遏賊北
竄而揚州攻勦亦在喫緊尤須防其乘虛奔突勝保
片稱兵貴合不貴分任在專不在衆現在揚州之兵
勢難再分慧成托明阿奕經等所帶官兵及恩華瑞

聖學匯方略卷三十六

五

昌等所帶後路官兵皆係爲大營應援琦善均應調
遣不可稍分彼此前准周天爵截留陝甘續調之兵
亦係因滁鳳空虛之故軍情變幻靡常有用之兵自
不可置之無用之地惟在該大臣等酌量緩急統籌
全局相機辦理

又命軍機大臣傳諭張亮基崇綸曰現在金陵江面
逆匪分股竄擾滁鳳一帶該處兵力尙單所調官兵

一時未能到齊因思湖北按察使江忠源親歷行間
戰功屢著前曾諭令馳赴江南幫辦軍務現在該署
督等委令順道勦辦廣濟縣匪徒儘此時尙未竣事
卽著署提督阿勒經阿接辦該署督等卽飭江忠源
統帶兵勇迅速馳赴安徽鳳陽一帶會同周天爵等
攻勦該臬司係向榮軍營幫辦並可與向榮聲息相
通南北聯爲一氣此股匪徒不難剋期殄滅

聖學匯方略卷三十六

六

同日慧成奏言賊船衝突江浦北岸營盤被燒
復由陡岡直往滁州琦善等請派兵往援臣思
揚州賊匪負嵎日久金陵賊又分股他竄是非
克復揚州我兵不能由分而合清淮高寶爲北
上最要門戶尤須節節派兵以爲後路策應遏
賊上竄之路臣奉調各路官兵計到清江行營
者僅一千餘名前准河南撫臣咨稱西安駐防

兵一千名無須留駐永城臣因滁州一帶告警
遵

旨竭力籌撥卽將此項官兵悉數飭赴皖省此時該處
兵力再加截留調赴東省之陝甘兵四千名已
不爲單至臣統領各兵卽使全數到齊僅敷分
派各隘之用若再另有派撥益形單弱現當前
路防剿喫緊後路未到官兵應請

聖朝方略卷三十六

七

令經過地方大吏不得就近截留致誤事機

慧成又奏言臣接琦善飛咨以滁州失陷奏催
臣趕緊赴揚接辦攻剿事宜以便該大臣帶兵
徑赴桃源永城迎頭截擊臣現在馳赴下游官
兵僅有千餘揚州負隅之匪尙有數萬目下後
路奉調各兵斷不能剋期而至惟有與護理漕
臣查文經就所有兵勇先派迎截再與陳金綬

勝保協力同心接辦攻剿伏思逆匪狡譎異常
現既竄陷滁州設從天長斜趨蔣壩則徐州清
浦均應加意設防昨奕經已抵清江臣遠赴下
游距清江在數百里外不能兼顧業將一切機
宜當面告述計將軍托明阿不日亦可趕到卽
令該將軍領兵一千駐紮清江會同奕經楊以
增商酌堵禦其餘兵丁卽由臣催提迅赴揚城
以資攻剿奏八

聖朝方略卷三十六

八

上命軍機大臣傳諭慧成曰逆匪分股竄擾滁州疊經
諭令該署督等派撥北路續到精兵馳往會剿茲據
奏稱現將前駐河南永城之西安駐防官兵撥赴皖
省該署督奉調各兵難以另行派撥請飭經過地方
不得截留自係實情惟滁鳳一帶十分緊要儻稍有
疏虞致賊北竄關繫尤非淺鮮著慧成仍遵前旨迅

飭托明阿帶兵馳往援應至所稱揚州之兵不應分撥墮賊奸計朕亦早經計及此時慧成計已馳抵揚州大營卽著與琦善等面商機宜迅速克復揚城勿致遲延生變北路各軍前已明降諭旨統歸琦善節制所有滁鳳一帶分股賊匪應如何撥派官兵前往剿除該大臣等定已通籌全局酌量派撥也

同日太常寺少卿王茂蔭奏言 臣聞現竄滁鳳

聖朝聖略卷三十六

九

之賊不過二三千人在金陵揚州者尙多若統兵大臣前往堵禦則賊已過清流關地勢平衍恐賊之在金陵揚州者陸續而來堵禦不盡不若先攻賊之中路則賊之未過者不能行已過者必回走似亦致人之法現訪之滁州人據稱滁州若失自滁州之東進兵而西能徑攻滁城則善矣或賊多難攻或賊已守城而我兵攻其

清流關之險宜於滁州東郊至沙河集循白米

山之麓西南至於清流關此東路循滁北而西

攻者也若能由三界集至明光集約會淮北大

兵剋期同時並舉淮北官兵由珠龍橋攻關之

西北滁東之兵由滁北循山麓以攻關之東南

則關可復關復則撲鳳陽之賊與金陵儀揚之

賊隔絕不通鳳陽之賊既易撲滅從此合攻江

聖朝聖略卷三十六

十

甯亦不難矣 臣管見所及伏候

聖明採納奏入

上命軍機大臣傳諭琦善陳金綬勝保曰王茂蔭奏現

竄滁州鳳陽之賊不過二三千人若由滁州東路進

兵由白米山麓西南攻清流關或由珠龍橋攻關之

西北滁東之兵攻關之東南則關可復等語現在股

匪雖未占踞滁州而形勝之區不可不加意扼守著

琦善等查明所奏各情如有可採卽飭將弁率兵扼據險要趕緊進剿並知照周天爵呂賢基李嘉端督兵夾擊迅殄賊氛如赴皖之兵尙嫌單弱卽著妥籌調遣毋得稍有延緩

上又命軍機大臣傳諭周天爵呂賢基李嘉端曰王茂蔭所奏攻剿清流關情形有無可採著周天爵呂賢基李嘉端悉心體察酌量進攻總期以速爲貴毋任

聖朝方略卷三十六

十二

蔓延

同日雷以誠奏言臣奉

命查河常於清浦南北兩岸來往巡閱復差派親信分路探報十七日戌刻探知逆賊由浦口北竄連陷滁州臨淮並聞鳳陽有失守之信十八日申刻又據探報天長六合一帶均有賊匪竄擾黑龍江官兵千餘並未接仗先行逃避該處鄉民

殺賊多名始行退去且聞揚州頓兵日久統兵

大臣擁兵自衛不卽合力進攻以致士氣不揚

漸有潰散之勢又聞各路鄉團頗有奮勇殺賊

之志每爲諸將所抑時勢緊急萬分非親赴各

處密訪不足以得實情臣擬卽日親赴下游各

處查明賊情究竟若何揚州何以久未克復該

處鄉團果否能衆志成城再行據實具奏臨淮

聖朝方略卷三十六

十二

關已失守徐宿爲入山東河南之總隘應請迅速

飭派重兵前往固守以扼北竄之路奏入

上命軍機大臣傳諭雷以誠曰據奏稱探聞賊匪分竄情形擬親赴下游察看現在揚州雖報有勝仗尙未能卽時克復而黃河口岸頗關緊要該副都御史至揚州察看後仍著迅回清江巡查河岸如有奸細瀕

跡偷渡務卽嚴拏究辦不可少有疏懈

二十四日 戊戌 慧成奏言逆匪狡猾性成往往聲

東擊西目下由浦紛竄之賊確知爲牽掣圍揚之兵誘我回顧必將由瓜州另聚大股賊衆出不意倏忽北來臣現統之兵不滿二千祇可設法布置後路續調西北各兵尙須飛催赴揚遲則恐又別生枝節至浦口北竄賊船聞係金

聖學方略卷三十六

十三

陵分股揚州瓜州京口各賊寂不聞聲安知非潛蓄異謀別圖不逞臣謂滁鳳之警顯而易見瓜州之患隱而尤深設中奸謀勢將不可收拾况揚城逆匪偵探頗速應請

飭令琦善仍駐揚州臣現已行抵高郵距揚甚近俟兵力稍集兩面奮力攻撲揚城一經克復賊必膽寒滁鳳之賊亦易剷除然後再爲整師南下之

計奏八

上命軍機大臣傳諭琦善陳金綬勝保慧成曰逆匪詭譎異常聲東擊西是其慣技此次竄擾滁鳳一帶匪徒據慧成奏稱確知爲牽掣圍揚之兵誘我回顧必由瓜州另聚大股北來是其大意總以揚州之兵萬不可分奮力攻撲揚城爲第一要著朕前降諭旨不欲琦善遠離揚州正是此意若揚州一時尙未克復

聖學方略卷三十六

十四

而滁鳳一帶賊勢益熾徐州爲北方門戶關係亦甚緊要慧成已帶兵前赴揚州著卽與琦善等迅圖克復以慰朕望軍情變幻靡常未便顧此失彼該大臣等務當統籌水陸全局相機擇要分撥調遣尤須偵探確實慎勿墮賊奸計慧成奏浦口北竄賊船聞係金陵分股揚州瓜州京口各賊寂不聞聲賊情詭詐甚屬可疑本日已諭令向榮等確實查探仍著該大

臣等隨時偵探賊蹤防剿兼施勿以圍困窮蹙稍涉大意

上又命軍機大臣傳諭向榮怡良許乃釗曰據慧成奏浦口北竄賊船係金陵分股揚州瓜州京口之賊探無動靜當經諭令琦善等嚴行防範矣向榮等圍攻金陵賊匪堅拒不出分股潛行渡江滋擾滁鳳一帶意圖牽掣我軍該大臣等務須隨時偵察南北兩岸

聖學匪方略卷三十六

十五

互相援應切勿顧此失彼現在江面匪船來往必須趕緊設法轟擊水師各船最關緊要楊文定現已擊問該大臣等務即派委委員管帶舟師水陸會合進剿賊匪聲東擊西是其慣技尤應加意籌防偵探南北兩岸隨時知照萬不可墮其術中

同日奕經奏言臣於十七日分帶密雲兵五百名渡河至清江浦安營與河臣楊以增籌商將

所帶兵丁安設礮位防守並已到之綏遠兵二

百五十名就近駐紮以爲犄角之勢山西兵四百八十名於十八日到營業與慧成楊以增商令署徐州鎮總兵王德帶赴徐州合力防堵仍飛飭後路未到之五百餘名就近徑赴徐州以資接應惟王家營爲渡黃北上要隘僅有密雲兵五百名駐守托明阿所帶之兵現祇到有二

聖學匪方略卷三十六

十六

百五十名尙未接托明阿到浦確信兵力殊形單薄賊如由洪澤湖竄至清淮勢必分擾高寶一帶與揚城賊匪勾連一氣斷絕南北餉道則剿辦更難得手現計慧成將抵高郵臣當即飛咨知照加意防範茲有山東撫臣奏明調赴防所之五品頂戴前任漕運總督李湘棻到浦該員曾經帶領兵勇在江北一帶防堵此地情形

極爲熟悉呼應亦靈再有托明阿帶兵到來合力籌防與河臣會同專扼清江一帶臣即可相度機宜探有何路緊急卽往何路迎擊總期於事有當不敢稍涉拘泥

同日李德奏言臣思賊在揚州東省祇防一路本以王家營爲先而徐州在其次今分擾鳳陽東省宜兼防兩路應以徐州爲先而王家營在

聖學聖方略卷三十六

十七

其次且在事諸臣悉力於淮揚惟徐州最要之區並無重兵扼守實屬空虛可慮臣統籌全局亟須權衡輕重絕其闖入之端所有入境之山西三四等起官兵一千餘名已飭署膠州協副將武隆額帶領馳往徐州黃河北岸要隘地方分營駐紮其先後入境之綏遠熱河吉林等起官兵二千四百餘名卽由韓莊改道撥赴徐州

並飛咨新任徐州鎮臣百勝速由重興起程馳赴徐州帶領與武隆額南北兩岸互相策應一面飛咨慧成作速酌派援兵相機進剿固未便因其分擾墮聲東擊西之詭謀尤不可專事一方失移緩就急之至計均奏入

上命軍機大臣傳諭托明阿奕經楊以增李德曰逆匪竄過滁州直至臨淮前已有旨令托明阿馳往攻擊

聖學聖方略卷三十六

十六

茲據奕經奏稱托明阿尙無到浦確信不知現在行抵何處著卽飛催帶兵前進如托明阿相離較遠卽著奕經迅帶現到各兵前往截擊刻下徐鳳一帶軍情緊急斷不可稍有遲誤李德奏徐州現無重兵扼守將隨後經過東境之山西三四等起官兵一千餘名交副將武隆額帶領馳往徐州並將綏遠熱河吉林等起兵二千四百餘名由韓莊改道撥赴徐州飛

咨徐州鎮百勝由重興赴徐帶領與武隆額互爲接
應所見甚合機宜仍卽添派委員特令分催以期迅
速並著李德兼程前往宿遷偵探賊蹤相機進剿並
飛催後路官兵源源前進旣可以固東省藩籬又可
爲托明阿等應援至大兵多趨徐郡或該逆又窺伺
清江亦不可不豫爲計及楊以增駐紮該處務須刻
刻嚴防毋稍大意

欽定剿平粵匪方略卷三十六

十九

二十六日庚子陸應穀奏言臣查逆賊攻陷滁州

直撲臨淮甚爲猖獗前准安徽來咨有鳳陽危
急之語善祿統帶官兵臣又咨催星馳前進日
內必可起程信陽距賊氛較遠歸德陳州所屬
並固始等處均與皖省接壤准甯縣之周家口
係屬水路馬頭由臨淮乘船可以直達該處地
方緊要當將調赴永城之山西官兵酌派五百

名駐紮周家口巡防固始息縣等處前曾留有
防兵五百名分布要隘惟永城爲豫省東路門
戶距臨淮關僅三百餘里原派防兵通計不過
二千五百餘名歸德亦僅一千九百餘名兵力
單弱不敷布置臣再四籌思應將調赴山東李
德軍營在後未到之陝甘兵二千餘名調赴江
北慧成軍營之陝甘兵一千二百餘名仰懇

欽定剿平粵匪方略卷三十六

二十

聖恩准臣一併截留駐紮永城以備防堵且可以爲安
徽聲援臣現將省城事宜料理完竣卽於二十
四日起程馳赴永城扼要駐紮總當相度緩急
酌量籌辦勿使稍有貽誤奏入

上命軍機大臣傳諭陸應穀曰該撫奏請將陝甘官兵
三千二百名盡數截留未免太多現在皖省軍務十
分喫緊若前路兵單則豫省藩籬亦恐難以自固爲

今之計總宜先其所急催兵接應使皖省北竄之賊
迅就殄滅方不致有誤事機陸應毅現已馳抵永城
仍著隨時體察情形若前路緊急即迅速撥兵迎剿
切不可稍有拘執善祿已帶兵赴皖著即催令速進
毋稍遲誤

二十七日 辛丑 琦善陳金綬勝保奏言二十日 臣

琦善親督官兵出隊向天甯門一面攻打陳金

聖朝方略卷三十六

三十一

綬勝保督率官兵仍攻西門一帶與馮景尼同
時並進槍礮環施計轟塌城垛十餘座斃匪不
少午後已將天甯門旁城身洞穿數穴該逆不
避礮火蠶擁齊至實以厚木架以土石竭力抵
拒並擲滾木插石甄塊等物我兵竟不能近其
城根是日陳金綬勝保攻城情形相同連日仍
接續攻打以冀速殲羣醜但城堅賊詐防守甚

嚴我兵終未得手必設法趕造攻城器具俾我
兵遮護槍礮不致多傷方能奮力攻入俟臣等
籌畫有成再行續報賊匪勢窮長髮賊多薙髮
乘夜縋出城外意在窺我虛實縋而走險又據
臣琦善派往瓜州之間散旗人書義會同瓜州
等處紳士內閣中書鍾淮等於十七日燒燬賊
匪自鎮江運來火藥船隻續又搜獲賊匪十八
名並搜出西瓜礮刀槍各件二十日瓜州虹橋
紳士等帶勇先與艇船約會遇風一起即與賊
匪接仗是日適值東風該紳士等焚燬賊船甚
多艇船亦如約而至同時打沈船隻無數復放
火將金山一帶江面賊船焚燬儘能將江面賊
船焚盡使該逆南北中阻即易為力奏入

上諭曰揚城指日克復尤不可不防分竄若勢窮竄逸

聖朝方略卷三十六

三十二

殲勦猶可得手儘自知難守儘力衝突逆燄飄忽更須加意慎重勿蹈永安之故轍也

上命軍機大臣傳諭琦善陳金綬勝保慧成曰逆匪困守揚城該大臣等現已設法趕造攻具克復自在指日惟據稱賊多薙髮夜縋出城意在窺我虛實賊匪詭譎異常儻於城未攻破之先出我不意儘力衝突而出必致逆燄復張更滋蔓延永安道州卽其前車

欽定剿平粵匪方略卷三十六

三

之鑒該大臣等務當加意慎重一面飭令各路兵勇合力進攻仍一面擇要層層設伏堵其分竄之路萬不可任賊乘閒奔突又成尾追之勢

同日慧成奏言據琦善咨稱逆匪竄擾滁州該大臣擬繞越迎擊竊思逆匪已竄過滁州則鳳陽宿州一帶卽應救援前已由周天爵等截留陝甘兵四千名復經臣將留駐永城之西安駐

防兵一千名派往應援足資攻勦若分揚州之

兵前往跟追無論賊行已先官兵數日鞭長莫及卽使倍道前進而賊情詭譎難保不隨處設伏倉卒中其奸計是分撤圍揚之兵無補於鳳宿且兵經分撤則大營之勢又孤臣駐守北路帶兵僅千餘名斷不能分援西路設不得力驕寇損威所關甚巨勝負之機爭於頃刻臣於二

欽定剿平粵匪方略卷三十六

三

十一日抵邵伯二十二日卽與查文經駐守灣頭此間距揚城僅數里探賊較易進攻亦較近可期得手邵伯仍留淮揚道曹文昭副將李輝連駐守不致疏虞臣思兵數有定賊蹤無定分布不如扼要其力專也尾追不如迎擊其勢驟也馳遠不如防近其機便也奏入

上諭曰所見甚是軍中變幻情形勝敗之機決於頃刻

萬萬不可拘泥

同日周天爵呂賢基奏言據靈璧懷遠等縣稟稱賊匪盤踞臨淮關將已撤之浮橋仍行搭起夜宿南岸日移北岸分赴附近鄉村搶掠民財復據靈璧縣探報二十一日廬鳳道及府縣等官督率鄉勇與逆匪打仗因寡不敵眾以致敗走逆匪仍回臨淮各等語查各路催提大兵除

禦學方略卷三十六

三

續到西安馬隊五百名固原兵六百五十名外其餘均無確信惟招集之勇尙屬可用復經宿遷縣舉人臧紆青統帶所募壯勇前來赴援臣等亟令前往攻剿至宿州爲北路屏障必須布置有方方可爲山東直隸藩籬而由宿達鳳一由東南之固鎮驛一由正南之蘄縣集兩路均屬緊要至賊匪渡淮北竄之路若畏避宿州必

由懷遠蒙亳而窺河南歸德之劉家口臣等已飛飭懷遠縣督飭紳士挑選團勇擇要固守一面飭派西安馬隊兵由固鎮一路前進直搗臨淮北岸之賊一面飭派固原兵由蘄縣集一路前進直抵懷遠鳳陽北岸以便出奇夾攻其各處義勇均分隨兩路大兵作爲前隊衝鋒奮擊奏八

禦學方略卷三十六

三

上命軍機大臣傳諭周天爵呂賢基李嘉端曰臨淮關爲南北要地該逆分股竄踞意圖牽掣官軍乘此賊勢尙不甚大迅速截擊庶不致令蔓延尤須嚴防土匪勿令與匪黨暗相勾結其由懷遠蒙亳至歸德之劉家口一路務須擇要固守仍隨時知照陸應穀一體防範刻下各路官兵計已陸續到齊該侍郎等務卽督飭將弁兵勇等合力攻剿迅殄賊氛無稍延緩

上又命軍機大臣傳諭李德曰逆匪分踞臨淮皖省情形極爲喫重前據李德奏稱行抵東省各路官兵已催令前赴徐州現在大兵雲集所需軍餉必須寬爲籌備徐州宿遷一帶設立糧臺去山東較近所有各處應解軍餉恐一時不及運到設有貽誤所關非細著李德於藩庫正雜各項無論何款就近撥解務當移緩就急以期源源接濟諒該撫必能權其輕重妥

聖學方略卷三十六

三

速辦理也

二十九日癸卯向榮許乃釗奏言臣等於紫金山

進紮大營十八座均已一律移近賊垣官兵聲勢聯絡卽於十七日夜飭令兵勇伏於城邊火箭百道射入城中繼以槍礮火罐噴筒一齊拋擲該逆猝不及防首逆楊秀青等率賊登城見朝陽門一帶城上之牌刀賊匪疑係官兵開礮

轟斃數百人城中槍礮亂發人聲沸騰達旦始息十五日午刻鎮江逆匪千餘人手執黃旗從東南兩門分出肆擾經提督鄧紹良派遊擊朱占魁長桂各帶兵分中左右三路進攻已革副都統文藝亦督兵攻打該逆開礮拒敵我兵奮勇直前衝入賊隊該逆敗退官兵追近城圍殺斃長髮賊五名擊斃九名生擒一名餘皆敗走

聖學方略卷三十六

三

入城堅閉不出總兵和春於十九日乘東北風起知會鄧紹良由陸路接應並會商總兵葉常春副將李德麟等飭令各艇船於二十日黎明起碇進剿和春等督飭各將弁由焦山至甘露寺並鎮城大馬頭一帶賊船紛泊處所開礮轟擊水陸兩路之賊均開礮迎拒我船順風三面攻剿擊壞賊船三四十隻燒燬賊船十餘隻並

轟斃陸路救應逆匪數十名乘勝追擊至瓜州口現仍寄碇焦山上游扼賊下竄之路臣等仍審度形勢防勦兼施以圖攻克堅城用慰

宸念

向榮許乃釗又奏言查江甯各城處處可通東壩惟東南隅朝陽洪武通濟三門為大營所扼臣等原擬令總兵音德布帶兵三千駐紮板橋

聖學聖方略卷三十六

三

鳳臺門一帶以遏賊從西南兩面竄往之路惟

因鎮江兵力尙單是以飭令該總兵統帶滇兵前往與提臣鄧紹良會辦克復事宜迄今板橋一路尙無官兵分布幸城南四十八社紳董練勇盤詰極嚴所有長髮逆黨裝扮僧道婦女逸出者皆被識破伏誅近時該逆又於城中莖髮扮作難民空手出城其紅黃頭巾旗幟號衣等

物皆買通本地奸民代為肩挑出城亦被各社查出立時處死查該犯襪底均有江甯分散東壩會齊八字作為暗號臣等又詢之逃出難民皆言四月初旬城中賊匪揚言有偽西王統帶逆黨一千二百人陸續出城前赴東壩會齊之說嗣因先逸之賊為村民究出殺斃甚多後逸者逃回城中不少約有六百餘人未敢出城是

聖學聖方略卷三十六

三

該逆竄擾東壩之法詭譎萬端臣向榮已飭委主事劉存厚同都司常瑞帶領廣東兵六百名前往東壩駐紮適有前督臣陸建瀛調營之候補道戚貞來至大營臣許乃釗即令帶同江蘇舉人馬釗前往高瀆率同該處紳士選練丁壯皆用大營兵壯旗幟號衣以壯聲勢一面飛咨督臣怡良在蘇派員添兵前往協同堵勦並又

飛咨浙江撫臣黃宗漢撥兵在湖州交界嚴密防堵臣又札催湖北臬司江忠源迅速來營卽以所帶楚勇一千七百名駐紮鳳臺門益以大營官兵一千數百名聲勢旣壯卽可於城西南隅遙爲聲援奏入

上命軍機大臣傳諭向榮怡良許乃釗彭玉雯曰該大臣等移營進紮紫金山乘夜攻城首逆楊秀青等蒼

聖朝方略卷三十六

三

黃無措自相轟擊其鎮江水陸兩路亦經鄧紹良督率將弁和春統帶艇船約齊會剿殲擒賊匪多名擊壞及燒燬賊船數十隻是勦辦甚屬得手現在金陵大營十八座逼近城垣所謂蘇州上海杭州等處三千斤及五千斤大礮想亦運到急宜乘勝進攻若先克復省城則鎮城收復勢如破竹江面賊船解散千餘艘若能一律散盡卽可斷賊往來並杜截北竄之

路惟賊船散去多隻係往何處是否駛赴上游抑係分泊北岸其船上有無賊匪潛藏偷越又圖他竄均須隨時偵探知照皖省江北水陸地方並上游湖北江西一體嚴防該逆被創窮蹙乘虛衝突恐其潰圍而出渡江北竄皖省或由東壩直奔蘇常一帶我軍布置稍疏卽不免又墮奸計該大臣等務宜通籌熟計總期殄滅妖氛不留餘孽逆首洪秀泉楊秀青等

聖朝方略卷三十六

三

現在圍困城中其僞西王亦未能逸出該逆等狀貌形跡必須探訪確實或能購綫內應於克復省城時全數擒獲不致令其免脫則掃蕩餘匪不難一鼓成功矣東壩一路經該大臣飭委主事劉存厚同都司常瑞帶領廣東兵六百名駐紮並委候補道戚貞等前赴高滄率同紳董練勇嚴行盤詰仍著怡良撥兵前往協同堵剿毋稍鬆懈逆黨改裝薙髮扮作難民

詭計多端尤須加意巡防近日揚州賊匪圍困技窮其分股竄擾滁鳳偏近徐州朕恐北路新到官兵未能深悉賊情已有旨諭令湖北臬司江忠源督帶楚勇一千七百名由廣濟縣馳赴江北會同截擊徐宿為北方門戶不能不先其所急該大臣等全局在胸必不致顧此失彼

三十日^{甲辰}李嘉端奏言逆賊自分擾滁州以後

聖朝方略卷三十六

三

三

占踞臨淮關直趨鳳陽該署府裕恭知縣黃元吉於四月二十一日酉刻在北門外九華山與賊接仗詎該逆另分一股從小路竄入東門城內煙火突起九華山與龍興寺兩股賊匪忽向北門奔去將鄉勇衝散蠶擁闖入府城卽時失守查鳳郡地當衝要現既失陷亟須擇要嚴防以遏該逆紛竄之路臣當飭都司海陸帶兵二

百五十名協守定遠並令總兵玉山知州金光飭扼守正陽關要口一俟援兵厚集卽當會商周天爵呂賢基等實力進攻迅圖規復奏入

上命軍機大臣傳諭周天爵呂賢基李嘉端曰前據陸應穀奏善祿帶領官兵一千九百名於二十日內起程赴皖托明阿諒亦帶兵起程現復諭令該將軍提督迅速兼程前進計已到之西安馬隊及回原兵一

聖朝方略卷三十六

三

三

千一百五十名並續到之陝甘兵丁當已不少周天爵諒亦由宿州督帶兵勇赴援著李嘉端迅卽會合各路援兵併力進剿攻復郡城琦善所派黑龍江馬隊官兵前赴滁州著該撫飛咨迎提前進前經降旨令江忠源由廣濟帶領練勇赴皖會剿但恐該臬司到皖較遲此時惟有會同現在各兵扼要攻剿勿令該逆更竄他處

上又命軍機大臣傳諭琦善陳金綬勝保慧成曰鳳陽失守該省兵力甚單各路調往官兵一時未能趕到該大臣統制北路諸軍前派武慶開隆阿等帶兵二千赴援現在行抵何處西凌阿等所帶黑龍江馬隊經該大臣飭令追往滁州何以未間接仗當此萬分喫緊之時豈可聽其逗留著卽嚴飭星速邁行會同各路官兵合力勦辦斷不可稍涉延緩致誤事機揚州疊經獲勝如能及早克復則分擾之股匪其勢自衰該大臣等必能通籌熟計不至顧此失彼也

勦平粵匪方略卷三十六

三

上又命軍機大臣傳諭托明阿曰鳳陽失守北路情形萬分緊急該將軍計早起程沿途當已探悉著卽倍道前進相機進勦萬勿稍遲善祿由永城帶兵赴援周天爵由宿州前進諒可同時趕到合力進攻務將此股逆匪迅速掃除無任滋蔓

上又命軍機大臣傳諭陸應穀善祿曰鳳陽府城失守

望援甚切善祿所帶之兵諒已早入皖境著卽兼程馳赴鳳陽迅速進勦萬勿稍遲現在調赴援兵惟托明阿當已起程周天爵在宿州尙未出境有緩不濟急之勢著陸應穀將永城現留防兵酌撥趕令前進爲善祿後路應援其陝甘後起官兵亦不可再行截留務須先其所急相機調遣皖境安則豫境亦安不可稍分畛域徒誤事機

勦平粵匪方略卷三十六

三

上諭內閣曰李嘉端奏鳳陽失守覽奏深堪痛恨逆賊自滁州臨淮關直趨鳳陽於四月二十一日酉刻府城失守巡撫李嘉端署藩司奎綬均著革職留任迅卽督帶調到各路兵勇併力攻勦相機克復所有該府城內文武官員如何下落卽著迅速查明具奏

欽定剿平粵匪方略卷三十七 癸丑年

五月初一日乙巳兼署閩浙總督福建巡撫王懿

德奏言臣前因湖北武昌被賊攻陷深恐賊氛

漸熾蔓延他省即與兼署督臣怡良密商通飭

閩省水陸各營各按兵額挑選三分之一以備

臨時調用茲聞逆匪由九江安慶等處竄擾江

甯距閩雖覺稍遠而浙省切近江蘇其勢實更

剿平粵匪方略卷三十七

一

可虞閩浙係屬聯疆交界各處亟宜未雨綢繆

查浦城縣所屬楓嶺等隘直接仙霞嶺為由浙

入閩門戶該處山高路窄險要異常若能鎮以

重兵不難出奇制勝臣當飛咨福建陸路提臣

炳文到省面商即令前往該處扼要駐紮仍就

近分調延建各營兵由該提臣統率調遣如續

有調派即一面行文一面咨臣具奏總期迅速

無誤不敢稍涉拘泥奏入

上諭曰炳文到防後將道路遠近地方情形專摺詳細

具奏設軍情緊要即一面奏聞一面札調就近官兵

以資守禦斷不可事事會該署督致誤機宜此摺寄

與炳文看

同日陸應穀奏言賊匪現在鳳陽其北竄之路

由天長六合至桃源為一路由宿州至江南徐

剿平粵匪方略卷三十七

二

州河南永城為一路沿淮而上至陳州之周家

口為一路由蒙城亳州直走汴梁為一路若由

舒城六安則河南之固始光山信陽處處皆通

是河南之防堵較多於他省而喫重亦倍於他

省其間光固等處距賊較遠惟歸德陳州偏近

賊氛查歸德所存兵勇不及二千名空虛太甚

實不足以資抵禦惟有籲懇

天恩俯念防堵緊要准將定邊營兵七百名甯夏營兵

五百名暫留歸德俟續有兵到再行酌量留遣

且歸德爲適中之地既可屏蔽省城又可接應

鹿柘沈項等處臣擬卽駐紮歸德較爲扼要奏

八

上命軍機大臣傳諭陸應穀曰昨因鳳陽府城失守會

諭令善祿兼程進剿並諭該撫將永城現留防兵酌

欽定剿平粵匪方略卷三十七

三

撥前進毋庸截留陝甘後起官兵本日據陸應穀奏

稱歸德存兵無多請將定邊甯夏營兵暫留歸德俟

續有兵到再行酌量留遣自係爲防堵緊要起見惟

鳳陽要地業已失陷正須各路大兵合力兜剿前後

赴皖之兵合計雖有七八千名其相去較遠者恐一

時未能趕到儻該處兵力不敷防剿致賊他竄則裏

脅愈多賊勢益張更將滋蔓難圖該撫仍當酌量情

形統籌全局總宜先其所急切不可稍分畛域致誤

事機該撫現已馳往歸德扼要駐紮卽著妥爲布置

相機調遣無稍疏虞

上又命軍機大臣傳諭李德曰前因賊擾滁州意圖北

竄當經諭令李德派兵嚴防徐州要地保衛糧臺諒

已督辦妥協布置周密矣現在鳳陽失守徐州萬分

喫緊著李德卽督飭帶兵各員扼要駐紮嚴密防堵

欽定剿平粵匪方略卷三十七

四

以爲皖省聲援後路續到官兵應如何改道行走不

致紆折遲誤卽一面飭知地方官妥爲應付一面咨

明帶兵大員督催前進萬不可稍涉拘執致誤事機

初二日丙午王懿德奏言粵匪竄擾江甯浙省之

備禦宜嚴閩省之籌防亦不容緩特以處處設

兵防不勝防且聞逆賊未到之先每有本地奸

匪設計搖惑故欲破奸計必先固民心欲固民

心莫如舉行團練惟非公正紳士交相勸勉董率而力行之則小民觀感無由又誰肯居安思危為有備無患之計相應請

旨即飭在籍之福建紳士尙書銜廖鴻荃等會同籌辦團練事宜以補兵力所未逮總期官民聯為一體不致滋生事端奏入得

旨允行

聖學聖方略卷三十七

五

同日周天爵呂賢基奏言賊匪初竄浦口不過二三千人沿途裹脅勾結不止倍於正賊現據稟探賊匪竄擾鳳陽府縣兩城仍踞臨淮並分股竄擾懷遠難保不別懷詭計此時續到漢中兵五百餘名善祿所帶駐紮永城之兵已到六七百名即令其暫於宿州南路附近安營與臣呂賢基面商防禦事宜臣周天爵督同舉人臧

紆青帶兵由固鎮懷遠等處四面圍剿臣呂賢基已令員外郎孫家泰帶勇二千協同壽春鎮總兵玉山赴鳳陽會剿儻該匪等聞風畏懼舍臨淮而他竄臣周天爵即跟蹤進剿並於沿淮上下分撥兵勇擇要堵截以期滅此醜類惟現在兵力尙單不敷堵剿查有慧成所轄之西安漢中固原等處官兵計可陸續到宿勢不得不

聖學聖方略卷三十七

六

先其所急暫濟燃眉况現在鳳陽一帶待援甚急但使淮北一路稍可敷衍仍須分兵李嘉端藉資防守周天爵又奏言賊踞臨淮雖屬分股實其精神所專注臣駐兵淮北已據上游現撥兵屯於十里城等處賊自不能泝淮直上並可出兵夾擊一鼓殲滅所可慮者賊由裕溪口入巢湖以通

餉道並分股接應鳳陽上沂淮河下通洪澤以裕餉源若兩者俱不得手則必全力直趨黃河決計北上是河北安危形勢不在清江一路而全歸徐宿矣現在安省淮北一帶止有臣截留之客兵與宿遷舉人臧紆青赴援之練勇倉卒支特暫救燃眉臣於無可奈何之際輾轉籌思惟有刑部侍郎奕經及奕紀兩人臣皆知其心

欽定剿平粵匪方略卷三十七

七

地質直當此逆賊北竄防剿需人相應請

旨飭下奕經等迅赴徐州於黃河南北兩岸嚴查奸細

督拏土匪與臣等互相應援奏入

上命軍機大臣傳諭周天爵呂賢基奕經托明阿李嘉端善祿曰本日據周天爵等奏督同舉人臧紆青統帶兵勇由固鎮懷遠等處圍剿呂賢基亦令隨帶司員孫家泰帶勇二千協同總兵玉山赴鳳陽會剿此

時善祿統帶之兵及陝甘官兵計已趕到並著周天爵酌量調遣托明阿想亦帶兵馳抵該處賊黨多係土匪乘其大股未來紛竄未定之時著周天爵會同托明阿等迅為布置四面兜剿萬不可任賊他竄到處勾結再滋蔓延現在賊踞臨淮徐州一帶關繫緊要卽著奕經帶兵前往扼要駐紮與周天爵等互為聲援堵賊北犯仍一面防其竄越清江之路周天爵

欽定剿平粵匪方略卷三十七

八

係特派剿辦賊匪大員誠懼朕所素知一切調度自能與該侍郎將軍巡撫等籌度緩急相機應變無待朕再三諄諭也奕紀前已有旨交恩華差遣委用矣同日楊文定奏言四月二十日臣由大港移舟丹徒鎮港口維時和春已知照提臣鄧紹良由陸路進擊一面會商葉常春等督率艇師起碇惟夾板商船究因船身笨重不能挽動暫泊焦

山門下其餘艇師各船由焦山口甘露寺至鎮城大馬頭一帶見各處停泊賊船百餘隻當即開礮迴環轟擊賊船亦揚帆開礮拒敵岸上賊設礮臺並連開大礮我師隨攻隨進擊壞賊船三十餘隻燒燬十餘隻轟斃沿岸逆匪數十名賊船不能抵禦急行返權竄往上游各船水勇乘勝追至瓜口復轉戰多時因風轉西艇師不

聖朝方略卷三十七

九

能再進二十二日早風色正北偏東其勢甚大各鎮將督率艇師及夾板商船又復揚帆進攻時提臣鄧紹良亦由陸路統兵向鎮城攻擊惟甘露寺山上築有木城一道內有賊營六座礮臺多座該逆早於營外整隊排列搖旗吶喊連開大礮我船冒險直前開礮轟擊各匪紛紛倒地餘俱逃竄入營本擬即攻瓜口無如由鎮至

瓜乃由南轉北本日風逆不能上駛仍轉至南岸一帶攻擊該逆勢難支持分股繞出又被擊斃無數臣查瓜口賊船雖止百餘隻難保不去而復來至鎮江城垣該逆俱加築高厚池亦鑿深東西南三面均無營壘獨於北面臨江建營寨設礮臺豎木城自係深畏水師加意警備第水師不能登岸難以拔取城垣勢必由陸路設

聖朝方略卷三十七

十

法進攻始能得手臣前赴陸營與提臣鄧紹良面商據稱總以三千斤大礮一尊轟城為要臣恐鎮城非一礮所能拔隨商聲東擊西之計分營晝夜輪擊俟其稍懈然後一鼓咸登剋期收復再浙江藩司麟桂遵

旨來江與臣督率礮船現已於四月二十二日到丹徒港水營會籌一切

同日雷以誠奏言臣於四月二十日自清江浦起程路過淮安府高郵州寶應縣皆親赴城中查閱城垣均屬可守惟揚州環攻兩月之久尙未收復賊匪又分竄臨淮滁州查係由揚城竄出至浦口時黑龍江官兵不戰自潰至裏下河十州縣地方遼闊港汊紛歧下游處處可以通江上游則直達清淮儻一爲賊擾則清淮三面

欽定剿平粵匪方略卷三十七

十一

受敵北上之路更難防禦是保守下游乃目前至急之務臣擬先就裏下河一帶布置周密必使能守而後能戰再黃河南北兩岸現有宗室突經楊以增合力防堵但臨淮關旣失盱眙洪湖順風一日夜直抵蔣壩尤宜防守嚴密現經河臣分派兵勇前往仍請飭加意慎重毋稍疏虞均奏入

上命軍機大臣傳諭雷以誠曰現在逆匪分股竄擾滁州臨淮關鳳陽等處沿河地方十分緊要雷以誠係特派巡查河岸大員仍著會同楊以增認真查閱嚴防各處渡口以杜奸匪偷越毋稍疏虞至各州縣應如何設法防堵嚴密布置卽知照琦善慧成等妥速籌辦

上又命軍機大臣傳諭向榮怡良許乃釗鄧紹良和春

欽定剿平粵匪方略卷三十七

十二

麟桂曰現在各路師船會集江面所調三千斤大礮想已運到急宜乘勝進攻該大臣務卽督飭鄧紹良和春麟桂等統帶水陸兩路將弁合力進攻掃除江面賊船使江甯鎮江逆匪不能相顧勦辦自易得手至竄擾滁州臨淮之賊前據慧成奏稱係由金陵分股茲據雷以誠奏稱係由揚州竄出此股逆匪現已竄入鳳陽不可不杜其來路著該大臣等迅速偵探

賊蹤派兵堵截絕其後路應援自無難盡數殲滅本日已諭令琦善等嚴密查拏設法防剿該大臣等總當統籌全局無論江南江北務須不分畛域一體知照嚴防該逆竄逸是為至要

上又命軍機大臣傳諭琦善陳金綬勝保慧成曰逆匪分擾鳳陽仍踞臨淮前據慧成奏稱係由金陵分股本日復據雷以誠奏滁州臨淮之賊係由揚州竄至

聖朝方略卷三十七

十三

浦口等語究竟此股逆匪由何處分出自應偵探明確防其續竄之路本日已諭令向榮等查探嚴防矣賊情詭譎異常避實擣虛是其慣技且時有奸細出城探聽消息彼知大兵均在揚州一路堅拒不出牽掣我師而以夥黨竄越滁鳳一帶若不截其江口竄路恐我軍圍困孤城賊勢已蔓延徐宿軍情緩急殊難遙度該大臣等務當隨時偵探迅圖克復揚城仍

須統籌水陸全局淮揚為清江咽喉滁鳳亦徐州門戶所有現到官兵及後路續到之兵應派何人赴援何人接應何處賊情緊急無論江省皖省均應嚴密堵截毋令賊匪竄逸切不可稍分畛域致誤事機

同日張芾奏言前據禮部尙書奕湘奏湖北江西徧山產木可隨時砍伐等語臣查江省雖亦產木之區較楚省不過十分之三近因逆匪滋

聖朝方略卷三十七

十四

擾各商裹足急切殊難購辦祇有權用停運漕船於小孤山一帶江渚聯泊環以木簞即於木簞上紮立木城又於木城外連排大竹敲斜遮護足禦一切火器內駐兵勇多設礮位以資堵擊此外另紮小筏以備各種火攻之法但木簞非剋期能辦即擬以現難解京之額木借應急需當飭將此項木植運往湖口紮簞與所謂漕

船相爲輔翼現時大營屢獲勝仗恐賊四竄必須嚴防非厚集重兵不能制勝目下江省無兵可撥就近而論惟兩湖之兵一水可通移緩就急亦係爲兩湖外固藩籬之計可否請

旨飭下兩湖督撫酌撥精兵遴委勇敢將官帶領馳赴東西梁山及四合山裕溪口等處會同周天爵調度以堵爲勦臣所備糧船木簞並駐紮兵勇

欽定剿平粵匪方略卷三十七

十五

仍可駛往下游爲進攻應援之助奏入

上命軍機大臣傳諭張亮基崇綸張芾曰張芾奏籌設江防權用停運漕船借用解京額木編造木簞並請飭兩湖督撫酌撥兵弁赴東西梁山等處會同周天爵堵剿等語該逆被勦窮蹙難保不竄回上游自應先事籌防而此時又難紛紛徵調重煩兵力著該督撫各就地方情形擇要布置設一旦賊匪竄出不能

揚帆上泝方爲有備無患

初三日丁未琦善陳金綬奏言前因逆賊分股由

滁州北竄已嚴飭西凌阿等迅速跟蹤追勦並飭浦口六合儀徵等處官兵加意嚴防各路要隘以杜該逆後路接應俾竄擾鳳陽股匪黨孤勢蹙易於殲除頃接西凌阿等報稱本月二十二日賊匪回竄至滁州十里山岡地方經西凌

欽定剿平粵匪方略卷三十七

十六

阿等督帶官兵與賊接仗殺斃賊匪數百名賊卽潰亂惟該逆詭譎多端恐仍乘虛奔突臣等酌量緩急欲逆賊之迅就撲滅先須斷其策應今艇船止二十餘隻加以舫船巡船三板船亦止四十餘隻似不能擊毀無數賊船而臨淮以北直達徐宿靈壁以南固鎮王莊一帶與臨淮較近且當北路之衝臣琦善已飛咨周天爵托

明阿督帶兵勇進駐固鎮王莊等處合力迎擊以免賊匪渡河北竄並咨呂賢基李嘉端探明賊蹤隨時就近知會以便兜剿其臨淮以南滁州等處有黑龍江馬隊跟蹤追擊至北岸上游和州亦通大江要路實在無兵可分其浦口六合儀徵等處防堵官兵原杜逆賊接應若一經調動賊必上岸分擾爲害甚烈是北岸防堵之

聖朝方略卷三十七

十七

兵尙形單弱萬不可稍有調動而臨淮有河阻隔不能從滁州尾追且迤東可以直達揚州抄我兵後路又可循洪澤南岸繞赴清江一帶臣琦善已囑勝保酌帶兵勇由天長盱眙斜趨臨淮阻其繞赴揚州清淮之路卽與托明阿合力痛擊兼可就近督催西凌阿等進剿總期及早殲滅使該逆不敢再萌北竄之心至攻剿揚城

自二十一起迄今七晝夜未嘗少息二十二日酉刻該逆從南門突出二三百人意在逃竄經派防南門蔣王廟一帶之侍衛德興阿等帶兵迎擊該逆旋退入城二十三兩日總兵雙來等復將天甯門一帶城堞轟塌十餘丈轟缺城身數處該逆仍隨時補築抵死抗拒頃探得自江甯駛來賊船一百餘隻在瓜州停泊臣等

聖朝方略卷三十七

十六

恐其順流而下必先將江面攔截使賊聲氣隔絕無接濟應援之路然後可望成功再前此黑龍江官兵在浦口遇賊情形雖未能竭力堵禦然以臣細覈情節是西凌阿明慶遇敵在前烏凌額魁福帶兵在後俱與賊接仗屬實嗣逆賊由浦口分股上竄滁鳳臣恐其意圖北竄急商令勝保統帶兵勇馳往臨淮一帶兜剿惟各路

帶兵俱係大員必待往返函商殊失事機並請旨飭令勝保酌量情形緩急無論何項官兵一面咨明

臣琦善一面就近飛調以期於事有濟奏入

上諭曰勝保帶兵馳赴安徽甚妥江南賊船陸續駛來江北顯係東西兩路牽掣我軍揚州城必須及早克復以杜彼覬覦之心至黑龍江官兵戰敗情形似帶兵官心不齊以致各不相顧勝保著准其酌量調撥

欽定剿平粵匪方略卷三十七

十九

不必處處札商汝與慧成兩路總得聲息相通方能
有濟

同日署四川總督慧成翰林院侍讀學士晉康

前任江蘇按察使查文經奏言臣等抵灣頭後

於二十四日三更整隊前進直攻揚州東門因

聞南門忽開恐其潛襲我後卽於二十五日未

刻收隊回營臣晉康查文經親自督師察看城

頭旗幟紛布守城賊隊並不忙亂恐其暗有準

備非僅虛張聲勢查西北城門久閉僅留南門

似欲乘機南遁而另股則北擾滁鳳臣慧成奉

調西北官兵僅到一千九百五十名以之防堵

北路兵力實形單弱且東路霍家橋仙女廟一

帶上可旁趨清淮下可偷渡蘇常均須分撥兵

勇駐紮然愈分愈單惟有仰懇

欽定剿平粵匪方略卷三十七

二十

皇上天恩俯准飭催前調各兵星速前來以資接應儻

揚州東北兵力不能厚集他處又復紛紛截留

一有疏虞在臣等固不足惜而清淮震撼北竄

堪憂矣奏入

上諭曰豈有同是此賊皆攻此城兩軍聲息並不相通

之理賊雖無大技而死黨心堅官軍雖盈千累萬各

不相下無怪乎我軍勢散難禦飄忽之逆匪也

上命軍機大臣傳諭琦善陳金綬勝保慧成曰昨據琦

善等奏於四月二十等日進攻北門之東城門轟塌

城堞等情茲據慧成奏抵灣頭後於四月二十四日

進攻東門該匪負隅死守並未敘及琦善是否同日

會合攻剿該署督與琦善共圍一城自應互相知照

聲勢聯絡同心合力迅殄賊氛方為不負委任朕以

江北諸軍統歸琦善節制調度又恐大兵進攻賊匪

窮蹙乘間北竄復命慧成督兵馳抵淮徐一帶為人

軍應援是慧成統帶之兵即係琦善等軍營接應之

兵無論江省皖省東西兩路均應隨時偵探擇要調

遣防賊北竄今觀所奏不但置滁鳳於不問即與琦

善等軍營聲息亦似絕不相通殊不可解至所稱賊

匪似欲南遁而另股則北擾滁鳳復稱東路一帶上

可旁趨清淮下可偷渡蘇常究竟現在賊匪欲出何

路南遁由何路北竄是否偵探確實如何派撥準備

所奏均未明晰該逆以烏合之眾尚能結成死黨日

久負隅大兵徵調不為不多而統兵者竟似各不相

下且但知將續調之兵統歸一路而不顧他路之或

有疏虞所謂統籌全局者安在耶現在揚城之賊如

何可以攻克江口之賊如何可以截斷東路要隘如

何設防西路滁鳳一帶賊匪如何急圖剿滅琦善總

統諸軍責無旁貸陳金綬勝保均係幫辦軍務慧成

經朕特簡督兵為大軍聲援值此軍情萬分緊急之

時朕南望焦憂寢食俱廢尚何暇各持意見耶該署

督此次摺報晉康查文經竟似幫辦軍務慧成尚非

糊塗無知何遽出此耶總之江皖東西兩路肅清賊

匪惟諸臣之功儻調度失機致賊北竄亦惟諸臣之

罪朕惟知賞功罰罪無取空言也

聖朝方略卷三十七

三

聖朝方略卷三十七

三

初四日戊申向榮許乃劄奏言賊勢縱橫皆由江面船多所致屢蒙

皇上訓示火攻之法至再至三無微不至臣等愚見以

爲焚燒尤宜散遣四月十八十九等日觀音門外各賊船忽行忽止日凡數變水手無所適從

臣等委已革知府陳景曾遊擊蔡應龍及本地紳士前往該處諭以大義給以免死路票並帶

欽定剿平粵匪方略卷三十七

三

官兵接應至二十二日各船戶遂與該逆決裂各將船隻焚燒自寅至午火光不絕燒斃押船長髮賊無數此外各船有由夾江開往大江零星逃散者統計不下一千數百隻散遣水手不下一萬餘人此皆城北觀音門外散遣各船情形也惟是三山石城兩門及江東柵欄等門停泊船隻多踰數倍聞其中尙有該逆輜重防守

更嚴恐城北各船解散情事尙未周知或仍聽迫脅駛赴上下游滋擾尤須勦撫兼施現又疊經散給告示儘能一律散盡該逆江上無船可通則南北之路中斷賊膽愈寒陸路更得手矣臣等仰體

皇上好生之德使各省被難船戶人等不致橫遭焚斃而賊黨從茲解散江面可望肅清至下游艇船

欽定剿平粵匪方略卷三十七

三

共到七十餘隻一遇東北大風即可上駛攻擊至上游礮船之外雖已添設大小木簕惟江水日長江面愈寬若賊船大隊揚帆擁上恐礮船爲數無多尙難抵禦臣向榮已疊飭總兵和春俟有順風卽統帶艇船二十隻駛至上游與礮船會合防剿不敢因解散已有成效而於攻擊之事稍涉鬆懈也奏入

上諭曰如此辦理甚好攻剿之力不可稍懈慎之慎之

同日楊以增奏言清江背河倚湖既為各路衝

要又為南北咽喉自賊竄滁鳳以後臣與奕經

托明阿熟商遏賊分竄必須水陸兼防惟洪湖

周圍數百里水面則波濤浩淼陸路則灘岸迴

環現在兵力較單且無戰艦若俟其入湖而後

議剿制勝甚難查盱眙縣之浮山與對岸泗州

聖朝聖訓卷三十七

三

之潼河相距僅二里許水面較窄但能兩岸嚴

守匪船自不能飛越然清江在洪湖下游滾湖

各處不能不嚴益加嚴現經知縣吳棠雇募湖

船水勇排泊湖內與洪湖營兵互為應援聲勢

頗壯臣原擬月內與奕經輪流前往盱眙浮山

口駐防惟聲東擊西是賊慣技不可不豫為計

及現在各處精兵均趨西路清江尤為緊要自

當遵

旨偵探賊情與奕經隨時相機防剿並繪具洪湖圖貼

說敬呈

御覽奏入報

聞

初五日己酉慧成晉康查文經奏言臣等拏獲奸

細嚴愷訊據供稱逆匪現議挖掘地道意圖劫

聖朝聖訓卷三十七

三

營槍礮等語臣等一面知會琦善等大營一面

由臣晉康臣查文經分帶旗綠各營整隊前進

臣慧成親自督隊並派副都統常清隨赴東南

一帶埋伏伺其出城迎擊四月三十日果有賊

匪偷搭浮橋由天甯廣儲兩門地道豕突而出

幸琦善勝保等早有準備出賊不意奮力攻擊

殲賊千有餘名賊匪奔回爭渡擠折浮橋墜河

死者不計其數未渡之賊復被我兵截殺無遺
臣等因賊匪詭詐西北受創必折回東南正在
嚴防間卽見賊匪多人由東關城上盞擁而來
臣等速放槍礮火箭燒燬望樓擊死賊匪無算
城上人旗旋即藏匿是否故示虛怯抑係潛圖
南竄均未可知當卽選派勁兵一千名偃旗息
鼓前赴南門外嚴家窪地方以扼旁竄

聖恩俯准於後路續到清江之吉林兵及熱河綏遠歸

三五

慧成又奏言臣連日接奉

諭旨命臣與琦善等迅圖克復揚州並統籌水陸全局
以遏北竄惟現在東北兵力太單僅有官兵二
千臣所謂後路各兵已被紛紛截留目下攻擊
揚州事在垂成儻該逆乘虛竄突深爲可惜惟
有仰懇

聖恩俯准於後路續到清江之吉林兵及熱河綏遠歸

化等處官兵酌量抽撥二三千名庶可外禦鎮
江內攻揚郡不令窮寇四竄以顧全局奏入

上命軍機大臣傳諭琦善陳金綬慧成曰逆匪欲窺東
北城地道意圖劫營槍礮經慧成等拏獲奸細訊出
賊情卽速知會琦善等大營俾有準備出賊不意擊
斃及墜河死者不計其數逆匪受此大創技窮勢蹙
惟據稱城上人旗旋即藏匿難保不另作詭謀希圖

聖恩俯准於後路續到清江之吉林兵及熱河綏遠歸

三五

他竄該署督已派兵一千名前赴南門外嚴家窪地
方扼賊南竄之路所慮亦尙周密勝保現已統兵往
剿滁鳳賊匪琦善陳金綬慧成等務當趁此聲威同
心協力督飭各路兵勇四面圍攻剋期收復昨據向
榮等奏設法焚燒賊船千餘隻遣散船戶水手約萬
餘人若將江面賊船截斷令賊南北不能兼顧則三
城更易克復該大臣等仍須互相知照毋失事機至

慧成請於續到清江各兵酌量抽撥二三千名此項官兵原為江北後路策應而設現在滁鳳一帶勦賊亦關緊要除托明阿奕經等所帶各兵外即著琦善與慧成於續到之吉林等處官兵內酌量調撥擇要布置總期揚城兵力足資攻勦而滁鳳徐宿之間亦不致稍有疏虞方為妥善

同日雷以誠奏言查清江浦並無城郭又非要

聖學聖方略卷三十七

五

隘臣在清江時本無一兵一卒即稽查黃河渡

口大權盡在河臣不過按日據各屬稟報一次

大半具文因聞逆賊竄擾浦口六合犯及滁鳳

等處竊計揚州諸軍必有前後莫顧之勢又聞

諸軍現皆缺餉臣體察事機不敢置身局外是

以奏請親赴淮揚各處巡查直抵揚州以期聞

見確實臣現駐仙女廟距揚城甚近甫募之勇

教練未熟所以不辭艱險保守裏下河者因募勇籌餉尙有可為不特為清淮東路門戶且以牽制逆賊北竄之路總期合力堵禦以遏兇鋒奏入

上命軍機大臣傳諭雷以誠曰揚州裏下河一帶地方遼闊自應妥為布置以防賊匪竄逸該副都御史既稱募勇籌餉尙有可為即著迅速籌辦仍隨時知照

聖學聖方略卷三十七

三十

琦善慧成一體嚴防至稽查黃河渡口最關緊要雷以誠係特派大員豈得任聽各屬一稟了事現在揚州賊勢已蹙難保不分遣匪黨四路窺探著雷以誠一面設法保衛裏下河地方一面同楊以增等嚴密巡查河岸如有奸匪偷越立即掩捕無稍疏虞

初六日

庚戌

琦善陳金綬勝保奏言逆賊於四月

三十日由天甯門旁暗門突出千餘人用木架

搭浮橋頓時過河勢甚猖獗復從廣儲門北門竄出多賊分東西兩股夾擊另股從旁斜行衝突經總兵雙來等分投兜剿始則槍礮齊施繼則刀矛相接該逆三退三進拌死抗拒雙來親執大旗奮力先趨眾弁兵踴躍齊上殲斃一千餘人生擒四十餘人復經李英魁等分投截殺或數百名至數十名不等該逆回竄擁過浮橋

欽定剿平粵匪方略卷三十七

三

木梁折斷紛紛落水淹死無數未能渡河之賊全行殺盡至西門之賊雖亦偷窺暗門並未竄出此次接仗統計殲斃淹死者不下三千餘人實屬大快人心惟聞新江口江面逆船乘風揚帆駛過三山江面不知何意臣等仍當設法攻剿不敢稍遺餘力奏入

上諭曰雙來屢次出力實屬奮勇著賞給白玉翎管一

支隨報發去

同日陳啟邁奏言前據慧成奏請移糧臺於宿遷臣查徐州人心因皖省警報疊至頗爲震恐若將糧臺遽行挪徙必更驚疑臣與徐州道王夢齡再四熟商不能不示以鎮定一面馳稟臣慧成臣李德迅撥援兵一面就存城兵勇酌量布置其黃河各渡口所派官弁嚴檄加意查察

欽定剿平粵匪方略卷三十七

三

旬日以來輿情漸就安帖嗣接皖省疊報逆匪滋擾鳳陽後仍在臨淮屯踞因聞重兵雲集四面會剿有分股西竄之信又有逃赴泗州謠傳宿遷距泗僅踰百里現在托明阿已由北路帶兵迎頭截擊李德亦馳赴宿遷臣俟東三省官兵需用鍋帳各項趕緊督造完備再將糧臺移紮就近供應前路但賊蹤靡定仍當隨時察看

情形未敢拘泥以昭慎重而免疏虞奏入

上命軍機大臣傳諭陳啟邁曰逆匪竄擾滁州鳳陽經周天爵等督兵圍剿現在勝保亦由揚州率兵進擊其揚州賊匪疊經琦善慧成等攻勦獲勝辦理正在喫緊之時糧臺支應最關緊要必須擇地安頓保衛無虞著陳啟邁隨時察看情形是否仍須駐紮徐州抑當移於宿遷就近供應隨時酌量辦理

聖朝聖方略卷三十七

三

聖朝聖方略卷三十七

四

初七日辛亥陸應穀奏言本月初二日接據探報賊匪竄至蒙城滋擾約有一萬餘人賊船三四百號查蒙城距亳州僅一百數十里豫省歸德陳州所屬半與潁亳等處毗連賊匪若由蒙城西向則商邱鹿邑陳州均屬喫重且亳州為入

豫門戶該州兵勇無多臣已飛飭參將苗樟管帶山西官兵馳赴亳州之北以為應援臣將歸

德應辦事宜料理完竣即行親督兵勇前赴商邱之宋家集扼要紮營該處係入汴省及至歸德要道並可兼顧鹿邑永城設有警信即行迎前截擊並一面飛咨周天爵善祿各帶兵勇前赴蒙亳太和交界之雒河集併力會剿以期一鼓殲滅陳州駐兵甚單且無大員統率臣又飛咨南陽鎮臣柏山挑帶精兵星馳前往適中要隘駐紮巡防賊匪現已北竄安徽宿州等處無須重兵河南為直隸秦晉藩蔽關繫甚重臣所帶兵勇僅止三千有餘不敷布置所有調赴山東之未到陝甘官兵一千五百餘名相應請旨一併截留豫省調遣以資防堵奏入

上命軍機大臣傳諭陸應穀曰該逆自竄擾鳳陽後退踞臨淮復斜出蒙城裏眾西竄是明知徐宿一帶援

兵踵集又爲此聲東擊西之舉祇須合力兜剿萬不至直撲汴梁該撫現擬馳赴商邱之宋家集扼要堵截並先派參將苗樟往亳州以北援應復咨總兵柏山前至陳州一帶適中駐紮著卽相機調度擇要防剿後起未到之兵亦卽飛催前進留備堵擊仍與周天爵等合力兜截切勿以有用之兵零星分布轉致單弱前據向榮奏查獲金陵城中賊首寄江北偽諭

欽定剿平粵匪方略卷三十七

三

有林瀛詳李開芳吉汶元等賊目姓名察其語意是賊匪後路無援專以裹脅爲事該撫卽體察確探絕其裹脅之路則賊勢自孤剿辦當可得手

上又命軍機大臣傳諭恩華曰本日據陸應毅奏探聞賊由西路竄擾蒙城該撫已親帶兵勇在商邱一帶防堵該尙書現帶官兵前赴淮徐著卽於沿途確探賊蹤如徐宿緊要卽著督兵前進爲周天爵等後路

應援儘該匪全行西竄河南歸德等處情形喫重著卽馳往會同陸應毅督剿務當先其所急毋失事機上又命軍機大臣傳諭周天爵呂賢基善祿李嘉端曰逆賊竄擾蒙城豫省防堵喫緊陸應毅已帶兵勇前赴商邱之宋家集扼要駐紮周天爵此時督帶兵勇馳抵何處善祿想已由永城入皖著卽探明賊蹤所至迅速督兵截剿趁該匪等奔突無定之時一鼓殲

欽定剿平粵匪方略卷三十七

三

除勿令再行滋蔓本日已諭令托明阿奕經各帶勁兵星馳進剿復令江忠源帶領楚勇會同夾擊其臨淮鳳陽現在匪黨盤踞情形如何琦善所派黑龍江馬隊是否能從後追擊絕其來路此股賊匪竄入皖境爲數本少所稱萬餘人多係裹脅或土匪勾結如能設計解散四路兜擒尙不難於掃蕩切勿稍涉延緩致誤事機

上又命軍機大臣傳諭奕經托明阿曰前以賊匪竄擾鳳陽節經降旨令托明阿帶兵迎擊復令奕經督兵繼進本日陸應毅奏賊匪於本月初二日竄至蒙城該撫親帶兵勇前赴商邱之宋家集扼要駐紮惟截留各兵僅三千餘名兵力尙單等語現已諭令周天爵善祿各帶兵勇扼要會剿復令恩華於後路接應江忠源星速赴皖相機進攻著托明阿奕經確探賊蹤何路緊急卽由何路督勦該匪紛竄未定撲滅尙易爲力務期及早殲除不致再有延蔓

上又命軍機大臣傳諭江忠源曰前因賊匪竄擾滁鳳一帶曾降旨令江忠源帶勇迅赴鳳陽會同勦辦本日據陸應毅奏探聞賊竄蒙城逼近豫省江忠源此時想已管帶楚勇馳入皖境著於沿途探聽賊蹤所至或從後抄擊或迎頭攻剿該臬司素悉賊情諒能

聖學聖略卷三十七

三七

聖學聖略卷三十七

三

相機迅速應援務將此股賊匪剋期殲除勿任其西竄豫境北竄徐宿是爲至要

欽定剿平粵匪方略卷三十八 癸丑年

五月初八日 王奕經奏言 臣前在清江浦駐紮

將密雲兵一千名分駐黃河南北兩岸並會同

河 臣楊以增就近布置嗣因賊竄臨淮徐州緊

要卽赴徐州防堵迨托明阿到浦接奉

諭旨無論何人所帶之兵迅卽帶往應援等因旋將分

駐清江浦之密雲兵五百名由托明阿抽帶前

剿平粵匪方略卷三十八

一

往茲據琦善咨稱四月二十八日轉准安徽撫

臣李嘉端咨開據報鳳陽府城被賊攻破急待

援兵飛咨 臣統帶官兵援剿 臣自應先其所急

擬卽帶密雲兵四百三十名趕緊拔營前往惟

兵力太單難成隊伍如前路遇有徵調官兵可

否由 臣添帶數百名以資攻剿

同日楊以增奏言前奉

諭旨准 臣調安徽留防山東兵二千名現僅陸續到浦

七百餘名經 臣派往浮山口防守其餘各路官

兵均爲徐州安徽截留統計王營清江祇有密

雲兵五百名若再調出民心必先驚動關繫匪

輕茲接奕經咨會轉准琦善咨照迅速帶兵馳

往鳳陽援剿在奕經旣奉調派不敢不拔營前

往惟清江最要之地軍火糧餉所儲且平日商

剿平粵匪方略卷三十八

二

賈輻輳久爲賊所覬覦豈可不留一兵現據道

府廳縣會稟以清江喫緊請留兵保衛等情 臣

維賊之慣技在避實擊虛我之大患在顧彼失

此以清江如此重地當萬分喫緊之時不容稍

有破綻必待賊至而始爲防則已措手不及是

清江之兵應添而不應減奕經之在清江當留

而不當去惟有仰懇

皇上天恩准留奕經駐紮清江民心藉資鎮定均奏入
上命軍機大臣傳諭奕經楊以增曰賊匪竄擾懷遠蒙
城該處東西兩路與宿亳接壤昨降諭旨令托明阿
奕經確探何路緊急即由何路督兵進剿茲據奕經
奏已帶密雲兵四百餘名趕緊拔營前赴援剿著即
迅速兼程前進與托明阿所帶各兵會合兵力自不
致單弱並與周天爵等協力夾擊不必再折回清江

勦平粵匪方略卷三十八

三

徒多往返至清江浦地方為淮揚後路水陸衝途自
宜扼要嚴防著楊以增將現有之山東官兵及本境
防兵與所募練勇酌量分撥妥為防守琦善總統北
路諸軍慧成恩華所帶之兵均歸調遣該河督即咨
商該大臣就近於續調之兵酌撥調度或一面與李
德熟籌彼此互為聲援呼應可期得力

同日周天爵呂賢基奏言據探四月二十八日

經撫臣李嘉端督飭署藩司奎綬及鳳陽府縣
各官帶領兵勇收復鳳陽府縣兩城並探得賊
匪從臨淮鳳陽竄至懷遠旋於三十日竄入蒙
城又於初二二等日竄至蒙城縣西北五十里
之西洋集並探聞該匪欲由亳州直抵汴梁等
語臣等查蒙城東北與宿州接壤距州城僅百
二十里西北與亳州接壤亦僅二百餘里今該

勦平粵匪方略卷三十八

四

匪聲言欲往亳州雖詭謀多詐未可深信惟蒙
亳一水可通一至亳州則與河南之永城商邱
鹿邑等縣密邇距山東單縣亦止一二百里不
等是豫東二省不可不嚴加防守臣呂賢基即
商令提督善祿帶兵由宿州西路直抵亳州將
該匪痛加剿洗臣周天爵分撥兵勇沂渦河而
上追剿並飛咨河南撫臣督兵赴亳鹿交界地

方迎擊以期迅滅醜類奏入

上諭曰昨已有寄諭令汝等相機截剿矣今看汝等奏報情形此股賊匪尙不至謀而後竄果能奮勇殲戮無難掃蕩也

初九日癸丑周天爵奏言臣前聞賊警時卽於渦

河邊築戰牆一道並營壘三座又復請兵募勇三路進攻臨淮孰意四月二十一日賊破鳳陽

欽定剿平粵匪方略卷三十六

五

二十六日由僻道直趨懷遠搶渡渦河焚掠二十八日賊聞臣帶兵在途恐被追及卽於是夜舍舟登陸西走蒙城其尾股之賊悉被兵勇擒斬無遺惟土匪四面紛起假稱鄉勇入城焚掠甚於粵匪臣於初二日渡河擒獲土匪范三等十餘人盡行正法並獲粵匪楊棕傳等五人供稱賊之僞東王李姓更有林吉二姓爲大頭目

本欲北竄徐州因宿州有虎勇駐守不敢北來

改道由懷遠西趨蒙亳直走鹿邑而攻汴梁臣

竊思汴徐爲逆賊北竄要路處處皆有土匪響應而皖省鳳穎一帶土匪尤多且橫臣卽日統

帶兵勇追剿至蒙亳境截其北犯宿徐之路並

沿途痛剿土匪杜其勾結一面分咨陸應穀駐

紮鹿邑托明阿帶兵由黃河南岸迅赴永城琦

善速撥黑龍江兵循渦淮兩岸而上以便三路

欽定剿平粵匪方略卷三十六

六

會剿至臣呂賢基仍帶同袁甲三等駐守宿州並請將過境之陝甘兵暫留宿州以資堵禦西安駐防之馬隊酌撥五百名交撫臣李嘉端在滁州池河驛一帶駐紮另留署總兵吉昌帶固原兵駐守懷城緝拏土匪惟臨淮係通宿徐驛站臣旣西赴蒙亳則東路空虛亟請

飭下侍郎奕經帶兵迅赴徐邳一帶與李嘉端跨淮而守既可遏南來之寇更免 臣東顧之憂

周天爵又奏言據所獲粵匪楊棕傳等供稱正賊不過千人裹脅雖有兩萬號令實不能行又詢賊無大技不過驅難民於前敵至七八隊後始是逆匪若以伏兵邀擊於後可以立盡惟 臣遠在宿州可以比保徐奄而不能兼顧邳宿專治潁州土匪而不能兼顧廬鳳自應變通會勦方合機宜

勦李與匪方略卷三十八

七

同日李嘉端奏言 臣於五月初三日接據江浦縣會勉禮稟稱南岸逆船多隻行至西江口遇向榮水師礮船暫停北岸旋即揚帆駛過三山江面探馬追至烏江地方回報逆船已儘數上駛等語伏查烏江為和州東界其西界則裕溪

口 臣與周天爵呂賢基等屢將此地緊要附摺聲明祇因賊在下游相距尚遠論其緩急自應以防守浦口為先正在設法布置而臨淮之賊

北竄方待粵兵以資追勦不圖又有此股竄擾江干查粵兵即日可抵廬郡安慶兵應仍留守皖城 臣擬令粵兵赴巢縣一帶防堵而以咨留過境之副將沙兆龍統之復調回緝匪之李登洲偕李鴻章各帶練勇前往協勦誠以裕溪為廬郡門戶即為南北咽喉必須於此堵住賊船庶現在北竄之賊不致再添羽翼均奏入

勦李與匪方略卷三十八

八

上命軍機大臣傳諭周天爵呂賢基李嘉端曰前據向榮等奏觀音門外各船與賊起釁各將船隻燒燬統計不下一千數百隻遣散水手萬餘人此次揚帆駛過三山江面各船或者即係向榮等前次遣散之船

亦未可知惟賊情詭譎現在江甯防剿嚴密難保不
意圖上竄且更恐乘虛北來冀與現竄懷蒙之賊互
爲勾結已諭向榮等確切查探隨時嚴防李嘉端擬
令副將沙兆龍統帶粵兵赴巢縣一帶防堵復調回
李登洲李鴻章等各帶練勇前往協剿卽著該撫嚴
飭該員認真堵截毋任賊匪北竄至臨淮賊匪現由
懷遠直趨蒙城一帶周天爵卽日統帶兵勇截其北

聖朝方略卷三十八

九

犯宿徐之路並沿途痛剿土匪杜其勾結一面飛咨
陸應穀托明阿琦善三路派兵會剿又酌撥陝甘馬
步各兵交呂賢基李嘉端吉昌等統帶分駐以資防
剿布置尙屬周妥已諭令陸應穀托明阿奕經等趕
緊探明賊蹤迎頭截擊據稱此股真賊不過千人其
餘多係裹脅沿途逃散不少該侍郎總宜相機設法
將真賊悉數殲擒餘匪自易掃蕩並著呂賢基李嘉

端嚴密堵截飭屬緝拏土匪勿令勾結爲患所稱拏
獲楊棕傳等供稱李姓及林吉二姓爲大頭目與向
榮前奏情形相同著向現獲各犯訊明林瀛詳李開
芳吉汶元等係何處人何時從賊詳細具奏

上又命軍機大臣傳諭陸應穀曰據周天爵奏逆賊竄
擾懷遠蒙城欲由亳州入豫又稱現獲之長髮賊楊
棕傳等供正賊不過千人裹脅雖有兩萬餘人號令

聖朝方略卷三十八

十

實不能行若以伏兵邀擊於後可以立盡等語此股
賊匪勢不甚大若能痛加剿洗則真賊就戮餘黨立
散軍興以來總誤於守而不戰處處設防反致節節
落後賊勢日張伊於胡底著陸應穀督飭文武帶兵
星速前進合力兜剿並知會周天爵善祿托明阿奕
經江忠源等各帶精兵分路剿捕務期迅速殄滅勿
誤事機斷不可以防堵爲名將有用之兵零星散處

轉歸無用也

上又命軍機大臣傳諭奕經托明阿曰逆賊竄擾懷遠
蒙城欲由亳州入豫周天爵即日追至蒙亳截其北
犯之路此股賊匪勢不甚大若使剋期攻剿何至蔓
延為患現由滁鳳擾及懷蒙意圖紛竄儘再遷延時
日賊勢漸熾剿滅愈難奕經托明阿均已督兵赴皖
現據周天爵奏稱已咨托明阿由黃河南岸迅赴永

聖朝方略卷三十六

十一

城奕經迅赴徐邳一帶遏賊南來之路著該侍郎將
軍等即與周天爵隨時知照扼要堵截務期合力殲
除勿任竄逸

初十日甲寅向榮許乃釗奏言臣等自四月二十

二日散遣觀音門外被脅各船仍一面檄調下
游艇船二十號駛赴上游幫同礮船堵禦以壯
聲勢茲據都司楊煥章等稟稱二十七日東北

風起忽見夾江大江有船數十號揚帆直上當

經我軍礮船擊壞多隻餘皆逃回隨又續到百
餘號見我兵船開礮均即落帆搖手挨近北岸
午刻以後風勢愈大又有船千餘號鳴鑼揚帆
蟻擁直前迨三十日賊船出當塗駛至蕪湖礮
船遂分十餘隻駐守蕪湖江口防其竄擾臣等
先慮賊船上竄者一為駛往太平府北岸直趨

聖朝方略卷三十六

十二

蕪湖與鳳陽股匪會合滋擾一為竄踞太平府
城西岸或從蕪湖徑赴甯國阻截糧道窺伺糧
臺或旁趨東壩竄擾蘇杭等處是以二十八日
先派已革提督福興帶兵二千名二十九日續
派參將孔廣順帶兵勇各一千名星夜馳赴太
平蕪湖一帶進剿與前派守護糧臺及駐紮東
壩各兵勇互為聲援一面飛咨琦善等及安徽

撫臣李嘉端一體防範今據報賊船已越太平蕪湖而上未知是何詭謀惟思賊與難民總以有無焚掠爲斷今訪之沿江居民皆無焚掠等事或係脅從思散亦未可知現當克復金陵十分喫緊之際此等上駛賊船未知所往未便以精銳將士徒事窮追轉致大營兵單且金陵爲首逆負固之地拔其本根則枝葉自然萎謝臣

勦平粵匪方略卷三十八

十三

等現已飭各營置備攻具簡選精銳一有可乘之機卽當迅速克復不敢稍有遷延

同日署湖廣總督張亮基湖北巡撫崇綸奏言據探稱金陵城內賊匪多溷難民薙髮而出是其窮蹙思散確有可信現在金陵揚州鎮江三處均有大兵駐紮賊必不敢於兵多之處拌死狂竄惟浦口係北竄要道東壩係南竄要道東

西梁山係由江上竄要道儘三處守禦空虛恐逆賊卽由此免脫又成不了之局江忠源現由九江前進伏乞

指授機宜如臨淮一帶賊已就誅或無關緊要卽請

飭下該臬司擇要駐紮輔以重兵遏賊分竄尤爲得力

並請

旨通飭帶兵將官講求結營築壘之法使士卒有所憑

勦平粵匪方略卷三十八

十四

藉可以與賊相持庶戡定之功可計日待也

同日李嘉端奏言臣因廣濟事平將防堵宿松之兵調回時鎮臣玉山已至懷遠之上審地方四月二十八日聞該逆全數渡淮署藩司奎綬署知府裕恭卽於是日帶領守定遠之兵前往收復鳳陽而攻撲定遠之土匪亦經署令郭師泰擒獲多名正法現在定遠暫保無事惟該逆

北竄之路一由宿州至徐一由懷遠蒙壽至河南在在均關緊要宿州一路有周天爵堵禦兵力較厚懷遠一路雖有鎮臣駐守上窰隘口而單弱特甚臣現擬令李鴻章等選募鄉勇俟粵東兵一到即親督前往協剿並移咨都統西凌阿由池河進兵以備夾擊至奉

旨撥給之兵四千名尙未據周天爵派到湖北臬司江

聖皇聖方略卷三十八

十五

忠源亦尙未報入境合併聲明

同日楊文定奏言總兵陳世忠周士法統帶浙江師船二十隻先後駛至焦山經臣與浙江藩司麟桂總兵和春等議乘風順將艇船進據鮎魚套金山一帶斷賊瓜鎮往來之路浙師堵在焦山遏賊順流東竄之路迨二十八日東北風作頗稱順利乃和春麟桂忽奉向榮札文恐賊

匪回竄飭調和春親帶戰船二十隻前赴金陵免兒磯地方堵擊和春遵札即欲調船前往臣亦有進克瓜州分撥師船直趨金陵之奏惟現在瓜州賊船增多鎮江未復其艇船水勇均係雇募原與兵丁不同聞欲調赴金陵俱以四面受敵爲慮不肯前行麟桂隨於二十九日親赴向榮大營稟商應俟議定再行分撥是日卯刻

聖皇聖方略卷三十八

十六

風轉東南其勢甚大以風色不可多得無論應調何船必先乘時進剿隨差弁前往促戰和春即會商周士法陳世忠等進攻瓜州時提臣鄧紹良亦由山梁出隊各船即起碇揚帆上駛由甘露寺至大馬頭一帶皆有賊營開礮迎敵各艇師直前近岸連照賊營開放槍礮該逆見我師且攻且進將瓜州口外排列多船收入口

內我師從已至申轉戰四時之久統計焚溺賊船三十餘隻奪獲五隻生擒賊匪九名擊斃一百餘名時因天晚北岸亦無兵勇接應隨即撤船於金山上游停泊截斷江面使瓜鎮賊匪聲息隔斷再行設法攻取但此處采入賊境深爲可慮除飭各艇船嚴密防範並嗣後分船進攻以示暇整仍撥回師船十餘隻往泊焦山上游

聖朝方略卷三十八

十七

相爲援應均奏入

上命軍機大臣傳諭向榮許乃釗張亮基崇綸張芾曰江甯觀音門外各船前經向榮等設法遣散千餘隻並船戶水手萬餘人昨據李嘉端奏江南賊船乘風駛過三山江面當諭令向榮等查明是否卽係遣散船隻本日據奏自二十七日至三十日先後有賊船千餘隻由金陵駛過蕪湖並未焚掠復據張亮基等

奏探據金陵城內賊匪多濶難民薙髮而出等語或係脅從思散或竟別有詭謀皆不可知已由該大臣飛咨上游各督撫設法嚴查諒已一體防範此等裏脅之衆並非甘心從逆地方官若能相機解散曉以大義遣令回籍各營生理卽是化莠爲良之法儻操縱失宜偵探不確或妄拏無辜難民轉任真賊漏網必致別生事端反墮奸計又據楊文定奏水師復獲

聖朝方略卷三十八

十八

勝仗進據金山俾瓜鎮賊匪聲息隔絕辦理尙屬得手鄧紹良等業經移營逼近鎮城該大臣等務當趁此機會迅速督飭水陸各營將弁合力勦擊並設法杜賊勾結斷其往來之路則賊勢益孤兵威益壯自可指日克復也

上又命軍機大臣傳諭周天爵呂賢基李嘉端曰據李嘉端奏已將鳳陽收復定遠土匪亦擒獲多名惟該

逆北竄之路在在均宜嚴防等語現在呂賢基駐守
宿州周天爵馳赴懷遠一帶跟蹤追剿李嘉端即可
統帶兵勇相機堵剿仍知照奕經托明阿陸應毅四
面兜撿互為應援又據向榮奏被脅賊船乘風上駛
並無沿途搶掠之事賊情詭譎不可不防已寄諭向
榮並江西湖北督撫偵探防範著該撫飭令地方文
武一體嚴防勿使與竄擾懷蒙之賊暗相勾結是為

聖學方略卷三十八

十九

至要

同日托明阿奏言臣查宿州逼近賊氛誠恐該
匪分遣奸細探聽虛實前經臣諄飭該官兵等
沿途訪拏旋據盤獲形跡可疑之劉元勝等供
係被逆裏脅乘便逃出逆匪現欲攻撲亳州等
詞查亳州西界豫省北達徐州東接宿州若我
兵一路攻剿彼必乘虛擾竄臣當與侍郎呂賢

聞

基貴州提督善祿晤商此股賊匪能分路截擊
使其腹背受敵可期速為殲滅善祿隨於初六
日拔營趕由永城會帶該處駐紮官兵迎頭截
剿臣亦即趕緊齊隊自宿起程由鐵佛寺偵探
截剿以遏北竄奏入報

聖學方略卷三十八

二十

同日察哈爾都統西凌阿正黃旗蒙古副都統
明慶墨爾根城副都統烏凌額呼倫貝爾總管
魁福奏言臣等遵奉

諭旨帶領黑龍江兵二千名行抵江南浦口准琦善札
留該處防守三月十八等日有賊船數十隻泊
岸經臣等帶兵攻擊三次四月初六日辰刻突
有賊船數千隻賊匪數千名各路攻撲臣等正
在江岸帶兵巡查當即列隊與賊接仗賊匪愈

聚愈多官兵奮力攻擊至申刻箭枝藥丸施放殆盡是以退回東葛驛昨准琦善奏奉

諭旨將臣等暫行革職帶罪追剿嗣准琦善飭令由浦

口直赴滁州清流關至河南汴梁城一帶探訪

賊蹤追剿臣等遵卽折至六合縣於四月二十

一日至清流關二十二日有賊匪三千餘肆行

抗拒臣等列陣衝擊槍箭並發賊始潰敗臣等

欽定剿平粵匪方略卷三十六

三

督兵且追且殺至三十餘里之磨盤山因天色

已晚不能前行計殺賊八百餘名生擒數十名

奪獲旗幟槍礮多件贏馬百餘匹嗣偵探賊匪

占踞臨淮關隨卽帶領馬步兵丁於五月初一

日至臨淮聞賊匪已西竄懷遠縣城當卽啟行

於初四日行抵上洪備船過渡追至懷遠縣探

得賊匪已入蒙城縣境現在帶兵跟蹤進剿不

敢稍涉遲延臣等伏思黑龍江官兵於二月二

十七日行抵浦口至三月二十九日領得一月

口糧至四月十五日僅由六合縣糧臺每兵領

口糧銀一兩五錢所領箭枝業經用罄前經六

次行文琦善飭催仍未解到鍋帳一項於四月

初五日始據糧臺解到帳桿等物尙未到齊是

以未能禁營於初六日打仗之際鍋帳多有遺

欽定剿平粵匪方略卷三十六

三

失沿途均係露處臣等追賊前進距揚州大營

愈遠誠恐一切戰具立時難以趕解合無仰懇

天恩飭下安徽河南經過地方將應用箭枝藥丸馬匹

口糧就近接濟以免缺乏而資進剿奏入

上諭內閣曰西凌阿以都統大員統帶黑龍江官兵經

琦善派令與明慶烏凌額魁福駐紮浦口防剿逆匪

是其專責乃於賊船竄擾之時並不能督兵奮力攻

擊輒行退回並將鍋帳遺棄可見西凌阿等漫無準備爲賊所襲前據琦善奏當經降旨暫行革職仍責令帶罪勦賊以觀後效該革員等於奉到嚴旨後應如何愧懼感奮稍贖前愆乃以軍械馬匹糧餉不足曉曉置辯藉以掩其敗走之罪且所稱與賊接仗及追勦情形支離掩飾情狀顯然近來帶兵大員賊來不擊賊去不追幾成錮習猶復於敗退之後藉詞

聖學聖方略卷三十八

三

諉過他人昧良取巧實堪痛恨若不嚴行查辦懲一警百何以肅軍律而服人心西凌阿等摺著發交琦善按照所陳逐一詳查如係飾詞卸罪卽著按律定擬具奏候旨懲辦

同日李德奏言前以賊擾滁州應援較緊臣於四月二十四日由兗州起程二十六日馳抵韓莊覈計兵勇足敷防勦旋於二十七日馳抵徐

州隨卽履勘北岸河隄見水勢奔騰中流尤極洶湧洶爲天塹之險其渡口船隻均有兵役稽查仍飭該文武認真經理一面酌量安營地段互相策應二十九日行至睢甯之小順河集適途遇徐州鎮臣百勝前赴新任面相籌商總期兩岸聲息相通防守庶可得力此布置徐州一路之大概也迨三十日抵宿遷之順河集地多

聖學聖方略卷三十八

三

窪下惟黃河北岸護隄高寬形勢曲折去該縣城西門渡口不過二里許分投設伏均屬得宜臣復相度往還舍此無以扼要所有山西後起官兵應分撥宿遷渡口並山湖兩路總區爲王家營及重興之後應臣卽在該處行營駐紮此又布置宿遷一路之大概也然臣所慮者不在外患之遠來而在內奸之竊發比聞滁州鳳陽

相繼失守多係土匪假託粵賊所致又聞皖省泗州一帶土匪亦多距宿遷僅一百六七十里防範尤應嚴密卽徐州糧臺移紮來宿亦當力加保衛臣惟有竭盡心力隨時相機而行斷不敢稍涉大意奏入

上諭曰布置俱妥尤能不分畛域協同緝拏土匪更屬甚善

欽定剿平粵匪方略卷三十八

三十五

十二日丙辰陸應穀奏言臣於初五日辰刻據探賊於初四日未刻竄至亳州州城失守難民紛紛逃出現在大兵陸續趕到宋集臣亦卽日馳赴宋集以便進剿查亳州失守河南門戶已失自須厚集兵力一鼓克復方能保全豫省大局惟臣所帶兵勇不過三千餘名誠恐衆寡不敵致滋他虞查現在調赴皖省之兵由歸德前進

者尙有漢中兵九百八十名宜君營兵六百五十名甯夏馬隊五百名尙在永城宿州之間此時賊匪全股趨豫臨淮情形稍寬而豫省永城鹿邑柘城路路可通防堵萬分緊要臣已飛檄調令全赴宋集以爲進剿之用並請

飭下周天爵善祿星夜速帶兵勇赴亳會剿

欽定剿平粵匪方略卷三十八

三十六

六日早探報亳州逆匪陸續出城臣卽飛飭副將錫普常阿等整隊迎截在升家樓地方遇賊前隊該副將等督兵分爲兩翼施放連環槍礮該逆開礮拒敵相持兩時殲斃賊匪無數臣聞前隊開仗卽令都司常啟雲督同梁澍業舒長山姜簾各帶兵勇分爲三路嚴陣以待初七日又有賊匪撲營當飭該兵勇等施放槍礮殲斃

生擒共一百數十名又續據錫普常阿等稟報本日辰刻復有逆匪三千餘名分竄歸德當卽出兵邀擊我兵戰至一時有餘該匪力不能支殲斃賊匪六百餘名生擒長髮大頭目杜汝學張泳祐周夢蘭周鍾義四名均係廣西湖南人卽行正法惟探有大股已由柘城之胡相城直竄汴梁情形緊急飛調錫普常阿等迅速折回

聖學聖方略卷三十六

三

臣卽督同相機堵截並調永城駐紮之兵折回歸德以防東竄之路並請

飭下直隸山東督撫臣一體嚴防現在直隸藩司張集馨駐紮臨洺關伏祈

飭令該司將所帶兵弁馳赴豫省黃河北岸以爲聲援奏入

上命軍機大臣傳諭陸應穀曰現在亳州失守大股賊

匪竟由柘城直撲汴梁已成滋蔓之局河南情形緊急該撫已調錫普常阿等迅速折回督同堵截並調永城駐紮之兵折回歸德以防賊匪東竄之路一切調度自應相機辦理此股半係裹脅之衆真賊無多且後路無援各路官兵必可迅速趕到務當會同夾擊剋期殲滅萬勿令再有蔓延張集馨現駐臨洺關已諭訥爾經額轉飭該藩司赴黃河北岸惟防守直隸要隘亦關緊要張集馨能否前往尙難豫定該撫責在守土當此萬分喫緊之時總當力籌防勦保全大局慎勿專待援兵致誤事機

聖學聖方略卷三十六

三

上又命軍機大臣傳諭琦善陳金綬勝保慧成曰據陸應穀奏亳州失守並聞賊由柘城直竄汴梁等語賊匪竄出浦口不過二三千人又經六合官兵擊敗人數愈少如果西凌阿等認真堵截何至裹脅蔓延深

入皖境現聞欲撲汴梁若再偏近黃河豫省兵單愈難堵禦該大臣統領江北諸軍自應統籌全局乃頓兵堅城之下坐使分股餘匪任意衝突由皖而豫所謂調度者安在慧成督兵前赴揚州現在如何與琦善等籌畫克復之策若再日久相持必致顧此失彼未知該大臣等計將安出勝保帶兵赴皖是否業已起程係由何路進剿此時賊情緊急萬不可再有濡

欽定剿平粵匪方略卷三十八

三十九

滯致誤事機

上又命軍機大臣傳諭訥爾經額曰據陸應穀奏賊陷亳州大股由柘城直竄汴梁等語河南省城濱臨大河沿河考城等處與直隸之東明長垣接界迤北之武安等處亦與直隸之邯鄲磁州一帶壤地相連直隸爲畿疆重地亟應嚴密設防且爲豫省後路聲援著訥爾經額體察情形何處緊要卽於何處撥兵防

堵如須親自出省卽著迅速奏明前往駐紮陸應穀奏請飭張集馨馳赴豫省黃河北岸之處亦著該督酌量辦理若該司出境能與豫省聲勢聯絡則嚴扼黃河亦足以保衛直隸毋得稍存畛域

上又命軍機大臣傳諭恩華曰前以賊竄蒙城降旨令恩華於沿途確探賊蹤儘全行西竄卽馳往豫境會同陸應穀督剿本日陸應穀奏亳州失守大股由柘

欽定剿平粵匪方略卷三十八

三十九

城欲竄汴梁等語河南情形現在緊急著該尙書確探賊蹤竄往何處卽由何處進剿該匪本無甚伎倆總由我兵未與接仗致令紛竄若督兵痛加勦洗定易撲滅務當相機前進及早殲除托明阿奕經等亦已諭令帶兵往剿矣

上又命軍機大臣傳諭周天爵呂賢基李嘉端曰現在亳州失守賊匪竄入豫境大股由柘城直竄汴梁此

股賊匪前無援引後無接續何以由滁州直趨蒙亳未聞該省官兵與之接仗所過城池到即失陷亦未聞地方官如何守禦殊不可解現既全股闖入豫境其皖省有無匪黨盤踞急應迅速搜捕毋令更生枝節周天爵諒已抵亳或應跟蹤追剿或應留辦土匪嚴防該匪回竄之路務須斟酌緩急毋失事機呂賢基駐守宿州李嘉端在廬鳳一帶均須備豫不虞毋

聖學聖方略卷三十八

三

令江甯揚州竄出之賊復來窺伺儻賊來不能截擊賊去亦不復追搃專以收復各城紛紛馳報於事何濟本日已諭令奕經托明阿善祿等各帶所領官兵追賊直赴豫省協勦皖省境內專責成該侍郎等防禦外侮肅清擒匪毋得有疏虞
上 又命軍機大臣傳諭奕經托明阿善祿曰前有旨令奕經迅赴徐邳一帶托明阿迅赴永城此時皖境之

賊直撲豫省汴梁切近大河該撫雖經帶兵折回第該省兵力甚單賊勢猖獗急須大兵會合追截方不至過河北竄善祿自宿至亳諒已得信奕經托明阿現已行抵何處均著於接奉此旨後迅速帶領官兵兼程馳赴河南沿途探明賊蹤所在疾趨赴援萬不可稍事遷延

聖學聖方略卷三十八

三

上 又命軍機大臣傳諭舒興阿張祥河曰現在賊陷亳州大股由柘城欲撲汴梁該省防兵單弱已諭令恩華奕經托明阿善祿等各統官兵赴豫協勦但賊蹤靡定往往避實擊虛陝西與河南毗連處所防兵甚少著舒興阿等察度情形應如何派撥援應豫為設防如河南省城有警該督應親往何處駐紮可期調度得力即著一面奏聞一面前往但當嚴密籌備毋庸過事張皇致駭民間觀聽

上又命軍機大臣傳諭李德曰現在亳州失守並有大股直竄汴梁已諭令托明阿等迅速前往截剿山東與豫省唇齒相依該撫現駐宿遷昨奏察看黃河北岸及分布徐宿各情形辦理尙屬妥善惟逆情詭譎往往乘虛肆擾著李德察看何路緊要卽於何路設防仍須兼顧黃河渡口勿令稍有疏虞

上又命軍機大臣傳諭江忠源曰前因賊竄蒙城豫省

欽定剿平粵匪方略卷三十八

三

防剿喫緊有旨令江忠源迅速帶勇赴剿現在賊自亳州分竄歸德復有大股由柘城直撲汴梁之信是各路援兵皆已落後該臬司所帶練勇亦未能徑出賊前豫省兵力單弱深爲可慮著江忠源迅速兼程前進確探賊蹤併力截擊此股賊匪無大伎倆總由我兵未與接仗致令竄突該匪避實擊虛明知我兵分道赴援每多緩不濟急該臬司熟悉賊情果能間

道出奇乘其不意痛加剿洗當可一鼓殲擒賊情變幻殊難遙度無論皖豫何路緊急該臬司卽迅速應援毋失事機

欽定剿平粵匪方略卷三十八

四

欽定勦平粵匪方略卷三十九 癸丑年

五月十三日丁巳 托明阿奏言 臣督兵抵鐵佛寺

地方探得逆匪已由亳州竄往歸德 臣即由鐵

佛寺改道向永城歸德一帶趕往會勦於初六

日馳抵永城據該縣面稟探得逆匪已於初六

日由亳州陸路竄往歸德尙有捻匪在亳搶掠

該縣現無官兵練勇誠恐捻匪挾前痛勦之仇

勦平粵匪方略卷三十九

一

乘隙勾結回竄藉圖報復請留兵嚴防以資保

衛 臣查續調未到之綏遠城官兵已到泗州不

日即可行抵永城即將此項官兵截留該縣以

備防禦 臣親督官兵立刻起程前往歸德一帶

截擊會勦奏入

上命軍機大臣傳諭托明阿曰 昨因亳州失守賊入豫

境當諭令托明阿奕經善祿帶兵馳赴河南探明賊

蹤所在迅速赴援茲據托明阿奏逆匪已竄歸德該

將軍即由鐵佛寺改道趕往會勦並將續調未到之

綏遠城官兵截留永城防勦現在逆匪分股欲竄汴

梁河南省城兵力單弱著托明阿即督兵迅赴該處

應援毋稍延緩截留永城之兵亦當移緩就急令其

前進以備攻勦所有奕經善祿統帶各兵均歸該將

軍調遣即著知會陸應穀合力會勦互為聲援保衛

勦平粵匪方略卷三十九

二

河南省城嚴防賊匪北竄

同日代理河南布政使沈兆澐河南按察使林

揚祖奏言 臣等於初十日辰刻接到撫 臣陸應

穀來函知在商邱宋家集與賊接仗得勝不意

賊由間道潛至歸德府城失守即帶兵徑赴劉

家口而賊已先派一萬人進駐該處中途折回

至歸德城外接戰一晝夜不能得力已刻馳至

柘城聞賊分二股一走劉家口一趨汴省囑臣等嚴爲豫備臣等查汴省爲直隸門戶城大兵單城中僅有撫標及城守尉兵一千餘名鄉紳團練壯勇一千五百名如賊匪猝至難資抵禦應請

旨速調直隸等省官兵來豫應援臣等惟有嬰城固守以待援兵合集再圖迅掃妖氛再臣等因撫臣

欽定剿平粵匪方略卷三十九

三

陸應穀現在柘城恐道路阻隔文報不通理合繕摺由驛馳奏奏入

上命軍機大臣傳諭陸應穀沈兆澐林揚祖曰昨據陸應穀奏大股賊匪欲由柘城直撲汴梁會諭令托明阿奕經善祿江忠源迅速督兵赴援並令恩華帶兵趕赴該省會剿茲據沈兆澐等奏賊匪竄入歸德現分二股一走劉家口一趨汴省該省兵力過單請調

兵應援本日已諭令勝保帶兵直赴豫省復據托明阿奏親督官兵由鐵佛寺起程馳往會剿奕經善祿等不日均可趕到陸應穀現在柘城是否爲賊梗阻著卽與托明阿等會合夾擊近來軍營習氣患在紀律不嚴遇賊輒避守土之官但望調兵救援不能竭力防守賊匪未到城中官民先已搬移似此情形卽有援兵亦復何益歸德郡城設防多日何以一時遽

欽定剿平粵匪方略卷三十九

四

爾失守必應嚴叅按律懲辦至河南省城民心最爲固結前次祥符大工卽賴該處紳民登城守護得保無虞現在省城兵力單薄卽著沈兆澐林揚祖等督率地方文武剴切勸諭該省紳民團練鄉勇合力守禦以待援兵並隨時嚴查奸細毋令溷入致有疏虞江忠源由廣濟赴皖已諭令探明賊蹤改道赴豫該撫卽飛催前進協剿可也

上又命軍機大臣傳諭訥爾經額曰逆賊由間道潛至歸德城遽失守現分二股一走劉家口一趨汴省賊勢紛竄豫省情形緊急直隸與河南壤地毗連防堵尤宜嚴密張集馨現駐臨洛關如能出境會剿擊散賊匪自可固畿輔藩籬著該督體察情形妥速籌辦毋失事機該督如須出省督辦省城大員祇有臬司能否得力均須豫為酌度布置勿致臨事周章

聖朝方略卷三十九

五

上又命軍機大臣傳諭周天爵曰逆匪竄入河南歸德府城失守賊分兩股一趨劉家口一趨汴梁陸應穀現帶兵在柘城一帶剿賊托明阿奕經善祿之兵均諭令迅赴豫省追剿周天爵此時諒已行抵亳州若跟蹤追剿直入豫境又恐穎亳鳳宿等處土匪勾結江面賊匪乘間北竄該侍郎總宜酌量緩急扼要截擊內顧徐州糧臺外遏賊匪來路掃除土匪保衛皖

疆如擾豫之賊沿河下竄亦可就近截剿

上又命軍機大臣傳諭勝保曰昨因陸應穀先後奏報探聞賊由柘城直竄汴梁本日據沈兆雲等奏歸德府城失守賊分兩股一趨劉家口一趨汴梁現在河南防剿萬分緊急著勝保即帶赴皖之兵星速兼程馳赴河南探明賊在何處即由何處進剿萬不可稍有濡滯

聖朝方略卷三十九

六

上又命軍機大臣傳諭李德曰蒙亳賊匪由宋家集間道潛至歸德城遽失守現在賊分兩股一走劉家口一趨汴梁已飛飭各路帶兵大員星速前往援剿山東與河南水陸毗連著李德飭令地方文武員弁嚴扼要隘兼防渡口外遏逆賊竄路內緝本境土匪鎮定撫綏均關緊要該撫諒能通籌全局不致稍有疏虞也

上又命軍機大臣傳諭哈芬曰蒙辜賊匪由宋家集間道潛至歸德城遠失守現在賊分兩股一走劉家口一趨汴梁已飛飭各路帶兵大員星速前往豫省接剿豫省四通八達無險可扼山西與該省壤地毗連亦應豫防該匪分股奔竄著哈芬妥籌布置派委得力員弁前往要隘處所嚴密防堵毋稍疏虞

十四日^{戊午}琦善慧成陳金綬勝保奏言伏查賊

欽定剿平粵匪方略卷三十九

七

匪分踞江甯鎮江揚州三城恃爲犄角聲息相通揚城西面一門由臣陳金綬臣勝保督兵進剿北面係臣琦善帶兵攻打東面係臣慧成帶兵督防其南門外有運河一道直通三汊河下達瓜州臣琦善俱派兵嚴防惟瓜州口江面遼闊不能阻截因之賊船得以闖入旣未能杜其江面之往來卽難辨爲何處之竄匪而揚州在

六合儀徵之下距浦口一百八十餘里江岸地居上游則與浦口對峙臣琦善恐浦口空虛南岸賊船時時潛登北岸防範益加嚴緊雖揚州賊匪亦有從舊南門潛出窺探者但一經官兵截擊仍卽退縮入城並無由旱路分股竄出之事而臣琦善等自四月二十日起攻打揚城七晝夜未嘗間斷均經先後奏明臣慧成所奏二

欽定剿平粵匪方略卷三十九

八

十四日進攻東門正臣琦善會攻西北兩路之際臣琦善於攻打時一經知會臣慧成卽派官兵赴東門合剿查看揚城賊匪負固守拒並無竄意自四月三十日至五月初一日我兵連次剿殺該逆日夜修補城堞守禦益密至各州縣稟報賊情僅憑差探傳聞異詞本非目覩况賊匪詭譎多端往往徧遣奸細布散訛言搖惑衆

聽稍不審慎鮮不被其所紿雷以誠所奏或亦得諸傳聞臣勝保現與西凌阿等前往臨淮一帶會剿其鳳陽股匪分竄懷遠蒙城業經周天爵督帶兵勇馳往剿擊臣琦善於賊匪由滁州分竄時即經飛咨河南山東各撫臣豫為防範並咨行帶兵各員跟蹤追剿杜賊北竄

同日理藩院尙書恩華奏言臣於五月十一日

聖學聖方略卷三十九

九

行抵東阿縣途次接據荷澤縣稟報逆匪於曹河上游搶得大船數隻撲過北岸兵力單薄恐難抵禦等情伏查兗州係東省水陸衝途距濟甯州甚近賊匪既於曹河上游搶渡濟甯兗州實當衝要至直隸大名一帶更宜嚴防所有前調各兵臣現已飛飭星夜前進迅速赴兗並移咨琦善李德星速派兵赴兗以資應援均奏八

上命軍機大臣傳諭琦善向榮陳金綬許乃釗曰鳳陽股匪無論由金陵分股由揚州竄去此股賊匪現已由安徽竄擾河南歸德失守又分二股一赴汴梁一趨劉家口本日復據恩華奏逆匪於曹河上游搶得大船數隻撲過北岸兵力單弱恐難抵禦等情琦善向榮等統領大兵分駐大江南北原期防剿兼施一面進攻仍一面防賊分竄乃屯兵城下幾及三月至

聖學聖方略卷三十九

十

今一城未能克復又任賊由浦口北竄皖省既竄之後西凌阿等又不能迅速追剿以致賊勢日肆猖狂現在汴梁省城十分緊急即山東直隸一帶處處堪虞所有各省官兵均先後調赴該大臣等軍營此時北省徵調緩不濟急幾於無兵可調無款可籌朕日夜焦思寢饋難安琦善向榮等身為統帥何以通籌全局為朕分憂耶儻將金陵鎮江揚州剋期收復則

北竄之賊自必聞風膽落該大臣等亦可分兵北來
遏其肆竄之路現聞勝保已赴河南托明阿等亦計
日可到歸德赴汴之賊冀可殲除其由劉家口渡河
股匪僅有恩華李德等抵禦兵力尙單已命慧成馳
往河北會同勦捕揚州城東卽著福濟帶兵防堵毋
令空虛現時北省防勦緊要著向榮卽飭瞿騰龍酌
帶兵勇馳往河南山東一帶確探賊蹤協力攻勦毋

欽定剿平粵匪方略卷三十九

十一

稍遲誤

上又命軍機大臣傳諭恩華曰兗州水陸衝要自應加
意嚴防而曹河一帶尤爲北渡要路本日已諭令慧
成督率兵弁迅赴東境由黃河北岸迎頭截擊並著
恩華統帶已到官兵迎賊堵勦所需馬匹已諭令訥
爾經額協濟三千匹著卽飛調應用其未到各兵仍
著催令前進托雲保容照所帶之兵是否應一併撤

同堵賊北竄之路著恩華酌量辦理將撲過黃河之
賊痛加勦洗俾不致闖入東境

上又命軍機大臣傳諭慧成福濟曰據恩華奏賊匪於
曹河上游搶得大船數隻撲過北岸現催各路官兵
前往堵勦已諭令恩華統帶官兵迅往迎擊堵賊北
竄之路該處兵力尙單恐難抵禦著慧成酌帶官兵
星速折回東境由黃河北岸探明賊蹤迎頭截擊俾

欽定剿平粵匪方略卷三十九

十二

賊不能深入東境其灣頭酌留兵弁著卽交福濟統
帶督同查文經防勦毋致疏虞

上又命軍機大臣傳諭李德曰前因逆匪竄擾江南疊
次諭令李德嚴防黃河渡口茲據恩華奏稱逆匪於
曹河上游搶船偷渡若使該處防守嚴密何至任賊
偷渡所謂防河者安在耶現在東省兵力空虛李德
得聞此信諒必帶兵擇要堵截茲已諭令恩華帶兵

前往迎勦又命慧成由黃河北岸截擊勿令該匪深入東境著李德速卽籌畫機宜嚴飭地方文武員弁加意防範並將各渡口船隻盡行收至北岸毋得再資賊用

上又命軍機大臣傳諭訥爾經額曰昨因逆匪由安徽竄入河南諭令訥爾經額酌調鎮將等防守要隘畿輔重地最關緊要本日又諭令舒興阿張祥河調陝

聖朝方略卷三十九

十三

甘兵四五千名由河南一路分起前進會同攻勦如山東直隸地方喫重卽著北行追擊復諭令哈芬調山西兵三千名迅赴直隸交訥爾經額派撥防勦恩華行至東阿卽聞賊匪由曹河上游搶船撲過北岸現令與李德會同防勦所需馬匹著訥爾經額卽行撥付已諭令察哈爾都統迅調馬五千匹解送直隸山西以補缺額長蘆鹽運使楊需著該督調往扼要

處所派令帶兵協同防堵

同日周天爵呂賢基奏言粵匪竄入懷遠蒙城旋卽退出聲言欲赴亳州臣周天爵卽督帶兵勇自懷遠之包家集起程直趨蒙亳宿永交界之雒河集一路迎擊維時將軍托明阿帶兵由泗州至宿州臣呂賢基當卽商令由鐵佛寺一路進兵援臣周天爵亦卽飛催兵勇合力進

聖朝方略卷三十九

十四

勦正在起行間突聞歸德四門均有賊匪查歸德密邇黃河且西距開封東距徐州均在數百里之內賊匪狡譎異常萬一盜決河隄淹我追兵以便西趨汴省東犯徐州則徐兗糧臺均爲震動而隨隄迤北盡成澤國如此則宿州不能北援徐州而決口迤東俱係陸路兗曹豐沛之間全失黃河之險且黃河一決直衝洪澤一湖

勢必漫溢而慧成楊以增等各軍後路亦屬可
虞臣周天爵卽率領兵勇起程馳赴歸德救援
並擬北趨河隄循河而西迎擊逆賊庶免墮其
決河之狡計並請

旨飭下各省大臣務須嚴防黃河渡口隄岸其山東之
曹兗直隸之大名河南之彰德衛輝均在河北
與歸德鄰近地形犬牙相錯匪徒易於竄匿應

欽定剿平粵匪方略卷三十九

十五

請責成領兵大員加意堵禦以杜蔓延再賊情
狡獪設續行北竄則臨淮徐宿一帶仍係喫重
不可不防臣呂賢基已函商善祿截留所帶之
兵五百名暫住宿州以爲各路聲援又查蒙城
縣土匪蠶起勢欲踞城臣呂賢基就近派委弁
兵前往彈壓似可不至別滋事端奏入

上命軍機大臣傳諭周天爵曰前因歸德失守疊諭周

天爵或跟蹤追剿或留辦土匪斟酌妥辦茲據奏稱
卽日率領兵勇馳赴歸德自應如此辦理此股賊匪
係由鳳陽竄擾而西當其由臨淮入鳳郡時周天爵
何以折回宿州當時若能督飭兵勇迅速堵截何至
任其奔竄擾及豫省乃於賊擾亳州之後又成尾追
之勢周天爵素稱勇敢所保臧紆青練勇可當一面
獨不能與賊決一死戰痛加剿洗耶著卽督帶兵勇

欽定剿平粵匪方略卷三十九

十六

兼程馳赴歸德一帶併力攻剿毋稍延緩賊勢甚屬
飄忽然烏合之衆一經痛剿勢亦易散若不乘其紛
竄未定及早撲滅燎原之火何所底止該侍郎其何
以慰朕耶臨淮徐宿各路旣已截留善祿所帶之兵
五百名以爲聲援蒙城土匪業已委員前往彈壓諒
不至別生事端仍知會李嘉端呂賢基等嚴防妥辦
勿稍疏忽

同日陸應穀奏言臣於初八日拔營折回歸德應接甫行五里卽據探報賊於初六日潛聚歸德東南城外初七日午刻用礮攻城並有奸細接應卽由南北兩門搶入郡城失守並稱劉家口已有賊匪數千占住將欲渡河等情臣查歸德爲汴梁東路門戶被賊攻陷臣所帶兵勇僅止三千餘名飭調永城防兵日久未到臣隨與

聖學方略卷三十九

十七

署副將錫普常阿等密謀布置卽行進兵攻勦該逆出城迎拒錫普常阿等奮勇前進臣親督諸軍分爲三路攻擊因兵單恐被邀截正在收隊賊分兩翼前來抄裏官兵不能支持反爲所敗臣一晝夜疾馳二百餘里繞道陳州調齊各兵擬由許州一帶馳赴省城救援惟兵力過單探聞賊有數萬恐難得手仰懇

天恩迅飭慧成飛速統帶精兵來豫救應賊匪旣占劉家口難保不竄山東徑撲直隸畿輔重地尤關緊要伏乞

飭調重兵駐紮直隸並請

飭下直隸山東暨山西陝西督撫臣一體嚴密堵截以杜竄越至歸德失守進勦失利臣調度無方相應請

聖學方略卷三十九

十六

旨將臣治罪歸德府知府陳介眉係臣調在行營帶領鄉勇隨同進勦戰敗後尙無下落然歸德失守該府亦難辭咎請

旨交部嚴加議處其餘文武各員容臣確查再行彙辦奏八

上命軍機大臣傳諭陸應穀曰據奏歸德失守進勦失利各情現在省城緊要必須嚴防逆匪竄



令勝保江忠源各帶赴皖之兵馳赴河南進剿諒已兼程前進本日據周天爵奏已帶兵勇馳赴豫省援應托明阿等想亦趕到該撫卽會同迅速攻剿所有現在河南官兵均歸托明阿調遣並著嚴防黃河渡口遏賊匪北竄之路

上又命軍機大臣傳諭舒興阿張祥河曰逆匪竄入河南欲撲汴梁並分股由曹河上游渡河入山東界現

欽定剿平粵匪方略卷三十九 十九

在賊勢分竄各路大兵多在淮徐一帶河南山東兵力既形單弱直隸與該二省處處毗連防堵尤關緊要陝甘兵徵調已多但附近河南應援較便著舒興阿張祥河於各標營內就近酌撥精兵四五千名由河南一帶分起前進探明賊蹤相機進剿如山東直隸地方情形喫重卽著北行追剿其潼關等處爲入陝門戶並著實力嚴防以杜賊匪窺伺

上又命軍機大臣傳諭哈芬曰賊匪竄擾河南在直隸防堵甚爲喫緊該省官兵調赴軍營者一時難以撤回著哈芬迅卽揀選精兵三千名馳赴直隸交訥爾經額調遣前調山西營馬二千匹赴徐州糧臺備用卽著迅催前進現復調察哈爾馬五千匹可以抵撥或由該省購備斟酌奏辦

上諭內閣曰逆匪由浦口竄出擾及鳳陽亳州一帶復

欽定剿平粵匪方略卷三十九 二十

乘閒潛竄歸德搶入府城陸應穀親督諸軍分爲三路率同署副將錫普常阿等奮勇前進斃賊無數恐被邀截暫行收隊未能卽時克復郡城陸應穀調度無方咎實難辭著革職留任歸德府知府陳介眉雖先經調赴行營帶領鄉勇隨同剿賊府城失守亦有應得之罪著先行交部嚴加議處現在各路大兵計已趕到著陸應穀會同迅速攻剿毋稍延緩



同日刑部奏言前奉

諭旨將已革漕運總督楊殿邦等交臣部議罪臣等查

已革漕運總督楊殿邦已革前任鹽運使但明

倫均係奉

旨前往揚州辦理防堵乃該革員等於逆匪竄入揚城

之先輒行退守上游以致府城失守實屬防堵

不力應按律從重發往新疆充當苦差仍遵

聖學方略卷三十九

三

諭旨暫留清江浦隨同楊以增辦理防堵帶罪自效奏

八

上諭內閣曰已革漕運總督楊殿邦已革前任鹽運使

但明倫均著照部議從重發往新疆充當苦差仍令

暫留清江浦隨同楊以增等辦理防堵帶罪自效

同日內閣侍讀學士梁瀚奏言臣閱連日外聞

奏報賊匪分股竄擾安徽河南現在直隸地方

須趕緊調兵守禦惟久歷戎行熟悉賊情者一

時實難其人臣竊思前大學士賽尙阿前兩廣

總督徐廣縉均以辦理不善獲咎經會議大臣

按律定擬實屬罪無可逭惟賽尙阿前在廣西

屢次獲勝且保守廣西湖南兩省城皆能轉危

為安徐廣縉前勦辦凌十八及梧州艇匪亦能

迅速蕙事均深悉賊中情形與初次出征者不

聖學方略卷三十九

三

同伏查古來名將先獲重譴後立大功者指不

勝屈即我

朝乾隆嘉慶年間如阿桂那彥成額勒登保等均

以負戾之軀懋著偉績誠以使功不如使過自

古為然即現在之統帥如向榮琦善等亦均係

獲罪發遣之人蒙

恩棄瑕錄用今大江南北卒賴此二人以作保障現在

賊勢日張將才難得合無仰懇

天恩法外施仁

飭令賽尙阿前赴直隸河南交界地方扼要駐紮徐廣籍籍隸河南情形較熟請

飭令前赴河南省城幫同陸應毅督辦防剿均求假以事權該罪員等具有天良自必倍加感奮以圖報效奏入

欽定剿平粵匪方略卷三十九

三

上諭內閣曰前有旨將賽尙阿徐廣籍按律定為斬監候秋後處決因思賊匪現由安徽竄入豫省歸德各路帶兵大員奉命徵調赴剿而該革員等以失律羈囚置身事外值此軍務緊急豈容安坐待斃耶賽尙阿著發往直隸交誦爾經額差遣委用徐廣籍著發往河南交陸應毅差遣委用均責令帶罪自效該員等具有天良宜如何感愧力圖報效儻再不知奮勉

或有貽誤朕惟執法從事決不寬貸

十五日己未李嘉端奏言接據署壽州金光飭等稟稱賊自臨淮水陸兩路於四月二十六日午刻竄入懷遠三十日未刻至蒙城知縣宋維屏身受多傷立時陣亡又接臬司張印塘稟稱五月初三日有賊船千餘隻順流直下當卽會同兼署副將富惠前任副將松安署知府牛鎮署

欽定剿平粵匪方略卷三十九

三

知縣馮元霍等帶領兵丁登城拒守午刻賊船乘風直撲安慶城下開放大礮攻城我兵抵禦不住漸次逃散初四丑刻賊遂轟城而入該司等率領殘兵二百餘名下城力戰萬難抵敵因公同商議本郡城池破壞人民盡逃並無倉庫錢糧不如退守距城十餘里之集賢關庶不致由此北竄初六午刻賊果分股撲關該司及各

文武督同弁兵激勵該處團練開放連環槍斃賊十餘人始各退回臣查安慶自正月被賊擾後三營兵丁募補甫經足額除分守水陸五十五汛外城防不足千人應用器械亦未全備因飛飭廣東官兵以後隊為前隊折回安慶交張印塘相機堵剿集賢關為通北驛路若能扼住為害猶淺更須嚴守裕溪口此外如和州之烏

聖朝聖略卷三十九

三

江賊魚嘴無為州之泥汊河在在皆通巢湖實屬防不勝防且土匪既多必須隨時搜捕方免勾結臣當督率兵勇一面搜捕一面追剿斷不能株守一隅祇求自保
李嘉端又奏言西凌阿所統黑龍江兵已於初一日行至臨淮臣咨商托明阿囑其在彼駐紮既可防後路賊匪之上竄並可禦踰淮賊匪之

回擾兼為四路大兵聲援似於現在機宜大有裨益

李嘉端又奏言臣查四月初九日滁州來稟即有賊由揚州竄出之語近復有廬鳳等處居民被賊裹脅新經逃出者僉稱揚州竄出之賊共四股其三股坐船南去不知何往此股於初六日至浦口上岸先是臣差楊國慶往揚州大營

聖朝聖略卷三十九

三

探聽軍情於四月初五日自揚帶回勝保致臣書函詳覆此事賊由揚州竄出無疑奏入

上命軍機大臣傳諭呂賢基李嘉端曰據李嘉端奏稱江面上竄之賊於本月初三日重撲安慶府城初四日丑刻失守等語該逆由蒙亳竄入豫境已陷歸德北路情形萬分喫緊不意西竄賊船又擾安慶該處瘡痍未復何堪再遭蹂躪覽奏實深焦灼集賢關為

通北要路必應嚴密防守該撫已飭粵兵折回交臬司張印塘相機堵剿並令李鴻章帶勇嚴守裕溪口鳳定懷壽等處土匪均責令該地方認真緝拏並派李登洲往來搜捕俱著照所奏辦理現在豫省緊急周天爵已帶兵赴援勢不能兼顧南路卽各路赴豫之兵亦難驟令折回呂賢基係特派辦理團練之員當此時事多艱惟當會同該撫督飭幫辦團練之署

欽定剿平粵匪方略卷三十九

七

盧鳳道給事中袁甲三荆宜施道趙昉並在籍之前任南河總督潘錫恩等剴切宣布朕意無論紳民人等果能奮勇殺賊嚴緝土匪著有成效者卽著破格保奏朕必立沛殊恩此項義勇別處不得徵調以本地之勇勦本地之賊較客兵更爲得力且紳民等各有身家與其被難轉徙何如互相保衛諒必能深明大義志切同仇以期共膺懋賞也

上諭內閣曰安慶自被賊蹂躪之後一切戰守之具尙

未全備該臬司張印塘等因賊船猝至兵單退守雖與擁兵失事者有間然究係不能禦賊罪無可辭安徽按察使張印塘兼署副將富惠前任副將松安署知府牛鎮署知縣馮元霍均著革職應得罪名著刑部分別定擬具奏現當防堵喫緊之時未便令該革員等置身事外仍著留於軍營帶罪自效蒙城縣知

欽定剿平粵匪方略卷三十九

八

縣宋維屏督兵勦賊身受多傷以致陣亡不愧守土之官宋維屏著交部從優議卹

同日張芾奏言據饒九道義泰稟稱准向榮札開四月二十七日有賊船千餘隻乘風揚帆直上當令已革提督福興等帶兵勇二千名馳往朶石截擊亥刻復據探報實係賊船回竄而金陵賊匪仍復如故是否分股竄擾上游抑係全

行逃遁一面偵探一面仍飭福興等帶兵趕赴
太平蕪湖一帶截剿等語該道當與護九江鎮
總兵羅玉斌面商九江存兵無多亟應厚集兵
勇以資堵禦查有湖北臬司江忠源帶楚勇一
千七百名馳赴江南會剿不日即可到潯擬請
留潯堵剿等情查逆匪詭譎異常其順風揚帆
未必即係回竄江省該鎮道所稟為九江而言

聖學聖方略卷三十九

五

未能熟計全局自應通盤籌畫方臻妥協臣當
飛飭江忠源迅赴安慶下游察看緩急或赴太
平蕪湖會同江南官兵迎頭堵截或探賊船已
越過太平徑犯皖城即折回九江下游擇要扼
剿至九江存兵無多不敷調遣一旦該逆回竄
猝不及防實堪隱憂可否請

旨飭催湖北臬司江忠源迅赴安徽下游迎剿儘逆匪

竟係全股由皖回竄即飭該臬司折回或在安
徽之華陽鎮或在彭澤縣之小孤山擇要扼剿
為江楚聲援儘被賊竄越無論擾及何地即尾
追夾擊臣當與湖廣督撫臣速籌兵勇併力堵
剿以杜竄逸

張芾又奏言臣接據九江探報向榮之子向繼
雄與賊接仗敗退賊船追至銅陵向繼雄已退

聖學聖方略卷三十九

三十

駐九江查九江存兵無多惟湖北距九江不遠
尚易徵調且該逆果係竄擾上游湖北亦應嚴
防與其株守本省不若與江西併力合剿互相
應援聲勢較壯除飛調賴袁各營兵來省外相
應請

旨飭下湖廣督撫臣迅速挑選精兵三千名來江會剿

並請

飭令向榮探明逆匪如實係回竄立即派委大員統帶

重兵尾追截擊以分賊勢奏入

上命軍機大臣傳諭張亮基崇綸張芾曰據張芾奏向榮之子向繼雄與賊打仗敗回九江而李嘉端亦有賊船重竄安慶該處文武退守集賢關之奏是此項船隻不盡係脅從解散之船沿江一帶自應合力攻剿該撫業經飛調贛袁各處官兵來省卽著知照湖

聖學聖方略卷三十九

三

北張亮基等會商堵擊一面認真舉行團練以定人心儻江岸情形緊要必須出省調度卽著酌量前往勿徒株守南昌張亮基等亦當實力偵探迅派精兵出境應援萬不可專恃設防徒分畛域無濟於事江忠源昨已疊降諭旨令其馳赴河南此時歸德失守賊近黃河北省軍情重於江路勢不能不先其所急如該臬司未出江境卽著張芾催令兼程前進毋誤

事機

上又命軍機大臣傳諭琦善向榮怡良陳金綬許乃釗曰現在賊匪回竄安慶失守並上竄九江籌防甚急前因賊匪分踞三城疊令琦善向榮督兵速剿及早克復並嚴防其分竄各路乃至今未能收一城而金陵揚州又任賊匪分竄自皖而豫汴梁戒嚴安慶復被竄入賊兵四出防堵愈難現在賊船千餘隻溯流

聖學聖方略卷三十九

三

上竄聞向榮遣伊子向繼雄前往追擊復經敗退究竟此項賊船是否卽江南遣散之船抑係被攻逃遁賊船既多回竄我軍艇船師船早經到齊正當乘勢衝擊著向榮怡良許乃釗督飭麟桂和春等將江面賊船盡行攻剿焚燬不可再延時日至各城逆匪屢被殲擒又多竄出其死黨諒必不多著該大臣等設法趕緊進攻儻三城以次收復則北竄之賊自必聞

風膽落分兵追勦更易為功現在賊匪又竄入安慶於三城之外又營窟穴若水路不將賊船截斷但於陸路南岸頓兵不進甘墮賊匪牽掣奸計自問於心安乎否乎當此萬分喫緊之時籌餉既難徵調亦復不易朕每一念及寢食俱廢該大臣等統領大兵應如何速圖進取以副朕望耶

同日李德奏言安徽匪徒竄擾蒙亳一帶東省

聖學方略卷三十九



曹單兩縣最為切近當密飭曹縣知縣姚景崇署單縣知縣宋煒圖將劉董二口渡船全數收至北岸臣俟布置妥協即日兼程前赴曹單沿河督兵迎勦惟曹州兵力單薄無可另撥若請調鄰省亦屬緩不濟急查行抵東境之奉天吉林官兵一千二百五十名並改由水路之黑龍江官兵仰懇

天恩准予一併就近截留均飭前赴劉家口一帶分布要害相機堵截奏入

上諭曰現時東省情形緊急無論何路官兵酌量截留與恩華瑞昌商之

李德又奏言臣前以清江浦為第一路由將軍托明阿帶兵駐紮王家營為第二路由侍郎奕經駐紮其三路之重興四路之順河集五路之

聖學方略卷三十九



宿遷大營由臣督同鎮將等駐紮正望師旅齊來分別布置旋因皖省土匪竄擾震動徐州托明阿奕經兩路防兵均奉

諭旨迎勦此誠先其所急遠勝株守一隅惟清江浦有河臣楊以增堵禦於前而王家營無重兵接應於後且重興以至宿遷防兵僅一千名遇有緩急未免分撥不敷查直隸兵習藝尙精秉性呆

敢臣服官直省二十餘年深知士卒之心樂爲驅策且距東數百里較陝甘踰關越嶺者勞逸懸殊若得二千名囊鞬而來因時操練以戰以守洵屬得力竊維堂奧之安先在藩籬之固東省乃畿輔屏蔽防範極宜謹嚴臣已飛咨曹州鎮臣三星保就近帶兵親駐劉家口嚴密防禦仍由臣隨時相機策應不敢稍有鬆懈奏入

聖學方略卷三十九

三

上命軍機大臣傳諭李德曰據奏東省布置情形請添調直隸官兵二千名以資戰守等語逆匪現已由皖竄入河南攻陷歸德府直隸爲畿疆重地正當堵剿喫緊之際已諭訥爾經額派兵扼要防守即可出境協剿現在直隸營兵調赴琦善恩華等軍營已有六七千名若再調往山東則畿輔兵力益形單弱著李德體察機宜隨時與訥爾經額知照互爲聲援並就

地方情形飭屬曉諭紳耆實力團練自固桑梓官民合力保衛衆志自可成城如紳民中有奮勉立功材具可用者卽著覈實保奏候朕施恩據稱曹州鎮總兵三星保帶兵駐紮劉家口何以曹河上游有搶船偷渡之賊若能將船隻收盡或乘賊偷渡擊之何致任其肆竄該撫務當派委得力員弁加意巡防免致貽誤

聖學方略卷三十九

三

上又命軍機大臣傳諭訥爾經額曰本日據李德奏請調直隸精兵二千名來東操練等語直隸爲畿輔重地與河南山東接壤處所亟應嚴密布置此時固不能再加徵調以分兵力然與其畫地自守不如出境協剿卽以自固藩籬著該督選派精兵於河南山東兩省毗連處所準備嚴防確探賊蹤出境會剿現在山東劉家口已有股匪渡河恩華帶兵迎剿如兵力

尙單卽著誦爾經額酌量撥兵援應至畿疆重地一切布置朕惟誦爾經額是賴其隨時妥辦以慰朕懷
同日周天爵奏言臣馳抵永城詢知逆匪由宋家集北奔黃河南岸之劉家口查該處爲渡黃要道西北通曹單東北通濟甯爲今之計臣惟剋期彙齊兵勇決計殄死直取黃河南岸截賊東趨之路亟應請

聖恩俯准暫留該總兵在直挑帶正定鎮兵五百名馳

三

聖恩俯准暫留該總兵在直挑帶正定鎮兵五百名馳

一

旨飭下侍郎奕經迅赴徐州保護糧臺堵其歸路撫臣李德折回曹兗遏賊北竄托明阿善祿等帶兵現駐歸德迤東之會亭臣已飛咨就近速赴劉家口合力追剿奏入
上諭曰汝能追賊至河南甚好奕經已飭令帶兵剿賊此時若令保守徐州糧臺尙可行

欽定勦平粵匪方略卷四十 癸丑年

五月十六日 庚申 誦爾經額奏言探聞河南歸德

府失守距長垣縣僅二百餘里 臣恐黃河口岸

兵力尙單且慮該鎮董占元一人勢難兼顧查

有現署正定鎮之新授山東兗州鎮總兵花里

雅遜布甫經卸篆起程赴任該員曾任開州協

副將並兩次署理大名鎮總兵於地方情形熟

悉現當籌防喫緊差委乏員合無仰懇

聖恩俯准暫留該總兵在直挑帶正定鎮兵五百名馳

赴大名會同董占元相機布置以期得力 臣仍

一面札飭藩司張集馨與已革副都統德順帶

同臨洺關駐防之宣化鎮兵一千名一併前赴

大名會同董占元籌商擇要屯駐統計大名地

方前後調撥防兵共五千名 臣已諄飭該鎮等

體察情形熟籌防範務使黃河北岸聲勢聯絡以固藩籬臣俟省署應辦要件料理就緒亦卽出省督辦奏入

上命軍機大臣傳諭訥爾經額曰直隸大名地方與豫接壤黃河口岸尤關緊要急宜嚴密設防該督調撥精兵令總兵董占元統帶督同員弁分路守禦並飭藩司張集馨已革副都統德順帶兵前赴大名會同

欽定剿平粵匪方略卷四十一

二

該總兵擇要屯駐計前後調撥防兵共有五千名布置情形尙屬周妥現署正定鎮之山東兗州鎮總兵花里雅遜布尙未起程赴任著准其暫留直隸會同防堵惟賊情詭譎避實擊虛是其慣技務宜分設偵探嚴密查訪一有賊蹤迅速迎頭截擊如兵力不敷卽於附近各路官兵趕緊調撥移緩就急總期聲勢聯絡互相策應斷不可株守一隅致令顧此失彼山

東河南毗連各要隘有需協剿之處卽飭令帶兵大員出境會剿更可自固藩籬該督出省應駐紮何處督辦著卽酌量情形相機調度朕亦不爲遙制

同日雷以誠奏言臣探得揚州已有可克之機各軍應卽合力圍攻不宜更調他處現聞琦善已奏調勝保帶兵前赴鳳陽臣竊以爲不可蓋鳳陽一帶已有周天爵呂賢基等兵力不爲不

欽定剿平粵匪方略卷四十一

三

厚並聞賊匪在彼曾受大創所餘祇二三千人似尙不足爲慮揚城此時功在垂成若調開一面之兵是授之隙也且勝保紮營西面正杜賊匪西奔六合滁州等處之要路若兵一移動賊匪尾而及之勝保一軍不前後受敵乎爲今之計宜俟揚城克復再行引兵前進方爲善策應請

旨飭下勝保從緩起程以便合力攻克揚郡奏入

上命軍機大臣傳諭琦善陳金綬雷以誠曰現在賊匪

已由皖入豫周天爵等竟未能堵截以致攻陷歸德

北省情形萬分喫緊必應先其所急勝保諒已帶兵

起程著琦善催令前進毋稍遲滯至揚城賊匪困守

已久該大臣等務當懷遵疊降諭旨迅圖克復勿致

該逆再行分竄琦善自到揚州初猶奮勉逮賊屬至

聖學匪方略卷四

四

雖亦屢獲小勝總未大挫賊鋒頗不如前汝係曾經

獲罪之人朕知汝之才故特用汝汝不能收一蕞爾

揚城朕為汝實覺愧憤此時不迅圖克復更待何時

著限於季夏以前全行掃滅不致又有他虞福濟計

已到任與查文經嚴扼灣頭一帶合力進攻雷以誠

在仙女廟等處勸諭練勇亦足以資策應慧成業已

有旨令其折回河北剿賊徐州糧臺應如何分設其

保護糧臺兵丁應留若干並著琦善查明慧成酌量

辦理

同日詹事府少詹事王履謙奏言伏查黃河南

北兩岸為行旅往來要道如欲官渡肅清必先

嚴絕私渡如恐行旅擾累必先嚴禁書差臣即

飭地方河工各員遵照章程辦理復面諭認真

盤查毋稍疏懈黃河東西綿亙五百餘里斷難

聖學匪方略卷四

五

各處派兵防堵儻有警報惟有恪遵

諭旨將南岸船隻撤歸北岸臣當周歷巡查嚴飭廳縣

營汛格外認真稽防免致貽誤

王履謙又奏言臣初三日由上游查勘後擬往

下游各口巡查頃聞省城緊急柳園口係省城

衝途日來紛紛遷徙過渡者不知凡幾臣恐別

滋事端逐日親往稽查彈壓儻探有警信即將

船隻收歸北岸員外郎邵懿辰駐紮山東劉家
口亦已函致照此辦理榮澤孟津兩口尤為商
旅輻輳之所帆檣林立恐奸匪藉此生心委員
難期得力擬再趕往相機辦理奏入

上命軍機大臣傳諭王履謙長臻邵懿辰曰黃河上下
游各渡口早經李德暨前河督福濟等加意防範何
以賊匪一到仍得搶船渡河據王履謙奏稱山東劉

剿平粵匪方略卷四

六

家口係邵懿辰駐紮之地當逆匪撲來自必飭令地
方官將船隻收歸北岸何以忽有偷渡之事著長臻
查明情節將疏防渡口之文武員弁一併叅處現在
李德已調兵前往恩華亦帶兵迎剿著該河督酌量
情形有可派兵協勤之處即行派員帶兵前往以為
聲援仍著王履謙等分飭地方文武嚴防黃河渡口
勿令賊匪踵至自干咎戾

同日光祿寺少卿黃兆麟奏言本月十四日臣
恭讀

上諭賽尙阿著發往直隸交訥爾經額差遣委用徐廣
縉著發往河南交陸應毅差遣委用等因竊惟自古
國家之所以驅策將士者惟此信賞必罰之權
耳有功必賞而後軍中咸思奏功有罪必誅而
後軍中咸知畏法方今逆賊縱橫一壞於賽尙

剿平粵匪方略卷四

七

阿之失律乖方放賊入楚再壞於徐廣縉之退
縮自保縱賊紛奔以我
朝二百餘年金甌鞏固之天下幾擾亂於二人之
手其為誤
國非等尋常前將賽尙阿等坐監待罪軍中猶懷
然於貽誤軍事罪無可贖若令其帶罪圖功則
咸以辦理乖誤仍可邀

恩自效竊恐南北諸軍之心盡行鬆懈所關實非淺鮮

惟有顧懇

皇上宸衷獨斷

收回成命庶足以伸

國威而振軍心

同日翰林院侍讀孫鼎臣奏言竊惟逆匪流毒

幾半天下始由賽尙阿之玩寇繼由徐廣縉之

聖學聖方略卷四

八

縱賊中外之人同深憤恨

皇上逮治其罪所以彰憲典而振軍威昨奉

諭旨賽尙阿著發往直隸交訥爾經額差遣委用徐廣

縉著發往河南交陸應穀差遣委用等因在

皇上之意不欲其置身事外責令帶罪圖功臣愚以爲

朝廷有功必賞有罪必誅立法森嚴不可倖逃况

現在賊勢蔓延所至潰陷正望

特申威斷庶足懾人心之渙散若賽尙阿徐廣縉身負

重罪且得逃出縲紲軍營大小各員見二人失

律喪師其罰不過如此相率效尤何以制之且

債軍之將聲威盡損卽令勉強思奮亦難望其

有成伏願

皇上斷自宸衷

收回成命使天下知

聖學聖方略卷四

九

聖人大公無我賞功罰罪法在必行則人無倖免之心

士有爭先之氣矣均奏八

上諭內閣曰光祿寺少卿黃兆麟翰林院侍讀孫鼎臣

奏失律之將不宜差遣自係正論惟現在賊竄豫境

河南直隸均須辦理防堵賽尙阿徐廣縉係軍營獲

罪大員豈得置身事外且該革員等前在軍營與賊

接仗於賊情尙能略悉是以發交訥爾經額陸應穀

續修四庫全書 史部 紀事本末類

差遣責令帶罪自效並非將該革員等應得重罪遽行寬宥昨降諭旨甚明儻該革員等仍不知愧奮國法具在豈容倖免賞功罰罪朕心自有權衡大小臣工諒能共喻也

十七日辛酉吏部尚書賈楨刑部尚書翁心存都

察院左都御史朱鳳標奏言竊惟用兵之道貴洞燭乎先幾尤貴通籌夫全局統計徵調各路

聖學方略卷四

十

精兵萃於淮揚者亦既不下數萬然未嘗嚴防後路以致別股之賊乘虛分竄徑過滁和復不能分兵撲滅俾得沿途裹聚由鳳陽而蒙城而亳州今歸德又失守矣賊距汴梁僅二百餘里勝保等雖已引兵而西然僅能追躡賊後江忠源甫由湖北東行折回趕到亦需時日誠恐逆匪聲東擊西由曹考蘭儀渡河關入山東直隸

界內則蔓延益不可問臣等目擊時艱謹公同酌擬防剿事宜六條以備

聖明採擇一扼河而守最爲目前要務宜速令東河總督河北鎮道分段帶兵防遏所有黃河船隻盡拘泊北岸毋以資賊並責成雷以誠王履謙等往來巡查並請

飭令恩華統帶吉林黑龍江官兵兼程前進於兗曹一

聖學方略卷四

十一

帶擇要駐紮山東巡撫南河漕運各總督分扼黃河南北兩岸以通驛路兼護糧臺其續調之山陝各處官兵令駐豫省曹考延津北岸嚴密防堵並防奸細潛窺河隄爲偷渡灌城之計其迤西孟津風陵等渡口一律嚴行防範至汴梁形如釜底萬難堅守宜令撫臣駐兵河干接仗較爲得勢並飛催勝保等星夜赴援毋稍延緩

貽誤一直隸大順廣一帶宜速調重兵防守上年十一月閒已調大名鎮兵一千前赴軍營則彼處兵力實形單薄宜抽撥精兵屯駐以壯聲威惟近京各鎮不可調撥過多致失居重馭輕之道似宜於保定正定調集重兵示以鎮靜儻有蠢動亦易剿擒一河南之偃師閩鄉靈寶爲古桃林殺函要塞山西之澤潞蒲津陝西之潼

聖學方略卷四

十三

商兩路宜令各督撫併力堵截杜賊西竄之路洛陽尤爲險要宜設嚴防一前調察哈爾土默特蒙古馬隊兵在察哈爾熱河分駐現在軍務緊急應否

密飭整頓軍裝器械並豫撥內庫銀以備軍需俟有徵調卽飛速進口內衛京畿外護山東山西兩省庶免遲延一京師九門內外堆撥宜實力整頓

巡查奸宄尤宜加緊應請

飭下步軍統領衙門順天府五城晝夜偵察密速查拏以防竊發再海運米石宜卽運入城內祿米等倉其通倉存儲糧石亦宜於海運事竣後陸續運入城內各倉請

密飭倉場侍郎務爲深遠之謀毋得瞻顧徇私藉詞欺

飾致誤大計一逆賊負固金陵分踞揚鎮以綴

聖學方略卷四

十三

我師而潛向西北肆擾其計甚狡總師于者豈宜智出賊下乃各擁重兵相持不決若復遷延時日師老財匱事變疊生深爲可慮請

特降嚴旨責令琦善等剋期收復揚州和春等水師盡

焚江中賊艦鄧紹良等進復鎮江然後江北之師肅清淮甸江南之師合剿金陵掃穴擒渠餘賊自易殄滅尤須

密飭向榮許乃釗等布置周密毋墮賊匪奸計俾竄出

重圍又蹈永安道州覆轍以上各條似爲今日

急務謹合詞繕摺具陳奏入

上命軍機大臣傳諭理藩院曰前因哲里木卓索圖昭

烏達三盟以軍務未靖呈請由每盟各派兵丁一千

名前赴軍營現在逆匪尙未殲除卽著哲里木卓索

圖昭烏達三盟各派精壯兵丁一千名備齊軍裝火

勦平粵匪方略卷四十一

十四

藥並由該王公台吉塔布囊內揀派得力人員管帶

前赴熱河圍場駐紮聽調該盟長等毋庸親身帶兵

前來其軍餉火藥鉛丸等項已飭熱河都統毓書接

濟矣該兵丁等至木蘭圍場時應如何駐紮操演之

處著派總管那敷德與帶兵之王公等和衷訓練著

理藩院將此旨由五百里傳諭該盟長等知之

上又命軍機大臣傳諭理藩院曰前因錫林郭勒盟長

多羅郡王齊旺扎布等因軍營馬匹不敷情願各捐

馬三千匹應用現由東三盟咨調兵丁需用馬匹孔

急卽著照該盟長郡王齊旺扎布等所請每盟各選

驍壯馬三千匹護送熱河牧場交總管那敷德加意

牧養以備咨調卽將此旨著理藩院由五百里傳諭

該盟長等知之

同日訥爾經額奏言臣疊奉

勦平粵匪方略卷四十一

十五

諭旨遵飭鎮道等督兵合剿惟現接長垣縣來稟探得

河南蘭儀縣業已失守距該縣僅百餘里豫省

境內黃河口岸現無重兵請趕緊調撥等情臣

查黃河南北兩岸均屬豫省管轄直隸地面尙

在北岸衛輝等三府之北該省河北鎮總兵係

屬專管地面惟現當防剿緊急自應不分畛域

嚴防黃河北岸以杜賊匪偷渡臣已飛飭大名

鎮董占元等先其所急將兵勇全行調赴黃河北岸駐紮並請

飭下河北鎮總兵帶兵會同晝夜巡防如有賊匪北渡

卽併力開礮轟擊總期一賊不敢竄擾以重畿

輔而固藩籬藩司張集馨運司楊需亦均令前

赴黃河北岸會同鎮道熟籌妥辦至奉

飭調營馬三千匹臣已分別派調委員解至山東交恩

聖學方略卷四十一

十六

華行營應用仍俟察哈爾馬匹到日撥還各營

以補調撥之數

訥爾經額又奏言臣奉到

諭旨以省城大員祇有臬司能否得力

飭令豫爲酌度臣查古北口現在地方靜謐署提臣保

恆係統轄全省武職大員堪以調至省垣會同

臬司等駐守一俟抵保臣當卽日前赴大名一

帶相機調度督兵防勦

同日直隸布政使張集馨奏言臣馳抵防所後

督臣所謂提標弁兵一千名宣化鎮兵五百名

亦陸續踵至在臨洺關紮營操練大名鎮臣董

占元商以大名府屬界連豫東兩省其中如長

垣東明南樂數縣皆與黃河相距不遠尤關緊

要所撥兵五百名不敷分布稟明督臣將提標

聖學方略卷四十二

十七

兵五百名撥交鎮臣帶往大名分撥防守督臣

又移調河間防兵五百名天津鎮備調兵五百

名俱交鎮臣董占元調度惟路途較遠到防尙

需時日所恃者黃河天險可以保障畿疆當卽

飛咨少詹事臣王履謙囑其嚴防黃河渡口並

由臣札飭河南沿河各州縣將渡船概泊北岸

非公文摺報不准私渡第查黃河以北原野坦

平道途遼闊非有重兵勁旅互爲聲援不足以資抵禦且非多派馬隊難以跟蹤追剿惟有懇懇

皇上天恩俯念畿疆緊要多派勁兵馬隊並乞

欽差大員統兵進剿扼要設防臣亦躬在行間隨同練習斷不敢畏難推諉

張集馨又奏言據長垣縣錫桂稟報河南甯陵

聖學方略卷四

十六

睢州蘭儀三州縣俱已失守長垣逼近蘭儀相

隔一河現探賊勢甚重聚集在蘭儀四十五里

之高小集地方萬分危急立等救援等語查長

垣北岸尙係河南蘭儀縣境直省防兵五百名

由鎮臣管帶分駐在長垣縣境蘭通集屯紮臣

前派去提標兵五百名鎮臣欲安置東明今以

長垣危險應仍令先赴長垣其臨洛關屯紮之

宣鎮兵一千名已飭趕緊起程赴大名府防堵

惟通計已經到防弁兵僅二千名督臣續調之

兵雖尙有二千五百名然總須按程行走而各

州縣紛紛告急實屬顧此失彼查賊勢疾如風

雨數日開連陷河南數邑一經渡河萬難抵禦

惟有仰懇

聖恩迅撥重兵加派大員兼程來防統兵進剿以重畿

聖學方略卷四

十九

輔而安人心均奏入

上命軍機大臣傳諭訥爾經額張集馨曰河南甯陵睢

州蘭儀三州縣俱已失守現在賊匪聚集蘭儀四十

五里之高小集地方長垣逼近該處僅隔一河情形

萬分喫緊該署司已將提標兵五百名飭令先赴長

垣並將臨洛關屯紮之宣鎮兵一千名飭令趕赴大

名一帶防堵自應先其所急惟據稱到防弁兵僅二

千名未免仍形單弱此外該督所調之兵一時未能到齊著卽飭令帶兵各員趕緊前往黃河北岸一帶扼要堵截毋得稍有延誤直隸爲京師保障賊勢剽悍異常必須急派重兵嚴密堵禦著該督再於該省各營內酌調精兵源源接應並督同張集馨董占元等扼要截剿堵其北竄之路該督仍須趕緊出省督辦一切文報妥慎馳遞勿任稍有阻隔致誤事機

勦平粵匪方略卷四十一

三十一

上又命軍機大臣傳諭訥爾經額曰張集馨奏賊蹤密邇到防弁兵僅二千名已諭令該督飭催帶兵各員趕緊前往並令該督出省督辦頃據奏稱已飛飭董占元花里雅遜布帶兵前赴黃河北岸駐紮惟所派各兵仍形單弱著卽添調各路重兵迅速前往合力堵剿毋任闖入直境該督亦應迅速出省督辦不必待保恆到省始起程也

上諭內閣曰逆匪竄擾河南歸德一帶已有旨諭令江

南安徽各路統兵大員並陝甘山西添派精兵分路進剿矣本日據訥爾經額馳奏遵派張集馨楊需並飭大名鎮總兵董占元升任山東兗州鎮總兵花里雅遜布督帶提標大名宣化正定官兵先行馳赴河北會同河北鎮總兵專辦防剿事宜訥爾經額卽日出省督兵接應現在東三盟蒙古王哲里木盟長巴

勦平粵匪方略卷四十一

三十二

圖卓索圖盟長色伯克多爾濟昭烏達盟長那木濟勒旺楚克等各派蒙古勁兵由熱河圍場前來並調集察哈爾官兵近畿一帶大兵雲集著訥爾經額卽督飭直隸帶兵大員奮勇前進以爲山東河南後路應援京師十萬禁兵均已簡調齊備諒茲么膺小醜裹脅匪徒定可指日殲除也

同日陸應穀奏言本月十三日據報賊之前隊

約二千餘人已由陳留赴省臣原帶兵勇三千有餘自歸德失利後各兵潰散不少連日收集僅數百名軍火器械半多不堪應用所調永城防兵南鎮官兵均未到營臣隨身兵勇止百餘名實不足以資攻剿至省城防兵通計不過二千餘名鄉勇二千餘名城大兵單萬難支持且賊已踞劉家口又占睢州壩勢將渡河北岸情

聖學方略卷四

三

形尤爲喫緊臣趕緊催提各兵飛速馳赴省城西北一帶扼要剿截惟賊衆數萬臣現無一旅之師而又乏可靠之將束手無策祇可竭盡心力以期補救所有前懇

飭調慧成暨各路援兵仰祈

迅賜飛催來豫庶省城可保無虞而河北亦有防備矣陸應穀又奏言逆賊自揚州竄出以來在事諸

臣皆以爲僅一二人無足爲慮臣在歸德以數千之師與賊轉戰三日親見賊匪以數百人爲一隊有進無退又往往從後抄襲其由亳至汴者約計在數萬以外又據探稱由陳留至省路中橫排二三十里賊勢如此其大而猶云無慮是直粉飾目前以爲推卸地步今日之汴梁危在旦夕以周圍二十餘里之城兵勇僅止四

聖學方略卷四

三

千萬萬不敷分布况黃河逼近萬一賊人決河灌城則人皆魚鼈至河北渡口太多賊若於汴梁得手則可渡者不止一處河北之防守宜嚴而


神京之豫備尤宜早伏乞

皇上添調精兵保衛京城旣可以爲進攻之用又足以備豫不虞

同日沈兆澐林揚祖奏言臣等自初十日會同署開歸道張昫等辦理防守事宜十二日據報賊匪已至陳留分股來省十三日辰刻臣等在城上見有賊自東南紛紛而來於省城東南兩面往來攻撲賊情詭詐未能測其多寡而兵勢既單城中居民大半逃避無臣聞在陳州一帶數日內未接文報臣等督同官兵並招募民夫

聖恩速飭直隸山東等省並臨洺關駐紮官兵就近星

奏八



奏八

聖恩速飭直隸山東等省並臨洺關駐紮官兵就近星夜來汴以資救援庶得內外夾擊淨掃妖氛均

上命軍機大臣傳諭陸應穀沈兆澐林揚祖曰賊眾於十三日辰刻自東南紛紛而來在省城東南兩面攻撲城內兵力既單陸應穀原帶兵勇自歸德失利後

潰散不少現在汴省情形萬分喫重本日已諭令舒興阿迅帶陝甘精兵四五千名馳往河南周天爵統帶兵勇已於十一日馳抵永城勝保亦帶兵於十二日起程本日復諭令趕赴汴梁應援托明阿及善祿等諒均帶兵趕到陸應穀一俟調兵稍集即與周天爵托明阿勝保等合力奮擊以保危城現在兵力不敷該處團練鄉勇亦可藉資策應該撫即出示廣為

聖恩速飭直隸山東等省並臨洺關駐紮官兵就近星

奏八

奏八

曉諭令其家自為守人自為戰如有殺賊立功者一面奏聞一面即破格優加獎賞至賊眾數萬多係沿途裹脅之人有無可以設法解散之處著該撫相機辦理豫省人心固結朕所素知沈兆澐等務當激勵兵民嬰城固守以待援兵指日大兵雲集會合夾攻諒不難轉危為安也並著該撫飛飭署河北鎮總兵崇安嚴防北岸毋稍疏虞

上又命軍機大臣傳諭托明阿奕經善祿曰前因逆匪竄入河南諭令托明阿奕經善祿督兵迅速赴援本日據陸應穀奏賊匪竄至汴梁往來攻撲城中兵力單弱難以支持情形萬分緊急著托明阿奕經善祿等統帶官兵兼程前赴汴梁會合陸應穀等併力夾擊以解豫省危急並遏賊匪北竄之路奕經善祿所帶各兵均歸托明阿調遣該將軍務與該侍郎提督奮力督剿迅殄賊氛毋稍延誤

欽定剿平粵匪方略卷四

三

上又命軍機大臣傳諭舒倫保舒興阿張祥河曰前因逆匪竄入河南降旨令舒興阿撥兵四五千名派員由河南分起前進本日據陸應穀等奏賊匪已竄至汴梁河南省城情形萬分喫重著舒興阿迅即親帶官兵馳赴河南合力進剿如山東直隸情形緊要仍遵前旨北行追剿毋稍遲誤其陝豫交界地方著舒

倫保張祥河扼要設防不可稍涉大意

上又命軍機大臣傳諭周天爵曰現在逆匪竄至汴梁往來攻撲城中兵勇不過四千餘名此股賊匪由鳳陽竄出周天爵援應已屬遲延刻下河南省城萬分危急若再不奮力窮追汴梁設有疏虞將何以對朕耶周天爵著仍遵前旨督帶兵勇迅速兼程馳赴汴梁內外夾攻既可以救大梁之危即可以遏北竄之路

欽定剿平粵匪方略卷四

三

上又命軍機大臣傳諭華山泰曰前有旨令察哈爾都統豫備馬隊官兵四千名赴張家口屯駐備調現在賊匪竄至河南畿輔重地自應豫爲防範著華山泰迅即統帶此項官兵來京聽候調遣再前調察哈爾馬五千匹計已解赴直隸山西兩省著再挑騰壯馬五千匹迅解來京以備官兵乘騎其察哈爾都統著

盛桂暫行署理

同日勝保奏言 臣前准琦善咨會由 臣帶兵馳

赴滌鳳追剿北竄之賊即帶正定天津二鎮標

兵一千名及先挑川勇三百名並琦善咨交湖

廣壯勇六百名於五月十二日自司徒廟起程

由安徽天長五河等縣一帶行走沿途探明賊

蹤晝夜兼程相度機宜總期繞出賊前迎擊以

剿平粵匪方略卷四

天

扼其北竄或賊竄在前當由間道設法截剿並
遵

旨於續到官兵內酌量調撥前進仍先行飛咨奕經托

明阿周天爵李嘉端等無論何處遇賊務須和

衷商辦分路夾攻迅掃妖氛以紓

宸廑

勝保又奏言現由 臣琦善撥來 臣行營銀三萬

兩又帶赴臨淮營銀一萬二千兩交黑龍江馬

隊統計僅敷兵勇一月之用若賊匪早就殄滅

則糧臺不必另籌然賊蹤無定行止靡常設須

添調兵丁剿辦恐距徐州糧臺稍遠即難源源

接濟可否仰懇

皇上飭令山東河南安徽等省於藩庫及鹽務項下隨

時撥解到營以便接濟奏入

剿平粵匪方略卷四

天

上命軍機大臣傳諭勝保曰賊匪現已竄徧汴梁勝保

帶兵追剿無論行抵何處如糧臺未能源源接濟准

其就近提動各府州縣庫銀倉穀以濟急需現在汴

梁情形萬分喫緊勝保著即星速前往救援毋稍遲

誤

上諭內閣曰勝保已帶兵赴河南地方剿賊刑部侍郎

雷以誠著即幫辦軍務與琦善陳金綬督兵克復揚

城毋稍延緩

同日

上命軍機大臣傳諭恩華瑞昌李德曰前據恩華奏探聞賊匪由曹河上游搶船北渡當經諭令恩華等星速督兵前進扼要堵截數日以來該處情形如何朕心實深懸繫渡口船隻卽被該匪搶渡若趕緊截擊尙易剿散如有續來匪徒或乘其半渡邀擊或於水

剿平粵匪方略卷四

三十一

路要隘處所豫伏官兵遇其登岸之路著恩華瑞昌李德相機妥辦務令大股賊匪不敢渡河竊伺則剿辦較易得手

同日

上諭內閣曰現在賊匪竄擾豫省已派大兵前往剿辦所有山東防剿事務著恩華瑞昌與李德專辦直隸防剿事務著訥爾經額督同張集馨董占元專辦

同日江忠源奏言臣於四月初七日自鄂起程

初八日接署督臣張亮基撫臣崇綸札委順道

勦辦廣濟縣匪徒二十一日准安徽撫臣飛咨

粵匪分股竄擾滁州飭卽帶勇由捷徑馳赴豫

皖界上扼要堵截二十五日復奉

旨俟廣濟事竣再赴江南臣於二十七日將大金坂巢

穴焚燬並將張東銘捕獲餘匪膽落四散逃匿

剿平粵匪方略卷四

三十二

現在大局已定交署提臣阿勒經阿接辦臣卽

於初三日自廣濟帶勇起程初五日夜分行抵

九江接到江西撫臣張芾等札稱賊船千餘隻

乘風回竄九江存城兵力無多飭臣酌量緩急

情形辦理如賊未過太平蕪湖卽會同江南官

兵合力攻擊如賊已抵皖城卽折回九江下游

一帶擇要扼剿初八日臣正在督派弁勇乘舟

前往接據探報賊匪分股回竄乘船千餘隻順風駛上已於初七日至彭澤縣臣急擬帶勇迎擊惟楚勇僅存一千二百餘名兵力單弱敵位全無江面寬至十餘里沿途無險可扼倉卒遇賊不惟攻擊難施兼恐措手莫及當卽督帶弁勇入城分塚堅守惟潯城過寬合計一千七百八十餘塚臣所帶楚勇不敷守塚之數九江存

聖恩惟

三

聖恩惟

三

城兵丁六百餘名皆係未經戰陣如果賊匪回竄攻城兵力過形單弱臣身受

聖恩惟有激勵將士竭力堵禦與城存亡仍一面飛探下游消息再行設法辦理

江忠源又奏言臣奉

旨幫辦軍務任大責重現在賊匪分股回竄大營隔絕聲息不通可否仰懇

天恩飭下雲貴湖南督撫臣簡派精兵數千飭令迅速來營交臣管帶臣並擬差弁歸里添募壯勇三千湊足萬人自成一軍兵力既厚戰守有資臣當躬率將士竭力掃除與賊勢不兩立如有不效治臣之罪奏入

上命軍機大臣傳諭江忠源曰據奏賊匪回竄彭澤督帶兵勇駐守九江又兵勇單薄請飭雲貴湖南督撫

簡派精兵數千來營管帶等語九江爲江西湖北兩省關鍵賊旣回竄堵禦尤關緊要此時鳳陽之賊竄入河南江忠源馳往救援已恐緩不濟急著卽駐紮九江府城妥爲布置本日已諭令湖廣督撫迅調重兵前來策應另片奏擬差弁回湖南添募壯勇以資戰守具見急公悃忱此股賊匪中有無被脅難民堪以解散之處並著會同該撫張芾相機妥籌辦理現

在賊勢飄忽靡常儻由江西被擊逃散北省一帶情形緊急該臬司仍遵前旨先其所急馳赴救援毋稍拘泥

上又命軍機大臣傳諭吳文鎔吳振械蔣蔚遠曰現在賊船回竄重擾安慶九江等處本日已諭令張亮基等揀派精兵數千名赴九江應援會剿惟念楚省現辦土匪正值需兵之際且調出各路官兵已復不少

欽定剿平粵匪方略卷四

三

仍須於滇黔兩省酌量調撥羅繞典如尙未到任著吳文鎔吳振械蔣蔚遠迅卽挑選精兵各二千名就近派員管帶馳赴湖南以備調遣

上又命軍機大臣傳諭張亮基略秉章崇綸曰據江忠源奏所帶楚勇僅存一千二百餘名戰守俱形單弱著張亮基等迅卽揀派精兵數千名馳赴九江交江忠源管帶如能遏賊分竄亦可以保固楚省藩籬至

湖南現勦土匪亦屬需兵之際已諭令雲貴督撫調兵四千前赴湖南以備遞撥該署督等接奉此旨著卽先將本省兵酌調前赴江西諒能統籌全局先其所急斟酌辦理也

欽定剿平粵匪方略卷四

三

欽定勦平粵匪方略卷四十一 癸丑年

五月十八日 壬戌 江甯將軍托明阿貴州提督善

祿奏言五月十二日 臣 等馳抵歸德聞得本月

初七日賊匪攻陷歸德府城撫 臣 陸應穀帶兵

於歸德城外與賊接仗未能獲勝賊現奔竄汴

梁 臣 等當卽督兵趕往進剿並飛咨勝保奕經

等遵照前

勦平粵匪方略卷四十一

一

旨迅卽督兵前進互相聲援仍應請

旨飭下山東陝西直隸各督撫迅速撥兵扼要堵截現

在叅將樂桂在歸德收復潰兵請卽留在歸德

駐守並添派遊擊常有撥兵協同防守再遊擊

成明於五月初九日帶兵九百名趕至歸德大

股賊匪已去因有土匪在城搶掠已經該遊擊

帶兵勦除並安撫逃回難民請將該員及所帶

弁兵隨同 臣 等進剿逆匪以遏兇鋒奏入

上諭曰應如何進剿截留隨時斟酌辦理河南諸軍既

統歸托明阿調遣責有攸歸無可推諉汴省緊急萬

分以速速援救爲要

同日工部尙書許乃普奏言軍興以來屢奉

諭旨令官兵實力防堵紳民所在團練乃無事時則言

防而有事卽逃並不能堵無事時則言練而有

勦平粵匪方略卷四十一

二

事卽散並不能團甚至黑龍江勁旅亦以帶兵

不得其人聞風先潰遺棄軍裝該逆遂由滁州

鳳陽蒙城竄擾歸德總因浦口堵剿不力任其

蔓延所致此次竄入豫省之賊想江比重兵必

已趕赴堯剿惟又成尾追之勢而歸德以北兵

力尙單必須精兵迎頭截擊方足以壯士氣而

殄賊鋒咸豐二年十二月蒙古王等年班來京

呈請自備資斧前往軍營勦賊奉

旨暫行毋庸前往聽候調遣現當北路亟籌防勦之時

似可照所請辦理俾得及時自效將來功成事

定懋賞優加所有該王等自辦軍裝經費儘可

分年給還再河北彰德衛輝懷慶三府士民素

稱義勇儻有能自備糧餉獨成一隊殺賊立功

者應請援照福建海澄公之例予以五等之爵

禦粵匪方略卷四十一

三

卽日刊刻謄黃徧行曉諭則河北豪傑之士必有應

詔而起者緣賊氛一日不平人心一日不定不爲我用

難保其不爲賊誘

國家懸以爵賞待以誠信順逆邪正自不待智者

而決矣

同日刑部左侍郎羅惇衍通政使司參議梁同

新左庶子馮譽驥給事中張祥晉奏言邇來賊

蹤靡定擾及河南伏乞

皇上明降諭旨將現在情形廣行曉諭俾知賊距京師

尙遠凡所布置皆係思患豫防且可令逆匪震

驚聞風遠遁則人心自定而賊膽必寒矣茲謹

擬守禦之法四條恭呈

御覽一京師城外宜先紮營盤以資防衛也查守城之

禦粵匪方略卷四十一

四

要必於各城門外扼要立營互爲犄角其餘路

徑皆用濠溝空斷並築土牆以資捍衛復將靠

城屋宇全行拆毀庶賊無薄城之患至距京較

近之德州雄縣良鄉固安各州縣並蘆溝橋永

定河各要隘皆當遴派官兵鎮守以聯聲勢一

京師城內宜聯絡官民以察奸細也查京師旗

人皆住內城各直省商民多住南城應各分地

段編排保甲五家聯保其稽查之法則令滿漢科道八十員專司其事如有別項差使者令

記名御史人員及兵刑二部郎中員外郎充補將內城

南城各分爲四十段滿科道稽查內城漢科道

稽查南城將鋪戶居民做五百家爲黨之制擇

舉黨正分董之每黨設長班一人更夫柵夫四

人以資差遣其經費皆取給於五百家之中每

勦平粵匪方略卷四十一

五

街皆設柵欄以時啟閉奸細自無從匿跡至官

民聯絡之法內城則分旗分南城則分省分每

旗每省中請

欽派大員一二人爲倡令其各相聯絡議定章程有警

則按所分地段酌出人數幫護城垣庶官民一

氣相孚矣一京師糧餉當權宜籌備以濟急需

也查戶部庫銀現存無多各倉糧米亦復不足

目前濟急均應參以權宜凡各省年例撥解款

項應請概行解京以應軍需其各省應用之款

皆令各督撫設法暫籌以先所急而後所緩至

京通各倉多有設立城外者如有多存米石或

先行支放或運赴城內各倉以備要需庶食用

兼足可無匱乏之虞矣一京師防禦宜量調外

兵以壯聲援也查金陵揚州兩路兵力最厚得

勦平粵匪方略卷四十一

六

力將弁亦多雖該處防勦尙爲喫緊然探聞揚

州賊勢漸衰似可分兵北來接應至金陵營中

各兵弁前在粵楚有年賊情較熟儻能酌選精

兵迅速北上似爲得力若兵力難分或擇諳練

營務之鎮將數員星馳到京以資調遣於防禦

不無裨益以上四條皆屬目前急務伏乞

皇上聖明洞鑒立予施行以安畿輔而固人心均奏入

上諭內閣曰現在逆匪分股竄擾河南地方已派大兵前往剿辦並命直隸山東各督撫及統兵大員專辦防剿近畿一帶大兵雲集亦可源源接應因思京師爲根本重地防範稽查尤關緊要著派御前大臣科爾沁郡王僧格林沁步軍統領左都御史花沙納右翼總兵達洪阿軍機大臣內閣學士穆蔭專辦京城各旗營巡防事宜

欽定剿平粵匪方略卷四十一

七

上又諭內閣曰賽尙阿著留京隨同僧格林沁等辦理巡防事宜

上又諭內閣曰逆匪負固金陵揚鎮分竄皖豫壘陷城池狡譎兇殘神人共憤方其初竄浦口不過一二千人經吉林官兵於六合地方奮擊痛殲不下數百其長髮真賊自臨淮西奔者爲數實已無幾乃沿途裹脅擄掠資財焚燒廬舍滁鳳蒙臺之間被其蹂躪實

惻朕懷現在各路大兵分道攻剿惟恐該逆鋌而走險飄忽靡常所過地方居民人等或因猝不及防紛紛遷徙轉遭荼毒是避害而適以罹害何如自相保衛奮勉圖功乎本年正月特降諭旨令各省倣行嘉慶年間堅壁清野之法旋諭中外大員各舉所知襄辦團練諒已次第舉行我朝

列祖

欽定剿平粵匪方略卷四十一

八

列宗深仁厚澤淪浹民心凡食毛踐土之倫莫不尊親共戴當此逆氛未靖必有忠義勇敢之士奮跡草茅建奇功而膺懋賞者如從前楊遇春楊芳等均起自鄉里致爵通侯比年廣西湖南等省紳民團練剿賊無不立予恩施卽如幫辦軍務之湖北臬司江忠源亦以居鄉團練屢著勞績超擢監司可見練勇之中人材輩出凡爾士民同茲觀感至北地民風素稱驍

勇安徽河南山東江南交界地方不乏奇傑之材能
為民禦災捍患其有自備資斧募勇投效軍營殺賊
立功者統兵大臣卽覈明該士民募勇名數卽奏
請優獎或給官職或給翎枝勇號以為急公嚮義者
勸其在本籍團練保衛鄉閭一遇賊匪竄至卽行合
力殲擒則捍禦之功亦與效力行閒同其賞賚地方
官吏仍不得擅行徵調致令遷地弗良如此實力奉

聖朝方略卷四十一

九

行以兵衛民卽使民自衛俾賊進無所掠退無所踞
散其黨與殲厥渠魁烏合之寇不足平也至從前被
脅之徒或以驕橫結怨鄰黨或以桀驁誤蹈刑章若
能勦賊自效卽可立荷恩施如張國樑之浚權都司
張鳳山等之賞給頂戴明徵具在卽或先被賊誘自
拔來歸但能改過自新亦可同邀寬典此朕仰體
上天好生之德除惡安良之意各該大臣將軍督撫等

著卽刊刻謄黃徧行曉諭咸使聞知

臣等謹案夏書有言曰殲厥渠魁脅從罔治
蓋戮渠魁以奪姦宄之氣赦脅從以安反側
之心誠有合於恩威並用之義也粵逆以小
醜跳梁初不過一二狂悖之徒藉端煽亂及
至沿途裹脅兇燄日張所過城池橫遭蹂躪
愚民無知動作避地之計而卒未能免於難

聖朝方略卷四十一

十

我

文宗顯皇帝念切痼瘼不忍斯民流離失所
特諭直省舉行團練並堅壁清野之法兵與民聯絡一
氣固足使窮寇進無所踞退無所掠矣近又

廣布綸言

招選茂異凡才備干城之選者但能殺敵致果靡不
優加超擢卽或被賊脅從誤罹法網苟能自拔來歸亦

必

恩施逾格予以自新既荷

皇仁浩蕩復欽

聖武昭垂彼罪惡貫盈之輩固將聚而殲旃而投誠悔

罪之儔及安居樂業之眾亦孰不涵濡

閭澤共戴

堯天也哉

聖學方略卷四十一

十二

上又諭內閣曰自逆匪竄踞金陵揚州鎮江以來疊經降旨令琦善向榮迅速督兵克復並嚴防逆賊分竄之路乃該大臣等各擁重兵未能收復一城以致另股賊匪由安徽竄至河南重煩徵調琦善向榮均係獲罪之員經朕棄瑕錄用若再不知感懼剋期收復三城坐使賊勢蔓延勞師糜餉國法具在該大臣等其各懷之

上又諭內閣曰自逆匪竄擾粵楚以來所過州縣地方

動輒失陷卽省會郡城如安慶九江等處亦未聞有

摧遏兇鋒嬰城固守者推原其故總由地方各官先

存一倖生畏死之心遂將土地人民委之不顧實堪

痛恨前經降旨諭令統兵大臣及守土大吏將失守

城池各員查辦乃或稱下鄉募勇或稱遇救得生曲

爲隱飾且有久未查明入奏者似此遇賊逃避之員

聖學方略卷四十一

十三

若不嚴行懲辦何以肅國紀而儆將來著各該督撫大吏凡有失守地方未經覆奏各員迅卽查明按律定擬具奏並著該部分別催查儘仍延玩卽將該管上司叅處

十九日 癸亥 訥爾經額奏言直隸東西兩面均與

山東河南毗連前奉

飭調山西兵三千名來直防堵乃山東撫臣李德又請

調直隸精兵二千名赴東操練誠如

聖諭畿輔重地亟應嚴密布置不能再分兵力臣思交

界豫東地面前已增兵防守保衛直隸卽所以

壯鄰省聲援現惟嚴飭鎮將等偵探賊蹤所至

欽遵

諭旨出境協剿不任株守一隅至山東單縣之劉家口

係與直隸東明縣接壤現准撫臣李德來咨知

聖學方略卷四十一

十三

已馳赴劉家口堵禦東明近接長垣自豫省蘭

儀失守長垣喫重添調各兵防守黃河北岸係

與東明聲息相通若果劉家口有警自當不分

畛域移兵攻擊可期應手惟調撥之本省山西

官兵到齊後前路固已嚴密而後路接應之兵

必須豫爲防範臣查前奉

飭調之察哈爾馬隊兵四千名現駐張家口外直隸地

勢平衍騎兵馳逐易展其長相應請

旨調撥二千名來直擇要駐紮以備緩急之需奏入

上命軍機大臣傳諭訥爾經額曰現在直隸防堵喫緊

本省之兵必應移緩就急不可專恃鄰省派兵協防

前調山西兵三千名恐到直尙須時日該督仍當飛

催本省各營已調之兵趕緊前進並就近添調以資

策應毋稍遲誤直隸全省輿地並與山東河南交界

聖學方略卷四十一

十四

水陸要隘處所何處駐兵若干名何人管帶著卽詳

細繪圖貼說具奏

上又命軍機大臣傳諭華山泰曰前有旨令華山泰等

統帶察哈爾官兵四千名迅速來京聽調並挑騰壯

馬五千匹迅解來京著華山泰卽日統帶官兵配齊

軍裝器械前來所調馬五千匹並著迅速挑解勿稍

遲誤

上又命軍機大臣傳諭奕興景瀄曰現在賊匪由皖竄

豫畿輔一帶急應嚴密防堵著奕興飭令協領魁星

保塔芬布綽勒霍倫特普欽等於盛京旗營內無論

壯丁餘丁挑選步隊精兵四千名派錦州副都統維

祿與該協領等統帶並著景瀄於吉林旗營內挑選

馬隊精兵二千名派伯都訥副都統倭克精額統帶

均各配帶軍裝器械迅速馳赴天津聽候調遣並著

剿平粵匪方略卷四十一

十五

奕興挑備大凌河騰壯馬匹二千卽令該吉林官兵
乘騎啟行毋稍延緩

同日恩華奏言臣前因賊匪於曹河上游撲過

北岸情形緊急當卽催提後路官兵星馳前進

一面派人偵探現據探得曹州之賊大半土匪

已往西南竄去東境情形稍緩臣卽應遵

旨赴豫勦辦惟所帶之吉林黑龍江等處官兵應領火

藥鉛丸鍋帳馬匹等項均由徐州糧臺支領道

途迂遠稽延時日現在應用各項擬就近在兗

州糧臺支領臣卽由濟甯曹州渡黃馳赴河南

既不至繞越道路而該處土匪並可相機勦洗

庶不失兼顧之意至臣統帶之黑龍江官兵二

千名現在東省情形既緩應仍由臣督帶赴豫

其托雲保容照所帶之吉林前五起官兵臣行

剿平粵匪方略卷四十一

十六

文令其帶領一併赴豫所有濟甯一帶應由署

東河總督長臻會商山東撫臣李德另行撥兵

防堵奏入

上命軍機大臣傳諭恩華瑞昌李德曰前因賊匪出曹

河上游搶船北渡當有旨令恩華等星速前進昨因

東省緊要復明降諭旨令恩華瑞昌與李德專辦山

東防勦事務茲據奏稱曹州之賊大半土匪已向西

南竄去東境情形稍緩該尙書由曹州渡黃馳赴河南自應如此辦理所帶黑龍江官兵二千名著卽督帶迅速前往其托雲保容照所帶之吉林官兵著令其一併赴汴惟河南固宜趕緊赴援河北尤應嚴密防範李德曾否帶兵折回所派曹州鎮兵是否足資防剿瑞昌是否同恩華一路前進抑係分路兜剿總期於進剿時兼顧後路勿令逆匪乘間渡河轉致官

聖學方略卷四十一

十七

兵落後墮賊奸計所有官兵火藥鍋帳馬匹口糧據稱擬由兗州就近支領自較徐州爲便著卽知照辦理

同日沈兆澐林揚祖奏言 臣等因汴省城大兵單招募民勇與官兵一律登陴十三日該匪等往來城東南兩面施放槍礮經 臣等督飭兵勇用千餘斤大礮向其開放賊匪紛紛避至離城

數里之繁塔寺屯紮十四日黎明 臣等不惜重賞激勵兵勇中敢死之士多人縋城而下攜帶火彈將賊占村屋焚燒莊內餘匪盡行殺斃是日午後又有賊匪從東而來或馳或步不計其數皆離城數里繞道而行內有近城探視之匪經兵勇下城追擊殺斃十餘名生擒十名正法傍晚賊望西南行走在遠村屯集該匪夥黨甚

聖學方略卷四十一

十六

多近聞已竄赴距城四十五里之朱仙鎮該處五方雜處誠恐陸續裹脅勢益猖獗 臣等現惟督率紳民兵勇固守城垣目前尙可勉力支持所慮者匪勢日增我兵寡不敵衆汴省係畿輔門戶城西二十五里黑岡地方緊臨大河萬一賊匪盜決有不堪設想者伏懇

皇上迅賜催調直隸山東等處官兵及臨洛關防守官

兵就近星夜馳赴汴城救援並調提臣善祿前赴安徽宿州一帶官兵急回豫省以資堵禦奏

上諭曰能如是固守甚好各路援兵陸續可到著固守以待之

沈兆澐林揚祖又奏言前漕督周天爵侍郎呂賢基聞帶領兵勇駐紮宿州一帶此時賊匪已

聖學聖方略卷四十一

十九

由歸德西竄開封睢州杞縣陳留等處道路梗塞文報難通不知周天爵等現紮何處可否仰

乞

特旨迅飭該侍郎等帶兵數千或由永城入豫或由安徽問道前來一面由臣等稟催撫臣繞道回省合力攻剿保護省垣速圖克復歸德實為兩便奏入

上命軍機大臣傳諭周天爵曰前已疊次諭令周天爵

馳赴汴梁奮力救援本日據沈兆澐林揚祖奏省城防守情形等語十三十四兩日賊匪於城東南兩面施放槍礮並有股匪從東而來不計其數官兵雖小有擒斬該匪退至繁塔寺屯紮又有竄赴朱仙鎮之信非外援迅速趕到與城內防兵協力夾攻難解倒懸之厄周天爵不能於亳州一帶攔賊北竄致令直撲汴梁遲誤已難辭咎若再遷延不進於心何安該侍郎即星夜兼程赴援與恩華托明阿善祿陸應穀等急籌解圍毋再遲延

聖學聖方略卷四十一

二十

上又命軍機大臣傳諭恩華曰本日已寄諭恩華等帶兵赴汴剿賊頃復據沈兆澐林揚祖奏賊匪圍攻汴梁甚急仍固守待援已諭令周天爵趕緊赴援惟賊匪梗阻東面恐周天爵援兵中途遇賊或有阻滯該

尙書已由曹河南渡距汴梁省城更爲近便著卽星速前往援救萬勿遲延乘賊匪勢尙散渙且被我兵擊退之時援兵趕到定可以痛加勦洗一切機宜應如何急籌妥辦之處不必再行請旨轉致貽誤

二十日甲子琦善慧成陳金綬奏言臣等因勝保於本月十二日帶領兵勇由天長迎勦竄賊恐揚城賊匪乘我移兵倥偬之時突出潛襲因於

聖朝方略卷四十一

三

十二日臣琦善攻打北面諭令德興阿等嚴防南門陸路臣陳金綬攻打西面臣慧成攻打東面十三十四等日接續會攻該匪因連日攻城緊急在南門河東搭架浮橋將西門大礮移併南門城上並於南面城堞添設槍礮臣等亦飭弁兵將水湖浮橋拆毀便益舊南兩門屢有賊匪潛出均被官兵迎擊仍潰入城廣儲門竄出

賊數較多雙來聞信趕往督同擊斃數十人招出民人陶淦等四名訊據供稱前日炸子打入城內擊斃廣西賊目三名湖南賊目五名賊眾甚懼湖南賊目計在死守臣琦善因該逆等既有畏懼之心必無堅守之志因用反間法繕寫告示多張諭令如能獻獲賊目來營不但免罪並與奏請賞給官職隱約其詞用火箭射入城

聖朝方略卷四十一

三

中使逆賊死黨見之互相猜疑此連日會攻揚城之情形也昨據派防浦口武慶開隆阿等呈稱五月初八日三更時分在金堂門外巡哨見江面有賊船四五十隻正在查看間忽從蘆葦中出有賊匪二三十人鳴鑼喊叫經武慶等奮力攻擊賊匪落河淹斃復在蘆葦中搜獲二十餘人當卽殺斃燒燬賊船十餘隻奪獲賊匪大

船一隻臣查該逆由浦口續竄接應皖省股匪本在意中現經武慶等擊退可見官兵但能奮勇直前逆賊卽行敗退頃又據淮徐道王夢齡稟稱賊匪初六日自亳州分竄歸德初七日午刻歸德失守准周天爵咨稱已帶兵赴歸德救援此外托明阿奕經善祿等未知行抵何處臣刻已飛咨托明阿等迅速帶兵前赴河南合力

欽定剿平粵匪方略卷四十一

三

堵剿又函商恩華等酌量情形將徐州清江兩路並顧現在賊匪竄至歸德距揚州較遠設向開封竄擾則衛輝爲扼要之地須調北來重兵防守更有蘭儀渡河徑至考城曹縣一路臣琦善已飛咨勝保就近相機辦理免致往返札商有誤事機奏入

上命軍機大臣傳諭琦善陳金綬雷以誠曰前因揚城

日久相持疊經降旨令該大臣及早克復並有旨令於季夏以前全行掃滅茲據奏稱連日會攻揚城情形雖經獲勝總未得手逆匪窮而思竄若能嚴防水陸竄路並用反間解散黨與自可計日克復該大臣既知官兵奮勇直前逆賊卽行敗退正當乘此激勵將弁兵丁一鼓作氣若再遷延試問貽誤之罪將誰屬耶前有旨令慧成帶兵折回河北將雷以誠昇以幫辦軍務重任著琦善陳金綬與雷以誠會同迅速攻剿毋再觀望現在汴梁被圍待援孔亟已諭令恩華托明阿善祿等前往協剿如早復揚城賊匪聞風膽落分兵會擊不難迅掃妖氛也北省軍營熟悉賊情者甚少著琦善於所帶將弁並直隸弁兵中各揀數人迅飭前赴直隸交訥爾經額差遣

欽定剿平粵匪方略卷四十一

三

同日署理河東河道總督長臻奏言臣前悉賊

匪北渡已飭將各口渡船拘集北岸嚴飭道廳實力防守旋於十一二日接兗州糧臺司道會稟賊匪已有搶船撲過北岸之勢劉家口距曹縣六十里距鉅野一百二十里處處兵單請速調弁兵前往堵剿臣查東省為直隸屏障濟城又為省垣藩籬距曹縣僅二百數十里設有疏虞所關匪細但本省各營弁兵節次徵調空虛

聖學方略卷四十一

三

河標額兵除調赴江北防剿外其餘分派水陸衝衢及在城防守尙屬不敷該州縣雖各團練鄉勇為數無多未能禦豕突狼奔之眾必須移緩就急趕截客兵以冀保全大局現據兗州糧臺司道稟明將已到滋陽縣之大同官兵五百名咨交曹州鎮臣帶赴曹單沿河防堵現在尙書恩華統帶

盛京吉林黑龍江官兵由德州改走水路陸續抵濟應請暫行截留二千名於西南一帶分布要隘迎頭剿擊洵於東直兩省均有裨益奏入

上命軍機大臣傳諭長臻李德曰據長臻奏賊氛逼近黃河北岸請截留恩華所帶官兵分布堵剿現因汴梁待援情形緊急已降旨催令恩華迅往援剿計此時已出東境未便截留著該河督該撫等體察機宜

聖學方略卷四十一

三

應如何就近籌調兵勇嚴密設防之處隨時知照妥辦尤當扼守黃河各渡口勿令賊匪偷越

同日周天爵奏言臣於五月十一日追賊至河南永城縣十三日接據署江南徐州道王夢齡稟稱賊匪攻陷歸德府後又分股至劉家口一帶搜搶船隻意圖東下徐城距該處三百餘里黃河一水可通卽西南蕭碭兩縣陸路處處可

以分竄請將舉人臧紆青所募壯勇一千五百名飭令星夜管帶來徐協同防守並請酌派勁兵前往永碭宿交界之處扼剿以爲徐州上游聲援查宿徐一路西赴潼關北達兗濟必得重兵駐守臣惟馳抵碭山黃河南岸專守中路就近與呂賢基奕經等會商防剿奏入

上命軍機大臣傳諭周天爵曰自賊匪由皖入汴節次

欽定剿平粵匪方略卷四十一

三

諭催周天爵赴援朕意該侍郎前經行抵永城定已兼程前進茲據奏請扼守宿徐黃河以固中路該侍郎奉命剿辦賊匪布置經時總未離宿州近處以致賊匪自滁至亳直入豫省未聞督率兵勇與賊接仗今大梁危急而該侍郎折赴碭山欲其援救汴城已屬無及既據奏稱徐州水陸各路形勢均爲緊要卽著該侍郎扼守徐州妥爲布置沿河要隘督飭嚴查

儘有賊匪偷渡惟周天爵是問徐州糧臺現已移往宿遷該縣係臧紆青原籍著卽飭令帶同練勇守護糧臺並嚴緝土匪毋稍疏虞

同日陳啟邁奏言據蕭碭二縣探報賊衆分股至劉家口屯踞搶奪商船意圖分竄查劉家口爲豫東各省商船雲集之所距歸德四十餘里徐州居其下游水程不過三百餘里各路糧臺

欽定剿平粵匪方略卷四十一

三

萃集一處深慮匪衆聞風窺伺當此黃河大汛輕舟急溜不難朝發夕至雖徐城兵勇現有三千餘名以之分扼水陸尙覺單薄糧臺關繫緊要不敢不加意慎重當與徐州鎮臣百勝徐州道王夢齡熟商稟請尙書恩華侍郎奕經撥兵來徐以杜北竄一面將軍火糧餉遵照疊奉諭旨相機保衛於十四日移紮宿遷該處在徐城下二

百五十里雖同一濱臨黃河相離較遠且河南糧臺亦經藩司鄭敦謹同時移紮宿遷該逆知徐城無可覬覦或者不復東下惟宿遷存兵不多山東撫臣李德昨因曹州告急折回東省將派赴王營防堵之山西官兵五百名僅留宿二百名其餘三百名仍飭赴王營駐紮現在糧臺既移宿遷自應一併截留再擬添募壯勇以資

聖學聖方略卷四十一

三

保衛奏八

上命軍機大臣傳諭陳啟邁鄭敦謹曰賊匪紛竄皖豫距徐州較近糧臺自應移設著准其移住宿遷相機保衛仍著隨時偵探賊情嚴查土匪徐州兵力較單臧紆青籍隸宿遷已諭周天爵飭令該舉人帶領練勇協同官兵守護糧臺矣陳啟邁係承辦慧成恩華等北路官兵糧餉茲慧成已赴河北迎勦恩華赴汴

應如何分派糧臺各員源源接濟之處卽著陳啟邁會同鄭敦謹妥籌辦理現在鄭敦謹所辦琦善軍營糧臺亦同移至宿遷儻日後情形不同仍著該藩司等妥籌擇地布置

同日

上命軍機大臣傳諭陸應穀沈兆澐林揚祖曰昨據沈兆澐林揚祖奏省城防守情形並請飭催援兵已諭

聖學聖方略卷四十一

三

恩華等星夜前進赴援矣該紳民等志切同仇協力固守甚屬可嘉現在攻撲汴梁之賊尙非大股經我守城兵民連日焚殺卽不敢偪城屯紮果能堅守以待援兵當不致有意外之虞現在托明阿善祿計已抵汴恩華亦由曹州南下計日當亦到汴勝保早經起程由皖赴豫指日大兵雲集定可保此危城著沈兆澐等傳旨曉諭該合城文武紳民人等如能始終

不懈保守危城必當破格施恩以酬勞績並著沈兆
澐等將尤爲出力官兵士民先行酌賞軍功項翎以
作士氣至賊匪藏匿民房及繞道遠行難保非別有
奸計或係潛用地雷或係偷挖隄岸皆須密爲偵探
加意防範黃河北岸已飭長臻李德撥兵嚴防陸應
穀此時是否到省所謂之兵共有若干鄆陵迤北有
無梗阻總須內外夾擊勿徒株守並密探賊中動靜

欽定剿平粵匪方略卷四十一

三

嚴察城內奸細廣爲曉諭以定人心

欽定剿平粵匪方略卷四十二 癸丑年

五月二十一日 乙丑 杭州將軍瑞昌奏言臣由京

起程行抵汶上途次准李德咨稱奏明截留各

省官兵飛赴曹州一帶防堵惟思臣欽奉

諭旨馳赴慧成軍營分撥防勦節准琦善慧成等行文

催進茲准李德截留防堵臣卽帶兵前往曹州

一帶抑或仍赴慧成軍營相應請

欽定剿平粵匪方略卷四十二

一

旨遵行奏入

上命軍機大臣傳諭瑞昌李德曰瑞昌所帶盛京兵一
千名本令赴慧成軍營昨因河南緊急復令與恩華
酌量前進現在恩華想已抵汴而該將軍尙在汶上
山東與豫省毗連亦關緊要瑞昌卽著統帶盛京官
兵會同李德相機防勦聞李德已折回東境何以數
日未見奏報現在山東地方如何布置曹河上游究

竟有無賊匪偷渡著李德隨時飭令地方文武嚴加防範萬不可稍有疏虞

同日張亮基崇綸奏言 臣等接據按察使江忠

源稟稱賊船千餘蔽江駛上已於初七日徑泊

彭澤該司擬駐九江防守等情 臣查彭澤距九

江僅百餘里風順一日可到下游小孤一帶既

未及布置該司自應據城堅守惟湖北緊接江

聖學聖方略卷四十二

二



西一帆可達兩省防勦並急何堪稍有疏虞 臣等前奉

諭旨道士泐黃石港等險要處所必須設法防守當即

採辦木簞豫備小船咨署提督 臣阿勒經阿就

近移兵駐紮並委署臬司羅遵殿徧詣下游各

處履勘水陸形勢相地駐兵以資防勦昨接江

西撫 臣咨調精兵三千名來江會勦不知湖北

被賊殘破之後一切兵餉情形較江西倍難措

手然同係疆 臣何敢稍分畛域 臣張亮基擬帶

兵勇千餘名前赴道士泐黃石港一帶擇要駐

紮當於漫流設簞岸上結壘力遏賊鋒如果賊

船自湖口駛入江西即調阿勒經阿之兵同江

忠源前赴江西會勦如逆船直上則檄江忠源

帶勇由江上溯彼此夾擊以期迅掃妖氛

聖學聖方略卷四十二

三



張亮基崇綸又奏言 臣等接准安徽江西飛咨

賊船上竄沿途各州縣未聞有擄殺情事迨抵

彭澤後已歷數日未聞有攻城掠地之舉與粵

賊犯順情形不同或即係被脅解散之眾亦未

可知 臣等擬先遣籍隸湖南之委員雇覓湖南

衡郴土人持示前往密行偵探是否實係解散

投誠之人抑或逆黨心懷叵測再行分別辦理

奏八

上命軍機大臣傳諭張亮基崇綸曰賊匪分股上竄停泊彭澤臬司江忠源駐紮九江防守該署督等已採辦木簞豫備船隻扼要設防並委署臬司羅遵殿馳赴下游擇要駐兵該署督擬卽親帶兵勇赴道士洲黃石港一帶駐紮所辦尙合機宜賊黨回竄江西湖北適當上游情形均極喫緊前諭令張亮基等與江

剿平粵匪方略卷四十二

四

西省會商堵擊現在彭澤江面既有賊船駛至該署督帶兵出省籌辦著確加偵探如實係解散投誠之人卽剴切曉諭令其呈繳軍火器械妥爲招撫安插儘查係賊匪迅卽迎剿並知照江忠源合力夾擊務當卽速殄滅毋任上竄

上又命軍機大臣傳諭向榮許乃釗曰向榮統領重兵林守金陵城外日久未能克復而賊匪分股肆擾由

皖入豫安慶滁州歸德等處相繼失陷現在直撲開封勢甚危迫雖調兵援應深恐緩不濟急總由各路精兵皆在金陵鎮江揚州三城之下以致不敷調撥正中賊匪牽掣之計思之不勝憤恨著該大臣等懷遵疊次諭旨督率將弁激勵兵勇剋日進攻收復省城毋得再有觀望金陵爲賊首盤踞之所一旦攻破其勢瓦解並可分兵防剿他處且首逆旣殲餘匪不

剿平粵匪方略卷四十二

五

難殄滅向榮經朕屢次赦罪錄用自當奮發天良勉力圖報若不能攻克金陵何顏以對朕耶本日據張亮基等奏賊船上竄抵彭澤後數日未聞攻城掠地是否實係解散之衆此股賊船旣不沿途搶掠何又竄擾安慶又與向繼雄接仗殊不可解著向榮確切查明飛咨上游各省督撫妥爲豫備以後遇有散出人船或給與護票免死牌遣令分起行走知照前途

免致驚疑但須偵訪確實毋致中賊詭計並飭令麟桂和春等督率師船迅速相機攻剿勿任賊船竄過北岸再致蔓延大營近日軍情未據奏報並著迅速詳奏以慰朕懷直隸現辦巡防該大臣營中有熟悉賊情通曉紮營接仗事宜之將弁兵丁著卽迅派一二十人前來直隸交訥爾經額差遣

同日陸應穀奏言臣擬由尉氏馳入省城救援

聖學聖方略卷四十二

六

茲據探報賊已分股駐朱仙鎮約有萬餘人阻塞歸路臣當卽馳赴許州一面密雇勇敢之士投書省垣飭令司道等竭力堅守現有巴里坤總兵經文岱行抵許州臣擬請暫留豫省帶兵幫同剿辦參將業卜崇額等所帶兵丁一千九百餘名統歸經文岱管帶卽日赴尉氏一路相機進剿再咨南陽鎮臣柏山帶本標兵九百名

並駐紮周家口之山西兵五百名陸續前進至河北鎮兵一千名甯夏馬隊五百名屢催未到臣復添調鄧新汝甯信陽盧氏各營兵共一千名信陽光州防守之山西兵八百名汝甯南陽練勇一千名不拘何項兵到臣卽親督前進以爲應援河北彰德衛輝懷慶各營兵亦經飛調嚴防北岸至提臣善祿與將軍托明阿聞抵商

聖學聖方略卷四十二

七

邱會亭驛臣已咨明先行相機收復歸德卽赴省城西北一路會同進剿陸應穀又奏言河北鎮臣王家琳帶領本標官兵一千名駐紮永城防堵該鎮於提臣善祿帶兵赴皖後忽撤營盤移兵進城居住以致人心驚惶嗣臣因歸德失守賊匪直撲省城需兵緊迫節次調取赴省應援乃竟未前進殊出情理

一萬五千... 丹黃參日長... 頁之下

之外該鎮前次移兵城內居住本屬怯弱現調帶兵會剿又復任意逗留似此遲誤實屬庸懦無能相應請

旨將河南河北鎮總兵王家琳降為遊擊仍留軍營以觀後效

陸應穀又奏言山西潞澤營參將達凌阿帶兵五百名經臣調赴周家口駐紮防堵頃因賊情

勦平粵匪方略卷四十二

八

緊急札調該參將赴行營隨同進剿乃該參將意圖安逸乘船緩進查周家口至商水不過數十里遷延四日始到至商水後臣復飛催輒以車輛不足為辭實屬觀望貽誤當茲軍情緊急未便姑容相應請

旨將達凌阿革職仍留軍營差遣奏入

上命軍機大臣傳諭托明阿陸應穀善祿曰逆匪大股

圍攻汴梁賴該處紳民兵勇登陴固守業經數日必

須各路援兵趕赴救應方能轉危為安陸應穀駐紮

許州催調各路官兵若必待兵皆到齊始行前進豈

不有延時日貽誤事機經文岱已有旨令暫署河北

鎮總兵著卽管帶現到之兵迅赴省城援應萬不可

稍有遲誤托明阿善祿統帶之兵十二日行抵歸德

十三日卽帶兵前進該處去省二百餘里計兩三日

勦平粵匪方略卷四十二

九

卽可趕到何以至今尙無到省信息省城萬分危急若有疏虞陸應穀為守土大吏豈能當此重罪托明阿總統河南諸軍與善祿等均係特派大員屢次催令迅援汴梁亦豈容稍事遲延陸應穀仍飛催所調各路援兵迅赴省垣勝保自皖入豫恩華由山東赴汴計日均可趕到昨據沈兆溎等奏賊於十四日傍晚望西南行走在遠村屯集本日據陸應穀奏賊分

股竄擾朱仙鎮約萬餘人阻塞歸路賊情詭譎往往以退為進總宜探明賊蹤扼要兜剿萬不可墮其奸

計

上諭內閣曰陸應穀奏請留鎮將以資攻剿巴里坤鎮

總兵經文岱著留於河南幫同該撫辦理軍務並著

暫署河北鎮總兵

上又諭內閣曰河南河北鎮總兵王家琳帶兵駐紮永

聖朝方略卷四十二

十

城經陸應穀飭調赴省屢催罔應山西潞澤營參將達凌阿奉札赴援四日之久僅行數十里似此畏葸遷延瞻敢不遵調遣實堪痛恨王家琳達凌阿均著先行革職仍責令帶兵作為前隊儻再不知奮勉即著於軍前正法以昭炯戒近來將弁遇有檄調往往意存觀望藉詞逗留甚至屢奉札催悍然不顧此等貽誤軍務之將弁若不按律懲辦何以儆戒將來現

在北省均辦理防堵如有臨陣退縮及不遵本管官徵調或託故遲誤者著統兵大臣督撫等一面據實叅奏一面即行正法斷不可有意姑容自干罪戾懷之

同日署山西巡撫哈芬奏言臣接奉

諭旨以賊竄歸德著臣嚴密防堵臣即飛咨太原鎮臣

烏勒欣泰選派得力將弁令其親赴澤州於河

聖朝方略卷四十二

十一

南接界各隘口撥兵防守即駐紮澤州府復派知府覺羅萬濟前赴陝豫接壤之黃河渡口隨同河東道張錫蕃督率地方官辦理防堵並調南鎮兵三千名北鎮兵五千名前赴各隘口擇要布置查大小隘口共數十處相距千餘里分撥本省之弁兵八千名尙形單薄又澤州府之攔車鎮為豫省通衢最關緊要蒲州府一帶黃

河渡口一片平原此二處必須重兵扼守山西
爲京師右臂地方殷富賊匪易生覬覦相應額
懇

天恩俯念地方緊要調撥鄰省官兵剋期來晉分守駐
紮以資捍衛奏入

上命軍機大臣傳諭哈芬曰該撫因賊竄汴梁已派烏
勒欣泰帶兵駐紮澤州府隘口復派道府大員防守

欽定剿平粵匪方略卷四十二

十三

黃河渡口並飭各州縣嚴密盤查奸細辦理尙屬妥
協惟據請調鄰省官兵現在直隸山東俱與河南接
壤陝甘亦防守綦嚴實屬無可徵調著該撫卽於本
省存兵移緩就急相機布置如再不敷卽著於綏遠
城及察哈爾官兵內酌量調撥以資防守

同日王履謙奏言臣封禁柳園口後因上游口
岸尙多於十二日前赴榮澤孟津等口北岸將

船隻盡行收歸並將順河貨販商船一律封禁
十六日探聞賊匪已由歸德攻撲省城臣卽率
同懷慶府知府在河口相機辦理但隄岸綿長
斷難處處設備惟擇緊要之區先行紮營扼守
俟河臣帶領兵勇來工再爲商酌分布相應請
旨飭下河臣長臻迅速到工會同防禦並請
簡派熟悉軍務大員兼程來豫以資會勦奏入

欽定剿平粵匪方略卷四十二

十三

上命軍機大臣傳諭王履謙長臻曰賊匪攻撲汴梁偏
近河干必當嚴密巡防遏其偷渡長臻想已到工著
卽會同王履謙督同員外郎邵懿辰嚴飭沿河地方
文武晝夜巡查毋稍鬆懈現在各口渡船雖已封禁
但恐賊匪由南岸紮筏偷渡亦不可不豫爲計及總
須兩岸要口設有防兵隨時截擊方爲妥善此時遠
處徵兵緩不濟急河標存兵仍當設法抽撥並知照

李德酌調各營存兵以資防剿

上又命軍機大臣傳諭舒興阿舒倫保張祥河曰前因

賊匪竄至汴梁當經諭令舒興阿親帶官兵赴河南

進剿諒已遵旨辦理昨據周天爵奏逆匪竄至劉家

口現紮後渡河被河北轟擊不能過渡又分三四路

盡赴汴梁等語陝西與河南交界地方各關津要隘

著舒倫保等派委得力將弁扼要駐紮層層布置毋

聖學方略卷四十二

十四



稍疏虞舒興阿現已出省陝省防守事宜即著舒倫保張祥河相機會商妥辦

上諭內閣曰訥爾經額現在出省督辦防守事宜著派

桂良馳驛前往直隸省城駐紮督同署提督保恆及

司道大員彈壓巡防以爲訥爾經額後路聲援

二十二日 丙寅 琦善慧成陳金綬奏言逆匪分股

上竄豫東兩省切近畿疆平原沃野無險可扼

水路四通八達防不勝防惟有擇要扼守庶可

杜其北竄查陸路以曹州衛輝爲通衢水路以

衛輝德州爲要隘必須水陸兼防疊准周天爵

呂賢基咨稱已親督兵勇馳往歸德赴援勝保

前因賊在懷遠亳州是以由天長五河前進今

賊匪既至歸德自己改道前往至托明阿奕經

亦俱先後前進但均係跟蹤追剿未必能繞越

聖學方略卷四十三

十五



賊前計逆賊向何處分竄滋擾在事諸臣必先馳奏惟有仰懇

天恩飭派北路重兵按各路奏報探明賊蹤所向迅往

水陸扼要之地實力堵剿以遏北竄惟大股逆

賊尙在江甯鎮江揚州三城抵死踞守臣等竭

力攻剿亟圖克復連日大雨不止焦灼萬分稍

一晴霽即當盡力剿擊奏入

上命軍機大臣傳諭琦善陳金綬雷以誠曰朕連日盼望揚州克復即可分兵接應北省乃本日琦善等奏報但稱賊竄歸德請派北路重兵扼要堵剿並未敘及揚城近日如何攻擊祇以兩大河漲難於駐足爲辭似此空談何濟於事刻下北省勁兵多調赴大江南北琦善等坐擁不戰觀望遲延試問尙有何處重兵可以徵調若不能早復揚城坐視賊匪北竄僅以

欽定剿平粵匪方略卷四十二

十六

地勢軍情敷衍入奏豈遂能辭貽誤之罪耶琦善陳金綬師久無功應如何愧奮雷以誠已授爲幫辦責無旁貸著卽會同迅圖克復毋以空言塞責

同日向榮許乃釗奏言查江甯省城東南兩面該逆防守最嚴惟北面神策太平等門設備稍疏門外均有賊營衛城必先去其營壘乃能得手先於初八日密派總兵音德布等分布疑兵

別選精兵潛攻神策門該逆出營拒敵我兵奮力攻擊共斃賊匪三十餘人生擒二十三名初九日密令翼長總兵馬龍和春等選擇精壯兵勇四千人改裝易服距太平門外五六里駐紮初十日丑時馬龍和春等用雲梯橫架濠上渡過兵勇一擁齊進營中長髮賊斬殺殆盡我兵乘勢各將雲梯上城惟城上火罐火礮等物勢

欽定剿平粵匪方略卷四十二

十七

如雨下斷我繼進之兵該總兵等始收陣而歸僅將賊營三座一齊踏毀通共殺斃賊匪約七百餘人生擒九十餘名至上竄賊船復陷安慶臣計江忠源所帶楚勇當已行抵江北卽可助剿

向榮許乃釗又奏言連日探得江水盛漲已沒七里洲所有洲上賊營望樓礮位皆已漂沒無

存卽賊所造浮橋木簞亦一概衝去毫無攔阻
現在南岸賊船雖約有一千號而船舵篷索俱
全者僅十之三水手亦復寥寥該逆恐其逃散
一空聞欲另紮水寨以爲防範至我處上游礮
船本少此時分駐太平蕪湖江口並有跟蹤前
往江西等處查探情形者未免更形單薄祇好
隨時相機辦理

聖朝方略卷四十二

十六

向榮許乃釗又奏言臣向榮先因上游礮船太
單難禦大幫衝突之船因檄總兵和春在於下
游酌調艇船二十隻駛至上游幫同抵禦該艇
船遷延不進又委浙江藩司麟桂查明據實揭
報茲據報稱上海局艇船十隻隨船九隻原係
該處紳董雇募素無紀律去留自便其吳健彰
所雇洋船三隻屢催接仗藉詞遷延臣等已札

調吳健彰星速前赴鎮江所有廣艇局艇二項
船隻責成麟桂吳健彰約束調度一切勦堵機
宜務與各鎮將和衷籌畫不得稍分畛域奏入

上命軍機大臣傳諭向榮許乃釗曰逆匪攻撲汴梁勢
甚危急昨已諭令向榮剋日收復金陵乃據向榮許
乃釗報到仍係小勝並未攻入省城殊深焦急北路
勁兵多在大江南北若不及早克復三城更有何兵

聖朝方略卷四十二

十九

可以派撥接應豫省且山東直隸均已籌辦防堵而
統兵大臣仍復徘徊江上貽誤之罪將誰屬耶著向
榮等迅速進攻毋得再有觀望甘蹈重罪至上游礮
窻各船是否均係真賊所奏殊未明晰仍須確查隨
時知照鄰省嚴防妥辦江水盛漲賊之浮橋木簞俱
被衝斷正可趁此督飭艇船乘風進擊和春已調回
大營卽吳健彰趕到與麟桂皆屬文員仍著向榮嚴

飭統帶水師鎮將各員迅速相機進取毋得互相推卸致誤事機

同日李德奏言接據曹州府縣稟報賊於初八九等日分竄劉家口時該縣知縣姚景崇已將收泊北岸船隻全行燒燬盡力防堵旋從曹河上游來船二隻行至中流姚景崇見係賊匪旗幟督令兵勇用礮擊沈傷賊約二百餘名後亦

欽定剿平粵匪方略卷四十二

二十

無船繼進初十日瞭望賊已陸續西行十一日劉家口上下一帶均無賊蹤臣思賊匪分竄所向披靡設非天險河流早已北竄深入此次南岸劉家口賊匪不下數千究因船隻收泊燒燬不能徑渡可見守河之效信而有徵惟自河南府以下河道綿亙數千里在東省曹單祇有二百數十里餘皆直隸江豫三省所轄卽如曹河

以上南岸上下皆爲豫省地面北岸卽係直隸東明長垣地面應請

諭令直隸督臣速調重兵督飭大名鎮道在東明長垣河干迎頭截擊並豫省河北鎮在懷慶衛輝所屬河岸截剿並請

飭令托明阿周天爵由河南虞城一帶卽日馳赴汴梁會同豫省撫臣合力圍剿四面接應使賊腹背

欽定剿平粵匪方略卷四十二

三十一

受敵庶可力圖翦滅再臣已於十八日折回兗州與尙書臣恩華杭州將軍臣瑞昌面商一切卽行趕往曹屬竭力籌辦李德又奏言臣於宿遷回兗途遇托明阿所帶歸化城官兵二百五十名已令折回由曹縣一帶渡河其瑞昌管帶之盛京官兵尙有五百名未出東境亦令折回留於

東省防堵較之南至淮揚又轉回豫省既免繞道跋涉又可迅速進行第現在賊匪聚於豫省援師尤不容稍緩應請

飭令慧成管領兵丁毋庸北渡黃河繞道即由清江浦

黃河南岸馳赴汴梁迎頭截擊再自王家營至宿遷一帶兵力頗單臣遠在曹單難以兼顧查有奕經管帶之山西官兵一千名前由托明阿

勦平粵匪方略卷四十二

三

調赴徐州應請

飭令回清江之王家營駐紮以專責成奏入

上命軍機大臣傳諭恩華慧成李德曰本日據李德奏

此時賊未渡河豫省情形較東省更為緊急請飭慧成由黃河南岸直達汴梁迎擊現在恩華業已赴汴慧成著仍遵前旨由黃河北岸徑赴山東與李德嚴防河口如東省情形較汴梁尚可稍緩即帶兵渡河

赴豫援應賊勢飄忽靡常統兵大員總宜擇要進剿若稍涉拘執牽制轉恐耽延時日致誤事機

上又命軍機大臣傳諭訥爾經額長臻楊以增曰現在賊撲汴城直隸之東明長垣一帶豫省之衛輝懷慶等府江南徐州上下各河口岸均關緊要如果節節嚴防逆船斷難飛渡著訥爾經額長臻楊以增各飭沿河文武員弁實力防守如有匪徒偷渡務當立時

勦平粵匪方略卷四十二

三

截擊毋令片帆北駛儻該管官巡防不力或因地界犬牙相錯藉詞諉卸致令賊船乘閒搶渡朕惟該督等是問

同日沈兆濤林揚祖奏言賊匪圍攻省垣疊次擊退後於十六日仍分起自東南來臣等督飭兵勇縋城而下殺斃數名生擒數名並於城外閒房內搜獲十餘名城上槍礮齊施該匪輒向

隄外隱匿臣等仍會督各員弁嚴密防守分派
兵勇偵探賊蹤並飛催各路官兵趕緊來豫協
力會剿奏入

上命軍機大臣傳諭托明阿陸應毅善祿沈兆濤林揚
祖曰逆匪圍攻省垣該處兵勇紳民登陴固守且屢
次緹城殺賊甚屬可嘉惟城大兵單全賴各路援兵
趕緊調齊方能痛加剿洗已屢次催令托明阿善祿

欽定剿平粵匪方略卷四十二

三十四

等帶兵兼程赴援何以至今尙無到汴信息似此任
意耽延設有貽誤自問當得何罪著卽星速前進毋
得再有延緩陸應毅爲地方大吏更屬責無旁貸昨
已有旨將經文岱暫留河南飭令統帶現到之兵先
赴應援該撫所調各路官兵諒亦陸續到齊著卽飛
催前往恩華諒亦指日可到城外大兵雲集則城內
人心益堅瞻氣益壯著托明阿等妥爲布置相機進

剿並隨時密咨城內會合夾擊沈兆濤等務當激勵
紳民兵勇竭力守禦毋稍疏懈如有殺賊立功者隨
時酌保朕必破格施恩以示嘉獎

上又命軍機大臣傳諭舒興阿舒倫保張祥河桂明曰
昨因賊竄汴梁疊經諭令舒興阿親赴河南進剿並
令舒倫保張祥河於陝豫交界地方嚴密防守陝西
提督桂明著卽迅帶得力將弁兵丁馳赴陝西省城

欽定剿平粵匪方略卷四十二

三十五

會辦防剿事宜

二十三日丁卯訥爾經額奏言直隸東南兩面均

與東豫毗連經臣先後調派本省兵八千名並
請調察哈爾馬隊二千名暨奉

旨派調山西兵三千名來直防剿現在本省之兵臣已
嚴飭兼程前進惟山西官兵未能剋期而至茲
又派調臣標兵五百名天津鎮標兵一千名通

永鎮標兵五百名派委得力員弁管帶剋期起程以便擇要屯駐藉資接應現探賊匪在劉家口窺伺並聞壘攻汴城臣於二十一日起程出省馳赴豫東交界地方並黃河北岸一帶扼要布置

訥爾經額又奏言臣長子蘊秀荷蒙

聖恩賞給二等待衛在

聖恩賜方略卷四十二

三

乾清門當差現當賊氛擾豫臣出省防剿合無仰懇

天恩飭令蘊秀前赴臣營俾得練習軍事又已革河東河道總督文冲剛直性成有膽有識現任鑲黃旗護軍參領鍾慶與臣係中表弟兄知其明白勇敢兼有學識可否

飭令並赴臣營以資助理奏入

上命軍機大臣傳諭訥爾經額曰直隸防堵緊要經該督先後調撥各路官兵為數不少該督現經出省即著先就已到之兵酌量緩急擇要屯紮一面飛催後起官兵兼程赴防如應須出境援剿即著相機策應直隸與豫省河岸毗連雖以東明長垣為最近而彰衛各屬與大名廣平處處接壤若豫省稍有疏虞則直隸藩籬亦難自固陸應穀現在赴援汴梁省城恐未能顧及河北本日有旨令花里雅遜布暫署河北鎮總兵仍歸該督調遣其彰德等府所屬凡在大河池北者均可一律布置果能嚴扼河口直省自可無虞該督於應辦事宜及應隨時知會鄰省情形俱著迅速籌辦無誤事機

聖恩賜方略卷四十二

三

上諭內閣曰前任河東河道總督文冲鑲黃旗護軍參領鍾慶並訥爾經額之子乾清門二等待衛蘊秀均

著前往直隸交訥爾經額差遣委用

上又諭內閣曰昨有旨令經文岱暫署河南河北鎮總兵該員現在帶兵赴開封督剿未能兼顧防河所有河北鎮總兵事務著花里雅遜布暫行署理仍歸訥爾經額調遣以專責成經文岱著毋庸署理

同日托明阿善祿奏言臣等於十三日督催官兵前進睢州一帶斬殺逆匪六十餘名擒獲長

欽定剿平粵匪方略卷四十二

二十六

髮逆匪十餘名杞縣一帶斬殺四十餘名擒獲二十餘名內有偽監軍一名彭泳濠偽司馬一名何海茫均卽隨地正法並於十七日在陳留縣境內搜斬二十餘名查該縣距汴城四十餘里大股逆匪已先於十三日圍攻城垣幸該藩臬等極力防禦兼之後有追兵跟蹤進剿遂卽竄赴朱仙鎮及中牟縣地方僅賸零星逆匪

分匿村落竊伺消息臣等於十八日趕至汴梁城下當有都統西凌阿等統帶黑龍江官兵一千數百名亦於是日抵省臣托明阿善祿援梯上城面晤該司道等詳詢防守情形尙爲嚴密臣等立即分撥馬步各隊督催起程確探賊蹤相機擊剿務期趕緊殲除奏入

上諭曰併未與賊打仗賊已先竄斷非因畏兵到而逃

欽定剿平粵匪方略卷四十二

二十七

著趕緊追剿勿墮賊詭計勝者論功挫者罰罪無別言可諭也

同日西凌阿明慶烏凌額魁福奏言臣等由蒙城亳州追至河南歸德賊匪均已竄去至五月十七日至杞縣探聞賊撲汴梁被官兵擊退十八日卯刻至陳留縣地方有將軍托明阿提督善祿帶領滿漢馬步官兵亦赴汴省剿賊臣等

當經面商合兵進剿十八日巳刻至汴梁省城東門外紮營該省署布政使沈兆濤等均在此樓駐守防範嚴密告稱賊匪已由朱仙鎮竄至中牟縣境臣等伏思賊匪鬼蜮成性或實係勢窮欲由中牟縣南下過江遠遁抑或由省城西南繞至河口希冀北渡均未可定自應留心偵探相機防剿以期速為殲滅奏入

聖學聖方略卷四十二

三十一

上諭曰奮勉出力以贖前罪

同日李嘉端奏言臣接據按察使張印塘等稟稱初六日安慶之賊自集賢關退回陸續上竄初七日賊船僅留百餘隻恐其勾結土匪竟行占踞當即會同文武帶領殘兵練勇鼓行前進賊眾紛紛登舟全行開逸祇因兵力太單又無船隻不能追剿遂入城安民緝匪下游又有賊

船數十隻由蕪湖上竄城門既皆破壞殘兵不能成軍不得已府縣暫行分住城外該司仍回駐集賢關一面催提粵兵一面由練潭雇募民勇以資協守等情伏思賊情叵測實屬防不勝防現在李鴻章所帶之勇雖及千名惟裕溪口一片江灘不能紮營祇可駐於運漕鎮經臣札飭和州含山巢縣無為各屬號召團練以助聲勢至安慶萬難駐守無論築室修城時與力皆屬不及即使縛茅作屋立柵成城而巷無居人誰與為守應請

聖學聖方略卷四十二

三十二

恩施逾格准令張印塘等就目下情形擇要駐守總以防賊北竄不使與亳州一股聯合為主臣亦於十六日回郡以備集賢裕溪兩路策應鳳定土匪現經李登洲黃元吉各帶義勇會同搜捕可

期逐漸殲除鎮臣因穎亳一帶土匪騷動移兵
穎州防剿其清流關一路已囑副都統雙成防
守勿稍疏懈奏入

上命軍機大臣傳諭李嘉端曰該撫所稱上竄賊船是
否係金陵解散難民抑另有股匪在內昨據張亮基
奏先行持示曉諭分別良莠剿撫該撫務宜多設偵
探查詢明確斷不可賊至卽驚妄費兵力轉驅解散

欽定剿平粵匪方略卷四十二

三

之衆又成賊黨也安慶重遭蹂躪勢難駐守應如何
擇要分兵扼守之處著該撫斟酌辦理至鳳亳一帶
土匪尙多仍宜嚴行緝捕殲除淨盡毋令勾結爲患
同日張芾奏言臣查逆船乘風直上欲撲省垣
下游湖口南康吳城各處駐兵無多省城守兵
不滿三千益以官紳兩局團練壯勇亦僅二千
餘名曾飛調贛州鎮兵八百名及袁州銅鼓各

營兵六百名來省防堵但贛鎮離省太遠卽使
剋期抵省兵力亦甚薄弱臣思九江府僅贍空
城江西省垣本係完善之區且爲大營糧臺根
本今該逆大股來撲係攻我腹心阻我餉道之
奸計查江忠源現駐潯郡所帶楚勇一千七百
名暨九江鎮所調附近各營兵一千餘名離省
較近現在賊船已有徑趨省城之勢正可從後

欽定剿平粵匪方略卷四十二

三

追剿惟恐該護鎮羅玉斌因有守城之責不敢
擅離並以防賊回竄爲辭堅留江忠源不令前
來則九江兵勇三千置諸無用之地而省垣東
手無策反無救援之師萬一困守旬日力竭計
窮後事更不堪設想相應請

旨飭下湖北臬司江忠源星速帶勇來省救援並
飭令羅玉斌統帶九江鎮標暨所調附近各營官兵來

省防剿或駐紮吳城鎮以固省城門戶至向榮統領重兵現知逆賊大股回竄自必添派鎮將星夜繞出賊前迎頭截擊惟恐下游因無船隻起程需時伏求

皇上俯念江省危急情形飭令趕由陸路設法兼程進行以解城圍而資防守

張芾又奏言准浙江撫臣黃宗漢飛咨以閩省

勦平粵匪方略卷四十二

三



漳泉延平會匪滋事囑臣將上年調撥來江之浙兵飭赴福建延平堵剿查前調浙兵自春間派守省城之章江門巡防稽查深資得力此時連得警報省門巡查較春間愈為嚴緊若再將浙兵撤調赴閩羣情必更搖動實於大局有礙所有該撫臣咨調赴閩之浙兵應令暫緩起程再現在江路不通所有向榮大營糧餉應請

飭令江蘇浙江兩省就近接濟奏入

上命軍機大臣傳諭張芾陳孚恩曰前據該撫奏稱逆匪順風揚帆未必即係回竄江省本日奏稱逆船乘風直上欲撲省垣究竟該匪船是否已至九江曾否與官兵接仗聲敘均未明晰江忠源前奏亦祇稱賊船千餘隻於初七日至彭澤縣並無登岸搶掠或探聞欲竄某處之語昨據張亮基等奏賊船上竄沿途

勦平粵匪方略卷四十二

三



各州縣未聞擄殺擬委員持示前往曉諭分別辦理諒已知會該撫儘該逆實係心懷叵測則九江不能飛渡該郡雖係蹂躪之餘亦當嚴飭各鎮道竭力守禦並令江忠源相機堵剿何得遠為退守省城之計至向榮攻剿江甯鎮江各城正在緊要之際該撫欲令其統領重兵由陸路赴援江西省城豈不慮金陵大股賊匪又將紛竄耶賊情變幻靡常即遇警急亦

不可驚惶失措現在江西情形喫重該撫當與在籍
尚書陳孚恩悉心妥籌將本省各路防兵移緩就急
或就近咨商湖北撥兵接應且有江忠源所帶勁勇
可以擇要扼截其入湖要口及吳城等處應如何防
守惟當相機布置不可徒事張皇所留浙江兵丁卽
著照議辦理仍咨會浙江另籌調撥如此股賊船查
係金陵解散難民安慶既誤認真賊驚疑退避江西

欽定剿平粵匪方略卷四十三



又毫無偵探遽棄九江不但自行擾亂又將驅之從
賊此中機宜不可不慎向榮大營糧餉關係全軍支
用仍著妥爲接濟

上
又命軍機大臣傳諭向榮許乃釗曰江路賊船阻梗
大營糧餉設或江西一時供應不及應於江浙兩省
何處擇要安設糧臺不可不豫爲籌及著該大臣等
卽行咨商該督撫迅籌妥辦

欽定剿平粵匪方略卷四十三 癸丑年

五月二十四日戊辰哈芬奏言查得河南陝州靈

寶等處爲由豫入山陝兩省大路此二處若能

得人帶兵鎮守聲勢聯絡則山陝兩省可保無

虞臣訪聞甘肅提督索文陝西延綏鎮總兵金

萬全均係久歷戎行諳練韜略可否仰懇

天恩俯念河南陝州等處爲山陝兩省門戶

欽定剿平粵匪方略卷四十三



飭下陝甘督撫臣派令該提鎮等酌帶精兵迅速前往

陝州靈寶等處擇要堵截以杜賊匪分竄奏入

上命軍機大臣傳諭舒興阿張祥河曰本日據哈芬奏

河南陝州靈寶等處爲由豫赴山陝兩省大路此二

處如能得人帶兵鎮守則山陝可保無虞等語著舒

興阿張祥河卽派延綏鎮總兵金萬全酌帶精兵迅

速前往陝州靈寶縣等處擇要堵截以杜賊匪分竄

二十五日已沈兆灃林揚祖奏言臣等自十六日後探報賊分兩股行走一向西北一向西南查西北係由祥符赴中牟驛路尤關緊要臣等隨精選兵勇於十七日緹城分往衝僻各要道奮力截殺共斃賊四十餘名生擒二十二名八十九等日復生擒五十二名殺斃四十二名連日研訊生擒之賊據供自揚州逃出不過千

聖學方略卷四十三

二

人沿路裹脅至汴梁約萬餘人亦有稱兩萬人者但隨裹隨散現贖五六千人因懼城上大礮不敢逼近城垣分起赴朱仙鎮屯住時將軍托明阿提督善祿都統西凌阿等統帶官兵均馳抵城下托明阿善祿緣梯上城臣等謁見詢悉賊匪竄至中牟地方僅贖零星逆匪分匿村落卽分撥馬步各隊督催起程趕緊進剿撫臣覓

抵許州不日即可回省臣等惟有會同文武員弁督率紳士兵勇倍加嚴密防守不敢稍形鬆懈

沈兆灃林揚祖又奏言賊匪隱匿附近村莊署祥符縣知縣何懷珍親督役勇緹城而下赴鄉窮搜在東鄉馬頭村斬長髮賊四名生擒十四名又在東南鄉蘇村莊及南鄉茶菴地方擒斬

聖學方略卷四十三

三

多名並搜獲偽官册二本詳記各賊年歲里居其生擒各賊均卽審明正法署知縣何懷珍奮勇殺賊不避危險臣等謹將該令及守城出力員弁隨時存記候撫臣回省再行據實覈奏奏

八

上命軍機大臣傳諭陸應穀沈兆灃林揚祖曰本月十六日以後賊分兩股經沈兆灃等分路截殺殲斃不

少並據生擒賊供自揚州逃出不過千人沿路裹脅至汴梁約萬餘人現贖五六千人是賊匪爲數不多亦係裹脅之衆若能乘此奔竄未定之時各路官兵迅速併力追剿使賊無暇喘息定可一鼓殲除若守土文武聞警先避而封疆大吏一戰兵潰之後退居遠地毫無策應任賊從容裹脅或竄山陝或渡黃河擾及近畿遷延貽誤自問當得何罪中牟偪臨黃河

欽定剿平粵匪方略卷四十三

四

爲北來要道若北竄懷衛一帶則蔓延更不可問朱仙鎮爲該省繁庶之區人煙輻輳若賊搶掠飽颺其勢又將復振該撫爲守土大吏若不及早剿滅稍贖前愆不惟無以對朕又何以對中州數萬生靈耶托明阿西凌阿等均已到汴經文岱亦自許州起程前進該撫續調之兵現到若干著卽督率將弁探明賊蹤與托明阿等會商分路兜剿或迎擊於前或追剿

於後或設伏旁抄使賊進無所掠退無所踞自不難聚而殲旃仍當嚴飭沿河州縣將船隻收盡嚴密巡防絕其渡黃之路並通行各屬曉諭紳民實力團練互相保衛一遇賊匪竄至卽行合力擒殺勿任遠逸

上又命軍機大臣傳諭舒倫保舒興阿張祥河哈芬曰賊自揚州竄出其始不過千人沿途裹脅雖多亦聚散無常現祇贖五六千人因被轟剿竄踞朱仙鎮現

欽定剿平粵匪方略卷四十三

五

又分股竄赴中牟縣等處意圖搶掠裹脅伺隙奔突此股賊匪本屬烏合之衆如地方各官皆如署祥符縣知縣何懷珍督率役勇縋城而下赴鄉殺賊何至該匪肆行無忌若如歸德等處文武一聞有警輒然退避卽有援兵亦何能及陝西山西與河南毗連要隘關津必須嚴密防守所有扼要之州縣各官務卽揀選才能出衆素爲百姓愛戴之員酌量調派並曉

諭紳士商民實力團練盤緝奸細並嚴防黃河口岸將船隻概行收藏萬不可任賊偷渡

上諭內閣曰據沈兆澐林揚祖奏稱署祥符縣知縣何

懷珍雇勇守城復親督役勇緹城赴鄉窮搜賊匪斬擒多名該縣不避危險奮力殺賊洵不愧守土之官何懷珍著先行賞加同知銜仍著陸應穀督同沈兆澐等查明與守城出力之文武員弁兵勇及紳民人

勦平粵匪方略卷四十三

六

等一併奏請獎勵候朕施恩其歸德等處失守各員著陸應穀等查明該員等如係畏賊退避並未守禦以致失守城池著卽一面奏聞一面以軍法從事逆匪紛竄本多裹脅烏合之衆該地方文武如果督率官兵紳民嬰城固守以待大兵何至遽爾失陷總由該員等畏死倖生先期逃避致令賊匪肆行無忌各省督撫大吏責任封疆遇有此等貽誤劣員卽當從

嚴懲辦如意存徇庇或巧爲開脫經朕查知必將該督撫等從重治罪決不寬貸

二十七日辛未舒興阿張祥河奏言臣等接奉

諭旨以陝西防兵甚少令臣等察度情形嚴密籌備查陝西距河南僅十餘站其接壤之區又當以潼關爲最重次則商州等處均屬緊要若非調派重兵擇要駐守實不足以資捍衛臣舒興阿現

勦平粵匪方略卷四十三

七

已飛調前次豫派之陝甘滿漢各營官兵七千餘名卽日就道星馳來陝分撥駐守一面檄調陝西提臣桂明及陝安鎮總兵郝光甲兼程來陝以備分別統帶仍選派妥幹員弁勤加偵探一俟現調防兵到陝分布周妥臣舒興阿卽當體察情形前往緊要地方調度以期防勦兼資並爲豫省聲援奏入

上命軍機大臣傳諭舒倫保舒興阿張祥河曰現在逆賊自開封敗後退至朱仙鎮中牟縣等處難保不窺伺陝西該督已豫派官兵調提鎮大員統帶卽著飛飭趕緊前進扼要設防該督仍須於陝豫交界扼要地方駐紮調度如河北衛懷一帶有警亦卽出關攔擊仍隨時知照山西巡撫一體嚴防儻賊匪竄近山西交界並著不分畛域協力兜擒其本省應防要隘

聖學方略卷四十三

八

及黃河上游口岸卽會同舒倫保張祥河飭令帶兵員弁及地方官認真嚴查不可稍有疏失

同日周天爵奕經奏言五月十七日臣周天爵由碭山折回徐州十九日臣奕經亦遵

旨馳到會勘臣等公同相度機宜於南岸十八里屯減

水牻與北岸蘇家山頭斜對紮營又豫備架礮大船三十隻草船一百隻分貼兩岸灣泊埋伏

一遇賊船東駛卽督飭水陸三路兵勇迎頭截擊惟徐州驛站南接江甯浦口現在沿江賊船上竄絡繹不絕如再登岸續來更難抵禦臣等再四籌畫惟十八里屯牻下通洪澤湖宿州迤北之符離濉河一片汪洋僅有山路一道可通以千兵守之則南來之賊可以截擊臣等當飭河員卽將此牻啟放則南路庶保無虞至符離

聖學方略卷四十三

九

迤南二十里之宿州係赴汴梁驛站亦應重防但此時布置自當以徐州爲要臣奕經所帶之兵四百餘名應請留於徐州扼要會截尙可得力奏入

上命軍機大臣傳諭周天爵奕經曰徐州重地自宜扼要設防經該侍郎等會勘徐州上游十八里屯減水牻與北岸蘇家山頭斜對可以紮營並豫備架礮大

船三十隻草船一百隻分貼兩岸埋伏復啟放牖水以截南竄之賊宿州亦經酌量布置著卽妥速辦理一遇南來賊匪卽督飭水陸兵勇截擊毋令竄逸如擾豫之賊沿河下竄亦著就近截剿奕經所帶之兵四百餘名准其留於徐州會同周天爵體察情形相機防剿並嚴防土匪勾結儻有疏虞朕惟周天爵奕經是問

聖學方略卷四十三

十

二十八日 壬申 陸應穀奏言 臣先於十八日咨會

經文岱帶兵一千六百餘名由朱仙鎮進剿二

十日南陽鎮 臣柏山帶領弁兵四百餘名並所

調襄城等營官兵先後趕到 臣於二十一日會

同柏山統帶前進旋據探報逆賊已由中牟鄭

州竄至汜水該處文武督同紳民先將虎牢關

老犍坡要路挑斷不能飛越現奔汜水山內村

莊搶掠 臣查該逆西竄無路勢必折回恐由密縣山徑竄出必須分路進兵堵截托明阿善業業經自省起程 臣卽函令由中牟鄭州進剿一面卽將襄城等營弁兵均交柏山帶領調回經文岱會同柏山由新鄭趕赴密縣堵截惟密縣西路係與登封接壤可以繞至洛陽該處並無重兵深爲可慮蒙

聖學方略卷四十三

十一

恩調派陝甘督 臣舒興阿帶兵來豫救援相應籲懇

飭催迅速前進得保洛陽卽可以衛山陝 臣隨身所帶

兵勇僅有三百餘名而省城檢獲賊匪供有襄

得人多再來圍攻之語不可不防現在先赴省

垣料理守禦事宜仍俟催取北鎮官兵一千名

並甯夏馬隊到日察看省城安靜 臣卽統帶前

進策應會剿斷不敢稍圖安逸奏入

上命軍機大臣傳諭托明阿西凌阿陸應毅善祿曰逆
匪紛撲汴城雖被擊敗而夥黨分竄沿途襲脅若不
趕緊追剿致令肆行搶掠更恐滋蔓難圖現在托明
阿善祿西凌阿等先後督兵抵汴疊經嚴諭併力剿
賊何以未據續報與賊接仗情形陸應毅係封疆大
吏若不及早將逆匪撲滅但株守省城以剿匪委之
客兵儻有疏虞豈能置該撫於不問陸應毅著仍遵

欽定剿平粵匪方略卷四十三

十三

前旨督兵出省乘該匪喘息未定會同托明阿善祿
西凌阿經文岱柏山等迅速進剿總須探明賊蹤專
力攻擊自可一鼓殲滅若徒分兵於遠處堵截賊來
不擊賊去不追又蹈從前覆轍統兵大員及該撫豈
能當此重罪耶省垣防守仍責成沈兆溎林揚祖督
同所屬勸諭紳民嚴密巡查不可稍有疏懈其近賊
地方前已疊降諭旨令舒興阿派員出關援應該撫

仍宜隨時知照山陝兩省一體防範勿稍疏虞

同日張芾奏言臬司江忠源於五月十六日自
九江陸路來省探聞賊船已入湖口乘風直上
吳城水面亦寬江忠源兵力又寡卽能保護該
處地方斷不能阻賊來省之路權其輕重緩急
仍當在省協同守禦現在臣陳孚恩率同江西
臬司惲光宸前任山東臬司徐思莊等帶領官

欽定剿平粵匪方略卷四十三

十三

紳三局練勇一千八百餘名並浙江處州營遊
擊常海帶兵數百名於城北得勝門外分立營
壘互爲犄角以備迎擊臣與江忠源及地方文
武官紳督帶兵勇丁壯登陴固守江忠源仍隨
時出城策應所謂九江南贛兩鎮兵陸續可到
惟江西兵力本弱未經臨陣所恃者惟江忠源
一旅殊覺單薄應請

飭下向榮及湖廣督撫迅即撥兵救援不特保護江西兼可將此股分竄之賊先行撲滅實於東南大局有益

同日江忠源奏言臣疊奉江西撫臣等札飭臣進省堵禦臣思江省為糧臺根本重地較之九江殘破之區輕重懸殊即日帶勇兼程進省與撫臣等妥籌守禦務期計出萬全以紓

欽定四庫全書

十四

聖主南顧之憂惟臣所帶楚勇及江省原調兵勇不滿五千戰守尙形單薄相應請

旨飭下向榮於大營中迅撥精兵二三千名交得力鎮將如和春秦定三等管帶迅速由陸路趕緊前來以資應援均奏入

上命軍機大臣傳諭張芾江忠源曰此項船隻自停泊彭澤已將旬日該臬司駐紮九江府城相距咫尺自

必確有見聞此次奏報情形僅有賊船已入湖口一語究竟賊船於何時入湖沿江一帶無失事九江是否安堵船上人等曾否抗拒官兵搶掠地方該臬司及張芾摺內均未詳細聲敘朕心實深懸繫如果此項船隻實係逆匪分股自應亟籌剿滅但恐其中多係難民下游既已免死遣散而該省復加以截擊豈不激成事端又勞兵力且即以真賊而論連艘千

欽定四庫全書

十五

計人數眾多亦豈株守南昌所能了事該撫等務當偵探明確統籌全局毋誤事機張亮基前奏辦理情形甚合機宜該撫仍當趕緊會商分別應剿及應行遣散之處妥籌速辦一面會同陳孚恩督同江忠源嚴密布置固不可自相擾亂徒事驚惶亦不可恃為無虞稍存大意向榮軍營官兵能否抽撥尙難豫定本日已諭令酌量調派即著該撫飛咨商辦

上又命軍機大臣傳諭向榮許乃釗曰此股上竄賊船意在直撲南昌牽掣江南大軍著該大臣確探賊情酌量撥兵援應如實係遣散匪黨應如何設法彈壓解散亦卽飛咨張亮基與張芾妥籌辦理

二十九日癸酉向榮許乃釗奏言臣等接奉

諭旨飭令瞿騰龍酌帶兵勇馳往河南山東一帶攻剿伏思該逆以旁竄分我之力以負固老我之師

禦粵匪方略卷四十三

十六

以久踞糜我之餉恐大兵稍一挪移則東南半壁更難支持茲謹遵

旨飭令瞿騰龍統帶陝甘精兵一千八百名湖南精兵

二百名於本月二十二日由紫金山大營分起

啟行取道丹徒渡江賊蹤竄擾隨時變遷已飭

令瞿騰龍於渡黃時與河臣楊以增山東撫臣

李德熟商確探賊蹤所向以何處爲急卽往馳

救臣向榮克復無方未能遏賊北竄上煩

聖慮應請

旨交部從重治罪以爲討賊不力者戒至金陵省城自

本月初八初十日兩次破賊營之後該逆益加

嚴備乘我兵不能在彼駐紮復將已毀營盤連

夜修整依城踞守臣逐日飭令出隊誘敵一面

飭翼長等躡覓隱僻處所暗挖地道密爲布置

禦粵匪方略卷四十三

十七

惟自本月十四日至今陰雨未晴不勝焦急惟

有激勵將士先行政克金陵卽當相機分兵北

上總期殄此羣醜庶可稍紓

宸念用贖臣愆奏入

上諭曰汝所請治罪又係汝之取巧故智勿謂朕不能

看出續有廷寄內硃諭皆係誅心之論不知汝知警

否總之若能迅克金陵則汝功最大若仍喫緊時巧

為嘗試則汝之罪難寬懷之

同日訥爾經額奏言逆匪被官兵擊退由鄭州

一帶奔竄臣思賊情詭譎一經挫折勢必乘虛

分擾必須將其北竄之路處處堵截查黃河北

岸之彰德衛輝二府均距鄭州甚近其延津一

帶之柳園等口尤為喫緊臣已飛飭署河北鎮

花里雅遜布督同遊擊穆隆阿帶領宣化鎮兵

聖學圖方略卷四十三

十六

五百名由長垣順隄迎赴延津渡口一帶扼要

巡防又派署總兵雙祿督同都司劉承冀帶領

正定鎮兵五百名由磁州入安陽一路徑赴黃

河北岸與花里雅遜布會合遇有偷渡賊匪即

行堵剿其大名長垣一帶業經臣疊飭該鎮董

占元督同將備各員駐紮嚴防臣又飛催後起

官兵兼程前進以資合力堵剿迅殄賊氛奏入

上命軍機大臣傳諭訥爾經額曰前撲汴梁賊匪現由

鄭州汜水一帶奔竄其河北之彰德懷慶衛輝等府

及延津一帶之柳園等口最為喫緊據該督奏稱已

飭花里雅遜布等分路嚴防自應如此辦理著即嚴

飭帶兵各員分段扼要實力巡防遇有賊匪偷渡或

大股竄來即行迎頭攻剿不准一賊北渡儻逆匪因

有黃河阻隔未能一時搶渡盤踞黃河南岸逼近滋

聖學圖方略卷四十三

十九

擾著即飭令該總兵等帶兵於上下游繞渡南岸出

其不意痛加剿洗直隸河南雖係兩省當此軍務緊

急之際斷不可稍分畛域前曾降旨調盛京吉林馬

步官兵馳赴天津聽調現在軍情是否必須駐守津

門抑或應調撥他處著訥爾經額體察具奏

同日舒興阿奏言臣前因逆匪竄入豫境即調

陝甘滿漢官兵來陝防剿無如甘涼西肅各營

距陝過遠一時未能齊到惟有固原漢中道路較近經臣疊次嚴催馳赴潼關一俟官兵到有一二千名卽派大員管帶分起馳進臣俟後起官兵續到卽統帶馳往合力進剿如山東直隸情形緊要亦卽遵

旨北行斷不敢稍有耽延至陝甘總督關防應否帶往軍營鈐用以昭信守伏候

欽定剿平粵匪方略卷四十三

二十

訓示祗遵奏入

上命軍機大臣傳諭舒興阿曰現在匪黨紛紛逃逸奔突靡定陝西與河南毗連地方情形十分喫緊著舒興阿嚴催所調各兵迅速趨行無論何路兵丁先到卽派得力將領管帶前進偵探賊蹤迎頭截擊或設伏旁抄斷其歸路該督亦卽察看情形出關督剿近來軍營惡習病在遲緩失機此股賊匪若不及早殲

除致令裹脅蔓延又蹈從前覆轍儘渡河北竄擾及畿輔剿辦更難得力訥爾經額已遴委總兵大員帶兵渡河舒興阿督兵出境不特爲山陝屏障卽河南地方文武有可以就近調遣之處亦當統籌全局一面奏聞一面相機辦理至請將總督關防帶往軍營鈐用著照所請行

欽定剿平粵匪方略卷四十三

三十一

同日王履謙奏言臣疊據懷慶府知府余炳燾等稟稱南岸汜水縣有東來賊匪數千人闖入縣城焚掠幸南岸已無船隻驟難北渡嗣又探得賊匪西往鞏縣一帶搶奪洛河船隻意圖由洛入黃再行北渡兵單賊衆河岸遙長請卽調兵堵禦等情臣查洛河在黃河之南係洛陽偃師鞏縣三縣所轄之地本未設有渡口乃忽聞由此搶船入黃意圖北竄自必有本地奸匪勾

結實出意料之外卽札調柳園等口防兵就近
迅往溫孟二口協力守禦因思省城兵勇不下
萬餘賊匪由西而來距省已遠溫孟二口情形
危急應卽咨商撫臣速派弁兵北渡往援至山
西直隸俱與河南北岸毗連亦卽飛咨於各要
口設兵防堵撫臣陸應穀未知移紮何處河臣
長臻至今未到刑部員外郎邵懿辰仍在山東

禦軍方略卷四十二

三

劉家口河北道蔣啟敷在省守禦北岸別無駐
守大員臣萬分焦灼惟有恪遵

諭旨分飭沿河地方文武嚴密巡防隨時截擊並飛催
就近官兵往援斷不敢以責止稽查稍涉鬆懈
奏八

上命軍機大臣傳諭王履謙長臻曰黃河南北兩岸最
關緊要屢次諭令該河督實力巡防何以至今尙在

濟甯殊屬不知緩急長臻身任河督防守河岸是其
專責儻任賊乘閒偷渡自問當得何罪陸應穀馳回
汴梁已令其帶兵出省勦賊正在喫緊之時王履謙
長臻察看情形緩急應如何就近調派卽行相機辦
理本日諭令請爾經額派員帶兵趕赴黃河北岸扼
要堵勦卽著長臻督帶河標官兵探明賊蹤嚴密堵
截並隨時知照河南各路統兵大員迅速追勦及直

禦軍方略卷四十三

三

隸帶兵鎮將一體嚴防

欽定剿平粵匪方略卷四十四 癸丑年

六月初二日^{乙亥}托明阿西凌阿善祿奏言^臣等自追剿逆匪以來馬步同行追趕不及因將綏遠城及陝甘馬隊歸併黑龍江馬隊由^臣托明阿西凌阿督率追截^臣善祿督催步隊隨後接應沿途擒斬賊匪八十餘名於二十四日馳抵榮陽該逆已竄往汜水搶船立即督率馬隊跟


剿平粵匪方略卷四十四



追於二十五日起至汜水縣城東探得城內尙有逆賊五六百名^臣托明阿西凌阿隨分三路進攻大股逆賊見兵追到直奔渡口意欲上船經我兵追殺緊急該逆忽又轉回並東西兩土山內賊匪一齊撲下施放槍礮抗拒連撲三次俱被我兵擊退共殺賊三百餘名並燒燬逆船十三隻生擒五十餘名內有黃巾黃褂及黃巾

紅袍賊目四名當時^臣善祿督催步隊趕到從後會剿亦擒斬賊匪百餘名次日仍撥馬步各隊分路進剿該逆正在渡口上下排列船隻抗拒經我兵奮勇直前擡槍擡礮連環施放斃匪百餘名生擒數十名擊翻逆船三隻燒燬十數隻賊始分投亂竄間有乘船順流東下者亦有竄往北岸者餘盡奔赴汜水縣西北土山大溝

剿平粵匪方略卷四十四



探得該處尙有賊營傍岸有大小船百餘隻山路崎嶇溝深道狹一時未能聚殲當飛咨河南山東撫^臣於黃河兩岸扼要嚴防並統兵各大^臣迅速就近渡黃相機迎剿遏其北竄同日陸應穀奏言據探賊於二十一日由汜水縣小口先令數百人過河搶船全股渡河等情查汜水對岸係懷慶府屬溫縣西向則由河內

可竄山西澤州道路最近北至彰德東至衛輝

又與直隸山東接壤豫省官兵追趕不及臣當

飛函知會托明阿善祿等帶兵趕赴滎澤渡河

儘力追剿並令經文岱柏山探明賊匪如果全

數北渡亦即跟追相應請

旨迅飭直隸山西山東督撫諸臣各派重兵嚴密堵剿

俾免竄越均奏入

剿平匪方略卷四十四

三

上命軍機大臣傳諭托明阿西凌阿善祿曰賊匪被剿

紛竄間有乘船東下及竄往北岸者汜水縣西北河

岸復有大小船百餘隻一時難以殲除該逆蓄謀渡

黃恐該將軍等一時未能剿除淨盡已分諭恩華慧

成勝保等迅速赴援並據陸應穀奏稱先派經文岱

柏山帶兵無論黃河南北跟蹤追剿該撫亦即日帶

兵出省督勦該將軍等務當不分南北併力攻圍將

賊匪悉數殲擒勿留遺孽

上又命軍機大臣傳諭陸應穀曰現在賊匪竄至汜水

意圖北渡經托明阿等殲獲甚多勢已挫衄果能合

力夾攻不難迅就撲滅該撫令經文岱柏山帶兵追

剿該撫亦即日出省計各路官兵已不為少即當併

力追擒殲除淨盡勿令偷渡黃河以固北省藩籬為

要

剿平匪方略卷四十四

四

上又命軍機大臣傳諭訥爾經額曰逆匪自汴梁敗散

後由滎陽竄往汜水膽敢搶船偷渡經托明阿西凌

阿善祿等分兵追擊斬擒甚眾共燒燬擊沈逆船二

十餘隻傍岸有船百餘隻尚未燒擊淨盡亟應嚴密

堵剿以固畿疆著訥爾經額迅即嚴飭帶兵各員於

要隘處所確切偵探一遇北來之賊即行迎頭截擊

遇其竄路該督惟當慎遵疊奉諭旨隨時調度籌辦

萬勿稍涉大意

上又命軍機大臣傳諭恩華慧成勝保曰此股賊匪自汴梁擊敗後由滎陽竄往汜水搶掠船隻雖經托明阿等督率馬步官兵沿途截殺擊沈偷渡船隻連獲勝仗然尙有乘船東竄之賊或北竄懷衛或順流直下均未可定若任其奔竄則直隸山東山西陝西各省皆有蔓延之患恩華由濟甯進兵慧成循黃河北

欽定剿平粵匪方略卷四十四

五

岸而行均與賊蹤相近著卽探明賊勢與托明阿陸應穀等協力會剿勝保計日可抵汴城並著跟蹤追躡何路緊急卽往何路攻剿無論河南河北恩華慧成勝保等總須極力兜圍殲除淨盡聞此股賊匪多半脅從並非大隊恩華等務當趁此兵力迅速前進以固北地藩籬

上又命軍機大臣傳諭舒倫保舒興阿張祥河李德哈

芬曰逆賊自汴省敗走後竄入汜水傍岸並有船百餘隻賊衆奔突靡定一經踰河而北則山陝等省隨處皆形喫緊昨諭舒興阿出關督剿著卽嚴催所調官兵探明賊蹤迎頭截擊其陝豫交界要隘卽著舒

倫保張祥河嚴密籌防至山東山西與河南毗連處所著李德哈芬嚴飭鎮將帶領得力兵勇分赴各要隘相機堵截勿令闖入該將軍督撫惟當不分畛域

欽定剿平粵匪方略卷四十四

六

合力兜擒以期一鼓殲除毋稍延緩

上又命軍機大臣傳諭王履謙長臻曰本日據托明阿等奏賊匪在汜水縣搶船渡河經我兵殲獲多名焚燒船隻該逆奔汜水縣西北土山大溝藏匿賊勢雖蹙然尙意圖偷渡長臻身任河督防河是其專責賊匪一渡北岸則隨處皆可肆擾著會同王履謙實力巡查儻有賊蹤該河督卽帶兵協同各路統兵大員

跟蹤追剿不可稍有疏虞至托明阿所奏乘船東下及竄往北岸之賊諒亦無多著該河督速派弁兵搜查撲滅勿令蔓延勾結

同日王履謙奏言二十八日據報賊由洛河搶船北渡我兵槍礮齊施斃賊甚多實因隄岸綿長寡不敵眾以致賊匪登岸二十六日溫縣失守等情查溫縣距懷郡僅四十里直隸山西等

聖學方略卷四十四

七

省俱各毗連除分咨各督撫扼要防堵外卽飛咨陸應穀長臻迅速帶兵往剿其疏防渡口之文武員弁應由撫臣河臣查明叅處至臣等督飭不嚴應請一併交部議處並請

旨飭調大兵攻剿奏入

上命軍機大臣傳諭恩華曰本日據托明阿等奏賊由汜水搶船偷渡已諭恩華等探明賊蹤攻剿頃復據

王履謙奏賊由洛河搶船渡過北岸溫縣已於二十
六日失守賊匪渡河直隸山陝隨處震動各路援兵
惟該尙書相距最近著卽不分兩夜飛速前進卽使
鍋帳未齊馬匹未到亦須一面飛催一面起程萬不
可片刻耽延此時賊匪初過黃河勢尙不大乘此撲
滅當易得手恩華身係宗室在內廷多年必能知朕
心之憤急勇往向前也

聖學方略卷四十四

八

上又命軍機大臣傳諭訥爾經額哈芬曰本日據托明
阿陸應穀等先後具奏賊匪搶船偷渡當有旨令訥
爾經額哈芬派員迎剿頃據王履謙奏賊匪渡河五
月二十六日溫縣失守該縣距懷郡僅四十里直隸
山西俱與毗連著訥爾經額卽派得力將弁飭令星
馳前往迎頭截擊該督亦應相機進剿俾該逆大受
懲創並著哈芬派委大員酌帶兵勇馳往會剿

初三日丙子琦善陳金綬奏言臣等因連日大雨

積潦汪洋恐揚城賊匪乘雨潛襲督飭官兵嚴

加防範十九日賊果由廣儲門突出七八百人

又從北門城上縋下百餘人搭蓋浮橋先後渡

河俱向北面擁來幸我兵於西北樹林設伏一

經瞭見署參將李應魁等帶兵迎勦擊斃賊匪

三百餘名該逆敗走我兵一齊追至護城河邊

粵匪方略卷四十四

九

該逆搶過橋北二百餘人守橋之賊恐我兵乘

勢過河將橋板抽撤城內之賊急將廣儲門堅

閉其未入城者除撲河淹斃外餘經官兵悉數

轟斃因城上槍礮齊施不能過河二十二日雨

止後接續會攻並飭令仍於南門蔣王廟一帶

嚴防臣等惟有竭盡血誠與在事諸臣設法迅

圖克復以冀稍紓

九重南顧之憂再前奉

諭旨派令翰林院侍讀學士翁同書前來軍營茲該學

士已於五月初七日行抵軍營奏入報

聞

初五日戊寅訥爾經額奏言據王履謙咨稱溫縣

於二十六日失守臣前令署河北鎮花里雅遜

布帶宣化兵五百名赴延津渡一帶防堵查該

粵匪方略卷四十四

十

鎮係由大名取道長垣至黃河北岸恐一時未

能趕到復飭大名鎮董占元帶兵一千名暨署

參將烏爾清額帶兵三百名剋日起程馳赴溫

縣迎勦即令花里雅遜布在延津渡屯紮作董

占元後路聲援至董占元帶兵出境該處防堵

事宜尙有署藩司張集馨等帶兵二千二百名

練勇千餘名堪資防範惟是直隸幅幘遼闊四

通八達不特匪竄懷慶直隸喫重即使西擾晉
省直隸亦多接壤處處宜防兵力以分而愈薄
現在理藩院尙書臣恩華自兗州帶兵起程由
蘭儀口渡河前往汴梁查汴圍已解自應即由
河北順隄赴懷慶一帶迎剿較爲便捷臣已飛
咨恩華酌量辦理俟該尙書督兵到彼即令董
占元帶兵折回以防東境至大名廣平一帶偏

御製方略卷四十四

十一

近豫省必須重兵駐守擬請將前調駐天津之
盛京步隊兵三千名吉林馬隊兵二千名改駐臨
洺關仍留

盛京步隊兵二千名在津屯紮足資彈壓東省設
有緩急並可作景州防兵後援

同日西凌阿托明阿善祿奏言據報汜水西北
土山大溝逆匪並鞏縣折回賊匪三四千名均

歸入汜水縣城內臣等即整隊出營繞至東南
兩門督兵攻城該逆抵死守禦復分撥官兵四
路圍攻賊見攻急欲由東門闖出逃竄經我兵
連放槍礮斃賊多名該逆復退回城時綏遠城
兵將北門攻開黑龍江馬隊隨入城內剿殺賊
開西門竄逸經黑龍江等營官兵截殺五六百
名臣等親督步隊亦由東西兩門繼進極力剿

御製方略卷四十四

十二

洗共計殺賊二千餘名內有穿繡衣者四五十
名生擒長髮賊五十餘名多係湖南湖北人訊
明正法二十九日據報汜水縣西北黃河沿有
賊船四隻土溝內尙有賊匪藏匿即督隊出至
河干擊斃賊百餘名餘匪梟水投往北岸賊營
南岸別無船隻我兵馬步隊一時不能全渡未
便輕進仍督隊由汜水一帶搜剿回營西北山

溝已無賊匪藏匿俟探明河北賊情趕緊籌剿
並飛咨直隸山東陝西山西各督撫撥兵扼要
防堵飛催各路援兵就近渡黃相機截剿均奏
八

上命軍機大臣傳諭訥爾經額曰逆匪數千盤踞汜水
縣城我兵於二十八九兩日連次攻剿克復縣城惟
北岸有賊營盤踞此股賊匪經托明阿等先後斬擒

欽定剿平粵匪方略卷四十四

十三

不少其勢漸衰惟業已渡河懷衛一帶甚屬空虛現
在南岸別無船隻托明阿等所帶馬步隊恐一時不
能全渡若任令賊匪過河肆行裹脅擾及直隸境界
其勢又熾該督現派花里雅遜布馳往亦祇帶兵五
百名仍恐不敷攻剿著迅派得力鎮將統帶精兵前
赴河北與花里雅遜布併力迎剿正可會合托明阿
等前後夾擊該督務當不分畛域督飭鎮將越境剿

賊懷衛一帶肅清則直隸藩籬自固

上又命軍機大臣傳諭托明阿西凌阿善祿曰賊踞汜
水縣城經托明阿等痛加剿洗地方漸就肅清惟據
稱北岸尚有賊營盤踞南岸別無船隻我兵一時不
能全渡昨聞溫縣失守是河北之賊勢尙猖獗托明
阿西凌阿善祿此次接仗頗合機宜著卽乘此聲勢
迅從黃河上下游設法覓船渡過北岸與花里雅遜

欽定剿平粵匪方略卷四十四

十四

布等併力圍攻務使餘匪速就蕩平毋令蔓延貽患
上又命軍機大臣傳諭勝保曰賊匪自汴梁擊敗後分
竄汜水經托明阿西凌阿善祿進剿疊勝擒斬甚多
餘匪已乘間搶船渡河北擾溫縣等處已諭托明阿
等渡河追擊惟兵力尙單且恐賊渡河後又多裹脅
勝保此時行抵何處著卽趕緊趨行探明賊蹤所在
徑行抄截此股賊匪現尙無多乘其奔竄未定尙可

一鼓殲除切勿拘執致誤事機

上又命軍機大臣傳諭陸應穀曰本日據托明阿等奏

連日攻剿獲勝惟現在南岸別無船隻馬步隊一時

不能全渡該將軍等正當追剿得手若因船隻不便

阻隔南岸豈不有誤事機著陸應穀迅即派員於黃

河上下游調撥船隻以便大兵北渡該撫前派柏山

經文岱帶兵剿賊所有黃河以南未淨餘匪即責成

聖學匯方略卷四十四

十五

柏山經文岱等趕緊搜捕勿留餘孽一俟南岸肅清

仍飭令該總兵等渡河會擊現在懷衛一帶甚屬空

虛該撫現已出省著即酌量緩急隨時策應

上又命軍機大臣傳諭舒興阿李德哈芬曰汜水地方

業已肅清惟北岸賊營虛實尚未探確已諭令托明

阿等設法渡河追剿並諭訥爾經額派兵出境迎擊

各省形勢均應扼守險要不宜盡分畛域若乘其奔

突未定一鼓剿除較易為力豫省與山西陝西山東

水陸毗連要隘必須鄰省派兵赴豫據守北岸合力

協剿使賊無暇喘息方不致再有蔓延舒興阿現已

出省李德哈芬均派兵防堵著即探明賊蹤或迎頭

剿擊或從旁追截不可因未入本境觀望遲延

上諭內閣曰逆匪由開封竄擾汜水經該將軍等督兵

追剿疊獲勝仗帶隊官員及滿漢兵丁無不勇往直

聖學匯方略卷四十四

十六

前覽奏實深欣慰托明阿追賊迅速連次接仗大挫

兇鋒洵屬調度有方著加恩賞戴花翎並賞給白玉

翎管一枝白玉四喜撥指一箇西凌阿係獲罪之員

此次擊賊尙屬奮勉若能趕緊追賊續獲全勝當與

善祿同邀恩賞至此出力將弁兵丁著托明阿查

明據實酌保候朕施恩

同日陸應穀奏言賊匪由溫縣竄入懷慶欲奔

山西當卽催令經文岱迅速迎截並先經咨會恩華等各帶官兵馳赴懷慶衛輝一帶堵剿旋探河面另有賊股順流而下當飭沿河文武實力防守而二十七八等日省城忽訛傳賊至人心驚惶臣與司道督率文武員弁晝夜登陴巡守未卽起程連日鎮靜彈壓方始安定現准托明阿善祿等咨二十五日統兵進至汜水河沿

聖學方略卷四十四

十七

開仗獲勝臣卽飛催托明阿等迅速過河乘勝追剿惟據鹿邑縣盤獲裹脅逃散難民孫三元等供稱賊匪使人往江南送信令再分股北來汴省爲北路門戶必須嚴防現在兵力單薄復飛催前調永城防守之河北鎮兵一千名趕緊來省駐紮以壯聲威此外並無可調之兵臣帶兵勇四百餘名於二十九日出省趕至鄭州相

機前進

陸應穀又奏言署河北鎮經文岱函稱與柏山商酌欲往汝州一路防剿臣以賊在河南自以防其北竄爲先且汝州距賊尙遠未免置兵於閒散之地當令折回鄭州嗣據探報賊已渡河又咨會經文岱先由滎澤過渡防衛懷慶一路並咨會柏山在鄭州同臣進剿乃至今未據

聖學方略卷四十四

十六

咨覆臣於初二日行抵鄭州經文岱柏山皆未見到亦不知行抵何處臣惟有將所帶兵勇先至滎澤一面飛催經文岱等迅速趕來以便會同進剿奏入

上命軍機大臣傳諭陸應穀曰賊匪搶船渡河竄至北岸陸應穀現在帶兵趕至鄭州進剿經文岱柏山欲往汝州經該撫飛催折回均未據咨覆陸應穀身任

封疆鎮將皆歸節制似此疲玩不職之員何不卽行
參奏著該撫傳旨經文岱柏山該鎮等避近就遠有
意遷延若再不遵調度折回稍遲定以軍法從事賊
匪竄入懷慶欲往山西現在懷慶府城如何守禦抑
係被賊竄踞所奏殊未明晰山西鄰境仍當隨時知
照一體嚴防毋稍疏虞

同日琦善奏言臣督攻揚城用礮連環轟擊將

聖朝方略卷四十四

十九

城垣轟壞丈許連日城身攻塌漸多雙來因有
機可乘用木棍作為浮橋過河支架雲梯首先
奮勇直上率同弁兵先後登城臣一面直至城
下督戰一面飛速知會提臣陳金綬等飭令各
路兵勇登城接應漕臣福濟亦派來鄉勇二百
名奮勇登城者十餘人福濟查文經亦親督兵
勇馳往東門攻打維時北面已經登城之兵槍

矛並進殺斃賊匪不可勝計兼用火箭將城內
房屋燒燬數處正在攻擊得勢乃近在西路之
兵俱不肯向前僅恃城上官兵與賊接仗該逆
在城樓施放槍礮拋擲火彈城上簾篷城下板
屋齊燃我兵被火燄薰蒸致總兵雙來左頰被
槍子打入折落車齒二箇一時暈倒幸為兵丁
扶下其餘弁兵傷亡甚多勢在危急臣當卽親

聖朝方略卷四十四

二十

催陳金綬督飭官兵登城詎呼應不靈陳金綬
雖身先向前而眾兵尙復逡巡觀望城上官兵
因無接應勢不能支仍行退下此次登城殺賊
可冀克復旋因接應不力未能得手以致守備
楊發把總袁竣德藍翎額外溫魁額外王林陣
亡參將李志和等受傷統計陣亡受傷官兵甚
多陳金綬係幫辦軍務大員當此軍情喫緊調

遣無策咎實難辭相應據實奏奏可否摘去頂戴以觀後效出自

聖裁其隨陳金綬直隸帶兵各員俟 臣查明分別奏

臣攻勦揚城日久無功應請將 臣交部議處其陣亡受傷官兵由 臣咨部分別辦理

琦善又奏言連日盤獲奸細隔別訊問內嚴豫一名所供尤詳據稱楊秀青派江甯賊匪八千

欽定剿平粵匪方略卷四十四

三

鎮江賊匪四千分股進攻六合報復前警由來

安天長取道接應豫省股匪總欲先取汴梁再

定行止等情 臣連據徐州上游探報攻汴賊匪

經官兵擊敗有退至朱仙鎮奔向陳許一帶之

信豫省勦捕甫經獲勝若再添此大股恐北路

賊勢復張查六合若經堵禦賊眾即難分竄而

該處防兵僅止吉林馬隊一千五百名深恐眾

寡不敵 臣所帶之兵及陳金綬之兵實無可撥

因查鄖陽鎮總兵瞿騰龍帶兵二千名現已行

抵瓜州先令由灣頭徑赴六合堵禦並協同吉

林官兵迎頭截擊使賊無由北竄浦口儀徵一

帶仍飭官兵一律嚴防至江甯北岸上游之和

州本無官兵防守而安徽撫 臣李嘉端又由裕

溪口回至廬州誠恐賊眾乘虛徑由上游分股

欽定剿平粵匪方略卷四十四

三

竄赴六合腹背夾攻 臣已飛咨李嘉端豫為防

範奏入

上命軍機大臣傳諭琦善曰賊踞揚州數月以來尙未

克復現又有由六合分股北竄之信儻賊勢蔓延愈

難勦辦該大臣現令瞿騰龍在六合堵禦著即飭該

總兵迅赴六合防守毋令賊匪北竄其浦口儀徵等

處亦應一律嚴防並隨時知照李嘉端豫為防範至

此次攻城雖未得手該大臣等仍當督飭將士奮勉進攻迅圖克復毋得再蹈因循

上諭內閣曰此次登城殺賊總兵雙來奮勇先登卒被槍傷實屬果敢出力惟因西路之兵接應遲緩以致揚城未能克復陳金綬身任提督幫辦軍務督率無方著摘去頂戴帶罪圖功琦善調度失宜著卽革職留任陣亡之守備楊發等俱著交部從優議卹陣亡

勦平粵匪方略卷四十四

三

弁兵一併照例議卹

同日

上命軍機大臣傳諭琦善陳金綬雷以誠向榮許乃釗曰聞金陵逆匪多欲乘間脫逃其真賊懼被殺害陪作紅邊白團馬褂希圖溷跡官兵間有薙髮者私出探聽城內有瓦木匠人及園戶機匠各約五六千人均欲俟大兵破城內應現在賊匪守城皆驅老弱之

民營中百姓居多逆匪不過十分之一金陵如此揚州鎮江更可想見著琦善向榮等督飭將弁激勵兵勇剋日進攻合力勦洗並曉諭各城中被脅之眾自拔來歸妥為安撫儘能設計殺賊為官兵內應功成之日必當優加賞敘至廬州府團練是否以紅邊白團馬褂為號著卽知照巡撫李嘉端等查明防範毋任溷跡其滁州清流關地方扼要著咨會該撫嚴防

勦平粵匪方略卷四十四

三

以杜偷越

初六日巳張芾奏言五月十八日有賊船千餘隻乘北風大作直撲江西省城停泊陳孚恩等

所帶練勇逼近江邊無險可據且未經行陣能守未必能戰既恐寡不敵眾又因城內兵單當卽撤隊入城一同登陴固守查江西民情柔弱自聞警報紛紛遷避在省紳士及工商匠役人

等無不遠颺幸一切軍需平時備且自江忠源來省所帶楚勇皆係敢戰之士軍心稍振惟僅一千二百名七門各派一百名駐守其餘五百名作為游兵策應賊船來時即經臣張芾陳孚恩江忠源等督同楚勇與本省各營官兵在城上施放大礮擊沈匪船三隻該匪又用小船抄入南門外之南海經知府林福祥督率游兵點礮擊沈賊船二隻並有手執黃旗登岸者均經兵勇擊退是日共擊沈賊船五隻斃賊一百餘名士氣頗揚賊鋒已挫臣等與江忠源商議乘賊初到布置未定簡選輕銳潛師抄擊惟城外民房稠密臨時拆毀不及祇得縱火焚燒但非厚集兵力兩路夾攻戰守難操勝算應請飭下向榮及張亮基等迅速發兵應援不特保全江西

剿平粵匪方略卷四十四

三

實於東南全局大有關係奏入

上命軍機大臣傳諭張芾陳孚恩江忠源曰賊船沿江上竄徑撲省城經該撫等督率兵勇擊沈賊船亟應悉力固守以待援兵著即會同陳孚恩督同江忠源並在城文武各員分派兵勇激勵紳民認真防守毋稍疏懈城外兵勇既不能不撤回城中仍須時出奇兵於城外江干截擊挫賊兇燄嚴防偷竄地道密拏奸細毋令內外勾結聞吉南贛道周玉衡辦理防堵素稱得力若令管帶兵勇乘此灘漲順流而下最為近便該撫此次所發摺報與前次所發僅後一日何以遲至六七日始行遞到如果道路梗阻即應知照沿途設法繞越以速為要廣東接濟兵餉現解在途者共有十四萬餘兩亦著迎探接護萬不可使有疏失

剿平粵匪方略卷四十四

三

上又命軍機大臣傳諭向榮曰據張芾奏賊船已撲省城請於向榮軍營撥兵援救朕思該逆分股竄擾原圖牽掣江南大軍現在江西省城情形緊急若多分江南兵力又恐掣動大局墮賊奸計向榮軍營能否撥兵前往之處著酌量緩急辦理如果金陵及早克復何至賊黨紛竄滋蔓難圖向榮等前次遣散之說殊不足恃仍著速籌攻克金陵先將大股殲除則餘

聖學聖方略卷四十四

三

黨亦聞風而潰至向榮糧臺本由江西支應現在該省道路必有梗阻應改移何處為妥各處餉銀務須隨時知照沿途地方繞道妥護毋稍疏虞

上又命軍機大臣傳諭張亮基崇綸駱秉章曰據張芾奏賊船直撲江西省城固守待援等語湖廣為江西最近省分著該署督撫等即於湖北湖南兩省遴選得力鎮將帶兵迅速赴援俾得速解省圍萬不可稍

有耽延其湖北應防之處仍著該督撫各就現存之兵移遠就近扼要駐紮以遏逆匪上竄之路

同日

上諭內閣曰前經疊降諭旨令各省督撫曉諭紳民實行團練自衛鄉閭近閱河南奏報逆匪自竄汴梁屢經各屬鄉民協助官兵沿途剿殺遂至窮蹙西奔可見兵民同心賊眾即無從肆擾現在大兵疊次獲勝

聖學聖方略卷四十四

三

汜水一帶賊匪焚劫無餘難保其不亡命奔突希圖四竄所有毗連河南之直隸山東山西陝西等省風俗敦龐民情強固自能同心協力各保閭閻茲特再行申諭各該督撫嚴飭所屬實力舉行團練一州一縣之中地勢險夷民風柔勁身為牧令必應纖悉皆知平日果能好惡同民臨事自能禦災捍患各該紳耆世守田里聞見較真其應如何設防之處定能各

五二二 續修四庫全書 2 史部

就情形妥爲布置總期先事豫防有備無患官民相信則衆志可以成城軍興以來徵調頻仍供頓勞苦不免重累吾民朕念切民依難安寢饋封疆大吏皆有司牧之責其各體朕意徧行宣示毋再延玩將此通諭知之

初七日庚辰雷以誠奏言琦善連日攻城東路一

帶萬分喫緊勢難兼顧臣卽飭鹽知事銜張翊

欽定剿平粵匪方略卷四十四

三十九

國管帶壯勇馳赴五臺山地方以便臨時策應是夜琦善大營極力攻城礮聲不絕正在添選壯勇前進以爲後繼忽報琦善營中總兵雙來與張翊國各帶兵勇登雲梯上城殺斃賊六七百名其時各路兵勇尙未趕到而雙來張翊國奮勇不顧業已殺入城內城內之賊拚死抵拒槍礮齊施四面火起張翊國等身已受傷寡不

敵衆祇得奮力殺出非有以獎勵之不足策其將來張翊國係殉難江甯縣知縣張行澍之姪本屬忠義傳家茲復身先進城殺賊圖報雖全城未復而以寡擊衆實爲行軍所難應否將總兵雙來鹽知事銜張翊國先行量予鼓勵出自

天恩奏入

上諭內閣曰此次琦善督兵攻城總兵雙來與管帶壯

欽定剿平粵匪方略卷四十四

三十九

勇之鹽知事銜張翊國各帶兵勇登城殺賊以寡敵衆實屬奮勇可嘉雙來著賞加提督銜張翊國著給予五品頂戴並賞戴花翎以示優獎

同日

上諭內閣曰前因黃河渡口巡防緊要特降諭旨令該河督會同王履謙扼要設防長臻到任後早應親歷河干督同京員邵懿辰等暨廳營員弁實力稽查現

在河岸已有逆匪偷渡擾及溫縣該河督始以大汛將臨奏請赴豫督防實屬不知緩急長臻著交部議處該河督赴工防汛密邇河干巡查渡口事宜是其專責所有軍營兵馬及文報往來需用船隻並著該河督一併飭屬妥辦毋任延誤

初八日辛巳 請爾經額奏言據署藩司張集馨報

稱參將烏爾清額帶領直隸弁兵駐紮豫省陳

勦平粵匪方略卷四十四

三

橋渡口防堵五月二十八日見有賊船十數隻

揚帆北駛當即會同河南知府戴鸞翔等列兵

岸口該逆不敢全行攏岸內有一船直撲河干

經我兵槍礮齊施逆匪不及抵禦奪獲賊船一

隻該逆受傷落河死者無數又直隸弁兵在河

岸拏獲賊目莫應揚陳亞秀並賊匪十三名其

餘賊船仍在河心游駛槍礮皆不能及惟有晝

夜嚴防不使登岸該藩司復添派宣化遊擊穆

隆阿帶兵運送銅礮四尊至陳橋渡口會同烏

爾清額協力防剿總兵董占元於初三日行抵

衛輝晤該府景昌知賊匪進溫縣城後經該處

紳民併力擊退竄至武陟縣復經武陟紳勇隨

同營員攻剿將賊匪逼至司馬集地方圍困該

鎮即帶領遊擊玉祥都司舒敏督兵迎頭截剿

勦平粵匪方略卷四十四

三

並探悉河南撫臣陸應穀總兵經文岱俱過河

北剿捕臣即移紮磁州相機進剿現在懷衛彰

一帶各路帶兵大員俱已陸續趕到官兵雲集

合力攻圍自當一鼓殲除奏入

命軍機大臣傳諭請爾經額曰逆匪船隻經直隸將

弁兵丁會同知府戴鸞翔攻擊奪獲一隻其餘賊匪

自應趕緊用礮轟擊勿任竄赴下游其竄入溫縣之

賊經該處紳勇擊退該逆竄至武陟復經該處紳勇
隨同營員攻勦將賊匪圍困司馬集地方惟有迅速
攻擊不可稍緩尤不可稍分畛域致失事機該大臣
現已統領河南河北諸軍所有各路官兵統歸節制
更屬責無旁貸著卽會同恩華托明阿統籌全局相
機調度

又命軍機大臣傳諭恩華托明阿曰據訥爾經額奏

欽定剿平粵匪方略卷四十四



探悉陸應穀經文岱俱過河北並稱賊匪進溫縣城
後經紳勇併力擊退竄至武陟縣復經紳勇隨同營
員攻勦將賊匪逼至司馬集地方圍困是此股賊匪
勢已窮蹙若合力兜勦不難一鼓殲除恩華著卽赴
懷衛一帶探明賊蹤所在與托明阿等併力夾擊將
此股逆匪剋期掃蕩以慰朕念

上諭內閣曰此次逆船徑撲北岸經官兵會擊先挫其

鋒該地方紳民復能協力勦賊與官兵聯爲一氣甚
屬可嘉現在陸應穀經文岱等俱帶兵過河追勦各
路帶兵大員俱已陸續趕到著訥爾經額卽督飭諸
軍併力攻勦並傳旨曉諭各屬紳民合志同仇迅殄
醜類

上又諭內閣曰現在大河南北官兵雲集不可無人統
領以一事權大學士直隸總督訥爾經額著頒給欽

欽定剿平粵匪方略卷四十四



差大臣關防所有河南河北各路官兵統歸節制理
藩院尙書恩華江甯將軍托明阿均著幫辦軍務該
大臣等其統籌全局乘此賊勢窮蹙督率諸軍合力
攻勦毋稍延誤河南巡撫陸應穀係守土大員帶兵
勦賊責無旁貸陝甘總督舒興阿山東巡撫李德山
西巡撫哈芬均著仍遵前旨督兵會勦總期協力同
心迅掃賊氛以慰朕望

欽定剿平粵匪方略卷四十五 癸丑年

六月初九日 壬午 托明阿西凌阿善祿陸應穀奏

言臣等於初四日齊抵榮澤河口據報溫縣失

陷賊匪竄偃懷慶府城隨添調船隻督帶兵勇

趕緊過河或分布兜拏或合力攻剿總期滅此

羣醜以靖地方惟賊勢既眾一經大兵攻擊恐

由清化關入晉省應請

剿平粵匪方略卷四十五

一

飭下山西撫臣加緊截擊遏其去路至逆賊前在汜水

經臣托明阿等痛剿後尚有餘匪竄至密縣臣

陸應穀現聞經文岱柏山已抵汝州當即飛咨

就近馳往迎擊

托明阿西凌阿善祿陸應穀又奏言探報賊於

初三日竄入密縣初四日竄入新鄭查新鄭距

省一百餘里若乘虛直撲省城所關匪細經文

岱柏山遠在汝州勢不相及臣陸應穀即督帶

兵勇星夜折回保護省垣臣托明阿仍同善祿

西凌阿迅速渡河攻剿懷慶一路之賊以防北

竄仍一面再催經文岱柏山趕緊折回迎頭截

擊奏入

上命軍機大臣傳諭托明阿西凌阿善祿陸應穀曰逆

匪竄偃懷慶府城餘匪竄入密縣又竄新鄭該處距

剿平粵匪方略卷四十五

二

省一百餘里陸應穀折回保護省垣托明阿著即與

西凌阿善祿等趕緊渡河迅赴懷慶會同直隸官兵

併力夾擊毋失事機陸應穀保衛地方仍當相機出

省剿賊勿但株守省垣毫無策應仍著飛催經文岱

柏山趕即帶兵由汝州折回迎頭截擊五月二十八

九日豐北漫口當此逆燄未平又遭水患百姓流離

失所殊堪憫惻陸應穀務即督飭地方官遇有災民

入境妥爲安撫勿使逆匪乘間勾結

十一日甲申張芾奏言查省城西南北各門外民

房牆垣焚燬未盡該逆環踞其中開放槍礮且

暗挖地道攻剿殊難得手臣等與湖北臬司江

忠源商議於五月二十日令楚勇頭目由永和

門空心礮臺突門出隊該逆約三四千人已先

在高坡上開放槍礮楚勇直撲賊隊該逆抵敵

勦平粵匪方略卷四十五

三

不住退至坡後楚勇站定該逆拌死回撲復被

楚勇擊退往復四次傷斃賊匪約百餘名正相

持閒知府耆齡林福祥都司景星及各將弁督

飭兵勇施放大礮擡槍並經糧道鄧仁莖新築

空心礮臺督飭練勇於臺內連放大礮絡繹不

絕斃賊甚多林福祥復親放連珠火箭並點大

礮轟斃不少該員因礮位退坐致傷礙足各營

奮勇兵丁復下城助戰矢石如雨該逆始全行

敗退先後約共傷斃賊匪二百餘名生擒長髮

賊五名斬獲長髮首級七顆官兵傷亡者幾至

百名臣與臣陳孚恩皆在城上督戰該文武員

弁等均能用命楚勇尤屬奮勇敢戰以一當百

據江忠源稱陣亡把總李光寬身經百戰所向

無前此次打仗身先衆勇深入賊隊中槍身故

勦平粵匪方略卷四十五

四

深堪憫惜李光寬前經擬保都司應請

旨加恩照都司例賜卹應保之勇長另開清單恭呈

御覽至知府林福祥以文員隨同督戰竟能點放火箭

大礮正中賊隊身受數傷應請

賞換花翎並遇有江省知府缺出請

旨簡放惟是賊鋒稍挫兵力甚單因守孤城日久深虞

他變現在加築月城並鼓勵士卒下城焚屋清

濠以防地道暗攻嚴拏奸細以弭內訌江忠源忠勤懋勉籌畫周詳營員兵丁無不悅服實屬禦侮之才未便任其困守一隅仍請

旨速催援兵庶可早日解圍俾該司得以北上至所謂南贛九江兩鎮兵均尙未到查南贛離省較遠且各邊界有事皆已分兵防堵輾轉徵調一時未必能來至九江鎮兵已報起程迄今未到該

勦平粵匪方略卷四十五

五

總兵未免意存畏葸應請

旨將護九江鎮總兵羅玉斌暫行革職留任仍催令趕

緊赴援再觀後效

張芾又奏言江省兵力單薄實屬不敷戰守疊咨向榮迅速帶兵應援茲聞有調赴江南大營之四川兵勇數千名取道湖北路過九江合無仰懇

天恩俯念江西爲糧臺重地請

旨飛飭四川統兵提鎮迅卽改赴江省以資援剿解圍後再順流東下又湖南湖北離江最近現聞廣濟尙有防兵可以就近撥援江西查兩楚兵勇尙不乏人應請

旨速派三千名來江援剿若得鎮守兵八百名卽可內外夾擊滅此賊匪以除大患實於大局有裨

勦平粵匪方略卷四十五

六

張芾又奏言省城自聞警以來居民紛紛遷徙皆由官紳先期遠遁以致人心渙散查有南安府同知楊正祥撫州通判范壽椿饒州通判王煊宇候補知縣劉世煒祁啟萼等或派稽察城門或派巡查街道閉城之後均未見面又萬安縣知縣黃瑞圖峽江縣知縣蔡廷蘭試用知縣袁思韓並非奉委外出乃屢傳不到顯係先期

遠避若不嚴行懲辦何以勵臣節而服人心應請

旨將該員楊正祥等卽行革職以憑分別查辦此外候

補正佐各員容俟另行查叅至紳士爲齊民表率無論籍隸首縣外縣多係奉

旨幫辦團練人員宜如何同心協力共圖守禦乃因寇

氛甚近率皆乘閒遠颺此等情形皆在籍尙書

欽定剿平粵匪方略卷四十五

七

臣陳孚恩所目擊統俟查明分別請

旨遵辦現在紳士中惟已革臬司徐思莊戶部候補郎

中陳景謨候補主事汪茹鑑隨同臣等督帶練

勇晝夜巡防可否請

旨將徐思莊原革翎頂

加恩賞還俾昭激勸出自

鴻慈奏入

上命軍機大臣傳諭張芾曰南昌省城自被賊匪攻撲

以來連日出勦獲勝並防守一切均臻嚴密江忠源

所帶練勇尤爲出力張亮基現駐道士汛昨已有旨

令其選派鎮將督帶兵勇馳赴救援本日復令駱秉

章曾國藩迅調鎮鎮兵八百名並令曾國藩將團

練得力之楚勇酌派數百名遴委員弁管帶趕赴江

西交江忠源帶同攻勦張芾務當會同陳孚恩江忠

欽定剿平粵匪方略卷四十五

八

源等一面力籌守禦嚴拏奸細暗防地道一面與各

路援兵內外夾擊以期一鼓殲除至江省民情素稱

懦弱卽紳士等亦不免紛紛遷徙以致人心惶惑惟

陳孚恩暨在籍已革臬司徐思莊郎中陳景謨主事

汪茹鑑等仍在省城巡防守禦足爲士民矜式徐思

莊係已革大員著先賞給六品頂戴以示獎勵至所

稱在籍各員或畏賊避匿或聞警遠颺著該撫再行

剴切勸諭並將幫辦團練首先逃避之紳士查明具奏該撫所聞調赴江南大營之四川兵勇取道九江擬請截留等語此項川兵並未徵調恐係傳聞之誤九江南贛官兵仍即飛催赴省毋令遲延

上又命軍機大臣傳諭駱秉章曾國藩曰此次南昌省城獲勝多係江忠源所帶楚勇之力惟賊鋒雖已稍挫兵力尙單昨已諭張亮基等撥兵赴援仍須湖南

勦平粵匪方略卷四十五

九

添派兵勇一同援應駱秉章等調赴省城鎮守永綏等營弁兵共一千六百名著即於此項兵內抽撥八百名馳赴江西省城並將現募湘鄉等處練勇酌撥壯健者數百名派員管帶星夜前往交江忠源調遣以資守禦江忠源籍隸湖南其勇略素爲鄉人所服委以楚省兵勇定能得力該署撫等其妥速籌之上諭內閣曰此次文武員弁兵勇人等出城擊賊均能

用命江忠源前在湖南屢著戰功所帶楚勇尤爲奮勇出力可嘉之至知府林福祥以文員督戰身受數傷猶復晝夜登陴亦屬奮勉著賞換花翎陣亡之把總李光寬身先衆勇深入賊隊中槍身死深堪憫惻加恩著照都司例賜卹以慰忠魂羅玉斌著暫行革職仍嚴催迅赴省城如再遷延即著從嚴參辦

上又諭內閣曰逆匪竄擾南昌經該撫督率文武出城

勦平粵匪方略卷四十五

十

勦辦該省官員或派稽察城門或派巡查街道乃閉城之後均未與該撫見面並有未奉差委屢傳不到者顯係先期遠避若不嚴行懲辦何以肅官守而勵人心所有南安府同知楊正祥撫州府通判范壽椿饒州府通判王煊宇候補知縣劉世煒祁啟萼萬安縣知縣黃瑞圖峽江縣知縣蔡廷蘭試用知縣袁思韓均著卽行革職交該撫查明畏葸退匿確情嚴參

治罪

同日琦善奏言六月初一日我兵用炸子礮打入揚城斃賊多名該逆防守益堅並勾通瓜州賊匪搶占虹橋又欲勾通江甯鎮江賊匪前赴浦口由六合旱路向揚州接應臣以為此時先須嚴防各路斷賊接應庶不致顧此失彼因咨會漕臣福濟嚴防東關督飭知府福楸添帶兵

欽定剿平粵匪方略卷四十五

十一

勇協同紳董防守虹橋臣又分飭派防南路官兵嚴扼要隘並商同漕臣先將儀徵停泊舊糧船五隻在三汊河地方墜石沈舟以遏由瓜州上竄水路並飭總兵瞿騰龍馳赴六合協同防堵以備賊匪北竄查賊匪占踞江甯等三城大江為其所有賊蹤來去自如當此妖氛肆擾兵力不敷通籌全局勢難兼顧臣奉

命在江北攻剿祇可先圖克復揚城然即以揚城而論

亦有賊眾兵寡之虞况瓜州賊巢近在肘腋江甯鎮江之賊聲息亦復易通現在函致向榮添雇艇船於江面截擊以斷賊船之來路一面飛飭文武各員會同紳士分帶兵勇扼守虹橋使賊不得應援或可相機收復

欽定剿平粵匪方略卷四十五

十二

係安徽和州人今年二月被賊裹脅授為偽司馬嗣又授為偽百長四月隨同偽正副丞相林源詳李開芳吉汶元朱錫琨等由浦口滁州關山朱龍橋至臨淮關復自臨淮起身走懷遠蒙城亳州到歸德府攻陷府城旋由甯陵縣睢州杞縣陳留縣直到汴梁省因城上官兵防範甚嚴且中隔護城河不能過去遂到朱仙鎮屯集

林鳳詳卽用黃綾寫信二封蓋用偽印一交該犯縫於衣襟一交從逆之揚州人嚴光導收執令其送往江甯賊匪該犯等由杞縣至睢州與嚴光導分路時嚴光導曾言要到揚州仙女廟探親該犯卽由劉家口虞城縣徐州府宿遷縣至清江浦又乘船由寶應縣邵伯鎮行至揚州城西之司徒廟被陳金綬官兵拏獲嚴光導現

聖朝聖略卷四十五

十三

在不知行至何處等供隨於該犯衣襟內拆出賊信驗與所供相符並據該犯供稱賊匪商議如得渡黃卽行北竄如不得渡仍回長沙等語查該犯自朱仙鎮起身時賊匪尙在彼處占踞訊之以後之事不能知曉至嚴光導既有赴仙女廟探親之說臣雷以誠在萬福橋距仙女廟較近當卽函致迅派兵弁就近查拏又據拏獲

絕城奸細長髮賊王元等供稱揚州城內賊匪分遣奸細來往勾結恐被盤獲俱令蓄髮詭稱難民徑赴軍營投誠卽可任意往來並於一賊身邊搜出木刻篆文圖記據供帶赴瓜州傳送口信令其前來接應內外夾攻若使別人送信回揚亦於信上用此圖記等供是此後凡難民投營者亦難盡信惟北路帶兵各員深恐未悉情形誤中奸謀合併陳明奏入

聖朝聖略卷四十五

十四

上命軍機大臣傳諭琦善陳金綬雷以誠曰朕以琦善才尙可用棄瑕錄取特命督師江北節制諸軍原期一振聲威殲除醜類乃數月以來擁兵邗上收復無期糜餉老師咎將誰諉茲復以妖氛肆擾藉口兵力不敷且云卽以揚城而論亦有賊衆兵寡之虞其將無計可施任賊安踞乎抑待賊全行竄出中原糜爛

而後收復空城以奏功乎現在度支告乏軍餉不濟大勢實屬可憂是以特加殊論限於季夏以前全數掃蕩此朕不得已之苦衷該大臣豈不動於心也總之迅復揚城惟該大臣之功若日事遷延以致兵驕將怯皆不用命則該大臣之罪不可追矣罰罪賞功國法具在勿以疊奉嚴旨視若弁髦也瓜州紳士雖有挫失幸虹橋未失水路尙有可扼該匪不致任意

欽定剿平粵匪方略卷四十五

十五

往來毫無顧忌該大臣等仍當剴切勸諭紳士義勇協力效忠功成膺賞至於肅清江路以斷賊蹤當與向榮合謀江面艇船與瓜州團練互相策應庶可迅掃妖氛

上又命軍機大臣傳諭訥爾經額恩華托明阿曰琦善奏拏獲鮑城長髮之賊並另獲奸細搜出逆書所獲犯供有賊匪如得渡黃卽圖北竄如不得渡仍回長

沙之說現在賊已過河此種奸細難保不到處窺探著訥爾經額恩華托明阿於駐紮扼要處所各飭兵勇盤詰奸宄卽有稱難民來歸者亦須詳細查訊萬不可墮賊奸計再聞北竄之賊所掠資糧有限現乏米石逆書中所稱紅粉卽係火藥該逆奔竄飄忽斷無暇製造鉛藥專恃掠取該大臣等嚴飭所屬於糧餉火藥等項加意防護勿爲賊掠仍當迅速進剿四

欽定剿平粵匪方略卷四十五

十六

路兜圍斷其接濟其被剿必竄之路尤當豫爲布置嚴密防守

琦善又奏言臣前奉

諭旨發交西凌阿等原摺飭令查奏當卽派員訪察據

稱浦口各村莊居民僉云山東官兵二百名在浦口上斗岡廟旁紮營黑龍江官兵在浦口民房零星散住四月初六日賊船到浦口山東官

兵迎賊接仗眾寡不敵且戰且退回至上斗岡
營旁維時黑龍江官兵在江邊麥田放馬賊至
卽棄馬逃回賊卽分撲趕追凡黑龍江官兵住
宿民房全被賊焚該官兵紛紛逃至東葛西葛
各處躲避卽聞有傷亡亦係逃走落後被殺並
非打仗受傷至鍋帳實係四月初三日解到其
頭批解到馬八九百匹各起官兵曾經分領二

聖皇聖方略卷四十五

十七

批解到馬數百匹該官兵因嫌瘦弱未曾收領
前項馬匹賊來時已經失散迨至滁州地方訪
得四月二十一二等日賊匪由北退至滁州肆
行搶奪山東官兵隨黑龍江官兵後追剿至滁
州朱龍橋與賊相遇黑龍江官兵又欲退走經
山東官兵在後阻止不得不奮力前進是以獲
勝等語至西凌阿等請發箭枝一節查江甯揚

州鎮江三城失守本乏造箭之人爲西凌阿等
所深知乃西凌阿等逃至滁州復不自奮輒向
賊所不至之天長縣紆道來揚請處以爲巧避
之計迨臣不准前來卽將河臣解到戰箭五千
枝全行發給責令跟蹤追賊西凌阿等明知箭
枝無從製造故意屢請添發以爲遷延諉卸地
步至所稱請發糧餉一節其時河南並未解到

聖皇聖方略卷四十五

十六

憑何應撥嗣河南餉項解到臣卽分給銀一萬
二千兩交該官兵應用西凌阿等畏罪捏飾無
理曉辯早在

聖明洞鑒之中且在浦口約束無方見賊輒逃爲江浦
滁州紳民所切齒儻蒙

飭下李嘉端呂賢基就近訪查更可得其詳細奏入
上諭內閣曰已革都統西凌阿管帶黑龍江官兵在浦

口散住民房於帳房解到後並不安紮營盤漫無準
備爲賊所襲自應治以應得之罪惟西凌阿現帶黑
龍江官兵在河南勦賊未便令其置身事外西凌阿
著暫緩治罪交托明阿責令該革員帶罪自效儻再
不知奮勉朕惟有執法從事決不寬貸

同日勝保奏言臣於五月十二日自揚州起程
後中途遇雨五日不止臣仍督軍前進不准休

欽定剿平粵匪方略卷四十五

十九

息無如長途泥水過深每日僅行三四十里於
六月初四日抵亳州由陸路兼程前進查亳州
與豫省接壤距汴梁不足四百里如果天氣晴
明四日可到臣已飛咨河南撫臣並署布政使
沈兆澐等若逆賊再犯省垣總宜竭力固守不
出旬日救援必至臣擬由河南鹿邑一帶取道
賊竄處所追擊並咨商托明阿等分路合圍以

期夾擊奏八

上命軍機大臣傳諭勝保曰逆匪已竄偏懷慶府城分
股竄入密縣新鄭勝保現在由河南鹿邑一帶取道
前進著卽探明賊竄處所無論大河南北何路緊要
卽由何路進攻如汴梁喫重亦卽迅速帶兵籌勦總
期併力翦除勿任再有延蔓總兵經文岱柏山係領
兵協勦之員乃遠在汝州疊經巡撫陸應穀催令進

欽定剿平粵匪方略卷四十五

二十

勦膽敢置之不覆顯係避近就遠不遵該撫調度著
勝保嚴密查訪如實有遷延巧避情事卽行從重參
辦

十二日酉乙刑科給事中張煒奏言竊查賊匪擾
及溫縣武陟等處官兵勦辦猶未得手該處與
山西澤州潞安等府祇隔太行一山北爲山西
直隸交界其入山大路西南有垣曲縣之會興

鎮正南有懷慶府之清化鎮東南有壺關縣之窟窿山是皆要隘當衝可戰可守未識山西巡撫已否布置而尤要者則斷不可使入直隸查懷慶衛輝彰德三府相連彰德之北與直隸順德府接界今既將賊匪圍困司馬集惟有聚而殲旃方保無患若再任其東北紛竄則順德一警而正定保定皆將動搖矣臣愚以為用兵之

聖學聖略卷四十五

三

道必先能戰而後能守近來辦軍務者率以防堵為言夫防堵之說可用於鄉邑而不可用於都會可備於無事之日而不可恃於多事之時今不圖會勦迎擊而但曰防堵者率皆自分疆界不顧全局獨不思敢戰尙難於必勝徒守豈足以自完前奉

諭旨命該大臣等協志同仇併力攻勦得失之機在此

一舉臣尤欲請

旨申諭直隸陝甘各總督河南山東山西各巡撫督率將弁五路圍攻勿以賊未及此而先懷裹足之心勿以賊已去此而遂為息肩之地務當齊心合力迅掃賊氛庶不負委任之重奏入

上命軍機大臣傳諭訥爾經額哈芬曰現在訥爾經額所派總兵花里雅遜布董占元等想已與賊接仗托

聖學聖略卷四十五

三

明阿等何時帶兵渡河恩華是否趕到兵貴神速該大臣務當相機調度迅掃賊氛山西與河南直隸唇齒相依哈芬是否出省如何設法籌勦澤潞為太行要隘有險可守若能派撥得力將弁帶兵扼要進擊不但自固藩籬並可為懷慶聲援著該撫迅即妥籌布置並親督兵勇進勦毋得稍涉延緩

十三日丙戌李德奏言前因賊匪竄入汜水臣即

調撥曹縣練勇二百名選派勇頭武生謝國安
帶領隨同河臣長臻先行前往攻剿一面派都
司張遇祥挑帶精兵二百名壯勇二百名即日
直赴溫縣一帶迎擊臣當偵探賊蹤或須嚴守
北岸或須撥兵應援隨時相機辦理惟昨聞晉
康傳知州縣牌內有五月二十四日自揚州灣
頭拔營前往山東曹河一帶迎擊逆匪等語因
思東省曹河現無逆匪臣駐紮曹縣帶兵防堵
毋庸另調弁兵不如由黃河南岸馳往汴梁省
城就近渡黃卽到衛輝較爲迅速奏入

上命軍機大臣傳諭訥爾經額曰本日據李德奏賊由
汜水搶船渡河已派兵勇前赴溫縣等處攻擊等語
此股渡河賊匪雖爲數無多然不及早剿滅恐裹脅
日衆又滋蔓延該大臣務卽督飭花里雅遜布董占

元等迅速進攻毋稍延誤據李德奏稱曹河現無逆
匪慧成之兵無須株守東省該大臣卽行知慧成徑
赴河北一帶有賊處所協同攻剿

同日

上命軍機大臣傳諭向榮許乃釗曰逆匪分股竄擾河
南江西原圖牽掣大軍分我兵力前據張芾奏江西
省城情形危急曾論湖廣督撫撥兵應援江南軍營
能否撥兵前往並論向榮酌量緩急辦理原以金陵
圍攻正在喫緊且著名首逆俱在城中一分兵他去
恐致墮賊奸計該大臣初到金陵時攻剿似尙得手
乃迄今未能克復而逆匪已水陸分竄若再遷延觀
望防範疏懈致令著名首逆潰圍而出向榮其何以
當此重罪近日攻剿情形如何江面上下游艇船是
否合力攻剿著該大臣等迅速奏報

同日吏部奏言遵議河東河道總督長臻處分奏入

上諭內閣曰長臻巡查河口是其專責乃先事未能豫防至賊已渡河始奏請赴豫修防實屬不知緩急長臻著改為降三級留任不准抵銷至太常寺卿王履謙經朕特派巡查黃河口岸於賊匪偷渡未能防範亦難辭咎王履謙著降二級留任不准抵銷仍責令

聖學聖方略卷四十五

三

聖學聖方略卷四十五

三

會同該河督嚴密稽查毋稍疏懈

十四日丁亥托明阿奏言自撫臣陸應穀起程回

省後臣等因船隻不敷渡用一面嚴催地方官並委員等速為添備船隻一面督催馬步各隊就現有船十餘隻陸續分起晝夜趕渡六月初九日夜已渡過河官兵三千餘名其未渡過者一千餘名業於初十日催令全行渡過北岸擬

即齊隊速往懷慶府清化鎮一帶偵探賊蹤相機截擊奏入

上命軍機大臣傳諭托明阿勝保長臻陸應穀曰托明阿與善祿西凌阿等現已渡河著即帶領官兵迅速追剿務將懷慶等處賊匪盡數殲滅該處與山西澤州接壤清化鎮又係繁庶之區太行祇隔一山已偏晉省門戶哈芬雖已派員防堵而兵力尙單儻任賊匪竄入山內則北達井陘已據直隸之險隘關繫甚重著托明阿等督兵速往截剿萬不可令其竄入太行惟當緊躡賊蹤與晉省防堵官兵前後夾擊至黃河南岸賊匪竄至許州勝保前由鹿邑過行諒不可不日趕到著仍遵前旨確探賊蹤何路緊要即由何路進剿務使河南之賊不能搶渡北岸則河北之賊來源截斷剿辦更易得手至河面船隻疊經諭令陸應

穀長臻等飭屬收集而此股賊匪卽係由洛搶船過河北竄儻再不實力防範致令南岸之匪乘閒偷渡朕惟陸應穀長臻是問

十五日戊子訥爾經額奏言臣於初七日行抵磁

州後接據大名鎮董占元稟報探得賊匪現竄懷慶攻撲府城約有三千餘人等語臣當飛飭該鎮馳往迎剿並恐兵力尙單卽添派署正定

欽定剿平粵匪方略卷四十五

三

鎮雙祿督同遊擊格洪額帶正定秦甯並督標兵共一千名兼程馳赴懷慶會同董占元分投勦洗一面檄飭署河北鎮花里雅遜布仍督兵在延津渡口屯駐副將甘恪修亦帶兵五百名屯駐獲嘉以爲後路聲援又據該鎮董占元稟報已由滎澤渡河日內可抵懷慶臣查懷慶與山西澤州接壤雖經該省派兵防守而撫臣遠

在省垣鞭長莫及誠恐賊匪被剿窮蹙竄入晉地則由澤州至潞安太原處處可通已飛咨該撫臣作速出省在澤潞一帶駐紮力遏賊衝並札飭豫省州縣趕緊豫備車馬以便尙書恩華迅速前進合力勦辦奏入

上命軍機大臣傳諭訥爾經額恩華曰逆匪分股竄擾武陟懷慶現經該大臣添派重兵馳援著卽嚴飭該

欽定剿平粵匪方略卷四十五

三

鎮將等確探賊蹤合力截剿所有毗連豫省之澤州潞安各要隘防守尤關緊要並著訥爾經額隨時知照哈芬協力嚴防勿任餘匪闖入恩華官兵需用車馬經該大臣飭令各州縣趕緊豫備仍須飛催前進至該尙書隨營之兵雖祇有一千餘名現在托明阿所帶官兵四千名已於初十日全數渡河合計董占元等所帶之兵亦不爲單弱著恩華星速前進會同

托明阿督率河北各路帶兵大員併力追勦務使奔喘各匪不暇擄掠裹脅則糧食火藥無從接濟定可一鼓殲除

同日向榮許乃釗奏言竊臣向榮調度無方以致元惡稽誅堅城久頓撫心慙懼實屬無地自容茲從各營將弁中擇其尤爲勇敢者各於所部選擇勁兵得三千二百人臣向榮親與瀝血

欽定四庫全書

五

誓破此城特爲另紮數營以便隨時出隊六月初二日飭令各營兵明攻朝陽門龍脖子兩處而密派勁兵潛襲太平門查該處賊營三座中通一路僅容一夫來往我兵卽從此路進攻廣西藍翎額外彭得標首先躍入賊壘連斃數賊我兵乘勢魚貫而進直薄城闔該逆於城上拋擲火彈火輒斷我進路而迤城繞出之賊又於

賊營外包抄我兵廣西義勇趙全福見大黃旗下有穿黃馬褂賊目一名指揮賊衆馳往直前砍其首級兵丁楊玉勝等又將執旗之賊砍倒諸賊復向城根逃遁我兵圍攻賊營奮力鏖戰自寅至午始次第撤回殺斃賊匪一百餘人內有大小賊目六名其爲槍礮擊傷者尤不可勝數而我兵陣亡弁兵彭得標蔡世松等九名均

欽定四庫全書

三

屬奮勇爭先其餘傷亡兵勇四十二名亦皆數年中從征敢死之士均以勇戰捐軀受傷深爲可惜臣向榮加意撫恤各兵勇激於義憤無不踴躍用命復於次夜二鼓潛襲朝陽門城內賊衆亦有潛出襲我者遂於黑暗中互戰良久殲賊無數擒獲長髮賊一名餘皆被創入城城上槍礮矢石如雨我兵遂退還收隊研訊長髮賊

匪據洪楊逆以圍久不解擬用火牛衝動大營先令該逆等前來試探此初二初三晝夜兩次進攻之大略情形也省城東南北三面防守極嚴惟旱西水西二門該逆防備較疏因另行躡覓路徑設法進攻以期得手至鎮江師船前據署總兵李德麟暨藩司麟桂等稟稱五月二十四日夜賊用火船四排乘風下駛意欲圍燒我

聖朝方略卷四十五

三

船後有白篷船十餘隻跟蹤開礮兼施火箭各艇船連用大礮擊沈賊船數隻白篷船遂紛紛逃回二十九日東南風起各艇船駛至鎮江瓜州兩口與賊船接仗三時之久擊沈賊船十餘隻轟斃賊匪不計其數臣查賊情詭秘萬端若非設法出奇未易制勝臣等責無旁貸惟有益加策勵銳意進攻至竄擾皖豫江西各賊無論

由何處分出其首逆既在省垣總須聽命於此但得金陵剋期收復渠魁就縛脅從自無能爲矣奏入

上命軍機大臣傳諭向榮許乃釗曰此次攻倭賊營直薄城圍兵弁俱奮勇爭先乃進攻兩晝夜總未得手而敢死之士復多傷亡甚爲可惜至該逆於東南北三城防守極嚴惟旱西水西二門備禦稍懈該大臣

聖朝方略卷四十五

三

等業經躡覓路徑擬從西面攻其不備著卽相機布置毋再疏虞至此次鎮江師船擊沈賊船多隻著向榮等迅催麟桂李德麟等會齊上下游艇船趕緊肅清江路則鎮江賊勢自孤至金陵爲大局所關克復尤不可再遲該大臣旣選擇勁兵瀝血誓破此賊各將弁自必踴躍用命人思敵愾務期設法迅速收復二城此次攻城奮勇陣亡弁兵彭得標等著卽查明

請卹以示激勸

欽定勦平粵匪方略卷四十六 癸丑年

六月十六日己丑李德奏言臣因賊自汜水過河

已調兵各處鎮守並派都司張遇祥管帶兵勇

各二百名都司武殿魁等酌帶官兵一千五百

名並未入流姚師煊練勇二百名均飭令馳赴

懷慶相機進剿一面咨會直豫在事諸臣各率

勁旅剋期進攻如此畛域不分四面截擊賊即

勦平粵匪方略卷四十五

勦平粵匪方略卷四十六

多方詭詐無難盡絕根株至曹縣一帶亦屬緊

要業調厲恩官會同慶德嚴密巡防並與駐紮

濮州之將軍瑞昌互相策應此外均經分別布

置祇須各州縣訓練民勇拏辦土匪地方自能

安靜臣仍統率官軍親赴懷慶一帶會剿

同日王履謙長臻奏言探得賊匪圍攻懷郡勢

甚猖狂將城外所蓄沁水盡行放洩以期必得

懷郡臣等查懷郡東鄰衛輝由衛河入天津勢甚便捷因卽飛咨直隸督臣並札飭衛輝府知府景昌先期準備一面飛催各路統兵大員迅往懷郡救援臣等仍不時上下巡查並嚴飭府廳營弁晝夜嚴防藩司張集馨駐紮廟工布置尙爲周妥堪備不虞均奏入

上命軍機大臣傳諭李德曰該撫不分畛域親自督兵

欽定剿平粵匪方略卷四十六

二

出境會剿所辦甚合機宜其曹縣一帶已據札飭鎮道嚴密巡防瑞昌現駐濮州相離不遠聲勢自必聯絡該撫現已出境惟有探明賊蹤所在進兵攻擊所有渡河賊匪聞已竄至懷慶逼近澤州著卽會同統兵各大員四面截擊勿使竄入太行致成負隅之勢上又命軍機大臣傳諭王履謙長臻曰據李德奏統帶官兵親赴懷慶一帶會剿兵力不爲不厚惟該匪被

剿後難保不紛紛他竄著王履謙長臻嚴飭沿河地方文武認真堵截仍隨時於黃河上下游嚴密巡查船隻勿令賊匪踵至乘間偷渡

上又命軍機大臣傳諭訥爾經額恩華托明阿張集馨曰懷慶爲河北要地太行門戶素稱繁庶若任賊盤踞西竄澤潞踞險負隅勢將繞出直隸腹地且逼近衛輝若由衛河入天津勢甚便捷亦不可不急爲防

欽定剿平粵匪方略卷四十六

三

範該大臣前經派往之董占元等諒早趕到托明阿等統兵四千亦早渡河何以至今尙無進剿信息本日據李德奏統帶官兵親赴懷慶一帶會剿封疆大吏必應如此不分畛域現在恩華隨營兵一千餘名並該大臣續派之雙祿等此時計均趕赴懷郡兵力不爲不厚著恩華托明阿等卽會同李德督飭官兵與董占元等併力攻擊速解懷慶之圍萬不可任賊

分竄其衛河一帶為入天津之路該大臣亦當設法豫為堵截張集馨駐紮廟工著卽相機妥為布置

上又命軍機大臣傳諭勝保陸應穀曰據李德奏率兵親赴懷慶協剿又據王履謙長臻奏賊匪圍偏懷慶勢甚猖狂飛催各路官兵赴援各等語勝保行抵豫境黃河以南賊匪情形諒已偵探明確著卽與陸應穀迅籌剿辦何處緊急卽向何處進攻並嚴飭經文

聖朝方略卷四十六

四

岱柏山等併力合剿現在許州賊匪曾否殲除無論河南河北勝保均應統籌賊勢先其所急聞洛陽鄉團現有萬餘人可斷絕逆匪西竄之路是否足資防守並著查明具奏

又命軍機大臣傳諭舒興阿張祥河曰該匪攻圍懷郡勢甚猖獗懷慶為澤潞門戶儻有疏虞致令賊匪西竄太行繞出直隸之後所關非細著舒興阿迅派

將弁帶兵二千名星夜催趨前進由潼關渡河直從山西一路迎頭截擊該督統兵由陝州一路進剿鞏縣一帶賊匪以斷偷渡之路並著張祥河於陝州蒲州水陸要隘處所加意嚴防

十八日辛卯勝保奏言臣接河南撫臣陸應穀函逆賊分為兩股一竄河北溫縣等處撲擾懷慶一由汜水竄回鄭州由新鄭石固南竄許州若

聖朝方略卷四十六

五

論賊勢輕重以河北為要惟現在既有南竄之賊安可不迎頭截擊自應先辦河南再赴河北臣因由柘城可以改道太康扶溝直趨許州當卽督兵前進復密探賊蹤所在以期迎頭截擊初十日行抵扶溝探稱賊圍許州兩日經總兵柏山追擊獲勝現已南竄鄆城一帶臣計該逆分股窮竄已過鄆城相距二百餘里雖極力窮

追恐難繞前迎勦嗣復准撫 臣陸應毅函稱現已派前南陽鎮總兵王家琳帶兵一千二百名追勦南竄之賊該撫亦卽日出省督勦 臣查此股賊匪爲數不過二三千人既有該撫追勦且周家口及信陽州亦皆有防兵數百名駐守如果實力尾追尙易勦辦 臣一面飛咨湖廣總督湖北提督嚴防襄陽樊城並照會南陽鎮設法

欽定剿平粵匪方略卷四十六

六

迎擊 臣卽遵

督帶兵勇北行於十一日馳抵汴梁省城外紮營知照撫 臣由滎澤河口飛調船隻前來日內當可到齊以便渡黃現在探聞河北賊匪於六月初三日圍犯懷慶並武陟等處該府望援甚急托明阿等相距甚近此時諒當趕到 臣擬於渡黃後由陽武一帶直赴武陟懷慶等處探明賊衆

所在相機截勦以杜該逆東竄惟因天氣正值盛暑兵丁晝夜步行不敢少休祇好加意慰勞仍復催趨前進 臣此次並無馬隊恐一接仗賊或窮竄必須馬隊追趕抄擊已飛調西凌阿等所帶黑龍江馬隊八百名由 臣隨時調遣以便追擊應手

欽定剿平粵匪方略卷四十六

七

同日陸應毅奏言接據許州知州金梁稟稱本月初六日賊匪數千竄偃州城該州督率在城員弁登陴固守開放槍礮斃賊多名該知州右手背亦被槍傷正在指揮兵勇間賊又開放大礮將東門城樓轟倒壓傷該知州頭面臂股等處時該知州之弟南河候補通判金業奉差到許該知州令其照料嚴守一晝夜幸保無虞現在城內兵力太單賊仍疊次攻圍危在旦夕 臣

卽催前隊王家琳不分晝夜迅速赴援並准經文岱咨稱初七日已抵密縣現在跟蹤追勦旋又接柏山函會初八日帶兵馳至許州之八里橋賊匪探知大兵環集初八日夜解圍由臨潁縣一路南竄臣督令各兵趕緊進勦柏山由八里橋行抵大石橋盤獲賊探二名詢悉賊蹤不遠飭令將弁緊追初九日趕至鄆城縣王店地方及賊尾隊該逆整隊拒敵我兵槍礮齊放奮勇爭先傷斃黃巾賊二名紅衣賊三名復經遊擊伊里綳阿督兵抄出賊前匪眾登時慌亂我兵愈加猛勇殺斃賊百餘名該匪藏匿民房我兵用火彈圍燒復生擒燒殺多名統計殺斃長髮賊九十餘名短髮賊二百餘名燒死者不計其數餘匪南竄柏山卽時督兵由西平縣一路

聖朝聖方略卷四十六

八

馳往窮追臣查賊匪由鞏縣竄出裹脅不少若不速加勦洗又恐沿途糾結柏山督兵跟追獲有勝仗臣復催西甯馬隊兼程前進與柏山會合並督同經文岱王家琳等或繞道截擊或跟蹤尾追務期一鼓蕩平均奏入

上命軍機大臣傳諭勝保曰現在許州圍解南竄之賊業經該撫飭令鎮將等帶兵追勦勝保督帶兵勇渡

聖朝聖方略卷四十六

九

河會勦懷慶一帶賊匪所辦尙合機宜此時思華托明阿李德等想已齊抵懷慶勝保正可會同攻擊四路堯圍不但杜其北竄並不可任其西竄太行更滋蔓延至所奏調撥西凌阿馬隊官兵八百名以便追擊自應如此辦理我兵盛暑遄征殊堪軫念並著勝保加意慰勞隨時激勵俾軍務速成同荷恩施

上又命軍機大臣傳諭陸應穀曰逆匪圍攻許州知州

金梁斃賊多名該匪聞大兵環集解圍南竄是賊攻圍許州官兵雖經追及並未接仗輒卽逃竄柏山帶兵尾追小有擒斬亦未痛加勦洗勝保因河北緊要已渡河馳赴懷慶所有黃河以南賊匪責成陸應穀勦辦著卽會同經文岱柏山等將由許州南竄各匪迅速追勦或繞道截擊或設伏潛攻總期悉數殲擒毋徒尾追塞責

欽定剿平粵匪方略卷四十六

十

陸應穀又奏言查汴梁爲省城重地五月十三日賊撲城下圍攻甚急其時臣帶兵在外代理藩司沈兆濙等督率文武官紳兵民義勇奮力抵禦槍礮齊施或固守城池或躬冒矢石或絕城蹈險或埽穴衝鋒俱能於呼吸存亡之頃屢挫兇燄至十七日賊匪被創紛逃重圍頓解得以轉危爲安謹擇其尤爲出力之文武員弁及

在事紳士覈實請獎以昭激勸奏入

上諭內閣曰逆匪竄撲開封省城經該地方文武官紳登陴固守迅解重圍自應從優獎敘以爲守土者勸加恩著照所請代理河南藩司山西臬司沈兆濙河南臬司林揚祖署開歸陳許道張昉均著賞換花翎張昉並著以道員遇缺補用彰衛懷道蔣啟敷著賞戴花翎並賞加按察使銜候補道周照徵著賞戴花

欽定剿平粵匪方略卷四十六

十一

翎並交軍機處記名遇有該省道員缺出請旨簡放署開封府知府賈臻著賞換花翎並開缺交軍機處記名遇有道員缺出請旨簡放調署祥符縣知縣何懷珍前已賞加同知銜著開缺以知府補用並賞戴花翎開封府理事同知寶福知府銜歸德府通判李開第東河分缺先用同知陳兆觀均著賞戴花翎東河通判秦際隆著賞加同知銜並賞戴花翎開封府

同知羅景恬著以知府用其隨同守城之在籍紳士前任直隸順德府丁憂知府張光第著賞戴花翎並交軍機處記名以道員用前署山西澤州府丁憂同知萬金墉著賞戴花翎並交軍機處記名以知府用

十九日壬辰訥爾經額奏言查大名鎮董占元帶

兵一千名行抵獲嘉距懷慶僅一百餘里雖因賊匪衆多不能徑擣賊巢亦應前往懷慶附近

聖朝方略卷四十六

十三

駐紮以壯聲援而分賊勢乃屯駐獲嘉數日之久經臣疊次嚴催輒以守候後起官兵為詞查軍興以來每因將弁疲玩致誤事機相應請

旨將大名鎮總兵董占元先行交部議處以肅軍律現

在雙祿帶兵計到懷郡臣子蘊秀於十三日到

營十五日派令偕同伊綿阿管帶留駐磁州之

營標兵三百名星夜馳往懷慶會合該鎮等即

日進攻儻再遷延即行分別嚴叅治罪至已調未到兵尙有一千二百名臣現將已到磁州之

宣化兵五百名即日親身管帶移營彰德餘俟

到齊留七百名駐守磁州派五百名赴彰德屯

駐該郡前距懷慶僅隔衛輝一府後距磁州祇

數十里地處適中於督勦事宜既可就近調度

而直隸地方亦可兼顧署四川總督慧成奉

聖朝方略卷四十六

十三

旨折回河北現在懷慶地方進勦官兵數已逾萬慧成

所帶之兵渡河北來似可留於衛輝一帶駐紮

豫防賊匪潰竄迎勦截擊至署河北鎮總兵花

里雅遜布經臣留駐延津渡口以為董占元後

路策應兼資防河俟慧成到日即令隨同防勦

奏入

上命軍機大臣傳諭訥爾經額曰賊匪攻撲懷慶已經

旬日各路進剿官兵馳抵河北者不下萬餘亟應迅速會剿該大臣現已馳赴彰德居中調度並派蘊秀伊綿阿等馳往會同鎮將等即日進攻自應如此辦理著卽知照恩華托明阿等督飭帶兵各員迅速進剿據奏擬令慧成駐紮衛輝以防賊匪潰竄現在慧成行抵何處著卽飛催進行毋稍遲延該大臣如須督兵前進仍著隨時酌度軍務情形且夕不同萬不

聖學方略卷四十六

十四

可延緩貽誤

上諭內閣曰大名鎮總兵董占元經請爾經額派令督帶官兵前往豫省迎剿乃行至獲嘉縣地方經該大臣疊次嚴催輒以守候後起官兵爲詞似此疲玩遷延殊屬可惡董占元著摘去頂戴先行交部議處儻再不知愧奮卽著從嚴叅辦

二十日 癸巳 諭爾經額托明阿奏言 臣托明阿會

同提督善祿都統西凌阿馳抵懷慶督兵分三路進剿探知賊匪約有三四千名攻打府城其沁河隄北約一千餘賊設有木壘遙作聲勢一見我兵該逆亦分三路由東南北三面城廂繞出抗拒我兵奮勇前進施放連環槍礮迎擊賊來撲營數次均被馬步各兵殺退約斃賊匪七八百名其沁河隄北之賊亦被我軍擊斃二百

聖學方略卷四十六

十五

餘名該逆支持不住退避城廂藏匿因城廂窄隘且探明設有大礮埋伏未便輕進隨卽回營是日共計殺賊一千餘名內有黃巾黃袍賊目二名前執春正令旗賊一名據生擒賊供卽係賊首僞丞相吉汶元該逆現於四關散駐未來攻城是懷慶城內聲息已通 臣托明阿與善祿商定於十七日自東南兩關會合各路官兵往

西攻勦並照會總兵董占元雙祿由北路勦擊
臣訥爾經額飛咨尙書恩華督兵接應並飭花
里雅遜布等在於扼要渡口隘口嚴密攔截以
防潰竄奏入

上諭曰波河逆匪受此勦戮事機庶可挽回朕泣感

天恩深厚嘉爾諸將士奮勇當先然此時朕不敢稍萌
輕易之心訥爾經額等尤不可略存大意畿輔安危

聖朝方略卷四十六

十六

實天下安危所繫卿等其鼓勵軍心以期掃數殲滅

上命軍機大臣傳諭訥爾經額恩華托明阿曰逆匪渡

河圍攻懷慶經托明阿等分路進勦賊匪既大受懲

創逆首又被殲斃賊已望風膽落惟賊情詭譎飄忽

靡常難保不窮蹙他竄現於懷慶四關散駐恩華由

衛輝前進諒早趕到李德已帶兵親往會勦勝保亦

帶兵渡河此時大兵雲集托明阿等於十七日由府

城東南兩關往西攻勦董占元等由北路進擊想已
與各路官兵四面兜圍務期聚而殲旃勿任竄逸不
惟北路一帶宜加意嚴防亦斷不可令其西竄太行
再致蔓延

上諭內閣曰此次賊撲懷慶府城該城文武官員尙能

登陴擊賊殲厥渠魁大挫賊鋒甚屬可嘉現在托明
阿善祿董占元雙祿等分兵三路夾擊訥爾經額已

聖朝方略卷四十六

十七

飭署河北鎮總兵花里雅遜布等在扼要隘口攔截

防其奔竄恩華勝保李德即日趕到正可督兵接應

四面兜撿該大臣等不可以已獲勝仗稍存大意其

各鼓勵軍心迅速蒞功同膺懋賞

同日張芾奏言查賊於城北得勝門外暗窺地

道經臬司江忠源在城內加築月城由章江門

界至得勝門樓止計一百二十餘丈復於得勝

門老月城內開掘深濠安設甕聽以杜轟塌之患復派兵勇縋城往焚文孝廟賊巢據生擒賊匪供稱江南賊匪尙有數千將至該逆又於永和得勝兩門外高坡上連紮三營分股在各門攻擾均經守陴兵勇開放槍礮擊退並不時選派兵勇下城追擊先後斃賊一百餘名生擒七十六名正法此五月二十一日至六月初一日

欽定剿平粵匪方略卷四十六

六

辦理守禦及擊賊之大概情形也參將羅玉斌於二十八日帶兵來省江忠源與臣等密商派令楚勇川勇九江鎮兵並已革臬司徐思莊督糧道鄧仁堃所練各勇由城西順化門出隊分三路進攻另派兵勇百餘名交守備封九貴督帶出章江門下城往燒賊壘賊船江忠源督同知府林福祥知縣馬永熾統帶練勇在城外高

處策應臣與在籍尙書臣陳孚恩在城上督陣復派藩司陸元烺臬司惲光宸道員吳其泰鄧仁堃王訓沈濤等分守各門三路兵勇將近賊營該逆從營中施放大礮徐思莊練勇直撲賊營該逆突出數千人練勇向前迎擊斃賊多名因賊匪愈聚愈多經臣與臣陳孚恩在城督飭知府耆齡遊擊祥麟看准賊隊各親點大礮轟

欽定剿平粵匪方略卷四十六

十九

斃賊匪多名內有執黃旗賊目一名賊衆稍卻復又回撲適九江兵楚勇川勇及南昌府勇三面接應合力抵禦鏖戰二時之久將賊擊退守備封九貴所帶兵勇由章江門下城各帶火礮火箭欲焚賊壘賊船該逆突出二三百人冒死抗拒兵勇奮力向前斃賊數十名遊擊常海在城上督率浙江兵丁開放槍礮斃賊亦多此初

二日出城接仗之情形也惟兵力尙單攻勦未能應手又據湖口縣稟稱續到賊船百餘隻尤恐兇燄益熾現雖續募壯勇一二千人祇能幫同守陴於攻戰殊無把握卽省城可保無虞該逆必又竄往他處應請

飭催向榮及湖廣督撫撥兵前來但得精銳五千人卽可將此股賊匪撲滅不致再有蔓延

聖輿圖方略卷四十六

三

張芾又奏言六月初四日辰刻該逆果用地雷於得勝門西月城外轟塌城牆六丈有餘逆匪盪擁而上當經臬司江忠源帶同伊弟江忠濟督率楚勇首先擊退臣等及文武員弁卽飭兵勇人夫等竭一晝夜之力趕緊搶築藉資保護

奏八

上命軍機大臣傳諭張芾曰逆匪圍撲南昌經該撫及

江忠源等督同官紳兵勇嬰城固守並屢次出城勦賊疊有斬擒賊鋒已挫其用地雷轟塌城牆亦經趕緊搶築惟賊情變詐百出仍須加意嚴防且現在有續到賊船百餘隻賊匪日增而守城兵勇相持日久又恐各有懈心向榮已派總兵音德布帶兵一千二百名於六月初七日起行前赴江西其湖南北各路援兵諒均不日到該撫惟當激勵在事文武兵勇

聖輿圖方略卷四十六

三

竭力守禦援兵一到更可內外夾擊至現擾江西之賊首係何姓名賊衆究有若干是否洪逆分股抑係金陵遣散之楚匪另股分擾現有生擒賊黨著訊明具奏

上又命軍機大臣傳諭張亮基崇綸駱秉章曾國藩曰據張芾奏連日出城接仗斃賊多名惟兵力稍單攻勦未能應手亟須援兵協助著該署督撫等催令所

調將弁兵勇星速趨行卽抵南昌併力攻擊萬勿稍有延緩

上諭內閣曰逆匪攻撲南昌經張芾陳孚恩江忠源等督率兵勇縋城殺賊疊獲勝仗江忠源所帶楚勇尤能勇往出力江忠源著賞給白玉翎管一枝白玉四喜搬指一箇所有在事出力之文武員弁紳民兵勇著該撫覈實查明先行保奏以昭激勸

欽定剿平粵匪方略卷四十六

三

二十一日甲午李嘉端奏言賊船屢經上竄擄掠

米船亟應籌辦江防現今各州縣整頓鄉勇賊來併力合剿並擬於州縣練勇內各選精壯三四十人卽由該州縣籌備口糧合之可得二千人再購求大礮十數座分守東西梁山但有陸無水亦屬罔濟昨聞向榮催調廣艇由海赴援可否仰懇

天恩飭令分撥數十隻配齊兵礮會同協守似於金陵

攻剿事宜亦有裨益再准琦善咨據獲賊供稱江甯鎮江賊匪分撥一萬二千人前赴六合報仇卽圖北竄囑臣於和州一帶設法防守查沿江居民鮮有與賊爲難者大抵皆怵於報復之說前者六合之事實快人心不圖果以報仇藉口且欲由天長等處爲北竄之路此股賊匪如

欽定剿平粵匪方略卷四十六

三

在和州登岸卽可由全椒滁州北竄未必復折而東恐所供六合報仇仍是聲東擊西詭計當經飛咨都統雙成帶兵仍在滁州關山一帶嚴守一面飛調緝匪有效之前署鳳陽縣黃元吉帶領義勇就近由巢縣含山前往迎剿亦可兼顧裕溪與李鴻章互相接應至固原兵六百五十名已隨勝保北上追剿奏入

上命軍機大臣傳諭周天爵李嘉端曰江面時有賊船乘閒搶米接濟已諭向榮於粵東紅單船到江時提赴上游與下游艇船合力夾擊惟該逆竄擾豫省撲攻郡縣現經請爾經額等分路擊剿將河北懷慶城外之賊痛加剿洗河南許州之賊亦經柏山等擊退餘黨山西平一帶逃竄難保不復行竄回皖省交界防剿最關緊要周天爵現駐徐宿一帶設該逆竄至

聖學聖方略卷四十六

二十四

附近地方必當竭力督剿並著李嘉端督同總兵王山迅撥兵勇扼守要隘

上又命軍機大臣傳諭琦善陳金綬雷以誠向榮許乃釗鄧紹良曰逆匪分踞三城屢次諭令該大臣等設法收復乃數月以來均以進攻未能得手為詞恐被圍日久乘閒潛出聞該逆假冒官兵號衣希圖溷跡琦善向榮等頓兵城下於城內賊情虛實自必隨時

偵探但恐師老力懈竟令賊首潰圍而出又蹈從前覆轍至賊匪分撥一萬二千人前赴六合報仇之說亦不可不豫為防範現在黃河南北股匪已屢被官兵擊敗其江南大股逆匪難保不續由江浦一帶北竄以為豫匪接應總之江面不靖則逆匪得以往來自如防剿諸形棘手所有下游艇船得力者僅數十隻止能防其一面前調廣東紅單船此時諒已趕到

聖學聖方略卷四十六

二十五

即著向榮相機調赴上游扼要處所堵賊上竄之路其下游一帶即責成麟桂會同水路提鎮大員鄧紹良等設法先將鎮江剋期收復其著名首逆如楊秀青等是否已離江甯著向榮確切訪探即一面嚴飭鎮將奮力攻擊迅圖克復至江北要口前據琦善奏稱已派瞿騰龍帶兵二千協同吉林官兵駐紮堵禦著即隨時督飭加意嚴防麟桂著仍督帶船礮會同

水師鎮將相機攻勦並可與鄧紹良隨時知照水陸夾攻毋庸移紮丹徒轉致不能兼顧

同日

上命軍機大臣傳諭台湧張亮基崇綸曰昨據陸應穀奏逆賊由河南許州竄至西平等處經該撫飭令總兵柏山等一路進剿河南與湖北接壤襄陽樊城地方尤扼形勝亟宜嚴密設防杜其竄擾將軍台湧現

欽定剿平粵匪方略卷四十六

三

已啟行來京陛見無論行抵何處著卽折回荊州探明賊蹤如竄楚境卽著帶兵迎頭剿截並著張亮基崇綸速飭襄陽一帶文武各員一體嚴防毋令賊匪乘間竄入

上又命軍機大臣傳諭陸應穀曰昨據譚爾經額奏賊偪懷慶經托明阿等剿殺一千餘名並殲斃偽丞相吉汝元是河北之賊計日已可蕩平惟河南之賊由

許州南竄西平一帶急須跟蹤剿洗或繞前夾擊萬不可任賊竄入鄰省遂爲了事皖楚各地方均與豫省毗連本日已諭令荊州將軍及湖北安徽各督撫一體嚴防著陸應穀卽督飭經文岱柏山王家琳等迅速追剿乘賊喘息未定卽可一鼓殲除如餘匪竄入皖楚各界卽飭該鎮等出境追擊並隨時飛咨鄰省合力防剿毋誤事機

欽定剿平粵匪方略卷四十六

三

二十二日乙未向榮許乃釗奏言據提督鄧紹良稟稱六月初九至十二等日該逆晝夜攻撲營盤均被官兵擊退斬獲甚多詎於十四日接據統帶四川官兵之副將瑞格遊擊周兆熊等稟報十三日賊匪突於焦山一帶將湖南及各處營盤盡行踏去瑞格等隨卽飛帶四川貴州官兵趕往接應賊已分股由都天廟前來打仗直

至酉刻賊方遁去我兵收隊回營惟所帶僅四
川兵一千名貴州兵五百名營盤偏近南門孤
軍難以久駐是以暗將營盤退紮馬陵請添兵
前來救援提臣鄧紹良現在丹徒鎮收集散兵
等語臣等查逆匪連日撲營均被官兵擊退各
營盤緊偏鎮城屯紮當不致漫無準備何以是
日一經賊匪攻撲輒被占踞營盤至焦山係在

聖學聖方略卷四十六

天

大江之中賊由焦山突出尤不可解至鄧紹良
所帶湖南各兵既退駐丹徒其四川貴州營盤
孤軍無援不能不退往馬陵駐紮查該處為蘇
常門戶亟須勁兵往援方免搖動臣等派令總
兵和春統帶廣東兵一千五百名湖南兵八百
名馳往應援以固蘇常下游門戶提臣鄧紹良
駐鎮江日久未能克復谷已難辭乃並營壘亦

不能自固致被逆賊襲占實屬辜

恩溺職相應請

旨將江南提督鄧紹良先行革職治罪或仍留於軍營
效力贖罪至鄧紹良所帶弁兵銳氣已挫留於
鎮江亦屬無益應酌量撤回大營督飭各將弁
訓練振作以鼓其氣下游師艇各船一時無陸
路接應亦恐單薄仍責成總兵李德麟藩司麟

聖學聖方略卷四十六

天

桂嚴督兵勇小心防範並咨會督臣怡良嚴飭
蘇常各屬文武會督紳士率同團練民勇一體
防範奏入

上命軍機大臣傳諭向榮許乃釗曰鄧紹良身膺專閫
付以克復重任應如何感奮圖報迅掃妖氛乃逆匪
撲營輒被占踞該提督平素尙屬勇敢何以如此潰
敗鄧紹良著先行革職留於軍營效力至焦山在大

江之中不通陸路該匪由何路衝來情形亦尙未確
仍著向榮許乃釗迅速查明因何失利據實奏其
將備各官下落著一併查明所有江南提督印務卽
著和春暫行接署鎮江爲蘇常屏蔽不可稍有疏虞
該大臣派令和春統帶廣東官兵馳往應援著卽飭
令迅速督勦力圖克復其下游師艇各船卽飭令麟
桂李德麟嚴督兵勇相機進攻至金陵日久未復該

欽定剿平粵匪方略四十六

三十一

大臣現在如何布置儻首逆楊秀青竟自潛竄江西
而以堅城牽掣我軍或因官兵圍困稍懈併力奔突
而出急須加意防範設法攻勦毋再遷延玩泄

上又命軍機大臣傳諭怡良曰鄧紹良此次失利情形
所報殊未明晰著怡良就近確切查訪據實覆奏四
川等省官兵退往馬陵駐紮該處爲蘇常下游門戶
所關緊要現經向榮派令和春督帶精兵前往援應

該城距大營較遠著怡良體察情形前往調度卽督
率各提鎮及署藩司麟桂水陸進攻力圖克復並督
飭蘇常文武紳民一體嚴防至江南大營糧臺本由
江西支應現在南昌尙未解圍一時實難兼顧卽著
怡良與許乃釗商酌於江蘇省就近支應仍飭彭玉
雯熊菴督率委員等妥速辦理

欽定剿平粵匪方略四十六

三十二

同日陸應穀奏言本月十一日該逆竄入遂平

縣城鎮臣柏山督兵緊追至城南五里大雨傾
盆恐逆匪冒雨奔竄派兵由西北繞赴城南八
里橋沙河以北分爲左右兩路埋伏大隊官兵
卽乘夜圍繞城北一帶連放大礮該匪棄城南
竄至沙河北岸時值河水暴漲賊不能渡我兵
伏起槍礮並施鎮臣柏山一聞礮聲知賊匪已
陷伏中隨督大隊官兵趕緊齊進登時殺斃長

髮賊二百餘名短髮賊三百餘名投河淹死者無算偽丞相李姓亦為我兵砍殺隨飭官兵進城窮搜復擒斬數十人惟該匪等或烏水渡河或於未經接戰之先豫行偷渡亟應迅速追剿時鎮臣經文岱業已趕至遂平遊擊全喜都司蘇林亦各帶馬隊分投搜洗陸續獲賊二十餘名當即會同柏山渡河跟追至前河北鎮總兵

聖朝方略卷四十六

三

王家琳於十三日行抵西平之淤泥河因雨水過大繞道行走高粱地內倏有賊匪三十餘人持矛前撲王家琳左腰頓為賊矛刺傷仍率千總魁齡等殺斃賊匪二十餘人餘匪逃竄臣即飭令跟蹤追剿並派都司常啟雲等各帶練勇分往村莊四路搜查鎮臣柏山督率將弁三次獲勝實屬奮勇柏山應請

旨先行賞戴花翎其出力各員弁可否准臣酌量保奏

以示鼓勵

陸應穀又奏言據遂平縣知縣劉鴻勳稟稱初十日有賊股由西平一路直撲縣城該縣帶勇迎頭堵截殺斃十餘名該匪退至城東張塘地方正在攻圍間其大夥繞道由北門擁入城內時南陽鎮臣柏山帶兵到縣該匪退出方欲渡

聖朝方略卷四十六

三

河被大兵殺斃無算十二日張塘之賊望南奔逃該縣即會同營員分投追剿適知縣趙曉趕至隨同殺斃頭紮黃巾手執偽令逆匪查驗胸前補服係春官正丞相五字十三日又在張塘村外高粱地內殺賊二三十名搜獲腰牌四面書寫副司馬等字樣均立時正法該縣失守城池罪有應得惟既經帶兵抵禦又復獲匪多名

並僞正丞相一名尙屬奮勉容 臣定案時再行
分別辦理奏入

上命軍機大臣傳諭陸應毅曰此次南竄之賊擾及遂
平經柏山督兵追剿殺斃不計其數必當乘此聲威
迅速追襲著該撫督飭柏山等速籌兜剿經文岱王
家琳與柏山同剿河南之賊何以經文岱趕至遂平
已在柏山得手之後且所帶遊擊全喜等僅搜獲賊

欽定剿平粵匪方略卷四十六

三十四

二十餘名該鎮究在何處逗留因何遲到王家琳行
抵遂平因雨繞道何以遇賊僅三十餘人卽被矛傷
左翼豈該革員所帶兵勇尙不敵賊匪之數至因雨
繞道亦不能任其藉口王家琳顯有畏縮退避之情
著該撫訪查明確據實奏遂平縣知縣劉鴻勳因
賊匪直撲縣城迎剿獲勝該匪退至張塘該縣復會
營追剿並與汝甯委員一同殺賊功過尙足相抵著

該撫存記俟軍務告竣再行請旨惟該員所殺頭紫
黃巾手執僞令逆匪查驗補服有春官正丞相字樣
前據訥爾經額奏托明阿於懷慶殲斃僞丞相吉汶
元一犯與向榮所遞逆書內春官正丞相吉汶元相
符是該逆吉汶元已在河北伏誅何以遂平地方又
有該逆號衣仍著該撫查明一併覆奏

上諭內閣曰逆匪竄入遂平縣城經柏山剿戮殆盡該

欽定剿平粵匪方略卷四十六

三十五

總兵奮勇直前三獲勝仗甚屬可嘉著加恩賞戴花
翎其在事出力員弁並著陸應毅酌量保奏候朕施
恩

同日張芾奏言逆匪於六月初四日用地雷轟
塌得勝門西城牆當經臬司江忠源等督率楚
勇擊退查所塌城垣除坐墊塌卸六丈有奇兩
旁臟裂各三四丈當逆匪轟放地雷之時聲震

一城黑煙迷目該逆等蟻擁而上約數千人臣等聞報趕至維時江忠源與伊弟江忠濟立即督令楚勇奮力搶護該逆復用火箭槍礮向城內施放子密如雨楚勇頭目唐邦興陳周呂等站立缺口指麾衆勇冒死拒敵鏖戰一時殺賊無數並斃身穿黃衣手執黃旗頭目數名賊方少卻楚勇乘勢壓下該逆抵敵不住敗入屋內

欽定四庫全書

三

欽定四庫全書

三

楚勇林立城下拒住逆匪臣與陳孚恩督率文武員弁趕將缺口搶築高約七八尺始令楚勇撤回城內連夜修築至初五日將缺口及隙裂之處一律築補得以化險爲平當轟城時逆匪復分股攻撲各門經臣先派藩司陸元浪等暨已革臬司徐思莊戶部郎中陳景謨主事汪茹鑑等會同在城員弁在各門分段守禦均經嚴

督兵勇將各股逆匪一併擊退鄧仁堃林福祥首先趕至缺口躬冒矢石督率搶築尤爲出力合計是日各處約斃賊匪五六百人是役也首先搶護之功楚勇爲最江忠源調度有方又能先事豫防伊弟江忠濟不避鋒鏑督率楚勇首先搶護洵屬勇敢至首先出力之楚勇及協同卻敵各兵勇由臣分別從重給賞江忠源據稱不敢仰邀議敘職員江忠濟可否請旨賞給五品頂戴花翎出自鴻慈應敘員弁勇目另繕清單恭呈御覽惟是逆匪日聚日多詭謀百出此次轟塌城垣雖經搶護而外援不至內困堪虞並聞該逆仍暗挖地道尤須設法準備抵禦臣等惟督率在事各員弁晝夜防守仍請

飭下向榮暨湖廣督撫迅將前調各兵星速來江援剿以期迅解重圍

張芾又奏言查南康府濱臨鄱湖此次賊船竄抵省城該府爲必由之路因無險可守以致被賊蹂躪府城失守署知府恭安等據報業已殉難應俟查明辦理彭澤湖口二縣所報督兵堵禦情形亦難遽信現飭確查詳辦臣未能先事

欽定剿平粵匪方略卷四十六

三

豫防咎有應得應請

旨將臣從重治罪奏入

上命軍機大臣傳諭張芾陳孚恩江忠源曰此次賊匪轟塌城牆乘勢搶撲該楚勇等能於倉猝之間奮勇搶護俾城內得以趕緊修築而在城紳士徐思莊陳景謨汪茹鑑等亦能會同文武分段守禦斃賊多名均屬奮勇可嘉現在向榮所派音德布帶往赴援之

兵計日趕到本日張亮基奏已飭都司戴文蘭管帶

湖北兵一千名廣勇五百名川勇五百名星夜馳往又據蔣爵遠奏已撥貴州兵二千名前赴湖南亦經諭令張亮基即將前調之湖南鎮守鎮兵及湘鄉練勇催赴江西合計援兵已不爲少該撫仍當會同陳孚恩江忠源督飭兵勇激勵紳民一面設法守禦一面出城夾擊以期迅解重圍另片奏南康失守及湖

欽定剿平粵匪方略卷四十六

三

口彭澤賊匪經過各情形前此張芾奏報賊撲省城之時朕卽疑沿途何以並無阻滯特降諭旨令查明沿江一帶無失事今南康果有失守情事湖口彭澤兩縣雖據稟稱並未失守恐係飾詞稟報署知府恭安未有存亡確信著該撫卽行確查據實具奏該撫所請從重治罪之處著俟省城圍解後再降諭旨上諭內閣曰據張芾奏賊用地雷轟塌城牆經江忠源

等督率楚勇首先擊退是日首先搶護之功楚勇爲最江忠源之弟江忠濟不避鋒鏑尤稱勇敢六品軍功翎頂職員江忠濟著賞給五品頂戴並賞換花翎袁州營都司景星著賞戴花翎浙江衢州營守備封九貴著以都司儘先補用湖南藍翎守備李輔朝著賞換花翎楚勇頭目唐邦興著以把總用並賞戴藍翎陳周呂著賞戴藍翎李德極著以千總用並賞戴

聖朝方略卷四十六

甲

藍翎楊賽川戴利行夏春潮均著以把總用朱維德著以外委用仍著該撫會同陳孚恩江忠源督飭文武員弁激勵紳民練勇迅將賊匪撲滅保衛省城遇有出力尤著之員隨時查明先行保奏候朕施恩

同日張亮基奏言 臣前奉

旨令於道士袱黃石港兩處扼要防剿隨即挑帶兵勇

前往沿途察看地勢道士袱南岸危峯陡起插

入江干水流湍急形勢甚險惟對面散花洲河岸遼闊一遇伏秋盛漲江水瀾漫聯成一片江面過寬難以控制黃石港江面七八里無險可扼且兩處相距正近均係大冶地界設防於此下游之黃梅廣濟興國三州縣不能兼顧縱能固守江面陸路亦防不勝防惟廣濟之田家鎮對面爲半面山壁立江心此處江流僅一百七

聖朝方略卷四十六

甲

十餘丈稍上爲沙村對岸爲牛關磯江面雖寬較之他處猶爲窄狹且磯流駛急舟行逆水頗形艱阻 臣躬親履勘擬於半面山對面田家鎮洲尾安設木筏大礮於洲上紮營深溝固壘以重兵鎮壓其間似較道士袱黃石港兩處爲優至江西省城被圍兵勇僅五千餘名亟應分兵馳援而湖北據長江上游距賊較近現在到防

兵勇尙祇三千餘名臣於無可抽撥之中勉撥精壯兵勇千名又招集江南被賊衝潰之廣勇五百餘名川兵川勇五百名共二千餘名並歸都司戴文蘭統帶星夜由陸路馳赴江西聽候江忠源調遣都司戴文蘭人頗奮勇自廣西勦賊至湖南身經百數十戰江忠源亦深知其人臣復面加激勵可期得力又兵勇頗多戴文蘭

欽定剿平粵匪方略卷四十六

聖

一人猶恐照料難周現在將備中差委實難其人查有黃州副將張金甲上年賊陷武昌後黃州兵潰曾經奏明查辦該副將失守城池罪有應得臣見其人頗勇幹廢棄可惜現交戴文蘭帶赴軍前效力併咨明江忠源如果該將尙知愧奮殺賊立功再當奏懇

天恩量從末減或可稍收使過之效現據探報逆賊分

股由歸德竄撲開封省城並擾及鄭州河南府一帶湖北與河南毗連各處捻匪最多自應豫爲布置免致乘機勾結臣擬俟江防部署略定交署漢黃德道徐豐玉前署漢陽府知府張汝瀛接辦卽星夜回省籌辦北路事宜署提臣阿勒經阿卽回襄陽本任加意準備奏入

欽定剿平粵匪方略卷四十六

聖

命軍機大臣傳諭張亮基曰據稱廣濟縣之田家鎮對面有半面山壁立江心江流最狹該署督擬於該處安設木筏大礮並可兼顧南北兩岸辦理尙屬得宜至南昌現尙被圍該省居閩浙皖楚之中其地最關緊要萬不可稍有疏虞該署督已分撥兵勇及招集廣勇等共二千餘名馳赴該省著卽趕緊催令星夜趲行毋稍遲延所請將副將張金甲帶赴江西著准其馳往軍前帶罪自效至襄陽樊城等處與河南

接壤卽著阿勒經阿隨同台湧加意準備嚴密設防
 惟該署督現已回省署提督復回襄陽其下游江防
 專責該署道府接辦仍著隨時體察情形相機策應
 毋稍大意南陽鎮柏山追賊遂平連日大獲勝仗南
 竄股匪計將殲除殆盡僥逆匪闖入湖北仍當迅速
 堵擊蔣爵遠已選精兵二千名派得力鎮將帶赴湖
 南現在計已到楚該省防堵之兵不至單薄前有旨
 諭令調赴江西之鎮軍兵八百名湘鄉練勇數百名
 並著迅催星速援應南昌被圍情形萬分緊急專望
 兩楚援兵切勿延誤

聖學聖方略卷四十六

四

同日貴州巡撫蔣爵遠奏言 臣遵查黔省撫提
 兩標與鎮遠等鎮協營節次調兵六千餘名赴
 廣西湖南協剿除陸續撤回歸伍尙有二千六
 百五十餘名出師在外今奉

諭旨飭令黔省挑選精兵二千名赴湖南調遣 臣會同

署提督 臣趙萬春於提標所轄各協營挑選精
 兵八百名安義鎮遠古州威甯四鎮與所轄各
 協營內挑選精兵一千二百名共計二千名配
 帶軍火器械遴派曾經出師之遊擊霍順武富
 謙等分起管帶至統兵大員黔省副將內辦事
 結實者俱已委署鎮篆其餘甚難其選惟查現
 署古州鎮之威甯鎮總兵佈克慎前經出師得
 力應請卽令該鎮統領前進 臣已飛飭各帶兵
 官迅速起程嚴加約束並派員護送出境奏入

聖學聖方略卷四十六

聖

報

聞

欽定剿平粵匪方略卷四十七 癸丑年

六月二十三日 丙申

上諭內閣曰前因被兵省分地方官先將家屬移徙出城以致士民紛紛遷避特降諭旨通行曉諭各該地方官自應恪遵諭旨鎮靜撫綏以期固結人心保守疆宇茲聞近賊各省會府縣地方仍有官吏先搬眷屬致令紳士商民遷徙不能禁止者似此遇事張皇

剿平粵匪方略卷四十七

一

何以爲民保障現在河南賊匪漸就肅清河北竄擾餘匪亦經疊受懲創其鄰近之直隸山東山西陝西等省防堵綦嚴各該省士民等諒能自安生業共衛鄉閭著再申諭各督撫如地方官仍有遷移眷屬以致搖惑民心者卽行查明嚴參懲辦

二十四日 丁酉

上命軍機大臣傳諭琦善慧成曰前因賊匪竄擾豫省

諭令慧成帶兵徑赴河北一帶會剿現在河南之賊

已經柏山追剿殲除殆盡河北懷慶一帶匪徒亦經托明阿等大獲勝仗訥爾經額現派直隸鎮將進剿恩華勝保李傳均帶官兵馳赴懷慶兵力足資剿辦昨據向榮奏鎮江官兵接仗失利賊匪搶占各處營盤我兵既有潰敗賊勢自更猖獗難保不乘勢渡江北竄刻下江北一帶江浦六合等處雖有重兵而安徽各要隘及清江浦兵力尙單朕思慧成帶兵一千九百餘名尙在邳徐之間容照所帶之兵亦甫由清江啟行水陸紆折卽使趕到衛輝已緩不濟急著琦善體察情形如江北需兵緊急卽一面奏聞一面飛咨慧成並行知容照將所帶官兵擇要屯紮以便調度慧成接奉此旨亦卽與琦善會商相機籌辦總以南防江口北扼淮徐廬鳳迅圖克復揚城爲要

剿平粵匪方略卷四十七

二

南防江口北扼淮徐廬鳳迅圖克復揚城爲要

二十五日戊戌琦善陳金綬雷以誠奏言臣等攻

勦揚城決旬以來無計不施而賊眾城堅難期

得手漕臣福濟以揚城東南正臨運河議用糧

船裝載兵勇乘流而下直逼城東以船尾本高

上用長木支搭接鋪木板冀可魚貫登城定於

本月十八日同時爬城東關用糧船上城北面

仍用雲梯仰攻適鄖陽鎮瞿騰龍由六合防堵

聖學聖方略卷四十七

三

折回臣等因飭該鎮與雙來一同督兵進攻搭

橋過河直抵城下賊匪槍礮如雨雙來瞿騰龍

身先士卒賈勇向前用擡槍擡礮竭力仰攻斃

賊多名賊匪穴城設礮乘高下擊我兵轉戰不

退雙來右髀被大礮子打穿經兵丁擡回現在

疼痛昏暈趕緊延醫診視據云筋骨已傷能否

醫治就痊尙未可定查雙來素稱勇敢能得士

心新奉

恩旨賞加提督銜益加感奮此次攻城身受重傷尤為

忠勇出力臣等囑其安心調養冀得就痊是日

漕臣福濟在東關督帶漕船行抵城下張翊國

等帶領壯勇正欲搭板上城適風力過猛水勇

等未及掉轉船尾而竹纜已斷張翊國祇得跳

下賊匪施放槍礮並將火彈擲下水勇立時潰

聖學聖方略卷四十七

四

散賊復鎚城而下縱火焚燬漕船一隻經張翊

國等開放槍礮奮力攻勦殺傷賊匪約六七十

人始行退去現在臣等會商必須另籌良策合

力攻勦以圖克復

琦善陳金綬雷以誠又奏言正在繕摺間提督

銜甘肅肅州鎮總兵雙來於本日申刻因傷重

出缺查該總兵此次來揚力圖報效勇冠三軍

茲以會攻揚城受傷過重遽至不起軍中將士無不為之隕涕該總兵家道甚寒僅有一子常山年十八歲並無官職在京居住其身後事宜臣等妥為料理該總兵因傷出缺與臨陣捐軀者無異儻蒙

聖恩垂憐以勵士氣而慰忠魂出自

逾格鴻慈奏入

禦粵匪方略卷四十七

五

上諭曰雙來何如是不幸旋即出缺朕隕涕覽奏不勝悲憤然視彼貪生退縮者奚啻霄壤朕即有恩旨以慰忠魂以勵臣節雙來靈柩回京時專摺馳奏琦善陳金綬雷以誠又奏言虹橋為揚州至瓜州水陸通衢自鍾淮陣亡後所練民勇漸形渙散商之漕臣福濟添派漕河兩標弁兵二百餘名並委知府福楫管帶壯勇四百名駐紮虹橋

並委令已革參將文玉都司宋天麒馳往虹橋幫同福楫防堵又飛咨向榮飭令艇船停泊於七號口八號口之間原冀艇船與虹橋兵勇水陸夾攻使腹背受敵俾易得手詎料提督鄧紹良在鎮江接仗失利營盤被焚退至丹徒鎮以致艇船不能駛上瓜州之賊聯成一氣進窺虹橋六月十五日突有賊匪千餘人遙擁至虹橋

禦粵匪方略卷四十七

六

燒燬民房經山東官兵施放槍礮斃賊多名嗣因賊至愈多山東兵傷亡過甚眾寡不敵福楫所帶之勇漕河兩標之兵亦均潰退此次虹橋失利實因該處練勇已散兵力較單所致文玉宋天麒十三日甫委赴虹橋且未督帶兵勇應毋庸議臣等仍責令該革員等及間散旗人書義協同紳士再行籌議設法攻守此外容臣等

與福濟查明再行覈辦查該逆由瓜州進至虹橋巢穴益多路徑紛歧處處可通揚城實有難以兼顧之勢三汊河本有防兵臣琦善又添派官兵前往防守其餘東路堵禦事宜臣雷以誠與福濟設法辦理

琦善陳金綬雷以誠又奏言六月初三四等日有賊船至六合縣之斷要地方停泊窺伺幸被

聖學方略卷四十七

七

兵勇擊退並據變儀使武慶等稟稱六月十二日浦口忽來賊船十餘隻經武慶等督率官兵施放火箭燒燬賊船八隻生擒廣西兩湖授有偽職之賊匪十三人當卽正法等因是該逆注意六合等處欲圖北竄軍營督率無人諸事更形棘手不得已仰乞

天恩俯准將瞿騰龍帶兵暫留揚州以資守禦奏入

上命軍機大臣傳諭琦善陳金綬雷以誠福濟曰逆匪占踞三城屢次諭令該大臣等設法收復乃該大臣等會攻揚城仍未得手轉致損兵折將虹橋兵勇又多潰散似此情形三城何日可復逆匪何日可平昨因鎮江官兵失利恐賊勢愈張江北一帶更形喫重已諭令該大臣酌量將慧成及容照所帶之兵擇要屯紮相機調度今虹橋既為賊占揚城與瓜州之賊

聖學方略卷四十七

八

聯為一氣難保不潛圖北竄琦善等遵照前旨飛咨慧成並行知容照卽將所帶官兵擇要布置以為大營策應南門一帶應如何設法阻隔賊路虹橋要地仍當激勵該處兵民紳勇併力收復其東路堵禦事宜並著雷以誠與福濟嚴密籌辦瞿騰龍及所帶各兵著准其留於揚州隨同攻剿惟六合等處及安徽近江要隘萬不可再有疏虞應如何扼要堵截著琦

一第... 4 反...

善體察情形通籌辦理並知照周天爵李嘉端等一體嚴防

上諭內閣曰甘肅肅州鎮總兵雙來朕知其勇敢忠誠特加簡任擢授總兵調赴軍營隨同琦善等攻剿揚城賊匪果能奮勇當先攻破土城連次殲斃匪黨當經降旨嘉獎並賞給白玉翎管嗣因登城督戰頰受槍傷復賞加提督銜方冀迅殄妖氛更膺懋賞茲因

欽定剿平粵匪方略卷四十七

九

進攻揚城帶傷力戰以致殞命覽奏不勝悼惜雙來著加恩照提督陣亡例賜卹任內一切處分悉予開復應得卹典該衙門察例具奏並著賞給廣儲司銀一千兩交伊家屬祇領靈柩回京時著琦善等專摺馳奏並著沿途地方官妥為照料准其入城治喪伊子常山著俟百日孝滿後交該旗帶領引見用示朕褒忠延賞之意

二十六日己亥訥爾經額恩華奏言查懷慶北路

沁丹二河之間賊匪聚集甚眾其丹河北岸經董占元統帶官兵擊敗後即督隊過河村西大路賊匪蠶擁來撲約千餘人豎立大黃旗多係長髮老賊守備龍汝元令兵誘賊出村施放槍礮連環攻擊賊眾於三村內外轉換出應並繞至東南河岸欲抄我兵後路復經槍礮環擊餘

欽定剿平粵匪方略卷四十七

十

賊藏入高粱地內我兵奮勇越出隊外施放火箭焚燒復傷斃賊匪一百餘名餘匪概行遁去我兵收隊過河計共殲斃紅衣賊目二名賊匪三百餘名生擒十一名臣恩華即親統弁兵進抵清化鎮以資合剿奏入

上命軍機大臣傳諭訥爾經額恩華托明阿曰總兵董占元等分路進攻既經獲勝托明阿善祿接仗情形

續當奏報勝保渡河後計已馳抵該府李德想亦趕到該大臣等務當嚴飭官兵四面兜剿聚而殲旃勿留餘孽

二十七日庚子漕運總督福濟奏言現在賊匪因

守揚城奸細四出探知勝保慧成帶去精兵數千東北兵力獨形單弱日向東關一帶縋城出擾瓜州賊匪時常竄出冀與揚州城內會合設

聖學方略卷四十七

十一

該匪避強攻弱併力而來臣等兵勇既不能支琦善所帶官兵尙形不足亦難兼顧灣頭係高寶外障清江鎖鑰關繫綦重連日探知河南賊匪受創勝保所帶兵勇尾追亦慮不及惟有仰懇

天恩俯准飭令勝保折回灣頭駐紮防剿並懇就近先

撥壽春鎮兵千餘名交臣福濟領帶以遏賊匪

北竄清江之路庶揚州可期克復不至他虞奏
八

上命軍機大臣傳諭琦善陳金綬雷以誠慧成福濟曰

灣頭係清江鎖鑰自應添兵接濟以期防剿得力惟勝保現已行抵豫省渡河會剿懷慶賊匪未便遠道折回安徽兵力亦單壽春鎮兵能否分撥亦難懸度惟慧成所帶官兵一千九百餘名及容照所帶官兵

聖學方略卷四十七

十二

均由徐邳一帶水路行走可以就近截留著琦善等仍遵前旨分別咨照慧成容照等何路緊要即將所帶官兵扼要布置其東北一路亦著添兵策應

同日署江甯布政使浙江布政使麟桂奏言本

月十三日臣正在焦山口門與各鎮分撥師船

遙見南岸煙燄四起據探賊匪數百出北門轉

東門直撲陸路大營各營火起官兵同時潰散

營盤盡爲焚燬提臣鄧紹良移紮丹陽隨經管帶潮勇之董事劉廷鏞管理糧臺之知府豫立所募霜勇頭目李茂章兩隊壯勇由東南兩路奮力迎擊賊匪尙未南竄臣當與各鎮會商師船向泊焦山原與陸營犄角今陸兵潰散鎮城東面丹徒鎮爲蘇常第一門戶不可不豫爲防禦隨飛飭豫立等趕緊將潮勇霜勇調赴丹徒

欽定剿平粵匪方略卷四十七

十三

並諭紳董姚金誥招集局勇會合嚴防又分撥師船馳往接應復於十五日見北岸揚州內河虹橋鎮火起居民亦皆逃避又見南岸賊匪竄入丹徒等處幸有埋伏兵勇水陸夾擊斬獲首級五顆生擒賊目一名殺斃數十名賊方退走該勇等實屬奮勇當此用人之際臣先行酌賞翎頂以示鼓勵然此處兵勇單弱儻賊匪大隊

擁來勢難抵敵該逆抄出圖山關奪占礮臺以遏師船後路則我兵前後受敵且萬餘斤大礮已爲賊有傳聞已移運北固山下師船勢難駐泊舊處茲與各鎮熟商持以鎮定儻萬難停泊卽將師艇各船調泊丹徒江面會合陸路各勇扼守大船三板等船分泊圖山關上下糧臺船隻暫移圖山關下之吳家橋相機督辦以截其

欽定剿平粵匪方略卷四十七

十四

江面南竄之路並請

諭向榮飛速分兵堵截蘇常要路一面圍攻鎮城庶江浙可保無虞而水師亦不致腹背受敵奏入上命軍機大臣傳諭向榮怡良許乃釗和春麟桂曰據麟桂奏稱賊匪數百人由鎮江北門轉至東門直撲陸路大營各營火起官兵同時潰散鄧紹良移紮丹陽是此次鎮江失事該官兵並未與賊接仗其漫無

準備可知丹徒鎮為蘇常緊要門戶經該藩司飛飭地方官豫調潮勇霜勇前往埋伏雖於十五日擒斬賊匪多名而十七日該逆擁眾出城潮勇等眾寡不敵旋即退走其江北虹橋一路亦復被賊焚燒官兵潰散大江南北兩岸陸路可守之處險要既失則我兵節節被阻而賊蹤路路可通師船停泊江心亦必勢成孤注向榮所派和春帶往赴援之兵已於十五

勦平粵匪方略卷四十七

十五

日起程計期早可趕到此時丹徒鎮是否收復應於何處進攻遏其下竄之路副將瑞格等退駐馬陵之兵尙有一千五百名應如何會合策應怡良接奉前旨定當剋日赴該處督辦著即迅速進兵水陸嚴防萬不可再有疏失至麟桂所帶水師艇船舊處恐難停泊擬調泊丹徒江面自係丹徒鎮未經失利以前之語現在應作何布置亟須妥籌和春李德麟均有

水師之責毋得稍存諉卸糧臺船隻尤關緊要該藩司既令暫移圖山關下有大舳三板等船一同分泊儘可妥為保護廣東所雇紅單船前據該省奏先於五月二十一日開放二十隻計一月上下已可駛入江口此項船隻多係生力水勇會合進剿必能得力一俟入江即著和春麟桂李德麟等相機調遣攻剿至十五日擒斬賊匪各勇經麟桂先行賞給翎頂係

勦平粵匪方略卷四十七

十六

為鼓勵兵心起見自應如此辦理該大臣等仍須飭諭地方聯絡兵民迅圖克復

上又命軍機大臣傳諭葉名琛柏貴曰現在鎮江接仗不能得手營盤為賊焚搶揚州虹橋亦被賊踞總因水師艇船不多未能斷賊江面來往之路本日據麟桂奏上下游艇船俱甚單薄江面萬分喫緊必得舟師迅往應援著葉名琛柏貴迅飭遊擊吳全美將續

雇之紅單船若干隻配足弁兵礮械火藥鉛丸趕緊管帶起程駛往江南聽候調遣至前次陳國泰管帶船二十隻於五月二十一日起程現尙未駛入江口著一併飛咨沿海口岸毋任稍有逗留總期早到一日早得一日之用萬不可遲延貽誤

二十九日壬寅訥爾經額奏言臣行抵彰德府城

接據將軍托明阿並大名鎮董占元函稟董占

剿平粵匪方略卷四十七

十七

元等會攻賊巢分爲三路前進其東路獲勝情形業已奏報在案董占元攻其西北於十九日潛渡丹河前進見有賊匪卽行撲捕斃賊二三十名餘匪逃回懷慶城外北關賊營約同衆賊出營拒敵我兵用礮轟斃賊匪二百餘名賊卽退回營盤該鎮察看賊營環立木板護以土堆周圍設有礮眼建有礮臺督兵奮力轟擊將看

守礮臺之賊擊斃自辰至未統計斃賊三百餘

名賊匪不敢出營拒敵臣查賊營防禦甚固必

應乘勢進攻破其巢穴使之不能容身內閣學

士勝保現亦督兵過河已令探明何路有賊卽

赴何路進剿一面飛咨慧成扼守河岸遏其肆

竄並因衛輝府屬之輝縣一帶路徑紛歧若賊

自懷慶分竄可由輝縣武安徑入直隸磁州臣

剿平粵匪方略卷四十七

十六

已派委運司楊需等帶兵五百名前往輝縣扼

要防守其磁州地方現駐馬蘭通永鎮標兵四

百餘名又將山西頭二起兵一千名內撥出八

百名併駐磁州其餘山西兵二百名駐紮廣平

府城守護糧臺又磁州後路之臨洛關屯駐

盛京吉林馬步隊兵共四千名又臨洛關後路之

正定府爲畿南要地已將山西三四起兵一千

名撥在正定府城駐紮其山西五六起兵一千名撥在保定省城連存城督標並滿營兵共一千數百名加以署提臣保恆管帶之提標兵五百名統計省城官兵不下三千名之數足資防守並調駐臨洺關之

盛京吉林官兵由天津換船從衛河水路前來設逆匪竄入衛河該官兵正可迎頭截擊至天津

聖學方略卷四十七

十九

地方臣已奏明留駐

盛京兵二千名並鎮標存營以及附近之大沽葛沽等營官兵計有三千餘名實屬緩急可恃臣即統帶宣化天津通永等鎮標兵一千餘名進駐衛輝會同托明阿恩華督飭各路官兵會合剿洗奏入

上命軍機大臣傳諭爾經額恩華托明阿曰此次烏

蘭都及董占元兩路斬擒賊匪已不下七百餘名若托明阿等所攻東南一路亦能得手則賊勢窮蹙惟董占元在懷慶二十里鋪迤北安營未免距賊太遠仍應飭令移營前進逼近賊壘進剿方能應手賊營恃其木板土堆匿不出戰該大臣現已統兵進駐衛輝去懷慶密邇著即就近嚴飭各路官兵合力圍剿迅速戴功萬不可任其竄逸致滋蔓延所稱後路布

聖學方略卷四十七

二十

置一切均尙周密惟慧成與容照所帶之兵甫至邵徐一帶前已有旨令其折回爲琦善等大營聲援該大臣所稱扼守河岸之處著即另派得力文武在彼駐紮

同日曾國藩奏言竊維戡亂莫先於得人而得一文臣尤莫如得一武將臣到省以來留心察訪大小將弁求其臨陣不怯爲士卒所信服者

實難其人惟查有升用遊擊署撫標中軍參將塔齊布忠勇奮發習勞耐苦深得兵心軍士皆樂爲之用又有准補千總武舉諸殿元精明練達膽勇過人管帶辰勇百人操練日久各有兼人之藝塔齊布統領辰勇與該武舉同心努力皆思盡忠報效伏乞

皇上天恩破格超擢當湖南防堵喫緊之際獎拔一人

聖學方略卷四十七

三

冀以鼓勵衆心如該二人日後有臨陣退縮之事卽將臣一併治罪奏入

上諭內閣曰湖南署撫標中軍參將遇缺升用遊擊藍翎都司塔齊布人甚奮勇能耐勞苦深得兵心藍翎永綏協左哨千總諸殿元管帶壯勇精於操練塔齊布著賞給副將銜諸殿元著以守備補用先換頂戴以示鼓勵

三十日癸卯向榮許乃釗奏言臣等據鄧紹良稟

稱自六月以來天氣酷暑營中兵將患病甚多飭令將弁各於該管營中查點患病及受傷各兵勇於附近民房調治而近城營盤管礮兵丁患病尤多正在分別募補間突於十三日城中出有二三千賊前來撲營前三營兵勇出六成隊迎敵中兩營繼之忽北固山一帶衝出賊匪

聖學方略卷四十七

三

約三四千抄截各營後路復於城垣開一暗門從旁衝出直撲大營施放火箭火罐窸棚帳房一時齊燃七營俱焚兵已潰散和春管帶湖南等兵馳抵馬陵探知京峴山營盤被賊占踞丹徒鎮亦被賊匪焚燒紮營和春卽由馬陵前駐新豐以扼逆匪水陸南竄之路俟兵勇陸續到齊相機拔營前進捐職都司劉廷鏞援救京峴

山各營斃賊甚多因營盤被燬孤立無援隨即
還至丹徒駐紮聞鄧紹良已在丹陽亦暫退回
丹陽旋即馳往新豐堵禦臣等查鄧紹良既因
天氣炎熱病兵過多應隨時散遣招補豈可任
其散漫無紀致賊分路誘戰猝墮詭謀賴有潮
勇力戰抵禦屢挫兇鋒丹陽常州一帶得以安
堵皆由潮勇之力該都司劉廷鏞駕馭得法號

聖恩方略卷四十七

三

令甚嚴各勇皆肯用命惟該勇人數僅止七百
名亦恃副將瑞格等所帶川黔兵一千五百名
屯紮南門一帶接應始能阻遏賊鋒當此挫衄
之餘尤宜分別功罪以昭懲勸除統領乖方之
提督鄧紹良已請

旨革職治罪外所有鎮江失守營盤之將弁等皆不能
奮力接戰固守營盤以致兵勇潰散均應請

旨革職治罪以肅軍令惟念該員等從征數載著有微
勞一經革職轉得置身事外可否仰邀

聖恩責令帶兵打仗效力贖罪至陣亡之鎮軍千總唐
彪等應請

飭部從優議卹其接應出力之管帶潮勇捐職都司劉
廷鏞擬請

旨以都司儘先補用用昭激勸奏入

聖恩方略卷四十七

三

上命軍機大臣傳諭向榮怡良許乃釗曰鄧紹良因兵
丁傷病過多飭令調養乃聽其散漫住居民房以致
為賊所襲縱火燒營現在和春管領官兵馳抵馬陵
旋由馬陵前駐新豐以扼逆匪水陸南竄之路復經
管帶潮勇之都司劉廷鏞力戰抵禦屢挫賊鋒現亦
馳往新豐堵禦副將瑞格等亦帶川黔各兵屯紮南
門互相策應惟鎮城日久未復急宜督兵進剿著該

大臣等嚴飭和春等分路進攻務將丹徒鎮賊匪悉數殲滅麟桂所帶水師艇船現在調泊何處作何布置怡良接奉前旨諒已馳赴該處著卽督同將弁水陸夾攻剋期克復並宜加倍嚴防至金陵與賊相持已踰數月疊經降旨嚴催尙謂無可乘之隙該大臣等現在如何籌畫隨時奏聞以慰朕念

上諭內閣曰前因鎮江城外官兵營盤被賊焚搶當降

欽定剿平粵匪方略卷四十七

三

旨將提督鄧紹良先行革職令向榮等查明失事情形據實具奏並飭和春迅帶勁兵馳往扼剿茲據奏稱此次官兵失利實因備禦疏懈致賊分路誘戰墮其詭謀鄧紹良平素打仗尙知奮勉是以疊加恩擢洊升提督乃身統重兵未能迅速攻克鎮城轉以無備失事實屬辜恩有負委任僅予革職不足蔽辜著向榮等卽將該革員按律定擬罪名具奏仍交向榮

軍營責令帶罪自效其失守營盤之湖南撫標參將韓世禧著以都司降補永州鎮右營遊擊朱占鰲著以守備降補鎮守備儘先都司鄺益茂辰永道標守備儘先都司劉嘉祥辰州城守營千總儘先都司鄧紹英均著註銷儘先都司與寶慶守備田宗揚一併降爲千總韓世禧朱占鰲劉嘉祥鄧紹英均著拔去花翎鄺益茂田宗揚均著拔去藍翎以示薄懲仍

欽定剿平粵匪方略卷四十七

三

責令剿賊自效儻再不知愧奮卽行嚴參治罪捐職都司劉廷鏜管帶潮勇駕馭得宜屢挫賊鋒著以都司儘先補用其陣亡之鎮守千總唐彪著交部照例議卹舉人揀選知縣賀長庚著交部從優議卹和春已有旨令其署理江南提督卽著督率鎮將迅復郡城毋令逆匪竄逸

同日陸應毅奏言准柏山函稱十二日探有另

股賊匪渡河先竄卽帶官兵由西路田渡口過河令遊擊伊里綱阿帶兵由東路張塘過河賊匪聞風逃遁沿途追殺生擒長短髮賊一百三十餘名十三日經文岱亦帶馬隊趕到會同追至確山縣南京店地方逆匪放槍拒敵我兵奮勇爭先殺賊八十餘名卽在該處紮營十四日黎明拔寨追至五載河北岸賊已半渡南竄其

聖學聖方略卷四十七

七

未渡者望見我兵紛紛撲河梟水當卽揮兵追殺殲斃一百餘名溺水淹死者不計其數十五日賊至明港驛有淮河阻隔正在覓渡我兵追到槍礮齊施殲斃三十餘名該逆順河奔竄時值連朝大雨傾注且該處多係稻田人馬不能展步未得抄前截擊並准經文岱咨報十四日帶同候補遊擊全喜都司蘇林督率馬隊馳抵

三官廟遇有賊匪數百人我兵飛馳衝殺斃賊二十餘名十六日又殲斃賊匪數名餘匪潰散探聞竄往羅山正陽一帶現在咨催王家琳迅帶官兵馳往會剿查此股逆賊節經剿殺敗贖餘匪無多現有各路兵勇分路追擊卽可一鼓殲滅惟羅山正陽一帶捻匪最多恐爲該逆勾結轉至汝甯光州等處滋擾不可不防現臣繞

聖學聖方略卷四十七

八

道上蔡汝甯前進遏其東竄之路一面咨催柏山經文岱王家琳盡力追剿務期殲滅淨絕奏八上命軍機大臣傳諭陸應穀曰該匪節經剿殺所餘諒亦無幾惟羅山正陽一帶爲捻匪聚集之所急宜防其勾結該撫繞道上蔡汝甯遏其東竄並咨催經文岱等迅往會剿著卽嚴飭該總兵等分路兜捕務將

此股賊匪悉數殲滅毋令與捻匪勾結爲患

上又命軍機大臣傳諭訥爾經額恩華托明阿勝保李德曰前經疊降諭旨令訥爾經額等嚴飭各路官兵迅剿河北賊匪諒該大臣等已妥籌迅辦矣朕思懷慶西北直通澤潞東界衛輝距畿輔甚近賊匪渡河以來瞬將卅月該郡城火器最多賊所覬覦且堅守已久城中乏食逆匪盤踞城外分布四門並於要路

欽定剿平粵匪方略卷四十七

三十九

空濠蓋板鋪土外紮木營時用地雷攻城城中危急情形不堪設想恩華托明阿勝保李德現均帶兵趕到兵力不爲不厚而我軍紮營距城每在十里二十里之遙外援雖多與城內隔絕何能約期並舉內外夾擊力解重圍前命訥爾經額爲欽差大臣責以肅清河北諸臣亦皆統帶重兵赴援戰勝攻取豈容少事遷延著該大臣卽督率諸軍揀選驍勇精銳或四

面圍攻或出奇兵衝入賊營使該逆驚擾不能相顧

則城中官兵便可開門追擊賊勢必潰河北關繫萬分緊要儻懷慶稍有疏失朕惟該大臣等是問又聞二十一日之戰董占元已偏近賊壘黑龍江官兵忽勒馬退回以致自相踐踏並被賊追殺傷亡兵丁且有參將千總在內何以未見奏到西凌阿係帶罪圖功之員此次黑龍江官兵是否另員管帶若仍係舊

欽定剿平粵匪方略卷四十七

三十九

隊則西凌阿罪無可追抑係續調之兵卽著該大臣迅速查明按律參辦毋得稍事姑容至懷慶迤北東西一帶山徑叢雜均著派兵密防並知會哈芬嚴加防範不可稍涉大意日來如何接仗解圍情形著迅速具奏以慰廑念

同日

上諭內閣曰本年正月間逆匪自武昌潰圍而出竄入

江省直撲金陵經江甯將軍祥厚等督飭文武官兵登陴守禦旋因城大兵單應援未至省城失陷朕聞祥厚於外城陷後力守內城猶復騎馬督戰手刃數賊砍折馬足倒地身受數十傷殞命忠勇捐軀被害尤烈深堪憫惻祥厚著追贈太子太保銜照將軍陣亡例從優賜卹伊子乾清門二等侍衛恩全著賞給二等輕車都尉世職副都統霍隆武與該將軍同在

勦平粵匪方略卷四十七

三

小門騎馬督戰被鉤落馬身受數傷遇害亦慘霍隆武著照副都統陣亡例從優賜卹以慰忠魂已革兩江總督陸建瀛由九江遇賊遠行折回貽誤軍機罪無可逭前降諭旨革職拏問查抄茲聞二月初十日賊陷儀鳳門陸建瀛於十廟地方遇賊被害該革督雖經失律於前尚不失城亡與亡之義陸建瀛著加恩賞還總督銜卽照總督例賜卹所有查抄家產均

著賞還已故江甯布政使祁宿藻平時辦事認真朕所素悉乃以籌防積勞於賊匪攻城之次日嘔血殞命亦屬歿於王事祁宿藻著加恩照藩司軍營病故例加等賜卹所有各該員任內一切處分悉予開復應得卹典各該衙門分別察例具奏其餘同城文武各員如何殉難情形著該大臣督撫等確查具奏候旨賜卹

勦平粵匪方略卷四十七

三

上命軍機大臣傳諭琦善陳金綬雷以誠福濟曰現在瓜州之賊與鎮江聯作一氣並據奸細及所獲偽總帥各供有添集賊黨來揚接應並由北岸竄擾之說急宜嚴防北竄該大臣續派瞿騰龍赴三汊河協剿復派薩炳阿馳往儀徵修築港壩收集船隻木鐸陸路施家橋派有張翊國駐守布置似尙周妥惟瞬息月餘雖獲有勝仗而克復仍無把握該大臣等清夜捫心能無自愧

聖朝方略卷四十八

三

聖朝方略卷四十八

四

琦善陳金綬雷以誠又奏言查揚城四面西北皆有重濠東南濱臨運河 臣等因隔河難於兼顧是以 臣琦善紮營北面 臣陳金綬紮營西面東面缺口東門係署揚州營參將馮景尼等帶勇攻打東北則由福濟派總兵多隆武等駐紮防剿其城之東南經慧成派熱河兵四百名駐

守惟舊南門與西北陸路可通 臣琦善派撥黑龍江馬隊四百名陝安官兵五百七十七名分駐蔣王廟一帶杜賊西竄之路又先後撥兵一千八百名駐紮三汊河以遏南面瓜州揚城水路之往來 臣雷以誠駐紮萬福橋防揚城東北而賊匪避匿堅城時時縋城而下見兵即退惟南路雖有三汊河蔣王廟兩處官兵互為聲援而

瓜州之賊尙有陸路可至揚城潛來接應自鎮江營盤被焚後艇船勢孤不能駛近瓜州以致瓜州鎮江之賊聯為一氣迨虹橋兵勇接仗失利並民勇亦多潰散 臣等詳加探訪僉稱虹橋偪近瓜州葦港叢雜為奸宄嘯聚之區如撥兵前往非二三千人難以抵禦此時兵數無多實在不敷分撥况城堅賊眾防守益嚴其西北南

三面進攻均未得手總由阻隔運河礙攻綦難
即使轟毀城垣而搭橋豎梯之閒賊匪已有準
備其不隔運河之處亦有城濠城內各有土坡
一時難以攻陷且該逆連日於便益門東關西
門等處絕城搭橋其意似圖竄逸又須防瓜州
之賊前來接應各營官兵數月以來多在近城
處埋伏駐營者甚屬寥寥目覩艱虞萬分焦灼

欽定剿平粵匪方略卷四十八

五

琦善陳金綬雷以誠又奏言六合儀徵爲揚州
西南衝衢又在鎮江瓜州之北岸自須防其上
竄業經疊飭認真堵截惟浦口與江甯之下關
緊對現有武慶等在彼防守止能防江甯以下
之賊船潛登北岸設賊船自江甯以上由和州
太平等處上竄皖豫則江面無阻處處可以登
岸現在賊由江面上竄擾及無爲州安知非乘

聞

虛窺伺以圖接濟北竄之賊如由和州烏江鎮
北行卽至浦口亦可直達滁州之清流關該處
地形最爲扼要前經周天爵留撥西安馬隊並
固原官兵在正陽關防守已經勝保帶往豫省
其另調防之步隊四五百名尙未見到侍衛容
照所帶吉林官兵由徐州折回清江已馳赴北
路歸恩華統帶臣等惟就現在兵力進攻揚城
以勦爲防奏入均報

欽定剿平粵匪方略卷四十八

六

同日恩華奏言臣馳抵懷慶府清化鎮軍營所
領馬隊及直隸各營兵弁統計不滿六千復留
馬隊五百名交割副都統特爾卿額於修武等處
駐紮兵力殊難再分適李德統帶兵勇二千餘
名駐紮清化鎮及二十里鋪將軍托明阿提督

善祿現在府城正東安營內閣學士勝保現在
府城東南安營山西太原鎮總兵烏勒欣泰亦
統兵至懷慶城西北駐紮接懷慶府知府余炳
燾等遣人縋城稟稱府城自初三日被圍迄今
兩旬有餘城西角被賊用地雷轟擊一次東南
角轟擊二次俱經搶護得完惟城內糧食僅敷
數日雖民壯萬人嬰城固守勢甚危急並稱現

聖朝方略卷四十八

七

在府城東北兩門賊匪約各有一二千人南門
不過千餘西門不過數百人等語 臣現定於二
十七日會齊各處官兵四路分投進剿已先密
行移知托明阿善祿勝保李德等處各由府城
正東東南正北三路同於是日平明進兵復飭
知董占元會同烏勒欣泰於是日由西北路攻
剿 臣親同侍衛蘊秀等督率大隊直前攻剿總

期四路兜撿一鼓掃蕩奏入

上命軍機大臣傳諭訥爾經額恩華托明阿勝保李德
曰賊營偏近懷慶城垣四圍周而知我大軍踵至勢
必併力急攻希冀入城踞爲巢穴此時惟有速飭各
路官兵合力進剿速解郡城之圍行軍期約最關緊
要稍有參差便恐誤事儻機事不密爲賊暗防或意
見不同致失期會皆於大局甚有關繫該大臣等統

聖朝方略卷四十八

八

領諸軍同心合力密籌速辦務將懷慶一股賊匪立
卽殲擒淨盡肅清河北惟諸臣之功若遷延時日郡
城或有疏虞以致震驚畿輔該大臣等自問當得何
罪爾等同辦一事尤貴以大局爲要和衷乃克有濟
豫省軍營距京甚近朕無難隨時訪聞至軍情變幻
且夕不同惟在諸臣相機速辦和衷共濟朕亦不爲
遙制

同日山西巡撫哈芬奏言查總兵烏勒欣泰督同遊擊和昌等共帶兵出太行山隘口距懷慶三十里紮營進剿臣於六月十七日出省行抵祁縣次日至長子縣距潞安府城僅五十里撥兵三千名進剿太行山最為緊要臣擬改赴澤州府在太行山前駐紮以扼賊北竄之路如賊西竄臣即赴垣曲一帶迎剿奏入

勦平粵匪方略卷四十八

九

上命軍機大臣傳諭哈芬曰總兵烏勒欣泰等帶兵出太行山隘口紮營進剿該撫已行抵祁縣因防堵兵單擬赴澤州在太行山前駐紮以扼賊北竄之路惟該總兵所帶之兵齊赴懷慶後路有無接應不可不加意布置前調陝西兵二千餘名由蒲州取道計已馳入晉境著即催令前進以扼太行要隘兼可為懷慶接應

初二日_{乙巳}兵部尚書桂良奏言查目前防堵情形以河北清化鎮為最重次則入直之臨洺關

再次則正定府清化臨洺二路俱有大軍駐守正定勢居後勁距保定府城較近且與山西接壤地方甚多不得不豫為籌防前因兵力不敷派撥當經咨商請爾經額設法籌調茲准該大臣咨覆亦以現在懷慶被圍賊匪如竄入太行山擾及山西正定府屬要隘均須設防將所謂山西大同鎮三四起官兵一千名截留正定防守其五六起一千名飭留於保定省城與臣意見相同俟大同鎮後起官兵到省臣即令山西帶領後二起官兵之署副將穆騰額在省駐紮仍遵

旨派署提督保恆前往正定擇要防堵以為後路聲援

至省城為畿輔重地 臣當隨時巡防彈壓其附郭四周地曠人稀面面皆可繞越亦經委員各處偵緝分投堵截如兵力不敷調遣即於天津駐紮之

盛京步隊內酌調數百名以資捍禦奏入得

旨允行

同日

聖朝聖方略卷四十八

十二

上諭內閣曰前任山東布政使劉源穎著仍留於山東督同地方紳士辦理團練事宜

初四日丁未 諭爾經額托明阿奏言查本月二十

三日內閣學士勝保督兵趕到 臣等遂商定合

兵一處分路進剿勝保攻其東南面 臣托明阿

與提督善祿都統西凌阿攻其東北兩面該逆

仍前堅守我兵奮勇進剿始分股出拒我兵施

放連環槍礮斃賊數百名其沁隄以北涉水接

應之賊連撲數次均被我兵截殺數十名次日

復分投進攻擒斬甚多另有騎馬紅衣賊目在

河北率賊多人欲來接應經勝保督放大礮擊

斃餘匪逃匿二十七日勝保攻其南面 臣托明

阿與善祿等分攻東北兩面又斃賊三四百名

正在商議收隊該逆於東南北各路及田禾內

聖朝聖方略卷四十八

十二

突出因時當黑夜馬隊未能擊壓經 臣托明阿

督率官兵列定陣式槍礮並施一時之久將該

逆擊退斃賊約數百名仍當會合各路官軍設

法勦辦以期迅掃賊氛

同日勝保奏言 臣於六月二十三日在懷慶東

關外距城六里之申趙地方紮營次日與托明

阿善祿西凌阿等晤商機宜以 臣所帶兵勇較

爲得力囑令攻打前敵自二十五至一十七日連次獲勝統計各路斬擒逆匪約二三千名現在賊勢已窮而壁壘甚固懷慶城內望援甚急臣等惟有設法勦辦以期速解城圍

勝保又奏言現在賊勢已窮惟恐分竄懷慶東北兵力較厚似可堵禦西南孟縣濟源等處在所必擾必得分兵於崇義鎮駐紮遏賊竄路兼

聖學方略卷四十八

十三

可藉作聲援其溫孟滎澤等縣河干渡船已與河臣長臻會商並派弁持令認真稽查無論官民船隻均連夜放赴柳園口下游停泊以免賊匪乘隙南渡據盤獲奸細供稱逆首偽丞相林鳳詳志在四面圍困待懷慶城中糧盡斷無難破等語臣伏思此城關繫甚重萬一有失又成負隅之勢且南賊更恐復張擬設法用計早破

賊壘與城內聲息相通則危城可保臣查各路官兵之稱勁旅者不過於距賊二百步外以槍礮轟擊迨賊礮一發賊旗一動遂多不敢前衝專恃槍礮安能破壘擒渠故以之勝賊尙易以之滅賊實難至黑龍江馬隊之槍箭雖稱勁旅不如吉林兵鳥槍於截勦追殺更爲得力現聞吉林馬隊已到沁河之北如蒙

聖學方略卷四十八

十四

天恩賞撥四五百名與臣軍步隊相輔而行更易著手均奏入

上命軍機大臣傳諭訥爾經額恩華托明阿勝保李德曰據訥爾經額等奏連日獲勝情形賊勢已漸窮蹙府城當可解圍惟連日接仗皆係托明阿勝保善祿所帶官兵其攻破賊營及勦殺賊匪皆在迤東一面該處賊匪固較西北兩面爲多但由一路進兵並未

四面合剿前次董占元等所獲勝仗皆近在丹河南
北中間尙隔沁河未能直逼賊壘懷慶孤城究乏切
近援應此時托明阿勝保善祿等已破賊營兩座斬
獲甚衆而各營盤或距城十餘里遠者至三十里仍
屬鞭長莫及援兵雖衆尙未能與城內聲息相通仍
不足恃著請爾經額卽飭所派董占元花里雅遜布
等與恩華李德迅卽移營前進合力攻剿總以速渡

聖學聖方略卷四十八

十五

沁河緊逼賊營爲力解重圍之計其南通孟縣西通
濟源之路均關緊要哈芬所派烏勒欣泰管帶之兵
聞已出太行山口但恐該省官兵仍形單弱勝保所
請分兵駐紮崇義鎮自係扼要妥籌著該大臣等卽
行酌量分撥儘進剿之兵一時不敷調遣其現駐臨
洺關及該大臣隨營之兵均可移遠就近前路多一
得力之兵卽後路省一分防堵之力董占元前此接

仗雖有斬獲輒以礮熱收隊連日以來並未見其接
戰花里雅遜布現署河北鎮責無旁貸何以亦未奮
力進攻均不可解朕聞各路官兵素稱勁旅者不過
於距賊二百步外以槍礮轟擊不敢前衝勁旅若此
其他可知吉林官兵素習鳥槍頗稱得力著恩華卽
行前進若能與勝保合隊甚好若勢難併隊亦可照
勝保所請發五百名迅交勝保統帶與綠營步隊相

聖學聖方略卷四十八

十六

輔進剿仍當與勝保營壘相接互爲應援

上諭內閣曰此次攻剿懷慶賊匪連日大勝托明阿勝
保協力同心奮勇督剿辦理甚合機宜深堪嘉獎勝
保著卽幫辦河北軍務與恩華李德及董占元等各
路精兵會齊進剿立解城圍同膺懋賞

同日刑部右侍郎雷以誠奏言本月十五日虹
橋失利賊由瓜州徑達虹橋與揚城賊匪聲勢

相聯儻兩路約齊東竄則仙女廟斷難抵禦仙
女廟有失則下河州縣盡成糜爛之區米糧費
財全爲賊有而淮安清河又將不戰自危因商
之琦善卽派張翊國帶勇數百名在施家橋近
北之褚家壩紮營以圖收復虹橋又查錢家灣
常家馬頭等處直通瓜州江口若賊匪乘舟而
下東北可抵仙女廟北可抵萬福橋較之陸路

欽定剿平粵匪方略卷四十八

十七

尤爲喫重現今張翊國等督率紳民處處截堵
以防賊船東竄仍分勇前往該二處及李墅河
嚴家橋等處協同民勇實力巡防惟臣萬福橋
營中存勇不足千人實屬不敷調遣竊計前此
北竄之賊現已漸就殲除合無仰懇

聖恩飭令前赴豫省之兵毋論何路酌撥二三千名迅
卽折回揚州歸臣調遣但得兵勇合力非特保

衛下河兼可協同攻剿奏八

上命軍機大臣傳諭琦善陳金綬雷以誠福濟曰瓜揚
協剿兵力不敷前已疊降諭旨令琦善等將慧成容
照所帶官兵截留以備調撥著琦善飛催慧成並容
照所帶各兵酌量布置以資防剿雷以誠軍營與福
濟相距不遠正可互爲聲援俟懷慶賊匪悉數殲除
當再撥兵赴瓜揚一帶協剿

欽定剿平粵匪方略卷四十八

十六

初五日戊申琦善陳金綬雷以誠奏言本月二十
七日揚郡之賊由東關便益兩門竄出數百人
經署參將馮景尼等帶兵迎擊餘匪退入城內
臣雷以誠派員帶勇於是日往徐凝門一帶防
剿適有賊匪數百名縋城而下當經擊退二十
八日巳刻天甯門城內賊匪突出百餘人經巡
防弁兵迎擊該逆復自北門竄出數百人搭橋

渡河各處理伏官兵用礮轟打殲斃多名臣陳金綬派參將鞠殿華等帶兵迎擊該匪蓋擁而至正攻勦間復有賊匪千餘人由西門城上總下直撲雙橋意欲抄襲我兵之後適署都司夏九章帶兵接應卽由雙橋迎擊該匪又分兩股抄襲官兵亦分隊截擊統計兩路斃匪三百餘名是日黎明署參將馮景尼師長鏞在東關缺

聖朝方略卷四十八

十九

口便益諸門防堵亦有賊匪百餘人總下兵勇向前攻擊臬司查文經亦撥兵接應轟斃賊匪數十名又經臣雷以誠委員帶勇在東關外一帶攻勦殺賊多名餘匪俱退入城內次日卯刻賊匪突由南門擁出千餘人適孫得富帶勇迎敵刺斃賊目多名餘匪仍行退回臣琦善訪聞瓜州賊匪有欲結後乘潮於七月初二三日

三汊河報復之說恐揚城賊匪聞信突出夾攻南路兵單必至腹背受敵密飭總兵瞿騰龍帶領弁兵馳赴南門外防守並由三汊河過渡繞至南門東岸嚴密巡查

聖朝方略卷四十八

二十

琦善陳金綬雷以誠又奏言查賊匪竄至江南占踞三城又分遣黨與南北滋擾其賊首及大頭目均在三城之內賊船來往江面飄忽靡常有劇賊爲之主謀有奸匪爲之勾結江北一帶該匪窺伺已久誠如

聖諭總以北扼淮徐廬鳳爲要查北岸皖境各州縣濱臨大江者甚多縱不能處處設防亦當擇要扼守聞和州鍼魚嘴江口五月間已有匪船停泊登岸搶劫之事至今無兵可撥地勢孤懸上下難於接應似宜於該州所屬之烏江地方撥兵

防守該處距州城六十里距浦口一百里聲勢
尙可聯絡又如滁州之清流關及淮安之清江
浦本有防兵皆爲勝保調往豫省藩籬竟撤殊
切隱憂現已知照容照督帶官兵折回清江浦
以資扼守並擬商慧成將所帶山東青州兵一
千名以五百名駐和州之烏江以五百名協防
浦口並將直隸宣化鎮兵五百名移紮六合陝

欽定剿平粵匪方略卷四十八

三

西潼關大慶關兵四百五十名移紮儀徵庶於
北岸江防稍爲周密

琦善陳金綬雷以誠又奏言據探稱有該逆大
船七隻小船十一隻駛至北岸塔東柳樹壩地
方停泊意欲登岸鑾儀使武慶聞信卽會同副
都統開隆阿等統帶馬步官兵一千名整隊迎
擊武慶等帶領馬隊三百名先將登岸之賊殲

斃五十餘名餘匪回船糾衆抗拒武慶等將馬
步隊會合一處奮力攻勦忽見南岸賊船四十
餘隻揚帆開礮駛近北岸官兵分隊迎勦先擊
其赴援之船該逆卽竄回南岸不敢復圖援救
經官兵殲斃多名生擒三十七名均係廣西湖
南賊匪內有偽將軍一名偽總指揮二名所有
該賊匪大小船隻全行燒燬查浦口對峙金陵

欽定剿平粵匪方略卷四十八

三

爲北岸要隘逆賊時存窺伺仍令各軍嚴行防
守奏入

上命軍機大臣傳諭琦善陳金綬雷以誠福濟曰揚城
賊匪分路衝突經官兵分隊擊敗斬獲甚多瓜州賊
匪有至三汊河報復之說恐揚城之賊突出夾攻已
飭羅騰龍帶領弁兵馳赴南門外防守並由三汊河
繞至南門東岸嚴密巡查自應如此布置著琦善陳

金綬會同雷以誠福濟等妥籌協勦合力進攻務將揚城之賊悉數殲除斷不可再令竄出慧成容照所帶官兵計可先後趕到著卽隨時擇要調撥俾得互相策應切勿以有用之兵置之無用之地其浦口逆船仍飭令開隆阿武慶西昌阿伊興額等迅速進剿以期江路肅清

同日山東道監察御史方俊奏言已革兩江總

聖學聖方略卷四十八

三

督陸建瀛奉

命爲欽差大臣赴九江上游迎勦賊匪聞總兵恩長失利既不奮往應援又不嚴行防禦隻身遁回金陵所齎軍餉銅礮悉以委賊自該革督九江一逃而小孤山防守之兵安慶防守之兵與夫沿江防守之兵無不潰逃逃兵散布謠言稱賊利害各處土匪因而四起賊乘其勢由楚破皖旬

日間直抵金陵用我軍餉買我奸細用我槍礮攻我城垣由是金陵鎮江揚州相繼被陷至今未能收復且致河南江西俱被賊害是其誤國之罪大矣自逃兵散而沿途搶劫自土匪起而各處搶劫加以焚燒殺戮不知戕我生靈若干萬是其殃民之罪大矣向使該革督在九江不走但能力拒一二日則向榮趕到賊必不能東

聖學聖方略卷四十八

三

竄向使該革督不能禦於九江而退守小孤山則向榮趕到賊必不能過安慶向使該革督一回金陵卽與祥厚等協力同心籌固防守賊亦不得遽行破城乃始則閉門三日不出繼則挾祥厚等糾衆之恨守城事宜在在與爲掣肘致祥厚等徒抱忠忱僅能激勵駐防盡節以死是恩長祥厚霍隆武之死死於陸建瀛也江安數

百萬士民之死死於陸建瀛也昨者江甯死事

諸臣祥厚霍隆武祁宿藻等渥膺

恩賞並奉

諭旨陸建瀛於十廟地方遇賊被害該革員雖經失律

於前尙不失城亡與亡之義陸建瀛著賞還總督銜

卽照總督例賜卹臣愚以爲該革員如無前此九江

之逃而登陴誓守城破自裁則爲城亡與亡該

聖學方略卷四十八

三

革員如與賊決戰臨陣捐軀亦可爲城亡與亡

今於十廟遇賊爲賊所殺是欲逃而無可逃不

得附於城亡與亡之義也該革督九江一逃關

繫天下大局誤國殃民莫此爲甚生無可貸死

有餘慚我

皇上寬其已往憫其一死

賞還總督銜並前此查抄之家產一屬至優若復與死

事諸臣同邀

恩卹恐無以服天下之心勵行閒之士氣而慰恩長

祥厚霍隆武等忠魂於地下奏入

上諭內閣曰已故兩江總督陸建瀛前因喪師失律革

職拏問嗣因其於城破時遇賊被害尙非忍辱偷生

是以仍加恩卹茲據該御史奏稱該督自九江逃回

關繫天下大局祥厚霍隆武之死慘烈可矜江安數

聖學方略卷四十八

三

百萬生靈遭茲荼毒皆由陸建瀛一人所致請撤銷

卹典等語所奏自屬公論陸建瀛業經賞還總督銜

復將原抄家產給還已足示朕法外施仁之意著毋

庸另議卹典以昭區別

初六日酉己張亮基奏言查逆賊分股竄擾河南

之新鄭許州一帶土匪捻匪處處勾結有取道

西平直偃信陽州之謠該處爲楚豫衝途信陽

有警則湖北之隨州應山孝感一帶處處宜防而應山之黃土平靖武勝三關為自古南北有事必爭之地所謂義陽三關也臣已札調官兵一千七百餘名交前湖北藩司唐樹義統領於十七日馳赴該處扼堵並委知縣許廣藻主事胡大任隨同前往勸諭各處紳團互相聯絡彼此策應以輔兵力之不足又襄陽北控宛洛南蔽江淮形勢衝要臣稔知署臬司羅遵殿前在安襄鄖荆道任內甚有惠政即委該署司帶印馳赴襄陽號召鄉團勉以忠義所有提標將弁兵丁俱由該署司調遣以備不虞奏入

聖學聖方略卷四十八

三

上命軍機大臣傳諭張亮基崇綸曰本日據張亮基奏稱逆匪分竄新鄭許州一帶該署督已調官兵馳赴三關等處扼要堵勒並分委官紳勸諭團練以為策

應又委羅遵殿馳赴襄陽防堵均著照議辦理惟豫省大兵均在河北其黃河以南兵力實形單弱現在各處匪徒竊發更恐滋蔓難圖該署督務當嚴飭交界防堵各員越境迎剿毋得徒事株守如楚北兵勇有可分撥豫省之處即著迅派馳往協剿

聖學聖方略卷四十八

三

同日福濟奏言本月二十四日賊由便益門潛出數百人偷搭浮橋飭令署參將馮景尼乘夜前往拆毀橋身該逆下城救護兵勇施放槍礮即退入城復據參將師長鑣稟稱二十六日戊刻賊匪復出城約七八百人意在偷渡城河當即率領弁兵奮擊賊匪死者甚眾紛紛退避入城臣所帶得力兵勇為數無多節經調撥分防勞極單薄前添調安徽壽春鎮標兵一千二百名尚未見到惟有懇

恩迅飭挑選來揚臣仍一面會同琦善等相機攻剿奏

八

上命軍機大臣傳諭福濟曰壽春鎮標兵現在安徽防
剿正當喫緊之際恐難抽撥慧成容照所帶之兵現
已有旨令其折回不日均可趕到著福濟卽與琦善
等隨時酌量辦理該漕督與琦善等圍攻揚州同辦
一事所有剿賊情形卽可聯銜奏報以免重複

剿平粵匪方略卷四十八

三十九

同日張芾奏言查該逆自受懲創後未敢大隊
攻城惟藏匿屋內鑿孔施放槍礮仍以零股四
出窺探臬司江忠源督飭員弁開放大礮擊毀
賊壘數處又於城內開挖暗濠以杜地道現在
總兵馬濟美趕到卽帶兵督同參將羅玉斌等
與新募川勇紮營城東北永和門外又有都司
戴文蘭等分別帶勇紮營俟兵力稍集設法

進攻惟該逆被剿他竄我軍若無舟楫不能追

擊必須下游戰船溯流而上方可夾攻此次向
榮派已革提督福興等追賊該革員豈不知向
繼雄礮船失事乃行至蕪湖遂卽返棹其實賊
匪多未上岸自係乘風直上且瀕江殘破之餘
已無可掠福興率稟向榮以難民船隻粉飾入
奏以致賊愈蔓延言之殊堪憤恨

剿平粵匪方略卷四十八

三十九

張芾又奏言查六月十一日戴文蘭等下城紮
營該逆突出數百人冒死來撲經該員等督飭
兵勇擊斃賊數十名十二日戴文蘭等正在支
搭帳房該逆又來一二千人分作五路直撲營
盤當經戴文蘭督帶開化勇前赴迎擊張金甲
督帶辰州兵設伏於短牆下開化勇佯退誘敵
辰州兵突出衝截開化勇復從旁環擊共傷斃

賊匪一百餘名十四日臣派總兵馬濟美統兵由東而北都司戴文蘭由西而北在得勝門外北面空心礮臺後駐紮俱於十五日卯刻出隊總兵馬濟美督同參將羅玉斌等由東路進攻城北賊營該逆數千人盪擁迎拒廣勇首先衝鋒川勇與鎮標兵繼之三面環擊鏖戰兩時斃賊無數其派在空心礮臺策應之廣勇練勇人

勦平粵匪方略卷四十八

三

數較少甫經排隊該逆數百人徑來攻撲廣勇頭日程智泉奮勇向前抵禦練勇幫同接應空心礮臺內亦同時開礮相護賊眾始退臣與臣陳孚恩督同江忠源司道等一同在城上照料並令知府耆齡遊擊祥麟及各弁兵開放大礮斃賊多名都司戴文蘭等由西路進攻城西賊營賊匪突出三百餘人經兵勇擊退伏匿不出

惟該逆萬餘脅從者雖多而死黨亦復不少雖經官兵擊敗臨陣並不潰散現在張亮基所撥兵勇已到向榮派總兵音德布帶兵一千二百名駱秉章派兵六百名贛州總兵阿隆阿帶兵三百餘名均陸續來到臣等擬於永和章江兩門紮營為左右二翼東南四門距賊稍遠防守較易奏入

勦平粵匪方略卷四十八

三

上命軍機大臣傳諭張芾陳孚恩江忠源曰賊匪窺探省垣經江忠源督飭員弁開放大礮擊毀賊壘數處又經總兵馬濟美等兩路夾攻大挫兇鋒現議於永和章江門外紮營為左右二翼逼近賊營著即趕緊設法勦辦東南四門雖距賊稍遠防守較易仍當督率文武員弁不可稍存大意至江西攻城之賊是否係金陵逆首分股遣來其頭目果係何人拏獲奸細

時詳細訊供具奏

上又命軍機大臣傳諭向榮曰據張芾奏逆匪上竄時不過數千人向繼雄既以無援而敗福興又復縱賊不追賊遂沿途裹脅勢益猖獗已革提督福興經該大臣派往追賊何以行至蕪湖遽爾返棹不與向繼雄夾擊且何以前次該大臣奏稱係難民船隻是否該革員捏詞具稟著向榮確切查明據實具奏

聖學方略卷四十八

三

張芾又奏言查各省奉撥江南大營軍餉均應解赴江西省城總局兌收轉解茲查廣西陸續解到軍餉銀四十萬餘兩業已委解大營糧臺銀三十三萬餘兩現存銀七萬兩又福建解到銀十萬兩均存司庫因大營糧臺六月分餉銀已敷支放且現在城圍路梗未能起解業經咨明向榮查照又廣東委員謝奎領解銀七萬七

千兩已准廣東督撫咨報起程現在未便令其

解省致有疏虞業經飭令贛南道截留應俟省城解嚴江路肅清再行飭令起解同日署湖南巡撫駱秉章前禮部右侍郎曾國藩奏言查逆匪竄撲江西省城望援甚切勢難久待稔知湖北臬司江忠源籍隸寶慶府屬之新甯縣素為鄉人所服當經札飭署寶慶府知

聖學方略卷四十八

三

府魁聯督同江忠源胞弟江忠淑並署湘鄉縣知縣朱孫詒招募湘鄉及新甯等縣壯勇三千名來省飭委前署鹽法道夏廷樾及朱孫詒江忠淑等全數管帶先赴江省援剿已陸續起程前進臣等復於省城調到各營兵內抽撥鎮守兵二百名乾州九谿等營兵三百名辰沅道標兵一百名暫交夏廷樾管帶赴江俟孫漢焜到

日卽飭令前往統帶合計先到江省之辰州兵已符八百之數並湘鄉等處練勇概交江忠源調遣計前後派往兵勇三千八百名均係南省勁旅足資援剿均奏入報

欽定平粵方略卷四十八

三

欽定平粵方略卷四十九 癸丑年

七月初七日 庚戌 訥爾經額奏言伏查總兵董占

元等二十一日之戰雖損折兵將第該鎮等身

先士卒將頭道賊寨攻破並殲斃賊匪多名實

屬奮勇出力如果各路官軍俱能如該鎮等之

衝鋒陷陣何難痛加勦洗 臣 因其遷延不進曾

經奏參奉

欽定平粵方略卷四十九

一

旨摘去頂戴交部議處今該鎮銳志前敵若仍予嚴議無以服諸將之心可否邀

恩寬其處分俾得感益思奮至懷慶被圍已久分攻則

彼能力抵合剿則我占全勢 臣 深恐諸路進兵

參差不一昨經密囑恩華托明阿李德勝保率

同將領各員往返會商約定時刻各任一面四

路齊進或設奇抄襲或合力兜擊互相策應使

賊兼顧不暇得以肅清逆燄迅解重圍仰紓

聖廬奏入

上諭曰董占元甚屬奮勇著從寬免議責令卽行前進

攻破賊壘盡掃妖氛以解重圍訥爾經額亦應趕緊

前往督剿

訥爾經額又奏言接准尙書恩華咨稱六月二

十七日卯刻督帶吉林黑龍江直隸山東各處

剿平粵匪方略卷四十九

二

官兵由二十里鋪直抵丹河各路官兵奮勇過

河賊眾紛紛走避官兵乘勢掩殺轟斃賊百餘

人吉林馬隊直逼逆匪新築木城賊匪退入潛

於木城內施放槍礮隨飭火器營官兵施放火

箭並令巡捕營吉林直隸督標等官兵放火燒

燬賊占民房百數十間並於樹林及高粱地搜

殺賊匪五六十人二十九三十等日逆匪復向

丹河南面探渡當卽親督各路官兵施放大礮

過河掩殺該逆仍退入木城不出查賊匪所築

木城堅厚城外濠溝數道驟難攻拔現在相機

籌畫設法剿辦

同日李德奏言查懷慶城外四面賊巢各鎮所

帶官兵統計祇二千數百名爲數本已無多自

前月二十一日董占元潰傷後兵心益形懼怯

剿平粵匪方略卷四十九

三

至黑龍江官兵向稱勁旅近則見賊卽走更易

誤事此臣與恩華蘊秀所親見者臣祇一千八

百兵勇而欲當七八千逆賊未便冒險輕舉若

非厚集勁兵斷難破其巢穴相應仰懇

天恩俯准將駐守廟工之直隸藩司張集馨所帶官兵

駐守輝縣之長蘆運司楊需所帶兵勇並在直

隸之山西官兵共挑三四千名迅速前來並請

飭下訥爾經額派委得力將弁統帶再西安鎮總兵郝

光甲現帶陝甘兵二千名前赴澤州防堵如來

豫夾攻道路便捷伏乞

諭令該總兵郝光甲趨程前來會合剿辦均奏入

上命軍機大臣傳諭訥爾經額曰據奏函囑恩華托明

阿勝保李德定期四路齊進以期速解懷慶之圍必

應如此辦理惟該大臣駐紮衛輝距各路軍營較遠

聖學聖方略卷四十九

四

尙恐咨稟稽延仍有鞭長莫及之勢著卽相機前進

就近督勦李德所請張集馨楊需所帶之兵及山西

官兵並著酌量緩急以資策應除懷慶之賊匪始可

固直隸之藩籬該大臣諒能仰體朕意也訥爾經額

以大學士督師勦賊斷難任賊猖狂滅賊惟汝之功

縱賊卽汝之罪卿豈不知耶

上又命軍機大臣傳諭李德曰逆匪分踞懷慶城外不

過數千人現在托明阿勝保等均已趕到勦賊獲勝

將賊營平毀二座並有恩華董占元及該撫所帶之

兵已不下萬餘人兵力不爲不厚惟在領兵各大員

會同協力進攻自能迅速撲滅若各軍自成一隊不

相聯絡此進彼退此行彼止賊衆以全力拒我之偏

師而併力攻城設被竄踞又成負隅之勢此刻總以

急援懷慶爲要尤以各路會合齊攻爲制勝之策托

聖學聖方略卷四十九

五

明阿勝保等六月二十五六七等日與賊接仗先後

擒斬二三千名何以該撫奏報尙未敘及豈因丹沁

二河之隔彼此軍營竟不相聞問耶本日已諭令訥

爾經額督兵前進並令舒興阿督催郝光甲帶兵二

千趕赴懷慶郝光甲如已趕到並烏勒欣泰之兵該

撫均可就近調撥至所請張集馨楊需並山西官兵

並著與訥爾經額酌量緩急以資援勦

續修四庫全書 史部 紀事本末類 6 反E內

上又命軍機大臣傳諭舒興阿曰總兵郝光甲所帶官兵二千名前經該撫奏稱由山西取道前赴太行要隘防剿著卽催令速赴懷慶會同各路官兵攻剿賊匪迅解郡城之圍毋稍延誤

同日雷以誠奏言六月二十二日該匪於缺口門縋下數百人過河直撲千總孫得富率領壯勇直前堵擊臣當派直隸州知州陳錫麟等飛

欽定剿平粵匪方略卷四十九

六

往接應槍斃賊匪三十餘人二十四日又有賊下城在城濠支搭浮橋似有縋城撲營之狀卽派勇三百餘名飭令知縣師榮光監生陳寶齡沈方煦等管帶前赴揚城東北隅暗地施放火箭風狂火烈將所搭浮橋並城上板屋頃刻燒燬賊果驚擾不敢出城復於途次經該員等在蘆葦中搜獲奸細二名一名王連魁又一名林

泳年係賊中偽丞相均卽訊明梟示二十七日賊忽於城上用輓梯四路下城約計一千餘人勢甚兇很臣派孫得富等率勇奮擊賊衆敗退二十九日千總孫得富又敗賊於徐凝門斃匪五十餘人受傷者不計其數賊匪屢次大敗不敢再竄奏入

上命軍機大臣傳諭琦善陳金綬雷以誠福濟曰揚州

欽定剿平粵匪方略卷四十九

七

賊匪連次縋城而下支搭浮橋撲我軍營均經雷以誠等派員督帶兵勇擊退擒獲多名並擒偽丞相林泳年一名當卽梟示惟賊匪旣圖竄出則防堵尤必加嚴著琦善陳金綬會同雷以誠福濟乘其潛圖竄逸之時豫設伏兵以爲掩襲之計慧成容照所帶官兵如已趕到卽可擇要調撥

同日江南道監察御史黃經奏言逆匪久竄金

陵鎮揚我兵分投攻剿數月以來未能克復皆因賊船占踞江面恣意往來互相犄角是以官兵轉形跋扈若非整備舟師掃清江面使賊南北截然則攻擊殊難下手查川楚皖省皆金陵上游勢若建瓴宜

命各該督撫速備船隻聽用卽於現在各路官兵酌撥若干遴選熟習水師將弁分起統帶乘此秋令

聖朝聖方略卷四十九

八

西風迅利自襄漢皖江各處駕船順流東下直抵金陵仍知會下游水艇派江而上合力會搆江面既清賊勢南北隔絕自不能互相救應琦善等迅復揚州移師會剿各去猜忌之見協力同心金陵乃可剋期收復鎮江亦可次第攻取惟一應師船若待鳩工製造誠恐緩不濟急應請

飭下各該督撫體察情形辦理奏入

上命軍機大臣傳諭張亮基崇綸駱秉章曰據御史黃經奏稱賊船占踞江面必須上游速備船隻酌撥將弁與向榮水陸合剿所奏自係目前緊要機宜著張亮基崇綸駱秉章等卽於各路水師船隻酌量調撥或設法雇備民船多隻配帶礮位揀派得力將弁管駕自上游駛赴金陵與陸路官兵合力攻剿並與下

聖朝聖方略卷四十九

九

游艇船兩路合剿方可肅清江面掃盡賊蹤初八日辛亥兵部侍郎銜周天爵刑部侍郎奕經奏言准河南撫臣咨會賊有東下之謠臣等會晤熟商以徐州居江皖東豫四省之中江揚兩路之賊設因剿急北竄此地最當其衝臣等會勘於城南泰山東西兩口添築礮牆將大同兵九百餘名除酌留看守王家山瞭望礮臺外其

餘悉數調防該處將熱河兵六百名仍駐九里溝密雲兵四百餘名調至雞嘴壩駐紮以爲三山頭梁山口之鎖鑰其雲龍山爲徐城南面障蔽卽將臧紆青所帶之勇一千五百名屯紮至徐州府駐有糧臺附近上游土匪必須隨起隨剿旣免其沿途延蔓卽可以兼顧下游宿遷留護糧臺有山西兵共一千一百餘名應卽令藩

勦平粵匪方略卷四十九

十

司陳啟邁就近統帶並督率縣營號召義勇或於河兵中揀調壯健者一千名先行擇要扼守以壯聲威臣周天爵現仍督帶山東兵一千餘名前赴固鎮布置緣該處在徐宿之南如賊自江浦六合五河分竄爲徐宿計必先自固鎮始非全力畢注於此實無把握卽他處有警亦不可調至災民中如有材技可用者當量爲招募

並先行派委幹練之員訪察辦理固不可使流而爲匪亦不敢輕率濫收徒糜餉項奏八

上命軍機大臣傳諭周天爵奏經曰現在大同兵調紮泰山東西兩口熱河兵留紮九里溝密雲兵調紮雞嘴壩臧紆青所帶練勇留紮雲龍山其宿遷糧臺已有山西兵一千餘名並號召團勇揀調河兵擇要扼守所籌均尙周妥惟所稱固鎮留防之山東兵不得

勦平粵匪方略卷四十九

十一

調往他處自係爲該處緊要起見如果遠處徵調誠恐徐宿兵單儻附近一帶或有土匪竊發或滁鳳等處探有南來賊蹤仍當迅速撥往剿捕豈可再蹈前轍致令逆匪北竄至招募災民一節原以弭患未形該侍郎等所稱先行訪察以防濫收似亦見及募勇之不可深恃從前周天爵召募之勇多有不遵約束臨時遣散其遣散之後並未聞收繳軍械亦未聞妥

為安插朕聞河南之賊卽有此輩散勇溷跡其中是
召募不慎非但無益且貽後患現在餉款籌畫甚艱
該侍郎等亦所深悉亟應慎之於始無任徒糜帑項
也

初九日壬子琦善陳金綬雷以誠福濟奏言近日

連獲奸細僉供瓜州賊匪欲糾鎮江之賊前來

接應當經分飭鎮將晝夜嚴防七月初一日果

聖朝方略卷四十九

十一

有賊船數百隻由瓜州駛入運河直抵三汊河
為河內木椿所阻都司毛三元等施放大礮賊
船退卻賊眾復役眾挑土起築礮臺用大礮向
北轟擊該處另有河汊係往儀徵之水陸該匪
沿河西行約五里許盡行登岸約有七千餘人
搭橋結筏分股渡河我兵用槍礮擊斃無算賊
猶抵死搶渡適侍衛德興阿縱馬前擊賊始少

卻俄頃復進瞿騰龍會同德興阿督率滿漢將
領奮勇迎敵參領博奇海全首先射斃賊匪多
名遊擊安勇都司鄧鳳林余兆吉均各督兵力
戰賊去復來者五次官兵酣戰竟日冒雨攻撲
賊不能支紛紛敗退是日有另股賊匪由瓜州
至洞清鋪河邊搭橋紮筏德興阿卽派參領富
明阿富勒布馳往副將松齡錫綸亦派都司吳

聖朝方略卷四十九

十二

車龍等帶兵截擊富明阿殺賊數十名以力戰
受傷吳車龍殲斃賊匪多名其時三汊河之東
桂花莊地方有賊在彼牽牛煮飯臣雷以誠派
張翊國張得龍等馳至該處擊斃多名現在各
門均已有人扼守惟鈔關徐凝二門稍覺空虛
由臣雷以誠會同臣福濟派員巡查初三日臣
雷以誠復派同知吳雲等率勇二百名至徐凝

門堵勦施放火箭焚城內板屋數間賊匪絕城而下由浮橋渡至運河東岸該員等督勇迎擊賊始退入城內臣等惟有合力勦擒以期早殲醜類

琦善陳金綬雷以誠福濟又奏言據派防浦口總兵武慶稟稱六月二十八日辰刻探得浦口寶塔根地方有賊匪大船二隻小船四隻駛來

欽定剿平粵匪方略卷四十九

十四

傍岸武慶卽率領遊擊王巨孝督帶官兵駛往該處迎頭堵截用火箭槍礮將賊船全行燒燬該處防堵尙屬認真臣琦善現仍分飭武慶開隆阿西昌阿伊興額等督率官兵實力防禦一遇賊船傍岸立即會合攻擊奏入

上命軍機大臣傳諭琦善陳金綬雷以誠福濟曰瓜州賊匪欲糾鎮城之賊與揚城接應經該大臣等分飭

鎮將晝夜嚴防合力圍攻並由雷以誠福濟各派兵勇分路進勦均獲全勝揚城瓜州之賊以三汊河爲通津要路我兵扼守斷其往來今旣疊獲勝仗是賊匪已大受懲創惟江湖方長難保不糾衆復來不可不嚴加防禦著琦善陳金綬會同雷以誠福濟等分飭鎮將乘勝夾攻其黑龍江及河州湖南得力之兵尤須調度得宜總期迅復揚城則鎮江金陵亦可以

欽定剿平粵匪方略卷四十九

十五

次克復惟進攻不可稍懈分竄尤宜嚴防鈔關徐凝二門旣稍覺空虛卽於各營官兵內酌量調撥互爲聲援總宜四面環攻令賊匪無路可竄方可聚而殲旃至浦口賊船經武慶等擊退尤應時加防範不可稍有疏失

同日陸應穀奏言六月十九日逆賊由羅山縣西南一帶逃竄二十日至綱莊該縣雷元帶領

兵勇趕至擊斃賊匪多名賊帥竄至龍旺宣化等鎮二十四日至大勝關已竄湖北地界王家琳帶兵跟蹤追入楚境據湖北咨會應山一帶已派前藩司唐樹義督帶兵勇阻截此股敗竄零匪長髮者僅二三百人不難盡數殲除惟汴省東南一路太覺空虛而歸德一府距省甚近且為北方門戶臣不能不趕緊折回豫為籌畫

聖學聖方略卷四十九

十六

奏八

上命軍機大臣傳諭陸應穀曰逆賊自攻撲懷慶後其零股餘賊由汝甯一帶轉竄而南朕早知其必趨楚境茲據陸應穀奏該逆果由羅山縣屬之宣化鎮渡河竄入湖北地界總兵王家琳已跟蹤往剿此股零匪雖已無多但恐沿途裹脅又成滋蔓不得以已入楚境遂置之不問僅委王家琳一員追剿實難保其

必能得力該撫既折回省城所有歸德陳州等處逼近省垣布置誠不容緩而南路遺孽仍須速派幹員與湖北所派帶兵大員會合兜剿以淨根株

初十日癸丑 訥爾經額奏言查賊竄懷慶將及而

月各路官軍雲集連日攻剿甚緊副都統松玉前任總兵德坤均歸前河督文冲統帶前往會剿文冲曾任河北道懷慶一帶地方本所熟悉

聖學聖方略卷四十九

十七

現在附近懷慶之武陟溫孟等縣均有團練自衛鄉里文冲此時帶兵到彼就近勸諭可期躡躡樂從臣前擬臨洛關駐紮之

盛京吉林馬步隊兵共四千名係由水路至大名起旱此時尙未到防臣思臨洛關尙距懷慶賊營六百餘里應俟此項官兵行抵大名後撥二千名乘坐原船由衛河徑來衛輝留於大營隨

時調遣其餘二千名以一千名撥赴榮澤渡口一帶屯駐以一千名交署藩司張集馨在廟工蘭儀渡等處分布

同日勝保奏言臣於二十八日起連日進兵攻勦賊俱堅匿不出伏思逆匪四面圍城非得攻破營壘使內外聲息相通不能解郡城危急臣因定於七月初三日進兵復豫期約會托明阿

欽定剿平粵匪方略卷四十九

十六

善祿等攻賊東面李德董占元攻賊北面臣是日寅刻出隊親督兵勇直撲南門賊營該逆分三股由賊營後抄來臣亦分三路擊殺兵勇奮力爭先立斃賊匪三百餘名賊即匿入木城臣督令兵勇隨勦隨進城上川勇及天津兵丁亦由城隍下直撲賊營後面該逆登時大亂分五股抄擊我兵勇亦奮勇撲入以期內外聲勢相

應無如城上所選兵丁壯勇擡礮擡槍俱未擊下而逆賊槍礮甚多以致陳得魁等陣亡該逆見兵勇受傷遂更分股撲出臣督令天津正定

固原將弁催兵前進川勇頭目龐玉等亦奮力相援始將賊匪擊退殺死七百餘名該逆騎馬頭目八十餘人由西面賊營飛奔而來欲抄我兵後路經遊擊吳燦率領擡槍兵丁及黑龍江

欽定剿平粵匪方略卷四十九

十九

馬隊烏凌額魁福等立將該賊目等盡行殲斃生擒十四名臣得力兵勇僅有此數若令直逼城下萬一為賊抄裹在內反恐貪功致敗祇得暫傳收隊再行設法勦辦

勝保又奏言臣兵僅一千六百名不能分防要隘有西安副都統雙成統帶馬隊官兵五百名到懷臣因托明阿等兵力較厚與之會商酌撥

涼州步隊官兵六百五十名會同馬隊官兵移紮府城南沙岡一帶既可斷其接濟之路兼可防其竄逸近日各路官兵雖厚而實在與賊接仗者不多即如北路距賊甚遠進戰時隔河施放槍礮賊亦不甚介意西路現在無兵托明阿等東路尙能爲臣應援而其官兵亦多不能前進臣自恨兵力單薄出隊之兵僅七百餘名不

聖學聖方略卷四十九

二十

能分路出奇夾攻制勝各路之兵雖多皆有統帶大員事權不一未能和衷共濟均奏入

上命軍機大臣傳諭訥爾經額恩華托明阿勝保李德曰逆匪竄圍懷慶弔月以來各路官兵雖有斬獲而賊巢未破城圍未解該大臣等所擬布置尙屬周妥均著照議辦理惟軍情緩急仍須隨時酌度不可以有用之兵置之無用之地至勝保所陳兵力單薄不

能分路出奇自係實在情形副都統雙成帶領馬隊五百名業經至勝保軍營分撥駐紮其防守柳園口之遊擊吳璋帶兵三百名並著訥爾經額飭令迅赴勝保軍營俾資攻剿仍另派弁兵前往柳園口接替現在各路兵力不爲不厚恩華李德及董占元等駐紮北路去賊尙遠若止隔河施放槍礮徒糜火藥何能有濟現聞懷慶北面賊營林立著恩華等拔營前

聖學聖方略卷四十九

三十一

進偃近賊巢方能與托明阿勝保等分路夾攻聯爲一氣現在勝保兵力甚單距賊甚近恩華所帶官兵即著酌量分撥若干名派員帶往勝保軍營協剿李德越境剿賊利在速戰並著會同統兵各員將懷慶賊匪剋期進剿一俟該郡解圍即可折回山東辦理地方事宜

同日太常寺卿王履謙河東河道總督長臻奏

言查上游各渡口原派有彰德衛輝兩府官兵
在彼守禦經撫臣陸應穀並總兵花里雅遜布
撤回防勦其餘所謂各兵非赴豫會勦卽防守
要隘斷難再行抽調惟慧成帶兵自南省來應
請

旨催令兼程來豫會防河岸庶藉兵力以遏賊蹤臣長
臻帶領河標兵二百名會同臣王履謙在武陟

聖學聖方略卷四十九

三

縣上下各河口嚴密巡查所有前調山西大同
營兵二百名卽安置木藥店防堵仍密派隨營
委員等帶領兵勇按日分起巡哨昨探聞歸德
府並南汝一帶土匪滋擾約有數千永城縣境
嘯聚尤多相應請

旨飭派大員帶兵前往歸德等府扼要防勦並請

飭下河南撫臣一體嚴密堵禦不使南路賊匪再有勾

結奏八

上命軍機大臣傳諭王履謙長臻曰前已有旨令慧成
仍回清江浦駐紮現在懷慶城外賊匪尙未撲滅歸
德一帶又有匪徒嘯聚乘機勾結著王履謙長臻卽
督率兵勇於黃河上下游嚴密巡防盡收船隻斷不
可令該匪南北聲息相通再致勾結遊擊吳璋帶兵
三百名現經勝保調赴軍營所有柳園口防堵事宜

聖學聖方略卷四十九

三

已諭令訥爾經額迅派弁兵接替

同日李嘉端奏言臣接據各路探報初十日有
賊船十餘隻自金陵駛至三山磯十八日全過
懷甯在雍家鎮掠去鹽船數隻並繁昌縣三山
地方存倉漕米亦被搶去連日東北風尤猛據
探小孤山一帶賊船被風擊沈二十餘隻餘俱
乘風竄駛復於七月初一初二等日准兩湖總

督咨稱黃河以南之賊於六月十八日未刻攻陷羅山縣城次日竄往陡溝拆屋紮簿似有順淮東下之意又稱二十六日賊由仙花鎮東竄黃安恐由陸路竄安境等語查安省衝要口隘一在東西梁山為江面要路一在關山為北竄要路一在正陽關為沿淮回竄要路臣前擬鑄礮調船在梁山設守復遣前臬司張熙宇赴安

聖朝方略卷四十九

三十四

慶查辦撫恤一面履勘伏兵處所期與梁山守兵上下接應並飭六安州於所募壯勇內精選備用今黃安賊匪有由旱路竄逸之信則六安之勇應令留保本境現飭知縣黃元吉前往西梁山練募水勇以防江面其正陽關一帶已飛咨侍郎周天爵總兵玉山並分飭各屬於界連處所嚴密截剿至關山一路應令勝保遣回之

西安馬兵及改撥之山東兵駐守相應請旨飭令勝保查明催令迅赴安徽以資防剿奏入

上命軍機大臣傳諭李嘉端曰水陸賊船自金陵竄出沿江搶掠河南旱路之賊攻陷羅山後拆屋紮簿意欲順淮東下又由仙花鎮東竄黃安逼近皖境該省水陸各要隘亟宜嚴密堵截著李嘉端即與周天爵咨商抽調並督同總兵玉山扼要布置毋令賊匪勾

聖朝方略卷四十九

三十五

結為患西安馬隊官兵現經勝保留於懷慶勢難赴皖已有旨命慧成帶兵折回以防賊匪北竄據琦善覆奏擬撥安徽要隘等處防剿即著該撫咨商辦理上又命軍機大臣傳諭向榮許乃釗曰近日江面未能肅清陸路官兵亦難得力向榮初到江南即欲在上游準備礮船順流而下後因湖北既未能備辦盧應翔所帶之船亦不得力旋即撤去現在下游雖有艇

船而瞬居西風言令更恐上溯爲難昨諭湖廣督撫酌量調撥師船或設法雇備民船配帶礮位派員管駕自上游駛赴金陵以資攻剿向榮於湖廣情形素爲熟悉應用何項船隻可以得力並需用兵勇多寡槍礮軍械何項適用著體察情形迅卽咨商張亮基等妥籌辦理如該大臣營中有堪帶水師之員卽派往湖北統帶遊行總期兵力足資剿辦卽可與下游

欽定剿平粵匪方略卷四十九

三

艇船併力夾攻廓清江面至金陵鎮江兩城仍當迅圖克復不得因籌調船礮株守坐待致誤事機

欽定剿平粵匪方略卷五十 癸丑年

七月十一日 甲寅 張芾奏言伏思該逆慣用地雷

攻城勢甚危險而得勝門未燬民房尙多該逆伏踞偷窆地道防不勝防非厚集兵力誠恐倉卒轟裂措手不及當經臣商之陳孚恩江忠源密將所派游兵練勇及分守永和順化進賢惠民等門之楚勇約計千名並浙江擡槍兵調集

欽定剿平粵匪方略卷五十

一

該處晝夜嚴防凡遇打仗不令出隊以免墮賊奸計尤恐該逆數穴同時並發飭令帶勇各弁分段守禦不得顧此失彼正在督催趕辦閏六月二十三日寅刻該逆於前次轟塌城垣缺口之西復用地雷轟塌城身四丈有餘賊衆蟻擁而至適江忠源之弟職員江忠濟巡城至得勝門與已革總兵清保首先督同楚勇將賊擊退

正欲乘勝壓下右邊相連處復轟塌五丈有餘
共塌九丈有餘轟傷弁勇多名江忠濟見勢危
急持刀督勇向前誓不獨存甫至缺口該逆又
將大火藥包向內拋擲燒傷楚勇數十名賊目
手執黃旗乘勢上城江忠濟等奮力迎擊將賊
目登時殺斃衆勇一齊趕上賊始敗退當搶護
危急之際該逆又於舊缺口之東用地雷轟塌

勦平粵匪方略卷五

二

城身六丈有餘幸守備李輔朝等豫先布置雖
西邊勢甚危急未敢稍違節制擅離半步於黑
燄上騰後卽行堵住缺口該逆用大火藥包拋
擲勇目戴利行夏春潮及衆勇丁均各受傷已
革遊擊長春與都司景星衛千總張繼成督令
兵勇幫同抵禦督糧道鄧仁堃等帶領練勇躬
冒矢石合力將賊殺退江忠源復馳赴救援兵

勇更覺用命適臣甫由得勝門赴永和門中途
聞警折回督飭在城文武員弁各帶兵勇夫役
搬運礮石趕緊搶築塌一日之力一律高與城
齊復令總兵馬濟美統帶兵勇自永和門外營
盤出隊由東而北又令都司戴文蘭已革副將
張金甲各帶兵勇自章江門外營盤出隊由西
而北兩路夾擊以分賊勢賊衆伏匿不出從牆

勦平粵匪方略卷五

三

內放礮抗拒我兵屢次攻撲適值大雨槍礮難
施西路兵勇進攻文孝廟賊壘賊衆突出數百
人都司戴文蘭奮不顧身帶勇迎擊賊退入廟
殺賊二十餘名是役也該逆用地雷三處同時
並發轟塌城牆共二十五丈有餘較前尤形危
險仰賴

聖主福庇得以化險爲平計前後各處斃賊約二百餘

名該逆詭計既無所施非圖他竄卽遠求金陵之賊接應連日探聞下游時有賊船數隻或數十隻乘風駛上而援兵尙未併集萬一賊匪他竄我兵無船不能急追蔓延尤爲可慮應請

飭催大營所派雲南官兵及湖南所派鎮守鎮兵星速

前來赴援並令迎賊夾攻以期迅速殲除奏入

上命軍機大臣傳諭張芾曰逆匪圍撲南昌連次用地

欽定剿平粵匪方略卷五十一

四

雷轟陷城牆經該省文武合力堵禦俾得化險爲平

所有轟陷城垣業已修復在事各員均屬奮勉可嘉

著張芾擇其尤爲出力者隨時保奏向榮張亮基等

所派官兵已降旨催令速赴江西救援俟兵力既集

卽可內外夾攻殲除醜類

上又命軍機大臣傳諭向榮張亮基駱秉章曰江西省

城被圍日久而逆燄方張援兵不至勢甚可危向榮

前派總兵音德布帶兵一千二百名馳往援剿鎮守

鎮標官兵亦經該督撫派員帶赴江西現在該省情

形緊急著該大臣等迅卽飛催帶兵各員星夜馳往

合力會剿以解南昌之圍又據張芾奏沿江尙有匪

船或數隻或數十隻駛往上游恐爲江西接應著向

榮派撥兵船沿途截剿勿使連檣西上

十二日^{乙卯}陸應穀奏言查豫省自上年冬月辦

欽定剿平粵匪方略卷五十二

五

理防堵以來先後請餉連部撥留用各款統計

僅一百二十餘萬陸續支應防兵製備軍火器

械並解江南糧臺及本省軍需極力撙節計已

支用八月之久現在訥爾經額督師前赴河北

征剿河南設立糧臺供應陝甘督^臣舒興阿山

東撫^臣李德等所帶官兵均令由豫支應餉項

短絀殊難籌辦合無仰懇

天恩飭部就近籌撥餉銀二三十萬兩徑解徐州糧臺

俾濟要需奏入

上諭曰戶部速行妥議江南河北各糧臺應行接濟之

處著酌量緩急籌辦旋經戶部議覆擬撥陝西兩浙

等省銀共四十萬兩

上從之

同日

聖學方略卷五十一

六

上諭內閣曰新調江蘇布政使陳啟邁著馳驛前赴新任所有該員承辦糧臺事務著新授廣東高廉道法良接辦俟軍務告竣再赴新任

十三日丙辰訥爾經額托明阿奏言本月初九日

接據懷慶府城內專丁密稟來營告急當即商之內閣學士勝保揀派兵勇隨同來差乘夜仍由僻路繞至城下繫入密示該府縣選派守城

壯勇二三百名準備於七月初三日接仗乘隙

縋城從後夾擊並約定勝保攻打南面臣托明

阿提督善祿攻打東面復知會山東巡撫臣李

德總兵董占元進攻北面是日督兵前進該逆

但於木壘內暗放大礮並不迎敵我兵奮不顧

身直前進攻至中間木壘之下一齊拋放火毬

火箭該逆即由木壘齊出勢甚兇悍臣托明阿

聖學方略卷五十一

七

與善祿督令官兵擊斃該匪三百餘名賊始敗退復有賊匪欲抄我後經沿隄伏兵迎擊斃賊甚多其南路經勝保親督兵勇斃賊千餘名查東南一帶及沁河迤北均紮有營盤防範自可無虞惟府城迤西較為空虛隨商定將勝保帶來之副都統雙成所領馬隊兵五百名並善祿所帶兵內分撥六百五十名一併交雙成統帶

繞道前往府西擇要安營以便夾攻並扼其接濟糧道臣訥爾經額復令運司楊需於屯駐輝縣兵內撥出五百名會同署副將伊農阿帶領馳赴尙書恩華行營協同進剿以期迅解城圍奏入報

同日勝保奏言初六日臣等會督將士進攻托

欽定剿平粵匪方略卷五

八

明阿仍攻東北善祿攻正東臣勝保攻正南直撲南門土壘逆匪分股抵拒其東北正東二股經臣托明阿善祿等督率官兵擊斃二百餘名賊匪敗退俱繞賊營礮臺奔入土壘其南股賊匪頗衆臣勝保督率將士揮兵迎敵擊斃多名我兵已追近城濠該逆復由東北擁衆而出直奔陣前我兵俟其撲入卽奮勇迎剿該逆不能

抵禦仍復敗竄統計殺賊八九百名其搖旗領隊者皆髮長尺許的係老賊均被殺死若兵力厚集各路俱能認真進剿無難迅殄逆氛

勝保又奏言臣咨調防守柳園口天津兵三百名來懷以資攻剿適接准訥爾經額咨現派副都統松玉總兵德坤前任河督文冲管帶兵勇共三千名前來隨同會剿但由武涉渡河前來

欽定剿平粵匪方略卷五

九

則可有濟於事若往丹河以北則於解圍一層仍屬隔膜此時但有得力兵勇爲後路策應由外攻入使賊匪立潰可期殄滅奏入

上命軍機大臣傳諭訥爾經額恩華托明阿勝保曰懷慶賊匪經勝保會同托明阿善祿分路進攻先後殺賊八九百名領隊髮賊均被殺死節次剿殺已四五千名現在所餘賊匪不過數千若各路俱能認真合

勦何難迅就殄滅疊經降旨令訥爾經額咨令統兵大臣分路夾攻昨以恩華董占元等紮營均在丹沁兩河之北距賊太遠特諭令拔營前進逼近賊巢方能聲勢聯絡其柳園口防河之天津兵三百名已由勝保札調赴營著訥爾經額仍遵前旨迅即飭令松玉德坤帶兵馳赴勝保軍營並令由武陟渡河較為迅速不可赴丹河以北致延時日恩華托明阿勝保

聖朝方略卷五十一

十

等軍營均與訥爾經額相距尚遠若必待往返咨報聯銜具奏轉恐稽延時日嗣後何人接仗即由何人奏報如會同進兵即聯銜具奏

同日張芾奏言六月二十四日江西城外賊匪數千人突自得勝門外賊營出向東南直撲永和門外總兵馬濟美營盤馬濟美帶兵堵禦正在乘勝窮追不意樹林內埋伏多賊突出抗拒

我兵少卻該總兵奮力督戰手刃數賊因眾寡不敵身受矛傷登時陣亡臣即飭遊擊祥麟點放二千斤大礮正中賊隊城外營內亦開礮接應先後擊斃賊匪無數適知縣沈衍慶同從九品胡椿陳炳龍管帶練勇由南面出隊施放連環槍礮斃賊多名千總王樹英等帶勇前來會同奮擊參將羅玉斌復督帶川勇貴勇署參將

聖朝方略卷五十一

十一

文忠帶九江鎮兵分三路夾擊總兵阿隆阿統帶鎮標各兵自進賢門前來策應該逆紛紛敗退復飭知府耆齡派外委哈玉麟等出隊邀截斃賊頗多查總兵馬濟美奮勇捐軀其祖與父皆係效死疆場可謂世篤忠貞應請

天恩優卹以慰忠魂所遺九江鎮總兵員缺即委南頓鎮總兵阿隆阿暫行兼署臣察看賊勢較上次

打仗人數增至三倍之多我軍究形單薄不敷

調遣應請

飭下湖南廣東各督撫迅撥精兵各二千名來江助剿

奏八

上命軍機大臣傳諭張芾陳孚恩江忠源曰逆賊圍攻

南昌我兵防守甚嚴復有馬濟美戴文蘭兩軍分扼

東西兩面該匪前無可乘旁有牽制鉅而走險爲此

欽定剿平粵匪方略卷五十一

十一

撲營之舉其意實圖擾我營盤進占地勢現在馬濟

美陣亡所帶官兵必須統領得人阿隆阿雖兼署鎮

篆其進賢永和兩門營盤能否兼顧亟須妥籌布置

廣東援兵到尙需時未可株待音德布此時想已帶

兵趕到湖南兵勇已於六月十八等日先後起程計

亦陸續可抵南昌該撫仍當會同陳孚恩江忠源妥

爲調度以戰爲守此次轉敗爲勝該撫等均能親身

督戰其帶勇各員分門出隊亦皆踴躍效命果能始

終不懈逆匪必可殲除該撫務當激勵士氣相機進

兵不可因小有挫折致形畏阻江面賊船續至後路

既無追兵湖口又無重鎮惟附近河干設法堵禦近

城居民若能自相團練如金陵之四十八社揚州之

虹橋皆可藉助官兵之力

上又命軍機大臣傳諭葉名琛柏貴曰逆賊分股竄撲

欽定剿平粵匪方略卷五十一

十二

江西省城爲時已久疊次用地雷轟塌城身均經張

芾與陳孚恩江忠源等督令兵勇隨時搶護修築官

軍亦疊有斬擒惟自六月二十三四日以來逆眾蠶

擁蟻集直撲城外官兵營盤九江鎮總兵馬濟美追

賊遇伏陣亡且沿江匪船或數隻或數十隻紛紛駛

往上游亦難保非前往該處接應若剿辦再稽時日

南昌甚屬可危昨調湖南兵勇亦尙未能趕到現在

待援甚急著葉名琛柏貴迅即在韶州等鎮內就近
挑選精兵二千名遴委得力員弁星夜管帶前往以
資攻剿再前調赴江南剿賊之紅單船隻現尚未抵
江口並著飛催沿海各地方官飭令迅駛前進

上又命軍機大臣傳諭張亮基駱秉章曾國藩曰本日
據張芾奏稱逆匪於六月二十四日率眾數千突由
得勝門外向東南直撲永和門外官兵營盤雖經兵

勦平粵匪方略卷五十

十四

勇邀擊轉敗為勝連日續到賊船甚多我兵十分單
弱急待援兵早到湖南距該省一水直達前調之鎮
章等鎮官兵並所募湘鄉等縣練勇著張亮基駱秉
章曾國藩迅即飭催管帶各員星夜馳赴南昌會合
剿賊

上諭內閣曰九江鎮總兵世襲騎都尉馬濟美忠貞後
裔疊著戰功此次身先士卒乘勝窮追遇伏陣亡殊

堪憫惻馬濟美著照總兵陣亡例從優賜卹任內處
分悉予開復應得卹典該衙門察例具奏以慰忠魂

同日戶部尚書孫瑞珍奏言查賊匪竄入河南
意在北渡而我兵堵剿之策莫重於扼守黃河
撤收船隻但將沿河一帶緊要渡口處處扼定
南北岸船隻悉數撤收去其桅柁或牽置岸上
或鑿沈水中該逆無船可得非但南中之賊不

勦平粵匪方略卷五十

十五

能北渡即現在竄擾懷慶一帶之匪亦不獲南
歸南北不通勦辦更易因思河南山東江蘇山
陝等省均有沿河州縣該州縣文武員弁於本
處渡口之要隘船隻之多寡耳目既近訪察不
難若以撤收船隻之事專委沿河州縣文武各
就本境趕緊妥辦則力以專而易就功以分而
易成再派誠實員弁帶領兵丁看守則益昭嚴

一五二〇〇〇冊 續修四庫全書 第 8 卷 七

密矣

孫瑞珍又奏言辰下豐北復報缺口河流旁瀉其豐北以上河由故道應令將撤收船隻之事一律照辦惟豐北以下清江浦以上數百里河身既無黃水又無清水來往行人與行陸路無異南中賊匪若由此路竄入河北殊為可慮至微山等湖為黃流所頂托汪洋浩瀚與運河連為一片相應請

欽定剿平粵匪方略卷五十一

十六

旨嚴飭兩江東南兩河總督江蘇山東巡撫督飭各該管州縣相度地勢將如何撤收船隻如何堵截要隘之處趕緊籌辦奏入

上命軍機大臣傳諭直隸東河南河江蘇河南山東山西陝西各督撫曰黃河為南北天險扼守要隘必應撤收船隻扼定緊要渡口著直隸東河南河江蘇河

南山東山西陝西各督撫迅飭沿河各地方文武並河道廳弁各就本境不拘何項船隻悉數撤收不特清江孟津蘭儀等處渡口最關緊要即偏僻港汊亦當嚴防偷越該督撫等仍遴委委員沿河往來察看遇有玩泄員弁即嚴參懲辦斷不可任賊匪再有搶船偷渡之事至豐北既有漫口微山昭陽等湖為黃流所頂托與運河連為一片防守更屬非易並著各

欽定剿平粵匪方略卷五十一

十七

督撫飭屬相度地勢設法堵截前次北竄之匪係搶奪煤船渡河雖經官兵疊次焚燬未能淨盡其船現泊何處是否曾為賊踞著長臻陸應毅迅飭查明焚燬社賊奔竄之路

十四日丁巳舒興阿奏言據總兵郝光甲稟稱該鎮統帶官兵過河即日分起前進已距澤州不遠該處與懷慶僅隔太行一山臣即飛飭郝光

甲行抵懷慶後隨同將軍托明阿等合力會剿
復准河南撫臣陸應穀來函亦以河北之賊恐
由孟縣渡河南竄臣當派副將珠克登等前往
合力截剿奏八

上命軍機大臣傳諭舒興阿曰現在河南賊匪已經陸
應穀督率鎮將將大股殲滅總兵郝光甲已會同山
西將弁由澤州出山迎剿著該督飭令該鎮速赴懷

聖朝方略卷三

十六

慶聽候調遣若河北情形較河南緊急該督仍當渡
河會剿昨有旨諭令沿河各督撫督率文武認真稽
查口岸該督已派副將珠克登帶兵馳往孟津渡口
駐紮自應如此辦理惟緊要渡口既經設防其偏僻
處所港汊紛歧尤須嚴防偷渡著舒興阿即就近督
飭巡河各員無論何項船隻悉數撤收以杜該匪奔
竄之路

十五日戊午琦善陳金綬雷以誠福濟奏言初四

日辰刻賊由鈔關門南之贏子巷擁出數百人
適千總李光觀在彼設伏即帶領兵勇迎擊殲
斃多名初六日午刻天甯門撲出賊匪數百名
都司常萬清等帶兵截擊用銅礮轟斃十餘名
復於草間設伏擊斃多賊餘匪遁入城內初八
日黎明瓜州賊船大小數百隻上竄至三汊河

聖朝方略卷五

十九

總兵劉龍整隊迎擊一面知會侍衛德興阿
帶領馬隊於西岸嚴陣以待並派都司滿祿帶
河州官兵三百餘名隨同德興阿屯紮西岸防
賊抄襲旋見賊眾四千餘名由運河東岸鼓噪
而前直撲三汊河口山東官兵營盤瞿騰龍督
率遊擊安勇黃志配葉榮都司毛三元守備馬
連科帶領直隸山東官兵六百名過河迎擊殺

賊無數又見另股賊匪二三千人在下游揚子橋支搭浮橋渡河欲撲南門大路我兵隔河用銅礮擡礮連環轟擊賊匪浮橋難以支搭又竄至上游搭橋由桂花莊直撲鈔關門以西繞赴南門東岸期與南門賊匪聯絡瞿騰龍帶領官兵又趕赴上游支搭浮橋前往迎擊一面飛調遊擊李英魁率都司余兆青等渡河合力迎截

欽定剿平粵匪方略卷五十一

二十一

賊衆死拒不退經李英魁余兆青從旁衝擊瞿騰龍亦率兵迎面進勦賊陣始亂紛紛潰竄別遣兵梟水繞由儀徵河之西岸兩面夾擊賊勢

不支仍悉數竄回瓜州現在城中賊勢漸窮望援甚急疊據儀徵縣探報江甯連日復有賊船數十隻及百餘隻陸續放至瓜州希圖接應福濟又奏言連日察看賊情窮蹙瓜州接應之

路又經三汊河官兵擊敗城中糧食將盡該逆屢在鈔關等門偷搭浮橋似有竄逸之勢初七日據參將師長鑣稟稱本日寅刻派把總楊成章等帶領兵勇二百名在徐凝門外埋伏黎明賊由浮橋過河約二百餘名盪擁前來我兵突出圍攻擊斃賊匪四五十名生擒旅帥毛老四一名賊匪因失旅帥卽在城上吹螺復哨聚四五百名出城我兵奮勇爭先適雷以誠鄉勇亦到擊斃過橋之匪及落水者又一百七十八名奏入

欽定剿平粵匪方略卷五十一

三十一

上命軍機大臣傳諭琦善陳金綬雷以誠福濟曰揚州賊匪屢被我兵圍剿大受懲創訊據賊供欲分門竄出連日復有賊船數十隻及百餘隻陸續放至瓜州難保不爲城中救援該大臣等務當督飭將弁兵勇

趁城賊勢孤剋期收復仍嚴防各路賊匪救援攻剿更易得手

上又命軍機大臣傳諭周天爵奕經李嘉端呂賢基曰本日據琦善等奏揚城賊匪勢已窮蹙訊據賊供有欲分門竄出之語揚州密邇皖省防堵最關緊要周天爵與奕經各帶官兵在宿徐一帶扼要布置勿任竄擾呂賢基督同趙昉等辦理本省團練諒已漸有

聖朝方略卷五十一

三

成效卽飭諭各處鄉勇併力剿賊以爲官兵策應

同日兵科給事中吳廷溥奏言揚州指日克復賊匪必勢窮思竄現豐北漫口山東一帶飢民須防勾結懷慶城外督兵諸臣不少可否請

旨飭諭撫臣李德帶兵迅回山東在清江之北曹州以南擇要駐紮以防逆賊奔竄山東爲畿輔屏障山東無虞則直隸不至驚擾卽河南攻剿賊匪

亦易得手至山西素稱殷富賊匪攻圍懷慶意在窺伺山西必須扼險嚴防直隸督臣訥爾經額現已出境迎剿擬並請

旨飭下尙書桂良於河南直隸交界處所不時派員巡查勸諭民間自行團練以資捍衛奏入

上命軍機大臣傳諭訥爾經額桂良曰現在懷慶賊匪疊被官兵圍剿勢窮思竄直隸接壤河南亟宜嚴密

聖朝方略卷五十一

三

防範至揚州剿辦亦經屢獲勝仗指日卽可殲除但恐餘匪乘閒北竄直隸與山東毗連地方不可不認真籌防著訥爾經額桂良嚴飭地方官於豫東兩省交界處所實力巡查盤詰奸細毋任闖入其山西太行山各隘口並著訥爾經額飭令將弁兵勇嚴行堵截絕賊奔竄之路

欽定剿平粵匪方略卷五十一 癸丑年

七月十八日辛酉 訥爾經額奏言臣查黃河北岸各渡口現駐有直隸弁兵自應不分畛域實力嚴防惟南岸私渡如故縱使盤查嚴緊終無以絕其來源且北岸縣長七百餘里豫省並無一兵駐守僅恃直隸防兵一千數百名上下分撥實有巡綽難周之慮撫臣陸應穀已於本月初

剿平粵匪方略卷五十一

一

八日回省該撫係守土人員帶兵剿賊責無旁貸乃所派防河查河官員有名無實據署藩司張集馨詳稱夫役人等竟敢賣放私渡河南所派委員不知去向但有一二差役在彼巡查等語現值進剿喫緊而南岸放渡不已並無官兵盤查豈能保無匪徒濶跡臣一人分兵派將守禦稽查勢難周至若有貽誤關繫非輕奏入

上命軍機大臣傳諭訥爾經額王履謙長臻陸應穀曰

據訥爾經額奏連獲偷渡人犯供係管渡夫役受賄賣放且河南委員不知去向但派一二名夫役在河岸巡查殊堪駭異著陸應穀查明南岸委員嚴參懲辦現在河南賊匪漸就肅清陸應穀已折回汴梁著卽帶兵出省巡查河岸於上下游嚴防偷渡且可爲河北聲援至河北道蔣啟敷本有地方之責現在防河緊要著卽飭該員速回本任協同署河北鎮總兵花里雅遜布於河北一帶口岸會同直隸所派弁兵合力守禦並著長臻嚴飭河標弁兵協同地方文武實力防守王履謙職司巡查大河南北均應兼顧如有沿河員弁防守疏懈者卽著指名參奏訥爾經額統領大兵自當通籌全局不分畛域一體籌防

同日陸應穀奏言本月十一日接准總兵王家

琳咨報初二日寅刻趕至湖北宋埠地方探有賊匪折回當即策兵前迎殲斃數名賊猶抵死拒敵我兵奮勇爭先施放連環槍礮戰至兩時之久殺斃長短髮賊一百十餘名日暮不及追趕當即駐紮黃陂站正在移會湖北截剿隨准前任湖北布政使唐樹義來函竄出賊匪業經該省兵勇截擊當可殄滅淨絕奏入

聖學聖方略卷五十一

三

上命軍機大臣傳諭陸應穀曰豫省逆匪南竄惟柏山跟蹤追剿屢有斬擒王家琳此次帶兵勦截不過折回零匪既經楚省知照無須前進而本省邊界餘匪仍須實力搜捕不可以逐賊出境遂爲了事

同日張亮基崇綸奏言河南賊匪竄至羅山縣距湖北孝感北界九里關及黃陂北界河口一帶不遠臣等飛咨唐樹義迅飭都司善保等會

同鄉團防禦二十七日該匪竄入黃安縣聞官兵已從山徑追至卽於是夜由東南竄去臣等豫慮賊匪由麻城黃岡所轄各小河橫船關入大江先飭都司董玉龍帶兵四百餘名駐紮團風鎮復飛飭同知張曜孫等帶兵馳赴團風鎮鵝公頸一帶地方扼賊由內湖入江之路前藩司唐樹義亦馳赴黃安縣嚴督各軍兩路進攻

聖學聖方略卷五十一

四

殺賊二百餘名賊卽分水陸前竄歧亭一帶沿河擄取竹箒圖出大江分擾適臣等所遣都司董玉龍張曜孫等帶兵已到遇賊力戰殺斃無算賊知官兵布置嚴密勢難出江始由湖折回辛家冲初三日同知伍煜等由東湖追賊至張家集賊匪見官兵揚帆追及紛紛島水登岸淹斃無數生擒賊匪四十餘名奪獲賊船三十七

隻燒燬賊船十數隻奪獲騾馬四十匹其分竄
馬鞍山一股約千餘人亦經都司許連城等督
兵進剿斃賊二百餘名內有長髮賊五十餘名
生擒五十餘名賊勢已極窮蹙其成股者不過
二三百人餘皆薙髮棄械紛紛逃匿 臣等豫飭
各州縣曉諭各鄉團遇有零星賊匪竄入境
卽行緝獻並飭各州縣將各要路多設陷穽水
路將船隻提開橋梁撤拆諒茲股匪或不致乘
虛免脫貽害鄰疆奏入

欽定剿平粵匪方略卷五十一

五

上命軍機大臣傳諭張亮基崇綸曰豫省賊匪由羅山
縣竄入湖北黃安麻城一帶經該署督等派委文武
兵勇夾擊獲勝曉諭各鄉團遇有零星賊匪竄入卽
行緝獻並飭將各要路多設陷穽水路將船隻提開
橋梁撤拆在置亦合機宜楚北當兵燹之餘豈堪再

遭蹂躪張亮基等務當嚴飭各路帶兵文武趁此賊
勢潰散四面兜剿悉數殲除

張亮基又奏言 臣准河南撫 臣咨稱竄楚餘賊
不過數百各州縣稟報則均稱萬餘其實由羅
山仙花店入黃安及抵麻城縣所轄之宋埠確
有三千餘人計自六月三十日接仗至七月初
四日兵勇擒斬轟斃已近千名其溺斃逃散者

欽定剿平粵匪方略卷五十一

六

不計其數 臣等密遣員弁查驗外江內湖浮出
賊屍實已不少現尙分途兜剿是竄楚股匪不
止數百確有明徵又據探報前月二十四日又
有賊船千隻由湖口駛入江西號稱二萬合之
現在攻撲江西省城之賊當不下兩三萬人是
由揚州江南兩處竄出之賊共計已有七八萬
之多乃分竄河南江西之賊愈見其多而困守

江南揚州之賊仍不見少前此大營尙時有捷報近反闐寂無聞賊逸我勞賊銳我鈍師老餉竭言之寒心且長江自金陵至江西一千數百里毫無阻遏賊船來往自如前月初旬江西賊船百餘隻滿載米糧遠饋江南之賊今值秋成伊邇野有餘糧賊匪轉輸甚易恐江南之賊將無坐困之期或且乘閒突出大舉他竄尤屬不

聖學聖方略卷五十一

七

堪設想伏乞

皇上申諭行閒文武各上平賊方略痛除諱飾延玩積習俾得迅速蕩平奏入

上諭曰所見甚是現踞三城之賊未見有減於前而各處分竄幾於策應不及不知以後之局若何惟有懇

祈

天鑒速赦民劫而已掩敗爲勝軍營通病每獲小勝極

力鋪張不知勝報到來朕必降旨獨不慮及爲賊所笑耶汝等既出此言必應事事從實也

同日呂賢基李嘉端奏言查湖北逆匪自竄入黃安後於六月二十九日竄至麻城攻陷羅田初六日有賊千餘人撲入英山縣開監放犯初七日竄往太湖查太湖爲東至安慶北至廬州要路該匪甫經竄入必應速挫其鋒當經札令

聖學聖方略卷五十一

八

遊擊凌慶桂督率該營官兵由潛山前進已革遊擊賡音泰帶兵應援已革參將松安帶兵由石牌河前進已革前任臬司張熙宇隨後應援並飭已革臬司張印塘帶領現駐廬州之粵兵三百名馳赴舒桐縣境相機進剿又檄調總兵玉山等前來協力迎擊再派已革參將富惠等在集賢關練潭寺地方擇要駐守以備兩路策

應奏八

上命軍機大臣傳諭周天爵呂賢基李嘉端曰逆匪分竄英山太湖亟宜翦除淨盡著該侍郎等卽責令帶兵各員扼要堵截合力勦洗並飭各該地方官及營汛員弁等認真防守城垣巡查江面毋任匪黨闖入同日恩華奏言查清化鎮在懷慶府東北四十里中隔沁丹兩河現逆匪所踞水北關已在沁

欽定剿平粵匪方略卷五十一

九

河東南僅有丹河之阻丹河除驟雨山水暴漲平時處處可涉丹河迤東路徑叢雜皆通清化清化迤東尤爲四通八達東自修武獲嘉新鄉可抵衛輝稍南則由亢父陽武可達黃河北岸稍北則與輝縣及直隸之順德廣平各屬在在毗連連日獲匪訊供有剋日取清化之信已嚴飭官兵晝夜防範查該匪自廣西出巢以來我

兵每皆尾追以致由南趨北徑渡黃河若不防其北竄非獨衛彰兩郡震動尤恐震驚畿輔臣故不敢遽離清化至大名等三鎮已飭其移營前進與山東巡撫軍營聲勢尙相聯絡以目下全局而論托明阿勝保等現既俱在東南訥爾經額又遠駐衛輝並難兼顧揆度形勢清化鎮必須駐營現已咨商訥爾經額進紮清化臣俟後路有防卽當移營前進奏入報

欽定剿平粵匪方略卷五十一

十

同日

上諭內閣曰朕聞江南提督福珠洪阿於江甯省城失陷時奮勇殺賊力竭捐軀深堪憫惻前經降旨交向榮怡良許乃釗查明具奏迄今日久未據查覆福珠洪阿著先行交部從優議卹以慰忠魂所有任內一

切處分悉予開復應得卹典該衙門察例具奏仍著該大臣督撫等將該提督如何殉難情形詳細查明具奏旋經兵部議覆請將江南提督福珠洪阿從優照都統陣亡例議給卹銀並給予騎都尉兼一雲騎尉世職

上從之

十九日壬戌訥爾經額托明阿勝保奏言十二日

聖學聖方略卷五十一

十一

據懷慶府縣等密稟城中糧匱勢漸難支臣等商定於十三日督兵進剿臣托明阿仍攻東面善祿攻東南面臣勝保攻正南面齊撲賊壘先有巡哨賊匪數百人直奔東面臣托明阿善祿分投迎擊槍斃百餘人逆匪復由東南擁出數百人擡運大礮施放我兵四路衝擊又殺斃一百數十人始奔回土壘臣勝保一面分兵於各

壘放火喊殺阻其救援該逆猝不及防見有頭裹黃巾身穿紅袍賊目十餘人手執令旗指畫逆眾蟻擁而出我軍短兵相接殺斃賊匪二百數十人多係髮長二三尺者彼時去南城門不及一箭之遙而賊已處處暗窰陷坑且防其抄截後路臣勝保因無兵接應未敢深入功虧一簣憤懣實深臣訥爾經額即日可抵清化前交文冲統帶兵一千名已令副都統松玉總兵德坤先帶領五百名馳赴臣托明阿臣勝保軍營協剿其餘兵五百名現隨臣訥爾經額前赴清化以備相機策應並令前派遊擊吳璋速帶天津兵三百名趕赴臣勝保行營調遣惟有四面圍攻以期立解城圍奏入

上命軍機大臣傳諭訥爾經額恩華托明阿勝保曰逆

匪於懷慶城外深溝高壘負隅抗拒托明阿勝保督
兵分路進攻直入土壘去南城門不及一箭之遙乃
以後路無重兵接應不能深入以致功虧一簣懷郡
一城關繫河北全局現在城中米糧已匱若再不迅
圖解圍則城內人民勢漸不支該大臣現已前往清
化先派松玉德坤帶兵五百名馳赴托明阿勝保軍
營並令遊擊吳璋速帶天津兵三百名趕赴勝保行

禦粵匪方略卷五十一

十三

營助剿當此攻剿喫緊托明阿等兵力較單僅派兵
八百名前往協濟仍恐未能敷用著該大臣再行添
派弁兵迅速前往再總兵郝光甲兵二千名由澤州
馳赴懷慶此時諒已趕到卽著該大臣飛飭前赴托
明阿善祿軍營聽候調遣

二十日 癸亥 長蘆鹽政文謙奏言查現在駐津官
兵因地方無統轄明文臨事不遵調遣恐誤事

機可否

欽派大臣一員來津或將驗米大臣孫瑞珍慶祺酌留
一員暫行駐津督辦防堵事宜卽駐津官兵亦
統歸管轄以一事權奏入

令軍機大臣傳諭孫瑞珍慶祺文謙曰天津爲水陸
衝要拱衛京畿所有稽查奸宄彈壓地方均關緊要
現在海運漕糧將次兌竣孫瑞珍於驗收完竣後卽

禦粵匪方略卷五十一

十四

著回京慶祺著留於天津專辦巡防事宜其現駐天
津盛京官兵卽歸慶祺調度文謙雖無地方之責現
當辦理防堵之際著該鹽政會同天津鎮道督率地
方文武一體認真查察

二十一日 甲子 王履謙長鑣奏言伏查下游蘭儀
柳園等口已有直隸弁兵駐守惟上游孟津滎
澤等口與懷慶賊營相近較下游更形喫重而

孟津口尤關緊要臣等商之直隸藩司張集馨派撥河屯協兵二百名到彼協守其木樂店地方現在祇有大同鎮兵二百名協同武陟縣鄉勇一百名駐防恐不足以資捍衛臣等又飭令該縣添募壯勇派員訓練互相策應至逆匪圍攻懷慶月餘城中匱乏可知現在咨商勝保等設法將糧食運進與城中聲勢聯絡庶得內外

御製方略卷五十一

十五

夾攻迅解城圍奏八

命軍機大臣傳諭王履謙長臻曰現在懷慶尚未解圍黃河上游孟津滎澤等口距賊營較近自應嚴密巡防以杜竄越既經王履謙等添調河屯協兵二百名移紮防守著卽照議辦理其木樂店地方應如何添募壯勇與官兵互相策應之處仍著妥為籌辦王履謙係特命巡查東河渡口大員無論河岸南北上

下游均宜親身查看若但株守一處僅憑稟報難免被人朦蔽著卽遵照前旨親歷河干上下巡察如官吏人等有賄縱情弊卽著嚴參懲辦長臻職司河防責無旁貸並著督率沿河文武員弁會同各該地方官將渡口船隻概行撤收嚴防偷越

同日

上諭內閣曰原任江甯將軍祥厚之子乾清門二等侍

御製方略卷五十一

十六

衛恩全前已賞給二等輕車都尉世職著加恩照一等輕車都尉承襲六次襲次完時給予恩騎尉世襲罔替以示優卹忠盡之意

二十二日 乙丑 張芾奏言江省自六月下旬以來

雨多晴少攻剿頗難得力六月二十九日得勝門迤西城根有賊偷窺並有賊匪數百人乘勢攻撲當經江忠濟督率楚勇擊退斃賊數十名

初一日天晴臣張芾陳孚恩江忠源商令總兵阿隆阿統領兩鎮各營官兵由永和門營盤分三路進攻賊營已革臬司徐思莊所募各勇在後接應糧道鄧仁堃知府林福祥所募之勇由空心礮臺出隊各勇奮力迎剿賊眾卻而復前知縣馬永熾督率眾勇向前擊退廣勇川勇貫勇從東北兩路合擊殺賊數十名將賊營外房

聖朝方略卷三十一

十七

屋二十餘間全行焚燬臣復商同江忠源派令辰州撫州兵鍾祥勇由章江門出隊進攻楚勇緹城接應賊眾拚死迎拒兵勇亦奮力殺賊統計先後各處斃賊百數十名現在專候援兵會剿乃湖南派兵勇三千數百名並向榮所派雲南總兵音德布帶兵一千二百名因雨水阻滯均尙未到而連日接據安徽臬司張印塘並彭

澤湖口等縣來稟均稱有賊船五六百隻乘風駛上當遣人向前迎探果於二十八九等日到省停泊旋即開赴上游此時省城未能分兵前往已飭湖南未到之兵勇迎頭剿擊並令各府縣地方文武設法守禦以杜滋蔓奏入

上命軍機大臣傳諭張芾陳孚恩江忠源曰逆匪攻撲省城四十餘日屢經該撫及陳孚恩江忠源等督同

聖朝方略卷三十一

十六

在事文武兵勇竭力守禦疊獲勝仗辦理均合機宜此次各路兵勇復斃賊百數十名賊之兇鋒已挫譎計已窮惟湖南所派兵勇並向榮所派音德布一軍何以至今尙未趕到著該撫即行飛催前途一俟援兵到齊務即約會內外夾擊以爲一鼓蕩平之計至續來賊船五六百隻到省停泊旋即開赴上游究竟現往何處該撫已飭湖南未到各兵勇迎頭截擊並

令地方文武設法守禦務當嚴飭各府縣隨時偵探賊蹤相機防剿堵其紛竄之路

同日哈芬奏言本月十一日總兵郝光甲會同太原鎮烏勒欣泰帶同弁兵行至懷慶所屬之冉華有賊五六百名拒敵當經該鎮等親督官兵轟斃二十餘名賊匪即向水北關逃走該二鎮所帶之兵現經山東撫臣李德調紮太行之

剿平匪方略卷五十一

十九

西兵力尙形單薄所有太行山大小口及垣曲一帶臣另撥弁兵四五百名協同防守以防賊匪偷越

哈芬又奏言本月十五日總兵郝光甲督同將弁由東路丹河直抵水北關繞向西北進攻會商尙書恩華巡撫李德三面會合行至水北關之西瞥見賊匪二十餘人即開槍礮擊斃賊

十三名餘匪逃入木城奏入

上命軍機大臣傳諭哈芬曰總兵郝光甲由東路丹河直抵水北關繞向西北與恩華李德會合進剿現在勝保等軍營兵力較單若各路官兵俱截留丹沁兩河之北遙作聲勢於事何濟著該撫即傳旨飭該總兵郝光甲將所帶之兵二千餘名迅赴勝保軍營以資調撥其烏勒欣泰所帶之兵仍咨李德酌量調撥

剿平匪方略卷五十一

二十

會剿至太行山南一帶該撫仍須嚴防要隘

二十四日丁卯王履謙奏言竊思賊匪渡河之後非僅稽查所能了事急應添兵防守以遏南竄豫省無兵可調直隸屢調不應河口標兵祇有二百名其勢斷難分布臣上下巡查雖復諄飭文武節節嚴防乃州縣責在守城呼應既多不靈坐視徒深焦灼惟有據實直陳請

旨飭下直隸督臣請爾經額派撥弁兵一千名交臣管帶以重河防奏入

上命軍機大臣傳諭請爾經額王履謙曰現在懷慶城外各路進剿之兵勢難分撥著請爾經額於防堵各兵內酌撥一千名或撥四五百名歸王履謙管帶以便巡查王履謙與長臻既帶有弁兵自不必株守一隅王履謙著即親赴南北兩岸上下巡查收集船隻

聖學聖方略卷五十一

三十一

緝捕奸細不得藉口無兵稍形鬆懈請爾經額現進兵清化鎮後路已有聲援恩華亟應移營前進李傳因山東緊要奏明回省所帶官兵已撥交勝保統領其北面一路著請爾經額恩華督飭帶兵各員與南路會同夾擊務將丹沁兩河之間賊壘盡行鏟除迅解懷慶之圍

同日李傳奏言查總兵郝光甲烏勒欣泰先後

帶兵到營復准請爾經額咨稱前河督文冲行抵清化鎮即留防山東濮州之將軍瑞昌亦可來豫協剿覈計續至官兵不下七八千名無難合力翦除現在內閣學士勝保已歷次攻擊得力臣曾將所帶陝甘兵五百名山西兵四百名由原帶將弁咨明留交勝保統領並酌留一月口糧銀一萬兩以資給發仍派知縣趙翼健王蘭廣王萼等前往聽候差委臣即折回山東辦理地方事宜並搜捕歸德一帶土匪以杜亂萌奏入

聖學聖方略卷五十一

三十一

命軍機大臣傳諭李傳曰前因勝保兵力甚單疊經諭令各統兵大臣分撥官兵調赴該營藉資攻剿現據李傳將所帶陝甘山西兵九百名由原帶將弁留歸勝保統領並酌留口糧仍派知縣趙翼健等前往

差委自應如此辦理現在賊勢漸就窮蹙如果各路重兵直抵城下合力進攻不難立解城圍該撫現因山東本省緊要折回辦理地方事宜所有毗連歸德之曹單等處應如何嚴防土匪搜捕奸細卽著妥籌調度瑞昌仍著帶兵防守濮州等處毋庸前往豫省

二十七日 庚午 湖北提督向榮奏言 臣查賊船游弋江面下游艇船不能上駛極盼粵東紅單船

聖學方略卷五十一

三

三

到後調赴上游擇要控扼使賊船不能往來自如至金陵攻復事宜現在朝陽通濟等門該逆均已嚴備又探得太平神策兩門凡山徑可通之路該逆又已挖斷添築營壘數處東北隅無隙可乘惟有先得雨花臺方能出南而西日來先於龍脖子朝陽門一路進攻使之全力復趨東面然後我兵再攻雨花臺俟辦有成效卽當

奏

聞奏八

上命軍機大臣傳諭向榮許乃釗曰金陵踞匪現在南門扼守甚堅該大臣擬先於龍脖子朝陽門一路進攻使賊全力復趨東面然後進攻雨花臺卽可由南而西自係相機布置著卽督飭將弁兵勇奮力前進鎮江賊匪爲金陵外援若能設法先復鎮江翦其羽翼則金陵賊勢自孤攻剿更易得手該大臣等務當嚴飭和春督兵進取毋再延誤葉名琛等先後履備紅單船三十四隻計可陸續趕到卽著於江面擇要調撥相機剿截並可與艇船合力夾擊以清江面

聖學方略卷五十一

三

三

同日

上諭內閣曰前降旨將已革丁憂提督余萬清照刑部所擬罪名定爲斬監候現在江南勦賊正當喫緊之

時余萬清著發往向榮軍營飭令帶罪效力儻再不
知奮勉卽於軍前正法

二十八日辛未琦善陳金綬雷以誠福濟奏言近

日三汊河官軍疊次獲勝大挫賊鋒沿江上下
雖有賊船往來未敢遠向三汊河深入賊匪久
困思竄防範應嚴十一日巳刻賊由徐凝門一
帶出城臣福濟派參將馮景尼率領兵勇擊退

聖朝方略卷五十一

五

斃賊數十人旋又有賊匪六百餘人出城分三
路而來兵勇亦分三路迎敵斃賊多名餘賊紛
紛遁入城內十三日巳刻陝甘官兵在鳳凰門
攻擊適見賊匪從北門城頭縋下搭橋渡河約
有七八十名直撲前來都司常萬清等迎頭勦
擊同時西門迤南亦有賊匪百餘人縋城而下
經參將鞠殿華那瑪善等擊斃三十餘名餘賊

由暗門竄入我兵急發大礮將其未及竄入者
轟斃十餘名現在臣琦善臣陳金綬扼其西北

臣雷以誠臣福濟防其東南又經臣琦善撥派
重兵在三汊河駐守自南門以西層層布置迅
圖收復又據總兵武慶等稟稱七月初八日在
浦口搜獲賊目李二等據供因揚城緊急扮作
乞丐由江浦繞赴江甯令早設計前來救應並

聖朝方略卷五十一

五

據知縣都察森稟稱有義勇頭目唐仁榮訪知
湖廣船戶鄧三受賊旅帥僞職自江甯潛赴老
河影地方爲賊招募夥黨赴揚州接應經唐仁
榮帶領義勇往捕因該犯鄧三拒捕立時格殺
並殺紅巾賊三名餘匪逃散等情臣琦善查浦
口儀徵兩處防堵尙屬認真仍飭於江北各口
岸晝夜巡防奏入

上命軍機大臣傳諭琦善陳金綬雷以誠福濟曰揚城逆匪困守孤城望援甚切正當乘其窮蹙竭力圍攻三汊河既有重兵駐守瓜州之賊無從於城內接應江浦儀徵各口岸又經疊獲賊船木簞拾斬多犯是各路外援無從闖入該逆食盡計窮每圖奔突著該大臣卽會督諸軍迅籌克復務須嚴杜接濟解散脅從該匪所搭浮橋悉數撤毀肅清河面毋令一船漏

勦平粵匪方略卷五十一

三

入致奸細暗受雇募爲之勾結城內賊目尤須密籌內應設法偵拏毋任竄逸

同日張芾奏言本月初六日有賊四五百人突來京家山焚燒廟宇沿河放槍當經鎮勇等奮力迎擊斃斃數十人賊衆敗竄上船臣遂令各兵勇於初十日出隊分路進攻該匪仍負隅不出但於牆孔施放槍礮廣勇鎮勇等繞至東北

七里街該逆約出數百人經廣勇等擊斃數十人焚燬賊踞之屋數十間而還先是賊船數百隻分竄上游臣等札飭湖南管帶兵勇候補道夏廷樾等從上游迎頭截擊並令各地方文武員弁嚴密防堵江忠源旋接伊弟候補訓導江忠淑函稱帶勇一千名自瀏陽縣取道前來舟次瑞州府之光義市地方猝遇賊船百餘隻當

勦平粵匪方略卷五十二

三

用擡槍迎擊賊卽退回臣等旋探得瑞州府城於初二日被賊竄入豐城縣城早被水淹賊到卽焚城外廟宇並掠糧數船各該地方文武員弁是否避匿抑因兵單未能固守有無殉難情事應俟查明分別辦理十三日總兵音德布帶兵一千二百名到省計湖南兵勇數日內亦可到齊援兵俱至卽當設法進剿不敢延誤至上

游被賊竄擾 臣未能先事豫防咎有應得請

旨從重治罪奏入

上命軍機大臣傳諭張芾曰江西城圍尙未能解而分股之賊肆行上竄忽又折回下駛往來自如並未經我兵勦擊以該撫現奏情形而論似省城可保無虞而江面毫無把握若不迅將省垣盤踞之賊勦盡則下竄之賊勢難分兵追擊必至任其蔓延現在江南

欽定剿平粵匪方略卷五十一

三十一

所撥官兵及湖南兵勇陸續趕到當可一鼓殲除所有各兵勇應如何分撥留守追勦之處著與陳孚恩江忠源等通籌全局布置妥辦

上諭內閣曰賊匪分股竄入瑞州府城並於豐城縣城外焚廟掠糧雖經湖南兵勇沿途截擊上游賊船折回下竄張芾究未能先事豫防著交部議處該地方文武員弁是否避匿有無殉難情事並著查明具奏

同日呂賢基李嘉端奏言查七月十三日有賊

船二百餘隻揚言由運漕河攻撲廬郡又聞逆

匪竄入英山攻破太湖縣城西門焚燒縣署卽

乘筏至石牌槍擄現於三橋頭插樹偽幟聲言

欲竄集賢關練潭桐城各處 臣等伏思桐城巢

縣與廬州徑路交通尤虞各匪合夥竄撲刻下

察看各路情形何處最爲喫重 臣李嘉端卽會

欽定剿平粵匪方略卷五十一

三十一

同總兵玉山分別緩急親身督帶前往策應奏
入報

二十九日 壬申 請爾經額托明阿勝保奏言 臣等

探得該匪有十四日四鼓攻撲郡城之說當於

是日子刻密遣馬隊多帶槍礮火彈暗伏林中

乃甫近賊壘忽聞城上施放槍礮之聲我兵卽

開礮向土壘轟擊餘匪奔竄入壘逆眾即由東
南北三路蠶擁而來約計五千餘人偽天官副
丞相林鳳詳勒馬督陣經臣托明阿會同善祿
奮勇迎擊斃賊一百數十人該逆即竄匿村中
空屋欲抄我兵之後復經臣托明阿善祿佯為
收隊暗遣奮勇兵丁入村截殺逆眾忽分兩路
擁出臣托明阿善祿揮兵直前西凌阿明慶亦

聖朝方略卷五十一

三

帶領馬隊迎擊又斃賊二百數十人逆眾始奔
回土壘南路經臣勝保向黃旗林立處用礮轟
斃數十人賊少卻退旋又列隊撲來我兵奮力
向前復斃二百餘人忽見後路賊眾潮湧而上
分四股直撲陣前我兵馬隊分投衝擊復斃賊
百餘人此番逆匪實分十餘股傾巢而出以抗
我師今殲斃千有餘人賊膽已寒臣訥爾經額

現已駐紮清化即會督各路官軍約期四面兜
剿務使悉數殲除不留餘孽

勝保又奏言近日接仗屢次獲勝十四日該逆
復傾巢而出被我兵痛剿後一味堅匿賊壘不
敢復戰且知臣力攻南門賊壘欲濟城中民食
該逆將槍礮器械盡運至南關木壘加意抵拒
並將進戰之所添挖深濠三道暗於濠內設伏

聖朝方略卷五十一

三

我兵進擊該逆深匿濠中槍礮如雨無從進戰
若不急籌良法恐城中食盡不支大局所關殊
非淺鮮現在蒙

恩特撥之天津兵三百名及副都統松玉前任總兵德
坤管帶之兵五百名俱已到懷並山東撫臣李
德由河北撥來陝甘官兵九百餘名計日可到
合之臣原帶步隊官兵共有三千餘名又馬隊

八百名兵力已集可以作速攻剿定於七月二十一日移營前進與賊巢偏近相距不過半里可期進戰得手以救懷郡危急

勝保又奏言濟源孟縣一帶爲郡城西南要路現在各路重兵均在東北兩面西南太覺空虛時有奸民接濟賊糧火藥情事臣業與托明阿商派馬隊步隊千餘名駐紮崇義鎮迤西之二

剿平粵匪方略卷五十一

三

郎廟南路接濟自可斷絕惟查西南一帶道路紛歧尙有七里屯小官路地方爲西路要道仍有奸民接濟臣前經咨明陝甘督臣舒興阿請撥精兵一二千名渡河來援現尙未據咨覆應請

飭派帶兵大員迅速撥兵前往小官路及七里屯駐紮不特目下可斷賊匪接濟兼可杜其西竄之路

同日訥爾經額恩華奏言本月十八日臣恩華親督官兵行至丹河之季村卽見河西多賊似有迎誘之勢當令馬隊先行過河圍剿賊卽披

靡狂竄馬隊直前追殺共擊斃二十餘賊偏至樹林之內賊卽避入木柵我兵路徑不熟恐賊有伏不便輕進當皆勒馬排齊指揮步隊全行過河復令遊擊格洪額副將伊綿阿等列齊隊

剿平粵匪方略卷五十一

四

伍長互二里有餘見木柵內有賊數百人窺探伊綿阿格洪額當令督標兵弁分開兩隊先令千總王朝棟等施放炸礮火箭轟擊斃賊百餘並轟燬望樓二座木柵之內聲如鼎沸勢甚急迫卽見有騎馬賊數百人向南逃竄當經副都統托雲保等督令馬隊追擊又復殺斃百餘賊惟時總兵郝光甲會同烏勒欣泰進剿水北關

一路將賊踞房屋概行燒盡斃賊三四十名旋見沁河隄上湧出馬賊百餘人欲撲我兵之後隨督飭署參將劉允和都司劉立亨奮勇直前又斃賊匪三十餘人趕入沁河死者無數是日臣恩華並郝光甲兩路共殺賊一千數百名臣等仍會督各路官軍四面圍攻以解城圍均奏

八

聖恩匪方略卷三十一

三

三

上命軍機大臣傳諭訥爾經額恩華托明阿勝保曰現在懷慶賊眾匿巢不出郡城尙未解圍必應四面攻擊使賊首尾不能兼顧方可聚而殲旃訥爾經額現已駐紮清化鎮恩華等即可渡河合勒無難一鼓殲除該大臣等惟當懷遠疊次諭旨併力環攻其西路七里屯小官路等處仍應迅速派兵防守嚴斷奸匪接濟並可杜賊西竄之路至城中糧道如何能通亦

須設法籌運以資接濟

上又命軍機大臣傳諭舒興阿曰懷慶賊匪經托明阿勝保等屢勦獲勝勢已窮蹙現在我軍緊逼賊壘城圍指日可解惟西路兵力稍單防勦均關緊要著舒興阿於所帶官兵內遴選精兵一二千名派委得力將弁管帶由該督統領渡河與托明阿勝保等合力攻勦斷賊接濟迅解懷慶府城之圍並可杜賊西竄之路其陝州一帶仍應派鎮將帶兵嚴防

聖恩匪方略卷三十一

三

三

欽定剿平粵匪方略卷五十二 癸丑年

八月初二日 甲戌琦善奏言查浦口地方東通揚

州為江防重地七月十八日金堂門外有賊船

二十餘隻陸續駛至總兵武慶督率遊擊王巨

孝整隊迎剿並知會副都統開隆阿等帶領大

隊兵丁前往該逆開放槍礮抗拒該總兵分馬

步為二隊更番疊進施放槍礮火箭時值深夜

剿平粵匪方略卷五十二

一

昏黑波濤洶湧逆船駛進北岸為風所阻不能

退回立時延燒盡成灰燼賊匪窘急被我兵殲

斃多名焚溺死者無算生擒十六名奪獲大船

十隻小船九隻所獲賊匪內有偽總帥二名副

司馬一名至揚州賊匪困守堅城近日各路官

兵疊獲勝仗城中之賊望援不至陰蓄鋌而走

險之心七月二十一日外委姚長青帶勇赴徐

擬鈔關一帶出隊遇賊匪三百餘人出城賊見

兵少直前圍裏守備葉萬春等帶兵援應賊匪

退入街內參將師長鑣等各帶兵勇分四路進

街掩擊斃匪多名餘賊遁走入城二十三日西

門迤南埭坵山邊有賊緹城而下參將鞠殿華

等督兵施放連環槍礮斃賊六七十名又有賊

匪由仙鶴唳地方鎚下經都司葉舒青等帶領

剿平粵匪方略卷五十二

二

弁兵攻擊提督陳金綬親率參將那瑪善等馳

赴援應開放槍礮擊斃七八十名賊不能支仍

登梯上城而去現飭官兵盡力圍攻並飭浦口

等處照舊巡防肅清北岸以絕外援迅圖克復

奏八

上諭內閣曰此次賊船猝至浦口經總兵武慶等督率

弁兵於昏夜之中乘風縱擊痛加焚剿盡數殲擒實

屬奮勇出力著傳旨嘉獎其揚州逆匪亦經官兵截
剿疊獲勝仗賊勢已極窮蹙著琦善等仍督飭各路
兵勇迅即克復揚城毋任賊匪乘間竄逸

同日呂賢基李嘉端奏言逆匪自被湖北懲創
後收集黨夥乘間撲至英山旋入太湖直抵石
牌窺踞江家嘴並分股竄出洪家埠搶船意圖
東下經已革臬司張熙宇督飭廣音泰富惠等

勦平粵匪方略卷五十二

三




分兵兩路迎剿七月十九日廣音泰等督帶廣
東兵馳至洪家埠先攻水路擊壞賊船十餘隻
殺賊四五十名受傷落河者百餘名賊匪趕來
救應我兵迎頭截擊殺賊數十名生擒二十餘
名時富惠督率六安壯勇馳赴江家嘴該逆抵
死抗拒適洪家埠剿敗之賊逃回該處我兵奮
力攻擊殺賊數十名割獲長髮賊首級十餘顆

擊傷落水者百餘名生擒十餘名餘匪奔潰我
兵奮勇窮追殺賊無算其運漕一股經李鴻章
等帶勇直衝賊隊鎗斃執旗賊目一名現飭直
隸州知州李登洲帶勇馳往會同剿辦查已革
臬司張熙宇激勵弁兵將全股賊匪撲滅殆盡
實屬奮勉可否量予鼓勵出自

天恩奏入

勦平粵匪方略卷五十二

四



上諭內閣曰此次竄皖水陸賊匪大受懲創呂賢基等
務當乘此聲威督飭帶領兵勇各員合力攻擊悉數
殲除已革臬司張熙宇激勵兵勇將石牌全股賊匪
撲滅殆盡實屬奮勉出力著加恩賞給五品頂戴

同日江西學政沈兆霖奏言 臣奉

旨飭查賊竄江西所過情形深詢五月十四日賊船未
到南康府城即有居民百餘人將署星子縣知

縣羅雲錦擁至城內偏東之同善堂看守隨即劫獄放出監犯十五日署知府恭安往城隍廟行香居民又擁至同善堂與署令一同拘管十六日賊船到南門外未及登岸居民即將守令獻出並餽賊銀米食物都司胡瑤林乘馬出城亦被居民執送賊船傳聞守令都司現在賊船拘禁並有署知府恭安已經拘斃之說至湖口

欽定剿平粵匪方略卷五十二

五

彭澤兩縣據署九江府知府顏貽曾稟覆均被賊放火箭燒燬衙署揚帆而去城池未失等情尙多疑竇仍須確查現在江省援兵四集防守兵勇亦甚得力賊用地雷轟城屢試屢窮省城可保無虞惟攻勦殊難得手緣賊退必乘船竄逸我兵並無舟楫何以兜勦尾追誠得下游用戰船由湖口而入內外夾攻不難聚而殲旃否

則卽能擊退又將他竄聞省中現亦籌辦湖口堵截等事然戰船旣無民船難覓祇能於陸路截擊恐難斷其揚帆下竄奏入

上命軍機大臣傳諭張芾曰沈兆霖奏探詢賊船尙未到南康府城卽有土匪劫官餽賊殊堪痛恨著張芾再行嚴密訪查如果實有其事卽將爲首匪犯按名訪拏盡法懲辦其府縣都司等是否現在賊船拘禁

欽定剿平粵匪方略卷五十二

六

署知府恭安有已經拘斃之說是否屬實湖口彭澤各城果否保守完固著一併查明據實具奏毋得稍有諱飾賊船下竄應如何豫備戰船及雇覓民船堵截竄擾之處著該撫與陳孚恩江忠源及地方官紳等迅速籌辦妥爲布置仍隨時知照湖北並下游各省一體設法堵截毋任賊船往來竄駛

沈兆霖又奏言江西省城雖可無虞而賊窮四

竄必擾外府省城之兵勢難處處兼顧外府團練人數不少若齊心一志自可無藉於兵力如撫州各鄉團合計不下數萬臣向守令紳士再三勸諭令糾合鄉兵為守隘守城之計而各鄉皆以留保本村為詞且謂所練之眾祇可防土匪殊不知賊攻城垣而但自保本村置城垣於不問庸有益乎臣思撫州如此各府各省亦必皆然敢祈

聖學聖方略卷三十二

七

特降諭旨通飭各省辦團紳士於練勇中精選十之二三聯為鄉兵府縣有警各自救援其本府本縣不得株守本村以防土匪為詞恃為藏身之固外府外縣仍不得調往戰守以免擾累如此則外府皆可恃以無恐庶逆氛可靖矣奏入

上諭內閣曰前因逆匪各處紛竄勾結土匪擾害鄉間

疊經降旨令各省做行嘉慶年間堅壁清野之法或築寨浚濠或嚴守險隘原期守望相助互衛身家所有團練壯丁自不宜遠行徵調若本邑城池有警則附近村堡團練必應糾集壯勇合力援應使賊進無所踞退無所掠自不難一鼓殲除著各路統兵大臣督撫等剴切曉諭辦理團練各紳士凡附近郡縣鄉村一遇賊匪竄擾城池即行會同官兵併力攻擊慎勿株守一隅致有疏失蓋城池為一方保障官民聯為一氣斯即眾志成城之效鄉團中如有援城殺賊立功者即行奏請優獎以示鼓勵其隔府州縣仍不得遠行徵調以免擾累

聖學聖方略卷三十二

八

初三日乙亥 訥爾經額恩華托明阿勝保奏言懷慶逆匪屢經痛剿堅匿不出七月二十二日臣托明阿勝保列隊齊進窰濠築牆移營逼近賊

壘該匪情急撲出槍礮如雨我兵奮勇迎擊斃賊數十名臣勝保乘勢揮兵前進越過濠溝拋入火彈拆毀土牆將瓦屋百餘間同時燒燬焚斃賊匪數十名生擒十一名各壘賊匪復擁出二三千名分股來撲我兵分投追剿副都統松玉等帶隊齊出臣托明阿善祿又撥令歸化城漢南鎮各弁兵繞列前隊槍礮環擊踰兩時許

勦平粵匪方略卷五十二

九

賊旗紛紛倒地約斃四五百人斬獲首級二十餘顆臣訥爾經額恩華亦派撥馬步各隊馳赴丹河並令總兵郝光甲烏勒欣泰督兵直抵水北關槍斃手執黃旗賊匪四名燒燬木臺賊出馬步二隊繞撲我後我兵槍礮疊施斃賊多名又經左右伏兵齊出夾攻斃賊數十名賊始退避臣訥爾經額恩華擬於二十九日親統馬步

全隊於丹河口岸紮營督令兵勇過河直撲水北關正面分隊環攻使其抵禦不暇一面暗藏地雷以轟賊壘另於水北關旁面賊柵之外堆成土壘密令健卒層接而上拆其木柵以便接引兵勇齊入立破賊巢奏入

上命軍機大臣傳諭訥爾經額恩華托明阿勝保曰逆匪出巢抗拒我兵分路夾攻屢挫兇鋒亟宜乘勝進

勦平粵匪方略卷五十二

十

剿訥爾經額恩華擬親統馬步全隊於丹河口岸紮營分隊環攻並暗用地雷另堆土壘拆賊木柵以期立破賊巢所辦均合機宜惟於丹河口岸紮營距賊巢遠近是否得力該大臣等仍應督率鎮將渡河攻剿與托明阿勝保等聲勢聯絡南北夾擊使賊匪腹背受敵方能得解城圍至賊巢既破尤須嚴防竄逸西南一帶尙覺空虛應如何撥兵堵剿杜賊紛竄之

路隨時籌辦毋稍疏忽

同日奕經奏言查宿遷地方現設江南河南兩省糧臺乃清江後路前經陳明將派防之山西兵一千一百五十名統交江甯藩司陳啟邁就近帶領調遣並飭揀選壯健河兵扼要布置以壯聲威茲陳啟邁調補江蘇藩司即赴新任所有宿遷帶兵事務懇

聖學方略卷三十二

十一

飭接辦糧臺之廣東高廉道法良統帶隨時相機調遣其揀選河兵亦令一手經理以專責成奏入上從之

同日舒興阿奏言懷慶被圍各路官兵雲集河北壘獲勝仗賊勢已極窮蹙一經官兵擊敗難保不渡河南竄北岸現無船隻恐官兵一時不能過渡追剿轉致節節落後又成尾追之勢現

調陝省之兵與其過河會剿莫若迎頭截擊以期防剿兼濟近日河南府縣有拏獲身騎葫蘆

偷渡河南之賊是河北逆匪計圖南竄形跡顯著臣現飭陝兵自陝州先行馳赴河南府就近駐紮以資援應仍一面勤加偵探並飭駐紮孟津渡口之帶兵官珠克登等加意嚴防若懷慶賊匪南竄臣即趕往孟津一帶迎頭截擊如河

聖學方略卷三十二

十一

北情形較為緊急仍即督兵過河進剿奏入上命軍機大臣傳諭舒興阿曰據奏河北逆匪意圖過河南竄若官兵全數北渡則南岸空虛難於措手所慮不為無見該督現駐河南府距孟津渡口不過三十里甚為切近巡查自易周密該處先有珠克登所帶官兵一千餘名合之該督所帶已及三千數百員名如果賊匪窮蹙南竄儘足截剿惟過於既竄之後

尤須防於未竄之先其緊要渡口既駐重兵而偏僻
港汊亦應嚴密偵察如果北岸實無一船而南岸渡
河之具亦能收藏淨盡逆匪自無從偷渡尤應嚴拏
奸細絕其竄路該督斟酌現在情形如河南布置已
妥河北仍須接應卽行督兵渡河會剿勿誤事機

舒興阿又奏言陝州靈寶等處要隘亟應防守

前於六月初三日遵

聖恩匪方略卷五十二

十三

旨檄調總兵金萬全帶兵兼程馳往駐紮復經節次文

催而該鎮任意逗留至七月二十日始抵陝州

實屬遲緩且以武職乘驕行走顯違定例除將

該鎮現帶官兵另派委員管帶防守外相應請

旨將總兵金萬全革職以示懲儆奏入得

旨金萬全著卽革職以示懲儆

同日

上命軍機大臣傳諭陸應穀曰河南被兵處所民間蕩

析離居殊堪軫念其稍有餘力者諒已集費團練各

抒悃忱若將應徵錢糧照常徵收民力更恐拮据著

陸應穀慎委賢員詳細查應如何酌量蠲緩之處

迅卽馳奏候朕施恩

初四日丙子請爾經額恩華托明阿勝保奏言七

月二十八日臣請爾經額臣恩華親督侍衛托

聖恩匪方略卷五十二

十四

雲保蒞秀前任河東河道總督文沖六品頂戴

奕紀運司楊需並各鎮將文武員弁練勇兵丁

直過丹河徑撲賊壘該逆分四股撲出抵拒我

兵分作五路以四路迎擊賊隊以一路從中直

衝木柵復督吉林黑龍江馬隊從旁分抄我兵

奮勇爭先搶入木柵施放炸礮該逆猝不及防

自相驚擾通永鎮兵丁孫化龍武陟縣練勇武

舉任殿揚首先登柵奪獲旗幟各兵勇立將木柵拆毀並用火器一齊拋擲烈燄飛騰木柵房屋焚燒幾盡該逆冒火衝煙奮力死鬪我兵槍箭刀矛並進斃賊千餘名其柵外迎拒賊匪見柵內火起歸路已斷紛紛敗走經兵勇追擊斃斃五六百名斬獲首級百數十顆臣托明阿臣勝保會同善祿等移營緊逼賊壘晝夜攻勦並

聖朝方略卷五十二

十五

張貼告示解散脅從密用反間離其腹心悔罪投誠者不下數百人訊知二十二日接仗其偽丞相林瀛詳李開芳已被礮傷賊營人心潰散猶於郡城東南隅挖地道妄思攻踞府城當卽密遣壯丁進城飭令嚴加防範適臣恩華舒興阿將火箭等項解到臣勝保亦於二十八日選派兵勇暗撲賊壘炸礮竹礮噴筒火箭一齊

施放兵勇隨進隨攻逆匪四路狂奔我兵往來截殺約數百人西凌阿明慶雙成烏凌額等帶領馬隊生擒四十餘名我兵縱火焚燒賊巢守城文武亦派兵勇縋城助戰總兵郝光甲烏勒欣泰各督兵接應四面圍攻統計斬獲賊匪二千餘名奪獲槍礮旗幟器械騾馬無算懷慶城圍立解餘匪皆蒼黃西竄旋於二十九日探報

聖朝方略卷五十二

十六

逃匿中有頭戴黃巾乘坐竹轎賊目一人兵勇立前捉拿有匪黨數十人上前奪護兵勇卽將該賊目擒出轎外割取首級並生擒槍護之賊十八名其投誠被脅二百餘人分別安置一面搜捕餘匪一面運送米糧接濟城內民食臣托明阿臣勝保善祿入城安撫臣訥爾經額臣恩華拜摺後亦卽親往宣布

德意妥爲撫恤至潰逃餘匪 臣等復派副都統托雲保等分帶馬步官兵跟蹤追剿 臣勝保亦擬拔營親督兵勇追躡其後務期悉數殲除並分咨山西河南各撫 臣暨河 臣長臻太常寺卿王履謙及駐紮孟津之副將珠克登等一體嚴密堵截不使一賊漏網查懷慶被圍將及兩月該地方文武嬰城固守不遺餘力無愧守土之官可否

聖學方略卷三十二

十七

同在事出力文武各員弁由 臣等奏請鼓勵之處出自

天恩奏入

上命軍機大臣傳諭訥爾經額恩華托明阿勝保曰官軍攻破賊巢斃賊殆盡懷慶城圍立解並運糧接濟民食入城宣布德意不但圍郡紳民同聲欣感卽河北各郡人心亦可大定惟零匪西竄雖爲數無多而

奔突性成難保不散而復聚該大臣等派委將弁分帶馬步官兵跟蹤追剿勝保亦擬親督兵勇追躡其後並據稱已知照哈芬陸應毅長臻王履謙珠克登等一體堵截嚴密搜緝務期悉數殲除勿留餘孽斷不可因城圍已解屢勝之後稍涉大意其割取首級之乘轎賊目係何姓名其逆首林源詳李開芳受礮傷後是否業已殲斃卽向生擒各匪內細心研鞫如

聖學方略卷三十二

十六

爲未殲擒必應迅速躡緝勿令免脫該郡甫解倒懸之虞未復該大臣等督兵分駐彈壓卽飭令地方官

上諭內閣曰逆賊渡河北擾攻圍懷慶環城築壘大肆被猖經朕特命大學士直隸總督訥爾經額爲欽差大臣尙書恩華將軍托明阿內閣學士勝保幫辦軍務督率各路精兵會合進剿疊次獲勝該逆負隅抗

拒將屈六旬城中文武紳民極力守禦朕軫念生民
方深焦灼本日據訥爾經額等馳奏官兵攻破賊巢
城圍立解人心大定此皆仰賴

天恩默加眷佑朕心寅感倍增訥爾經額運籌決策調

度有方著加恩賞戴雙眼花翎並賞穿黃馬褂恩華
托明阿勝保幫辦軍務與善祿西凌阿力籌攻勦謀
勇兼施洵堪嘉尚恩華著賞穿黃馬褂托明阿著賞

御製方略卷三十二

十九

穿黃馬褂並賞給西林巴圖魯名號勝保著賞加都
統銜並賞穿黃馬褂仍給予霍變巴圖魯名號善祿
著賞戴花翎並賞給斐里巴圖魯名號西凌阿著開
復都統原官仍加恩賞戴花翎以示嘉獎懷慶府守
城文武官員前經降旨加恩念其力保危城始終不
懈允宜再沛恩施以為守土者勸道員用懷慶府知
府余炳燾著賞加按察使銜知府用河內縣知縣裘

寶鏞著賞加道銜候補遊擊穆奇賢著賞加副將銜
仍與在事出力文武員弁及守城官紳兵勇與首先
登柵奮勇尤著之兵勇均著該大臣等查明迅即保
奏候朕施恩軍機大臣祁雋藻麟魁邵燦彭蘊章穆
蔭夙夜在公贊襄樞務允當先沛恩施均著賞軍功
加一級兵部捷報處郎中保成著賞軍功加一級委
署主事恆興筆帖式國英均著賞戴藍翎仍各賞給

御製方略卷三十二

二十

軍功紀錄一次員外郎舒弼文成主事壽齡筆帖式
奎璋潘德成景新均著賞給軍功紀錄三次此次懷
慶解圍逆匪殲除殆盡大河南北生民重登衽席軍
威大振不難水陸並下直抵江南惟琦善向榮均係
特簡大臣各統重兵攻圍金陵揚城均經數月之久
株守無功若必俟北軍南下助勦始克奏功能無汗
顏且朕於諸大臣倚為干城切望同膺懋賞尚其同

心勦力迅圖克復三城綏靖南疆式符朕望

初五日_{丁丑}雷以誠奏言臣營本無一兵僅恃募

勇三千名而東路萬分喫重節節扼要嚴防如

施家橋路通瓜州尤宜扼守以斷接濟經臣派

勇一千餘名委五品翎頂張翊國管帶防堵其

餘各要隘如李墅河等不下十餘處均經撥勇

巡防所有存營之勇不足千名不敷分布當此

欽定剿平粵匪方略卷五十二

三

賊情窮迫東竄時虞急應防勦兼施迅圖克復

未便坐待援兵轉誤機宜臣已派員在清淮一

帶陸續添募壯勇一千餘名合計臣營前後共

募壯勇四千餘名連日勤加操練藉資攻勦奏

八

上命軍機大臣傳諭琦善陳金綬雷以誠福濟曰逆匪

占踞揚城業經半載琦善等經朕特簡統帶重兵數

月以來雖屢獲勝仗而未能克復朕心時深焦灼其

竄擾懷慶之賊殲斃殆盡河北一帶漸就肅清逆首

吉汝元早經殲斃林鳳詳李開芳等亦均受戮傷所

餘零星賊匪不難盡數殄滅揚城賊匪勢本窮蹙一

聞此信更應瞻落該大臣等務當乘此聲威督飭各

路將弁兵勇合力圍攻一鼓作氣迅圖克復本日據

雷以誠奏東路喫緊存營之勇不敷攻勦添募壯勇

欽定剿平粵匪方略卷五十二

三

一千餘名著卽照辦惟該處僅有壯勇四千餘名仍

恐難資得力琦善與雷以誠福濟等雖分路駐紮其

實共辦一事著卽相度情形如東路一帶緊要卽行

派兵前往接應慧成容照等所帶之兵計日亦可趕

到一併酌量擇要分撥萬勿任賊奔突復滋蔓延

稍有疏失致賊竄逸朕惟該大臣等是問

同日

上命軍機大臣傳諭王履謙長臻曰官兵攻破賊巢懷慶餘匪窮蹙奔逃難保不復圖回竄著王履謙長臻督飭防河文武員弁嚴密巡查務將船隻設法收集毋令餘匪搶渡現在官兵四路追勦儻必須渡河所有應用船隻仍著妥為豫備勿致臨時貽誤

上又命軍機大臣傳諭舒興阿哈芬曰河北勦賊大勝懷慶解圍餘匪西竄山陝與豫省交界地方必應嚴

聖學方略卷五十二

三



密防範舒興阿現在駐紮河南府距孟津渡口甚近著卽督飭署副將珠克登實力巡防如有餘匪南竄卽行截勦其餘渡口著陸應穀督率該管地方官會同弁兵實力堵截所有渡口船隻固當無誤官兵往來仍須嚴防竄匪偷渡山西澤州與懷慶密邇防堵尤關緊要哈芬現駐太行山口著卽督飭帶兵員弁會合各路官兵實力兜勦其逃竄之匪尙恐有頭目

在內務當四面躡緝勿令一名漏網

初七日己卯王履謙長臻奏言查日來河岸一帶

逆匪紛竄尋覓渡船經兵勇四面截擊除槍擊格斃及落水淹溺外共獲逃匪四十餘名探報懷慶業已解圍餘匪覓渡正在濟源一帶對岸係孟津口也上臣等前經奏明將原駐木藥店之河屯協兵二百名移紮該口以資捍禦嗣請

聖學方略卷五十二

三



爾經額咨商以孟津渡口現有陝甘防兵一千名足資扼守仍將河屯協兵撤回惟查孟津渡口兩岸皆須設備河南府知府李潔現帶兵勇一千數百名專駐南岸嚴拏逃匪復經撫臣派撥弁兵二百五十名協同陝甘弁兵上下巡哨已昭嚴密而河屯協兵撤回以後北岸仍屬空虛相應請

旨飭下陝甘督臣分兵五百名移紮孟津北岸以期兼顧而免疏虞

王履謙又奏言查懷郡賊匪敗竄往來無定回竄偷渡在在須防北岸既有河臣長臻駐守河北道蔣啟敷亦已到工協防臣拜摺後先帶河標兵五十名前往南岸各口周歷巡緝並飭沿河文武實力嚴防惟河岸絲長臣一人耳目難

欽定剿平粵匪方略卷五十二

三

周仍帶同知府戴鸞翔等上下巡查搜拏私渡以肅河防奏入

上命軍機大臣傳諭王履謙長臻曰現在懷慶解圍餘匪已竄孟津渡口兩岸皆須嚴防偷渡其南岸兵勇已有二千餘名北岸須添兵協防惟舒興阿所帶官兵無多不便分撥諭令訥爾經額於所轄官兵內速撥五百名派員帶往孟津北岸巡緝著卽妥爲布置

王履謙現帶同知府戴鸞翔等於黃河上下各口周歷巡查無論南岸北岸均須兼顧著長臻嚴飭河標弁兵協同地方文武認真巡防毋令竄匪乘間偷渡

上又命軍機大臣傳諭訥爾經額曰前獲懷慶解圍捷報朕心稍慰惟西竄餘匪究係逃往何處是否竄入太行抑由黃河渡口四竄連日追擊情形如何著訥爾經額飛速馳奏以紓廑念仍隨時知照舒興阿張

欽定剿平粵匪方略卷五十二

三

祥河陸應毅哈芬於各要隘一體嚴密堵截務期悉數掃除斷不可令餘燼復燃致滋延蔓本日據王履謙等奏孟津北岸空虛請飭舒興阿分兵五百名移紮該處以期兼顧現在舒興阿駐紮南岸防剿亦關緊要著訥爾經額於河北官兵內速撥五百名派員帶往孟津北岸駐紮巡查毋稍遲誤

初八日庚辰勝保奏言臣自懷郡解圍後一面搜

擊零匪安撫居民一面分兵派員跟蹤追剿提
 臣善祿已先帶兵前進 臣於八月初二日督率
 將士徒步裹糧而行鑼鍋帳房不及隨往是日
 行抵濟源縣探知逆匪竄至焚擄村鎮圍攻縣
 城聞大兵已到復從西竄士卒沿途追剿斬擒
 賊匪一百數十名查濟源西路毗連山西垣曲
 山路崎嶇逆匪被創狂奔是其長技我兵裹糧
 徒步率多疲乏勢恐尾追不及現已與善祿西
 凌阿函商兩路進剿一由封門山邵原關前進
 一由濟源順黃河一帶直赴垣曲以便會剿 臣
 慮懷慶西路空虛屢次札調總兵郝光甲速渡
 沁河杜賊西竄無如該鎮以駐守七里橋為詞
 半月之久未肯移營渡沁以致餘匪西竄事機
 不宜再誤應請

聖恩方略卷五十二

三

飭下統兵各大員並山西撫 臣速派得力弁兵於垣曲

西北各隘口實力截剿 臣等仍趕緊追擊以期
 及早肅除不留餘孽

同日山西布政使郭夢齡奏言八月初四日接

准撫 臣哈芬由澤州行營飭知懷慶解圍餘匪

向西竄逸 臣深慮該匪由濟源竄入晉省當飭

蒲州府知府瑞昌就近探明賊蹤轉稟陝甘督

聖恩方略卷五十二

三

臣舒興阿酌派官兵迅赴垣曲一帶防剿正擬

稟請撫 臣移營迎剿間旋於初五日接據防堵

同知魯鴻疇稟稱初一日賊匪已到濟源縣屬

封門口地方所有前派防堵垣曲之大同鎮兵

七百餘名經河東道飭令分赴各隘口駐紮一

面札飭垣曲縣知縣晏宗望等帶領練勇登陴

固守該同知前往硤口等村募勇協禦初二日

聞賊圍垣曲縣城該同知趕緊折回見北門已
開知爲賊踞傳聞河東道張錫蕃垣曲縣知縣
晏宗望尙無下落等情查垣曲離省九百里南
界豫省西界河東東界澤州北界平陽現在賊
窟垣曲惟有先守平陽一帶以杜北竄兼固省
城而保畿輔門戶查撫臣已至陽城署臬司郭
用賓尙在太行山駐紮所有太大二鎮官兵先

聖朝方略卷五十二

五

後調赴直隸江南九千餘名本省潞澤蒲解絳
等府州五千餘名省城僅存兵一千三百餘名
練勇二千餘名不敷防守刻又商同前太僕寺
少卿徐繼畬等督令紳民趕緊續練壯勇以資
守禦除飛稟撫臣暨河北統兵大臣請爾經額
等酌派重兵由澤州入山取道平陽迎頭截擊
並請陝甘督臣舒興阿派兵由平陸縣茅津渡

就近前來接應兼飭省南各府州縣一體嚴防

外伏乞

飭下懷慶陝州統兵大員速撥重兵來晉分投堵剿均

奏入

上命軍機大臣傳諭勝保曰該逆圍攻濟源縣城聞大
兵已到卽時西竄勝保與善祿西凌阿分路進剿該
逆已竄入垣曲勝保統兵追剿事權必須歸一所有

聖朝方略卷五十二

三

各路大營追剿官兵俱著准其調遣以專責成山西
本省將弁兵丁亦准酌量調撥如有不遵節制遲延
貽誤者卽行嚴參治罪山西兵力太單哈芬又未悉
賊情恐其布置不能周密勝保善祿西凌阿等旣分
兩路追剿務須設法繞出賊前或飛咨哈芬令將何
路官兵調至何處庶可前後夾擊迅掃賊氛
上又命軍機大臣傳諭托明阿勝保善祿曰賊匪竄入

垣曲縣城該縣北界平陽西鄰河東該省官兵調赴
他省已九千餘名巡撫哈芬甫自澤州前赴陽城尙
未知垣曲失事是該處兵力既單聲勢亦不聯絡賊
匪自懷慶敗竄後奔突而西及早勦除尙易淨盡否
則成滋蔓難圖之勢本日已諭令訥爾經額等迅飭
鎮將大員帶兵由澤州一路抄出賊前迎頭截擊著
托明阿卽統兵馳往與勝保善祿合力夾攻乘賊匪

聖朝方略卷五十二

三

喘息未定一鼓殲除萬勿稍有遲誤

上又命軍機大臣傳諭哈芬郭夢齡曰前因懷慶賊勢
窮蹙西路濟源等處空虛屢諭統兵大臣及山陝督
撫嚴堵要隘昨因郡城解圍訥爾經額等摺內有餘
匪西竄之語復經申諭哈芬等會合兜剿茲據郭夢
齡奏稱賊匪自封門口擾及垣曲地方何以該處竟
無準備該撫僅知防守陽城各隘而於垣曲防守未

經議及是又墮逆賊避實擊虛之詭計現在本省兵
力不能分撥出剿該撫已抵陽城急應前往扼要地
方繞出賊前截擊萬不可稍涉遲延再有貽誤此時
敗殘零匪數尙不少若任令搶掠裹脅恐又成滋蔓
難圖之勢現在勝保善祿等帶兵西追本日復諭令
訥爾經額派兵迅由澤州一路截擊並令托明阿帶
兵前往與勝保等合力夾攻著該撫嚴諭各屬地方

聖朝方略卷五十二

三

文武聯絡紳民悉力防禦但能固守城池援兵一到
立可殲除此卽堅壁禦寇之善策澤州府在籍御史
王通昭聞其倡辦團練頗有成效卽傳旨諭令督率
練勇商同本籍紳士妥爲防衛潞安一帶防守亦關
緊要儻賊匪由澤潞一帶分路竄入蔓延更不可問
署臬司郭用賓現駐太行卽責成嚴防不可稍有疏
失哈芬遠在省南所有省城一切籌防著該藩司卽

督飭文武員弁並與前任太僕寺少卿徐繼畬前任鴻臚寺卿賈克慎前任內閣侍讀學士郭景億等同辦理河東道張錫蕃垣曲縣知縣晏宗望是否先期逃避著該撫與該藩司一體嚴查儻有棄城先遁情形卽著革職拏問按軍法從事防守隘口各官兵是否遇賊卽潰亦著查明具奏蒲解等處偏近陝省尤應亟籌堵禦著卽知照舒興阿張祥河飭令派防

欽定剿平粵匪方略卷五十二

三

文武一體嚴查至勝保進剿赴晉之兵應需糧餉著該撫與該藩司卽飭承辦糧臺之員隨時接濟

上又命軍機大臣傳諭訥爾經額恩華曰賊匪竄入晉境擾及垣曲亟宜迅速剿辦哈芬行抵陽城已諭令星馳督剿惟山西兵力太單著該大臣等迅派精兵由澤州入山探明賊蹤迎頭截擊並著官兵由正定府獲鹿井陘一路入山以爲太原後路接應前經調

防直隸之山西官兵卽可令其折回晉省以資攻剿該匪窮蹙奔竄喘息未定必當乘此迅速追截以期悉數殲除山西與直隸處處毗連關係甚重想該大臣等定能統籌全局迅速布置也總兵郝光甲前經托明阿勝保調赴西路堵截若卽遵調早渡沁河前往何至該匪從此路竄逸著訥爾經額嚴飭該總兵等星速追剿如再有延誤定卽重治其罪勝保等裹糧道行鑼鍋帳房未及帶齊著卽催令糧臺迅速運送前進其火藥鉛丸均著隨時接濟

欽定剿平粵匪方略卷五十二

四

上又命軍機大臣傳諭桂良曰懷慶餘匪竄入山西垣曲縣已諭知訥爾經額迅速派兵由澤州一路截剿並分兵由獲鹿井陘一路入山以爲太原後路接應

直隸爲畿輔重地所有毗連山西各要隘該尙書仍當隨時妥爲布置慎密設防並緝拏土匪盤查奸細

勿任勾結為患

上又命軍機大臣傳諭舒興阿曰賊匪西竄垣曲勝保自懷慶拔營與善祿等跟蹤追剿即可馳抵晉境舒興阿現駐河南府城著即就近派委鎮將大員統帶官兵由平陸之茅津渡星馳前往應援與勝保等合力夾攻總須抄出賊前不令竄入平陽蒲絳一帶此股賊匪敗竄之餘迅速兜圍可期掃除淨盡總兵郝

聖學聖方略卷五十二

三

光甲與烏勒欣泰先由訥爾經額派往追捕該總兵等由何路進兵即著該督飭令飛速前進其黃河渡口有珠克登帶兵巡防仍當嚴密偵察潼關一帶與山西河南毗連均須加意防守不可稍有疏虞

同日

上諭內閣曰自賊匪竄擾大河南北豫省官紳兵民人等戮力同仇登陴守禦朕心實深嘉慰昨懷慶解圍

守土各官均經優予獎賞並特旨令統兵大臣等將

該處出力之官弁紳民兵勇查明保奏矣因思懷郡被困將近兩月竟能力捍危城保障河北固由守土官吏激勵有方亦由該郡士民深明大義允宜破格施恩用昭獎勵所有懷慶府縣學額著該部酌量增加以為紳民固守者勸至開封之擊退賊匪許州之保全城邑民心堅定均屬可嘉著一併賞加學額該

聖學聖方略卷五十二

三

部即查明該府州縣學額酌擬加額名數具奏以示優獎

初九日 辛巳

上諭內閣曰昨有旨令該部酌增河南懷慶及開封許州各學額以示優獎因思上年廣西桂林湖南長沙各省城先後被圍日久均能竭力捍禦轉危為安該處士民志切同仇深明大義自應一體破格施恩以

昭激勸所有廣西桂林湖南長沙府縣學額著該部一併查明酌擬加額名數具奏

同日

上諭內閣曰朕惟致治之方安民必先察吏各省府廳州縣皆係親民之官如能戢暴安良留心教養俾小民咸趨正業何至惑於邪說相習爲非自軍興以來被賊滋擾地方固因奸民煽亂亦由吏治廢弛釀成

欽定剿平粵匪方略卷五十二

三七

巨患卽有一二循良之吏力求整頓地方者或因資格較深循例遷擢又或因該管上司調署他缺未能久於其任致令司牧之官視職守如傳舍置地方利弊於不問民風何由而淳吏治何由而飭現在被兵省分瘡痍未復亟須廉明之吏拯我羣生著各該督撫察看該省緊要缺分及凋敝之區慎簡賢員俾令彈壓撫綏力圖補救如果撫馭有方著有實效卽行

奏請給與升銜仍留本任數年之後政成報最朕必破格施恩超遷不次其餘各直省地方並著各該督撫等隨時體察如有人地相宜不須更調者亦可奏請加銜留任俾盡心民事興利除弊日起有功朕將求才於循吏之中備他日封疆重寄其各勉圖報稱以副朝廷任官惟賢之意

欽定剿平粵匪方略卷五十二

三六

臣等謹案逆匪初起粵西不過數人倡亂厥後蔓延日甚裹脅居多夫民豈樂從逆哉飢寒迫之邪說惑之也使牧民者若龔遂之治渤海黃霸之治潁川則化盜爲甯豈煩

天討吏治與兵事相終始故選吏急於選將漢代循良大率累稔不遷就加恩秩蓋賞優則人勸任久則化行都哉

聖謨異世而同揆矣

欽定勦平粵匪方略卷五十三 癸丑年

八月初十日 壬午 郭夢齡奏言探聞賊匪於初五

日由絳縣竄至曲沃縣境逼近平陽該府城內
僅存兵二百餘名業已閉城防守雖據探報郝
光甲由澤州翻山馳赴垣曲絳縣一帶迎勦勝
保由濟源尾追乃賊匪已竄過絳縣則兩路官
兵均已落後平陽為省城保障若一有失全晉

勦平粵匪方略卷五十三

一

震動現在撫臣仍駐陽城臣雖疊次飛請飭調
總兵烏勒欣泰迅帶弁兵折回平陽堵截此時
已趕不及曲沃距省僅七百里不可不豫為嚴
防已商同前太僕寺少卿徐繼畬暨眾紳士稽
察奸細並續練壯勇以資守禦一面稟催撫臣
嚴飭帶兵官弁迅速迎勦以遏賊竄省垣之路

乞

飭下河北統兵各大員親帶重兵星馳來晉應援奏入
上命軍機大臣傳諭哈芬郭夢齡曰賊匪由豫竄入垣

曲復由絳縣竄至曲沃逼近平陽該府為省城保障
城內存兵僅二百餘名實形單弱著哈芬迅即統帶
弁兵兼程馳赴扼要地方迎勦杜賊北竄之路現在
勝保善祿等統領大兵分路緊追郝光甲由澤州翻
山迎勦該地方文武及紳民人等如能於賊過處所

勦平粵匪方略卷五十三

二

登陴固守各村莊皆團練自固則賊匪前無可掠後
有追兵當不難立就殄滅著哈芬郭夢齡即行剴切
曉諭各屬城鄉紳士商民務宜安靜固守自相保衛
並嚴飭曲沃及平陽城內文武兵民同心守禦以待
援兵太原省城即責成郭夢齡會同徐繼畬與同城
官紳兵民人等密為防範嚴查奸宄總以鎮靜安定
人心為要

上又命軍機大臣傳諭訥爾經額曰昨因賊匪竄入垣曲諭令訥爾經額派兵前往截擊刻下曲沃被擾亟須援應已諭令勝保善祿迅速督兵進剿著訥爾經額卽飭官兵趕緊翻山前進合力攻擊正定近界山西並著迅派將弁帶兵由獲鹿一帶入山往援可期速到該大臣卽酌量調撥移遠就近毋稍延誤直隸各處防守事宜仍著該大臣妥籌布置前調之盛京

欽定剿平粵匪方略卷五十三

三

吉林官兵四千名已令暫停現在軍務未竣直隸地方緊要應如何擇要防剿之處並著該大臣相機調遣

上又命軍機大臣傳諭勝保善祿曰賊竄曲沃逼近平陽關繫晉省全局若令其沿途搶掠裹脅踞險負隅或又築壘掘濠施其故智攻剿更覺費力勝保善祿等分路緊追諒不至稍有遲緩郝光甲由澤州翻山

迎擊不知現抵何處著勝保統籌全局何路可以設伏何路可以迎擊何處官兵可以就近調撥酌量妥速布置務須設法繞出賊前合力夾擊萬不可任賊紛竄致有蔓延前曾諭令托明阿統兵馳往夾攻此時諒亦行抵晉境其應如何扼要堵截之處並著勝保隨時知照辦理

十一日癸未訥爾經額恩華奏言懷慶餘匪潰敗

欽定剿平粵匪方略卷五十三

四

西竄固已萬分窮蹙第未燼餘灰必應悉數撲滅臣恩華當於七月二十九日派協領台祿佐領巴揚阿帶領馬隊兵二百名跟蹤追剿復派副都統托雲保帶領馬隊兵五百名接續前進嗣又派馬隊兵四百名攜帶米糧送往接濟並資協剿八月初一初二等日又令總兵郝光甲帶兵二千五百名總兵烏勒欣泰帶兵一千五

百名翻山截擊並派總兵董占元帶兵八百名
爲托雲保接應茲據托雲保函稱初一日行抵
濟源初二日督兵入山沿途殺賊數十人初三
日行至封門口有踞匪列隊抗拒我兵上前捉
拏該逆正欲開礮馬隊已疾驅前進一擁而過
該逆蒼黃失措均被我兵擒斬隨進山搜捕見
賊匪百數十人潛伏山溝我兵奮勇轟擊斃賊

聖朝方略卷三十三

五

大半奪獲器械多件並生擒十餘名訊稱前行
賊匪約已到邵原關山路險峻晝夜跣足狂奔
無不力竭足腫十分狼狽托雲保於訊明後盡
行正法仍卽督兵追擊等情查邵原關迤西卽
天檀山爲入晉之路臣請爾經額屢經咨會山
西撫臣哈芬嚴防當已派兵堵截不至任其關
入伏思該逆圍攻懷慶時米糧缺乏臣恩華早

已防其竄越因東南北三面均有軍營惟府城
迤西較爲空虛是以咨商托明阿就近撥兵防
剿准托明阿咨覆商同勝保善祿將副都統雙
成所帶馬隊兵五百名並善祿所帶兵內分撥
六百五十名一併交雙成統帶前往府西擇要
安營以便夾攻嗣未據雙成將何處安營何日
到防咨報究竟該逆潰竄之際雙成係在何處

聖朝方略卷三十三

六

紮營因何並不攔截現在飭查覈辦臣請爾經
額現仍暫駐清化以資鎮撫臣恩華卽移營濟
源作爲後路接應務期掃淨餘氛
請爾經額又奏言臣接准山西撫臣哈芬咨稱
賊已翻山擁入垣曲隘口請速派官兵二三千
名馳赴垣曲一帶進剿臣查總兵郝光甲烏勒
欣泰已帶兵四千名翻山前往與托雲保等合

力夾擊茲臣又續派天津通永宣化並山西兵
共一千三百名派委副將孔廣順統帶取道攔
車口由小路直赴山西陽城該逆如由垣曲北
竄陽城係屬最要之路該副將到彼探明賊蹤
即可會同郝光甲等併力截剿奏入

上命軍機大臣傳諭訥爾經額恩華曰前因懷慶攻剿
賊匪西北空虛慮其潰圍奔竄早經諭令訥爾經額

聖學聖方略卷五十三

七

等撥兵堵截迫該郡解圍據奏餘匪西竄復諭令派
兵迅往追剿茲據哈芬郭夢齡等先後奏稱賊匪竄
入垣曲縣城旋擾曲沃偏近平陽如果該大臣等布
置迅速周密何至任其奔突現雖撥兵追剿不過於
封門口小有斬擒其大股賊匪竄入晉省者為數已
屬不少勝保此時想已由濟源追賊前進而郝光甲
等翻山由陽城進剿之兵恐已落後該大臣等先後

所派馬步隊各兵現在追至何處是否與勝保等兵
會合晉省存兵甚少惟有嚴飭諸軍迅速追捕毋令
待援不至以致失事恩華現擬移營濟源以為後路
聲援恐賊蹤尚遠仍屬無濟著即相機前進毋稍延
誤晉省為畿輔屏藩處處壤地毗連關繫甚重若各
路追兵及早趕到尚可即時撲滅為亡羊補牢之計
據奏前派雙成防守西路何以不令郝光甲前往協

聖學聖方略卷五十三

八

防哈芬既以晉省兵單賊數甚多為辭該大臣等又
以西路竄出事後歸咎他人為解總之賊匪由豫竄
晉兩省督兵大員均難辭咎若再遷延推諉致令賊
匪踞險負嵎餘燼復熾咎將誰執朕賞功罰罪一秉
至公調度有方固不吝特加懋賞儻玩延貽誤亦豈
能不執法從事耶懷之

上又命軍機大臣傳諭勝保善祿曰據訥爾經額恩華

奏餘匪潰竄入山派兵追勦所有派出之兵現已行抵何處與勝保等兵是否會合其副將孔廣順所帶官兵訥爾經額飭令取道攔車口直赴陽城此時賊匪已竄至曲沃逼近平陽關繫晉省大局勝保與善祿西凌阿等務須迅速追勦以馬隊繞出賊前遏其北竄斷勿任賊狂奔肆行搶掠襄脅又成滋蔓之勢訥爾經額所派官兵前已有旨均歸勝保調遣著卽

聖恩聖方略卷五十三

九

嚴催速進尾追已屬落後若再遷延觀望餘匪何時翦除晉省爲畿輔屏藩人民富庶斷不可再致蹂躪至直隸正定亦太行之要隘已諭令訥爾經額派兵由獲鹿一帶入山以爲太原後路接應勝保等著卽通籌全局迅掃妖氛以副朕望

上又命軍機大臣傳諭哈芬郭夢齡曰昨因賊竄曲沃諭令哈芬兼程馳往扼勦本日據訥爾經額等奏派

令副都統托雲保等入山勦賊探知該匪於初三日已由封門口直趨邵原關先會咨該撫派兵堵截當不至任其闖入等語昨據該撫奏稱賊數尙多晉省兵單固係實情何以一經賊匪竄至並未聞如何接仗而該撫所派防守垣曲之道員張錫蕃等何以並無稟報顯係見賊卽逃著卽查明奏現在賊已逼近平陽該撫由陽城鳳臺一路前進已恐落後總

聖恩聖方略卷五十三

十

兵烏勒欣泰是否先抵平陽其府縣文武如何防守若再似張錫蕃等之遇賊卽潰勢將何所底止但能固守城池則各路援兵齊至何難一鼓殲除該省民力富厚且爲畿輔屏藩哈芬職在守土責無旁貸訥爾經額先後所派馬步隊官兵計已陸續追及勝保與善祿西凌阿分路追擊想亦緊躡賊蹤其郝光甲等翻山由陽城進勦之兵尙恐落後必須飛催前進

毋任觀望該撫卽遵昨降諭旨迅速馳赴平陽一帶扼要迎擊此股匪數尙多如稍遲延致賊分竄汾霍之間則省城情形益形喫重該撫其能當此重咎耶

十二日甲申舒興阿奏言據灑池縣知縣胡廷弼稟稱懷慶西竄賊匪已至山西垣曲縣現在南岸緊急等情查垣曲爲山西扼要門戶撫臣哈芬現已撥兵防堵特恐兵數尙單難期得力自

欽定剿平粵匪方略卷五十三

十一

應迅速撥兵前往協剿惟臣所帶陝甘官兵先已令總兵桂齡帶領一千五百餘名前往河南府相機進剿臣行營未經起程之後起官兵僅有七百餘名不敷分撥查有前經奏明移往觀音堂駐紮之涼莊滿兵五百名尙未起程隨令副都統綿洵統帶卽於初七日起程從會與鎮過河由茅津渡前進臣先訪得垣曲縣迤西之

橫嶺關地勢險峻堵剿較爲得力已囑綿洵馳往該處迎頭截擊現在賊旣西竄河南府附近情形較前稍緩孟津渡口已有署副將珠克登帶領陝甘官兵一千名並副將錫普常阿撥兵二百名及署河南府李潔所帶兵勇似敷防剿此時陝州一帶又覺喫重查山西平陸縣與陝州僅隔一河茅津渡與會興鎮口岸相對其濟

欽定剿平粵匪方略卷五十三

十二

源垣曲二縣對岸卽係陝州所屬之新安灑池二縣現在賊旣竄至垣曲此數處均應駐兵嚴防以杜竄越所有總兵桂齡帶赴河南府駐紮之陝甘兵一千五百名自應移緩就急調回陝州以資防剿現擬以漢中兵五百名分撥新安灑池擇要防堵其西甯河州官兵一千名卽令桂齡帶領折回聽候調撥臣仍暫駐陝州居中

調度以期南北兼顧儻賊勢尙熾兵力較單 臣
隨時統帶官兵馳往迎剿迅掃逆氛奏入

上命軍機大臣傳諭舒興阿曰前因賊竄垣曲當諭令
該督派委鎮將大員迅速帶兵馳往應援連日據晉
省奏報該匪於初五日由絳縣竄至曲沃逼近平陽
而太原防兵亦甚單弱該省爲京師屏藩關繫甚重
勝保亦與善祿西凌阿於初二日由懷慶拔營追剿

聖恩匪方略卷五十三

十三

昨經降旨令大營各路進剿官兵統歸勝保調遣復
據訥爾經額先後派令托雲保郝光甲烏勒欣泰及
孔廣順帶領馬步各隊約六千餘名跟蹤前進現在
行抵何處能否與勝保等兵會合尙未奏到我兵尾
追已屬落後必須設法催令前進方可遏賊紛竄舒
興阿現將觀音堂駐紮之涼莊滿兵五百名派綿洵
統帶於初七日由茅津口渡河前進著卽飛催迅速

馳抵勝保軍營以資協剿其孟津渡口仍嚴飭珠克
登等實力巡查毋任匪黨偷越至陝州一帶情形喫
重該督仍卽暫駐該處相機調度如何撥兵進剿
之處著隨時妥速籌辦仍須與晉省聲勢聯絡不可
稍涉疏虞所派桂齡帶兵折回聽候調撥之處卽照
所議辦理

同日郭夢齡奏言 臣接准撫 臣行知賊竄垣曲

聖恩匪方略卷五十三

十四

省南靈石縣韓侯嶺地方險要飭調標太三營
兵丁並壯勇各五百名前往扼要防剿 臣查靈
石縣韓侯嶺距省三百八十里山勢險要本應
嚴防前因兩鎮官兵調赴澤蒲一帶防剿餘兵
無多及聞垣曲警報當卽遴派委員攜帶礮藥
銀兩馳赴靈石會同該縣及紳士速募壯勇設
法堵截能否得力尙不可知實緣省城滿綠各

營存兵止一千三百餘名雖經先後募練壯勇二千餘名而城周二十四里防守已形單薄若再調去兵勇一千名愈不足恃查省城鋪戶居民前聞賊匪渡河紛紛遷徙經臣派員反覆開導募練壯勇演習技藝月餘以來人心漸臻靜謐茲聞撫臣欲調出兵勇千名又各驚惶失措現據紳士前鴻臚寺卿賈克慎等十餘人聯名

勦平粵匪方略卷五十三

十五

呈請免調若置紳民於不顧勢必遷避一空省城根本重地不能不熟思審處現雖經撫臣添調大同鎮兵一千名來省第各營零星湊齊有需時日豈可顧彼失此稍誤事機查前往澤州防口官兵二千餘名此時無須全留似可酌調千名繞赴韓侯嶺堵截較為妥順現已稟請酌辦聽候批示飭遵既據紳民籲求不敢壅於上

聞合無仰懇

聖恩俯如所請准令撫臣改調以全大局而順人心再接據翼城縣知縣葉桂芬馳報探聞初二日垣曲失守河東道張錫蕃垣曲縣知縣晏宗望不知下落並聞絳縣於初五日失守又據平陽府知府何維墀稟稱賊至曲沃縣占踞上西關及三里橋等處並焚燒該縣東門等情平陽以南

勦平粵匪方略卷五十三

十六

文報不通各路官兵及撫臣均無信息臣焦急實深惟有嚴飭省南州縣設法防堵一面率同官紳人等嚴守省垣以保生靈而衛畿輔伏乞飭下各路統兵大臣迅速救援奏入

上命軍機大臣傳諭哈芬郭夢齡曰賊匪竄入垣曲旋擾曲沃該撫以省南靈石縣韓侯嶺地方險要飭調標太三營兵丁並壯勇各五百名前往自係扼要設

防惟太原省城關繫全省大局現在防守亦極緊要存省兵勇僅三千餘名自未便再調出省著哈芬於調往澤州防口官兵內酌撥一千名繞赴韓侯嶺堵截仍將所調大同鎮兵一千名催令迅赴霍州一帶駐紮防守現在賊匪占踞曲沃之上西關及三里橋等處並焚燒東門急宜迅速勦辦勝保善祿等追勦之兵計已趕到哈芬想亦馳赴平陽扼要迎截務須

聖學聖方略卷五十三

十七

前後夾攻與各路援兵聲勢聯絡萬不可稍涉延緩太原爲畿輔屏藩該藩司卽督同紳民妥爲布置嚴密設防毋令紛紛遷徙尤宜偵緝奸細毋稍疏忽其井陘一路已諭令訥爾經額派兵入山接應著卽飛催前途進援垣曲絳縣失守文武下落及張錫蕃等逃遁情形均著確查奏平陽以南道路既有阻隔一切文報卽飭繞道行走

上又命軍機大臣傳諭訥爾經額曰本日據郭夢齡奏絳縣已於初五日失守賊匪現擾曲沃逼近平陽太原省城兵力甚單無可調撥請飭各路重兵星速援應等語是晉省曲沃平陽一帶情形萬分喫緊雖勝保等已由濟源追賊前進該大臣已派馬步隊各兵繞道前往但俱從後尾追不能抄出賊前仍恐緩不濟急若賊奔竄汾霍之間則太原省城甚屬可慮其

聖學聖方略卷五十三

十六

東路直接井陘等處乃畿輔最要關隘前有旨令訥爾經額卽派將弁管帶正定防兵星夜起程由獲鹿山口直抵太原徑趨霍岳卽可迎頭截擊此舉萬不可緩至正定一帶爲畿疆門戶卽著該大臣酌調他處官兵前往防守如此一轉移閒旣可速援晉省而正定要隘防堵仍不稍疏前派帶兵之郝光甲等現已行抵何處著卽飛催速勦

同日張芾奏言南昌城外逆匪在得勝門外迤西暗窰地道經江忠源派楚勇從內迎掘旬日之內破賊地道三處七月十八日以後湖南候補道夏廷樾統帶鎮筓等營官兵六百名湘勇二千餘名陸續到永和門外紮營湖南訓導江忠淑帶楚勇一千名於章江門外紮營二十二三等日復有賊船七十餘隻自下游駛至河干

欽定剿平粵匪方略卷五十三

十九

停泊二十四日我兵分七路進攻總兵音德布統帶滇兵直隸州知州朱孫詒帶領湘勇守備王坤帶領鎮筓等營兵益以川勇費勇共二千八百名至永和門東北分三路進攻七里街賊營賊衆約三四千人拒敵湖南訓導羅澤南帶湘勇首先迎擊滇兵繼之鏖戰良久斃賊約三百餘名賊衆敗走我兵乘勝追殺直抵賊營賊

皆紛紛上船正擬一面焚船一面燬營賊突從左邊山後抄出二千餘人從旁橫擊羅澤南等拚死拒戰賊復從右邊營後抄出一千餘人我兵力不能支千總楊受春等登時陣亡賊衆乘勢撲來經武生楊虎臣帶領湘勇奮力橫截賊前將賊擊退斃賊數十人我兵復追至賊營始行收隊查點滇兵陣亡三十二名湘勇陣亡八

欽定剿平粵匪方略卷五十三

二十

十一名此沙港三路進攻情形也廣勇與省局練勇南昌勇由空心礮臺出隊進攻得勝門外賊營賊出數百人拒敵衆勇奮力迎擊賊三進三卻被我兵殺斃數十名各勇亦受傷數名知府耆齡遊擊祥麟於城上督飭弁兵開礮斃賊多名九江等營兵由永和門外湖岸一路進攻楚勇辰州撫州兵由章江門外分兩路進攻賊

皆堅伏不出均各撤隊惟滇兵湘勇先後斃賊四百餘名而兵勇陣亡五百餘名之多總兵音德布係統兵大員都司楊煥章係辦理營務自請出城督戰之員雖查無退避情事究未能全師而歸均應請

旨暫行革職留任湖南武生楊虎臣於賊眾追撲時奮力擊退得以轉敗為勝應請以把總補用並

聖恩匪方略卷五十三

三

賞戴藍翎以示鼓勵陣亡之七品軍功易良幹等均請飭部分別議卹二十六日我兵復照原路出隊江忠源

親身出城督戰察看地勢沮洳路多阻隔擬令

湘勇移營進逼賊壘以便攻擊二十七日湘勇

正在紮營賊眾屬至我軍迎擊賊仍退去各練

勇自空心礮臺出隊誘賊頗有斬獲礮臺開礮

斃賊尤多而賊壘甚堅終未能乘勝撲取臣惟

有與陳孚恩江忠源熟商攻剿之策以期剋日殲除至督糧道鄧仁堃前在南昌府任內籌辦守禦精細周備所練壯勇亦極得力洵屬謀勇兼全署鹽道王訓駐守得勝門偏近賊營晝夜巡查不遺餘力兩次地雷轟城均經協同督兵搶護署南昌府知府林福祥熟悉武備身在行閒尤為奮勇均係守城出力尤著之員查豐城

聖恩匪方略卷五十三

三

縣失守鄧仁堃係兼轄道員林福祥係不同城之知府瑞州府失守王訓係兼轄道員均有應得處分該員等皆在圍城之中勢難兼顧究屬過不掩功且豐城縣瑞州府旋即收復可否仰懇

天恩免其置議再饒州府地居下游恐賊竄擾前經臣

飭令鄱陽縣知縣沈衍慶帶勇擇要防堵近日

湖水驟漲一片汪洋無險可扼府城多年衝塌費鉅未修茲探得賊船數百隻於七月十三日自省分竄饒州鄱陽縣知縣沈衍慶樂平縣知縣李仁元各帶練勇奮力抵禦同時力盡捐軀知府以下各官均無下落除查明沈衍慶等殉難確情奏請

賜卹外臣株守省城未能速籌剿賊以致久不解圍俾

賊竄擾上下游郡縣相繼失守咎無可辭應請

旨併案從重治罪

同日江忠源奏言粵匪自湖北安徽轉陷江南沿途擄掠民船數已逾萬自九江以下江路一千數百里賊船往來停泊無敢阻攔江南揚鎮等處皆兩面憑江併力攻圍而賊得水陸兼護以牽掣兵力故欲克復三城必須肅清江面欲

肅清江面必先製造戰艦以備攻擊臣愚以爲宜

飭四川湖北湖南各督撫製備戰船百餘隻以廣東拖罟船爲式每船計可載兵五十名並

飭廣東督撫購備洋礮五百斤三百斤重者千餘尊剋

期三月齊備陸續放至武昌以備調遣此三月中如能破賊卽以此項船分布沿江水師各營

爲益實多且賊衆船多縱敗衄遠遁沿江搜捕不能不資船隻俟戰船礮位剋日造齊調集閩浙廣東水師營兵兼募廣東水勇扼據江險以戰則相機衝擊而力有餘以堵則依營據險而勢亦壯於剿賊未必無補至造船必擇幹員募勇尤資良將臣查湖南候補道夏廷樾通才博識遇事虛衷四川嘉定府知府俞文詔年壯才

明勇於任事湖北已革同知勞光泰熟悉工程人亦廉幹以上三員若令監督船工必能辦理妥速廣西右江道張敬修久歷戎行素號勇敢江西署南昌府知府林福祥曉暢軍務辦事勤能以上二員均籍隸廣東購礮雇勇皆所熟悉宜委令辦理卽飭督率各船徑赴江南以資攻剿均奏入

聖朝方略卷五十三

三

上命軍機大臣傳諭張芾陳孚恩江忠源曰江西守城官兵疊次破賊地道兵勇分路進攻乘勝追殺賊匪從後抄出兵勇陣亡百餘名幸武生楊虎臣帶領湘勇橫截賊前得以轉敗為勝其餘各路先後出隊誘戰均未得手是南昌城外賊眾尙多並無潰散之勢該省拒守兩月有餘而饒州瑞州又疊次失事吉安贛州一帶土匪復肆行滋擾著張芾與陳孚恩江忠

源督率在事文武員弁迅籌堵剿毋稍疏懈饒州失守該府以下各官均無下落著卽查明具奏其鄱陽縣知縣沈衍慶樂平縣知縣李仁元力盡捐軀著卽查明奏請議卹該撫自請從重治罪之處著暫行存記糧道鄧仁堃知府林福祥署鹽道王訓雖有微勞惟於所轄府縣均有失事未便卽行免議著一併存記均俟軍務告竣再降諭旨江忠源請製造戰船購

聖朝方略卷五十三

三

備礮位已諭知四川兩湖廣東各督撫辦理其保奏各員除已革同知勞光泰毋庸派辦外知府俞文詔道員張敬修已諭令裕瑞葉名琛飭知該員等一體遵照其夏廷樾林福祥二員現在江西應於何時飭往何處監督船工購礮募勇之處著張芾江忠源酌量妥辦

上又命軍機大臣傳諭裕瑞張亮基崇綸駱秉章曰賊

匪自攻陷金陵揚鎮三城以來擄掠民船數已逾萬我軍攻剿未能得手皆由戰艦無多致令長江天塹無所控扼近又攻撲江西省城分擾瑞州豐城饒州各州縣逆氛猖獗亟宜設法先清江面前有旨令張亮基等購募船礮酌派兵勇順流而下與下游師船兩路夾攻想已遵辦惟江路縣長必須廣為製造著裕瑞張亮基崇綸駱秉章等於四川湖廣等處做照

欽定剿平粵匪方略卷五十三

三十一

廣東拖罟船式速即雇覓工匠共製戰船百餘隻每船約載兵五十名均著剋期三月一律齊備以資調遣本日已令葉名琛等迅將船隻式樣咨行各該督撫查照辦理並備五百斤三百斤礮位千餘尊應用矣川省應造船隻或在該省或在湖北宜昌一帶製造即由裕瑞酌量所需經費亦著該督籌款趕緊辦理四川嘉定府知府俞文詔熟悉工程著即飭該員

監造總期妥速堅固為要至此項船隻成造尙需時日前諭湖北湖南兩省購募船隻仍著張亮基等遵照辦理儘能與下游艇船併力肅清江面金陵揚州先經收復所有新造戰船尙可為他日江面水師之用

上又命軍機大臣傳諭葉名琛柏貴曰逆匪竄擾江南長江千里我軍船礮不足以資堵擊前經疊降諭旨

欽定剿平粵匪方略卷五十三

三十二

令葉名琛等雇備紅單船隻載礮駛赴江南助剿業已前後開行本日復降旨令四川湖南湖北各督撫製備戰船百餘隻以廣東拖罟船為式著葉名琛等速將此號船式咨明各該督撫做照製造即選派熟悉工匠數名令赴湖南北俾資製造並著葉名琛等購備洋礮五百斤三百斤重者千餘尊剋期三月解至武昌以便配搭船隻分布水師各營為水陸夾擊

之計又廣西右江道張敬修籍隸廣東購備礮位雇募水勇均所熟悉著葉名琛飛咨勞崇光如該員能前往督率辦理當可得力

上諭內閣曰逆匪圍撲江西省城疊經官軍進剿雖殺

賊不少轉敗為勝究未能迅毀賊巢所有帶兵之雲南總兵音德布督戰之四川都司楊煥章均著革職暫行留任以觀後效其奮勇殺賊之湖南武生楊虎

勦平粵匪方略卷五十三

五

臣著以把總補用並賞戴藍翎陣亡之湖南七品軍功易良幹羅信東羅鎮南均著照從九品陣亡例賜卹生員謝朝翰著照訓導陣亡例賜卹雲南千總楊受春著照千總陣亡例賜卹該撫仍當督飭鎮將乘此大兵雲集將近城一帶賊壘鏟除沿江賊船焚燬則上下游分竄之賊自不難立就殲除

欽定勦平粵匪方略卷五十四 癸丑年

八月十三日 西 乙 陸應穀奏言探聞懷慶解圍零

匪西竄擾及濟源該處南路對岸為孟津澗池

新安三縣豫省防守自以上游鞏洛之凶為最

要除孟津渡已由舒興阿派兵駐紮外其汜水

渡發澤渡柳園渡蘭儀渡黑堽等處 臣已添派

兵勇分投防守至新安澗池二處距省較遠已

勦平粵匪方略卷五十四

一

飛咨舒興阿撥兵分防並札飭署河南府李潔酌撥兵勇協同嚴守 臣於巡河時嚴飭各弁晝夜梭巡務期認真堵禦不使賊匪偷渡豫省現獲奸細訊供賊欲分股由周家口南來接濟八月將至汴梁省中人心驚惶紛紛遷徙 臣當卽就近折回省城妥為鎮撫鎮江揚州逆匪時虞北竄永城鹿邑之間尚無一兵駐守現在經文

岱王家琳統帶之兵已陸續抵省冒暑奔馳數月半多疾病臣當飭令帶兵各弁查明有疾疲弱者先遣歸伍以節糜費擇其精銳可用者酌留千餘名分別派往至經文岱本係奉

旨調赴直隸防堵前因豫省被賊竄擾攻勦喫緊經臣奏留此時南路地方肅清應否仍令前赴直隸防堵請

欽定剿平粵匪方略卷五十四

二

旨遵行奏入

上命軍機大臣傳諭陸應穀曰逆匪由懷慶竄入晉境沿河一帶地方自應嚴密防範所有汜水等處各渡口該撫已添派兵勇防守並著嚴飭各地方文武晝夜巡查毋任偷渡豫省現獲奸細訊有賊欲分股前來汴梁之說雖不必遽信為真亦不可不豫為防備該撫現擬折回省城務當鎮定人心毋令驚惶遷徙

王家琳等所帶各兵准其裁汰疲弱選擇精銳千名派往永城駐紮以堵賊匪北竄之路該撫仍當隨時密加偵探何路緊急即應親往督辦切勿株守省垣致誤事機經文岱本交訥爾經額差遣委用今已勦匪回省著即飭令前赴訥爾經額行營聽候差委

欽定剿平粵匪方略卷五十四

三

同日哈芬奏言探聞八月初一日千總傅輝盤獲垣曲縣內應賊匪五十名知縣晏宗望認為難民一概釋放初二日晚間縣城火起賊由隘口夾攻並聞文武員弁有先行逃走者縣城遽爾失守查垣曲以內各路無兵亦無險要絳縣聞喜一帶在在堪虞雖有總兵郝光甲烏勒欣泰帶兵追襲未能兜擊懇

飭訥爾經額舒興阿速即派兵會合兜剿庶可不至蔓延臣又聞潞安一帶有賊匪翻山偷越欲襲取

各州縣臣當卽往查行抵高平該縣知縣劉熙敬已盤獲偽軍師張維藩賊犯任學體河南孟縣帶路民人許完偏等三犯訊稱張維藩帶領賊匪八百名已入山西者尙屬無多先令許完偏帶路陸續偷入定於八月初九日襲取長子縣城如有準備卽回大名等供當將各犯正法隨調撥潞安府弁兵嚴密搜捕臣赴潞安面諭

聖學聖方略卷五十四

四

紳士集團布置後卽帶兵赴平陽府與總兵烏勒欣泰相機進剿至河東鹽法道張錫蕃監掣同知魯鴻疇垣曲縣知縣晏宗望署參將玉恆均無下落俟查明何人逃走分別嚴叅治罪並請將臣交部嚴加議處奏入

上命軍機大臣傳諭哈芬曰現在逆匪已由垣曲絳縣竄踞曲沃之上西關及三里橋等處勢甚剽急昨有

旨諭令該撫馳赴平陽扼要迎截此時勝保善祿等追剿之兵諒已趕到訥爾經額先後派令副都統托雲保總兵郝光甲烏勒欣泰及副將孔廣順帶領馬步各隊約六千餘名跟蹤前進並舒興阿將觀音堂駐紮之涼莊滿兵五百名派副都統綿洵統帶由茅津渡河前進兵力足資剿辦該撫諒已馳抵平陽著卽督飭總兵烏勒欣泰扼要堵剿並飛催各路官兵

聖學聖方略卷五十四

五

四面兜圍以爲一鼓殲除之計該撫前派張錫蕃等防守要隘何以賊至並未接仗遽爾失守卽訊因賊匪假作難民內應何以該員等平時漫無偵察臨時又任聽該縣晏宗望誤認釋放顯係事後捏詞掩飾其畏葸逃避之罪此等庸劣貽誤員弁必應按律嚴懲著該撫迅卽查明據實定擬具奏不准稍有回護至監掣同知魯鴻疇前據郭夢齡奏稱垣曲失守係

接該員稟報何以該撫處並未稟知著一併確查具奏

上又命軍機大臣傳諭訥爾經額曰哈芬奏盤獲逆賊
爲軍師張維藩等訊供有帶賊八百名陸續入山西
境定於八月初九日襲取長子縣如有準備卽回大
名等語此等奸細所供雖未盡確亦不可不嚴密防
備且直隸與山西接壤當此賊蹤肆擾難保無土匪

欽定剿平粵匪方略卷五十四

六

乘間竊發潛相勾結卽如七月間唐縣等處匪徒嘯
聚僅捕獲夥犯七名若不實力查拏必至釀成巨患
著訥爾經額督飭各該地方官密速搜捕毋任竄逸
其大名府屬如有山西竄回匪黨並著嚴緝懲治以
杜奸萌

上諭內閣曰逆匪自懷慶敗逃西竄疊經諭令哈芬嚴
防隘口茲據奏稱逆匪於八月初二日竄至垣曲縣

城遽爾失守該撫所派防守地方文武所司何事哈
芬著卽革職留任河東鹽法道張錫蕃監掣同知魯
鴻鳴垣曲縣知縣晏宗望署參將玉恒均著先行革
職著哈芬查明該員等如有避賊先逃情事卽行嚴
參按律懲辦現在勝保善祿等已統重兵跟蹤追擊
復經訥爾經額派令副都統托雲保總兵郝光甲等
帶領馬步各隊分路進攻該撫卽會同各路官兵迅

欽定剿平粵匪方略卷五十四

七

速剿辦毋稍延誤致干重罪

同日慧成奏言 臣於八月初五日行次清江浦
連接琦善咨稱揚州東路兵勇數已逾萬添兵
尙可從緩皖省情形萬分喫緊應徑調副都統
常清速帶馬隊一千名馳往和州等處防堵現
又據淮徐道稟稱賊匪已至廬州府屬之運漕
鎮並有賊船駛入黃落河餘船停泊裕溪口欲

由巢湖攻撲廬州又據安慶府知府稟稱賊匪竄至太湖由黃泥岡用木箒駛至大江傳言亦由此處同赴廬州等情應再添調臣所帶直隸宣化鎮兵五百名赴和州一帶應援伏思賊匪竄擾廬巢明係窺破皖省兵單仍以避實擊虛為牽掣揚州之計若不厚集兵力迅速掩擊誠恐緩不濟急復成北竄之勢關繫非小必須臣

欽定四庫全書

八

親自督兵前往方覺放心因飛飭副都統常清管帶馬隊兵一千名參將蘇勒芳阿管帶宣化鎮兵五百名參將松林管帶陝西兵四百五十名分起前往和州一帶會同李嘉端相機迎剿以遏賊衝如沿途偵探賊勢衆多臣卽於附近處所酌調官兵以資截擊臣拜摺後卽行督兵馳往奏入

上命軍機大臣傳諭琦善慧成曰賊匪竄至廬州運漕鎮並有賊船欲由巢湖等處攻撲廬州皖省兵單不可不嚴加防堵慧成著卽帶兵馳赴和州一帶會同李嘉端迅籌進剿以遏賊匪北竄之路其揚州東北一帶勇多兵少著琦善統籌全局於奕經容照所帶官兵內酌量調撥前往協剿毋令賊匪乘虛竄逸

十四日丙戌郭夢齡奏言接據洪洞縣知縣鄭翰

欽定四庫全書

九

馳報初十日賊匪在平陽府東西南三門放火攻城洪洞相距六十里百姓均皆逃散情勢危急臣接閱之下焦灼萬狀伏查撫臣於前月二十八日在澤州疊接緊報延任數日之久並未迅由陽城沁水直抵翼城迎赴曲沃截擊直至初六日始由澤州起程取道潞安沁州繞赴平遙縣再往韓侯嶺迎剿難免落後太原鎮臣烏

勒欣泰前報初三日自澤州攔車鎮起身前赴平陽防勦相距四百餘里迄今亦未據報到勝保郝光甲兩路官兵亦不知行抵何處如果賊由平陽再往北竄則洪洞趙城霍州等迤北州縣兵勇十分單弱竟有難以保全之勢省城現存兵勇斷難分派前往已稟催撫臣兼程前進迎頭堵勦務截北竄之路現在賊蹤愈近勢必

欽定剿平粵匪方略卷五十四

十

北來省垣關繫緊要合無仰懇

聖恩在附近防兵內飭調二三千名星夜來晉會同迎勦庶無北竄之慮奏入

上命軍機大臣傳諭郭夢齡曰賊匪已在平陽府放火攻城勝保善祿西凌阿等帶兵追勦計此時亦可趕到訥爾經額先後派托雲保等帶領馬步各隊官兵六千餘名分路追擊又諭令派兵由正定入井陘山

口爲太原後路應援即可向前路迎勦本日復諭令勝保等及哈芬烏勒欣泰星速馳赴平陽指日大兵雲集合力攻勦此股賊匪無難速就殲除省城防守關繫緊要該藩司惟當督率文武員弁及紳民人等嚴密巡緝總以鎮定人心爲要其霍州要隘仍須設法飭令地方文武紳民厚集練勇力扼賊衝萬不可聞警紛紛逃散轉遭搶掠洪洞趙城一帶情形如何

欽定剿平粵匪方略卷五十四

十一

隨時具奏

上又命軍機大臣傳諭哈芬曰據郭夢齡奏初十日賊匪已在平陽府東西南三門放火攻城洪洞相距六十里百姓均皆逃散平陽府城存兵僅二百餘名當此賊勢猖獗兵力實形單弱該撫於初六日始由澤州起程取道路安繞赴平遙再往韓侯嶺迎勦烏勒欣泰於初三日自澤州攔車鎮起身距平陽僅四百

餘里尙未趕到似此行走迂緩必致貽誤事機平陽爲省城屏障設有疏失則汾霍一帶在在堪虞該撫身任封疆自問當得何罪烏勒欣泰現在行抵何處該撫卽傳旨該鎮備再延誤軍法具在決不姑寬平陽以南道路阻隔一切文報軍餉務須設法繞道行走毋致遲誤

上又命軍機大臣傳諭勝保善祿西凌阿日前因賊竄

聖朝匪方略卷五十四

十一

山西勝保等跟蹤追擊諭令迅速剿滅現在平陽府城被圍守兵僅二百餘名極爲單弱總兵烏勒欣泰自澤州攔車鎮前赴平陽至今未到哈芬帶兵無多赴援亦甚迂緩恐係聞賊勢剽急遷延不進若平陽稍有疏失關繫匪輕且平陽迤北霍州韓侯嶺一帶險隘現俱無兵扼守踰嶺而北則太原省城正當其衝若任賊突過霍州由太原直下井陘踞險內竄勢

將何所底止前已諭令訥爾經額迅派正定官兵馳入山口趕緊前進以爲太原後路援應卽可前往霍州扼要迎擊連日未見勝保等奏報追賊行抵何處殊深懸念賊匪冒險深入利在速奔乘我不備勝保善祿西凌阿等務須帶兵疾馳使賊無暇喘息勦辦方可得手訥爾經額所派各路援兵並著飛催前進尤須設法繞出賊前此係最要機關不可稍緩澤潞山徑可通太原之路勝保等諒已探明卽派奇兵繞道間出扼定霍嶺前後夾擊此股逃匪當不難迅速殄滅也前有旨各路進剿官兵均准勝保調遣務當統籌全局相機督勦如有不遵調遣畏葸貽誤者卽著嚴參以軍法懲辦並將勦賊情形隨時奏報以慰廑念

聖朝匪方略卷五十四

十二

上又命軍機大臣傳諭訥爾經額日前曾屢次諭令訥

爾經額派正定官兵迅由獲鹿井陘一帶入山赴援
原因賊匪由豫竄晉甚為剽急我軍尾追落後自平
陽至太原省城兵力俱形單弱若不於前路迎頭力
扼賊衝賊勢何所底止本日據郭夢齡奏賊匪於初
十日巳刻已在平陽府東西南三門放火攻城各路
援兵尚未趕到請於附近防兵飭調二三千名星夜
來晉等語平陽為太原南路保障若有疏虞不但太

勦平匪方略卷五十四

十四

原等處被其滋擾卽畿輔亦恐震動著訥爾經額遵
照前旨卽撥正定官兵數千名星速入山赴援並著
揀派曾經行陣得力將弁管帶前進直趨太原以南
至霍山靈石韓侯嶺一帶險要地方駐紮堵賊北竄
太原之路並可沿途偵探賊蹤迎頭截擊其獲鹿井
陘一帶為山西直隸交界要路山徑險峻著卽調撥
重兵移遠就近扼要防守現在懷慶附近地方仍應

嚴密扼守其臨洺關等處防兵及盛京吉林各兵均
可酌量移撥正定一帶以資守禦晉省賊匪一日不
除近畿各處一日不能安堵訥爾經額身為統帥責
無旁貸畛域之見不可稍存尤不可以殘賊視之稍
涉大意致誤事機

上又命軍機大臣傳諭舒興阿曰前因賊竄垣境該督
駐紮陝州派綿洵帶兵渡河協剿現在賊已擾及平

勦平匪方略卷五十四

十五

陽該省存兵無多各路進剿之兵均已落後本日已
諭令勝保等督兵迅速前進著該督仍飛催前派之
兵星夜遄行毋稍遲滯山陝交界地方尤宜嚴防卽
酌量緩急妥籌辦理鳳邠道文海已調補山西河東
鹽池一帶地方現尚未遭蹂躪該員及早到任並可
督率團練綜覈經費為我軍後路接濟於山陝交界

地方亦可聯絡

同日刑部尙書許乃普奏言自逆匪竄踞金陵鎮江揚州將及半載尙未收復總由江鎮兩郡濱臨大江官兵但能攻其東南不能四面兜剿揚州雖距江四十里而有濱江之瓜州爲賊盤踞賊船往來南北岸聯絡聲勢接濟糧食現調水師船隻又非素經練習或運掉不靈無以爲

聖朝方略卷五十四

十六

陸路官兵之助臣聞廣東內河外海各廳縣均有捐造緝捕快蟹船各營亦有捐造爲數不少該省沿江沿海緝捕盜匪悉藉其力查快蟹船形如蜈蚣上無篷窗利於用武船頭暗藏大礮旁列子母礮船外護以魚網槍礮遇網卽墮不能擊中船身網外仍遮護藤牌船身極低大者百餘槳其行如飛橫風對風皆可駕駛其船勇

皆係各廳縣雇募技藝嫻熟洵爲水戰第一船中器械均由該廳縣捐辦現成無須另行籌款此項船隻果能調至江南剿賊必可得力可否請

旨密飭廣東督撫臣酌調廣東水師官兵派委鎮將大員管帶快蟹船二三十隻迅由海道馳赴江南於吳淞口取齊駛入長江合力圍剿俾該逆猝

聖朝方略卷五十四

十七

不及防定可與陸軍夾擊制勝剋期掃滅再聞廣東軍功五品頂戴梁恩升千總王耀吉已革千總陳高守備衛佐邦均係水陸捕盜得力之員於粵匪蹤跡伎倆最爲熟悉可否飭下該督撫令卽隨同水師乘駕快蟹船前往江南助剿奏入

上命軍機大臣傳諭葉名琛柏貴曰據許乃普奏聞廣

續修四庫全書 史部 紀事本末類 卷五十四 十六

東內河外海各廳縣均有捐造緝捕快蟹船勇技藝嫻熟洵爲水戰第一器械均由該廳縣捐辦現成無須另行籌辦各等語現在江南勦辦賊匪此等船隻是否能由大洋入江著葉名琛柏貴體察情形如果此船可期得力著卽派委得力員弁管帶二三十隻迅由海道馳赴江南駛入長江合力圍勦並著派軍功五品頂戴梁恩升千總王耀吉已革千總陳高

欽定剿平粵匪方略卷三十四

十八

守備衛佐邦隨同水師乘駕快蟹船前往江南聽候調遣

十六日戊子哈芬奏言臣探聞本月初五初六等

日絳縣曲沃兩處縣城失守皆因兵在賊後使賊得以長驅現在直隸之兵未知曾否由濟源後路追勦郝光甲烏勒欣泰之兵俱在翼城之東尾追較遠寇入日深臣僅帶兵一百名實難

迎勦惟有懇

恩飭催勝保之兵迅卽追擊並飛調郝光甲烏勒欣泰之兵與臣會勦再絳縣知縣潘名魁曲沃縣知縣丁瓚均無下落仍請

旨將臣一併交部嚴議至同知魯鴻疇前經臣委赴垣曲隘口防堵甫聞賊至卽便退回應請

欽定剿平粵匪方略卷三十四

十九

旨革職擊問訊明嚴參署參將玉恆飭委帶兵前赴垣曲防勦當賊匪竄入時臨陣退縮應請

旨革職擊問審明後卽行正法奏入

上命軍機大臣傳諭郭夢齡曰逆匪由懷慶竄入山西境內連陷城邑直逼平陽已明降諭旨將哈芬革職擊問解京治罪並命郭夢齡署理山西巡撫矣郭夢齡前奏省城防守事宜已嚴督文武官紳趕緊布置此時當已周妥賊攻平陽又已數日現在守禦情形

何如澤潞進追之兵業經遲誤其勝保等兩路一由封門山入口一由濟源縣沿河追剿均係緊躡賊蹤此時是否已抵平陽日內未見奏報或因南路文報梗阻該署撫卽速探明具奏以慰廑念平陽迤北一路平衍除韓侯嶺外別無可扼之險省城存兵誠無可撥他處有無可以移緩就急之處卽著迅籌緩急調往堵截並飭所派委員曉諭該處紳民集勇嚴扼

聖訓方略卷五十四

二十

萬不可任賊竄越前諭請爾經額派撥正定官兵由獲鹿井陘入山赴援著卽飛催前進儘能趕到霍嶺扼要夾擊勦辦當可得力山西巡撫兼任提督通省營伍皆歸節制應如何布置卽著嚴催迅撥如查有不遵調遣畏葸避賊及地方官吏聞警先逃者均著按律以軍法從事不可稍事姑息其郝光甲烏勒欣泰之兵亦卽加緊催督以爲夾擊之計不可聽其沿

途逗留又蹈哈芬故轍烏勒欣泰係本省總兵已降旨革職留任摘頂示懲若再藉詞耽延貽誤卽著嚴叅重治其罪

上又命軍機大臣傳諭勝保曰昨聞曲沃失守賊圍平陽已諭令勝保等帶兵疾馳赴援諒已星速前進惟連日未據奏報不知行抵何處是否與賊接仗實深懸繫平陽關繫晉省大局豈可稍有疏失現在各路

聖訓方略卷五十四

三十一

進剿官兵俱准勝保調度著卽統籌全局飛咨各路帶兵員弁前進有緊追賊後者更須有抄出賊前者必使該逆腹背受敵方可悉數殲擒其霍州要隘係由平陽通太原之路必須設法派兵繞道扼守方爲上策想勝保定能酌量調度也

上又命軍機大臣傳諭桂良曰賊匪圍攻平陽晉省固關等處皆與畿輔毗連關繫甚重昨有旨令爾經

額撥兵由獲鹿一帶進剿以爲太原應援惟直隸與山西錯壤處所甚多不可不豫爲防備訥爾經額遠在清化鎮誠恐未能兼顧桂良駐紮保定著卽於交界地方妥籌堵禦督飭文武官弁嚴密布置總以查拏奸細鎮定人心爲要

諭內閣曰前因賊擾懷慶密邇山西疊次諭令哈芬嚴密防堵該撫前奏布置隘口情形據稱已屬周密

欽定剿平粵匪方略卷五十四

三

乃賊匪突陷垣曲擾及絳縣曲沃直撲平陽疊據藩司郭夢齡馳奏而哈芬近在省南奏報轉遲且由陽城親帶官兵進剿自應迅赴平陽迎擊何以遷延旬日尙逗留潞郡本日始據奏到絳縣曲沃失守於賊擾平陽府城情形茫無聞知該撫統轄全省不知所司何事卽如同知魯鴻疇稟探垣曲賊情郭夢齡據以入告哈芬並未接閱是文員之不遵調度可知烏

勒欣泰係本省總兵例歸巡撫節制何至屢催罔應尙須請旨飛調是武職之不遵調度可知似此調度乖方畏葸無能若仍令待罪封疆必致更滋貽誤哈芬著卽革職拏問由郭夢齡派員解京交刑部按律治罪山西巡撫著恆春補授卽行馳驛前往未到任以前著郭夢齡署理山西布政使著太原府知府吉祥暫行護理烏勒欣泰係太原鎮總兵值此賊氛偏

欽定剿平粵匪方略卷五十四

三

近平陽不知星速往勦節節耽延殊屬可惡惟正當帶兵需人之際未便令其置身事外烏勒欣泰著卽革職暫留本任仍摘去頂戴責令帶兵趕緊前進扼要截擊如再藉詞觀望卽著該署撫嚴叅治罪河東道張錫蕃垣曲縣知縣晏宗望監掣同知魯鴻疇署叅將玉恆前經降旨均著革職交哈芬查辦茲據哈芬奏叅僅將魯鴻疇玉恆二員逃避退縮情形請旨

拏問嚴訊亦未允當張錫蕃晏宗望魯鴻疇玉恆著
與絳縣知縣潘名魁曲沃縣知縣丁璜一併革職拏
問交郭夢齡嚴行審訊如係避賊先逃棄城不守卽
於訊明後奏請按律正法以肅軍令現在進剿之各
路官兵前已有旨俱准勝保調度著卽申明紀律嚴
定賞罰迅掃賊氛以副委任

上又諭內閣曰前以賊竄豫省大兵會剿特命訥爾經

欽定四庫全書

三

額爲欽差大臣各路官兵統歸節制追賊圍懷慶朕
以該郡與晉省接壤屢經降旨令該大臣派兵分路
嚴防杜其西竄諄諄訓示至再至三訥爾經額身爲
統帥自應通籌全局嚴密堵截乃懷慶之圍甫解而
賊匪竟由西路竄入晉境由垣曲絳縣曲沃擾及平
陽雖經勝保等跟蹤追剿訥爾經額派撥官兵先後
援應而該大臣調度布置未能周密實難辭咎現已

將巡撫哈芬革職拏問治罪訥爾經額著卽褫去黃
馬褂以示薄懲仍著懷遵前旨嚴飭援兵迅速前進
並飭繞出賊前扼要攻截痛加剿洗務將賊匪殲滅
無遺儘再延緩致令紛竄滋蔓惟該大臣是問

同日陝西固原提督桂明奏言臣探聞逆匪竄
擾山西正在督辦防剿適准陝西撫臣張祥河
來咨令臣帶兵渡河馳赴蒲州以上一帶剿賊

欽定四庫全書

三

伏思臣遵

旨辦理陝省防堵奏明酌撥陝甘官兵四千七百餘名
分防要隘今逆匪將至陝境沿河一帶延袤二
百八十餘里緊要渡口計有五處共分駐官兵
一千九百餘名又潼關駐守官兵一千三百餘
名其餘要隘紛繁每處駐兵數十名或百名以
至二三百名不等兵力尙形單薄各原營存兵

無多難以再調臣若帶兵渡河前往山西攻剿誠恐有顧彼失此之虞况黃河天塹正宜扼險以遏賊匪西竄之路若督兵過河背水一戰致令沿河一帶空虛深為可慮似未若防守天險可期萬全至於沿河船隻已俱撤收庶免搶船越渡奏入

上命軍機大臣傳諭舒興阿桂明日桂明奏陝省防剿

欽定剿平粵匪方略卷五十四

三

緊急兵力單薄不能帶兵前往山西自係實在情形現在賊圍平陽該處距陝不遠潼關大慶關等處及沿河一帶均關緊要業經該提督於各要隘分駐官兵務當嚴密防守實力巡查至所稱撤收沿河船隻以免搶船偷越等語著即嚴飭地方官認真辦理勿稍疏懈目下晉省情形喫重儻山陝交界處所賊蹤已遠該督等仍當酌度緩急以為鄰省接應毋失事

機

欽定剿平粵匪方略卷五十四

三

欽定勦平粵匪方略卷五十五 癸丑年

八月十七日 己丑 琦善陳金綬雷以誠福濟奏言

揚城賊匪經官兵四面環攻該逆防範益嚴七

月二十六日按察使查文經密派兵勇分路設

伏二十七日賊匪六百餘名出鈔關門伏兵齊

出擊之相持之際忽又有賊約四百名出徐凝

門兵勇人少為賊所圍適 臣福濟及查文經聞

勦平粵匪方略卷五十五

一

警馳至親督參將馮景尼等帶兵迎擊始而槍

礮齊施繼復短兵相接斃賊二百餘名餘匪遁

入城內二十八九等日賊匪屢由西門北門等

處絕下均經我兵擊斃多名餘匪復遁入城八

月初五初六初七等日城中濃煙疊起並無烈

燄悉因旦夕將竄先焚積聚 臣等密飭各營嚴

扼要隘 臣福濟督飭將弁在東關開放大礮轟

塌城垣三丈餘賊情極為驚怖現仍竭力圍攻

各門惟鈔關徐凝二門賊匪屢次窺伺意欲由

此竄出賊置浮橋在運河中緊臨鈔關門城下

屢燬屢易業已嚴行防堵又將城外河道沈石

釘樁不使一船闖入陸路要口安設坐卡盤詰

奸宄連日拏獲奸細多名皆自江甯鎮江賊營

遣來探聽消息均即審明正法現值中秋大汛

勦平粵匪方略卷五十五

二

江甯鎮江賊船難保不乘潮竄入已密飭南路

官兵先為之備但使城中食盡外援不至即可

殲除小醜收復郡城奏入

上命軍機大臣傳諭琦善陳金綬雷以誠福濟曰逆匪

久困揚城屢次絕城思竄均經該處兵勇分路截擊

殲斃不少其通船各水路均已沈石釘樁陸路各要

口亦均嚴密堵禦復嚴斷其接濟外援既絕自有坐

困之勢惟賊勢愈窮則愈圖竄逸一旦潰圍而出分擾他處又成蔓延之勢不可不嚴加防範該大臣等務當分飭官兵各路守禦勿墮奸計其金陵鎮江賊船尤須嚴防竄入琦善陳金綬雷以誠福濟雖分路駐紮實共辦一事琦善身為統帥更屬責無旁貸趁此賊勢窮蹙同心合力迅圖克復久困之賊不難聚而殲旃也

欽定剿平粵匪方略卷五十五

三

同日略乘章奏言 臣欽奉

諭旨飭撥水師船隻或雇備民船配帶礮位駛赴金陵攻剿查湖南水師僅有岳州洞庭二營上年岳州失守戰船被賊焚燬洞庭戰船亦因調赴湘陰防堵被賊擊壞現飭趕造一時不能應手至民船經粵逆擄掠後為數無幾求其能配帶礮位足備水戰者尤難其選 臣籍隸廣東竊見東

省有拖罟船及快蟹船二種向俱安設礮位轉運輕便柁工水手習知水性涉波濤而不驚且慣施放槍礮剿匪最為得力如由廣西陡河順流東下可達金陵可否請

旨飭下兩廣督 臣選派得力將弁雇帶拖罟船快蟹船由廣西陡河順流入江迅赴金陵以資攻剿奏

欽定剿平粵匪方略卷五十五

四

上命軍機大臣傳諭葉名琛柏貴曰前據江忠源奏請製造戰船並許乃普奏調廣東快蟹船當諭令葉名琛等將拖罟船式據咨明四川兩湖各督撫仿照製造復諭令派委員弁管帶快蟹船二三十隻由海道馳赴江南合剿茲據略乘章奏稱拖罟快蟹等船可由廣西陡河入江前赴金陵等語此項船隻既可由內河駛達江南自無須遠涉大洋轉稽時日著葉名

琛柏貴迅速雇備拖罟船百隻快蟹船數十隻選派得力將弁配帶礮位火器駛駕入江與前赴江南之紅單船及各師船會合夾擊以期迅掃賊氛

十八日 庚寅 訥爾經額奏言 臣 欽奉

諭旨派兵由澤州入晉剿匪查 臣 前奏派副將孔廣順帶兵一千三百名前往即係由澤州入山取道陽城迎頭截擊昨又續派兵二百名齎送米糧

聖學方略卷五十五

五

接濟並令協同攻剿至調防直隸之山西兵三千名內除三百名前已令孔廣順帶往晉省外其餘二千七百名係分駐保定並磁州等處茲已分飭原帶官弁即由獲鹿井陘一帶折回晉省聽候分撥防剿惟山西官兵既經撤回應另撥兵屯駐當將前調之

盛京兵二千名駐紮正定吉林兵二千名於保定

並臨洺關地方各駐一千以期緩急有備其正定順德二府屬毗連晉省各要隘節經諄飭嚴密備防至固關為晉省入直門戶尤關緊要現

經 臣 移緩就急咨會署提 臣 保恆統帶調駐省城之提標兵五百名馳赴固關駐紮既可為晉省策應並可固直隸藩籬第恐兵力尙單又將蘭儀渡等處防兵抽調一千名飭赴正定屯紮

聖學方略卷五十五

六

以備隨時調遣再查勝保等行營糧餉一切原係河南省派員設立糧臺支應其總兵董占元副將孔廣順等所帶馬步各兵係由直隸糧臺支應該官兵赴晉追剿距各糧臺較遠山路崎嶇轉運非易所有赴晉各兵勇應支糧餉軍火請

飭山西撫 臣 轉飭該省糧臺就近應付俾免缺乏

同日勝保奏言初三日督兵至封門山口探報
逆匪已過封門山將山口關門踞住見我兵至
開礮抵拒其兩山對峙之中路狹僅行一馬臣
飭令兵丁分從樵路抄上賊衆棄關而走我兵
趕殺數十名餘賊西竄臣當會同善祿西凌阿
復飭副都統松玉等帶領馬步各隊跟蹤速追
至王屋鎮邵原鎮一帶沿途殺賊數百名初五

欽定剿平粵匪方略卷五

七

日我兵前隊追過垣曲數十里臣亦跟蹤而至
查知垣曲縣本有山西防兵數百名堵禦如合
力夾擊定可殄滅乃賊至卽潰以致縣城被擾
知縣被戕賊匪復由西竄初六日臣督兵尾追
至橫嶺關其山險峻異常最易守禦踰過此山
卽入平原臣原冀此處必有山西防兵可期夾
擊使賊殄滅乃竟漫無防守致賊從此竄出自

初六初七等日我兵已追及賊之後隊斬殺長
髮賊三四百名賊因我兵追勦愈緊奔竄愈速
沿途搶掠羸馬更換行走我兵疲於奔命無處
休息且米糧被賊搜盡無可覓食臣等仍督令
奮力窮追不敢少懈賊至絳縣地方官不知下
落賊入城焚掠聞我兵至復竄曲沃土匪勾賊
獻城知縣典史殉難幕友均被戕害城內四處

欽定剿平粵匪方略卷五

八

焚燒我兵趕到一面安民救火一面令馬隊追
賊步隊隨後接應該逆於城外關廂分股擁出
二千餘人經我兵殲斃二百餘人餘賊向西紛
竄我兵追殺十餘里天晚暫歇初十日賊至平
陽府城內因無兵勇經該府縣督率百姓守城
未能抵敵府城失守及官兵趕至業已無及臣
與善祿密商亟須連夜繞出賊前方可杜其北

竄遂令西凌阿等率領馬隊於北關外扼要設伏詎意賊匪已謀北竄齊隊東關阻我兵進截之路經西凌阿等奮勇斬殺三百餘名並殺其坐轎頭目偽丞相及偽將軍等該匪被我兵衝截兩段一半竄回平陽臣思該逆始而窮竄桀悍之徒不過四五百人使堵禦有兵早已勦辦得手今沿路裹脅又已過萬拏獲長髮賊訊供

聖學聖方略卷五十五

九

欲由山西乘虛直犯京師是以所破城池不願踞守臣揆度情勢若不跟蹤追勦逆賊必更猖獗若僅一味窮追前途調兵攔阻不及設被竄過韓侯嶺擾近畿疆大局不堪設想適總兵郝光甲趕到平陽臣與善祿密商惟有先其所急以北竄一股爲重囑令郝光甲暫將帶來之兵二千餘名及托雲保所帶吉林馬隊三百餘名

並遊擊王定莖等帶領步隊一千一百餘名堵勦平陽城內之賊臣與善祿乘夜督率馬步隊於十三日馳抵洪洞探知該逆排隊出城正欲北竄我軍馬隊繞至洪河北關大路扼要截擊步隊從東夾擊該逆喪膽回奔我兵擊殺五六十名餘匪竄回城中閉門潛匿臣等已繞出賊前將該逆全行兜住卽在縣城之北十五里上

聖學聖方略卷五十五

十

紀落鎮紮營扼守並分布各小路要口扼其東北紛竄之路頃據郝光甲稟稱平陽逆匪因我兵將其截爲兩段欲與洪洞逆匪相併十三日突有賊匪數千人由平陽城內衝出北竄經該鎮督率將弁交戰兩時之久殺斃黃巾頭目一名及賊匪數百人餘匪退入城中生擒長髮賊十餘名訊供該逆仍欲上竄北京其偽丞相林

姓於十一日夜間被我兵截回時不知下落死於軍中亦未可定等語臣伏思如該逆首已死則其潰散更易擬俟兵齊設法進剿先將洪洞之賊滅盡再行合剿平陽之賊然必使其南北兩處不能相通方可得手臣已令郝光甲駐紮平陽迤北扼其竄路總兵烏勒欣泰駐紮東關外扼其東竄董占元駐紮南門外堵剿兼防西

欽定剿平粵匪方略卷五十五

十一

路河干托雲保帶領吉林馬隊駐紮東南日夜四路巡哨賊向何處竄逃卽向何處進剿惟董占元現尙未到已飭其迅速趕至伏思平陽賊匪突出時若被衝過與洪洞合股則臣等腹背受敵賴該員弁等奮勇殺退不無微勞可否仰懇

天恩准予查明請獎再查賊至洪洞時趙城各村鎮先

爲賊送贏馬米糧霍州城門大開人民逃散紳衿備糧石以待賊是山西不但兵無可恃人心亦渙散堪虞臣等兵到民心始覺稍定惟所帶步隊馬隊除落後未到外僅四千餘名各處分布殊形單弱請

欽定剿平粵匪方略卷五十五

十二

飭統兵大臣迅由澤州陽城移兵前來會剿並嚴飭防守韓侯嶺勿使賊匪偷越又臣帶兵所過之區沿途村鎮皆爲賊匪搶掠一空糧臺相距日遠且山路難以如期轉運已咨明直隸督臣轉咨山西撫臣速撥銀二萬兩以濟急需勝保又奏言查山西垣曲縣知縣晏宗望當賊始至卽令閉城不意防剿之兵先經潰散逆賊已從南門攻入該知縣被賊戕害身受七傷又河東道張錫蕃奉派帶兵防剿亦被賊害該員

等歿於王事可否

飭查議卹出自

聖恩至都司玉恆署都司景亮奉派帶兵防守垣曲賊

至竟不接仗紛紛潰散以致任其蹂躪入城戕

官又不能退守橫嶺關力遏賊蹤致使出關紛

竄縱寇養癰殊堪痛恨相應請

旨飭令該撫查明嚴加治罪以爲臨陣畏葸者戒

聖恩匪方略卷五十五

十三

同日托明阿奏言查逆匪竄至曲沃一帶各路

官兵計已先後追及當可合力夾攻殲除淨盡

惟該逆避實擊虛是其故技 臣遵

旨統兵於八月十四日裹糧進山由澤州小路偵探賊

蹤迎頭截擊與勝保善祿等會合勦洗務期悉

數撲滅

同日哈芬奏言 臣欽奉

諭旨帶兵兼程馳赴扼要地方迎勦賊匪當飛催郝光

甲烏勒欣泰兼程前來何路先至 臣卽會同在

扼要地方迎勦杜賊北竄並曉諭城鄉紳民安

常固守互相保衛至省城已飭藩司督同府縣

等嚴密稽查並函致徐繼畬督同城內官民密

爲防範安定人心其平陽一帶並令各地方堅

壁清野糾集團勇合力接應復令遊擊和昌帶

聖恩匪方略卷五十五

十四

兵八百名駐紮靈石縣屬韓侯嶺道遙嶺及霍

州一帶地方使賊進無所踞退無所掠以期一

鼓殲除均奏入

上命軍機大臣傳諭訥爾經額曰逆匪竄入平陽府城

失守官兵跟蹤追勦該逆復竄至洪洞我兵沿途拏

獲長髮賊供該逆欲由山西直犯京師勝保已至趙

城繞出賊前將該逆全行兜住惟所帶兵勇尙恐不

數分撥仍應添兵扼守前路據請爾經額奏已派副將孔廣順帶兵由澤州一路前進所有前調山西兵三千名亦已飭令由獲鹿井陘一帶回省又據托明阿奏遵旨帶兵赴援已令其迅速前進並令恩華帶兵前往與勝保會合攻剿矣至直隸與山西交界地方除固關正定等處該大臣已撥兵駐守外其餘大小隘口均著嚴飭地方文武加意巡防杜賊奔竄

欽定剿平粵匪方略卷五十五

十五

上又命軍機大臣傳諭勝保曰逆匪西竄晉省該處防兵望風先潰以致後路追剿之兵不能得手殊堪痛恨勝保帶兵繞出賊前賊勢既分攻剿較易著卽相度機宜設法進剿並嚴飭各路帶兵將官四面兜圍防其奔竄哈芬令遊擊和昌帶兵八百名駐紮韓侯嶺一帶著卽催提前進扼要堵截恩華托明阿所帶之兵計日亦可趕到均著勝保咨商妥爲布置趙城

霍州等處竟有餽賊贏馬豫備糧石之事該處素有習教之人難保不密爲勾結勝保駐紮該處務須加意慎重嚴密調度勿露風聲並曉諭紳耆自相保衛固結人心勿爲賊誘至軍餉已令郭夢齡迅撥銀二萬兩解赴大營如一時不能解到所有各州縣倉庫錢糧均准隨時動用晉省素稱富庶急公報效者諒不乏人如有紳民人等情殷助餉或資送米食接濟

欽定剿平粵匪方略卷五十五

十六

軍營者均著勝保隨時獎賞保奏

上又命軍機大臣傳諭恩華托明阿曰前據恩華奏移營濟源當令其不可株守一縣諒已星速跟追托明阿於十四日始行裹糧進山由澤州小路偵探賊蹤迎頭截擊已屬落後本日據勝保馳奏平陽府城於初十日失守我兵跟蹤追剿賊復竄擾洪洞現將該逆衝作兩段勝保等已繞出賊前遏其北竄惟所帶

馬步官兵僅止四千餘名各處隘口不敷分撥北路韓侯嶺最為扼要之區必須添兵駐守防其奔竄托明阿著卽由陽城一路前進無分星夜馳赴韓侯嶺一帶扼要迎擊斷不可稍有遲延恩華著卽由垣曲一路進兵飛速遄行直赴平陽洪洞合力攻勦所有赴晉各路官兵並山西省官兵已有旨均歸勝保調度該尙書將軍等務須和衷共濟趁此賊匪喘息未定之時一鼓殲除不留餘孽萬勿再令紛竄

聖朝方略卷五十五

十七

上又命軍機大臣傳諭桂良曰勝保等追勦逆匪孳獲長髮賊供欲由山西直犯京師晉省與直隸毗連交界處所甚多固關等處爲北上通衢尤關緊要其餘小口亦尙不少著桂良將若何布置情形隨時具奏並派員實力巡查相機防守不可稍涉大意

上又命軍機大臣傳諭舒興阿曰逆匪竄入平陽洪洞

偏近陝境黃河兩岸情形最為喫緊著舒興阿選派得力員弁管帶兵勇擇要駐紮飭令認真巡查收藏船隻嚴防偷渡該督駐紮陝州原爲防堵懷慶賊匪刻下賊竄晉省惟以防守陝境爲要或應移兵河岸截擊或應渡河前進攻勦著卽體察情形趕緊籌辦

上又命軍機大臣傳諭郭夢齡曰據勝保奏逆匪已於

初十日竄入平陽府城失守復竄入洪洞覽奏實深

聖朝方略卷五十五

十八

憤懣現在勝保繞出賊前在洪洞縣城北扼要紮營杜其北竄並派令郝光甲帶兵二千名及托雲保帶領吉林馬隊三百餘名遊擊王定莖等帶領步隊一千一百餘名堵勦平陽之賊逆匪本欲全股北竄經我兵繞出賊前使賊首尾不能相顧本日復諭令托明阿恩華督率大兵分路兜勦自可迅就蕩平哈芬派遊擊和昌帶兵八百名扼守霍州韓侯嶺等處該

處爲太原要隘著郭夢齡飛催該遊擊前往駐守毋令賊匪竄越其勝保軍營所需糧餉著該署撫迅卽撥銀二萬兩以資接濟其餘追剿各路官兵據訥爾經額奏稱均應由山西糧臺支應諒該大臣已飛咨晉省並著該署撫飛飭各屬所有過境官兵一體接濟毋得貽誤

上諭內閣曰逆匪自竄擾垣曲晝夜狂奔因前路無兵

欽定剿平粵匪方略卷五

十九

兜剿以致平陽府城倉猝失事擾及洪洞現在勝保已繞出賊前扼要駐紮托明阿恩華等帶領大兵計日亦可趕到著卽督飭各路弁兵合力夾擊毋稍延誤其殲斃坐轎之賊是否逆首著卽查明具奏曲沃縣知縣及幕友等殉難情節著查明請卹其失守城池文武各員並著確查嚴叅懲辦殺賊出力各員弁准勝保據實保奏候朕施恩

上又諭內閣曰山西河東道張錫蕃帶兵在垣曲防剿

被賊戕害垣曲縣知縣晏宗望因防兵潰散猝不及備身受七傷殞命深堪憫惻張錫蕃晏宗望均著開復革職處分交部照例議卹其已革都司玉恆署都司景亮帶兵在垣曲防守賊至不敢接仗先自潰逃以致縣城失守逆燄臨張實堪痛恨景亮著一併革職卽著勝保查明玉恆景亮避匿何處派員拏解到營卽於軍前正法以爲臨陣退縮者戒

欽定剿平粵匪方略卷五

二十

同日雷以誠福濟奏言揚州東路兵力單薄經臣等先後具陳茲奉

諭旨以慧成容照所帶之兵計日亦可趕到令卽擇要分撥是東路緊要已在

聖明洞鑒之中現聞慧成奉調赴皖由揚州大路行走卽日可抵灣頭大營由此前往安徽雖有陸路

可通而向少車馬往來必須雇覓民夫當此地
方凋敝流離雇夫頗難猝辦且各兵馳驅兩月
奔走稍疲與其沿路羈遲不能迅應安徽之急
不若即留揚州東路會剿既息兵力兼可迅克
揚城臣等謹遵

諭旨咨會慧成等即駐兵揚州會同臣等設法進攻以
冀早蕩寇氛奏入

聖學聖方略卷五十五

三十一

上命軍機大臣傳諭琦善慧成曰揚州東路兵力較單
固須添兵協助惟皖省賊蹤肆擾亦在防剿喫緊之
際著琦善慧成酌量情形如揚州東路喫緊應留慧
成督兵防剿所有皖省和州一帶應撥何項官兵前
往會剿抑或慧成仍赴安徽由琦善另撥兵勇協防
揚州東路總當統籌全局毋得顧此失彼

二十日 壬辰

上命軍機大臣傳諭勝保曰賊擾平陽洪洞勝保所帶
馬步各隊僅止四千餘名各路隘口不敷分撥扼守
昨據訥爾經額奏分駐保定等處之山西兵二千七
百名已飭原帶官弁由獲鹿井陘一路折回晉省現
在計可趕到此項官兵即著勝保調赴行營或令協
同攻剿或分撥韓侯嶺扼守要隘著即相機督剿並
催恩華托明阿等飛速前進趁此賊匪奔竄未定之
時一鼓殲除勿留餘孽

聖學聖方略卷五十五

三十二

同日

上諭內閣曰賊匪竄擾山西哈芬退避失機民心驚擾
值此賊氛逼近總以防剿兼施鎮定人心為要現在
勝保等統帶各路精兵抄越賊前扼要堵截恩華托
明阿等所帶馬步官兵計已趕到四面兜剿定可得
手郭夢齡即督飭地方文武並剴切出示紳民人等

嚴密防守斷不可聞警遷移轉致橫遭搶掠至團練
為禦賊善策疊經諭令該省實力奉行何以賊蹤一
至如入無人之境可見該地方官並不認真督率辦
理著郭夢齡再行傳諭所屬官紳士民合力同心互
相保衛迅殄逆氛以靖疆圉毋負朕諄諄訓誡至意

二十一日癸巳勝保奏言逆匪屢由平陽遁出欲
與洪洞之賊合股經我兵擊退斬獲甚多乃該

聖朝方略卷五十五

三

逆於十六日由平陽東門突出繞道東北乘夜
飛行竄至洪洞東門外經臣派駐洪洞南門截
勦之黑龍江馬隊及天津正定兵丁前往迎擊
殺斃長髮賊百餘名生擒十餘名餘賊奔入洪
洞南門追趕不及臣當令郝光甲派兵入平陽
府城安撫一面飛調平陽圍勦之兵前來洪洞
會勦查洪洞迤北可由霍州靈石直入太原西

可由蒲縣達汾州東可由岳陽赴潞安一帶道
路紛歧現在臣所統兵不敷分布幸已扼住兇
鋒暫容布置如各路兵齊在洪洞合圍可期賊
滅淨盡但恐稍延時日仍不免有他竄之虞查
總兵董占元經臣豫派帶兵在平陽南門外防
勦屢次迎提總未見到副都統托雲保帶領馬
隊在平陽迤東紮營賊匪乘夜竄出不知追擊

聖朝方略卷五十五

三

復以兵力單弱難以攔阻為詞總兵烏勒欣泰
所帶之兵已到平陽數日該總兵尙在澤州逗
留應請

旨將托雲保董占元烏勒欣泰先行革職責令帶罪圖
功以觀後效現在賊氛剽急不可不統為籌畫
已飛致恩華等催兵由潞安一帶前來會勦並
與善祿西凌阿等面商分派吉林黑龍江馬隊

涼州山西步隊官兵駐紮趙城縣鎮定民心防護城池仍飛飭各路官兵迅速到齊不使逆匪他竄

勝保又奏言前因北路喫緊將各路兵丁分布北東西三面扼守查東南曲亭一路亦關緊要已派郝光甲駐紮並因托雲保馬隊來遲聞其已到曲亭即令在彼扼要迎截十七日夜聞賊

聖學方略卷五十五

三

由洪洞南門全股突出郝光甲弁兵抵禦不住賊已衝過營盤向東飛奔托雲保驟不及防亦被衝營而過臣當即商令西凌阿魁福等帶領黑龍江西安馬隊六百餘名跟蹤追擊查曲亭鎮東可由浮山岳陽竄潞安府曲亭鎮北可由山徑入沁源竄太谷徐溝直達太原臣與善祿會商逃逆狂奔步隊尾追不及總以扼賊北竄

為要即日督率各路步隊由趙城霍州至韓侯嶺總期繞出賊前保護太原扼要迎擊如賊竄潞安臣等即由韓侯嶺取道沁源轉折而南直搗潞安北路截剿一面飛催清化續撥官兵由澤州徑赴潞安勦辦並咨請嚴防獲鹿遼州及澤州各口免其東竄磁州回竄懷慶頃接請爾經額來咨以赴晉追剿之兵先後已有一萬四千名之多而覈計臣與善祿西凌阿等所帶馬步各隊僅四千餘名郝光甲帶兵一千五百名至董占元所帶八百名現未趕到此外七八千名係由何路前來尚未得有確信應請

聖學方略卷五十五

三

旨飭催即令由潞安東南一帶迅速迎擊不可再有延緩以便臣等由北路繞道馳往合勦奏入上命軍機大臣傳諭勝保曰賊匪全股竄入洪洞現由

洪洞突出東奔我兵未能抵禦西凌阿魁福等帶領馬隊六百餘名跟蹤追勦兵力未免單弱已諭誥爾經額飭令恩華統兵迅速前進與勝保會合兜勦毋庸暫留懷慶托明阿帶兵由澤州過山此時計當趕到著卽飛催應由何路接應妥速布置賊勢剽急異常軍情隨時變幻勝保務卽督催諸軍相機進勦如有畏葸不前貽誤軍務者卽行嚴叅按律懲辦朕以

欽定剿平粵匪方略卷五

三七

勝保臨陣奮勇爭先戰功屢著特授爲欽差大臣俾事權歸一其嚴明賞罰以振軍威掃除餘逆用副委任勉之慎之至誥爾經額所稱山西追勦之兵數已踰萬現在未到之兵著卽查明嚴催前進毋再遲延上諭內閣曰自逆匪竄擾懷慶勝保與托明阿善祿等偏近賊巢戰功屢著迨懷慶解圍餘匪西竄勝保與善祿西凌阿等跟蹤追勦行走迅速獨能繞出賊前

杜賊北竄現在平陽府城業已收復賊匪由洪洞東竄勝保等統帶馬步各隊扼要迎勦所有各路官兵前已有旨均歸勝保調遣誥爾經額馳回正定一帶嚴防各路要隘與晉省相距較遠一切調度勢難兼顧著授勝保爲欽差大臣並著誥爾經額派員將欽差大臣關防齎送山西軍營交勝保祇領所有各路官兵及地方文武統歸節制著卽嚴催追勦各兵迅

欽定剿平粵匪方略卷五

三八

速接應毋稍延緩恩華托明阿仍著幫辦軍務與勝保同心協力嚴飭各路帶兵員弁四面兜勦將奔竄賊匪剋期殄滅朕必加以懋賞直隸與山西毗連各隘口卽著誥爾經額督飭地方文武派委得力將弁嚴密防守偵察奸匪毋有疏虞至懷慶一帶卽責成河北鎮道督率地方文武與紳民練勇合力嚴防並著陸應毅察看情形擇要駐紮隨時調度其河岸南

北渡口仍著王履謙長臻實力巡查陝西交界各要隘著舒興阿桂明等嚴密布置勿令餘匪偷渡該大臣等其各懷遵朕命毋負委任

又諭內閣曰總兵董占元經勝保豫派帶兵在平陽南門外防勦屢次迎提總未見到副都統托雲保在平陽迤東紮營於賊匪竄出不知追擊復以兵力單弱為詞董占元著即革職暫留本任以觀後效托雲

勦平匪方略卷五十五

三十九

保著摘去頂戴以示薄懲烏勒欣泰所帶之兵已到平陽數日而該總兵尙在澤州逗留似此遷延實堪痛恨該總兵業經革職留任著即革任仍留軍營帶罪自效儻再不知奮勉即照軍法從事

同日訥爾經額奏言據探賊匪已至洪洞係在平陽迤北顯有北竄詭謀固關防堵緊要已催調署提臣保恆馳往駐紮至正定等處多與晉

省毗連雖經節次派員防守但畿疆重地臣職守所繫萬分焦急因思恩華現駐濟源當即咨會恩華暫留懷慶督兵駐守一面咨明撫臣陸應穀作速前來清釐地方臣星夜馳回正定一帶嚴密防備以固藩籬

同日桂良奏言直隸山西接壤處所自固關大道以外正定順德各屬小口尙多現經臣飛飭

勦平匪方略卷五十五

三十九

該管道府分飭所屬親往查看迅速設法堵塞並札飭駐紮固關之署提臣保恆派兵輪守以防賊匪偷越其宣化一郡毗連山西大同且附近京師尤關緊要臣復飛飭該鎮道暨該管知府一體嚴防妥為準備均奏入

上命軍機大臣傳諭訥爾經額曰平陽府城收復賊匪全股竄入洪洞復由洪洞竄出東奔飄忽靡定直隸

正定地方多與山西接壤該督現由清化馳回堵賊北竄畿輔重地自應迅籌扼守署提督保恆帶兵赴固關駐紮該處係直隸門戶最爲喫緊著飭該署提督嚴密防範至宣化各屬及易州紫荆關一帶亦多毗連山西並著嚴飭各地方文武員弁一體設防認真巡查盤詰奸宄毋任匪黨偷越該督務當統籌全局妥速布置以期保衛畿疆本日已命勝保爲欽差

欽定剿平粵匪方略卷五十五

三

大臣接辦勦匪事宜恩華托明阿仍令幫辦軍務卽著該督飛咨恩華迅速督兵前進與勝保會合攻勦毋庸留於懷慶所有該地方應行防堵之處已令陸應毅督同河北鎮道妥爲布置仍著該督酌留官兵協同防守

上又命軍機大臣傳諭桂良曰固關爲直隸門戶宣化一郡接壤山西大同易州紫荆關一帶亦與山西毗

連均係最要地方該尙書已飭署提督保恆帶兵前赴固關防守並知照秦甯鎮總兵德春嚴防紫荆關等處茲復飭宣化鎮道等一體設防現在請爾經額已由清化鎮折回正定著卽隨時咨商嚴飭各文武員弁實力巡查毋任匪黨偷越

同日李嘉端奏言據無爲州知州林蘭稟稱初六日聞賊欲由運漕入州該州當卽督帶兵勇

欽定剿平粵匪方略卷五十五

三

迎至倉頭地方知裕溪以內賊船全向東關又有賊船由外江入泥汊口遂令該處紳董會齊練丁防守倉頭一面會營折往泥汊初七日距泥汊十餘里遇賊施放槍礮互有擊傷追至江口突聞東關賊船還撲州城倉頭守軍不能抵禦城內民勇驚散賊遂乘亂而入該州因外援未到招募鄉勇徑攻州城擒獲黃衣賊目一名

餘賊駕船駛竄遂進城安撫旋接巢縣稟報黃
落河停泊賊船多隻窺伺東關十三日有十餘
隻突入神塘埠黃元吉督勇斃賊多名燒船四
隻該賊復聚千餘人由陸路抵太平嶺距縣僅
五十里請添兵勇堵截等語查芙蓉嶺係無巢
往來小路太平嶺路徑更僻皆在東關之後黃
落河既有賊船牽掣鎮臣進退兩難當經飛飭

聖恩匪方略卷五十五

三

三

李登洲折回救應若黃元吉跟蹤緊躡李鴻章
亦由柘皋赴巢尙可卻賊否則巢邑不守廬郡
更危現在存城兵勇數百人實屬單弱昨聞慧
成已帶兵赴和州迎勦業經咨撥宣化鎮兵五
百名由和含至東關餘由慧成分派烏江關山
兩處而調前守關山之陝安兵來廬以備策應
查無爲州城四面皆水賊船處處可通該州暨

營官不能禦賊往來以致失守各有應得之罪
惟念援兵未到三四日閒自行設法收復功過
似足相抵可否免其議處出自

逾格恩施奏入

上諭內閣曰無爲州城失守各員弁本有應得之罪姑
念援兵未至卽行設法收復功過尙足相抵加恩著
免其失守城池之罪仍交部議處

聖恩匪方略卷五十五

四

四

同日光祿寺卿宋晉奏言竊惟勦賊之方非攻
則圍今揚鎮金陵三城相持六月皆以收復爲
難是進攻不能遽望而所圍者又止一二面不
能禁其游弋往來現自鎮江而上直達江西江
面盡爲賊占正值收穫之秋濱江產糧處所圍
積必多儻被賊搜括禍根愈固惟有斷其糧路
爲第一要義查上游聚糧之地首在廬州府屬

之三河運漕兩處其次則太平府屬之官圩甯國府屬之灣沚鎮又次則安慶府屬之中央鎮皆係聚米之地欲斷三河運漕之路必扼裕溪荻港兩口欲斷官圩灣沚之路必扼采石蕪湖兩口欲斷中央鎮之路必扼土橋口如能處處周防斷其搶掠則三城之賊將不攻自潰應請飭下向榮李嘉端作速籌計各自簡派舟師及團練兵

欽定剿平粵匪方略卷五十五

三十五

勇分扼各要口並嚴查商販毋許偷漏則賊之接濟斷絕攻圍皆可得力至沿江一帶商船漁船似可設法招致選派得力兵勇帶領於各要口左近之港汊藏伏探伺或迎擊其前或橫衝其中或牽綴其後但能剷除一船即少一船之賊並請

諭令向榮等查明妥辦迅殄賊氛奏入

上命軍機大臣傳諭琦善向榮陳金綬雷以誠許乃釗李嘉端曰剿賊之方以嚴斷賊糧爲第一要著現在百穀登場濱江產糧處所囤積必多著琦善向榮陳金綬雷以誠許乃釗李嘉端等體察情形簡派舟師及團練兵勇分赴各要口堵截斷賊接濟之路並嚴查商販米船毋許偷漏至招致沿江商船漁船是否可以得力一併查明妥速籌辦

欽定剿平粵匪方略卷五十五

三十六

欽定勦平粵匪方略卷五十六 癸丑年

八月二十二日 甲午

上命軍機大臣傳諭恩華托明阿曰現已授勝保為欽
差大臣仍令恩華托明阿幫辦軍務勝保與善祿西
凌阿等所帶馬步各隊僅四千餘名兵力尙形單弱
亟須各路官兵會勦現留駐懷慶清化鎮馬隊尙有
三四千名此項馬隊勁旅最利追勦著恩華迅即帶

勦平粵匪方略卷五十六

一

領前進不可以有用之兵置之無用之地其清化鎮
應留兵若干即著該尙書酌量辦理賊匪飄忽靡常
洪洞以東可由浮山岳陽竄赴潞安北可由山僻小
徑竄入沁源一帶勝保等督帶各兵擬由趙城霍州
過韓侯嶺繞出賊前保護太原托明阿由澤潞一帶
進兵正可迎頭截擊恩華由垣曲前進著即沿途確
探賊蹤與勝保會合相機追截馬隊行走迅速不難

繞出賊前經過地方被賊滋擾之處夫馬等項恐一
時未能齊備勝保所帶之兵即不免星夜步行瓜菜
充飢事有緩急豈可拘泥延誤恩華托明阿等務宜
設法飛催進勦激勵將士兵丁奮勇爭先迅殄羣醜
廓清晉境即以保衛畿疆勉之懷之

二十三日 乙未 向榮許乃釗奏言賊踞金陵其南

門一面以雨花臺為犄角而雨花臺又恃城外

勦平粵匪方略卷五十六

二

大街為羽翼賊目多在街內盤踞官兵攻雨花
臺賊營時逆黨即從街中竄出包抄是以難於
得手必先毀去大街則臺上之勢自孤惟雨花
臺屢被攻勦該逆防備愈嚴東面大路業被截
斷祇有鳳臺門一帶尙可繞越前進因派提督
蘇布通阿總兵虎嵩林督同副將西林遊擊蔡
應龍張國樑等挑選健卒二千人於十二日寅

刻繞至雨花臺西張國樑率勇先至街尾縱火
賊從火中逸出奔雨花臺我軍追擊斃賊甚多
惟後路接應兵勇以路徑繚曲樹木叢雜僅側
身而進不能大隊擁入是役街內房屋焚去大
半未逃出之賊盡行燒斃而城上及雨花臺賊
匪槍礮不絕我兵在街中者過於單薄因與各
路伏兵均仍撤回此十二日進攻南門情形也

欽定剿平粵匪方略卷五十六

三

至鎮江攻剿情形准和春等文稱初八日水師
各鎮將派師船分爲四隊乘東南風進擊北固
山一帶礮隄隄前有賊船數十隻分泊守護被
我軍擊沈數隻斃賊甚多又燒燬木礮臺一座
餘匪潛伏不出其瓜州北岸均築礮隄護以礮
船二百餘隻我師船乘風近前開礮擊倒望樓
二座轟沈賊船十餘隻斃賊無算隄內賊皆伏

匪但聞人聲鼎沸因風力漸微篷舵使不便
傳令收兵和春聞江上礮聲亦卽督兵出隊東
南兩門賊皆堅閉不出惟於城上施放槍礮抵
禦此初八日鎮江水陸進攻情形也再探得南
門一帶係逆匪前二軍把守先經密飭張國樑
倣製賊匪號衣數百件於進攻時遣親信壯勇
埋伏於雨花臺及南門左近專俟城內賊黨出

欽定剿平粵匪方略卷五十六

四

救或外賊敗退入城卽令該勇趁勢涵進城中
俾大隊奪門而入乃該逆堅閉不出此策未得
施行祇可避實擊虛別圖善術我兵連次在南
門攻擊探聞西北守城之賊又多撤赴東南現
復派弁躡覓路途務使有隙可乘期在必得奏
入

上命軍機大臣傳諭向榮許乃釗曰此次焚燬南門外

賊巢雖有燒斃斬獲究未能攻奪雨花臺斷賊援應
卽鎮江水陸進攻亦未能得手該大臣等頓兵城下
爲日已久若不別圖良策設法圍攻必致師老餉匱
其患何可勝言金陵揚鎮三城該逆聯爲一氣總由
不能肅清江面之故節次諭令葉名琛等雇備船礮
並令湖南湖北製造戰船其紅單船隻已抵閩洋著
卽飭令和春麟桂等迅速催提駛入江口爲水陸夾

聖朝方略卷五十六

五

攻之計至所稱張國樑擬遣親信壯勇潛入城中爲
奪門之計旣未得施行此外有無善策可以出奇制
勝著再集思廣益速奏膚公

同日桂良奏言接據山西來咨賊匪由洪洞東
竄如出晉境卽與河北之武安彰德直隸之順
德廣平相距不遠臣當卽飛咨請爾經額迅速
派兵就近堵截併飛飭接壤各地方文武一體

嚴密防守臣一面於省城內外加意設防務期
鎮定人心不敢稍涉張皇亦不敢稍形疏懈奏
八

上命軍機大臣傳諭桂良曰畿輔拱衛京師防堵不可
稍懈除著名關隘業經布置防守外其偏僻路徑並
著飭令各地方官實力巡查請爾經額已回正定該
尙書鎮守省垣尤宜盤詰奸宄毋令乘間潛入其團

聖朝方略卷五十六

六

練鄉勇是否著有成效並著督飭地方官會同紳士
實力妥辦以期有備無患

上又命軍機大臣傳諭勝保郭夢齡曰前因賊匪由洪
洞東竄當諭令勝保飛催援兵應由何路接應妥爲
布置哈芬現已拏問其原帶出省之文武員弁及隨
帶兵丁應否撤歸省城抑併歸勝保軍營著該大臣
與郭夢齡斟酌分派托明阿由澤潞一帶前進正可

截擊東竄賊匪恩華所帶官兵爲數不少並著該大臣迅催前進如賊蹤折向北竄勝保等自應扼要迎擊保衛太原省城若賊由潞城黎城等處山口關隘乘虛竄出卽係入直隸之路勝保仍須跟蹤窮追盡力殲剿逆賊避實擣虛是其慣技切勿大意致墮奸計

上又命軍機大臣傳諭訥爾經額曰賊匪由洪洞竄出

欽定剿平粵匪方略卷五十六

七

是否經沁源太谷徐溝徑趨太原抑由岳陽長子直撲潞安該督甫自懷慶起程定已就近探知賊蹤所向嚴密籌防北路大同宣化一帶直達居庸關固與京師接壤卽由龍泉倒馬各關東趨紫荆關亦可徑抵易州各路關繫均屬緊要現在勝保已由趙城等處帶領馬隊扼賊北竄之路該逆若聞風東竄分股蔓延潞安緊接清漳由黎城武安至臨洺關或自平

定固關而入井陘獲鹿均須節節嚴防庶可杜其竄越前據該督奏請將盛京兵二千名改駐正定吉林兵二千名分駐保定省城及臨洺關朕思吉林勁旅合則聲壯分則力單應如何歸併一處以壯聲勢著該督體察情形妥籌辦理勝保與善祿西凌阿所帶馬步各隊現止四千餘名該督咨稱追剿赴晉之兵已有一萬四千餘名之多除郝光甲董占元共帶兵

欽定剿平粵匪方略卷五十六

八

二千三百名尙未趕到其餘七八千名係何處官兵於何時起程由何處行走抑係在途逗留著卽查明具奏仍嚴檄飛催迅赴澤潞一帶與勝保合力迎剿萬勿遲誤並著將一切布置機宜隨時知照勝保等大營總須直隸山西聯爲一氣聲息相通

同日

上諭內閣曰前以逆氛肆擾疊降諭旨令各督撫曉諭

紳民舉行團練自衛鄉閭直隸省團練是否辦有成效未見入奏現在晉省賊匪由洪洞東竄已飭各路官兵四面兜擊自不難悉數殲除直隸與山西接壤各口要隘雖經派有重兵防守尤賴兵民同心藉收衆志成城之效著訥爾經額再行申諭地方官吏認真董勸該紳耆等各就地方情形妥速布置其能實力奉行團練有效以及捐貲集事者著卽隨時保奏

勦平粵匪方略卷五十六

九

朕必立予恩施畿輔民風素屬急公好義其各協力保衛毋負諄諄誥誥至意

二十四日 丙申

上諭內閣曰昨命勝保爲欽差大臣勦辦竄擾山西逆匪各路官兵統歸節制並飭領兵大員等合力兜圍自不難迅速殲除剋期奏凱惟軍律首貴嚴明將士方能用命近覽軍營奏報鎮將備弁中或以守候軍

火夫馬藉口逗留或以防堵遠僻地方抗不遵調畏葸玩誤幾至相習成風縱賊殃民深堪痛恨勝保特膺簡任總統師干著頒給康熙年間安親王所進神雀刀由恆春齋往山西交勝保祇領如有不遵調遣任意遷延甚至臨陣退縮貽誤軍情者提鎮以上著該大臣據實奏聽候諭旨其副將以下各員弁卽著一面正法一面奏聞以肅軍令該大臣其嚴申紀

勦平粵匪方略卷五十六

十

律迅掃賊氛

二十五日 丁酉 訥爾經額奏言 臣現已行抵衛輝

星夜馳詣順德正定一帶將直晉交界大小各關隘趕緊布置周密卽統兵由獲鹿井陘赴晉探明賊蹤迎頭截擊務期淨掃餘氛至署提臣保恆已於十八日帶兵出省日內計可行抵固關奏入

上命軍機大臣傳諭訥爾經額曰逆匪飄忽靡常避實
搆虛是其慣技易州一帶雖有秦甯鎮駐紮兵力實
形單弱該督務當派委得力鎮將統帶精兵馳赴紫
荆龍泉兩路擇要防守萬不可稍有疏忽保恆已抵
固關則獲鹿井陘一路卽飭令探明賊蹤迎頭截剿
直隸與山西交界要隘甚多該督自應統籌全局扼
要調度若統兵由獲鹿入山直赴晉省儻賊從他處

聖學聖方略卷五十六

十一

竄出我軍又恐落後總當體察情形密速偵探何路
緊急卽督飭官兵由何路迎勦如兵力不敷分撥所
有駐紮南苑之察哈爾官兵四千名駐紮天津之盛
京官兵二千名均可酌量奏明調遣

二十六日戊戌勝保奏言臣前於趙城拜摺後卽

行督兵起程由霍州靈石介休一帶遄行於二
十二日抵平遙查靈石介休平遙等州縣附近

霍山山路可通之處甚多而以關子嶺窰頭村
古寨村爲最要其祁縣太谷等縣復有黃花嶺
子洪口爲要隘當賊甫東竄時臣卽咨會哈芬
郭夢齡分撥兵丁嚴防惟山西兵丁未經戰陣
不可深恃復嚴札各帶兵官認真督率毋稍貽
誤一面咨催托明阿迅卽督兵由澤州取道潞
安探明賊蹤由東南路迎擊一面飛催西凌阿

聖學聖方略卷五十六

十二

馬隊並飛飭郝光甲之兵速由浮山曲亭西南
路一帶跟蹤追擊臣與善祿等由東北路繞出
賊前督兵夾擊以期迅殄羣醜其由保定調回
之山西兵丁二千七百名業已飛飭該帶兵官
就近在遼州一帶駐紮扼其東竄河南直隸之
路探聞該逆現在岳陽沁源縣屬之舊縣府城
鎮等處盤踞二日因聞各路有兵欲圖東竄潞

安東北竄沁州恐其由潞城黎城和順遼州一帶竄入河南武安涉縣等處滋擾不可不先事豫防已飛調德坤雙成挑選官兵八百名即由澤州取道路安一帶前來扼要截擊

同日桂良奏言臣前因賊氛未淨疊飭地方文武盤查奸細以杜勾結茲據東明縣知縣丁學易拏獲奸細陳登心解省訊供係賊營偽官誠

聖學方略卷五十六

十三

恐同來夥黨不止一人現在嚴行審訊一俟問明盡法懲辦至省城紳民練勇及官局練勇臣當勤加訓練務期一律嫻熟以資得力均奏入

上命軍機大臣傳諭勝保恩華托明阿曰逆匪由洪洞東竄後勝保即督兵由霍州靈石介休一帶馳抵平遙繞出賊前並於各處隘口分撥嚴防探明該逆現在岳陽沁源縣屬地方盤踞二日欲圖他竄該大臣

已咨催托明阿督兵由東南路迎擊西凌阿及郝光甲由西南路跟追調回之山西兵二千七百名令在遼州一帶駐紮並飛調德坤雙成帶兵由澤州取道路安一帶扼要截擊布置尙為周匝惟賊勢剽悍異常該處隘口紛歧山西兵丁未經戰陣難資得力托明阿由澤州取道路安著即督兵星速前進一路探明賊蹤迎剿恩華統帶馬步各隊此時行抵何處著

聖學方略卷五十六

十四

即督催前進沿途偵探賊由何處分竄即迅赴何處追剿其直隸河南各要隘已諭令訥爾經額桂良等嚴密籌防該大臣等仍隨時知照訥爾經額互相接應勝保身為統帥並頒給神雀刀俾肅軍令該大臣一切賞罰務須公正嚴明以期人人用命恩華托明阿幫辦軍務均屬責無旁貸其各同心協力迅掃賊氛山西與直隸交界要隘甚多恐賊匪被剿窮蹙又

從山徑乘虛竄出必須四面兜截聚而殲斃萬不可稍有延誤

上又命軍機大臣傳諭桂良曰山西代州地方有小道可通紫荆關直達易州儻賊由此路奔竄關繫甚重該處雖有秦甯鎮總兵駐紮兵力未免單弱昨已諭訥爾經額派兵前往扼要防守桂良駐紮省城相距不遠並著迅籌布置嚴飭文武員弁實力堵截隨時

聖恩匪方略卷五十六

十五

偵探盤緝奸宄勿任偷越東明縣既經拏獲奸細陳登心即當嚴訊究明賊匪東竄蹤跡豫為準備此等奸徒瀕入直境諒必不少仍著嚴飭各地方官密速查拏毋稍疏縱

上又命軍機大臣傳諭訥爾經額曰勝保奏逆匪現在岳陽沁源縣屬之舊縣府城鎮等處盤踞二日欲圖東竄恐其由潞城黎城和順遼州一帶竄入河南武

安涉縣等處滋擾不可不防等語直隸與山西省毗連地方此路亦最關緊要必應派委得力將弁扼要

堵截仍著該督即飛催調回之山西兵丁二千七百名迅速前行即遵勝保札飭在遼州一帶駐紮扼其東竄河南直隸之路又據桂良奏東明縣拏獲奸細陳登心訊係偽官嚴加審究等語此等奸匪潛行窺探恐瀕入直境者尚復不少著訥爾經額嚴飭各屬

聖恩匪方略卷五十六

十六

於各路要隘實力查拏毋任偷越

二十七日 已 托明阿奏言 臣督帶官兵由太行

小路翻山趨行於十八日馳抵山西長子縣探得逆匪在該縣迤西百餘里隨據隨竄 臣即會同明慶督催馬隊由捷徑迎擊步隊繼進十九日行抵屯留縣之豐儀鎮探報該逆約有一千餘名距豐儀五六十里 臣正催提步隊復報該

逆已陸續前來臣先督馬隊翻山迎勦該逆二三百名從山頭撲下我兵迎擊斃賊十數名該處南北皆山中間河水紆折突由河灣繞出逆匪二百餘名以抄我後南北兩山亦有賊三四百名蠶擁撲來臣所帶隊僅二百餘名難以分撥因督令先擊抄後之賊不意該逆由北面土山施放鳥槍正中臣帽槍子由腦骨穿出血流

聖恩獎方略卷五十六

十七

昏暈當督戰之際恐兵丁驚懼忍痛鏖戰適步隊趕到分投迎擊斃賊二百餘名該逆潰敗翻山奔竄復追殺五六十名收隊紮營臣因中傷督戰多時血流不止到營後不能支持現當追勦喫緊之際實恐卽難就痊有誤事機惟有懇懇

天恩賞假調養俟稍平復卽行銷假查已革副都統明

慶出師多次督兵有方臣現帶之兵除令原帶協參領等管帶外先令明慶統率趕緊追勦毋任殘孽稍得喘息以期及早殲滅奏入

上命軍機大臣傳諭勝保托明阿曰托明阿由澤州翻山迎勦於屯留縣豐儀鎮地方遇賊接仗擊斃二百數十名追殺五六十名勦辦甚爲得手該將軍被槍子穿帽受傷猶忍痛督兵鏖戰獲勝甚屬可嘉現在

聖恩獎方略卷五十六

十六

傷痕是否平復朕心實深懸繫著將朕是日所佩之大荷包一對小刀一把由驛寄去賞給托明阿並頒賞五等褱八兩給假調養該將軍素性勇敢老當益壯惟盼醫治速痊以慰朕念明慶打仗多次奮勇出力著卽賞還副都統所有該將軍現帶官兵卽令明慶暫行統帶趕緊進勦不准稍有延緩並著勝保酌派熟悉軍情之大員飭往托明阿軍營幫同明慶相

機調度現在賊竄屯留距潞安甚近似有回竄東南之勢惟數止千餘又似分股旁竄而大股尙在迤北勝保旣由平遙進兵定能嚴扼北路其南路追兵萬勿稍遲恩華現抵何處著勝保再行飛催務令兼程前進南北夾擊庶餘孽得以全數殲擒至翻山敗竄之賊現往何處著查明具奏

同日慧成奏言臣自清江起程於十九日行抵

欽定剿平粵匪方略卷五十六

十九

揚州灣頭途次接雷以誠福濟等來咨知已會摺具奏留臣在揚協同防剿臣晤福濟暨接見各將弁稱城內逃出難民僉供賊匪米糧將盡令奸細送信瓜州分撥匪徒數千護送米船約期於八月二十前後江湖旺盛時衝進揚州並令揚州賊匪聽三汊河礮號卽行接應仍於各門分出賊匪牽掣我師等語諄懇臣卽留灣頭

協同防剿察看情形賊勢窮蹙瓜州近在咫尺運米接濟係在意中若聽其衝進城內則克復無期且恐清江一帶不免張皇軍情變幻爭於頃刻勢不能不先顧揚州急所當急而和州亦不可不顧因飭令常清管帶青州官兵八百五十名先行馳往扼要堵截至臣所帶之宣化陝西兵九百五十名暫行駐紮灣頭聽候調遣奏

欽定剿平粵匪方略卷五十六

二十

八

上命軍機大臣傳諭琦善陳金綬雷以誠慧成福濟曰揚城東北一帶勇多兵少慧成現已行至灣頭著卽將所帶之宣化陝西兵九百五十名駐紮該處會同雷以誠福濟等相機堵剿其和州堵禦亦關緊要慧成飭令常清管帶青州官兵八百餘名先行馳往扼要截剿卽飛催前進毋令稍涉遷延至城內賊糧將

盡窮蹙思竄勢所必至該大臣等亟宜妥籌協剿合力進攻萬不可再事稽遲致令乘虛竄逸琦善身為總統陳金綬雷以誠均係幫辦慧成福濟督兵協剿雖分路紮營而所辦共此一事儘稍存畛域之見不能戮力同心滅此窮寇無論該逆由何路竄出該大臣等均不能辭罪半載以來老師糜餉蕞爾揚城不能迅圖克復豈坐待賊匪全竄又復滋蔓他處乃以

黎粵匪方略卷五十六

三

收復城池入奏為謝責地步耶

二十九日 辛丑 琦善陳金綬雷以誠福濟奏言揚

城賊匪被圍窮蹙近獲奸細供稱江甯鎮江之賊欲俟中秋大汛乘船駛入內河會合瓜州之賊前來接應 臣琦善密飭總兵瞿騰龍等於三汊河添設高樁以阻河路連日埋伏偵探不見賊船到來城內賊匪待援不至智計益窮 臣等

伏念因獸猶鬪更宜加意防維飭令各營分段巡防互相策應十九日賊匪百餘人出徐凝門至王家莊地方參將師長鑣等督率兵勇前後夾擊斃賊二十餘人餘賊奔竄入城二十日又有賊匪三百餘人出徐凝門至王家莊師長鑣等分路迎剿適參將馮景尼率兵勇一千名在田家巷埋伏聞警踵至追至浮橋口斃賊數十

黎粵匪方略卷五十六

三

名城上賊匪望見飛速鳴金該匪等悉遁入城中是日西門迤南有賊匪縋下約二百餘名參將鞠殿華等督兵迎擊那瑪善等帶隊接應復經 臣陳金綬督飭守備馬國陞等直前迎敵共斃賊百餘人其時仙鶴唳迤東亦有賊四五十名下城經都司色普哲訥等督飭弁兵傷斃賊匪二十餘名 臣等察賊情形實屬畏怯惟恃城

堅人衆固守望援如果糧食垂盡斷無坐以待斃之理勢必傾巢出竄旨死突圍現在惟有杜絕外援嚴防竄逸以冀相機克復奏入

上諭曰東路欲竄早在意中琦善斷不能辭責自賽尙阿一誤之後再誤者琦善也琦善老而無志如再不知愧奮朕必用從前賜賽尙阿之過必隆刀將汝正法

欽定剿平粵匪方略卷五十六

三

三十日壬寅恩華奏言臣於十五日自濟源移營赴晉會剿途次接奉

諭旨令由垣曲一路進兵直赴平陽洪洞攻剿遵卽督催兵弁前進二十四日至長子縣晤托明阿據稱賊匪竄至縣屬鮑店地方曾經接仗該逆復竄往潞城明慶西凌阿現已帶兵跟蹤追剿並據探稱賊復由潞城東竄黎城查黎城與豫省

武安直隸邢臺接界現直隸各營之兵大半調撥在外存營不過十之三四畿疆重地所關甚鉅計此時總應繞越賊前迎頭截擊遏其北竄因詳詢該處熟悉道路之人卽由固關徑入直隸一面確探賊蹤迎頭截擊惟臣現帶馬步官兵一千六百餘名勢覺稍單業經移咨勝保撥派兵弁迎頭會剿以期迅殄賊氛奏入報

欽定剿平粵匪方略卷五十六

三

同日郭夢齡奏言賊匪自岳陽沁源兩縣山路竄入長子縣境二十一日經托明阿等截擊獲勝旋據潞安府知府金昫善稟報二十二日賊奔潞城圍攻托明阿同侍衛蘊秀等各帶官兵緊追現探賊匪於二十三日攻陷潞城全數奔竄黎城欲由該處出口徑撲豫境潞城文武現

聞

尙不知下落等語 臣不勝焦灼當即飛咨請爾
經額陸應毅趕緊撥兵截擊以期迅速殲滅無
任蔓延奏入

上諭曰該逆奔而不留其勢固窮雖欲竄往河南而太
原前路防堵尤屬緊要不可稍疏潞城文武下落著
查明具奏恆春指日抵晉郭夢齡仍應和衷籌畫以
大局爲要若遇要件不及相商即徑行馳奏

聖朝聖略卷三十六

三

上命軍機大臣傳諭勝保曰賊匪攻陷潞城全數奔竄
黎城欲由該處出口徑撲河南黎城與河南武安直
隸邢臺皆屬接界托明阿西凌阿明慶蘊秀等據稱
帶兵緊追何以未能堵截致賊旁竄此時勝保是否
仍在平遙抑係督兵進剿未據奏報實深懸繫恩華
行抵襄垣擬由固關徑入直隸迎頭截擊是否不至
紆迴遲誤著勝保迅即統籌全局應如何扼要堵擊

不令竄入直境並合力夾擊之處相機調度辦理賊
勢剽疾勝保等統兵遏其北竄太原之路安知賊匪
不避實襲虛橫出山口由豫境擾及直隸境內著該
大臣隨時飛咨請爾經額並嚴飭派守隘口官兵認
真堵截毋稍大意

同日舒興阿奏言查逆匪攻陷平陽復竄洪洞
與汾河相近有由汾河乘船西竄蒲州之謠現

聖朝聖略卷三十六

三

在蒲州極爲喫緊 臣酌量情形自應移緩就急
馳往蒲州就近堵剿惟逆匪雖竄山西而零星
股匪四散奔突者不少屢次拏獲多名是陝西
之會興鎮仍關緊要現派署遊擊成桂等帶兵
駐守並令河陝汝道恆山督防仍嚴飭地方文
武一體認真稽查以防偷渡至山西芮城平陸
永濟等處北岸船隻前經 臣派委員弁概提南

岸復移杏提臣就近委員稽查夏陽等渡船隻不准鬆懈並飛咨山西撫臣哈芬及徑札汾州府迅將汾河兩岸船隻一律撤收臣於二十七日帶領官兵七百餘員名自陝州渡河由平陸之茅津渡前進取道聞喜馳赴蒲州相機督辦惟臣營兵數過少現在孟津渡口似覺稍緩擬將前派之官兵一千名內酌撤五百名隨營調

欽定剿平粵匪方略卷五十六

三十七

遣該處留兵五百名並河南府所募練勇及兵役等共計約有千名似可藉資巡緝一面移咨河南撫臣飭屬嚴防並遵

旨仍將珠克登留駐孟津以資督率前准訥爾經額咨稱北岸已派兵一千名駐守兩相稽查庶可不至疏虞奏入

上命軍機大臣傳諭舒興阿曰昨據托明阿奏賊匪竄

入長子縣境數止千餘其大股現在屯聚何處尙未據勝保奏到惟逆匪由洪洞分竄難保不由黃河西擾蒲州陝省防範不可不嚴該督帶兵前進既可迎剿分竄之賊又可扼守陝省門戶所有山西沿途地方官員如有延玩誤差者著卽據實嚴參懲辦並著隨時知會勝保郭夢齡務當聲息相通合力夾擊迅殄逆氛

欽定剿平粵匪方略卷五十六

三十八

欽定朔平粵匪方略卷五十七 癸丑年

九月初一日 癸卯 勝保奏言 臣因逆賊觀覲北路

將山西調到兵一千餘名扼要布置一面督兵

前進當賊未東竄時即飛催恩華托明阿等由

潞澤一帶迎擊會勦扼其東竄旋經托明阿咨

稱已由澤州前進而恩華行抵何處未據覆到

臣即督兵由子洪口南關前進欲與托明阿聲

朔平粵匪方略卷五十七

一

勢相聯詎該逆聞我兵將至乘閒向東奔竄托

明阿在長子縣屬之鮑店地方遇賊接仗擊退

數里旋復奔突東竄由屯留縣城外竄至潞城

黎城一帶潞城失守即已收復托明阿已帶兵

尾追西凌阿亦跟蹤前進 臣本擬將該逆困於

沁源山中全賴東南之兵截住庶可四面齊進

一鼓殲除無如賊奔太急各路進兵較緩 臣由

垣曲至洪洞路經千餘里追勦半月有餘使恩

華所帶馬步隊與托明阿相合必可得力乃緩

不濟急董占元亦至今未到訥爾經額此時恐

亦未趕到正定 臣若再尾追更恐不及現已由

南關折回太谷帶兵二千餘名直趨正定獲鹿

井陘一帶以扼北竄賊鋒保衛畿輔並飛調舒

興阿派來之副都統綿洵前任總兵桂齡帶領

朔平粵匪方略卷五十七

二

官兵一千八百名並副將孔廣順所帶官兵九

百名隨同勦辦復於 臣所帶馬隊二百餘名內

撥出一百五十名派營總巴揚阿由北路迎頭

抄擊一面飛咨直隸督 臣山東撫 臣嚴防以便

跟蹤夾擊一面飛催恩華迅速由清化前進保

護彰衛一帶更請

飭下於保定南北添兵嚴密布置庶期有備無患至恩

華托明阿一則會勦遷延一則堵禦未善應請
旨交部分別議處臣督催不力以致徵調未齊請
旨一併交部議處

同日訥爾經額奏言探得西竄餘逆分股擾及
晉省潞澤並由潞澤竄至豫省涉縣武安縣復
由武安山路徑奔臨洺關查調駐臨洺之吉林
兵一千名因豫省車輛不敷周轉已到防者七

欽定剿平粵匪方略卷五十七

三

百五十名且軍火器械尙未運齊當又截留折
回之山西兵三百名飭令總兵經文岱統帶迎
擊該逆拌死抗拒我兵奮力轟擊斃賊百數十
人並斬獲紅巾賊目首級一顆生擒長髮賊匪
一名該逆稍退我兵續有斬殺無如山徑可通
之路不一而足且該逆到處裹脅愈聚愈多我
兵不滿千名寡不敵衆致有傷亡臣現在暫駐

廣平府城催調官兵並擬即日帶兵由南和冀
州無極一帶繞道抄出賊前馳赴正定堵剿一
面飛咨署提臣保恆由固關帶兵迎勦至臣子

蘊秀偕同副將伊綿阿等前在清化帶兵一千
名由澤州小路取道前赴平定井陘一帶駐防
此時署提臣帶兵迎擊則固關空虛現已飛飭
蘊秀等即在固關駐紮堵禦並飛咨桂良嚴防

欽定剿平粵匪方略卷五十七

四

省會請將現在
南苑之察哈爾兵四千名調赴正定堵剿其現駐
天津之
盛京兵二千名調駐保定防堵
訥爾經額又奏言賊由太行各小口竄入直境
太行以東府縣多在平地無隘可守應添兵分
勦以期及早撲滅臣思

欽差大臣勝保現在督兵駐紮太原 臣已咨商勝保體察晉省情形酌留官兵防剿一面親督官兵星夜由井陘獲鹿徑赴正定迎頭截擊應請

飭下該大臣勝保遵照再賊匪已至廣平地面 臣現駐

廣平飛催各路已調未到之兵稍有成數即開仗迎剿

同日桂良奏言臨洺關被賊竄踞現探賊已北

欽定四庫全書

五



來距順德城不過二十里據訥爾經額咨請添兵堵截前來查省城官兵僅有四百餘名滿營駐防官兵亦止五百餘名均無可撥况臨洺關距省不過六百餘里畿輔重地為都城保障亟宜準備斷難分兵前往惟查由省撤回之大同後起官兵五百名尙未出關現在速飭改道徑赴順德迎剿並將龍王廟水次停泊之

盛京吉林官兵飛咨該督就近飭調並飛咨勝保迅速帶兵來直跟蹤剿辦一面知照慶祺將駐紮天津之

盛京兵分撥一千來省但恐行走較遲應懇

天恩先行撥給京營精兵五六千名隨帶礮位迅速前來一面保衛省垣一面策應前路方可無虞惟

省城礮位不敷防堵聞副都統佟鑑管帶赴晉

欽定四庫全書

六



礮位已於二十九日由京起程擬俟該副都統到省時幫同防堵並將所帶礮位暫行截留以資急用均奏入

上命軍機大臣傳諭勝保恩華托明阿西凌阿曰臨洺關被賊占踞距直隸省城甚近勝保素稱勇敢且畀以總統重任各路官兵均歸調度著即迅由井陘一路出山迎截並飛催各路統兵大員迅速會剿總期

近畿地方及早肅清以慰廬念前據恩華奏報亦擬帶兵由固關一路迎截此時不知行抵何處是否已與勝保會合著卽速催前進會同辦理托明阿著與西凌阿等併力追擊使賊匪前後受敵無難悉數殲除董占元畏葸不前至今屢催未到著卽查明如係有心貽誤卽奏請正法以肅軍律現派培成多爾濟那木凱帶領察哈爾官兵四千名前往正定惟馬匹

聖皇方略卷五十七

七

尙須調撥此項官兵恐未能剋期趕到其盛京兵二千名由天津馳赴保定如有應需調遣之處卽行咨調協勦恆春已令暫留正定協同帶兵防勦並將副都統佟鑑所帶礮位截留著卽酌量布置滹沱河渡口船隻亦須飭令收集毋令奸匪偷渡畿疆重地豈容逆匪滋擾該大臣惟當申明紀律嚴定賞罰與在事諸臣同心戮力迅殄妖氛

上又命軍機大臣傳諭諸爾經額曰據奏賊竄直境情

形已派培成多爾濟那木凱慶祺維祿分帶察哈爾盛京各路官兵星馳赴勦矣自賊竄懷慶時節次諭令該督嚴防畿輔要隘何以賊蹤竄及一戰卽潰且軍火器械爲兵丁衛身擊賊之具自賊匪西竄該督漫無布置竟置軍械於後致令如此勁旅徒手禦賊事後歸咎車輛不敷亦已無及該督調度無方已可

聖皇方略卷五十七

八

概見本日據桂良奏逆匪已踞臨洺關且離順德不過二十餘里該督旣在永年發摺何以並未提及臨洺關失守之事摺內又稱擬由南和冀州無極一帶繞出賊前廣平至正定自宜徑向北行何以轉折而東似此紆折遷延是何意見豈將任賊直奔正定乃由冀州一帶爲退回省城計耶保恆帶兵由固關出山迎擊自係正辦蘊秀伊綿阿何以轉令留紮固關

不與保恆合力勦賊勝保等現已由獲鹿井陘督兵迎擊該督務卽迅赴正定與勝保等會勦勿再延誤滹沱河現當盛漲有險可守著飭地方官收集渡船毋爲賊用所有派赴正定之察哈爾官兵卽日由京起程該督不可專待此項兵丁致有貽誤其派赴保定之盛京官兵著與桂良妥商布置並嚴飭地方文武合力守禦儻再有疏失惟該督是問逆匪肆意奔

聖學聖方略卷五十七

九

突難保不由磁州一帶回竄豫境懷慶府知府余炳燾已補授陝西鳳邠道該員熟悉河北情形著飭暫留懷慶會同河北鎮道籌辦防堵其山東與直隸交界處所亦卽飛咨瑞昌崇恩一體嚴防以杜竄逸本日又諭令華山泰就近飭令多倫諾爾聽購馬二千匹著該督飛催口北道飭該廳趕緊購辦毋稍遲誤上又命軍機大臣傳諭桂良曰臨洺關已被賊踞畿疆

喫緊已有旨將駐紮南苑之察哈爾兵四千名派培成多爾濟那木凱帶赴正定迎勦又派慶祺維祿管帶駐紮天津之盛京兵二千名星速馳赴保定以資省垣防守並備各處調遣著桂良嚴飭各員弁實力籌防並飭各處隨時偵探盤緝奸宄密速查拏總以鎮定人心爲要至勝保統領大兵已由固關直趨獲鹿一帶截勦訥爾經額前赴正定繞由冀州行走恐

聖學聖方略卷五十七

十

有遲誤現已諭恆春暫留正定佟鑑所帶礮位著卽與恆春佟鑑商酌應運赴何處備用切勿拘泥滹沱河盛漲有險可守著飭地方官將船隻盡行收集毋令賊匪偷渡並知會恆春一體嚴防上又命軍機大臣傳諭舒興阿曰賊匪由洪洞竄出因勝保帶兵遏其前竄太原之路遂由潞城黎城一帶山徑竄入直境占踞臨洺關現在勝保由固關一路

出山直趨正定各路大兵雲集當可杜其北竄舒興阿已親督兵奔過河駐紮蒲州著卽酌度情形如晉陝之間不甚喫重卽行前進探明賊蹤應由何路督兵夾擊總以廓清直境迅掃逆氛爲要舒興阿現已出境桂明係提督全省軍務責無旁貸著舒興阿飛咨該提督並張祥河嚴密堵禦盤詰奸匪勿令匪蹤闖入新授鳳邠道余炳燾前在懷慶守禦得力已諭

欽定剿平粵匪方略卷五十七

十一

上又命軍機大臣傳諭恆春曰逆匪竄踞臨洛關請爾經額飭該道暫留懷慶會同鎮道文武嚴防矣經額退至廣平府畿輔情形喫重恆春著暫駐正定府督率該處防兵相機布置俟勝保到後再行奏明赴晉據桂良奏現留副都統佟鑑協同防守省城並截留礮位著該撫體察情形如須將礮位運至正定以備攻剿卽行知照桂良妥速辦理頒給勝保之神

雀刀卽著派員先行齎交該大臣祇領勿稍遲誤

上又命軍機大臣傳諭郭夢齡曰賊匪由晉竄至直隸臨洛關已被賊踞現經降旨令勝保恩華善祿等由井陘出正定繞出賊前悉力兜擊並諭令恆春暫駐正定協同剿辦現在逆匪雖竄出晉境一經大兵截擊難保不復圖回竄恆春一時未能赴任該署撫務於毗連直隸各要隘嚴密設防並搜除境內餘匪飭

欽定剿平粵匪方略卷五十七

十二

令各地方官勸諭紳耆力行團練互相保衛其被擾各地方尤宜慎簡賢員設法安輯再京餉需用緊急現經部撥之山西藩庫銀三十萬兩省北捐輸銀十萬兩並鹽庫現存銀五萬兩務須移緩就急卽日派員解京以備支放正定現有重兵卽可由此路行走如有阻滯卽繞道趕解萬勿遲誤

上又命軍機大臣傳諭毓書曰本日派令培成多爾濟

那木凱帶領南苑駐紮之察哈爾官兵四千名馳赴正定協剿惟現存馬匹不敷著毓書飭令總管那敷德將現在哨內牧放之錫林郭勒馬三千匹星速派員解京備調萬勿遲誤

上又命軍機大臣傳諭華山泰曰本日派令培成多爾濟那木凱帶領南苑駐紮之察哈爾官兵四千名馳赴正定協剿惟現存馬匹不敷著華山泰就近行知

聖恩方略卷五十七

十三

口北道轉飭該管之多倫諾爾廳迅速購買廐壯馬二千匹並著華山泰派員將此項馬匹迅即分起押送來京以備調用

上諭內閣曰逆匪自山西洪洞東竄復由屯留竄至潞城黎城一帶經勝保善祿托明阿西凌阿等分路追截勝保已將賊匪北竄太原之路扼要堵截托明阿由澤潞進兵復於屯留境內追及賊蹤亦獲勝仗將

該匪擊退數里旋復奔突東竄而恩華赴晉迎截之兵迄未與賊一遇以致該逆徑由涉縣武安竄入臨洺踞關抗拒畿輔重地豈容逆匪竄擾現在各省防兵及盛京吉林官兵雲集已敷剿辦著再添派培成多爾濟那木凱管帶駐紮南苑之察哈爾馬隊官兵即日起程並派慶祺維祿管帶駐紮天津之盛京官兵迅速馳往併力奮剿前曾疊次諭令訥爾經額嚴

聖恩方略卷五十七

十四

防直隸各要隘據奏早經布置何以先期絕無偵探準備以致賊匪竄入直境該督調度乖方實難辭咎訥爾經額著革職留任並拔去花翎以示薄懲恩華會勦遷延致賊東竄著革職留任仍責令帶兵迅速繞出賊前會同勝保協力勦辦以贖前愆托明阿勦賊奮勇惟未能遏其竄逸著降五級留任勝保督催不力咎亦難辭著降二級留任均著迅速會勦殄此

羣兇肅清幾何如帶兵大員及鎮將以下各員弁再有逗留不進致誤事機者卽著該大臣懷遵前旨嚴叅懲辦

初二日辰^甲查文經奏言臣就江南形勢統籌大局謹酌擬數條恭呈

御覽一東西梁山宜駐重兵並速募戰艦也查江南安徽八十三營安徽向無水師江南水師汎地亦

欽定剿平粵匪方略卷五十七

十五

至高資營所轄而止查高資營上至江甯百餘里下距鎮江三十里江甯鎮江失守水師星散大江已爲賊有賊可至安徽至江西卽可至湖北至四川查由江甯溯流而上一百四十里至東西梁山江面至此一東若將兩岸安設大礮各駐重兵據險扼守再由湖北安徽廣募民船載以精兵配設大小礮位遇有賊船隨時截擊

使水陸不能偷渡則金陵賊匪直釜底魚耳此時三城賊匪僅圖固守尙無鬪志久則恐有他變似宜急爲布置一請奪回五龍山北固山等處礮臺也查江甯省城池下六十里五龍山並對岸沙洲圩各築有礮臺一所又鎮江焦山池上之象山北固山暨對岸之順江上下共設有礮隄四所均安設大小礮位三城失守兩地礮

欽定剿平粵匪方略卷五十七

十六

臺想已盡爲賊有兵船上攻揚州則恐爲北固山象山之礮所擊上攻江甯則恐爲五龍山沙洲圩之礮臺所阻兩處礮臺不先奪回兵船必難飛渡兵船不到僅攻其陸路三面是賊之接應不斷而長江來往自如陸路弁兵望洋而已擬請分撥大隊精兵由閒道前進奪取兩路礮臺守以重兵俾兵船得越象山北固山而上進

據瓜州鎮江兩口門使鎮江揚州賊營消息不與金陵相通則金陵內援絕矣金陵之賊不使越五龍山而下瓜儀之賊不越五龍山而上則揚州鎮江外援絕矣加以東西梁山扼守上游賊匪進退無路金陵已成孤注自然瓦解一練勇宜區別也大江以北惟徐州壽州等處人情勇悍樂於戰鬥大江以南暨江北淮揚等處民

禦學方略卷五十七

十七

情荏弱而不尚義氣便巧而實少機謀族鄰姻婭多陷賊窟易被匪黨勾結此等練勇似宜少用至添弟會又名小刀會閩粵湖廣江西愚氓多有被誘入會者其會實與賊通似此數處練勇亦宜慎用竊維軍營不得已而用勇其應募來者非漏網之匪卽游手之徒各立黨與互相傾軋有此營埋伏而彼營明張旗幟吶喊放槍

以授賊耳目者有前隊接仗而後隊含沙以射者尋常如此破城之日勢必劫取金銀搶掠子女各自殘殺因而坐失事機其弊將不可復問似宜添兵裁勇其有擾亂掣肘者照軍法從事庶畛域化而勇皆可用矣以上管窺所及旨味直陳伏祈

聖鑒奏八

禦學方略卷五十七

十六

上命軍機大臣傳諭琦善陳金綬雷以誠慧成福濟向榮怡良許乃釗李嘉端曰據查文經奏統籌江南大局一摺所奏甚是其速募戰艦一條尤爲肅清江面要著前經疊諭湖北湖南各督撫趕緊製造嗣經該省奏稱民船不適於用業已收買江船照廣東船式改造可安礮位而利遄行著卽迅催張亮基等派委得力員弁雇募柁丁水手駛赴江南以資攻勦廣東

所募紅單船早抵閩洋此時當可入口又有知縣林德泉所雇拖船現泊上海均著飛催前進萬勿刻遲逆匪於江岸徧設礮臺致我兵船不能前進該臬司所請攻奪五龍山北固山象山沙洲圩等處礮臺並扼守東西梁山實爲安排水戰之急務尤宜及早圖維先奪礮臺而後戰艦得以暢行無阻其區別練勇一條亦切中募勇情弊著該大臣督撫等體察情形迅速籌辦庶不致坐耗時日糜餉老師也

欽定剿平粵匪方略卷五十七

十九

同日

上命軍機大臣傳諭僧格林沁德勒克色楞特興額多爾濟那木凱培成曰昨有旨令培成多爾濟那木凱帶領駐紮南苑之察哈爾官兵馳赴正定一帶協同防剿著僧格林沁等挑選得力精兵二千名飭令迅速分起前進

上又命軍機大臣傳諭桂良訥爾經額翁心存宗元醇曰昨有旨命培成多爾濟那木凱管帶察哈爾馬隊官兵二千名馳赴正定一帶防剿本日復命達洪阿挑選八旗精兵二千名管帶起程前往臨洛關一帶協同剿賊該官兵等卽日出京必須迅速兼程前進所有沿途需用車輛等項不可稍有遲誤著桂良等卽飭地方各官趕緊豫備以利軍行如有藉詞推諉

欽定剿平粵匪方略卷五十七

二十

遲誤者卽著查明參辦

上

諭內閣曰昨因逆匪竄越直隸交界降旨令各路統兵大員帶領官兵分路進剿復派培成多爾濟那木凱管帶駐紮南苑之察哈爾馬隊官兵慶祺維祿管帶駐紮天津之盛京官兵前往協剿著再添派副都統右翼總兵達洪阿挑選八旗精兵馳赴臨洛關等處併力剿捕以上各官兵均著聽候欽差大臣勝保

調度

初三日^{乙巳}署山西巡撫布政使郭夢齡奏言據

潞安府知府金昫善稟稱會同署潞澤營參將

富隆阿督率兵勇馳赴潞城追剿逆匪已竄黎

城當將潞城收復文武員弁尙無下落仍帶兵

勇躡蹤追剿途次探報黎城於八月二十四日

被陷賊由黎城竄往河南涉縣臣查涉縣偏近

聖學聖方略卷五十七

三

直隸邯鄲與山西遼州毗連當經飛咨直隸河

南山東各督撫迅速派兵截擊如三省俱有重

兵防剿該逆勢必竄回遼州復飛催直隸折回

之大同鎮官兵趕赴遼州相機防剿以杜逆匪

回竄子洪地方爲潞澤遼各府州進省總路仍

留副將孔廣順帶兵一千三百名照前嚴防臣

現署撫篆未能先事豫籌以致潞城黎城失守

署臬司冀甯道郭用賓專駐潞澤一帶防剿不

能力遏賊氛潞安府知府金昫善雖經帶兵追

剿收復潞城究係所屬失守均有應得之咎請

旨將臣等交部分別議處奏入得

旨郭夢齡等均著議處

同日

上命軍機大臣傳諭向榮許乃釗曰廣東所募紅單船

聖學聖方略卷五十七

三

早抵閩洋此時當可入江此項船隻是否堅固礮位

是否猛利管帶各員是否得力著該大臣等認真體

察總期有一船可得一船之用並著剴切曉諭如將

江面賊船轟燬除軍械火藥米糧照例入官外其餘

財物概行賞給以期奮力勦賊早清江面

上又命軍機大臣傳諭葉名琛柏貴曰前募之紅單船

早已馳抵閩洋其快蟹船隻亦經諭令雇備該督撫

等諒已遵旨辦理著卽派委明幹賢員將前項船隻擇其船堅礮利者再行設法雇募多隻並選派勇敢紳士令其管帶迅速赴金陵會同協剿如能將江南賊船全行轟燬卽賞以數十萬金亦所不吝該督撫等卽酌量妥速辦理毋稍延緩

初四日丙午桂良奏言據報賊匪擾及隆平柏鄉等縣於八月三十一等日相繼失守正

欽定剿平粵匪方略卷五十七

三

定郡城喫緊除飛催慶祺等迅速帶兵來省外所有察哈爾官兵應請

旨迅飭帶兵官星夜前來以資防剿至佟鑑所帶礮位探聞該副都統卽日到省如前路緊急卽將礮位留於省城並留該副都統幫同防守奏入

上命軍機大臣傳諭桂良曰逆匪竄陷隆平柏鄉勢甚剽疾正定情形極爲喫重已有旨催令勝保迅速前

進該大臣計日可抵正定若能繞出賊前截剿定可得手慶祺等所帶駐紮天津之盛京兵二千名已於初三日由水路起程前赴保定其察哈爾官兵並派出京兵亦卽日前往協剿所有撤回之大同兵及龍王廟停泊之盛京官兵並吉林官兵均飛催趕到佟鑑所帶礮位如已到省著查看緩急與恆春酌量布置隨時知照勝保合力剿辦前調大凌河哲里木錫林郭勒等處馬匹聞已入山海關卽行飛催前進勿令稽延

欽定剿平粵匪方略卷五十七

三

上又命軍機大臣傳諭勝保曰隆平柏鄉縣城均已失守正定防守甚爲喫緊現派培成多爾濟那木凱帶領京兵五百名並察哈爾官兵二千名並派達洪阿帶領京兵二千名前往均歸勝保調度第恐未能剋期趕到該大臣務卽督兵迅速前進扼守正定溥沱

要隘毋稍遲緩本日已將訥爾經額革職授桂良爲直隸總督一切防守事宜仍著隨時知會桂良妥籌辦理該大臣等其協力同心肅清逆匪保衛畿疆是爲至要

上又命軍機大臣傳諭恆春曰賊匪由臨洺關竄至隆平柏鄉等縣相繼失守逼近畿疆甚關緊要該撫諒已馳抵正定著卽督率地方文武扼守滹沱保護郡

聖恩方略卷五十七

五

城遏賊北竄之路仍須嚴密偵探毋任奸細滲入城中桂良駐紮省城如有緊急咨照不及卽行相機調度萬勿拘泥勝保此時若已由獲鹿出山繞出賊前攻剿定可得手至佟鑑所帶職位據桂良奏截留保定以資防守並著該撫酌量緩急與桂良妥商辦理上又命軍機大臣傳諭舒興阿曰賊匪由臨洺關竄至隆平柏鄉二縣該處逼近正定畿疆重地甚關緊要

該督現在山西蒲州一帶防剿著卽統兵迅速前進現在勝保等從山西繞出正定卽日到該匪經大兵夾擊勢必紛竄著該督沿途偵探何處緊要卽馳往何處督剿如近畿地方情形喫重著卽督兵應援毋稍遲延

上諭內閣曰前因逆匪竄入山西訥爾經額折回直隸

疊次諭令將各路要隘嚴密防守乃賊匪竟由山西

聖恩方略卷五十七

五

竄入直隸境內占踞臨洺關該督退至廣平數日以來並無續奏本日據尙書桂良奏賊匪擾及隆平柏鄉等縣正定郡城喫緊催調官兵堵截等語該督久任畿疆一遇軍務漫無布置辜恩溺職咎實難辭訥爾經額著卽革職仍留於直隸隨同桂良辦理防剿事宜直隸總督著桂良補授務卽悉心籌畫與勝保等調派將弁兵勇迅速截剿殄滅賊氛以副委任

同日張芾奏言粵逆攻撲江西省城九十餘日
臣等委員會同紳士將倡議餽賊及乘機搶掠
之土匪次第拏獲正法連日飭將二三千斤大
礮十餘位分布章江得勝二門緊對賊壘晝夜
轟擊擊沈賊船二三十隻獲犯供稱連日礮斃
賊匪二三百人該逆難以棲身似有遁意八月
二十一二等日臣等派令右營兵勇分路攻撲

欽定剿平粵匪方略卷五十七

三

賊營該逆仍伏匿不出槍礮如雨我軍撲近牆
根拋擲火彈火罐每日燒斃賊匪約數十人二
十二日夜賊營槍礮猶向城內轟擊我兵齊放
大礮賊礮頓止兵勇乘勢下城放火時值南風
大作延燒甚熾賊眾紛紛上船揚帆下竄燒斃
溺斃之賊不計其數生擒八十餘名殺斃一百
餘名奪獲船十二隻礮三尊擡槍十三桿我軍

苦無舟楫不能順流尾追現已派令都司戴文
蘭等帶兵兼程繞出賊前沿途截擊江忠源與
總兵音德布等亦即分起跟蹤前進如賊於出
湖後上竄即於九江一帶堵剿如賊仍回竄江
南安徽仍咨各該督撫加意嚴防江西省城固
守九十餘日仰賴

聖主福庇得以保此危城所有在事始終出力各員容

欽定剿平粵匪方略卷五十七

三

臣等查明具奏願請

恩施以昭激勸

同日江忠源奏言賊匪乘風下竄臣應即星夜
跟蹤追剿奈江省自被賊擾近省民船非先行
逃匿即爲賊擄掠一時實難雇覓而賊一出湖
口上可窺伺湖北下可竄擾安徽並可歸併金
陵下游查無陸路可以繞赴賊前惟上游之九

江府及田家鎮等處尙可從建昌一帶迎勦臣
等商派都司戴文蘭等帶辰州兵開化勇楚勇
廣勇二千餘名卽日起程從陸路趕至九江臣
一面確探賊蹤一面設法雇覓船隻帶領雲南
湖南官兵湘勇楚勇由水陸尾追如賊果上竄
卽與戴文蘭等前後夾擊若該逆順流而下卽
令戴文蘭等由九江雇船駛下與臣等合隊追

聖學方略卷五十七

五

入皖境探明賊蹤相機堵勦儘竟歸金陵則臣
或仍遵前

旨馳赴河南或徑赴金陵到皖時當可奉到
諭旨再行欽遵妥辦

同日李嘉端奏言據前臬司張熙宇稟稱八月
二十二夜閒至次日午閒賊船六百餘隻陸續
停泊安慶城外乘夜進城不許百姓逃避復至

北門外各村莊槍擄人畜黃花亭馬山兩處皆
築土城又於準提庵築土牆截斷大路北門城
樓安置槍礮各城添築望樓城垣增高五尺匪
衆約五六千人意圖占踞安慶若非厚集兵力
迅速殲除恐將爲北竄之繼集賢關防守萬不
可虛僅有前援廬江之練勇六百名可以派往
救應恆興所帶陝兵五百名亦可撥往而廬郡

聖學方略卷五十七

三十

已無一兵但恃鄉勇守禦前次琦善所撥慧成
之兵除宣化鎮兵五百業經臣商調協守東關
其陝兵四百五十名亦擬商調併交恆興管帶
以資堵禦慧成卽帶青州馬隊千名駐守和州
其關山一路咨商奕經由固鎮進守復咨商周
天爵帶其派往潁州勦匪之兵來桐懷擇要進
勦並咨尙書恩華將自皖帶去各兵仍帶來廬

另派兵駐守徐宿刻下懷慶解圍餘賊勦洗殆盡且計江西賊船諒已去盡從前奉

命防堵皖豫交界之江忠源自應仍遵

前旨追勦來皖亦經臣查明張芾查照飭遵並咨張亮

基向榮速撥船礮令上下游並進知照陸路合

力痛勦或不難於掃蕩現惟當力守集賢關未

敢輕言攻擊請

欽定剿平粵匪方略卷五十七

三

飭下各路帶兵大臣速即應援俾全皖危而復安則臣

民幸甚

李嘉端又奏言山東直隸陝西官兵共一千九

百五十名由慧成帶赴和州一帶堵勦本日接

慧成來咨經漕臣福濟奏留此項官兵會攻揚

城等因現在皖省萬分喫緊相應請

旨仍令慧成統帶各兵星夜來皖以資應援至前次留

皖之固原兵六百五十名西安兵五百名經勝

保帶赴河南追勦今懷慶解圍並請

旨飭下勝保仍將帶去前項官兵刻日統領來皖以期

勦滅淨盡均奏入

上命軍機大臣傳諭張芾江忠源曰逆匪敗竄南昌解

圍而皖省有賊船六百餘隻停泊安慶府城外乘夜

入城此股逆匪顯係圍攻南昌不能得手復圖竄踞

欽定剿平粵匪方略卷五十七

三

安慶已諭令李嘉端周天爵迅圖籌辦並諭令張亮

基崇綸將造船隻並著派員押送下游交江忠源調遣其夏

廷樾所造船隻並著派員押送下游以備兵勇乘坐

現在南昌省城解圍所有破難居民著張芾等妥為

招撫仍著江忠源跟蹤追勦即與都司戴文蘭李輔

朝等督飭兵勇直赴皖省探明賊蹤合力攻擊勿令

餘逆久踞皖城又成巢窟

上又命軍機大臣傳諭周天爵李嘉端曰現在懷慶餘匪由山西竄入河南直隸交界勝保帶兵進剿保衛畿疆勢難令赴皖省本日據張芾奏江西省城業已解圍賊匪乘風下竄已派都司戴文蘭等帶領兵勇由陸路跟追如該逆順流而下卽令該都司等由九江雇船合隊追剿江忠源亦卽前往等語安慶賊船是否由江西紛竄現在匪徒五六千人築壘空濠已

勦平粵匪方略卷五十七



三

有占踞之勢必當早圖攻剿已命張芾將江西新造戰船由江赴皖備調並命張亮基等將備赴江南船礮酌撥往援該撫務卽嚴飭玉山張熙宇等扼守集賢關防其北竄安徽現無重兵惟周天爵在潁州剿匪著迅撥兵勇由桐懷一路擇要進剿並可保護廬州仍飛咨江忠源無論水陸迅速赴援慧成前由揚州分撥青州官兵八百五十名派常清管帶馳赴和

州計日趕到亦可酌量調撥奕經現守固鎮能否進守關山一路著李嘉端與奕經周天爵咨商辦理

上又命軍機大臣傳諭張亮基崇綸曰江西擊退之賊非上竄湖北卽全數下擾安慶江忠源雖已跟蹤追剿而苦無船隻恐剿辦未易得手張亮基等前奏籌備船礮如尙辦不足數卽著將業經改造若干隻先委得力員弁管帶星速駛赴下游聽候江忠源調遣

勦平粵匪方略卷五十七



四

協同截剿

上諭內閣曰逆匪攻撲江西省城九十餘日經張芾陳孚恩江忠源等督率文武官紳兵民同心協力嬰城固守雖未能剿盡賊匪而城圍已解省會得以保全自應先沛恩施以昭獎勵張芾著開復革職留任處分陳孚恩著賞戴花翎江忠源著賞給二品頂戴其在事出力文武員弁及紳民兵勇人等著查明據實

保奏候朕恩施

同日倉場侍郎慶祺奏言駐紮天津之

盛京官兵已傳知帶兵協領綽勒霍倫特普欽趕

緊束裝以備起程臣擬由天津帶兵先至保定

省城探聽賊勢迎頭截擊惟由陸路行走沿途

積水尚深繞道必致耽延查駐津官兵前因運

河漫溢無處紮營均在原船住守現擬即用原

聖學方略卷五十七



船徑赴省城分作四起自初三日始每日以五

百名為率接續前進計初六日官兵二千名可

以全數起程臣即於是日督催趨行統俟至省

另換車馬前赴臨洺關迎頭會勦再天津存有

五百斤銅礮六十尊臣擬帶二十尊並礮手兵

五十名派令署遊擊冷慶署千總馮雲彪管帶

同臣前往以備調度奏入報

聞

初五日丁未直隸總督桂良奏言據報賊匪已至

趙州臣即飛札署提督保恆實力防堵並正定

鎮府於滹沱河渡口多派兵役晝夜把守現在

船隻已收北岸恐賊紮後偷渡復飭於沿河安

設檣槍檣礮遇賊渡河即行轟擊惟趙州距省

較近勝保所帶官兵尚無入直信息應請

聖學方略卷五十七



旨催令察哈爾馬隊裏糧星夜兼程前進以資迎勦奏

入

上命軍機大臣傳諭桂良曰桂良已授為直隸總督本

省各路防兵均可調遣所有訥爾經額管帶各官兵

現在何處該督即飛催調撥扼要堵截並嚴飭保恆

實力防守正定該郡為保定門戶萬不可令賊匪闖

入務於滹沱河口派委得力大員督率弁兵不分晝

夜竭力巡防該處船隻無多易於收藏淨盡惟須嚴查兩岸居民接濟賊匪竹木等物致令紮筏偷渡所留省垣之佟鑑帶往礮位應否移往該處交恆春保恆派撥應用著該督酌量妥辦本日已飛諭勝保兼程前進計該大臣必可趕入直境杜賊北竄慶祺統帶盛京官兵二千名已於初三日自天津陸續起程培成等所帶察哈爾兵及京兵共二千五百名與達

聖學聖方略卷五十七

三七

洪阿所帶八旗官兵二千名均已諭令迅速起程至省城地方尤屬緊要藩司張集馨現在駐紮何處何以賊匪由河南竄入直境未見該司督兵堵截省城藩臬皆係署任張集馨豈可置之空閒之地著該督查明飭令該司星馳回省協同辦理防剿至河閒府一帶亦係通衢著該督一併飭屬設防並通飭所屬曉諭紳民認真團練互相保衛以靖地方

上又命軍機大臣傳諭勝保曰賊匪已至趙州偏近正定若不趕緊截剿則近畿一帶俱為震動該大臣由井陘出山迎截現在行抵何處連日未據奏報朕心實深焦灼所有培成多爾濟那木凱帶領京兵及察哈爾官兵並達洪阿帶領京兵均已催令起程統歸該大臣調度著勝保即督兵星速兼程前進繞出賊前痛加勦洗正定為省城門戶不可稍有疏虞恩華

聖學聖方略卷五十七

三

所帶之兵亦由井陘一路出山現抵何處亦未據奏報著即飛催前進合力攻擊托明阿西凌阿等追賊是否跟蹤緊躡其後何以未聞接仗並著隨時知照前後夾擊諒該大臣定能奮勉圖功速滅此賊以副重任

上又命軍機大臣傳論文謙特克慎張起鵠曰天津密邇京師濱海要地不可不嚴加防備聞該處團練頗

5

有成效著文謙會同該鎮道認真督勸實力操演以資捍衛並飭在籍前任巡撫梁寶常督率倡辦至海口商民船隻亦須隨時嚴密稽查毋令奸細溷跡其陸路商販難民亦難保無匪徒假扮希圖窺伺虛實著文謙等密派妥幹之員隨處訪察儻有形跡可疑者卽行嚴拏究辦惟須持以鎮靜切勿張皇

欽定剿平粵匪方略卷五十七

三

欽定剿平粵匪方略卷五十八 癸丑年

九月初六日 戊中 正藍旗漢軍都統勝保奏言據

探逆匪擾及順德境界西凌阿明慶魁福蘊秀等業已追及賊現盤踞臨沼關一帶臣與善祿等晝夜兼行以冀速保正定並嚴催各路之兵每日限行百里同赴賊窟處所會剿俟抵正定後各路兵齊當激勵將士迅速妥籌勦辦誓必

欽定剿平粵匪方略卷五十八

一

滅盡此賊而後已一面飛催署直隸提督保恆帶兵由固關速回正定扼截所有保定撤回山西之兵儘數截留暫防正定俟臣一到再當酌量分撥並恐其由廣平大名而東擾及東昌天津一帶已飛咨山東撫臣帶兵扼截東竄一面飛飭天津鎮帶兵卽於西南扼要堵剿天津人素强悍團練可以協助兵力應請

皇上嚴飭山東直隸各督撫妥籌辦理奏入

上諭曰已屢次有寄諭催汝前進汝雖轉折紆遠行走

尚速或可繞出賊前恩華托明阿仍應嚴催現賊已

竄至趙州正定無兵焦急之至專賴汝趕到也續探

由順德東竄或卽是此股抑係分股著探明具奏天

下安危關係甚重我君臣誓必懷承

天命肅滅此賊餘無復言

勦平粵匪方略卷五十八

二

勝保又奏言盤獲奸細供稱賊由洪洞探路欲

至山東東昌及天津一帶查天津風俗強悍人

性喜鬪尋常街市立有火會凡遇救火之時但

一鳴鑼萬人立聚皆能奮不顧身若密飭該道

府先爲團集喻以大義發給器械等件逆賊一

至齊力抵殺臣等追兵繼至前後夾擊或可一

鼓殲除但該逆剽疾異常必須速辦爲要

同日慶祺奏言天津地面拱衛京畿當此賊氛

四竄之時不可不嚴加防範本處官兵所存無

幾團練義勇一千六百名均係紳董及地方文

員督辦臣體察地方文武情形似有不能融洽

之處若非有人統屬則事權不能歸一查長蘆

鹽政文謙辦事認真應請

皇上飭下該鹽政兼辦防堵事宜抑或另

勦平粵匪方略卷五十八

三

簡大員來津之處出自

聖裁均奏入

上命軍機大臣傳諭勝保曰逆賊行蹤趨急現已擾及

趙州我軍果能繞出賊前迎勦當不致任其北竄該

大臣所稱探聞賊由順德東竄之說已諭知崇恩嚴

防東昌臨清濱河一帶並諭長蘆鹽政文謙督同天

津鎮道實力巡防慶祺統帶盛京官兵已由天津水

路起程其原坐船隻亦令於到省後暫留停泊儻天津有警即可折回截剿其由東而北河閒路由西而北易州一路均須密爲布置昨所派出之八旗精兵及京營兵二千五百名察哈爾兵二千名並慶祺所帶盛京官兵剋日均赴保定會齊保定扼東西之衝兩面皆可兼顧該大臣探明賊蹤所向應調往何路飛速調撥或前進迎擊或東西兩路堵截並迅即

聖學方略卷五十八

四

知照桂良一體籌辦該大臣等帶兵或遏賊前或隔賊後總須前後夾擊盡殲醜類現在恩華所帶之兵該大臣即嚴催前進如恩華不能親督迎剿其帶兵各員孰爲勇往即著指名調取令其帶兵飛速前赴大營以備調遣不可遷就拘泥訥爾經額現奏續調到盛京兵及收集潰兵二千名交經文岱統帶跟追訥爾經額復同文冲帶後到兵一千名均在何處署

提督保恆所帶兵五百名藍秀伊綿阿留紮固關兵一千名並前調赴保定之吉林兵一千名是否趕到並著該大臣迅速催調擇要調撥以資防剿仍確探賊情隨時奏報以慰廑念

上又命軍機大臣傳諭慶祺曰逆匪自竄踞臨洺關以後連陷柏鄉隆平二縣現復竄至趙州勢甚剽疾勝保日內可抵正定迎頭截剿該侍郎統帶各起官兵

聖學方略卷五十八

五

由水路行走務須催趨前進斷勿延緩並著知照勝保以備調撥並據勝保片奏盤獲奸細有分股東竄之說若由衛河直達天津亦不可不豫爲防備已諭知勝保桂良隨時偵探即知照該侍郎相機籌度著於行抵保定後仍將載兵船隻暫留水次設津門有警即可統領原帶之兵順流下駛爲前後夾擊之計毋失事機

上又命軍機大臣傳諭崇恩曰本日據勝保奏擊獲奸細供稱賊由洪洞探路欲至山東東昌一帶等語現在瑞昌帶兵駐紮濮州兵力尙單勝保現由固關一路出山直抵正定遏賊北竄之路該逆被勦窮蹙難保不紛竄東省著崇恩派委鎮道大員於東昌德州臨清等處實力籌防盤緝奸宄並著該署撫扼要駐紮以資策應勿誤事機

聖朝方略卷五十八

六

上又命軍機大臣傳論文謙曰天津爲畿東保衛現值逆氛未靖一切防守關繫緊要必須事權歸一方足以資彈壓長蘆鹽政文謙係朕特簡之員所有地方防堵事宜卽責成文謙會同鎮道大員妥爲籌辦並隨時督率文武員弁及紳民練勇等實力巡防總以嚴緝奸匪鎮定人心爲要又據勝保片奏天津街市立有火會凡遇救火之時鳴鑼立聚萬人若發給器

械等件可以齊力殺賊等語著該鹽政等體察情形飭屬團集務須曉以大義俾知互相守衛卽所以自保身家慶祺現已統兵起程本日復密諭該侍郎於行抵保定後暫將兵船收集儘逆匪有東竄天津之信卽可仍統原帶之兵順流下駛會合夾擊該鹽政等務卽相機布置勿稍疏虞

聖朝方略卷五十八

七

同日阿彥達奏言查賊情狡詐往往乘閒旁竄避實擊虛保定省會現有重兵防堵未必徑行北竄若由西而北則易州一帶較爲喫重該處有總兵駐紮自當早經布置若由東而北則固安池南天津池西總路要隘尤不可不豫爲防備可否請

旨派員帶兵馳往文安任邱一帶扼要嚴防與保定爲犄角之勢以遏逆賊旁竄似更周密奏入

上命軍機大臣傳諭桂良曰據副都統阿彥達奏賊由西而北則易州一帶較爲喫重由東而北則固安迤南天津迤西總路要隘尤不可不豫爲防備所奏不爲無見現在京旗各營及察哈爾官兵俱於保定會齊如賊匪竄過正定則易州情形緊急必須扼要嚴防勝保此時可抵正定如已繞出賊前扼住滹沱正定要隘該逆被勦勢必東竄則河間天津兩路均極

欽定剿平粵匪方略卷五十八

八

緊要著桂良隨時確探該逆由何路紛竄卽迅速知照達洪阿培成等趕向截擊總宜與勝保前後夾攻俾腹背受敵方可殲除淨盡昨令慶祺帶領盛京官兵前往保定如探知賊匪窺伺天津卽知照慶祺將原帶之兵折回勦辦至前調往保定之吉林兵一千名現在駐紮何處總無確報請爾經額現奏續調到盛京等處官兵並收集潰兵共二千名交經文岱帶

往追勦後到官兵一千名由訥爾經額同文沖統帶現在會否前進均著查明飛催調撥應用

同日訥爾經額奏言探得逆匪竄至臨洺關外當卽督兵截擊雖斬獲百數十名無如賊衆兵單難以抵禦八月二十八日賊踞臨洺同知周憲會被害逆衆到處放火肆行搶掠又復北竄查臨洺關北至正定並無險要可扼現在陸續

欽定剿平粵匪方略卷五十八

九

調到盛京等處官兵並收集臨洺關接仗潰散之兵共二千名臣先派總兵經文岱管帶躡後追擊其後到兵尙有一千餘名臣卽同文沖親帶接續前進前准勝保來咨賊由東路全數潛逃派副都統西凌阿帶領馬隊尾追迄今未見趕到惟

懇

天恩速派精兵前赴正定一帶截剿以期速殄羣醜並請

飭催勝保星速督兵赴援以固畿疆奏入

上諭曰真可謂辜恩溺職之至汝久任畿疆所籌何事經文岱未必真能得力汝同文冲續帶之兵亦不過遠遠觀望希飾前非朕若待汝奏到不知誤多少緊要機宜現已將汝革職矣

聖朝方略卷五十八

十一

初七日己酉桂良奏言據探賊匪竄擾趙州後踞

住大石橋擾及藁城縣提督保恆於初四日帶

兵入正定城聞勝保帶兵四千名亦於初四日

行抵獲鹿當即飛咨該大臣星速進剿查賊匪

現竄藁城必由滹沱北渡此河除正定所屬外

可渡之處尙多深淺不一已飛札署提督保恆

就近偵探無論賊由何處渡河迅即派兵堵截

陸續截回大同官兵並本城存兵及保恆所帶之兵計二千餘名均令署提督臨時相機調用至龍王廟停泊之

盛京官兵並吉林官兵俱已飛催前進副都統佟鑑帶出京營職位業經到齊擬暫留六位存省備用其餘十位運赴前途以資迎擊訥爾經額現駐永年遵即飛咨將所帶官兵速來省城聽

聖朝方略卷五十八

十一

候撥調藩司張集馨前經訥爾經額奏請在黃河北岸之蘭儀渡等處防守查該員帶有宣化兵五百名督標兵五百名現已飛調該員遵

旨來省協防至河開府現有兵一千餘名亦飛札天津鎮道轉飭嚴防惟慶祺所帶官兵至今尙無信息現復飛催迅速前來以資防守奏入

上諭曰勝保由獲鹿東行未聞西凌阿等追抵何處料

逆匪不北渡滹沱即東竄河間保定防守最關緊要探勝保有獲勝信息速速具奏

同日孫瑞珍奏言賊匪北竄滹沱河為所必經

河水長落不常淺則可以徒涉深則必須舟渡

今秋雨澤頗仍水勢必大該處渡船無多若撤

收淨盡則逆匪斷難飛越且此河偏近正定南

界果能嚴防無失則勝保大兵不日即到正可

聖旨

十一

迎頭截擊直扼其前防剿更易為力請

旨飭下督臣桂良速飭沿河該管地方文武員弁將滹

沱河渡船一概撤收牽置北岸之上若情形緊

急恐該逆浮河搶船即鑿沈焚燬應令相機妥

辦以嚴保障而固畿疆

同日許乃普奏言查正定以北無險可扼惟正

定以南之滹沱河為趙州至正定必由之地欲

守正定必先守滹沱然逆匪詭詐見我兵扼其

要路必由滹沱以南與滹沱相通之沙河新河

據船而下亦可徑渡滹沱應再於東鹿縣所屬

沙河新河及滹沱之對岸分設兵礮一見賊船

即行轟擊則賊雖有船亦不能渡應請

飭下督臣桂良酌量迅辦均奏入

上命軍機大臣傳諭桂良曰賊匪擾及藁城該處至正

聖旨

十二

定惟恃滹沱河阻隔前經疊諭該督飭屬收集船隻

以防偷渡茲復據孫瑞珍許乃普奏亦以急收滹沱

並沙河新河船隻為要著該督嚴飭該地方文武員

弁趕緊將沿河船隻概行撤收其餘小河口並飭一

律照辦晝夜巡查盤詰奸宄毋任匪黨乘閒偷渡該

逆被剿若不敢北渡滹沱勢恐東竄河間天津等處

著隨時與勝保知照調撥各兵併力兜剿至省城重

地尤宜嚴加防守勿稍大意

上又命軍機大臣傳諭崇恩曰現在勝保已由獲鹿馳

赴正定西凌阿維祿由臨洛關一路跟蹤追擊慶祺

帶盛京兵二千名由天津馳赴保定復派培成多爾

濟那木凱帶領察哈爾官兵並達洪阿等帶領京兵

即日進剿逆匪東竄勢甚劇疾山東與直隸毗連必

須嚴密設防臨清德州一帶運河水路直達天津必

勦平粵匪方略卷五十八

十四



須將船隻收集萬不可令該匪奪船北竄該署撫現

赴東昌一帶卽著體察情形扼要防剿毋誤事機瑞

昌帶盛京兵一千名駐紮濮州如該處情形較緩卽

可酌量咨調毋稍拘執

同日訥爾經額奏言賊匪於八月二十八日竄

至沙河知縣玉衡因賊眾難禦以至被戕現在

賊撲任縣總兵經文岱當可追及 臣又派副都

統維祿帶兵接應適西凌阿帶領馬隊翻山而

來於三十日行抵臨洛關當卽催令星馳前進

會同經文岱維祿合力剿洗查在後之

盛京官兵尙有一千餘名現已飛札嚴提日內可

到卽由 臣統帶跟蹤前進惟查任縣與唐山柏

鄉等處接壤該逆如由柏鄉趙州欒城正定大

路北竄中有滹沱河之隔且署提 臣保恆亦由

勦平粵匪方略卷五十八

十五



固關趕到當可堵遏儻由唐山深州安平博野

小路直撲保定並無險要可扼相應請

旨催令現駐

南苑之察哈爾兵四千名馳赴保定駐紮並請

飭撥精兵速赴保定探明賊蹤迎頭堵剿 臣督飭維祿

西凌阿保恆經文岱等合力夾擊以期迅掃逆

氛

訥爾經額又奏言直隸支應官兵糧餉一切籌款維艱司庫搜羅殆盡前據署山西按察使郭用賓稟稱山西藩庫存上年奏銷正雜銀及本年上忙銀通計約有二三百萬各屬又捐輸銀三十餘萬等語是晉省藩庫甚爲充裕合無仰懇

天恩飭下該省迅速動撥銀四十萬兩以十萬兩解臣

聖學方略卷五十八

十六

大營以三十萬兩解交直隸藩司收存以備陸續支放奏入

上命軍機大臣傳諭勝保曰本日據訥爾經額奏該逆如由柏鄉趙州欒城正定大路北竄中有滹沱河之隔儻由唐山深州安平博野小路直撲保定並無險要可守請派兵迎頭堵截等語現在西凌阿帶領勇隊於三十日行抵臨洺關會同經文岱維祿由南路

跟蹤追剿已有旨諭令西凌阿將訥爾經額所帶之盛京官兵一併管帶迅速前進托明阿明慶等追賊之兵尙未知行抵何處仍卽飛催前進朕思該大臣帶兵出獲鹿山口由西北一路迎頭截剿西凌阿跟蹤追擊賊匪被我軍前後夾攻勢必東竄或直撲山東由運河搶船窺伺天津或徑竄河間一帶乘虛奔突現在達洪阿培成多爾濟那木凱等帶領京兵及

聖學方略卷五十八

十七

察哈爾馬隊官兵由京前赴保定如該大臣在正定剿賊業經得手則此項官兵卽可飛飭沿途令其直赴河間一帶迎剿如此三面兜截使賊匪奔喘不暇當可一鼓殲除保恆所帶官兵五百名現已趕到正定蘊秀伊綿阿留紮固關兵一千名並前調赴保定之吉林兵一千名究竟現在何處均著飛催前進佟鑑所帶蔽位應否運赴大營卽著與桂良酌度調用

其滹沱河上下游及沙河新河等處船隻著勝保飛飭各地方文武收集勿令竄匪偷渡並將近日擊賊情形飛速奏報以慰廬念

上又命軍機大臣傳諭西凌阿曰逆匪竄至藁城勢甚劇疾勝保現由獲鹿馳至正定扼賊北竄之路訥爾經額並副都統維祿總兵經文岱所帶官兵及在後之盛京官兵一千餘名均著交西凌阿酌量調遣飛

聖學聖方略卷五十八

十八

遠緊躡賊蹤痛加勦洗並隨時知照勝保桂良務使聲勢聯絡以期四面兜圍托明阿明慶等追賊現抵何處未據奏報並著飛催前進儻賊匪被我兵前後夾擊欲圖東竄卽著相機截擊該都統等追賊業已落後若再不兼程前進但事尾追自問當得何罪懍之

上又命軍機大臣傳諭郭夢齡曰現在逆匪竄入直境

各路大兵雲集不難指日蕩平惟直隸藩庫無款可籌著該署撫查明無論何款速撥銀三四十萬兩解交直隸藩庫以資軍餉

同日

上諭內閣曰著派惠親王總理巡防事宜會同前派巡防王大臣等妥籌辦理

同日軍機大臣刑部會奏言臣等前奉

聖學聖方略卷五十八

十九

諭旨以楊文定應得罪名交臣等審擬具奏遵卽會同研訊楊文定惟有戰慄恐懼伏地扯頭並稱因留金陵掣肘是以赴鎮辦防委非因事勢緊迫卽欲出城亦非別有意見惟鎮江失守未能迅速克復實屬毫無布置大負

皇上委用深恩祇求從重治罪等語應卽按律擬結查

楊文定奉

旨前往江甯辦理防堵宜如何嚴密布置力固疆圉乃
因陸建瀛自九江退回輒以鎮江爲蘇省門戶
移往防堵追賊匪竄至鎮郡又不能嬰城固守
旋至失陷復退至江陰數月之久毫無布置實
屬罪無可逭楊文定應照守邊將帥被賊圍攻
城寨不行固守而輒棄去因而失陷城寨者斬
監候律擬斬監候秋後處決仍恭候

聖學方略卷五十八

二十

欽定奏入

上諭內閣曰軍機大臣會同刑部奏定擬楊文定罪名
楊文定著卽照祁寯藻等所擬按律定爲斬監候秋
後處決

初八日庚戌勝保奏言臣於平定途次探得逆賊

已由趙州樂城直犯正定獲鹿一帶距該府縣
僅三四十里臣所帶之兵連日兼程未能到齊

與善祿先帶已到官兵將及二千名星馳行走
二百餘里於初五日抵獲鹿縣知該逆盤踞附
近獲鹿之鎮頭村欲奪此要害使我聲息不通
正擬督兵取道擊殺孰意該逆向藁城東竄查
藁城距正定東南數十里恐由滹沱河偷渡且
恐由趙北口潛犯河間天津一帶臣卽日擬到
正定嚴催各路之兵前進如偵探該逆仍在藁

聖學方略卷五十八

三十一

城卽當飛速進剿儻賊順河東竄臣隨時酌度
或督率官兵分道追擊或卽由正定渡河而東
庶可保護保定河間一帶一面飛催恩華兵到
斟酌留防樂城兵若干名以扼其回竄西北之
路並作正定前路聲應其餘兵丁令其趕赴臣
營隨勦並派西凌阿等及西安馬隊儘數尾追
又恐賊竄擾東昌則山東及徐州喫重臣已咨

商慧成與山東各路熟籌妥辦以便相機圍擊
奏入

上命軍機大臣傳諭勝保曰勝保甫出獲鹿山口該逆
已聞風東竄擾及直隸勢甚剽疾如不犯保定即恐
由趙北口竄入河間天津等處現在察哈爾官兵及
京營官兵雖陸續起程猶恐緩不濟急該大臣宜帶
兵星速繞出賊前迎頭截擊總以保衛畿疆為要西

聖學聖方略卷五十八

三

凌阿維祿經文岱等現由臨洺一路追勦前來即著
飛催應於何路截勦相機調度慶祺所帶盛京兵二
千名由水路前進計已行抵保定並著酌量調撥恩
華業經革職拏問其所帶馬步官兵即著勝保嚴催
統帶各員迅速前進儻仍遲延觀望即著指名叅奏
懲辦

同日桂良奏言賊匪竄至定州之李青果村距

聞

省城百十餘里恐其繞道竄越查河間景州一
帶為直省東南要隘必當先期準備已飭該處
文武員弁設法堵禦俾賊無去路易於兜撿至
省城內外臣已嚴密布置妥為護守並一面勤
加偵探隨時奏

同日泰甯鎮總兵德春奏言自懷慶解圍餘匪

聖學聖方略卷五十八

三

西竄紫荆廣昌一帶均宜鎮靜巡防倍加嚴肅
查紫荆迤西之浮圖峪道通廣昌為入關咽喉
要路而廣昌為紫荆門戶其西南一帶之驛馬
嶺斜山峪龍門村獨山城狼牙口並有樵徑數
處均係直達山西又東南面之玉河溝與倒馬
關相通至浮圖峪距關七十里該處形勢外險
內平惟兵力甚單現經督臣撥回原調兵三百

名除將前調之黃山石插箭三處兵四十七名撤歸原營分布巡查其餘兵二百五十三名暫撥浮圖峪總隘據險防守仍飛咨督臣等籌派大員統帶重兵速赴紫荊廣昌分屯駐守同日訥爾經額奏言據知府高午遊擊姜國仲稟稱順德郡城存兵不及百名復招募鄉勇數百名製備軍火器械嚴密守禦因南關市集房

勦平粵匪方略卷五十八

三十四

屋既多且皆堅固僞爲賊踞攻剿不易當令經歷梁炳照署千總張挹蘭帶同兵勇及城關士民在南關外要隘村莊掘地藏礮堆積石柴暗伏兩旁相機而動高午等率邢臺縣知縣暨營弁教佐督士民分段守陴八月二十八日探得沙河失守三更時分南望火光知賊將到卽將城上燈火掩藏旋見火光如晝約六七百人擁

至南門城下正欲爬城城上卽懸燈拋石槍礮並發該逆稍卻維時經歷梁炳照署千總張挹蘭所伏之處見大隊賊過卽點燃地礮該逆進退無路向東北逃竄梁炳照等追至東汪村地方擊斃逆匪一百餘人天明偵探賊已全股竄赴任縣查該知府等於逆匪未至之先旣能設備嚴整迨該逆攻撲之際復能設計擊退稍挫賊鋒危城克保辦理悉協機宜順德府知府高午等擬請

勦平粵匪方略卷五十八

三十五

恩施以昭激勸均奏入

上命軍機大臣傳諭桂良曰桂良奏賊匪竄至定州嚴守保定覽奏焦急之至又據勝保奏賊由臺城東竄已派西凌阿等及西安馬隊儘數尾追等語似於賊至定州尙未探悉保定爲畿輔屏障最關緊要該督

務卽督率文武員弁實力巡防認真堵禦斷不可令該逆竄越勝保若能繞至賊前自可會同進剿其河間一路亦須防其竄入不可疏忽至易州一帶據德春奏防守浮圖峪係屬後路此時賊從前路奔竄著該督酌量緩急有可撥兵協濟之處卽著分撥援應慶祺已於初三日由天津起程計日可抵保定京兵雖已陸續啟行仍恐緩不濟急該督仍當統籌全局

聖學聖方略卷五十八

三

相機布置賊情剽疾儻越過保定直犯河間或至天津俱當隨時調度一面知照勝保飛飭帶兵大員攔截逆蹤北竄訥爾經額奏八月二十八日賊撲順德府南門經該府知府高午會同遊擊姜國仲督率兵勇將賊擊退經歷梁炳照署千總張搢蘭在城外設伏殺賊百餘人籲請恩施著該督查明如果該員等擊賊出力卽著奏請獎勵

上又命軍機大臣傳諭舒興阿曰逆賊由棗城東竄關入定州界內直境情形極爲緊要該督卽統帶官兵前進迅赴直隸保定一帶相機協剿

上又命軍機大臣傳諭毓書曰連日據桂良等奏賊匪北竄擾及定州一帶現當防剿喫緊之際著毓書再行挑撥熱河官兵數百名並熱河哨內駐紮東三盟官兵三千名飭令總管那敷德卽日管帶起程來京

聖學聖方略卷五十八

三

所有前調哨內牧放之錫林郭勒馬三千匹卽速催趨前來再古北口提標兵丁如有可以調撥之處卽著該都統飭知該營員挑選精銳數百名派委得力將弁帶領來京以備調用

上諭內閣曰已革大學士直隸總督訥爾經額於臨洺關遇賊竄出山口卽退守廣平毫無籌策現在逆匪紛竄畿疆勝保已由獲鹿繞至正定一帶而該革督

本日奏報仍在廣平株守畿輔重地較之他省更關緊要該革督貽誤事機厥罪尤重訥爾經額著卽拏問山桂良派員押解來京交刑部按律治罪

上又諭內閣曰理藩院尙書恩華經朕特派帶兵剿賊並令幫辦軍務乃自懷慶解圍逆匪潰竄該尙書帶兵尾追並未與賊一遇經欽差大臣勝保屢次咨催仍復任意遷延辜恩溺職大負委任恩華著卽革職

欽定剿平粵匪方略卷五十八

三六

拏問由勝保派員押解來京交刑部會同宗人府審訊按律治罪恩華所帶官兵卽交勝保統帶飛催前進如有不遵調遣者卽著以軍法從事

同日奕經奏言准慧成來咨該督已奏明暫留揚州先派副都統常清帶青州兵八百五十名前往扼堵並請

旨飭令臣往援廬州復據李嘉端來咨以賊匪在安慶

城外添築土城意欲占踞已飛調各路兵勇前往剿辦其關山一帶需兵防守咨會臣帶兵前往各等語查皖省情形現在雖防逆匪竄入而徐州地方爲江皖東豫四省接壤適中重地三省糧臺皆先後奉

旨安設於此臣於五月間奉

命帶兵專駐防護嗣值豐工漫口尤恐土匪乘機竊發

欽定剿平粵匪方略卷五十八

三五

臣若據慧成咨赴廬州或據李嘉端咨赴關山則徐州別無重兵該處糧臺及各路援應更覺單弱又疊據六合縣稟報賊匪連次攻撲該縣之斷要東溝等處揚城賊匪復窮蹙思竄若由儀徵六合竄過天長則直入淮河已繞出關山之後是徐州爲賊匪北竄之衝萬不可無兵扼守且臨淮河當三面卽關山有警臨淮之兵亦

可就近應援臣現飛調派駐碭山之西安馬隊
兵五百名趕即前赴臨淮駐紮仍聽候

諭旨或臣暫留徐州或另派大員來徐接替俾徐州中
路扼要有人可以交卸前往不致顧此失彼臣
仍一面酌看情形何處緊急再行相機援守不
敢稍涉大意奏入

上命軍機大臣傳諭奕經曰徐州為南北適中之地現

剿平粵匪方略卷五十八

三十一

在安設各路糧臺又值豐工漫口恐土匪乘機竊發
奕經著仍駐紮徐州以資彈壓逆匪現踞安慶揚城
賊匪又窮蹙思竄如該逆欲圖北擾務當扼要迎擊
不可稍涉大意仍隨時察看皖省情形與李嘉端慧
成等聲息相通互為接應軍情變幻靡常亦不可拘
泥株守

欽定剿平粵匪方略卷五十九 癸丑年

九月初九日 辛亥 勝保奏言臣前因逆賊乘夜東

竄步隊追趕不及派都統西凌阿魁福等督帶

黑龍江馬隊六百餘名西安馬隊一百餘名跟

蹤尾追臣即繞道直趨賊前兜剿初六日行抵

正定偵知賊竄彙城不遠當即派兵前往追襲

不期已與西凌阿等所帶馬隊會合該都統等

剿平粵匪方略卷五十九

一

自八月十八日由洪洞奉令追剿沿途追擊斃
賊多名因逆賊行走太速不能抄擊大股及至
長子縣一帶與副都統明慶會遇知托明阿腦
受槍傷不及追趕將步隊交明慶管帶因會同
先行尾追趕至臨洛關與賊接仗生擒十餘名
殺斃數十名一路州縣隨到隨失逆賊亦未停
頓直至欒城整齊各隊連夜進兵於初四日卯

刻前敵追及逆賊大股知其分路欲竄獲鹿正定又因我兵西來復合股東竄藁城適追至距城二十里之宜陽鎮逆賊全股約萬餘人官兵奮勇一齊衝殺將賊隊截斷賊匪敗走官兵追殺三十餘里沿途擊殺長髮賊五六百名半長髮賊五百餘名逃散裹脅百姓二千餘名內有坐轎賊目二名經佐領格綳額侍衛索布多爾

欽定剿平粵匪方略卷五十九

二

扎布先後斬獲奪得軍械多件羸馬不計其數並獲二百斤至五百斤大礮二十一尊生擒逆賊百餘名正法追至藁城縣城已失守賊股數千名出城迎撲我兵奮勇擊殺又斃賊數十名賊入城中匿避不出官兵撤隊紮營並經附近村民陸續擊獲奔散餘賊分別正法查逆賊豕突狼奔官兵未能堵禦以致長驅直入擾近畿

疆經臣原派西凌阿魁福並會合明慶等追殺業已大獲勝仗頓挫兇鋒惟探知該逆已由藁城搭橋渡至滹沱河北岸盤踞村莊意圖乘間東竄我軍步隊僅臣及善祿所帶將及二千名馬隊亦僅西凌阿明慶魁福等所帶千名其由河南撥來之總兵經文岱帶兵於初五日起到擬即先行齊隊前進扼其北竄之路相機兜剿

欽定剿平粵匪方略卷五十九

三

並飛催培成多爾濟那木凱由深澤無極一帶進兵達洪阿由定州阜城驛一路進兵飛咨慶祺維祿令其帶兵速赴河間扼截東竄天津之路且作保定犄角之勢西凌阿等即令由南兜剿不令回竄惟東南一路俟日內續有兵到方能分撥協剿至前調恩華所帶馬隊五百名令其先往無極縣以南扼要駐紮臣步隊兵丁亦

卽前進

同日桂良奏言據報賊匪竄至藁城之郝莊復由郝莊東竄深澤一帶查深澤地方由安平饒陽東竄卽抵河間若往西北行走仍可竄至省城賊情詭譎不可不防除飭各該州縣速爲準備外現在分咨達洪阿培成等迅卽催兵酌量前進並查該處水路由深州可通豫河直至天

聖學聖方略卷五十九

四

津現已移咨慶祺相機進止又查盜陽河一帶界連冀州獻縣等處亦通天津爲鹽船聚集之所恐該匪窺伺當卽札委知縣張寶鏗前往收集船隻防其偷渡至易州紫荆關地居緊要擬俟京兵到後酌量緩急分撥駐守或俟前調駐省之吉林兵一千名到齊卽令該管將領統率前往惟查此項官兵現在龍王廟水路停泊節

經委員迎提尙無確報惟有再行札催以期迅速均奏入

上命軍機大臣傳諭勝保曰逆賊自竄直境所過州縣並未堵禦以致餘匪肆意奔突經此次痛剿自必愈形窮蹙惟該逆旣已渡河而北昨又據桂良奏報賊蹤擾及定州距保定僅百數十里恐南路進剿之兵又成尾追之勢本日特命惠親王爲奉命大將軍並

聖學聖方略卷五十九

五

命僧格林沁爲參贊大臣統帶健銳營兵五百名外火器營兵五百名兩翼前鋒營八旗護軍營兵二千名巡捕五營兵五百名察哈爾兵一千名卽日出京與該大臣前後夾擊所有前次派出培成等所帶各官兵皆係同時陸續起程該大臣所稱催令分赴深澤無極及阜城驛等處進剿之處猶恐緩不濟急著卽先將催到之兵扼要布置仍飛咨僧格林沁分撥

進剿慶祺所帶之盛京兵已由水路起程卽前赴河
間扼截此時西凌阿等由南兜剿卽可兼防東竄之
路該大臣再能迅速北趨不難剿滅勿因命將出師
稍有延待總期同心戮力迅殄妖氛論功行賞朕惟
以勦賊之遲速爲權衡也本日又據桂良奏水路由
深州可通豫河直至天津現已移咨慶祺相機進止
又盜陽河一帶界連冀州獻縣等處亦通天津爲鹽

欽定剿平粵匪方略卷五十九

六

船聚集之所等語著該大臣酌籌妥防其訥爾經額
原帶之兵現歸西凌阿管帶能否調撥東南一帶卽
著酌量辦理

同日

上諭內閣曰逆賊潰竄山西復由臨洺北竄正定一帶
畿疆近地豈容逆匪肆行前命培成多爾濟那木凱
達洪阿等統帶旗營官兵並察哈爾官兵出京進剿

必須親近重臣總統諸軍以伸天討惠親王綿愉仁
勇忠誠威德克濟著授爲奉命大將軍御前大臣科
爾沁郡王僧格林沁公忠體國謀勇兼資著授爲參
贊大臣本日朕御乾清宮親頒大將軍印參贊大臣
關防並頒給銳捷刀交惠親王祇領訥庫尼素光刀
交僧格林沁祇領卽日統領健銳營外火器營兩翼
前鋒營八旗護軍營巡捕五營及察哈爾各官兵並

欽定剿平粵匪方略卷五十九

七

哲里木卓索圖昭烏達東三盟蒙古諸王等勁旅由
京前往合剿與欽差大臣勝保等前後夾擊天戈所
指自可剋日蕩平王等其戮力同心嚴明賞罰迅奏
膚公以副委任

上又諭內閣曰僧格林沁現在統兵出京著添派親王
銜定郡王載銓內大臣璧昌辦理巡防事宜

同日山西巡撫恆春奏言 臣前奉

諭旨命臣暫駐正定俟勝保到後奏明赴晉維時臣先

於初四日到晉境與勝保會遇已將神雀刀交

勝保祗領是日勝保可到直境正定有勝保布

置續到兵勇通計八九千名不惟足保正定迎

擊逆匪兵力亦不為單但賊匪一經攻勦儘有

潰敗非奔往東南即仍竄山西臣接印後已派

署遊擊陳永祥馳赴遼州幫辦防堵現在山西

聖朝聖略卷五十九

八

各路存兵若干臣尚不知確數擬先就近入省

與藩司郭夢齡悉心籌畫分布調度惟畿疆緊

要賊已擾及隆平柏鄉臣應回正定應在山西

伏祈

皇上飭下遵行奏入

上諭曰昨已有旨令汝勿庸折回汝回省籌商亦是但

不可株守省城以圖自衛

初十日壬子桂良奏言據探賊由深澤一帶擾至

深州如該逆由深州北竄則保定亟須嚴守現

已妥為布置慎密設防若由深州東竄則河間

天津等處均關緊要雖經飛咨慶祺相機進止

第水路迂緩恐一時未能折回現擬令副都統

佟鑑督兵由張登博野安平一帶星夜抄出賊

前馳抵河間迅圖堵剿聞恩華已抵正定隨帶

聖朝聖略卷五十九

九

礮位尚多所有佟鑑管帶礮位毋庸運往即酌

分四尊交佟鑑帶至河間妥為設備如與賊相

值即便迎頭截擊以期迅速得力奏入

上命軍機大臣傳諭勝保桂良曰賊匪知大兵自西北

兜圍折向東南竄突河間天津甚關緊要僧格林沁

等所帶勁兵趕到自應先就現到之兵扼要布置慶

祺若折回天津固嫌水程迂緩令其嚴扼河間正可

迎頭截擊但盛京官兵宜於陸戰必須舍舟登岸方能得力慶祺究係文員祇宜督率調度仍須曾經出隊武職大員管帶接仗著勝保迅卽酌派一二員飛速前往恩華所帶礮位儘可留用所有佟鑑帶赴保定之礮准其分攜前往河間一帶此時滹沱以南儻已無賊西凌阿必已由橐城北渡該處由東鹿東馳相距深州甚近佟鑑由安平進兵去深州亦祇數十

欽定剿平粵匪方略卷五十九

十

里必能前後夾擊維祿所帶盛京兵尙在南路卽由南宮冀州一帶扼其東南賊更無從紛竄至天津一路兵力終覺單薄著勝保妥籌布置如佟鑑西凌阿均能追及賊蹤河間扼守已嚴或令慶祺折回或另撥兵協助卽飛咨辦理兵貴神速不可專待京兵是爲至要

上又命軍機大臣傳諭文謙曰現在西北一路集有重

兵恐該逆乘虛東竄天津一郡爲水陸要隘屏障畿東尤關緊要衛河一水可達所有沿河要隘亟應嚴密堵禦文謙現辦防守事宜著卽督同鎮道各員及紳商士民等迅速妥籌布置該處團練諒已辦有成效務須時加激勸俾可協助兵力該鹽政等卽察看何路喫緊卽於何路設防要口渡船亦應設法收集偏僻汊港實力巡查並隨時飛探賊情嚴拏奸細如有難民人等應資遣者卽行遣令回籍如有匪徒假扮冒充卽行嚴拏懲辦務須曉諭地方鎮靜彈壓勿致驚擾

欽定剿平粵匪方略卷五十九

十一

上又命軍機大臣傳諭恆春郭夢齡曰現在直隸大兵雲集所需軍餉著恆春與藩司郭夢齡迅速籌撥銀三十萬兩委員兼程解赴保定以資接濟

同日

上諭內閣曰著添派恭親王奕訢辦理巡防事宜

同日琦善陳金綬雷以誠慧成福濟奏言連日攻城接仗斃賊多名城內望援甚切時遣奸細出城探信其江甯鎮江瓜州之賊亦時遣賊黨薙髮改裝來揚偵探臣琦善等逐日派兵躡獲逆匪訊問內有偽監軍一名偽師帥二名其餘百長司馬多係賊之死黨訊明正法總兵武慶

聖朝聖方略卷十九

十二

防守浦口於八月二十三日拏獲賊船一隻賊匪四名現在江面賊匪沿江肆擾臣琦善已飭北岸各營官兵一體嚴防

琦善陳金綬雷以誠慧成福濟又奏言臣琦善接據總兵武慶稟稱八月二十九日夜間大雨如注三十日子刻謀報浦口江岸寶塔根地方有賊船百餘隻陸續駛至該總兵即帶遊擊王

巨孝等會同副都統開隆阿等督兵迎擊該匪見有官兵即開放槍礮該總兵等督令官兵用槍礮連環攻擊並施放火箭將賊船焚燒斃匪無算奪獲刀矛旗幟多件並獲賊船七隻生擒賊匪六人研訊獲賊供稱由江甯渡至北岸乘兩撲營欲圖北竄若浦口防兵嚴密即由和州烏江一帶北竄隨將該匪悉行正法查湖北安

聖朝聖方略卷十九

十三

徽及江甯北岸均屬沿江臣所派官兵僅止浦口六合儀徵三處尙虞單弱實在無兵可分現在嚴催青州馬隊馳往烏江駐紮以資防堵並飛咨周天爵呂賢基李嘉端加意防範奏入

上命軍機大臣傳諭琦善陳金綬雷以誠慧成福濟曰揚城逆匪數已無多兩月以來疊據該大臣等奏報不過待其絕城而出始圖轟擊並未見併力進攻而

安徽廬巢一帶危急萬分逆賊以揚城餘黨牽掣大兵琦善等頓兵城下久而不克若皖省賊匪肆擾則揚城各路之兵必致腹背受敵更難措手現在北竄之賊並無後援尙且重煩兵力若再聽其擾及皖省全股北竄該大臣等自問當得何罪揚城餘匪勢極窮蹙著卽併力進攻迅圖克復一面分派得力員弁帶領兵勇援救安徽毋稍延緩

欽定剿平粵匪方略卷五十九

十四

同日李嘉端奏言粵賊三擾安慶登岸踞城經臣分撥兵勇赴集賢關堵剿並激勵將士嚴守待援探知賊在城中添造刀矛驅婦女老弱出城修築迎江寺圍牆礮臺遣船分往上下游搶掠據呂賢基函稱自六安赴霍山聞安慶之警卽折由舒城至桐城整頓團練以爲官兵聲援其時恆興等所帶兵勇陸續亦到臣又派主事

邊葆瀆帶練勇二百名馳往張熙宇營幫辦乃安慶尙未開仗據含山縣孔繼黃稟稱有賊船數百隻由金陵駛至和州之鍼魚嘴恐其上岸分竄遂各帶勇至和含交界之張公橋堵禦並由署臬司張印塘派辛本梅帶勇接應正在起程鍼魚嘴之賊船已竄裕溪至三汊河乃改派辛本梅赴黃落河無爲州一帶會同李登洲由

欽定剿平粵匪方略卷五十九

十五

芙蓉嶺分勇協剿又據玉山王正誼函稱初二日已刻賊船六七百隻直上運漕當派黃元吉督勇迎剿擊沈賊船一隻斃賊數十人力戰十二三刻賊復大至不能不退回東關李登洲等在黃落河亦未得手仍回芙蓉嶺辛本梅等尙未趕到賊離東關甚近等情臣惟有督令玉山張印塘等嚴飭文武極力守禦一面飛催各路

旨速飭上下游水陸並進毋分畛域全皖幸甚

援兵合力夾擊前聞江西有尾追兵勇迄今未
得的音湖北礮船聞亦造成多隻屢經催調亦
復杳然江南艇船現亦不知作何布置應再請
李嘉端又奏言據李登洲稟報初二日賊船聞
入黃落河當即督勇開放槍礮斃賊三百餘人
適以鉛藥用盡且賊數眾多力難抵禦退守芙

聖朝方略卷五十九

十六

蓉嶺壯勇死傷二百餘人又李鴻章暨張印塘
函稱初三日有賊船千餘隻擁進東關經玉山
王正誼派富惠辛本梅黃元吉各帶兵勇力禦
眾寡不敵東關失守臣查賊勢猖獗若入巢湖
即可直抵廬郡現已飛調恆興帶兵趕緊折回
號召附近團練以為守禦之計並咨會呂賢基
在桐邀集團練扼守南路奏入

上命軍機大臣傳諭周天爵李嘉端呂賢基曰江西敗
竄餘匪占踞安慶欲圖牽掣金陵大兵前已飭湖廣
江西速備船礮下駛接應並諭江忠源跟蹤追剿九
月初三日東關失守是該逆進則窺伺巢廬退可接
應安慶賊勢愈張兵力不足著周天爵遵照前旨迅
撥兵勇前往堵剿保護廬巢杜賊北竄之路呂賢基
所帶練勇既可接應廬郡仍須設法阻截安慶賊匪

聖朝方略卷五十九

十七

令不得與東關聯貫常清所帶青州官兵現到和州
即著傳旨該副都統協力攻剿該撫一面嚴督在城
文武紳士固守廬州一面知會河南山東豫防賊匪
分竄並著周天爵李嘉端督率玉山恆興力籌堵禦
勿令舍舟登陸復行北竄

上又命軍機大臣傳諭張亮基崇綸曰現在江甯揚鎮
三城均未收復若任該逆由廬郡一帶併力北竄更

難收拾張亮基等前已委員估買江船改造戰船此時想已挑選兵勇配齊礮位著卽迅委妥員管帶駛往安徽交江忠源管帶以資攻剿

上又命軍機大臣傳諭江忠源曰現在安慶已被賊踞復有賊船數百闖入裕溪情形緊急該臬司行抵何處江西所帶船隻共有若干是否足敷應用著先會同李嘉端設法水陸防剿使該匪不致擾及廬州俟

欽定剿平粵匪方略卷五十九

十六

湖北船礮兵勇到時卽可進援安慶力保皖疆萬勿再令賊匪北竄

十一日癸丑勝保奏言逆衆盤踞橐城臣初六日

甫至正定因經文岱維祿俱已趕到當派員弁星夜馳往督隊經文岱等帶領

盛京吉林馬蘭各營兵七百餘名正擬會同西凌阿進攻探得該逆在北關外搭造浮橋意圖北

渡經文岱卽率領官兵直奔橐城維時逆匪渡

河方半城中尙餘賊二三千我兵雖爲數無多勇氣百倍擁入城中當卽斃賊二百數十名逆衆披靡全向北關外逃竄我兵追至河沿殺賊無數其已過河北之賊見我兵追殺甚急卽將浮橋放火落水死者甚多該逆逃過河北整隊排列用大礮向南岸轟擊又慮官兵乘夜搭橋

欽定剿平粵匪方略卷五十九

十九

渡河全股竄往河北村中臣於初七日由正定督兵前進距橐城十餘里探知逆匪在郝莊盤踞聞臣已渡溥沱督兵前進卽乘夜遁向晉州當令西凌阿等跟蹤速追臣亦督兵繼至適准桂良飛咨賊有分股竄擾定州所屬李青果村之信臣權量輕重本擬卽速東剿因已折而東北趨赴定州該逆知大兵趕到仍合股東竄晉

州現在西凌阿等尾追臣復咨催培成多爾濟那木凱達洪阿等由高陽深澤迎擊不致任其猖獗臣亦即督兵先行馳赴保定再由高陽一帶督勦前進並飛催蘊秀郝光甲等帶兵馳赴冀州衡水一帶以扼其東南竄逸之路趙北口最關緊要經臣咨催慶祺帶兵前往未知能否趕到恩華業已星夜趕來臣等會合商辦一切

聖學方略卷五十九

二十

總期合力殄滅此賊以慰

宸廑奏入

上命軍機大臣傳諭勝保曰藁城賊匪現已逃向晉州河間天津一帶甚屬空虛本日已諭令僧格林沁派令培成多爾濟那木凱達洪阿等將所帶京兵及察哈爾官兵迅催前進由高陽深澤一路迎擊惟培成等甫經出京道途紆折恐一時未能趕到且諸將中

惟達洪阿曾經出兵其餘俱未經行陣仍著勝保迅派得力將弁帶兵前往扼要堵截慶祺帶領盛京官兵遏賊東竄天津之路並著該大臣酌量調度僧格林沁所帶官兵四千餘名均在涿州一帶布置兼顧保定易州等處其河間天津等處何路緊要即著撥兵迅速進剿並隨時知照僧格林沁等酌度緩急相機夾擊爾經額原帶之兵前已有旨飭令歸西凌阿管帶著勝保迅即飛調來營以資攻剿

聖學方略卷五十九

三十一

上又命軍機大臣傳諭僧格林沁培成多爾濟那木凱達洪阿曰藁城賊匪現已逃往晉州勝保由定州至保定督兵進剿並派令西凌阿等跟蹤追擊復咨催培成等帶領京兵及察哈爾官兵由高陽深澤一帶迎擊著僧格林沁即催令培成多爾濟那木凱達洪阿等先將已到之兵即刻管帶前進探明賊蹤與勝

保等知會合力夾擊毋令逃竄

上又命軍機大臣傳諭桂良曰此時逆匪被創逃竄不難設法殄擒惟保定既有準備恐賊匪東竄河間天津等處不可不迅速截剿已諭知僧格林沁勝保將培成多爾濟那木凱達洪阿等所帶官兵催赴迎擊該督卽知照慶祺將所帶之兵扼要會剿並確速偵探賊蹤毋稍延誤

聖朝方略卷五十九

三

同日

上諭內閣曰著添派都察院左都御史步軍統領聯順辦理巡防事宜

十二日甲寅勝保奏言據探逆匪又欲由晉州回

竄安平祁州蠡縣一帶臣先在清風鎮急爲布

置卽日前赴保定向南擊剿較有把握並派將

軍善祿由祁州帶兵前進臣亦卽督兵馳往夾

擊並咨催慶祺防剿河間北路培成多爾濟那

木凱由東北蠡縣速進會剿達洪阿卽由保定

馳進先與臣會合再酌量緩急分撥協剿復嚴

催副都統綿洵總兵桂齡由正定渡河馳由無

極深澤一帶進擊扼其由西南回竄之路又飛

催郝光甲蘊秀由滹沱以南馳赴冀州衡水扼

賊南竄一面飛咨天津鹽政收集船隻以免賊

聖朝方略卷五十九

三

匪偷渡臣卽督兵飛速前進保衛畿疆相機督

兵進剿

勝保又奏言查逆匪竄入晉州臣本已跟蹤追

剿因桂良飛咨賊擾定州境內是以改由東北

馳赴定州迎剿及至定州知逆賊並未擾及而

祁州安平所屬境內探聞有逆賊盤踞馬店一

帶村莊臣當商派善祿帶兵馳赴祁州迎擊臣

亦擬再探確實督兵前進頃又據直隸藩司等
詳稱賊於初八日攻陷深州請即派兵往援等
語查賊擾晉州亦係初八日陷城後即盤踞衛
牌等村頃何以是日又陷深州其為逆賊分股
無疑蠡縣告急恐仍由晉州竄往查蠡縣距省
僅百餘里臣惟有在保定居中調度繞出賊前
向東南迎擊方可得手兼可保衛畿疆查此股

聖訓

三

逆賊勢甚剽悍不能保其不竄東南雖有西凌
阿等追剿之兵未必能全行兜住是以必須各
路兵到相機齊進達洪阿之兵尙多副都統綿
洵總兵桂齡郝光甲侍衛蘊秀等皆距臣不遠
已分撥由東南西南進剿並派員持令前往正
定迎提未到官兵分赴所撥各路迅速截擊飛
催慶祺培成多爾濟那木凱分路速進以資會

剿惟托明阿因在澤州一帶養傷未能趕到恩
華現又獲咎幫辦無人可否仰懇

皇上簡員幫辦軍務俾臣藉資贊助之處伏祈

訓示遵行

勝保又奏言恩華現已趕到當遵

旨派員解京惟該員才識疏淺未能豫防似非有心貽

誤可否責令帶罪自效抑仍應治罪之處伏候

聖訓

三

聖裁奏入

上命軍機大臣傳諭勝保桂良曰逆匪奔突無定若分
股滋擾又恐牽掣我師本已諭令僧格林沁統兵
前赴保定駐紮既可保衛京畿又可為前路聲援復
令培成多爾濟那木凱達洪阿等刻即前進其應由
何路進剿之處著該大臣隨時知照西南兩路固應
防備而東路河間天津一帶尤關緊要綿洵桂齡郝

光甲蘊秀等究竟在何處耽延著卽嚴催星速前進毋得再有延誤慶祺現在行抵何處著勝保酌量調撥僧格林沁旣駐紮保定北路一帶可資捍禦勝保等惟有併力進剿迅殄醜類現在江西匪船下竄安徽廬州一帶勢甚危急若不早殄此賊儘皖省匪徒北竄更恐滋蔓難圖保定防守一切事宜卽責成桂良嚴密布置並與僧格林沁商酌辦理訥爾經額前由天津運赴清化鎮礮位現在是否帶至軍營著查明酌調應用

上又命軍機大臣傳諭僧格林沁曰現在逆賊分股攻陷深州蠡縣告急著僧格林沁卽日帶兵馳赴保定以防逆賊北竄並可防備東西兩路以便勝保專力進攻並著飛催培成多爾濟那木凱達洪阿等卽行管帶現到官兵迅速前進知照勝保應由何路接應

卽行調撥毋稍延誤

上諭內閣曰綏遠城將軍善祿察哈爾都統西凌阿均著在勝保軍營幫辦軍務

上又諭內閣曰勝保奏恩華現已趕到可否責令帶罪自效等語恩華著暫緩解京准其留於勝保軍營帶罪圖功以觀後效

同日李嘉端奏言逆匪竄過東關已革臬司張

印塘督兵進剿受傷而退巢縣力難支持勢必直撲郡城若不迅速迎剿誠恐滋蔓難圖惟離城四十里之店埠爲巢縣至合肥必由之路且係南北往來驛站其閒團練人數尙多必得臣督兵親往激勸庶可力禦賊鋒其水路已派知縣張埴訓導朱宗采前赴沿河一帶勸諭團練相機堵禦一有警報臣仍前督師往剿往來策

應若賊竟水陸同時竄至驟難兼顧臨時或令藩司劉裕鈔於附近河道催集鄉勇團練使兩地互爲聲援至桐舒毗連安慶扼守尤爲緊要當飛咨恆興仍駐兵該處防其暗中勾結庶無牽掣之患

李嘉端又奏言據王正誼自含山函稱初三日寅刻賊由黃落河水陸並進當經玉山派令黃

聖學方略卷五十九

三

元吉由攔鼓山武舉楊國慶由王淮渡兩路進剿而自帶壽春廣東兵五百名嚴守東關其陸路之賊一由攔鼓山瀾八里外登岸循山麓撲來黃元吉督勇前進抵禦不期攔鼓山後連龜山之陰突出數股黃元吉等腹背受敵死傷極多一時大潰其水路賊船經玉山督兵極力相持賊勢幾敗而龜山之側忽又有匪船數隻由

西渡東我兵久戰疲憊潰去大半祇存四百餘人王正誼督勇應援亦不得力遂與玉山退至含山一面飛咨琦善向榮分兵救援廬郡並擬招集餘勇赴柘皋等處相機截擊等情查巢縣西濱巢湖水道固易竄入其城北黃山前後路徑雜出皆可直達臨淮巢城如果失守恐賊將由水陸分竄口隘甚多非數百人所能兼顧請

聖學方略卷五十九

三

旨飭令慧成迅帶重兵由滁州全椒一路前進併力堵剿俾臣可專扼廬州一面不致顧此失彼奏入上命軍機大臣傳諭李嘉端呂賢基玉山曰現在巢縣情形十分緊要所有水陸各口隘著李嘉端盡力扼守廬州重地尤爲喫緊務當設法保衛該撫出城駐紮店埠據稱團練人數尙多著卽妥爲勸諭激勵以助兵力呂賢基袁甲三趙昉等所辦團練想有成效

亦可藉資捍衛總兵玉山勦賊是其專責豈容遇賊輒退著卽嚴飭相機奮力堵截毋任逆匪北竄

上又命軍機大臣傳諭周天爵曰前因賊匪占踞安慶竄入裕溪已諭令周天爵派撥兵勇前往堵禦現在廬州情形危急若廬郡稍有疏失大股賊匪復將北竄勢更滋蔓難圖皖江爲南北咽喉周天爵懇直勇敢朕所素知當此軍情緊急地方待援甚迫豈不能

欽定剿平粵匪方略卷五十九

三十一

爲朕分憂耶臧紆青所募壯勇亦可自成一隊用以擊賊現在山西餘匪竄入直隸勝保等統兵截擊不暇南顧該侍郎能保衛皖省杜其北竄之路朕所望也

上又命軍機大臣傳諭琦善陳金綬雷以誠慧成福濟曰據李嘉端奏巢縣力難支持賊必直撲廬郡該撫現駐店埠督兵進剿惟水陸口隘甚多勢難兼顧請

飭慧成迅統重兵由滁州全椒一路會剿等語現在安慶已被賊踞儘廬郡更被肆擾則揚州大軍亦恐孤立常清所帶青州官兵八百餘名計已早到和州而該處兵勇較單仍恐未能得力著該大臣等迅速添派弁兵前往安徽會同剿擊若頓兵揚城任賊由皖省北竄該大臣等自問安乎否耶

欽定剿平粵匪方略卷五十九

三十二

上又命軍機大臣傳諭江忠源曰現在安慶已被賊踞儘巢縣合肥一帶再令該匪竄至勢更蔓延不可收拾已諭令李嘉端周天爵等妥籌布置相機剿辦惟兵力甚單不敷分撥情形十分危急著江忠源迅卽馳赴皖省無論水陸總以力遏賊衝杜其北竄爲要都司戴文蘭李輔朝等是否已由九江乘船下駛著一併飛催前進攻復安慶援應廬州毋稍遲誤

欽定勦平粵匪方略卷六十 癸丑年

九月十三日 乙卯 僧格林沁奏言賊蹤竄擾州縣

皆由東北入京之路 臣所統之兵乃都城屏障

蠡縣迤北無險可恃即使派兵往迎賊必東堵

西竄仍不能扼其東北繞突且兵分力單亦難

得力臣詳細籌思總宜暫在涿州駐紮聽候確

信如逆匪仍奔東北則涿州之兵正可迎截即

聖朝方略卷六十

一

聖朝方略卷六十

二

使該逆繞過保定省城或東或西向京竄奔亦

可迅速移營橫前攔截方免顧此失彼之虞總

之北面之防關係至重 臣兵不敢遠離京畿應

請

飭下勝保先其所急相機繞出賊前合力攔截庶可杜

其竄擾京畿奏入

上命軍機大臣傳諭勝保曰昨因賊陷深州蠡縣告急

降旨令僧格林沁等進駐保定與勝保等合力攻勦

本日據僧格林沁奏蠡縣迤北無險可恃所統之兵

總宜駐紮涿州不可遠離所見極是僧格林沁統領

京兵現駐涿州實為京師屏障保定後路且足為該

大臣北路聲援朕命將之意實在於此並非令該王

等代該大臣也直隸軍務一切仍責成勝保就現在

統領之兵酌量調度以一事權不必疑慮該逆於初

聖朝方略卷六十

二

八日既擾晉州復竄深州奔突無定著即乘此機會

迅速前進其晉州賊匪分股是否西凌阿善祿等追

勦東路河間一帶必宜嚴防慶祺由鄭州馳赴河間

仍須該大臣派委得力大員協力截擊尤須扼賊東

竄天津之路隨時知照崇恩一體嚴防若餘匪窮蹙

竄至山東必須迅速追擊東省兵單皖省情形亦復

喫緊想該大臣全局在胷也賊匪奔竄剽疾其火藥

一書 丹 黃 參 四 日 長 公 書 局 17 反 文 外

鉛丸雖沿途搶掠亦豈能如許之多著勝保密查如
有奸民暗中售賣必須設法嚴拏斷其接濟且屢次
擊敗賊匪遺棄贏馬器械等件安知非誘我兵奪拾
耽延藉得乘間逃逸種種奸計均須慮及切勿大意
上又命軍機大臣等諭崇恩曰現在賊匪竄入直境擾
及深州府伏已山保定馳赴該處進剿恐逆匪被剿
緊急勢必窮而思竄東省與直隸接壤處處皆可關

欽定剿平粵匪方略卷六



入著崇恩慎遵前旨督同鎮道大員嚴密設防並將
運河渡口船隻盡數收集毋令逆匪偷渡東省團練
間尚認真並著傳諭各屬官紳合力守禦以助兵力
昨據李嘉端奏近有江西匪船下竄安徽廬州一帶
勢甚危急尤恐匪徒由皖北竄並著該署撫於江南
交界處所飛飭各該地方官一併嚴密堵禦盤詰奸
宥毋稍疏懈

同日桂良奏言前因河間緊要飛咨倉場侍郎
慶祺管帶

盛京官兵迅速折回該侍郎已行抵趙北口擬由
鄭州趕赴河間探明賊蹤迎頭會剿如逆匪徑
由豫河竄至天津再由水路折回計日當可趕
到勝保於十一日晚聞到省探得深州初八日
失守後賊踞城池本地鄉勇聚集萬餘入將城

欽定剿平粵匪方略卷六

四

圍因因無槍礮望兵如渴該大臣擬即起程由
保定馬之張登集一帶馳赴深州進剿令副都
統佟鑑帶礮八位隨同前往至河間文武各官
疊諭周密嚴防計已妥為準備一俟慶祺兵到
合力防剿當能得力保定官紳練勇頗為足恃
臣仍親率隨員督同在城文武巡防以期嚴密
奏入

上諭曰深州鄉勇能圍困逆匪甚好然攻陷晉州之賊不可不防北竄

同日馬蘭鎮總兵慶錫奏言現聞賊勢狡猖竄擾畿南正定一帶不可不豫籌防守查

陵寢內圍之外自天台山左右延袤八九十里各營交界山嶺紛歧存兵無多不敷防守現將守護各營汛弁兵酌量調撥大小山口扼險駐守復調

勦平匪方略卷六

五

牆子路都司田茂帶兵百餘名暫駐段家嶺巡防彈壓土匪惟古北口通永鎮現無責任提鎮駐紮可否

欽派大員暫署直隸提督以資鎮攝奏入

上命軍機大臣傳諭桂良曰署提督保恆帶兵遠出古北口本營操防緊要著桂良選派諳練營伍之副將前往古北口代辦提督事務以資控制本日該督奏

深州鄉勇圍賊情形已寄諭勝保等分投兜剿矣

同日呂賢基奏言據探初三日賊船千餘隻擁進東關並由攔鼓山旱路分竄我軍退散李登洲於初二日在黃落河接仗轟斃三百餘人我兵亦傷亡二百餘人援兵不至退守芙蓉嶺六安勇散回巢縣黃元吉所帶之勇亦均逃散玉山見勢不支已於巳刻啟行赴舍山臣思東關

勦平匪方略卷六

六

係入巢湖一帶要口實為慮郡門戶前經編修李鴻章帶勇駐守四月有餘賊船並未敢闖入玉山身膺總戎扼守此口並已釘梅花椿用船裝石堵塞又有李登洲黃元吉等各帶鄉勇互為應援何以賊船擁進玉山卽行退縮請將玉山李登洲黃元吉從重治罪以昭炯戒玉山可否帶罪圖功出自

天恩奏入

上命軍機大臣傳諭呂賢基李嘉端曰玉山以專閫大員帶兵扼守隘口何以任令賊蹤闖入徑行他往著卽革職仍暫留本任責令帶罪勦賊李登洲黃元吉二員於賊船一至未能力挫兇鋒以致鄉勇四散均屬罪有應得著李嘉端查明奏皖省兵力尙單他省亦難徵調惟周天爵帶領兵勇可以移緩就急江

欽定剿平粵匪方略卷六

七

忠源自九江來援計日可到本省練勇亦可協助官兵該侍郎及趙昉等所辦團練已有成效且人數尙多務卽妥爲勸諭激勵令各該紳士等隨地堵截嚴密防守總以保衛廬巢遏賊北竄爲要

同日署山東巡撫布政使崇恩奏言初三日臣行抵東昌府屬莘縣接據探報逆匪由山西竄入直境查直東犬牙相錯之地處處皆可闖入

亟應層層堵截以杜分竄臣當由莘縣折赴臨清州居中調遣分路策應曹州一路現有將軍瑞昌統帶

欽定剿平粵匪方略卷六

八

盛京兵一千名駐紮該府所屬之濮州尙足以資控馭惟臨清東昌德州等營存兵較少現調駐兗州之登州鎮兵五百名駐曹州之高唐營兵三百名並抽調省標弁兵二百五十名練勇三百名飭令兼程來臨擇要堵禦新任糧道姚錫華熟悉東省情形飛札該道就近督飭德州添募壯勇與該署城守尉豐仲泰分駐邊隘竭力守禦其東昌府屬之冠縣館陶等處卽札該府王觀澄前往邊界扼要駐防館陶臨清德州等境內衛河直達天津嚴札該州縣等將各處渡口船隻盡數收入內港盤詰出入以杜逆匪由

河路東竄仍確探直隸勦捕情形另行分別辦理奏入報

聞

十四日丙辰勝保奏言臣於十一日探得逆匪分

擾安平蠡縣及距保定六十里之張登地方又

查深州東南兩面大水賊難偷渡北面水小偏

近饒陽泥淖可行西路無水界連安平祁州深

聖學方略卷六

九

澤無極等處恐賊仍由此竄逸亟須四面兜勦

已派善祿由祁州深澤馳赴深州西面擇要堵

勦西凌阿由束鹿赴深州西南面駐紮與善祿

作犄角之勢臣由張登安平直擣而南徑趨深

州督率各路兜勦至饒陽一帶已派吉林黑龍

江馬隊三百餘名前往遙作聲勢至慶祺所帶

盛京官兵業已飛催並遵派松玉前往河間與慶

祺商辦防勦事宜儘賊勢尙衆仍有不敷攻勦之處卽當咨商僧格林沁辦理奏入

上命軍機大臣傳諭勝保桂良曰逆賊竄踞深州明知

大兵北面雲集乃敢分股北擾安平蠡縣及張登等

處固因東南兩面水大難行亦難保非零星牽綴分

我兵力現在賊衆約有若干何以擾及數處勝保既

督兵由省起程自可從北面進勦惟東南兩面雖有

聖學方略卷六

十

大水仍不可不嚴爲堵截深州鄉勇圍賊之事是否

確實如果民心齊一加以兵威自必更易得手保定

省城防守事宜仍著桂良妥爲布置恩華奏帶之文

武員弁卽著勝保察看分別去留

同日張亮基崇綸奏言粵逆攻撲江西省城屢

經江忠源督兵擊退解圍後該逆水陸並進駛

至廣濟縣屬武穴地方距田家鎮防所僅四十

餘里徘徊不前似欲以虛聲恫喝覘我動靜查田鎮北岸爲黃州府黃梅廣濟蘄州蕪水各境與安慶府及六安州緊接處處有路可通賊若分股由陸入犯則直踞田鎮上游臣等現飭署臬司唐樹義帶同前漢口同知張曜孫卽補同知劉士哲主事胡大任等統領兵勇二千名馳赴蘄黃一帶擇要駐紮廣發哨探如遇賊匪關

聖學方略卷六

十一

入卽便迎頭痛勦一面兼顧田鎮江防互爲犄角奏入

上命軍機大臣傳諭張亮基崇綸曰楚省與江西安徽接壤處所凡水陸要隘悉經派兵防守所辦均屬周妥惟昨據李嘉端奏稱賊匪自占踞安慶後復有金陵賊船數百隻駛入裕溪致東關失守廬郡危急已諭江忠源迅速帶兵赴皖並令該署督等將改造戰

船速行挑選兵勇配齊礮位派員管帶駛往安徽交江忠源以資攻剿賊情詭譎異常聲東擊西是其慣技深恐江西金陵兩股逆匪直撲皖省復圖北竄其竄楚之匪雖駛近田鎮仍徘徊不前是欲牽掣楚兵使不能救援安徽已可概見著該署督等速將前項船隻派員帶赴安徽並飛催江忠源迅速赴皖勦辦萬勿稍有遲誤

聖學方略卷六

十二

同日陸應穀奏言查逆賊北竄直境勝保等帶兵緊追難保不復折而南竄臣抵衛輝因前調兵勇尙單添調祥符練勇八百名令庶吉士傅壽彤等管帶添募孟縣勇一千名臣自行帶赴彰德督同花里雅遜布蔣啟敷併力截勦聞安徽又有賊船一千餘隻停泊安慶城外添築土城意欲占踞永城一帶亦須防堵此時賊旣北

竄彰郡尤為喫重臣自當先其所急速赴彰德
卿辦奏八

上命軍機大臣傳諭陸應穀曰賊陷深州現在大兵四
路兜剿難保不竄回豫境彰衛等處自應加意嚴防
該撫既行抵衛輝添調練勇以助兵力著即前赴彰
德督飭鎮道大員將界連直隸各要隘渡口分撥設
防並嚴飭地方文武不得擅離職守儻有藉詞逃避

勦平匪方略卷六

十三

各員弁即行嚴參以軍法從事至江西退回逆匪現
踞安慶復有賊船突入東關近偪廬郡已令江忠源
周天爵等帶兵前往應援惟皖省防兵單弱甚屬可
虞該撫現駐河北一俟直隸竄擾餘匪勦滅彰衛一
帶無煩防堵即當分兵策應皖省不可稍分畛域
陸應穀又奏言據總理糧臺河南藩司鄭敦謹
等會稟揚州各營欠發兵餉撥款不敷找發須

撥銀五十萬兩豫備支放相應仰懇

天恩俯准添撥銀五十萬兩迅速解豫以資接濟奏入
得

旨戶部迅速議奏旋經戶部議覆於廣東等省如數撥
給解赴宿遷糧臺

上從之

同日長蘆鹽政文謙天津鎮總兵特克慎天津

勦平匪方略卷六

十四

道張起鵠奏言查天津前經團練義勇一千六
百名現據紳士梁寶常等續練義勇四百名前
後共計二千名逐日操演以資守禦又令運司
劉向贊天津縣知縣謝子澄招募壯勇四千名
臣等剴切勸勉曉以大義該勇等頗知感奮惟
津郡存兵單薄臣等公同商酌葛沽大沽尚有
兵一千九百餘名現擬酌調六百名協同防堵

海口留兵一千三百名足資巡防統計兵勇七千數百名所存器械無多已連日飭匠趕緊添造捐廉辦理臣等現將由海口調津兵六百名並選壯勇三百人派在西南水路扼要處所防堵其由省城衡水抵津水路至西沽虹橋係匯總扼要之區派天津存城兵二百名並新募壯勇一千名設礮分布防守其餘兵丁或令守城

欽定剿平粵匪方略卷六

十五

或令在教場紮營聽調團練壯勇各令按段晝夜巡防互相策應至勝保所奏火會壯勇亦由天津府錢新和密爲傳知儘有警報卽迎向前途齊心抵禦南來陸路亦暗爲布置遇其竄擾至所調津兵現飭扼要駐守卽與出征無異臣等申明紀律如有擅離汛地及不遵調度臨時退縮者均以軍法從事臣等仍輪替駐守防堵

奏入報

聞

同日

上命軍機大臣傳諭奕興景瀄英隆舒倫保成凱盛燠毓書華山泰富勒敦泰曰現在賊匪由山西竄出擾及直隸京畿內外早經分設巡防並特簡惠親王爲大將軍僧格林沁爲參贊大臣統領重兵以爲欽差

欽定剿平粵匪方略卷六

十六

大臣勝保聲援妥籌布置惟賊情狡詐飄忽靡常被勦緊急仍虞奔突必得豫籌準備方足以嚴捍衛而固畿疆著奕興景瀄英隆舒倫保成凱盛燠毓書華山泰富勒敦泰各於所管官兵內迅卽挑選精壯酌定名數操演純熟並備齊軍裝器械火藥鉛丸聽候諭旨一經調撥卽刻起程來京此係密旨思患豫防該將軍都統副都統等務當不動聲色豫爲籌備斷

不可稍涉張皇以致訛言四起驚擾兵民其直隸境內攻勦情形及賊蹤所向並著隨時偵探以備不虞並各將挑選官兵名數先行具奏

十五日丁巳僧格林沁奏言已革理藩院尙書恩華現奉

諭旨留於勝保軍營帶罪圖功自應馳赴勝保軍營聽

候差委惟該革員現在行抵涿州經臣傳至大

聖恩厚方略卷六

十七

營查詢該革員備悉逆匪情形可否暫留臣營帶罪圖報之處出自

天恩奏入得

旨允行

十六日戊午恆春奏言查定州密邇直晉交界之

紫荆關長城嶺等處且距

西陵不遠臣派回省之綏遠城滿兵四百名太原城守

滿兵一百名交協領尙阿太統帶又派在省之大同兵一千名派參將和昌統帶均交前任太

僕寺卿徐繼畚連伊所帶練勇三百餘名聽其

在紫荆關一帶派撥以扼要隘至固關一帶亦

關緊要臣另派兵七百名扼要防守遼州潞澤

一帶各隘口現均飭調重兵札令潘鐸督同防

堵奏入

聖恩厚方略卷六

十六

上命軍機大臣傳諭恆春日紫荆關等處係易州後路

必須於易州前面設防方為周妥著恆春於所派防

守兵內酌撥一千名派員帶赴直隸易州並咨明泰

甯鎮總兵德春應於何路要隘布置即行會商辦理

上又命軍機大臣傳諭德春日現在賊蹤竄至深州紫

荆關等處係易州後路必須於前面設防方為周密

已諭令恆春於防守兵內酌撥一千名派員帶赴易

州著德春察看地方要隘此項官兵應於何處布置酌量辦理

十八日庚申勝保奏言查該逆大股竄踞深州晉

州餘匪歸併深州經臣等督兵分路前進該逆奔回深州城內臣先經知照西凌阿善祿加意嚴防並令維祿經文岱暫守西路以杜回竄十四日未刻該逆聞臣兵將到恐受圍困全股捨

聖朝方略卷六

十九

命衝突復圖北竄西凌阿明慶魁福帶領馬隊迎擊鏖戰兩時之久善祿由西北帶領馬步隊橫衝而來西凌阿復奮力直衝前進時臣馬步前隊亦已趕到三面夾擊該逆抵敵不住回馬敗走我兵乘勢追殺十餘里賊匪盡匿城中不出時已申刻我兵因未到齊不敢窮追撤隊回營共計斃賊六七百名臣是日在深州正北距

城十五里之西午村地方紮營西凌阿紮營西

北善祿紮營正西其西南一面令維祿經文岱紮營恐其兵力尙單是以分撥馬隊三百餘人前往協剿俟兵力稍集再當添撥其南路有水阻隔東路饒陽有團集鄉勇萬餘人堵禦武強尙有小路可通河間者數處將臣所帶固原步隊撥往並派巴揚阿帶領馬隊前往扼截查探

聖朝方略卷六

二十

賊情急欲奔竄東北兩路臣兵未到齊不能合圍惟有將馬步各隊分布各要路以防竄逸現在臣所帶已到之兵天津正定固原通永宣化及善祿所帶陝甘各營兵丁共二千五百餘名思華步隊七百餘名馬隊九百餘名西凌阿等所帶馬隊一千一百餘名維祿經文岱所帶官兵七百餘名統共已到馬步各隊官兵六千餘

名及臣所帶練勇五百餘名其蘊秀所帶直隸及

盛京官兵綿洵桂齡所帶陝甘官兵已過正定日

內可到郝光甲董占元所帶官兵俱無到營信

息所調後隊兵丁八百名由雙成德坤統帶計

日可到正定托明阿所帶綏遠城土默特官兵

落後未隨明慶前來臣業已催提速進現在極

聖學聖方略卷六

三

春屢次請撥擬即催令前往由獲鹿赴山西聽

候調撥至河閒一帶由慶祺管帶之兵指日可

到臣已咨令相機前進扼要防勦儻賴

天威得以悉數殲除以靖畿輔是臣與在事諸臣私衷

竊幸者也

勝保又奏言賊於十七日丑刻撲出約計二二三

千人橫分三股直撲大營先經臣密派馬步隊

分路埋伏以防賊至該匪果乘月色前來勢甚

兇猛經派出吉林黑龍江西安馬隊抄殺斃賊

多名賊竟不退臣親自出營指麾步隊分投轟

擊並經佟鑑督率礮營兵丁施放大礮賊始披

靡經馬步隊追趕斃賊約一二百人生擒數名

正法伏思逆賊當此困處之時進攻正易得手

各路未到官兵已差弁催提專待綿洵桂齡蘊

聖學聖方略卷六

三

秀等官兵到來分撥東西兩路使賊無處可以

分竄以便由北而南三面齊勦冀殄妖氛奏入

上命軍機大臣傳諭勝保西凌阿善祿曰逆賊因踞深

州糧藥俱盡正可乘此聚而殲旃該大臣現由北面

進勦西凌阿善祿等扼其迤西一帶巴揚阿分扼武

強等處小路係在該州迤東惟正南一面細閱所奏

竟似恃大水為險固因催兵未齊一時不能分撥扼

守然逆賊捨命衝撲焉知不窺我北路兵多又圖南
竄該大臣仍當密探嚴防或豫爲設伏或多設疑兵
使之無隙可乘方臻完備綿洵桂齡蘊秀所帶之兵
計期當可趕到郝光甲之兵並明慶所帶綏遠城土
默特落後之兵均著飛催前進若令全數到齊儘可
分扼南面此股逆賊卽責成勝保西凌阿善祿等迅
速圍剿一切布置切勿延緩

欽定剿平粵匪方略卷六

三

同日湖北提督向榮前長蘆鹽運使彭玉雯奏

言臣向榮自奉

命圍攻金陵偏營城下或明攻暗襲或聲東擊西大小
三四十戰斬擒旣多解散者亦不少無如該逆
以固守爲能不肯輕出冒險其詭譎之謀無非
以不戰坐困我師良由賊於長江上下有船來
往可以四出擄掠接濟無窮如此則欲制賊死

命非先清江面不可臣向榮前欲改商船爲礮

船以資追剿奈江船之大者盡爲賊壩故疊次

奏調上海艇船廣東水師拖罾戰船來江助剿

並屢次催調鎮江水營礮船上駛原冀堵截中

流賊該逆不能揚帆上下任意四竄詎水師各

鎮將或以風色不順或以江面窄淺爲辭多方

藉口遷延不進現聞廣東拖罾到上海者三十

欽定剿平粵匪方略卷六

三

二隻紅單船到廈門者三十四隻臣一面催調

拖罾紅單暨鎮江艇船駛赴上游又一面趕鑄

三萬斤大礮令虎嵩林帶領順道先攻鎮江自

易得手再以鎮江得勝之師與臣分扼金陵之

東北以江西江忠源得勝之師扼其南以河北

勝保得勝之師扼其西以各戰船結水營於上

游泥塞大江則該逆之救援可斷大軍之犄角

已成彼時四面兜剿元兇立可授首應請

皇上飭下勝保江忠源迅速南來以期一鼓成擒奏入

上命軍機大臣傳諭向榮曰金陵鎮江被賊占踞半年

有餘雖疊次剿辦獲有勝仗而該逆負隅如故老師

糜餉朕心焦慮時深現在賊匪由山西竄入直隸經

勝保悉力窮追正在喫緊之際斷難分兵南向前因

安徽賊踞安慶進逼廬州屢飭江忠源趕緊赴援須

聖學聖方略卷六

三



俟皖省剿辦就緒方能移兵協剿此時江南軍務該

大臣責無旁貸惟有設法肅清江面斷賊接濟前命

廣東督撫雇備拖罟船百隻快蟹船數十隻駛赴江

南並令購備洋礮解至武昌配船運往會合夾擊復

經張亮基奏買船改造戰艦兼備中船小船共四百

隻駛往下游此項船隻曾諭令先儘所有交江忠源

飛催赴皖協剿但為數較多其續行改造成就者該

大臣亦可咨調應用其紅單船隻此時定已開行該

大臣亦可飛札迎提與鎮江艇船並新鑄大礮即分

布江路斷賊往來接應與陸路兵勇夾擊該大臣當

迅籌克復兩城毋再因循株守徒糜餉需

十九日辛酉周天爵奏言查臣所帶官兵二千名

除派往廬州五百名又派在永毫一帶剿捕擒

匪一千名外其留守固鎮者祇曹州兵五百名

聖學聖方略卷六

三



臣赴穎僅帶二百名兵力本單奕經帶兵一千

駐守徐州兼護宿遷糧臺均係緊要指日揚城

賊匪食盡潰圍而出徐宿又當揚賊之衝淮北

並無重兵祇有臣與奕經李嘉端三路偏師而

皆為賊所必爭之地前奉

諭旨以徐宿中路責成臣與奕經二人臣所領千餘兵

實難再行分派况廬州裕溪與關山二處形勢

可戰可守而鳳陽合肥民俗強悍非無勇可練
關山兩面峻嶺一道峽溝本毋容多駐官兵但
祈

飭下廬鳳道鳳陽府再團練勇扼守險要埋伏礮位逆
賊斷難長驅闖越至安慶之賊前此不直闖廬
州而但至無爲州者緣無爲州之運漕鎮據巢
湖水口爲漕糧及米商匯集之區賊船先至運

欽定剿平粵匪方略卷六

三

漕鎮將漕糧插旗封住不許居民輕動該州林
蘭亦卽不敢運動並聞稟明撫臣及賊大夥再
至將積漕十六萬石全運江甯使當賊窺漕鎮
之時大吏卽先帶兵募勇扼守裕溪口何至藉
寇兵資盜糧江甯之賊益盤踞而不肯去此不
守巢湖裕溪口之失策也至集賢關在萬山叢
中爲官兵藏身之區可以避賊而不可攻賊現

在賊踞廬江何難由舒城至合肥指日繞出關
背官兵駐守無益於事此守集賢關不守安慶
廬江之失策也臣通籌皖省大局不在增兵增
餉而在有調度之大員與得力之將領苟得其
人則廬鳳壽春等處練勇一呼而數萬可集巢
湖口清流關之險隘守以千兵可遏萬賊奏入

欽定剿平粵匪方略卷六

三

上命軍機大臣傳諭周天爵曰該侍郎因徐宿中路緊
要與奕經分防揚城竄匪兵力難以分撥賊匪現竄
巢縣窺伺廬郡情形亦甚緊要若廬郡稍有疏失賊
勢益熾該侍郎應如何派撥兵勇應援仍須移緩就
急妥籌保衛之策以慰朕念

上又命軍機大臣傳諭江忠源曰朕因李嘉端毫無布
置已將該員革職並授江忠源爲安徽巡撫馳驛前
赴新任矣現在廬州情形萬分緊急江忠源諒已行

抵皖境接奉此旨後卽探明賊蹤所向相機勦辦賊踞安慶築城空濠復分擾巢縣等處欲撲廬州難保非意圖止竄該撫深悉賊情畀以封疆責無旁貸務當統籌全局迅殄賊氛又據周天爵奏賊船先至運漕鎮將積糧十六萬石插旗封住不許居民輕動該知州林蘭亦卽不敢運動稟明撫臣及大駭再至將糧米全行運往江甯如果屬實尙復成何事體著江

聖朝方略卷六

五

忠源查明迅速具奏

上諭內閣曰安徽巡撫李嘉端自到任以來毫無布置致逆匪竄踞安慶無爲州巢縣等處均被蹂躪實屬調度乖方有負委任李嘉端著卽革職安徽巡撫著江忠源補授未到任以前著劉裕鈺署理

二十日 壬戌

上命軍機大臣傳諭僧格林沁曰昨據勝保奏連獲勝

仗現在逆匪因踞深州糧藥將盡正可乘此機會一鼓殲除但恐勝保軍營兵力尙單不能四面兜圍此股賊匪一日不滅則涿州大兵一日不能撤防朕與惠親王等商酌仍須添派精兵速往助勦著僧格林沁於所帶兵內迅卽派撥京營官兵二千名察哈爾馬隊一千名剋日派委大員管帶前赴勝保軍營聽候調遣

聖朝方略卷六

三十

上又命軍機大臣傳諭勝保曰現在賊匪困踞深州必須及早殲除昨據該大臣奏軍營兵力尙單不能四面兜圍東南一帶甚覺空虛本日已諭令僧格林沁派撥京營官兵二千名察哈爾馬隊一千名迅速前赴深州軍營聽候調撥此項官兵三兩日內卽可趕到著卽擇要布置乘機圍攻痛加勦洗萬不可任賊紛竄此時兵力不爲不厚該大臣務當乘此機會與

西凌阿善祿等迅圖圍剿一鼓蕩平毋稍延緩

同日巡防王大臣奏言本日奉

旨著僧格林沁軍營派撥京兵二千名察哈爾馬隊一

千名迅速前赴勝保軍營所有僧格林沁軍營應如

何添兵之處著妥議添撥等因欽此臣等擬將哲里

木盟馬隊一千名熱河兵五百名古北口兵四

百名撥往僧格林沁軍營以資防剿奏入

聖恩匪方略卷六

三

上從之

同日

上命軍機大臣傳諭向榮許乃釗曰自逆匪竄踞金陵

已逾半載未能剋期收復朕宵旰焦勞無時或釋因

念向榮帶兵以來將弁中奮勇打仗者頗不乏人卽

如湖北紅山之役一日破賊十三壘到金陵後連破

賊壘七橋甕一仗尤爲出力在該大臣以賊匪未平

金陵未復不敢遽行保奏然從征將弁日久勤勞若

不量加獎敘何以激勵戎行該大臣前保之副將德

安瑞格明安泰均經朕簡放總兵此外軍營各員疊

次打仗殺賊尤爲出力者著向榮許乃釗秉公酌覈

保奏候朕施恩總期無濫無遺以作士氣此旨著宣

示軍營俾咸知感奮仍著該大臣等激勵將弁迅圖

克復掃穴擒渠以副朕望

聖恩匪方略卷六

三

同日

上諭內閣曰著添派戶部尙書孫瑞珍刑部左侍郎羅

惇衍辦理巡防事宜

同日

上諭內閣曰自粵匪竄擾以來地方文武官員或守城

殉節或臨陣捐軀及紳士人等志切同仇盡忠效死

者業經立沛恩施交部分別議卹並將被害較烈各

員命於各該處建立專祠以昭忠節該官紳等忠義之氣允堪振起懦頑褒卹之典仍宜特從優厚著該部詳細查明已經給予卹典者再行分別酌議加增予諡或入祀昭忠祠其家屬殉難者應如何優卹之處一併酌覈具奏至未經奏報各員著各該省督撫迅卽飭查被害情節奏請獎卹勿稍疏漏用示朕勵節勸忠之至意

聖朝實錄卷六



上又諭內閣曰前經疊降諭旨令各直省辦理團練該督撫等諒已督飭所屬各就地方情形妥籌辦理朕聞江南附近金陵各村社及揚州邗東各屬均能練勇自衛江西興安縣壯勇亦能將竄擾賊匪盡數殲斃可見辦理認真自有實效昨據勝保奏饒陽鄉勇集有萬人復據巡防王大臣等訪聞該縣督辦甚屬認真似此實力奉行自可為民禦災捍患著順天府

府尹直隸總督嚴飭所屬各州縣迅將團練事宜妥速遵辦並著派委大員覈實查勘如果辦理周密與論允洽卽著據實保奏候朕施恩若因循藐玩或致滋生弊端並著嚴叅懲辦至近畿一帶各村鎮距城遙遠難保無奸細潛蹤著卽飭令地方官出示曉諭如遇有外來賊夥准該紳民人等格殺勿論有能擒殺賊目及長髮賊黨者均著報明地方官詳請優加

聖朝實錄卷六



獎勵以昭激勸

欽定剿平粵匪方略卷六十一 癸丑年

九月二十一日 癸亥 張亮基崇綸奏言逆賊於八

月三十日辰刻乘風直撲田鎮防所陸路賊匪

由彭塘分撲岸上營盤道員徐豐玉張汝瀛總

兵楊昌泗督飭水陸兵勇分投抵拒賊船沿岸

行駛譟呼索戰我水陸各營兵勇嚴陣以待賊

船駛近礮丸密如雨下我兵恃有牆柵遮蔽毫

剿平粵匪方略卷六十一

一

無懼怯度我礮子可及從容施放擊沈賊船四

隻賊匪落水無數其岸上撲營之賊距營百餘

丈我兵越濠開槍轟斃賊匪十名賊勢不支卽

行退走我陸路兵勇乘勝壓下賊匪紛紛敗退

本月初一日黎明遙見賊船無數上駛開礮猛

撲該道鎮等嚴飭岸上各營準備並添兵接應

旋據探報賊分三路每路約千餘人上岸繞撲

田鎮我兵亦分三路迎擊遊擊董玉龍身先士

卒衝入賊隊斃賊數十名總兵楊昌泗親督兵

勇前後夾擊遊擊許連城率兵越濠直前轟擊

都司曠輔廷參將駱永忠亦各帶兵勇分途痛

勦立將執旗賊目刺斃賊始敗退各路乘勝掩

殺該道等復調戰船兵勇順風下擊直偏賊船

焚燬大船二隻約斃賊七八十人其由馮家山

剿平粵匪方略卷六十一

二

渡江賊船並有執旗賊目所坐大船亦被礮擊

壞餘船一併乘風退去初二日賊船仍收泊距

田鎮十五里之富池口意在從南路襲攻半面

山後登峯遙窺知我陸營水寨布置嚴密旋卽

退去計連次斃賊精銳三百餘名擊沈溺斃無

算斬獲首級十餘顆該逆兇鋒大挫揚言俟東

北風緊卽直闖田鎮初三日辰刻該逆從富池

日分船數百由湖路直抵興國州 臣等前遣都
司任大華等帶兵防勦尙未趕到該州爲江西
入楚問道湖汊歧出水路可達通山距大江岸
六十餘里賊船由湖汊上犯山僻地方一爲搶
掠米糧一欲使我分兵策應得以乘虛衝突田
鎮 臣張亮基前以田鎮兵力不厚祇可就近策
應不得分兵遠出致中奸計現在臬司江忠源

欽定四庫全書

三

飭調已革副將張金甲雲南都司戴文蘭守備
馬良勳所帶兵勇二千名由瑞昌興國一帶已
至田鎮該臬司亦水陸並進星夜親督兵勇前
來會勦 臣等又札委知府伍煜帶勇五百名都
司周祿帶勇三百餘名會同都司任大華之兵
相機夾擊此時田鎮兵力漸厚北岸蘄州廣濟
一帶有著臬司唐樹義督帶精壯兵勇扼險以

待田鎮可無後顧之憂南岸興國州一帶有該
臬司重兵前來聲勢更壯 臣等又調已革同知
勞光泰帶省中新造礮船十餘隻前赴田鎮協
勦全楚門戶似可無虞奏入

上命軍機大臣傳諭張亮基崇綸曰逆船竄撲田鎮官
兵三次接仗斃賊甚多防勦尙屬認真所有南北岸
分擾餘匪著卽責成唐樹義及徐豐玉張汝瀛等督

欽定四庫全書

四

率各文武員弁帶領兵勇無分水陸扼要堵勦以期
殲除淨盡該司道等均能深悉賊情相機堵勦當可
得力江忠源已有旨補授安徽巡撫逆匪窺伺廬州
若不及早扼截必致紛紛北竄江忠源行抵何處卽
著張亮基等飛催速帶兵勇馳赴皖省勦辦賊匪都
司戴文蘭等所帶兵勇二千名現已行至田鎮並著
飭令先行兼程赴皖湖北省新造礮船務須駛赴下

游以助江面攻勦

同日崇恩奏言據館陶邱縣及臣委弁先後拏獲由賊營逃回之張生等據供賊目林姓李姓姬姓三人並稱賊皆習教其由山西竄至直隸意欲在天津衛紮營等供臣素知天津一帶習教者甚多逆匪既有欲赴天津之說難保不勾結內應該處水陸交匯一被闖入深恐賊勢愈

欽定剿平粵匪方略卷六十一

五

張仰乞

飭下直隸督臣嚴飭該地方文武各員認真防截以杜竄擾奏入

上命軍機大臣傳諭文謙特克慎張起鵠曰逆匪困踞深州難保不急圖旁竄文謙等總須嚴密設防不可稍形鬆懈盤詰奸宄尤為緊要仍當隨時偵探賊蹤務得確信與慶祺知照聯絡互為聲援至崇恩所稱

天津一帶習教之人頗多若此時驟行查究恐人心驚擾轉致別滋事端該鹽政等總宜密加防範不可稍涉張皇

二十二日甲子僧格林沁奏言查逆匪現在困踞深州正可乘機一鼓蕩平臣已札飭護軍統領多爾濟那木凱帶領所統察哈爾馬隊官兵一千名並所統京營官兵二百五十名副都統達

欽定剿平粵匪方略卷六十一

六

洪阿帶領所統京營官兵二千名共計官兵三千二百五十名立即拔營星夜馳赴深州聽候勝保調遣該護軍統領等遵於即日起行臣恐深州之逆潰圍北犯是以仍在涿州扼守以昭慎重

同日勝保奏言臣自十四日行抵深州該逆退踞城中連日伏匿不出臣因傳令先行進兵適

綿洵桂齡蘊秀帶兵趕到因令西凌阿善祿攻其西北西南兩路綿洵桂齡攻其東南臣親督馬步各隊由東北面進攻該州城外樹密林深環遮雉堞臣行至距北門城二里許令步隊進前先將擡槍擡礮擺布停妥再令練勇分作兩翼聽候入林搜捕又令馬隊排列左右遙爲聲援至佟鑑運解銅礮八尊卽飭帶領京兵橫置後面相機接應該逆聞知大兵進攻遙擁出城抗拒我兵誘俟逼近槍礮齊施該逆抵敵不住倒走入林練勇隨分兩翼跟追抄殺突有騎馬賊數百人俱用刀矛弩箭結隊衝來練勇退出林外勢漸不支經臣先派馬隊伏於林邊賊方擁至趕上救援奮力驅殺該逆紛紛潰竄復調固原步隊上前用槍礮夾擊該逆擠入濠內踐

踏死者不計其數我兵追至北門釣橋該逆連放大礮勢不能進且天色已晚兵勇鏖戰數時之久斬獲甚多傳令撤隊兵勇分走兩旁中留礮路以誘其追襲逆衆果盡數來追約數千人臣飭佟鑑用銅礮連環轟放衆兵亦槍礮回擊該逆死傷枕藉情知中計亡命奔逃入城我兵亦撤隊回營統計殲斃逆匪七八百名奪獲旗幟馬匹器械無算惟臣官兵扼其北竄安平東北竄饒陽之路而東面及東南面全賴綿洵桂齡巴揚阿堵勦乃二十日夜全股由東南逃逸當飭馬隊趕緊追截但恐逆匪舍命逃奔馬隊未能卽時堯任商令西凌阿等帶領各營馬隊跟蹤迅追查慶祺帶兵已至河間當飛咨迅速截勦復派副都統魁福先行帶領馬隊由饒陽

徑赴河間抄截臣亦即日督帶馬步各隊分由
饒陽武強兩路齊進當此逆賊窮竄之時如果
皆能得力前後夾擊較之負嵎抗拒更易剿除
至東南景州劉智廟一帶已飛飭副將邱聯恩
帶兵一千名嚴加防堵杜其南竄一面飛調各
路未到之兵迅速由武邑阜城富莊驛獻縣一
帶兜截南竄之路至蘓秀所帶之兵一時乏人

聖學方略卷六十一

九

管帶臣不敢拘執暫行飭令管帶迅速追剿均
奏入

上命軍機大臣傳諭僧格林沁曰據勝保奏督剿深州
賊匪大獲勝仗該逆已於二十日夜竄往東南全股
逃逸著僧格林沁卽飭多爾濟那木凱達洪阿將所
帶官兵內先行分派馬隊迅卽直赴趙北口任邱一
帶截擊以遏賊北竄之路其天津以北務關路等處

亦著酌派弁兵一律嚴行堵截恆春現飭尙阿太和
昌帶兵一千名馳往易州聽候德春調遣所有培成
帶領兵一千二百五十名卽可飭令撤回以備調撥
當此逆賊窮竄之時果能四面攻圍前後夾擊當不
難一鼓殲擒該大臣務飭統兵各員與勝保等合力
勦辦萬不可再令他竄

聖學方略卷六十一

十

上又命軍機大臣傳諭勝保西凌阿善祿曰逆匪被攻
緊急連夜向東南竄逃雖據該大臣聲稱較之負嵎
抗拒更易剿除第兜裹稍不得力或致該逆上竄天
津下竄德州勢必餘燼復熾且此次騎馬之賊尙有
數百人並有大礮似尙非十分窮蹙慶祺所帶之兵
未可深恃卽所稱由景州一帶截其南竄之兵亦未
必竟能得力僧格林沁已遵派多爾濟那木凱等馬
步各兵起程諭令徑赴趙北口任邱等處迎頭截剿

諒可與該大臣前後夾擊深州城內是否尚有餘匪該處文武作何下落各路未到之兵係何員管帶因何尚未催齊著分別查明具奏該大臣營中將士前在懷慶屢次打仗出力嗣復追賊赴晉亦能不避艱險迅速繞出賊前奮勇截勦將弁兵丁日久勤勞朕心時深軫念著勝保將懷慶出力人員擇其立功尤著者先行保奏其餘各將弁兵丁並著存記如能迅

聖學方略卷六十一

十一

將此股賊匪悉數殄滅該大臣等即將疊次勞績一併詳細保奏朕必加等獎勵此旨著宣示軍營使大小官兵愈知奮勉至直隸地方團練有效者如饒陽等處挑選壯練隨營助勦似亦可資得力並著體察情形酌量賞戴頂翎以遂其報國之忱

同日琦善陳金綬雷以誠慧成福濟奏言臣雷以誠會同侍講學士晉康江蘇臬司查文經連

日督飭將備出隊攻城本月初四日賊匪百餘人出缺口門至河邊搭橋安礮經兵勇轟斃賊匪二十餘名賊又縋城而下經守備趙鵬等開放槍礮各斃賊匪數名餘匪遁回上城初十日賊匪大股甫出南門尚未過河總兵羅騰龍等督飭南路官兵邀擊賊知有備遂循埽垢山下環城而北約有一千數百餘名將進西門參將

聖學方略卷六十一

十二

鞠殿華等率兵攻擊署遊擊海明自後策應臣陳金綬督率官兵向前截殺臣琦善亦親督將弁為後路聲援約共斃賊五六百名生擒紅衣賊匪一名餘匪仍循山遁回南門城內至瓜州之賊前經官兵三次擊退仍在沿江嘯聚時出窺伺本月十二日偵得賊船六十餘隻陸續駛至瓜州停泊臣琦善密飭南路各營嚴為之備

一、二、三、四、五、六、七、八、九、十、十一、十二、十三、十四、十五、十六、十七、十八、十九、二十、二十一、二十二、二十三、二十四、二十五、二十六、二十七、二十八、二十九、三十、三十一、三十二、三十三、三十四、三十五、三十六、三十七、三十八、三十九、四十、四十一、四十二、四十三、四十四、四十五、四十六、四十七、四十八、四十九、五十、五十一、五十二、五十三、五十四、五十五、五十六、五十七、五十八、五十九、六十、六十一、六十二、六十三、六十四、六十五、六十六、六十七、六十八、六十九、七十、七十一、七十二、七十三、七十四、七十五、七十六、七十七、七十八、七十九、八十、八十一、八十二、八十三、八十四、八十五、八十六、八十七、八十八、八十九、九十、九十一、九十二、九十三、九十四、九十五、九十六、九十七、九十八、九十九、一百

十三日巳刻賊匪乘船由運河西岸前來三汊河地南高明寺地方上岸三百餘人開放槍礮遊擊毛三元勒兵束伍與賊隔河相持瞿騰龍率步兵設伏於刁家廟薩炳阿率馬隊設伏於卞家樓德興阿率馬隊設伏於王家巷皆偃旗息鼓以待詎意賊匪恇怯不敢深入漸次潛退經毛三元先派伏兵由浮橋渡河尾追施放槍

欽定剿平粵匪方略卷六十一

十三

礮擊斃領隊賊目一名執旗賊三名匪黨六七
十名餘賊敗竄南奔瓜州臣等伏查粵匪占踞揚城因官兵防剿益嚴已成坐困之勢惟城垣高峻不得不高築礮臺臨城攻擊使之無以自存揚郡地形平衍偶有坡陀起伏之處可以因高爲之北面尤爲平曠興工較難臣琦善已派河南城守尉哲克東阿知府李樹毅趕緊興築

以便併力環攻一面仍飭各營官兵更番出隊分路埋伏俾資堵截奏入

上命軍機大臣傳諭琦善陳金綬雷以誠慧成福濟曰據奏會攻揚城疊獲勝仗並擊退瓜州賊船各情形均不過小有斬擒並未力圖攻克該大臣等頓兵日久每逾旬日一奏塞責似此老師糜餉罪將安屬現在賊踞安慶窺伺廬州安徽省爲河南山東門戶關

欽定剿平粵匪方略卷六十一

十四

繫北省最爲緊要該大臣豈得諉爲不知且江北諸軍統歸節制設賊蹤復由皖北竄該大臣又豈得置身事外琦善等祇顧一隅朕不能不通籌全局慧成旣留揚城總兵瞿騰龍本係遵旨帶兵赴豫剿賊之員著琦善等迅卽飭令該員並原帶官兵二千名星速起程由開道赴皖協剿不得率請留揚致誤事機琦善陳金綬雷以誠慧成福濟又奏言本月初

六日防守浦口之副都統開隆阿於剿匪回營後因遇大雨感受風寒旋即出缺 臣查開隆阿久歷戎行素稱勇敢自派防浦口以來疊次帶兵與總兵武慶等會剿賊匪打仗獲勝茲因積勞成疾在軍營出缺其所帶吉林三四起官兵即令伊興阿會同西昌阿管帶奏入

上諭內閣曰正藍旗漢軍副都統開隆阿防守江南浦

聖學聖方略卷六十一

十五

口地方疊次會剿逆匪打仗獲勝茲聞溢逝軫惜殊深著照副都統陣亡例賜卹其家屬搬柩回旗時並著由軍營賞給銀五百兩任內一切處分悉予開復應得卹典該衙門察例具奏

琦善陳金綬雷以誠福濟又奏言查揚城自進兵以來雖有新擒未能克復實由兵力不敷此次慧成抵揚適值會攻緊急添兵助剿更形周

密查慧成所統之兵除青州馬隊業已赴皖外僅存兵九百餘名調赴安徽無甚裨益且千里救援亦恐緩不濟急莫若留慧成帶兵在揚協勦似較得力奏入得

旨允行

同日安徽巡撫江忠源奏言探聞九江失守賊船多已上竄 臣恐湖北警急飛催張金甲等帶

聖學聖方略卷六十一

十六

領兵勇趕赴田家鎮八月二十九日 臣與總兵音德布等帶領滇川各兵暨鎮守勇共一千九百名由陸路馳赴九江以圖克復行抵馬回嶺探悉賊船攻撲田家鎮當留戴文蘭李輔朝管帶楚勇千餘名駐紮九江城外 臣與音德布趕赴田家鎮救援行至瑞昌又聞賊匪竄擾興國 臣即繞赴興國賊匪聞 臣兵至由富池竄出江

口當派知州朱孫詒帶兵赴興國州城安撫難民飛調留駐九江之楚勇暨湖南鎮守各營兵赴田家鎮另調貴州兵赴九江駐紮臣等於九月十二日午後行抵田家鎮察看情形北岸紮有木筏排列嚴船陸路亦紮營防護南岸一帶地名半壁山懸巖壁立江流湍急因兵力單薄未能紮營賊由池口繞上半壁山沿至徐家山

聖朝方略卷六十一

十七

下紮營數座與我兵夾江相持臣當與徐豐玉等商議欲於南岸上游沙村一帶地方添紮營盤另用木筏攔截並將北岸營盤移紮扼要之處忽東南風大作賊船千餘隻傍山揚帆直上臣所帶兵勇未能全數渡江隨行僅數百名一切未能部署當與徐豐玉張汝瀛督率兵勇盡力堵禦賊船已駛至徐家山下傍賊營停泊臣

竟夜在木筏上督率兵勇極力轟擊十三日黎明風勢愈勁賊船仍由南岸揚帆上竄陸路一帶賊衆亦攢擁而至環撲我兵營盤經徐豐玉張汝瀛督率兵勇抵拒鏖戰多時同時陣亡官兵遂至大潰臣水陸兼顧來往督戰親隨楚勇二十餘人血戰陣亡僅存數人勢已萬不可支急收集餘衆馳詣廣濟地方時署臬司臣唐樹

聖朝方略卷六十一

十六

義帶兵駐紮廣濟急謀會兵赴省救護臣所帶楚勇尙在江南岸興國一帶江面二十餘里皆賊船分布無從飛渡臣卽日與唐樹義督帶駐防江北之兵並收集潰敗餘兵會同音德布剋期由間道馳赴武昌省垣一面飛檄未到之兵勇由江南岸徑赴省城此次田家鎮失守臣救援不及咎實難辭仰懇

天恩將臣交部嚴加議處奏入

上命軍機大臣傳諭張亮基崇綸江忠源曰該逆自九

江竄擾興國徑撲田鎮勢甚猖獗張亮基崇綸昨奏

該處兵力不厚札委同知伍焯都司周祿帶勇前往

會剿且有總兵楊昌泗兵勇分路迎擊何以此次接

仗僅有該道等奮死抗拒鏖戰多時江忠源親隨楚

勇亦皆血戰陣亡所存無多未見大兵隨後援應現

勦平粵方略卷六十一

十九

在南岸興國一帶江面二十餘里悉經賊船分布難

保不由陸路窺伺省垣該署督等所派勞光泰帶去

之新造礮船十餘隻能否不致疏失其餘續造船隻

收集何處均須豫為準備江忠源現與唐樹義會同

音德布馳赴武昌惟安徽安慶被賊占踞廬州又在

危急該處近接穎毫切須防賊北竄專待江忠源前

赴皖撫新任該撫所帶兵勇仍酌量繞道帶往安徽

以資勦辦張亮基現未交部且懇悉楚省軍情即與

崇綸督同唐樹義嚴飭地方文武員弁趕緊設法堵

截逆船溯流而上如道士湫蘄州等處均可扼守萬

不可令其肆意衝突其南岸陸路有無兵勇堵守亦

著迅速布置此時賊船聚集何處並著迅速查奏

上諭內閣曰逆賊自九江上竄擾及湖北興國徑撲田

鎮江忠源趕至該處與糧道徐豐玉漢黃德道張汝

勦平粵方略卷六十一

二十

瀛商同勦辦適因東南風大作賊船揚帆直上徐豐

玉等盡力堵禦擊沈賊船數隻江忠源亦竟夜督率

兵勇往來轟擊適因陸路賊眾環撲營盤我兵四面

迎擊水陸兼禦以致徐豐玉張汝瀛鏖戰陣亡此次

官軍失利該督撫咎實難辭張亮基崇綸均著革職

留任江忠源初到援救不及自請嚴議著降四級留

任仍著張亮基崇綸迅將江面賊船督兵截剿毋令

更滋延蔓湖北糧道徐豐玉漢黃德道張汝瀛臨陣擊賊奮勇捐軀深堪憫惻著交部議卹

同日文謙特克慎張起鵠奏言津郡本年秋雨過多附近州縣四面皆水到處可通舟楫臣等督飭文武員弁認真稽查於一切來往船隻加意盤詰一面多派幹勇分路偵探若賊有東來消息無論民船官舨概行封禁如遇飢民到境

欽定剿平粵匪方略卷六十一



卽咨遣回籍以杜溷跡並由臣特克慎臣張起鵠飛飭河間文武添募鄉勇慎密巡防臣等仍於豫籌防範之中示以鎮靜使居民不致驚惶至賊匪如果東竄必由水路順流而下臣文謙臣張起鵠帶領兵勇輪流駐守西沽該處爲大清河子牙河匯總之地舊有礮臺一座年久失修現已另築土礮臺一座上安大礮賊來迎頭

轟擊似可得力臣特克慎著運司錢忻和帶領兵勇在郡城西南擬要設礮輪替駐守以遏衛河來路前議添雇壯勇四千名刻下將次招齊更令城關鋪戶居民按戶各出一丁協同兵勇晝夜巡防臣等逐日操演聲勢聯絡可期有備無患奏入

上命軍機大臣傳諭文謙特克慎張起鵠曰據奏查緝

欽定剿平粵匪方略卷六十一



奸匪封禁船隻遣散難民辦理尙屬妥協不致張皇該逆詭謀百出必須先事豫防著該鹽政會同鎮道加意嚴防其界連河間各要隘及支河港汊務須飭屬不分晝夜嚴密防守毋稍疏懈如探知賊蹤有東竄消息卽照所議扼要堵禦仍一面迅速具奏

二十三日乙丑巡防王大臣奏言查深州賊匪竄出經勝保奮力擊敗趁此軍威大振不難殄滅

淨盡惟聞江西賊匪擾及廣濟等境儘此股賊
匪再行偷渡擾及豫東地方情形更爲喫緊深
州餘賊勝保乘勢追擊自不應驟易生手而江
西賊勢又必須實在得力之人帶兵迎擊方爲
可靠臣等再四熟籌東三盟兵卽日全抵京師
此項兵內哲里木盟一千名前曾奏撥參贊大
營現在培成帶赴紫荊關兵一千餘名可回參

聖學聖略卷六十一



贊大營毋庸再撥如將此項官兵三千名交德
勒克色楞統帶前赴深州與勝保商同追擊並
令勝保自行妥籌將西凌阿善祿酌留一人分
帶乘勝之兵若干與德勒克色楞合兵進擊如
已足資剿辦其江西之賊卽可令勝保自領精
兵迎擊不至使賊北竄卽江忠源等兵亦可與
勝保前後合力攻剿應請

飭下勝保等迅卽相機辦理庶於軍務有裨奏入

上命軍機大臣傳諭勝保曰深州逆匪全股由東南逃
竄已經該大臣及西凌阿等分路追截復諭令僧格
林沁派多爾濟那木凱達洪阿帶領馬步隊兵三千
餘名前往助剿再加以東三盟勁旅三千諒此敗竄
餘匪不難剋期殄滅現在安徽巢廬一帶賊匪意圖
北竄昨據江忠源奏江西賊船自九江竄擾興國官

聖學聖略卷六十一



軍失利河南山東與皖楚毗連爲畿輔屏障關繫天
下大局著勝保悉心統籌務將此股竄匪趕緊殄滅
其零星餘匪或酌留西凌阿善祿一人帶兵與德勒
克色楞搜捕勝保卽可選帶精銳官兵向南迎擊軍
威定可大振勝保竭盡忠勇心力俱瘁朕甚廬於懷
德勒克色楞抵營後伊所帶之蒙古兵俱係未經戰
陣必應隨同一兩仗方可獨用諒勝保亦深悉朕之

倚昇也惟軍情變幻靡常難以懸揣仍著該大臣悉心籌辦

上諭內閣曰著派土默特貝子德勒克色楞額統帶東三盟官兵馳赴勝保軍營幫辦軍務

同日

上命軍機大臣傳諭陸應穀崇恩曰昨據勝保奏深州賊匪於二十日夜間全股由東南逃竄勝保等已派

欽定剿平粵匪方略卷六十一

三

兵跟蹤追擊復分兵截剿恐賊匪窮蹙竄及河南山東境界現在陸應穀已馳赴河北崇恩扼守德州一帶著卽督飭弁兵及地方文武於交界處所嚴密堵禦如有賊匪竄入卽與勝保等大兵合力夾擊毋稍疏虞前由江西下竄匪船現在安徽安慶巢廬一帶滋擾昨復據江忠源奏賊匪由九江竄擾湖北興國田鎮失守河南山東與皖豫壤地毗連尤宜防賊北

竄因思豫東現辦團練尙屬認真著陸應穀卽飭令徐廣縉會同總兵柏山及各地方官督率弁兵與各屬辦理團練紳民併力嚴防瑞昌現駐山東濮州與鎮道等聲勢聯絡仍須各屬團練協助兵力聞劉韻珂毛鴻賓等均能熟悉本處地方情形著崇恩傳諭各員並所屬官紳一體扼要防堵毋令南來匪徒乘間闖入已革總兵三星保著留於山東差遣委用此

欽定剿平粵匪方略卷六十一

三

時徵調遠兵勢難濟急惟有官民合力保衛地方衆志成城必有實效其黃河各處渡口船隻仍當認真收集並隨時知照王履謙長臻楊以增實力巡查萬不可令賊匪偷渡

二十四日丙寅僧格林沁奏言逆匪現竄獻縣地

方雖在深州迤東偏北切近河間惟據探報河間迤北新城以南雄縣鄭州以東至天津及任

邱大城靜海一帶現因積水成河不通旱道逆匪似難北犯此時若即令多爾濟那木凱達洪

阿往任邱趙北口一帶截擊該處四面皆水萬

一賊由東西橫竄兵為水阻繞越不及必致遲

滯是以臣飛飭多爾濟那木凱達洪阿即日由

北河移營新城地方暫紮正當適中足資扼截

並札令恩華管帶左翼前鋒護軍營官兵一千

聖學方略卷六十一

三

名侍衛綑關選帶察哈爾官兵七百名移紮固

安並遵將培成所帶官兵一千二百五十名撤

同俟到營時亦即令其駐紮固安互為應援以

壯聲勢惟河間至保定現無泥淖阻隔仍恐該

逆向西北奔繞則涿州仍係要衝是以臣仍在

涿州駐紮儻逆匪由獻縣東竄青縣靜海一帶

則武清縣務關路等處喫緊彼時再令前路多

爾濟那木凱等移營進紮武清務關扼截臣即
可移營固安橫前截剿奏入

上命軍機大臣傳諭僧格林沁曰多爾濟那木凱達洪

阿所帶官兵暫紮新城仍距勝保軍營尚遠不能合

力夾擊直省南路之兵現在催調既未齊來若北路

無兵協濟恐賊匪沿途裹脅日多剿辦更難得手著

該大臣仍遵前旨迅飭多爾濟那木凱達洪阿帶領

聖學方略卷六十一

三

馬步各隊探賊所向趕緊馳往迎擊與勝保合力夾

攻斷勿株守直隸賊匪一日不滅天下大局一日不

定其餘派撥一切布置尚屬周妥仍著隨時確探賊

蹤相機調度此股賊匪必須及早殲除遠堵不如近

剿諒該大臣亦當通盤籌及也

上又命軍機大臣傳諭勝保曰昨派德勒克色楞幫辦

軍務統帶東三盟官兵馳赴勝保軍營此項官兵到

營尙需時日而攻勦刻不容緩多爾濟那木凱達洪阿所帶之兵應於何處迎頭截擊著勝保就近調撥務將竄匪剋期殄滅至東三盟官兵陸續趕到時並著勝保隨時知照扼要兜剿勝保自深州接仗後尙無續報未識賊情若何該大臣等何日追及諒必得有勝仗卽日迅掃賊氛也

同日勝保奏言臣揆賊意本欲北擾現因大兵

聖恩聖方略卷六十一

五

漸集屢受懲創賊膽已寒况天津四圍皆水防衛又嚴恐其卽由交河一帶南竄山東已飛咨慧成崇恩作速扼要嚴防迎頭堵剿以便前後夾擊臣愚見將賊驅出直境再行極力追殺方爲穩便然徐州一帶緊要非常仍請

飭下慧成崇恩等作速帶兵迎擊總不令其再行渡黃爲要或於運河及大路要隘密設伏兵以便追

勦得力再現在帶兵將領雖多欲求忠誠奮勇不待催促卽肯向前者實難其人查達洪阿人頗忠勇如果賊匪南竄則北路可以無虞仰懇天恩飭令該總兵酌帶官兵隨同前往追勦俾可收一臂之助奏入

上諭曰西凌阿頗知奮勉又係幫辦使伊扼其前路或能得力總不若急催多爾濟那木凱達洪阿合兵進

聖恩聖方略卷六十一

三

勦必可得力爲萬全上策多爾濟那木凱人甚長厚不及達洪阿之望重力猛也此股逆匪斷不能任其回渡黃河來去自由况江南大股未必不死心北竄務須斬盡殺絕庶楊逆一時不敢孟浪北擾第疆吏將士如汝之忠勇向前者不可多得朕任汝之重汝必知之天下蒼生所關甚大汝尤須倍存鄭重探報未確不可輕進也

勝保又奏言臣於二十二日馳抵河間探明逆

匪竄至獻縣查該縣距河間僅七十里臣已派

維祿魁福帶領馬隊連夜先赴獻縣北十二里

之臧家橋地方扼截臣隨後督兵繼之並飛咨

西凌阿善祿如賊仍在獻縣即分扼東南西北

兩路不使竄出臣飛速由北擣下以期痛加剿

除儘賊又向東南竄逸即督催馬隊衝殺步隊

聖學聖考卷六十一

三

隨後追趕不容逆匪喘息臣即日探明賊蹤所

向相機扼截不使竄過河間天津總以捍衛北

犯為第一要務後路官兵業已催赴景州一帶

為南路聲援現經續撥官兵三千名想日內即

可來營添此勁旅勦辦自易得手其慶祺所帶

官兵臣已令探明賊蹤相機進止或作大兵後

路應援或駐趙北口以防由大城一帶北竄奏

八

上命軍機大臣傳諭勝保曰賊匪意圖北竄知大兵扼

其前路勢必紛竄東南此時自以防其北犯為要惟

南竄山東該處兵力尙單恐難抵禦且恐安徽賊匪

聲息相通又滋勾結總應在直隸境內殲除淨盡俾

免後患茲復諭知僧格林沁迅催多爾濟那木凱達

洪阿飛速帶兵前進與該大臣合力攻剿其應由何

聖學聖考卷六十一

三

路前進之處著勝保酌量調撥至天津一帶亦為賊

所覬覦必須截其要路勿令乘虛東竄懲成現在揚

州已疊諭崇恩嚴密防範該署撫現任德州一帶著

即隨時知照互為聲援

上又命軍機大臣傳諭僧格林沁曰賊匪竄至獻縣勝

保由河間向南迎擊必須厚集兵力方能痛加勦洗

著該大臣速即催令多爾濟那木凱達洪阿即日帶

兵馳往河間一帶與勝保合爲一軍併力圍攻此股匪徒必須趁此喘息未定悉數殲除萬不可稍有遷延今早廷寄朕意猶在持重恐官兵落後是時移步換形萬不可拘泥前旨總以越快越好該大臣仍與勝保隨時知照確探賊情相機布置如賊竟往東窺自應酌量移兵防堵

上又命軍機大臣傳諭崇恩曰賊由深州東竄獻縣勝

欽定剿平粵匪方略卷六十一



保帶兵由河間向南進剿該逆被剿窮蹙難保不紛竄東南山東與直隸交界地方著崇恩嚴飭文武員弁督率兵勇實力嚴防與勝保合力夾擊瑞昌現駐濮州能否移緩就急仍須酌量情形相機布置至江南接壤地方亦宜嚴加防範不可令南來匪徒乘間偷渡黃河其運河及南北要路尤應密設伏兵以便追剿得力該署撫務當統籌東省全局激勵兵勇保

衛地方並隨時知照勝保務使聲勢聯絡以壯兵威

同日

上命軍機大臣傳諭英桂曰前由江西下竄賊船半在安慶巢廬一帶滋擾半由九江竄入湖北興國州一帶河南與皖楚毗連不可不嚴加防範英桂接奉此旨自以嚴防楚皖賊匪爲要迅即起程萬勿稍有遲延並著察看情形何處喫緊即馳往駐紮督同總兵

欽定剿平粵匪方略卷六十一



柏山及地方文武員弁與團練紳民一體扼要防堵黃河各處口隘務將渡船設法收集並隨時知照王履謙長臻實力巡查毋任賊匪偷渡其河北懷衛一帶即傳諭余炳燾會同該鎮道等加意嚴防

上諭內閣曰前因歸德失守將河南巡撫陸應穀革職留任乃逆匪渡河北竄由山西復入河南武安涉縣擾及直隸地方陸應穀不能先事豫防咎實難辭著

革職卽行來京交巡防王大臣差委

欽定勦平粵匪方略卷六十二 癸丑年

九月二十六日戊辰僧格林沁奏言臣接奉

諭旨令催多爾濟那木凱等迅帶官兵往勝保軍營現

飭由新城前赴應由何路進兵便捷卽聽該大

臣指示調遣以期迅速茲探得逆匪由獻縣南

竄交河縣境該大臣業已督兵起程伏查河閒

一路勝保督兵追擊並有慶祺之兵應援似可

聖學匯方略卷六十一

聖學匯方略卷六十二

無虞惟交河偏近運河設逆匪奪船北駛則京

畿東南喫重臣已飛咨直隸總督山東巡撫遴

委幹員哨探梭巡所有運河船隻萬勿資敵並

飛札已革尙書恩華侍衛綳闊卽帶兵由固安

移營武清防堵臣統帶旗營官兵移紮固安確

探賊蹤相機布置

同日慶祺奏言臣於初十日行抵雄縣迤南之

趙北口接准勝保飛咨令取道河間防賊東竄
當卽督兵前進至十八日行抵河間府城勝保
亦於二十日趕到臣與晤商正擬擇要扼截以
防北竄探知賊匪由獻縣又往東南竄逸查逆
賊詭計靡常現雖南竄北路仍不可不防勝保
已由獻縣跟蹤追擊令臣暫駐河間俟勝保馳
抵獻縣探明賊竄蹤跡卽行飛咨臣處再爲相

機前進均奏入報

欽定剿平粵匪方略卷六十二

二

同日湖廣總督吳文鎔奏言查賊匪擾及興國
州城旋復退出大江犯田家鎮木牌大營茲又
回船西上擾及蘄州距省甚近而省城兵不滿
二千臣已商同撫臣崇綸飛咨江西將黃州兵
二千名迅撥來楚應援又飛咨將軍等提臣台

湧帶滿兵二千名來省堵剿並飛札署臬司唐
樹義將帶赴廣濟之兵勇二千名折回省城防
守奏入

上命軍機大臣傳諭台湧吳文鎔崇綸張亮基江忠源
曰吳文鎔奏賊匪擾及蘄州距省甚近咨調援兵會
防該督應任封圻朕所倚賴現值防剿喫緊之時著
與崇綸安撫省垣居民勸令協同固守並著台湧迅

欽定剿平粵匪方略卷六十二

三

調荊州滿營官兵二千名剋日至省援應與唐樹義
帶回廣濟兵勇並江忠源收集潰散之兵先行分撥
布置江西兵二千名恐一時不能趕到仍著就本省
情形酌量遠近於他鎮協營飛調並咨調湖南兵勇
船隻自上游駛至漢江與張亮基購造各船會集迎
剿如探明賊匪尙在蘄州卽於道士袱西塞山至黃
石港一路險窄江面扼要堵截黃州爲省城屏蔽不

可令該匪竄入尤不可株守省城不為迎頭截擊之計也其擾湖北之賊如由蘄水麻城關入光山汝陽等處亦屬可慮現在直隸餘匪日趨東南於山東德州臨清相距甚近張亮基交卸後自己即赴調任惟由安徽江蘇一路行走計惟徐州有奕經帶兵尙可左右策應而豫省南路空虛張亮基即由豫入東計程亦不甚紆折且徐廣縉現在歸德一帶辦理團練

聖朝方略卷六十二

四

舒興阿又自閩鄉沿河而東確探賊蹤會勦張亮基抵豫時設賊匪有北竄消息可就近與舒興阿徐廣縉等妥籌勦辦至皖省情形危急江忠源亦不能不迅赴新任兼可於沿途帶兵出奇橫截無論江面陸路能將楚皖之賊隔斷則兩處勦堵均易得手所有楚北勦賊事宜即著吳文鎔崇綸會同台湧竭力籌辦並可與駱秉章曾國藩迅速咨商接濟

同日舒興阿奏言查逆匪竄入直境臣現駐晉省西南之蒲州府自應趕緊統兵前進惟須厚集兵力庶於迎勦有濟臣前所派分駐豫晉二省近陝要隘官兵原以扼賊西竄今賊匪東擾直境豫晉防堵稍緩自宜先其所急酌帶孟津之西甯兵五百名陝州之漢中兵二百五十名山西聞喜縣之甯夏滿營並延綏綠營兵共四

聖朝方略卷六十二

五

百名以應急需復移咨提臣桂明將駐守防兵內酌量抽撥合計共有二千八百五十餘員名堪以隨同進勦臣即督飭官兵由潼關起程俟馳抵河南府再將珠克登等所帶之兵合隊星馳前進沿途偵探賊蹤何處緊要即馳往何路協勦迎擊總期迅掃逆氛廓清直境奏入
上命軍機大臣傳諭舒興阿曰逆匪由晉入直經勝保

兼程迎擊該逆窮蹙東竄獻縣交河一帶勝保現抵河間向南迎勦僧格林沁復添派京兵隨營前進大兵逼近賊蹤若能盡數殲除即可肅清畿輔若餘匪東南奔竄則山東河南皆當其衝現在江西竄出賊匪占踞安慶廬州情形危急且湖北復有賊船上竄擾及蘄州其勢亦甚猖獗該二省均與河南接壤巡撫陸應穀業經革職新任巡撫英桂尙未到任大河

欽定剿平粵匪方略卷六十二

六

以南無人調度著該督卽帶兵馳赴楚豫交界要隘督同總兵柏山與徐廣縉所帶兵勇嚴扼楚匪北竄之路並可兼防皖匪竄及豫境其黃河上下游渡口仍嚴飭地方官收集船隻萬不可任賊偷渡目下情形該督援應直隸則稍覺紆遲進扼皖楚則其勢較順總以遏賊北竄爲要須隨時與直隸統兵大員知照儻有警急卽行帶兵北上勿誤事機

同日勞崇光奏言查逆匪先以潯州府屬桂平縣之金田平南縣之花洲爲巢穴其夥黨由鬱林博白前往投入者居多飭委知府張鵬萬馳往會同各該地方文武將該逆等三代墳墓妥速查辦茲查得逆賊韋政蕭潮潰楊秀青石達開胡以洸等祖父墳墓或在金田馬獺山甘王嶺村或在平南縣五桐村等處均經前署桂平

欽定剿平粵匪方略卷六十二

七

縣令李孟羣等於道光三十年咸豐元二等年先後挖毀因軍務緊急未及稟報惟桂平縣境內尙有韋政高祖韋積篙祖母韋黃氏及楊秀青曾祖母楊鍾氏祖母楊李氏蕭潮潰遠祖及其母蕭盤氏各墳墓又平南縣境內尙有胡以洸曾祖胡輝組祖胡贊運鬱林州有逆匪朱錫崑曾祖朱尙漳祖朱德奇各墳墓均督同地方

官逐一挖毀伏思該逆弄兵潢池流毒數省苟非戾氣所鍾何以

光天化日之下有此梟獍茲先後所發各逆三代墳墓或碑記尙存或指報切實均屬確鑿可據並將其座山後脈概行鑿斷奏入

上命軍機大臣傳諭勞崇光曰據奏查明各逆墳冢悉行掘毀此等大逆實感戾氣而生必應一律鏟除不

聖學方略卷六十二



留遺孽著勞崇光仍嚴飭各屬確切躡訪有續經查出者卽勘明掘毀毋令倖免

二十七日己巳奕經奏言查逆賊分竄巢和揚言

攻擾廬郡軍情甚迫但聲東擊西係該逆慣技若巢和之賊由全椒北趨卽抵臨淮徐宿正當其衝刻下固鎮存留兵勇無多該處爲徐宿門戶必須嚴守臣已飛飭參將劉玉豹帶領山東

官兵星夜由穎折回固鎮嚴密扼防惟廬州力難兼顧且鳳陽一帶甚屬空虛刻下附近皖省者祇有徐廣縉之兵可以調撥應請

旨飭催河南撫臣飭令徐廣縉迅速帶兵赴皖援剿至臨淮固鎮一帶應請

旨另派大員扼要駐紮居中調度以期事權歸一奏入上命軍機大臣傳諭奕經曰逆匪分擾安慶巢縣和州

聖學方略卷六十二



現在廬郡情形危急新任安徽巡撫江忠源到任尙需時日徐廣縉雖在歸德一帶去皖甚近惟湖北蘄州上竄賊匪恐其擾及豫境亦不能不兼籌並防著該侍郎傳諭該革員偵察楚皖賊蹤何處緊要卽帶兵勇赴何路迎剿前諭飭已革臬司張熙宇統帶周天爵所帶兵勇是否能兼顧臨淮固鎮一帶地方該侍郎駐紮徐州仍須顧及前路毋誤事機總以通籌

全局遏賊北竄為要

奕經又奏言據署穎州府知府張清元等稟稱前任漕運總督兵部侍郎銜周天爵於九月十五日已刻因病出缺據該府等將行營關防一顆專弁齎送前來當飭將該漕督身後一切妥為料理護送回宿周天爵長子周光碧係山東候補守備現趕赴該漕督行營其繳到木刻關

防即經銷燬奏入

欽定剿平粵匪方略卷六十二

十

上諭內閣曰前任漕運總督兵部侍郎銜周天爵由知

縣擢任封圻退歸田里朕御極後知其人秉性忠直勇敢有為特命前赴廣西督辦軍務本年復督兵將擒首陸遐齡等擒獲並將餘黨殲除辦事甚屬認真現在皖省土匪未靖方資勦捕遠聞溢逝軫惜殊深周天爵著追贈尚書銜即照尚書例賜卹並著加恩

賜諡文忠歷任一切處分悉予開復應得卹典該衙門察例具奏伊子候補守備周光碧著俟服闋後以都司升用以示朕篤念耆臣逾格褒榮至意

同日吳文鎔崇綸奏言查武昌省城自上年賊匪蹂躪後滿目荒涼署督臣張亮基暨臣崇綸多方招徠數月以來雖未成塵亦麤有市易迨此次賊匪由九江逆流而上我兵又於田家鎮

欽定剿平粵匪方略卷六十二

十一

挫衄三四日間百姓逃避一空存城兵千餘名不敷分布即客兵續到亦須留紮城外其添置城上者仍不能多必須背城借一藉遏兇鋒擬將現有之兵及續到兵勇於附城四面分紮營盤賊至即分投迎擊以期殄此妖氛奏入

上命軍機大臣傳諭吳文鎔崇綸曰逆匪由九江逆流而上武昌城內居民逃避一空存城兵一千餘名不

敷分布該督等擬帶兵勇於附城四面分紮雖非守城正辦亦係因時變通惟逆匪上竄若武昌不能固守則長江上下盡為賊踞勦辦愈難措手能否分扼南北兩岸擇要固守該督等雖勢處萬難亦當力圖堵禦以遏賊衝其與豫省毗連等處尤當扼其北竄之路昨已有旨諭令該督等酌調本省官兵並荊州滿營官兵及湖南兵勇船隻本日復諭令駱秉章會

聖朝聖略卷六十二

十二

國藩酌派兵勇船艘前往協勦吳文鎔統轄兩省務當權其緩急酌量調撥與崇綸督率司道等悉心籌畫相機截勦仍督飭所屬勸諭居民團練俾各安生業互相保衛勿令紛紛遷徙儻能固結人心即可藉資守禦也

上又命軍機大臣傳諭駱秉章曾國藩曰長江上游武昌最為扼要現在賊匪逼近省垣若稍有疏虞則全

楚震動著駱秉章曾國藩選派兵勇並酌撥船艘派委得力鎮將駛赴下游與吳文鎔等會合勦辦力遏賊衝毋稍延誤

同日崇恩奏言探聞賊陷獻縣交河等縣距德州僅一百餘里防堵喫緊前次調到兵勇除留防臨清州外統帶至德者實止八百五十名連德州存營及駐防滿兵亦僅一千二三百名景

聖朝聖略卷六十二

十三

州境內防兵俱經撤往北路兩省邊界聲勢過形單弱賊若驟至臣自當親督兵勇直前迎擊究恐獨力難支願懇

天恩飭諭勝保酌分精兵速來南路扼要嚴防藉資聲援奏入

上命軍機大臣傳諭崇恩曰賊匪竄至獻縣交河等縣距德州一百餘里該處防兵單弱自係實在情形惟

勝保所帶之兵跟蹤追剿畿輔重地必宜趕緊廓清
恐難分兵該署撫務當督率文武激勵士卒合力截
擊毋令賊匪竄越在籍紳士毛鴻賓劉韻珂前任藩
司劉源灝等督辦團練諒有成效如兵力不敷或調
用練勇以資協助瑞昌所帶之兵並著該署撫體察
情形斟酌調撥以資策應前據勝保奏後路官兵業
已催赴景州一帶爲南路聲援德州距景州甚近卽

欽定剿平粵匪方略卷六十二

十四

可隨時知照帶兵各員互相援應相機兜剿迅殄賊
氛

同日吳廷溥奏言兵機必分利鈍防剿亟宜兼
施風聞逆匪竄至河間獻縣經勝保帶兵追擊
跳梁醜類自必計日掃除惟思勝保由河南至
山西復至直隸連次斬擒雖所帶俱屬精兵恐
未免師老兵疲臣思僧格林沁所帶之兵紀律

嚴明旣與賊匪相去甚近正宜及鋒而用可否
飭諭就近與勝保合剿將此股賊匪就直隸境內一鼓
殲滅然後令僧格林沁回京勝保稍爲休息簡
練軍實卽時擊剿另股賊匪庶爲上計蓋禦賊
於遠則宜以防爲禦禦賊於近則必以剿爲防
此古今不易之兵機也奏入

上命軍機大臣傳諭僧格林沁曰據給事中吳廷溥奏

欽定剿平粵匪方略卷六十二

十五

兵機必分利鈍賊遠宜防賊近宜剿等語現在逆匪
由獻縣竄擾交河勝保等已督兵由河間向南迎擊
該大臣前已催令多爾濟那木凱達洪阿帶兵馳往
河間刻下想已與勝保合爲一軍併力圍剿本日朕
召見巡防王大臣等籌商此時自以保衛京師爲重
該大臣現已移營固安堵賊由東而北竄路駐紮甚
爲扼要仍當確探賊蹤隨時知會勝保體察情形相

機接應慶祺駐紮河間亦可為前路聲援其天津要路尤宜嚴行堵截防賊北竄毋令逸匪抄出我軍之後

同日

上命軍機大臣傳諭王履謙長臻曰現在湖北蘄州一帶帶有賊船上竄恐其北擾豫境黃河兩岸正當巡防喫緊之際前此汜水一帶被賊偷渡至今餘匪蔓延

勦平粵匪方略卷六十二

十六

直境豈可再有疏虞著長臻王履謙督飭地方官及河廳文武員弁加意嚴防所有渡口船隻必須設法收集並嚴查奸細毋令逆匪乘間偷渡

二十八日 庚午 台湧奏言 臣准署督臣張亮基撫

臣崇綸會咨現因逆匪回竄楚境亟應添調官

兵防勦 臣當卽揀派滿營精兵二千二十五名

親身統帶於九月十六日馳赴武昌省城會同

督撫妥為分布鎮靜防守以固人心而資策應並將將軍印信帶往行營鈐用奏入

上諭曰如所帶之兵尙屬可用著相機進剿扼賊回竄卽或趕不上尤須扼其北竄豫省之路為要著

同日

上命軍機大臣傳諭奕經楊以增王履謙長臻崇恩英桂曰現在江西逆匪竄踞安慶逼近廬州復有另股

勦平粵匪方略卷六十二

十七

賊匪竄擾湖北蘄州一帶難保不意圖北竄黃河為南北要隘果能認真守禦逆匪豈能飛渡奕經現駐徐州距河甚近此時豐工漫口河湖交匯所有南北各處船隻卽著奕經楊以增崇恩派委妥幹大員督令河工與地方各員設法收集其河南地面上接山陝下達江境楚皖匪徒尤易乘間偷渡疊諭王履謙長臻等實力巡察並著英桂於南北兩岸嚴飭地方

文武一體認真稽查黃河船隻均應一律收藏去其
柴柁勿得再有疏忽致賊偷渡該侍郎督撫等務當
恪遵妥辦不可稍分畛域

同日

上命軍機大臣傳諭文謙特克慎張起鵠曰交河距運
河甚近該匪被勒窮蹙或由水陸兩路分竄則天津
一帶在在堪虞該處練勇聲勢尙壯滄州靜海等處

聖恩匪方略卷六十二

十六

現在如何布置尤宜收集船隻使該匪無從搶渡其
陸路等處亦宜嚴密防範杜其竄逸仍隨時確探賊
蹤知照僧格林沁勝保等前路截擊該鹽政卽會同
特克慎張起鵠妥速籌辦並督飭地方文武及紳士
練勇等嚴查奸細毋稍疏忽

二十九日 辛未 僧格林沁奏言接據慶祺文稱逆

匪由滄州欲竄青縣已搶有船隻距天津甚近

等語是逆匪欲圖北犯東北之防甚關緊要查
多爾濟那木凱達洪阿計期不過行抵保定卽

使星夜前進亦成尾追之勢 臣業經飛調該護

軍統領副都統帶兵取道固安武清一帶以便

迎擊其山西巡撫恆春派往紫荆關駐守官兵

一千名已飛調兼程馳赴固安駐紮聽候調遣

臣亦卽督兵移營武清就近確探賊蹤相機籌

聖恩匪方略卷六十二

十九

辦惟逆匪搶有船隻距天津固近且可由運河
北達通州西通雄縣白溝河保定並可直抵良
鄉縣迤南琉璃河業經飛咨直隸總督卽選帶
兵勇由水路東下迎擊以杜逆匪順流西竄並
飛咨慶祺帶兵繞出賊前扼其北竄如此四面
兜圍合力攻剿此股逆匪不難一鼓蕩平
僧格林沁又奏言現探該逆竄交河縣屬泊頭

鎮地方據該鎮逃出難民聲稱賊匪向問天津道路等語查現在情形東路倍形喫重天津當水路要衝業經臣札委六品頂戴奕紀等管帶右翼前鋒護軍營官兵一千名卽日起程前往天津協同防堵並飛咨勝保查照令將賊蹤所向隨時咨覆惟臣現統官兵共四千五百餘名兵力實屬過單必須豫籌後援之兵可否將未到之卓索圖昭烏達兩盟官兵二千名俟到京時暫行駐紮聽候前路確探再行派撥以昭慎重奏入

欽定四庫全書

二十一

欽定四庫全書

二十二

津再從後路堵禦則賊勢益熾剿辦更難得手臣統帶官兵現在進至何處如何設法截擊該大臣仍須與勝保隨時知照調撥毋失事機紫荊關之山西官兵一千名卽著依議調赴固安其運河西通白溝河與良鄉迤南琉璃河等處已諭令桂良酌量緩急妥籌辦理其卓索圖昭烏達兩盟官兵二千名已令暫紮通州以備調遣

上又命軍機大臣傳諭桂良曰逆匪由青縣搶有船隻竄入運河北達通州西通雄縣白溝河保定並可直抵良鄉迤南琉璃河固安武清一帶現有重兵屯紮

惟保定爲京南屏障水陸要隘應如何派撥將弁扼要截擊之處著隨時偵探賊情相機迅辦

僧格林沁又奏言臣於二十六日馳抵固安屯紮途次接據探報逆匪東竄交河縣泊頭鎮地

上命軍機大臣傳諭僧格林沁曰逆匪欲竄青縣該大臣移營武清並飭多爾濟那木凱達洪阿帶兵迎擊尤須探明賊蹤所至迅速往前進剿與勝保合力夾擊總須抄出賊前在天津前路迎剿若任賊竄至天

方查該鎮已距滄州運河相近河內船隻前經
飛咨直隸督臣檄飭沿河地方設法先籌勿將
運河船隻資賊北犯復就近飛札長蘆鹽政天
津道等立即遵辦並飭妥爲布置以保無虞一
面派委直隸委員分探沿路水勢道途並確探
賊蹤以便隨時籌撥迎擊不敢稍涉大意奏入
報

聖學聖方略卷六十二

三

聞

同日文謙特克慎張起鵠奏言本月二十八日
巳刻逆匪竄至天津離城十里午刻分股直撲
開放槍礮臣等督飭兵勇槍礮齊施直至亥刻
賊衆始退傷斃逆賊約二百餘人斬獲首級二
顆點驗兵勇傷亡不過十數人並聞該逆有船
二十餘隻竄繞下西河之信臣文謙當卽折回

西沽虹橋嚴加防守臣特克慎帶領天津府知
府錢忻和知縣謝子澄整隊進剿臣張起鵠回
天津城內彈壓以防內患並據勝保差官到津
據稱已經追及賊尾明日卽可到津臣等前後
夾擊誓滅羣醜奏入

上命軍機大臣傳諭僧格林沁曰正在寄諭間據文謙
等奏逆匪竄擾天津勝保之兵卽日到現面諭惠

聖學聖方略卷六十二

三

親王等添派京營官兵前往應援著僧格林沁迅催
奕紀等帶兵進剿並著該大臣趕催多爾濟那木凱
達洪阿帶兵馳往夾擊天津距京師甚近該處勇多
兵少必須厚集兵力與勝保併力剿殺方足以殲除
羣醜諒該大臣必能權衡緩急不至貽誤事機也
上又命軍機大臣傳諭勝保曰連日未接該大臣奏報
正深懸繫茲據文謙等奏該逆於二十八日午刻已

分股直撲天津府城等語該逆來勢剽疾必須前截後追迅速兜圍盡數殲滅現已諭知僧格林沁迅催奕紀帶兵前進並再添派官兵移前進剿所有多爾濟那木凱達洪阿由固安武清迎擊之兵與慶祺所帶官兵均著該大臣星速飛調扼要迎擊萬不可令該逆再行紛竄頃又諭惠親王等迅撥京旗各營勁旅卽日前往應援該大臣其迅殲醜類勿留餘孽

聖學聖方略卷六十二

三十四

同日勝保奏言臣於本月二十三日在河間起程二十四日晚抵賊家橋探知賊由泊頭地方搭橋意欲渡河隨飛催西凌阿善祿迅帶官兵追剿待其半渡而擊不意該逆於二十五日過河直奔滄州經滄州兵勇與賊接仗始而併力合擊殺賊多名繼而鄉勇先逃兵亦潰散以致官員陣亡州城失守臣卽於二十六日由崔兒

莊馳赴青縣因步隊每日行走僅及百里復親督馬隊先行前進急欲繞出賊前而賊於沿路搶船順流而下其行甚疾是日酉刻臣行抵青縣賊又竄過知縣並無下落縣城並未滋擾伏思目下情形天津最爲緊要必須親往布置以期無誤事機若徒恃尾追則賊行剽疾異常又恐緩不濟急且運河左右皆水僅有一綫單隄

聖學聖方略卷六十二

三十五

賊在河東水陸同行而河西亦尙有賊非將河西之賊殺盡不能徑抵天津探賊距青縣止三十餘里似不難迅速追及臣惟有親督馬隊連夜跟追儘能繞出賊前則此賊已無後路定可悉數殲除現已飛調西凌阿之兵由河東跟追使賊不能回竄一面飛調善祿帶兵由河西前進以作臣後路接應但恐西凌阿善祿督兵不

能迅速失此機會卽如此次西凌阿善祿俱係
臣催令先進之人反出臣後雖據報截殺多賊
究未能痛加勦洗惟有極力催調儘再因循定
卽嚴辦至賊如被天津擊退恐一旦竄入淀河
天津河間以北務關路等處地方必須早作嚴
防應請

飭下參贊大臣迅派得力官兵於各路要隘嚴密防守

剿平粵匪方略卷六十二

三

庶賊更無可竄之路並咨慶祺令其飛速移兵
趙北口以東及淀河一帶安設礮位扼要堵截
至前奉

諭旨令臣統籌全局臣晝夜思維擬請先

飭舒興阿就近由山西馳赴河南相度皖楚何處喫重
先行堵剿並擬撥郝光甲折回河南歸舒興阿
調遣奏入

上命軍機大臣傳諭勝保曰本日據文謙奏賊竄天津

已有旨令勝保飛調各路官兵迎擊頃據該大臣奏
稱賊匪竄過青縣情形顯係分股狂奔賊衆既能分
竄豈我兵轉不能分西凌阿善祿係在勝保前路追
賊何以轉落勝保之後近畿剿捕何等緊要豈猶似
遠省可冀掩飾西凌阿善祿均著先行摘去頂戴拔
去花翎以示薄懲若再藉詞遷延必以軍法從事此

剿平粵匪方略卷六十二

三

旨著傳諭軍營如能奮勇立功亦必破格加恩也

上又命軍機大臣傳諭僧格林沁曰本日據文謙等奏
賊竄天津已諭該大臣迅催奕紀等帶兵前進並添
派官兵應援頃復據勝保奏稱賊匪竄過青縣並一
路追剿情形勝保兼程追賊與該逆僅隔三十餘里
已飛調西凌阿由河東跟追使賊不能回竄善祿由
河西進發以爲勝保後路如該逆被官兵截擊或竄

入淀河天津河間以北務關路等處均應嚴防著該大臣迅速遴派員弁管帶精兵於各要隘實力堵剿並著飛催慶祺松玉等移兵趙北口以東及淀河一帶安設墩位擇要堵截現在該大臣從何路進剿如何分撥官兵卽著飛速奏聞

同日李嘉端奏言臣回郡督辦城守及水陸堵剿仍派張印塘督領李登洲黃元吉新舊各勇

聖朝方略卷六十二

三

會同玉山等由店埠進剿其時胡元煒聯絡濱湖團練得三萬餘人聲勢大振探聞花唐河中廟一帶時有賊船窺伺趕雇船隻督同張墳朱宗采帶勇追剿慶麟卽由施口陸路接應賊方在柘皋擄人運米約船數百隻其大隊皆泊東關上下四出滋擾適玉山張印塘等亦督勇前進賊皆竄逸各路兵勇奮力直追比至巢縣而

賊船已過運清知縣邵啟元等防守浮橋初五日賊船闖東關而上兵勇單弱抵禦不住賊遂直過縣城該縣等集團追剿行至夏閣鎮忽遇多賊迎頭竄回兵勇齊進攔擊見一黃袍髮賊執旗招展經勇目謝洪等追上戮斃餘賊分竄上船其水路另股將近施口正值胡元煒驗看練丁槍礮不絕賊聞聲勢甚大仍復退回該縣

聖朝方略卷六十二

三

趕至督令兵勇開槍擊翻賊船數隻餘皆開船逃竄遂回縣城彈壓土匪追玉山等陸續追至卽派遊擊何朝亮先往東關賊已全出裕溪順流而下查巢縣雖未失守而東關隘口仍須扼守若不先期準備再有貽誤關繫匪輕但目下江西湖北礮船及江忠源等追剿之師迄無消息慧成周天爵所撥馬隊祇可安置中路於此

地實不相宜再四籌思除聯絡鄉團別無他術
臣現多方激勸曉以大義許以重賞或者同仇
敵愾可保無虞至於城守事宜先集民夫並備
口食復於東門關廂外圍築土城安設礮位現
已次第告竣臣惟有率同官紳竭盡心力以期
補救於萬一奏入

上命軍機大臣傳諭劉裕鈺曰逆賊分水陸兩路竄擾

欽定剿平粵匪方略卷六十三

三十一

巢縣該縣兵勇竭力攔擊賊船現已全數由柘皋裕
溪退去雖巢縣現未失守而東關隘口仍須加意扼
守著劉裕鈺添派弁兵督同練勇扼其回竄之路勿
任匪蹤再行闖入

欽定剿平粵匪方略卷六十三 癸丑年

十月初一日 壬申 桂良奏言查九月二十三日逆

賊由獻縣猝竄交河該縣孔慶銓督率同城文
武及練勇千餘名分路堵守不料賊眾勇少被
賊將城攻破該縣見勢難敵即率其子舉人孔
繁渥罵賊不屈被賊將其父子亂砍致死復用
穢穢燒燬屍身該縣父子一門忠孝節烈堪嘉
洵不愧為聖裔合無仰懇

欽定剿平粵匪方略卷六十三

一

恩施優給卹典以表忠烈並據該紳民等請立專祠之
處恭候

命下施行奏入

上諭內閣曰賊匪由獻縣竄擾交河因賊眾勇少將縣
城攻破該縣知縣孔慶銓率其子舉人孔繁渥罵賊
不屈均被戕害情殊慘烈該縣父子一門忠孝允宜

特沛殊恩以慰忠魂孔慶銓著追贈知府卽照知府例賜卹孔繁渥一併交部議卹該縣紳民請設立專祠之處並著准行

同日

上命軍機大臣傳諭勝保西凌阿善祿曰前因西凌阿善祿於河南山西勦賊出力加恩派令幫辦軍務冀與勝保同心合力迅速奏功方欲懸重賞以待功成

欽定方略卷六十三

二

乃賊氛日近而該都統將軍經勝保催令先進扼賊北竄轉落勝保之後若謂途中阻滯何以勝保又能跟追向前天津情形急迫雖勝保趕到與文謙等先行攻擊而運河東西兩岸路徑紛歧若非分路兜截何以盡殲醜類天津距京甚近該大臣等何人奮勇迅速何人遲緩貽誤斷難掩飾罰罪賞功皆由自取此旨著勝保閱後卽傳示西凌阿善祿懍遵迅速合

力兜剿再運河現泊黔運船必須保護或起運收藏著該大臣卽飭地方文武趕緊妥辦逆匪奔突剽疾其火藥鉛丸糧米均須設法斷其接濟

上又命軍機大臣傳諭多爾濟那木凱達洪阿曰昨因逆匪竄及天津已諭僧格林沁迅催多爾濟那木凱達洪阿前往迎擊賊勢如此剽疾後有追兵前無堵截豈不著著落後儘勝保趕到天津而逆匪又復分

欽定方略卷六十三

三

竄該護軍統領等僅往來於近京一帶何時得與賊遇前據僧格林沁奏車輛羸馬均已撥往應用豈尙不能迅速行走卽使地方供應不齊亦當設法前進多爾濟那木凱雖未經出征帶隊達洪阿則久歷行陣素稱勇敢果能迅速直前與勝保合力截剿必可一鼓蕩平天津距京甚近關繫萬分緊要若再失此機會又致賊匪分竄該護軍統領等何以當此重罪

也懷之勉之

同日

上命軍機大臣傳諭琦善陳金綬雷以誠慧成福濟曰前經疊降諭旨令琦善等合力攻擊迅圖克復揚城乃每逾旬日僅以一奏塞責揚州一城關係江北大局若能及早克復則瓜州京口攻剿皆易得手且移此得勝重兵翦除皖省餘匪勢如破竹朕睠懷南顧

欽定剿平粵匪方略卷六十三

四

寢饋難安該大臣係江北總統陳金綬雷以誠等皆係特派幫辦慧成福濟統兵合剿均應協力同心迅圖克復琦善乃屢次獲罪棄瑕錄用之人更當如何感奮圖報朕疊次批示於責備之中仍有成全之意若竟不知愧勵坐擁重兵虛糜帑項朕惟有執法從事礮臺當已築就該大臣等卽併力進攻毋再延誤上又命軍機大臣傳諭向榮曰朕聞揚州賊匪日漸窮

蹙屢次絕城冀圖逃竄自雙來失事以後未聞有攻

城之舉而安慶又被賊踞江西匪船分擾楚皖江北

一帶若不趕緊肅清賊勢蔓延何所底止朕思移緩

就急必以先克揚城爲要著向榮於和春蘇布通阿

二員內酌派一員管帶精兵馳往江北與琦善大兵

協力攻剿迅圖收復至和春現在防堵鎮江該郡爲

蘇常屏蔽亦關緊要若派和春赴揚則鎮江要路必

欽定剿平粵匪方略卷六十三

五

當另派得力鎮將以資防剿不可稍存大意至揚州既復鎮江賊勢自孤當不難次第克復其金陵巢穴現僅防其陸路其水路賊船紛布前令湖北改造戰船順流助剿今湖北因賊船欲撲武昌無暇製造著向榮先行設法將下游已到紅單各船並原備艇船酌量緩急調撥應用

初二日酉癸 僧格林沁奏言查逆匪於九月二十

八日竄距津郡十里之遙奪有船隻現在京畿東南倍形喫重該逆既有船隻水陸均宜防其北犯查武清縣東南楊村地方乃由津北上水陸要衝臣已馳抵東安擬即移至楊村計賊匪奪有船隻西可竄至淀河北可竄至通州東過海河由陸路亦可直達通州皆非馬隊所能得力此時桂良慶祺松玉等官兵應由水路自西而東直達天津勝保派撥官兵嚴防海河並宜慎防該逆回竄之路

聖朝方略卷六十三

六

同日文謙特克慎張起鵬奏言查竄天津之賊經兵勇擊退後有餘匪在樹林內藏匿意圖梟水過岸抄截大營後路臣等雇派在河溝暗伏之雁戶排槍迎擊賊疑漁船欲行搶渡該雁戶隨即開放排槍擊斃數十人差探前途逆賊奔

回梁王莊一帶地方臣等惟有嚴加防範使賊無隙可乘勝保大兵在後追擊臣等兵勇在前堵截該匪計必窮蹙旁竄其由大城固安北竄之路應請

飭下僧格林沁嚴加防堵天津兵力單薄昨臣等接准僧格林沁札稱已派奕紀帶兵一千名來津接應俟奕紀到津即添派兵勇會同追剿均奏入

聖朝方略卷六十三

七

上命軍機大臣傳諭僧格林沁曰楊村地方為由津北上水陸要衝該大臣駐紮該處正可迎頭截擊賊情變幻靡常一切布置難以豫度總須時時偵探並與勝保文謙等隨時知照何路緊要即向何路堵截桂良未便遽離保定慶祺松玉奕紀等所帶各兵應由何路扼要截剿均著該大臣飛催前進無稍延緩上又命軍機大臣傳論文謙特克慎張起鵬曰逆匪奔

回梁王莊一帶此時勝保是否已至天津或沿途獲有勝仗朕心實深殷盼該鹽政等務卽激勵兵勇相機攻剿卽日各路官兵趕到合力兜圍定當殄此羣醜天津至京水陸程途及偏僻捷徑著繪圖填明里數迅速具奏並將賊情及大兵到津布置情形隨時奏聞

上又命軍機大臣傳諭勝保曰賊蹤剽疾亟應趁其喘

欽定剿平粵匪方略卷六十三

八

息未定合力兜剿西凌阿善祿等兵是否均已趕到奕紀及多爾濟那木凱達洪阿所帶官兵計亦可先後抵津此股賊匪必須於天津一帶剿戮淨盡萬不可令其北竄水陸各要隘均應嚴密籌防其應如何派撥分布並遏賊回竄之路著該大臣隨時知照僧格林沁及文謙等妥速辦理桂良未便離省慶祺松玉所帶之兵應由何路截剿著卽飛催前進毋稍遲

誤

初三日甲戌向榮奏言查東西梁山在金陵上游

百四十里大江之濱兩山對峙據險扼守誠難飛越惟逆賊陸路慣於包抄必東西山得兵三四千名方可紮定陸營水面慣於圍繞必大小船得二三百隻方能紮定水寨再以木簞豎垛於江心鐵索橫鎖於江岸庶可遏其衝流斷其接濟此時湖北改造礮船驟難辦就鎮江廣局各艇亦未上駛而大營兵力屢分之後祇有此數又難再行分撥祇得飛調總兵音德布帶江西折回兵二千名繞道前赴距梁山二十餘里之蕪湖河口駐紮可以捍衛灣汊及運漕等處米糧兼可杜塞東壩小河屏蔽蘇浙俟到有戰船重兵再扼守梁山或扼守兔兒磯或直扼守

欽定剿平粵匪方略卷六十三

九

夾江浦口與大營聯絡庶可乘隙環攻此遠守不如近堵之為妥也至於五龍山沙洲墟兩礮臺界在金陵鎮江之間象山北固山兩礮臺在鎮城迤北必攻奪鎮城庶象山北固山可以同時並破即五龍山沙洲墟等處亦可不攻自下乘此陸軍水軍直逼觀音儀鳳等門與大營犄角會殲渠魁此分攻不如合勦之為妥也近查

聖學匯方略卷六十三

十

鎮城逆賊多赴金陵即萬餘斤大礮亦搬運金陵城上鎮城賊勢漸形窘蹙已催令署提臣和春管帶師艇各鎮將水陸夾攻速拔鎮城臣查下關即浦口之對岸儀鳳門外北岸之夾江口是也上為雙牖洲下為七里洲距城約六七里兩洲遙接其勢相聯臣早擬得師船數十隻精銳數千人結水陸營於雙牖七里兩洲之岸作

為兩翼以遏賊衝惟下關距營六十餘里非從太平神策各門賊營越過不能直達其間至水西旱西門外亦屬進攻之路臣屢次督兵攻打雨花臺賊營即為繞西面結營之意無非欲據天塹長江扼賊咽喉無如數月以來兵勇日分而日單鎮將日調而日少以致措手倍難臣渥荷

聖學匯方略卷六十三

十一

天恩畀以重任於沿江形勢無時不在心目中奈大營兵數不踰九千勇數不踰三千且聞該逆現有南竄蘇杭之信尤不得不加意嚴防再難撥兵分攻亦難撥兵分守此臣所以日夜焦勞不敢明言而又不致不直陳者也向榮又奏言接據署提臣和春來文九月初八日傳集各營分三路進攻鎮城初九日潮勇前

赴南門攻擊該逆突出千餘來拒我軍誘至京
峴山下分路抄截斃賊百餘名並斃黃衣賊目
一名忽北門突出二千餘賊分兩股來撲我軍
奮勇直前刀矛並刺賊屍滿地該逆勢不能支
飛奔過濠自卯至午約斃賊匪二百餘名砍獲
首級十七顆生擒四名旋據探稱逆匪有十三
日傾巢出撲之信當卽知會四川浙江各營及
水師營均各準備是日南北兩門果突出三四
千賊勢甚兇猛我軍同時抄出三面夾擊槍礮
環施並開放三百斤大礮斃賊數十名正在酣
戰適水軍葉常春等分督廣艇浙江師船由南
岸至北固山江神廟金山一帶賊有大船百餘
隻划船數十隻圍繞前來被我師船轟沈大小
賊船十餘隻擊斃在船逆賊並火箭火罐燒斃

欽定剿平粵匪方略卷六十三

十三



十三

者不少我軍乘勢趕至北門計共斃賊二百數
十名生擒五名奏入

上命軍機大臣傳諭向榮曰前因三城久未克復降旨
令該大臣於和春蘇布通阿二員內揀派一員帶兵
過江北協同琦善等先克揚城次第收復鎮江金陵
現在該大臣因鎮城賊勢漸形窮蹙催令署提督和
春管帶師艇各鎮將水陸夾攻亦係爲急籌克復起
見惟兩日勝仗均不過小有斬獲總未大挫賊鋒似
此日延一日師老餉匱實屬不堪設想現在賊匪由
山西竄出擾及直隸近畿一帶經勝保追擊屢獲勝
仗江省若不趁此迅籌進取儻皖楚賊匪乘間又復
北竄該大臣等但擁重兵爲賊牽掣坐視北省緊急
不思赴援於心何安向榮接奉前旨應派何員帶兵
赴揚協同攻克著卽密籌全局先其所急毋誤事機

欽定剿平粵匪方略卷六十三

十三



十三

同日

上命軍機大臣傳諭略秉章會國藩曰前因江西賊匪竄擾湖北偏近武昌省垣當經諭令略秉章會國藩派撥兵勇礮船駛往下游會剿現在台湧所帶官兵及咨調江西官兵未知何日趕到武昌兵單實恐不敷剿捕會國藩團練鄉勇甚為得力著即酌帶練勇馳赴湖北合力圍攻所需軍餉等項著略秉章籌撥供給兩湖唇齒相依漢黃一帶尤為豫省門戶該撫等自應不分畛域一體統籌也

聖學聖方略卷三十三

十四

初四日 乙亥 呂賢基李嘉端奏言 臣賢基於九月

初一日抵桐督同桐城知縣宮國勳等將城鄉各保團首加意激勸突於二十四日黎明探稱賊匪由皖城分道直撲集賢關張熙宇恆興等隨派兵弁等迎敵又督令賡音泰伍登庸分投

接應各施槍礮抵禦移時忽見後路火起賊匪

已抄至關前其時守營粵兵祇一百五十餘人

賊匪愈聚愈多前後左右共有六七股焚燒關

前房屋十數處張熙宇等駐紮不住始退出關

賡音泰伍登庸同時陣亡查張熙宇等經 臣嘉

端派令督率兵勇防守集賢關此次與賊接仗

奮勇血戰經歷三時之久殺賊千餘名其敗退

聖學聖方略卷三十三

十五

之故實因眾寡不敵惟集賢關係扼要重地張熙宇等戰守不慎致有敗衄關上屋宇及帳房鑼鍋為賊焚燬殆盡遽行退至練潭實屬咎無可辭應請

旨將張熙宇恆興等交部從嚴議處仍責令收拾散亡

兵勇克復集賢關以贖前愆賡音泰伍登庸奮

勇殺賊臨陣捐軀殊堪憫惜應請

旨從優賜卹以慰忠魂臣嘉端設法籌補兵勇赴關相

機進剿其湖北賊船江西戰船及江忠源統帶

之兵應請

旨飭催迅速前來臣賢基仍駐舒桐一帶號召團練杜

賊北竄俟布置稍定卽往廬州會同臣嘉端面

商一切事宜奏入

上命軍機大臣傳諭奕經呂賢基劉裕鈺曰賊匪竄擾

欽定剿平粵匪方略卷六十三

十六

安慶經張熙宇扼守集賢關自應布置周妥何以逆

匪自皖城分道撲出遽將該關失守是張熙宇等前

此守禦毫無把握殊堪憤懣該逆旣向北趨設令糾

合來擾廬郡益形喫重本日復催令江忠源帶勇赴

皖並傳諭瞿騰龍帶兵前來應援但恐緩不濟急奕

經所帶官兵能否酌撥策應呂賢基擬赴廬郡扼守

其桐舒一帶亦須布置妥協再往廬州與劉裕鈺竭

力守禦總以收復集賢關不令賊蹤乘虛北竄爲要

上又命軍機大臣傳諭江忠源曰集賢關爲扼要重地

必須及早克復該撫接奉此旨著卽星夜起程不分

水陸趕緊赴任所帶練勇現在何處務令設法渡江

以資攻剿

上又命軍機大臣傳諭瞿騰龍曰皖省兵力較單恐賊

匪乘虛北竄著瞿騰龍帶兵星夜起程馳赴皖省合

欽定剿平粵匪方略卷六十三

十七

力攻勦務將此股賊匪悉數殲擒毋稍延誤

同日湖北學政青麐奏言臣於九月初六日前

赴德安考試據承差稟知田家鎮兵敗興國州

失守又於十七八等日據安陸縣知縣萬成面

稟城中擊獲逃勇訊供田家鎮係已革同知勞

光泰帶領潮勇倒戈相向官兵因之傷潰二十

一日又據德安府知府易容之稟稱十七日賊

匪大股撲到漢陽漢口一帶梗塞十八日賊已入城查德安府距省二百餘里爲南北衝衢且城中之兵久經省城調去祇存二百餘名其勢甚危當卽面飭易容之萬成令其於該府所屬各縣速爲調集精壯鄉勇二三千名無分晝夜趕到城中並責成教官令其傳諭各生童內如有奮勇爭先者一同協力防守奏入

聖學方略卷六十三

十六

命軍機大臣傳諭青麇曰該學政雖無地方之責值此賊氛逼近著卽暫駐德安督飭地方文武嚴密防堵賊匪已入漢陽府城不知武昌情形如何著卽迅速探明具奏所稱田家鎮之敗係已革同知勞光泰帶領潮勇倒戈所致實堪痛恨勞光泰如已通賊卽由汝處將該犯解到凌遲處死再行奏聞如尙未通賊自有該督撫遵旨嚴辦此時江面是否爲賊所踞

南北驛遞文報應如何繞越行走俾免稽遲貽誤之處並著該學政酌量妥速辦理仍與吳文鎔崇綸等隨時互相知照毋失事機

上又命軍機大臣傳諭吳文鎔崇綸曰據青麇奏逆股撲到漢陽於九月十八日入城漢口一帶梗塞已諭青麇暫駐德安一帶督率地方文武設法防堵並諭舒輿阿帶兵由孟縣馳赴豫楚交界應援以遏賊匪

聖學方略卷六十三

十九

北竄之路前諭駱秉章曾國藩酌派兵勇船廠迅赴湖北協剿並令台湧帶兵赴省以資援應未知何日可到該督等祇可就現有官兵妥爲守禦以待援兵之至並將現在情形迅速奏報以慰朕懷賊至田家鎮已革同知勞光泰所帶潮勇倒戈相向以致官兵傷潰如果屬實亟應從嚴懲辦著該督等查明勞光泰如已通賊卽行凌遲處死再行奏聞如尙未通賊

亦應科以軍律從重懲治至漢陽被陷文報驛站務宜設法繞道行走勿致疏失

上又命軍機大臣傳諭舒興阿曰逆匪竄入漢陽府城前此吳文鎔等亦有武昌勢難固守之奏是其情形甚屬危急皖省逆匪雖已退出裕溪口而沿江一帶賊蹤甚夥穎亳等處捻匪尙未盡除歸德一帶現在徐廣縉協同地方防剿而楚北賊勢猖獗恐復竄入

欽定剿平粵匪方略卷六十三

二十一

豫省該督現在河北以目下情形緩急而論自應仍赴楚豫交界杜賊北竄爲要卽直境剿敗餘匪回竄豫境亦可隨時搜捕如因兵力尙單郝光甲所帶之兵現甫由晉入直跟剿業已落後該督卽可酌量調回以資進剿其黃河渡口並著嚴飭地方官認真收集船隻盤察奸細儻有奉行不力者卽行從嚴叅辦

初五日丙子僧格林沁奏言臣先因天津西北一

綫長隄迤南隔有上下西河二道雖陸路積水

難行而逆賊奸計百出難保不紮筏涉水旁竄因札令培成帶兵駐紮黃花店地方茲據天津縣稟報拏獲脅從之王和供稱逆賊一到獨流多雇人夫將各廠木植運至河干作筏是西河情形喫重亟宜嚴防復飛飭該侍郎由黃花店迅速移至王慶坨扼截就近偵探設有警報督

欽定剿平粵匪方略卷六十三

二十二

兵迎擊至奕紀所帶官兵一千名業已抵津仍恐單薄臣又添兵八百五十名赴津協剿並飛札達洪阿由捷徑馳赴天津先選精銳之兵兼程前進奏入

上命軍機大臣傳諭僧格林沁曰該大臣令培成移紮王慶坨扼截惟培成所帶多係察哈爾之兵是否能獨當一面逆賊搬運木植恐未必專爲作筏或欲建

立寨柵或欲平墊泥淖務須探聽確實以便攻剿矣
紀所帶兵一千名又添撥兵八百五十名均應幫同
天津官兵進剿不可但令守城置之無用之地達洪
阿由捷徑赴天津係從何處行走必須趕到協剿萬
勿遲延軍情且夕不同總以相機布置迅將逆匪兜
剿淨盡勿令分竄為要

同日安徽巡撫江忠源署湖北按察使唐樹義

聖學聖方略卷六十三

三

奏言 臣忠源自廣濟移營繞赴省城田家鎮潰
散之兵亟須招集撫綏因念賊船上駛武昌十
分緊急守城兵力又復單薄且賊既據有舟楫
之利北可達襄陽西可抵荊州皆為北路扼要
之區是 臣忠源單騎赴皖不如會兵援省兼可
照顧襄樊北路因卽星夜督催各兵勇趕赴省
城於巴河黃岡陽邏等處覓船渡江乃巴河賊

船乘風先至 臣將抵黃岡探知府城已失又聞
頭起賊船先已上竄漢陽失守江路賊船到處
阻塞無從飛渡於九月二十一日行抵黃陂縣
臣樹義所帶防守廣濟之兵一千餘名尙屬整
齊其田家鎮招集之兵約二千名編定隊伍申
明紀律使潰散之餘復能自振卽日帶領馳赴
漢陽以圖收復若得與武昌夾江相持互為倚

聖學聖方略卷六十三

三

角亦足牽制賊勢又探聞賊船多已進泊漢水
臣等已移知安襄鄖荆道羅遵殿招募襄陽義
勇與 臣等聲勢聯絡如果賊有窺伺襄樊之意
臣等卽由德安馳赴上游一帶扼要堵剿奏入
上命軍機大臣傳諭江忠源唐樹義曰賊船布滿江路
進泊漢水湖北武昌危急而德安襄陽緊接河南尤
為喫重江忠源既不能渡江赴省祇有與唐樹義合

兵先爲收復漢陽之計惟漢水賊船瞬息可到襄陽江北各路關繫自楚入豫大局江忠源等既在北路卽著扼要堵截一面商同羅遵殿所募義勇協力夾擊並號召各郡縣紳衿民勇趕緊團集合力堵禦現已諭令舒興阿帶兵由河南直赴楚境會剿江忠源等探知賊蹤所向何處緊急卽飛咨舒興阿由何路迎截與該撫等官兵前後夾攻庶可得力總不可令

欽定剿平粵匪方略卷六十三

三四

該逆再行擾及豫境

上又命軍機大臣傳諭吳文鎔崇綸曰吳文鎔等前奏有帶兵勇於附城四面分駐之語現在是否駐紮城外抑已入城防守未據奏報倍深懸繫著將近日情形飛速入奏該督撫等務當激勵紳民兵勇等竭力堵禦堅守待援以冀轉危爲安

上又命軍機大臣傳諭台湧曰據江忠源等奏省城危

急並探知黃州漢陽失守現在湖北兵力單薄當此防勦喫緊之際著台湧迅將前調官兵無分水陸星速帶往省城相機截剿該將軍兼署提督所有綠營未經徵調之兵並著挑選勁旅酌量飛調派委得力將弁一併管帶前往以資夾擊

欽定剿平粵匪方略卷六十三

三五

上又命軍機大臣傳諭舒興阿曰逆匪已至黃岡府城失守賊船全泊漢水省城兵勇均屬單薄舒興阿接奉前旨想已渡河而南著卽兼程前進直赴楚境迎擊與江忠源等兵勇併力堵剿萬不可任賊北竄郝光甲所帶之兵昨已有旨令該督調回備用著沿途偵探楚匪蹤跡並該督何時可抵楚境隨時奏聞

上又命軍機大臣傳諭裕瑞舒倫保桂明張祥河曰湖北黃州漢陽均被賊陷賊船上駛省垣極爲危急現經江忠源等會兵進剿馳赴漢陽以圖收復惟江路

賊船到處梗塞凡川陝與湖北交界地方均關緊要
必須一律嚴防著裕瑞舒倫保桂明張祥河迅派官
兵於湖北接壤各要隘嚴密防守盤緝奸宄萬不可
令賊匪闖入

上又命軍機大臣傳諭駱秉章曾國藩曰賊匪連陷黃
州漢陽賊船現又上駛武昌被圍情形萬分危急江
忠源尙須先赴漢陽以圖收復未能卽抵武昌現已

聖恩方略卷六十三



諭令吳文鎔等悉力堅守並令台湧卽日撥兵前往
救援第兵力仍虞單弱著曾國藩趕帶兵勇船礮駛
赴下游會勤以爲武昌策應所需軍餉等項著駱秉
章卽設法供支以資接濟

同日崇恩奏言查逆匪竄近天津東省武定府
屬之陽信樂陵海豐等縣均與天津逼近該逆
竄至天津一經大兵追擊非南走武定府別無

去路此時武郡防堵轉較德州喫重臣先經札
調省標兵三百名並咨調青州滿營兵二百五
十名分赴武郡茲擬親帶調防在德之省標兵
二百五十名登標兵五百名由大路取道省城
馳赴武定府督防仍留高唐營兵一百名並將
留防臨清之高唐營兵二百名調赴德州交糧
道姚錫華等統帶會同德州城守尉豐陞額就
該州現存滿綠兵勇協力守禦以杜該逆回竄
之路武定距德州較近設有緩急臣尙可相機
策應奏入

聖恩方略卷六十三



上命軍機大臣傳諭崇恩曰武定界連津南固當加意
嚴防惟逆匪現已搶有船隻一經大兵夾擊其潰匪
必圖南竄德州實當其衝該署撫將德州防兵撤向
武定僅留三百名與滿營官兵堵禦設或該逆乘虛

竄入恐難抵禦卽臨清要地亦宜撥兵防守以爲聲援該署撫當統籌全局隨時偵探賊情先其所急不可帶兵輾轉紆道致有疏虞

同日刑部奏言本年八月十六日內閣奉

上諭哈芬調度乖方畏葸無能著革職拏問由郭夢齡派員解交刑部治罪等因茲於十月初四日經山西委員將哈芬解送到部伏乞

欽定剿平粵匪方略卷六十三

三六

欽派大臣會同臣部審訊奏入得

旨著派恭親王奕訢孫瑞珍會同刑部審訊

初六日丁丑僧格林沁奏言探聞逆匪奪有船二

百餘隻須防由上西河北駛現天津防堵嚴密不敢直撲郡城臣擬仍紮營楊村居中策應據達洪阿報稱初四日已到固安不日卽可馳抵楊村設該逆仍盤踞靜海則遠截不如近勦擬

卽飭令帶兵赴津與奕紀督兵會同勝保南北夾擊以期迅掃妖氛奏入

上命軍機大臣傳諭僧格林沁曰該大臣奏稱逆匪奪有船隻恐其由上西河北駛現在仍紮營楊村與朕意符合此時該逆盤踞靜海飭令達洪阿赴津與奕紀帶兵會同勝保南北夾擊布置甚合機宜勝保初一日大獲勝仗賊匪竄回靜海城中惟勝保所帶兵

欽定剿平粵匪方略卷六十三

三九

力尙單必須前後夾攻迅圖勦洗萬不可任賊築壘立柵又成死拒之勢達洪阿此次進兵太覺遲緩著卽飭催帶兵迅赴天津與奕紀所帶官兵飛速向前與勝保西凌阿善祿等南北夾攻毋再遲延

同日勝保奏言臣於九月二十七日至靜海縣地方將賊大股追及我兵隨追隨勦殺斃逆匪甚多賊卽遁入靜海城中臣因兵未到齊僅帶

馬隊四百餘名步隊一千餘名未便攻勦即在附近縣城五里地方紮營以牽制其北竄二十八日善祿西渡阿帶兵追到臣即令在東南進攻臣由西南進勦直抵城關逆賊分向東南拒敵當即督飭馬步各隊由河西向東南抄擊賊遂大敗我兵乘勢斬殺賊匪奔逃入城初一日卯刻逆匪探知各營兵未到齊由南門運河東

聖恩優渥各將士無不感激奮勉是以此次開仗以飢

三十

聖恩優渥各將士無不感激奮勉是以此次開仗以飢

三十

岸遙擁而出雖經西渡阿善祿列隊堵擊臣恐其兵單即由西岸策馬渡河親往督陣該逆復由南門擁出七八千人臣一面揮軍抵敵一面飛調西岸德州西甯兵弁渡河接應鏖戰兩時之久副都統維祿明慶均受槍傷尙不甚重馬步各隊四路抄殺逆屍枕藉統計殺賊一千餘名奪獲馬匹無數實足振軍威而寒賊膽

勝保又奏言臣此番由深州追勦逆匪慮其長驅北犯即由河間抄赴青縣等處以期迅速而沿途積潦成河各州縣地方遭賊蹂躪車馬無從覓雇糧米爲之一空士卒負重涉淺枵腹奔馳艱苦萬狀及至靜海城外駐紮附近村莊非被賊擄卽爲水淹人馬斷糧絕草者三日臣仰荷

天恩畀以重任每遇啼飢號寒之際即宣布奉到兩次諭旨前次懷慶解圍在事出力文武員弁准臣開單保

奏

聖恩優渥各將士無不感激奮勉是以此次開仗以飢寒疲乏之餘遇剽疾勇悍之寇一呼而進鏖戰終朝卒能斬級千餘懾敵萬衆臣現飛飭德州青縣迅速購買米麩就近接濟日內想可運到

奏八

上諭曰本日據勝保奏隨營將士於飢寒交迫遠道奔波之際猶能加倍奮勇殺賊一千餘名之多皆由爾將士等同仇敵愾素懷忠義朕知賊匪必能迅就殲除覽奏實深欣慰尤塵於懷惟願始終奮勇大功早成一日我將士早膺一日殊恩爾等遠離家鄉音信隔絕朕非不知爾等之心也著勝保將此殊論與各

聖諭

三

大員看並曉諭圍營將士知之

上命軍機大臣傳諭勝保曰逆匪在靜海城外拚死衝突經該大臣親身督陣大振軍威實堪嘉尚昨聞賊在南運河沿距靜海八里許紮壘本日該大臣具奏情形似逆賊俱在靜海城內屯聚究竟此時賊眾聚集何處是否全在靜海本日據僧格林沁奏仍駐楊村居中調度達洪阿不日可抵楊村擬即飭令帶兵

赴津與奕紀督兵會同勝保南北夾擊等語已諭令僧格林沁隨時與該大臣咨商會剿並令桂良將訥爾經額所帶之兵催令前進亦可協助兵力該大臣惟有激勵將士迅殄羣醜萬不可令賊築壘自固又延時日

上又命軍機大臣傳諭桂良曰逆匪竄踞靜海經官兵奮勇攻擊奔入縣城現在勝保督調兵勇合力圍攻

聖諭

三

僧格林沁紮營楊村截賊北竄該逆全股皆在靜海兜剿殄滅正在此時勝保所帶之兵尙慮單薄訥爾經額由豫帶回之兵屢次諭令撥赴勝保軍營著桂良迅即飭令馳抵靜海交勝保調撥毋稍遲延再據勝保奏稱軍中糧麩匱乏我兵枵腹接仗仍能奮勇爭先實深繫念著該督先為籌備糧麩迅速運赴勝保軍營以資接濟

上諭內閣曰逆匪自竄入直境雖屢經官兵追剿總未
大受懲創此次傾巢而出經我兵合力夾攻大獲勝
仗洵足寒賊膽而振軍威勝保親歷行間督兵鏖戰
實屬勇敢可嘉西凌阿善祿前因追賊落後降旨摘
去頂戴拔去花翎此次督兵進剿尙屬奮勇西凌阿
善祿均著賞還頂戴花翎副都統維祿明慶均受槍
傷雖不甚重可見臨陣尙能爭先著各賞給大荷包

聖朝方略卷六十三



一對小刀一柄交該員等祇領現在參贊大臣僧格
林沁統帶各路重兵扼要調度德勒克色楞達洪阿
伊勒東阿奕紀等各帶精兵馳赴天津一帶會同勝
保西凌阿善祿等乘勝圍攻務將逆匪即日掃除淨
盡毋令竄逸

同日琦善陳金綬雷以誠慧成福濟奏言近日
逆匪在城頭瞭望見官兵堆築礮臺連次對臺

開礮勢甚兇悍自九月十六日至二十二日晉
康查文經督同參將馮景尼師長鑣等在徐凝
門外先後斃賊多名臣等於二十三日清晨同
時開放大礮憑高下擊城中人聲沸騰賊甚震
懼是日未刻西門迤南有賊七八十人豎梯下
城臣陳金綬暨都司色普哲訥等督兵開放擡
槍賊即驚竄上城馮景尼在缺口門外督令千

聖朝方略卷六十三



總楊萬傑等開放銅礮正中該賊目頭顱又發
十餘礮擊塌城上礮臺一座賊匪從便益門絕
下經總兵多隆武等擊斃三十餘名並斃紅衣
賊六名黃衣賊四名餘匪遁回二十五日賊復
由便益門絕城而出多隆武督飭備弁帶兵迎
擊遇賊數十人官兵開放槍礮賊即敗退忽從
兩旁壞壁中突出伏賊數百人官兵向前力戰

斃賊六十餘名餘賊潰遁入城二十六日賊匪數百人出南門總兵瞿騰龍等分隊設伏擊斃十餘名賊匪旋放毒煙咫尺莫辨乘隙退入城內臣琦善與臣陳金綬等悉心會議惟有乘高舉礮晝夜環攻俾賊不得少安庶可偪之出戰迅圖克復查江甯賊船連檣衝突近有竄入巢縣裕溪口之事北岸江防處處喫緊據總兵武

欽定剿平粵匪方略卷六十三

三

慶稟稱九月十九日探得賊船數百隻駛至浦口寶塔根迤東柳樹壩地方該總兵聞報卽會同副都統西昌阿侍衛伊興額帶領馬步官兵迎擊該匪登岸列隊冒死抗拒該總兵等分兵爲三路開放槍礮並用火箭火毬直攻賊船引燃船內火藥須臾烈燄飛騰自辰至申將賊船全行燒燬船中之賊焚死者不計其數其在岸

敗賊正欲回船望見船中火起歸路已斷紛紛潰竄經馬步兵丁追擊殲斃五六百人生擒賊匪十七名隨訊獲賊僉供江甯首逆遣大小賊目率衆撲營報復前仇意欲北竄臣查賊匪屢次欲從浦口北竄疊經官兵擊退該總兵武慶獎率士卒奮勇爭先遏其北竄之路防勦實爲出力又據派赴戴河之防禦依勒杭阿稟稱江

欽定剿平粵匪方略卷六十三

三

中賊船五隻瞥見官兵卽先開礮兵丁等開槍縱擊落水死者三十餘人該防禦復令居民乘筏將船奪獲焚燬琦善又奏言提督陳金綬前因五月開北面官兵登城接仗西路接應遲緩經臣奏摘去頂戴該提督自被衆後益加愧奮疊次西門接仗奮勇爭先屢經獲勝可否

賞還頂戴出自

逾格鴻施奏入

上命軍機大臣傳諭琦善陳金綬雷以誠慧成福濟曰揚城賊匪窮蹙已極城外礮臺業經築竣正可乘高下擊克復揚城毋任他竄現在江面上游一帶賊船紛竄安徽集賢關及湖北黃州漢陽各府均被竄擾若不趕緊進取儻皖楚賊匪乘閒北竄該大臣等豈

聖朝方略卷六十三

三

能株守一隅置大局於不顧昨有旨令瞿騰龍帶兵二千迅援皖省復命向榮派提鎮大員渡江助攻揚城該大臣等若能趁此進攻力圖克復則移兵皖省江北一帶可望肅清轉罪為功在此一舉懷之勉之
上諭內閣曰揚城賊匪疊被攻勦窮蹙思竄著該大臣等卽督飭將弁兵勇四面圍攻迅圖克復提督陳金綬前因接應遲緩被叅後疊次接仗尙知愧奮陳金

綬著加恩賞還頂戴

聖朝方略卷六十三

三

欽定剿平粵匪方略卷六十四 癸丑年

十月初七日 戊寅 勝保奏言 臣於初四日由靜海

乘舟繞下西河連夜兼程前進初五日辰刻抵

津知奕紀帶兵一千八百名先期已到 臣查逆

賊現因靜海被創意圖困守暗中盤踞獨流鎮

楊柳青一帶並於獨流鎮兩岸復紮木城以防

官兵截剿且知我兵在南欲乘間窺伺天津兼

剿平粵匪方略卷六十四

一

欲創隄北竄 臣本欲駐紮王慶坨因其地屬僻

壤不便統籌全局遂分撥奕紀所帶熱河兵五

百名令總兵經文岱帶領前往在獨流後路相

機用舟紮營安設大礮堵剿 臣一面飛調達洪

阿多爾濟那木凱馳赴天津會剿一面先儘 臣

所帶官兵與奕紀之兵即日統率前進總期早

得成功以紓

宸廑

勝保又奏言 臣連日布置堵截該逆回竄之路

並派總兵經文岱帶兵由王家口繞赴天津調

取礮位船隻以作圍剿之用一面飛調多爾濟

那木凱馳赴揚芬港張莊一帶聽候調撥達洪

阿迅赴天津隨同合勦並調慶祺馳赴王家口

駐紮以扼其西竄文安大城之路惟慶祺尙知

剿平粵匪方略卷六十四

二

其在河間多爾濟那木凱達洪阿 臣竟不知其

在何路探聞達洪阿等爲人牽制是以不遵調

遣殊不知

國事至重少遲一日卽至失機况日久遷延豈不

誤事惟有仰懇

天恩迅飭由武清等處飛速前進在天津西北一帶聽

調

同日順天府奏言據武清縣知縣胡啟文詳稱
盤獲形跡可疑胡羣胡勝得弟兄二人當即提
訊據供自幼使船為生今年五月在臨清州地
方隨賊入夥現在賊人都在靜海縣地方頭目
王得等都往西南逃走訊明後即行正法臣等
即飛札所屬各州縣將該犯所供逆夥嚴密訪
拏務令全數弋獲應請

聖學聖方略卷六十四



旨飭下僧格林沁等及直隸總督一體札飭軍營地方
文武員弁嚴拏務獲均奏入

上命軍機大臣傳諭勝保曰逆匪竄入靜海連次被創
仍盤踞獨流鎮楊柳青一帶勝保現在調撥各路官
兵擬與善祿西凌阿前後夾擊著即激勵將士剋日
進剿務須偪入一處合力圍攻萬不可再令他竄達
洪阿多爾濟那木凱經該大臣調赴天津現在行抵

何處當此攻剿喫緊之際豈容任意延緩已諭知僧
格林沁嚴催前進並著該大臣再行飭催毋任遲誤
上又命軍機大臣傳諭僧格林沁曰勝保奏連日催兵

未到西北未能合圍覽奏曷勝焦急現在賊踞靜海
縣城亟須四面圍攻為一鼓殲除之計昨有旨諭令
僧格林沁催多爾濟那木凱達洪阿帶兵前赴天津
聽候勝保調遣該員等帶兵行走何以如此遲緩當

聖學聖方略卷六十四



此事機萬分喫緊之時豈無天良若是著僧格林沁
傳旨飛催毋得再有遲延致干重咎並將該員等何
日抵津迅速奏報又據順天府奏武清縣詳報盤獲
逆匪胡羣等供出逆夥王得等均往西南逃去等語
該大臣即嚴飭軍營地方文武員弁一體嚴拏
同日李嘉端奏言據探九月十六日夜忽有賊
匪至池郡城下焚燒東嶽廟經府縣督率兵勇

力戰不勝賊匪現踞府城其船數百隻皆泊南門外尙未開行等語查郡城四面通江幾於日驚風鶴前經臣咨商向榮撤回江西得勝之兵安置彼處既保池屬又可兼攻安慶雖准向榮咨覆已飭音德布統帶川滇兵勇在蕪湖一帶駐紮至今尙未到防而池郡已爲賊踞當再飛咨向榮就近派兵前往克復奏入

欽定剿平粵匪方略卷六十四

五

上命軍機大臣傳諭向榮曰安徽池州府城四面通江據李嘉端奏稱咨商該大臣將江西撤回之兵安置池郡該大臣已飭音德布統帶川滇兵勇在蕪湖一帶駐紮至今尙未到防安省南北兩岸皆爲賊踞情形十分危急現在集賢關又已失守防堵綦嚴江北實屬無兵可撥該大臣統帶之兵屢經分撥亦覺稍單音德布帶領江西折回之兵能否迅速援應殊深

懸繫著卽權衡緩急酌撥將弁帶兵赴援萬不可任賊竄踞又致蔓延

同日陸應穀奏言據探江西賊匪竄擾湖北黃州漢陽相繼失陷武昌省城戒嚴臣查豫省南汝光一帶處處與楚北毗連信陽距武漢尤近兼之安徽廬州危急陳州歸德防堵亦甚緊要臣以一身支柱其間既乏鎮將大員又無可調

欽定剿平粵匪方略卷六十四

六

之兵焦灼萬分因思陝甘督臣舒興阿帶兵二千八百餘名將次渡河仰懇

天恩俯念河南爲北路門戶情形緊急

飭下舒興阿於現帶陝甘兵內截留二千名交臣差遣俾資守禦奏入

上命軍機大臣傳諭英桂曰現在逆匪竄擾湖北南汝光一帶處處與楚省毗連信陽距漢陽尤爲逼近安

徽集賢關已被賊擾歸德一帶防堵亦關緊要英桂現已補授河南巡撫責無旁貸著卽兼程前赴楚豫交界相機布置毋稍遲延並著將起程赴豫日期迅速奏聞至黃河渡口各處均關緊要務須隨時與王履謙長臻知照飭令地方官加意嚴防收集船隻盤查奸細毋任賊匪乘間偷渡

同日文謙特克慎張起鵠奏言賊匪自天津敗

勦平粵匪方略卷六十四

七

竄靜海日在獨流楊柳青一帶往來窺探並聞有由武清縣屬王慶坨等處旁竄淀河之意臣等正議遣兵防剿適勝保已由靜海水路繞出賊前於本月初五日馳抵天津卽日派委總兵經文岱帶兵五百名馳赴王慶坨揚芬港等處巡查堵剿防其旁竄勝保來津時因船隻短少先帶來官兵五百名前經僧格林沁派奕紀帶

聞

兵一千名復派熱河兵五百名古北口兵三百名均已先後到齊現議帶領兵勇於初六日起程前往楊柳青獨流一帶迎剿以期與靜海大兵合擊殲此羣醜奏入報

初八日卯 己駱秉章鮑起豹奏言查賊船攻破田

家鎮上竄湖北省城南北兩省唇齒相依亟宜

勦平粵匪方略卷六十四

八

調派兵勇前往援剿惟南昌被圍時經臣派撥兵勇五千八百名飭委補用道夏廷樾等帶往救援嗣聞江省圍解臣卽慮其上竄且南北兩省陸路處處可通水路相距不及千里乘風駕駛數日可到而岳州濱臨大湖爲湖南門戶水陸交衝最爲緊要臣等現已陸續派撥兵勇一千一百餘名分起前赴岳州交該府賈亨晉等

統帶就近察看地勢駐紮堵禦仍隨時察看如
兵力尙屬不敷或須豫調備撥臣卽就近飛咨
廣東雲貴等省選調弁兵來楚聽候調遣奏入
上諭曰楚南防堵情形尙可稍緩前已有旨令湖南撥
兵勇協濟湖北若湖北賊匪殲滅湖南自可無虞務
須不分畛域統籌大局不可祇顧一省

同日

欽定剿平粵匪方略卷六十四

九

上命軍機大臣傳諭僧格林沁曰昨據勝保奏催兵未
到西北空虛當諭知僧格林沁飛咨多爾濟那木凱
達洪阿迅速赴津會剿是否現已趕到與賊接仗此
股賊匪必須及早併力合圍悉數殄滅若任其乘虛
他竄剿辦更難得手著僧格林沁卽行嚴督官兵扼
要截剿與勝保等四面兜擊此時事勢喫緊不可有
一處稍鬆若何路再有竄逸朕必將何路帶兵官治

罪如多爾濟那木凱達洪阿沿途藉詞逗留貽誤卽
著嚴行參奏

同日刑部奏言本年九月初八日內閣奉

上諭訥爾經額統轄全省貽誤事機厥罪尤重著卽拏
問由桂良派員解交刑部治罪等因茲於十月初七
日經直隸委員將訥爾經額解送到部伏乞

欽派大臣會同臣部審訊奏入得

欽定剿平粵匪方略卷六十四

十

旨著派惠親王軍機大臣會同刑部審訊

初九日庚辰僧格林沁奏言准慶祺咨報於初七

日帶兵已進泊隔淀隄口門聞距獨流四五里
有匪分踞卽令弁兵向前開礮進攻擊翻賊船
二隻斃賊約有百名餘匪藏匿不出臣於初六
日移營王慶坨飛札達洪阿迅速來營合力堵
截適達洪阿已帶兵在獨流對直二十餘里之

癘柳村屯紮當卽知會勝保令其帶同奕紀兵
勇迅卽進剿惟大清河南岸皆水直通下西河
之萬店隄現已委員改裝易服前往查看並調
取天津船隻令由西沽前來大清河卽令達洪
阿在水路紮營橫截會剿

同日勝保奏言臣馳抵天津後探得該逆在獨
流鎮運河南北復紮木城又聞進踞楊柳青兩

聖朝方略卷六十四

十一

岸用木板填塞巷口欲圖占踞因卽督帶官兵
五百名並奕紀所帶京營及古北口兵一千三
百名先行進剿惟馬隊俱在靜海水路不能調
來適副都統佟鑑管帶銅礮趕到並鹽政文謙
亦願帶勇協助臣於初七日卯刻督兵迎剿傳
令固原正定隊伍先行京營及天津壯勇隨後
接應甫至楊柳青地方卽見四處起火煙塵障

天船桅數十停泊河干賊眾搬運糧石上船臣
卽督令我兵分抄疾進並派奕紀帶勇督兵在
前飛催不准停足將其所築木壘兩段拆毀一
齊擁入街口該逆措手不及我兵槍礮齊施殺
死賊匪二百餘人落水淹斃者甚多生擒十餘
名並奪獲賊船十二隻起獲火藥糧米刀矛旗
幟器械等件該逆馬隊百餘名沿河向南先逃
時已薄暮卽在楊柳青街外紮營連夜飛調達
洪阿多爾濟那木凱前來會剿不知何時能到
復迎提臣所謂靜海得力官兵令其飛由上西
河繞至以便星速前進或將獨流之賊先滅卽
可合兵靜海或靜海之賊先破卽可會剿獨流
總之以速爲妙均奏入

聖朝方略卷六十四

十一

上命軍機大臣傳諭僧格林沁曰本日據勝保奏稱賊

匪由獨流偏近楊柳青該大臣不及待兵到齊先行
進剿獲勝現在紮營楊柳青街外飛調達洪阿等官
兵前進等語該逆復經痛剿退回獨流與靜海城內
之賊互爲援救非大兵迅速會集兜擊恐其窮極思
竄達洪阿既已趕到著卽趨赴勝保大營聽候調度
萬不可令在遠處屯紮坐失機會其天津西北一帶
應如何分撥官兵扼要嚴防並著該大臣妥速布置

欽定剿平粵匪方略卷六十四

十三

毋任逆匪乘虛他竄

上又命軍機大臣傳諭勝保曰逆匪由獨流竄擾楊柳
青經我兵截剿賸有餘賊向南逃去自係竄至靜海
獨流等處此次接仗該大臣督率奕紀文謙所帶兵
勇赴剿各路會合之兵何以尙未趕到本日據僧格
林沁奏慶祺已進泊隔淀隄口門距獨流四五里達
洪阿現在獨流對直二十餘里之癩柳村地方屯紮

候船著該大臣飛速迎催督同進剿以便與靜海池
南西凌阿善祿所帶之兵水陸夾擊此時逆匪在獨
流蟻聚必須合力兜圍殲除淨盡達洪阿所帶之兵
均係勁旅可期得力務卽迅提前進毋任延緩

同日台湧奏言臣接據張廷彪稟稱該員帶兵
行抵漢川逆匪已於十八日布滿漢陽漢口江
面阻塞不能前進並揚言有上竄荆襄之說臣

欽定剿平粵匪方略卷六十四

十四

查漢川距省較近該處毗連孝感黃陂尙可繞
道前進飭令趕到省垣伏思省垣根本重地又
經賊匪竄擾自應馳往攻剿一面飛催頭二隊
滿兵一面行調提標兵五百名派都司葉永泰
管帶鄖陽鎮標兵八百名派遊擊翟萬林管帶
馳赴安陸聽候調遣藉可遏賊北竄襄樊之路
又接據協領秀岱稟稱賊匪已至沌口現欲上

竄荆郡等因查沌口係自湖出江口隘該處既被賊占勢難飛越而荆州喫緊更應豫為準備即將由外江行走之三四隊官兵八百餘名飛咨兩翼副都統星速截回會商分布荆州迤東南北一帶擇要防堵復飛調宜昌鎮標兵五百名馳赴荆州交署荆宜施道李卿毅會同兩翼副都統督飭在城文武密布防守臣隨將到齊之五隊滿兵四百餘名取道帶赴安陸府並檄頭二隊滿營官兵八百餘名無論行抵何處即行折赴安陸臣到安後催齊提鄧二標兵一併由安陸繞道帶往省城相機應援奏入

聖學聖方略卷六十四

十五

上命軍機大臣傳諭台湧曰賊匪偏近武昌該將軍帶兵由安陸繞道前行以為省城應援自應如此辦理惟據奏賊船布滿江面並有上竄荆襄之說是荆襄

一帶情形亦甚喫緊著該將軍酌量緩急如能前往武昌即行赴援如江路梗阻不能即抵省城可於江北要隘地方遏賊北竄並嚴防荆襄等處勿令賊匪乘虛紛竄

同日吳文鎔崇綸奏言查該逆於九月十八日連檣直上省城迤北之塘角江面泊有逆船百數十隻對江漢陽府城外及漢口鎮兩岸約共

聖學聖方略卷六十四

十六

有大小賊船六七百隻臣等明知城中兵勇不滿三千惟援兵既猝不能至田家鎮散逃餘卒又一時招集不來即署臬司唐樹義帶赴廣濟之二千兵勇江面為賊船所阻亦急切不能趕回自以堅守待援為是臣等登陴嚴守該逆於十九二十兩日將塘角所泊之船全行開至漢陽城外及漢口鎮兩岸停泊肆行焚掠火光徧

江晝夜不絕幸數日來自江西赴援興國州田家鎮之兵勇陸續趕至省城者約二千餘名於城上垛口布置稍爲周帀急盼臬司江忠源收集餘衆及署臬司唐樹義率帶征兵剋日旋省以期紮營城外爲內外夾攻之計奏入

上命軍機大臣傳諭吳文鎔崇綸曰賊船乘風竄泊武昌迤北之塘角江面旋駛往對江漢陽府城外及漢

聖朝方略卷六十四

十七

口鎮兩岸肆行焚掠該督撫等現已入城堅守著卽督同在省文武將現到之兵勇妥爲布置臬司唐樹義前已帶兵行至黃陂本日復飛諭該員星速帶兵回省以資堵剿能否覓船徑渡並著吳文鎔等設法派員迎催前進其從前救援江西之湖南候補道夏廷樾所帶兵勇數千名尙未撤歸著該督等迅卽飛咨張芾飭令該道卽日帶兵赴援萬勿稍誤事機

上又命軍機大臣傳諭江忠源唐樹義曰該逆已將停

泊省城塘角江面之船全行開至漢陽城外及漢口鎮兩岸計船約有六七百隻該督撫等登陴固守雖江西赴援兵勇到有二千餘名兵力尙單省垣危急唐樹義係本省臬司所帶各兵尙可得力卽著設法迅速繕赴省垣協同防守前經疊諭舒興阿帶兵由河南直赴楚境會剿不日卽可趕到江忠源現係安

聖朝方略卷六十四

十八

徽巡撫皖省現在情形亦甚喫緊此時台湧若由荊州帶兵已抵安陸則江北一帶有員駐紮尙可相機策應著該撫斟酌緩急仍以速赴新任爲是皖省自集賢關失守後安慶賊蹤已有北向廬州之意池州又復被賊占踞朕心殊深懸繫諒該撫必能通籌全局先其所急也

初十日辛巳慶祺奏言初六日晚行抵潯頭鎮距

獨流十八里南有長隄一道名曰隔淀隄沿隄東行至壩臺之第八鋪地名獨流大橋有賊匪掘開口門數處距獨流不過四里適中一小村名曰第三府該逆分踞其間槍奪船隻擄掠婦女居民均已逃散臣於初七日清晨進泊隔淀隄口門即令副都統松玉署遊擊冷慶帶領官兵向第三府進攻該逆槍礮齊發我兵用連環

聖朝方略卷六十四

十九

礮將第三府之賊擊落水中多名並擊翻賊船二隻斃賊約百餘名賊退入獨流鎮內藏匿不出是日申刻又復接仗我兵開礮轟斃賊匪數十人內有穿黃衣者二人本日遙望豫河之內往來檣帆不斷自係與楊柳青逆賊互相聯絡並聞該逆仍有竄天津之意此時甫屆立冬河未結凍急宜設法會勦臣已咨商僧格林沁勝

聞

保文謙約定日期同時會勦使賊首尾不能相顧庶可聚而殲旃奏入報

十一日壬午和碩恭親王奕訢戶部尚書孫瑞珍

會同刑部奏言已革山西巡撫哈芬解送到部奉

旨令臣等會審臣奕訢並面奉

聖朝方略卷六十四

二十

諭旨問哈芬接到解京旨意因何遲延到京與郭夢齡因何意見不合會寄信辦理捐輸因何欲歸行營辦理臣等隨於初十日會同監提哈芬當堂訊問據哈芬呈遞親供內稱會親至太行山防勦賊匪不敢覬覦及聞垣曲失守潞安等處有賊溷跡即帶兵沿途馳勦並無退縮不前情事此皆藩司有心陷害陰謀肆毒至奉

旨解京僅在大同候信一日因捐輸保薦等事駁斥郭夢齡以致意見不合郭夢齡不發軍餉是以將捐輸解歸行營惟平陽垣曲等府縣雖經收復未能先事豫防祇求從重治罪等語所有審明哈芬親供謹據實覆陳奏入

上諭內閣曰哈芬身任大員當賊匪竄入晉省不能豫防已有應得之罪况軍務正在喫緊之際尙負氣爭

欽定剿平粵匪方略卷六十四

三

能與郭夢齡互參亦屬見小忘大意見鄙狹至供稱該藩司有意誣陷更不成話一巡撫呼應屬吏不靈可見平日整飭無方伊覺非伊之咎正不知是伊之大負委任處也餘款曉曉置辯不足與較著毋庸議哈芬係地方大吏失守城池罪止革職但該員不知承受朕恩種種紕繆實屬糊塗之至哈芬著發往軍臺效力贖罪

同日勝保奏言查該逆狡譎又善狂奔非設法合圍使其無路可走不能悉數滅盡現在該逆踞住靜海獨流二處相距十八里意欲分我兵勢不能合圍臣已將東南布置周妥囑令西凌阿善祿嚴加堵剿不可令其竄逸臣因至天津布置一切咨令慶祺進駐獨流西北傍水紮營用礮轟擊使其不能竄出並派經文岱帶兵五百名赴甲口一帶紮營以杜西竄臣督兵由楊柳青進至梁王莊地方駐紮以便督率圍剿其下西河及南窪空曠之處有天津雇募打牲槍排船隻甚爲得力臣已調取五十餘隻分撥暗伏堵截如此布置似不致再有竄逸現又調入千斤五千斤大礮二尊由水路運至大營以備攻勦木城之用奏入

欽定剿平粵匪方略卷六十四

三

上是之

勝保又奏言慶祺係奉

旨歸臣調度之員其現駐之隔定隄地方亦係臣派令

諸勦並指示安營之所如有逆匪竄出用礮轟

擊迫初七日臣進兵攻擊楊柳青賊匪慶祺亦

斃賊多名並未咨報臣營先由僧格林沁具奏

查臣營與慶祺相距甚近並非聲氣難通臣奉

聖恩訓飭諸臣總以



命責成辦理直省軍務統籌全局斷不敢稍涉偏私若

各存意見則軍心不能齊一於事無濟惟有仰

懇

聖恩訓飭諸臣總以

國事為重使臣事權歸一不致掣肘庶可早滅妖

氛

臣等又奏言查初九日達洪阿帶兵七百餘名

來營據稱委係奉僧格林沁札調截留各處分

防往返奔馳兵疲馬乏此次前來亦非僧格林

沁本意達洪阿不敢有違

諭旨等語臣思該員既為人牽制事出有因已囑令其

速調鍋帳馬匹前來以便隨同進剿奏入

上命軍機大臣傳諭勝保曰逆匪占踞靜海獨流二處

現經勝保派撥官兵募備船礮嚴密布置剋日圍攻

聖恩訓飭諸臣總以



惟在帶兵各員聽受調遣合力兜擊自不難殄滅賊

氛迅速藏事侍郎慶祺副統都達洪阿等均係歸勝

保調度之員慶祺初七日擊賊情形何以並未咨報

著該大臣嚴飭該侍郎務當協力同心毋得任意藐

玩自干罪戾達洪阿疊次降旨催令赴勝保軍營至

今始帶兵七百餘名到營實屬遲延此次姑免深究

其未到之兵千餘名已諭僧格林沁嚴催前進仍著

勝保飛速調撥至多爾濟那木凱之兵應如何分撥
催調著該大臣斟酌辦理此股賊匪既責成該大臣
勦辦一切調度朕斷不爲遙制若諸將觀望遷延任
意遲誤必致又蹈懷慶故轍畿輔重地豈容再有貽
誤儻有不遵調度致失期會者該大臣一面奏聞一
面卽以軍法從事

上又命軍機大臣傳諭僧格林沁曰該逆分踞靜海獨

欽定剿平粵匪方略卷六十四

三

流二處意欲分我兵力必須大兵雲集四面合攻方
可一鼓殲除著該大臣將達洪阿未到之兵一千餘
名飭令趕赴勝保軍營以備調撥毋再遲誤此時自
以速殄逆匪爲要若前路進勦得手則後路防守自
可無虞該大臣與勝保共辦一事務須仰體朕心合
力同心肅清畿輔以副委任

同日奕經奏言查賊紆青所募壯勇俱隸徐屬

銅沛蕭場等處一切技藝甚爲可觀茲奉

諭旨賊紆青以通判留於安徽補用該員仰沐

殊恩愈形感奮惟據稱自辛丑會試回籍後已閱十餘

年現尙有志觀光不敢驟邀官職言詞懇切可

否請

旨先行賞給通判虛銜仍留徐州管帶壯勇以資防禦

奏八

欽定剿平粵匪方略卷六十四

三

上諭內閣曰前有旨將舉人賊紆青以通判補用茲據
奕經奏稱該舉人願赴會試不敢遽邀官職賊紆青
著賞給同知銜仍令管帶壯勇以資防禦所有前次
賞給通判留於安徽補用之處著卽註銷

十三日甲勝保奏言據探逆匪踞靜海城者不

過十之二三其賊目並賊衆馬匹船隻皆聚獨

流兩處深溝高壘暗埋地雷意欲牽阻我兵苟

延旦夕臣萬分憤激因抽調靜海軍營出仗得力之固原等兵一千餘名由下西河乘舟繞道前來並達洪阿帶到之兵七百名於十一日辰刻列隊前進直抵獨流賊巢該逆於土牆穴中施放槍礮意在固守不戰臣將調到天津之八千斤五千斤大礮架向木城轟擊逆匪遂分股傾巢撲出臣派天津正定官兵在西岸攻打前敵令達洪阿帶兵接應天津固原河州西甯宣化官兵在東岸攻擊奕紀帶兵接應臣居中親督調度奮前衝殺西岸出賊二三百名即為達洪阿等擊敗東岸賊匪擁出甚眾經各路官兵槍礮齊施斃賊不下二百餘名賊見我兵並無馬隊因從東面擁出馬隊數百衝入河州隊中欲將天津各隊圍裹在內臣在東隄望見賊旗

聖朝方略卷六十四

三

甚近親帶吉林黑龍江馬隊二百餘名列成部伍向東飛奔殺入河州天津各兵亦各奮力抄擊槍斃穿黃馬褂賊目一名奕紀亦帶兵一齊掩殺臣又飛調佟鑑所帶銅礮從旁轟擊賊眾不能相顧紛紛傷斃落馬古北口提標兵日海騰雲奮勇撲入林中先將乘黃轎之賊用槍擊斃外委虎世德又槍斃黃轎中指揮逆眾之賊目我兵齊將賊轎打碎但未知賊目為誰乘勝追殺直撲土壘統計傷斃賊匪五六百名該逆屢經痛創自當膽落氣喪臣已飛調馬匹星夜來營並商令西凌阿善祿在靜海盡力攻剿臣擬移營逼近賊壘晝夜攻打儻能設法奪回獨流使全股竄入靜海城中或靜海餘賊併入獨流兩面夾擊以期剋日殲除奏入

聖朝方略卷六十四

三

上命軍機大臣傳諭勝保曰該大臣大營偏近獨流此
次痛加勦洗賊膽已寒正當乘此機會盡力攻擊或
先行收復獨流或分兵並取靜海該大臣相機調度
卽行勦辦所有馬隊各官兵著卽飛催前進並督飭
各路帶兵大員四面圍攻務將此股逆匪殲除淨盡
如能將靜海城內股匪飭令西凌阿善祿與獨流官
軍同時攻打俾該逆兩處不能互相救援勦辦更當

聖朝方略卷六十四

无

得手該大臣疊受朕恩與軍士誠意相孚定能計出
萬全剋期奏捷慶祺經文岱所帶礮船應如何聯絡
接應之處仍隨時酌量布置擊斃乘輜賊目係何姓
名可於生擒賊匪內訊供具奏

上諭內閣曰此次進勦逆匪我兵馬匹尙未到齊當賊
衆衝入河州隊中欲將天津各隊圍裹勢頗兇悍該
大臣揮衆督戰各隊官兵人人用命奮力攻擊遂致

賊衆披靡殲戮甚多覽奏實深嘉慰著發去黑狐鞍
馬褂一件珊瑚豆大荷包一對交勝保祇領該大臣
卽督率達洪阿奕紀佟鑑及慶祺經文岱所帶官兵
礮船四面兜圍將獨流逆匪悉數殲除並與西凌阿
善祿等將靜海逆匪一律殄滅以靖畿疆

聖朝方略卷六十四

三

同日工部左侍郎呂賢基署安徽巡撫布政使
劉裕鈺奏言本月初六日據張熙宇稟稱初三
日探得賊匪時在關內附近村莊擄掠財物並
高紮木臺宣講偽書等情張熙宇卽會商總兵
恆興等帶兵進關前往掩捕並飭前署懷遠縣
楊昌拔等隨後接應均於午刻到齊該匪見我
兵猝至舉旗招集城外賊匪約千餘人併力抵
禦經兵勇等擊斃百餘名該匪立時潰散我兵
分投追勦擊獲長髮賊七人斬殺數十人該匪

竄入城中閉門不出我兵即將木臺燒燬於西刻收復集賢關惟關南屋宇無存兵勇帳房又復散失勢難駐紮臣等相度情形飭令分守冷水鋪練潭等處節節布置以杜北竄之路查張熙宇等前次接仗雖經退敗而此次鼓勵兵勇收復集賢關頗為迅速所有張熙宇恆興松安楊昌拔等可否以功抵罪之處出自

聖恩奏八

三

天恩奏八
上諭曰張熙宇等此次尙屬出力然賊眾並未大受懲創仍著督催進剿若果倍加奮勉不但開復處分頂戴猶應分別加恩是時若即行開復未免過優

欽定勦平粵匪方略卷六十五 癸丑年

十月十四日乙酉吳文鎔崇綸奏言查賊匪自攻破田家鎮大營後連陷蘄州黃州等府縣復竄踞漢陽漢口省城防兵單弱無從追剿臣等心急如焚因臬司江忠源署臬司唐樹義已統大兵返駐黃陂距漢陽僅八十餘里即經疊飭該司等星夜進兵急攻漢口漢陽兩處賊巢以恢

聖恩奏八

一

復重鎮為保護省城之計茲據該司等稟稱探聞賊匪有分擾德安之信已撥兵一千往援該司等自應仍統大兵先攻漢陽掃蕩賊巢則省城轉危為安迺計不出此竟統率全軍紆道前赴德安迎擊分股竄匪舍賊巢不剿置省垣不顧轉稱北顧為重殊不知武漢之咽喉不通即南北之血脈不貫長江劃斷天下事尙可言耶

相應請

旨飛飭江忠源唐樹義等迅掃漢陽賊巢藉保武昌危城以免南北梗阻

同日陸應穀奏言據署南陽府知府顧嘉蘅等先後稟報湖北賊匪於九月十八九等日由漢陽分爲兩股一竄嘉魚之牌洲一竄蔡店窺伺德安江面灣泊賊船約有二千餘隻現在圍攻

欽定剿平粵匪方略卷六十五

二

武昌文報不通並稱孝感已被占踞黃陂漢口均有賊匪等語臣查信陽羅山距黃陂等處止百數十里情形最爲喫緊統計前後調防官兵僅八百餘名實形單薄現復札飭汝甯府知府廖姓添派鄉勇五百名馳赴信陽羅山一帶扼要駐紮令與官兵協力堵禦至南陽緊接湖北襄陽近聞賊有欲擾荆襄之謠該處防堵亦極

緊要此時南陽鎮臣柏山已由固始帶兵折回宛郡經臣咨會令與該府顧嘉蘅商酌籌辦自可相機守禦均奏入

上命軍機大臣傳諭吳文鎔崇綸曰逆匪占踞漢陽江面梗阻此時自應急攻漢陽以制賊勢江忠源現已諭令暫留湖北督帶兵勇進剿漢陽賊匪並令唐樹義設法渡江與該督撫等合力守禦台湧自荊州帶

欽定剿平粵匪方略卷六十五

三

兵赴援不知現抵何處前已疊降諭旨令舒興阿由河南馳入楚境督兵援應本日復催令前進計日當可趕到夏廷樾所帶兵勇數千已諭張芾飭催該員迅赴武昌會國藩亦可由湖南帶勇赴援該督等嬰城固守惟有激勸將士兵勇盡力捍禦以待援兵上又命軍機大臣傳諭英桂曰湖北逆匪由漢陽分爲兩股一竄嘉魚之牌洲一竄蔡店窺伺德安江面賊

船約二千餘隻孝感已被占踞黃陂漢口均有賊匪河南信陽羅山距黃陂等處百餘里統計防兵僅八百餘名兵力實形單弱已諭令舒興阿由河南帶兵直赴楚境剿賊計由汴梁前進該撫此時已抵豫境著卽馳赴楚豫交界為舒興阿後路接應柏山已由固始折回南陽並著該撫體察情形何處緊要相機調撥毋令賊匪得以北竄

聖學匯方略卷六十五

四



五

上又命軍機大臣傳諭舒興阿曰湖北賊匪探由漢陽分為兩股一竄嘉魚之牌洲一竄蔡店窺伺德安江面賊船圍攻武昌情形危急須先將漢陽一帶賊匪剿除方可杜北竄之路並可解省城之圍舒興阿計已行抵汴梁著卽帶兵確探賊蹤迎頭截剿前在懷慶留防之王定莖管帶官兵五百八十名卽著交舒興阿軍營酌量調遣郝光甲所帶之兵前有旨令調

至該督軍營著卽飛速催調勿任遲延

上又命軍機大臣傳諭江忠源唐樹義曰前因安徽地方緊要諭令江忠源前赴新任現在安徽集賢關業已收復巢縣賊匪退去皖省情形較緩而楚北賊勢猖獗江忠源著暫留湖北統帶兵勇迅赴漢陽一帶直搗賊巢此時省城望援急迫若我兵攻克漢陽亦可牽制賊勢以解省圍唐樹義係本省臬司仍應設

聖學匯方略卷六十五

五



五

法渡江與該督撫等併力守禦此時德安情形如不甚喫緊自應移兵先其所急舒興阿由河南帶兵入楚江北諸郡當可聲勢聯絡遏賊北竄總以統籌全局保衛省垣為要

上又命軍機大臣傳諭張芾曰逆匪竄踞漢陽一帶武昌省城勢甚危急著張芾迅速飭令夏廷樾將前所帶兵勇盡數帶往應援武昌如該員業已啟行無論

行抵何處著卽飛催前進毋稍延誤

上又命軍機大臣傳諭劉裕鈔曰賊踞漢陽漢口省城困守勢甚危急已諭令江忠源暫留湖北督帶兵勇迅速援剿現在皖省防剿事宜著劉裕鈔會同呂賢基及署藩司袁甲三悉心籌畫嚴密布置萬勿稍有疏虞並著與奕經隨時知照總以力遏賊匪北竄爲要

欽定剿平粵匪方略卷六十五

六

同日

上命軍機大臣傳諭奕經王履謙楊以增長臻英桂崇恩曰黃河爲南北要隘必應認真巡查著奕經王履謙楊以增長臻英桂崇恩督飭河工地方員弁實力巡查收集船隻勿令奸細潛跡偷渡沿河地方遼闊兵力或有不敷仍須勸諭近河地方紳民團練幫助官兵緝拏奸匪嚴查口岸船隻務使兵民聲勢聯絡

匪徒無隙可乘如有稽查不嚴致奸細偷越及逃匪搶渡之事必將該處地方文武卽行正法該侍郎督撫等尤當不分畛域一體稽查毋得稍有推諉

十五日丙戌勝保奏言十三日卯刻臣親督天津

正定河州宣化西甯各隊分三路齊進見逆衆盡在南面臣卽飛調天津河州隊伍繞至南隄與賊相對之處先行撲入由靜海調來托明阿

欽定剿平粵匪方略卷六十五

七

魁福馬隊卽令列於東南以備抄截我兵甫經進攻賊礮密如雨下我兵亦奮勇回擊達洪阿復帶領健銳火器兩營兵弁一齊上攻逆衆旗倒馬奔屍相枕藉臣又令佟鑑用銅礮從東向西橫擊經文岱松玉在下西河堵截亦帶礮船接應同時夾攻鹽政文謙率領編修蕭培元等督放大礮逆衆奔回木城緊閉柵門其未及奔

入之賊均被我兵擊斃奕紀在西岸先用擡槍擊斃賊匪數十名復開放八千斤大礮轟燬賊營望樓又用炸礮打入統計斃賊千有餘名惟逆眾喪敗之餘窮極思竄西面湖水空闊一望無際除慶祺駐兵防守外又經僧格林沁派兵四百名前往協防臣復派副將邱聯恩帶兵二百五十名並抽撥天津兵二百名駐紮防剿並

聖恩方略卷六十五



咨令西凌阿善祿抽派

盛京官兵三百名往下西河空闊處所堵截計靜海城中所存賊匪無多如能早日收復合兵進攻獨流尤易得力奏入

上命軍機大臣傳諭勝保曰逆匪在獨流一帶負隅固守此次又斃賊千有餘名賊勢日見窮蹙該大臣因西面湖水空闊添兵扼堵又催西凌阿善祿進剿靜

海賊匪以分賊勢布置均合機宜惟賊情詭譎勢又剽悍現既刻刻思竄難保不冒死狂奔務當嚴飭各路將弁兵勇嚴密堵截毋稍疏虞靜海城中賊匪無多卽飭令西凌阿善祿趕緊克復卽移營前進與獨流官軍合力夾擊不可稍涉遷延致誤事機

聖恩方略卷六十五

九

上諭內閣曰逆匪竄踞獨流負隅死守經我兵三戰三捷其勢已極窮蹙勝保調度有方各路帶兵大員及將弁兵勇均能用命深堪嘉尚著發去金鞘牙柄小刀十把銀鞘牙柄小刀十把銀鞘玉柄小刀十把小荷包二百箇火鏢十三把著勝保擇其奮勇出力者傳旨分別賞給並將疊次打仗出力之員弁兵勇查明保奏候朕施恩該大臣務卽督飭各路官兵乘此軍威迅殄羣醜毋令竄逸

同日江忠源奏言據探賊匪盤踞漢陽賊船由

漢水上駛有窺伺西北之勢旋接學臣青麐咨稱賊從涓口雲夢水陸竄犯德安又聞漢川孝感先後失守自當卽行馳救以遏北竄之路又探賊匪有由武口分股竄擾黃陂之信卽撥兵五百名留防黃陂將所餘兵丁千人派楊昌泗管帶星夜馳赴德安臣卽隨後策應行至中途探聞涓口雲夢之賊均已聞風竄回當派副將

欽定剿平粵匪方略卷六十五

十

駱永忠帶兵五百赴德安防守將楊昌泗所帶之兵調回以資攻剿旋接黃陂縣稟賊於九月二十七日竄犯該縣經張金甲帶兵督剿擊燬賊船二十八隻生擒賊匪十六名殺斃溺斃者甚多餘匪逃散臣等卽帶兵就近收復孝感擬卽馳赴漢川進攻漢陽旋聞漢川賊匪亦已聞風下竄因進至涓口紮營派員於牛湖搭造浮

橋進攻漢口十月初五日擊沈賊船三四隻奪獲大船一隻殺斃賊匪十餘人沈溺無算因無船隻不能追趕臣疊奉寄信

諭旨命臣馳赴皖省剿賊皆在臣奏報田鎮失事賊匪上竄之前現在楚北賊勢方盛唐樹義帶兵無多必須暫行幫同料理俟一二日營壘立定浮橋造成進攻較有把握臣卽遵

欽定剿平粵匪方略卷六十五

十一

旨前赴安徽奏入

上諭曰已有旨暫留汝在湖北剿賊茲覽汝奏適相符合武漢最爲緊急設法分路剿洗兼杜北竄亦應防其西竄該逆匪卽時北竄患雖速尙易爲力若任其擾及秦蜀則大事無了局矣

上命軍機大臣傳諭駱秉章曾國藩曰湖北情形緊要現已有旨令江忠源暫留剿賊著曾國藩將選募擬

赴江西之楚勇六千名迅即酌配礮械籌雇船隻由該侍郎督帶駛出洞庭湖由大江迎頭截剿江面賊船肅清不特兩楚門戶藉可保衛並可杜賊紛竄豫省及秦蜀之路想曾國藩與江忠源必能統籌全局也所需軍餉仍著駱秉章迅即設法籌備

十六日 丁亥 慶祺奏言臣於十月初十日接勝保信約以槍礮聯絡之聲為號合力進攻十一日

聖學聖方略卷六十五

十二

未刻聞獨流前面槍聲不絕知係勝保進兵攻擊臣即於第三府地方先用五百斤銅礮直對獨流後面轟擊復連放五千斤洋礮直入獨流街內聞該逆營人聲驚嚷並見屋脊站立五人內有執大黃旗穿黃衣賊一人紅衣藍衣各二人均被轟倒是日午刻臣復令副都統松玉帶領官兵礮位前赴王家營督戰並僧格林沁派

到官兵四百名礮位十六尊合力攻剿該逆馬步各隊由東隄紛紛南竄經該弁兵等開礮轟斃數十人立即截回十二日松玉見該逆沿隄竄至王家營勾家營五里鋪三處紮營盤踞即於午刻督率官兵奮力將王家營等處賊寨全行踏平並斃賊五百餘名內有手執大黃旗身穿黃衣者數人紅衣者十數人官軍直逼該逆

聖學聖方略卷六十五

十三

木壘詎賊由隄下潛出突放數槍適中松玉肩上並擊落一齒統計三日進攻斃賊六七百名溺斃者不計其數查點兵勇傷亡不過數人俟查明再行分別賞卹奏入

上諭曰松玉進攻受有微傷實屬奮勇著賞給玉搬指一件大荷包一對

十七日 戊子 和碩惠親王軍機大臣刑部會奏言

臣等奉

旨會同定擬訥爾經額罪名查訥爾經額奉

旨督兵馳赴河南於懷慶解圍賊匪西竄後直隸與山

西毗連各路要隘應如何周密布置乃於臨洺

關遇賊竄出山口卽退守廣平毫無籌策以致

賊匪紛竄畿疆誠如

諭旨畿輔重地較之他省更關緊要該革督統轄全省

欽定剿平粵匪方略卷六十五

十四

貽誤事機厥咎尤重應請將訥爾經額比照守

邊將帥被賊攻圍城寨不行固守而輒棄去及

守備不設爲賊所掩襲因而失陷城寨者斬監

候律擬斬監候秋後處決仍恭候

欽定奏入

上諭內閣曰已革大學士直隸總督訥爾經額經朕特

授爲欽差大臣督兵馳赴河南剿辦逆匪自懷慶解

圍逆匪西竄後所有直隸與鄰省毗連各要隘宜如

何嚴密防守乃於臨洺關遇賊竄至卽退守廣平毫

無籌策以致逆匪紛擾畿疆該革督統轄全省貽誤

事機實屬罪無可追訥爾經額著照惠親王等所擬

按律定爲斬監候秋後處決

同日向榮奏言據探十月初四日有賊船三百

餘隻由蕪湖江口竄入甯國府屬之灣沚擄掠

欽定剿平粵匪方略卷六十五

十五

米糧臣恐其擾及東壩抄我後路致驚蘇杭且

慮東壩從前派去防堵之廣東兵八百名福建

兵五百名不敷堵禦不得已抽撥兵勇二千二

百名遴委總兵德安已革提督鄧紹良等統帶

於初七日馳赴東壩先扼要隘再相機迎剿務

須遏其竄往蘇杭之路大營亦可無後顧之虞

同日徐州鎮總兵百勝淮徐道王夢齡奏言侍

郎奕經奉

命督兵駐守徐州前因患瘧在營調理詎意病日增劇

至十月十二日未刻因病出缺徐州防勦事務

臣等與恩錫暫為管理恭候

簡派大臣來徐督辦再隨員刑部員外郎恩錫是否回

京供職抑仍留徐州軍營仰懇

訓示遵行均奏八

聖朝方略卷六十五

十六

上命軍機大臣傳諭向榮曰該大臣攻勦金陵賊匪半

載有餘該逆屢次竄出擾及上游江西安徽各省是

金陵城內賊匪所存無多疊經諭令向榮迅圖克復

而江鎮兩城賊匪至今負隅師老則調遣愈難餉匱

則轉輸不繼該大臣受朕厚恩膺茲重寄坐延時日

能無愧心現在廣東撥解紅單船隻先後可以駛入

長江前論設法提赴上游遏賊江面往來之路或先

行收復鎮江翦其羽翼亦可以孤賊勢如果南岸得

手則揚城股匪便無援應更易掃除此時趕緊進攻

該大臣已不免糜餉老師之咎若再因循遲誤自問

當得何罪近日直隸賊匪經勝保連次追勦且夕可

勦除淨盡若待勝保統兵南向直搗賊巢該大臣尙

有何顏復見朕乎從前所降硃批及寄信諭旨均於

責備之中寓成全之意原以該大臣老成宿將必能

聖朝方略卷六十五

十七

為朕分憂自桂林解圍以至武昌將該逆窮追南竄

該大臣與諸將士辛苦艱難朕夙夜在心特懸不次

之賞以待奏凱酬庸乃竟於抵金陵後一味遷延不

知朕宵旰焦勞之苦是向榮無福受朕恩眷言之殊

堪憤惜如能感激愧奮速行籌攻一有克復捷音爵

賞仍不難立予也據百勝等奏奕經因病出缺著向

榮於和春蘇布通阿二員內趕派一員馳赴徐州統

帶奕經所領之兵協力防守至賊船三百餘隻由蕪湖竄入灣沚擄掠米糧難保其不擾及東壩觀觀蘇杭著卽照議撥兵馳往扼守萬勿貽誤

上又命軍機大臣傳諭楊以增百勝王夢齡曰現在皖匪未盡徐宿總扼南北之衝情形緊要楊以增本有防河之責著卽就近兼顧徐州一帶稽查防堵事宜其調兵募勇一切均遵照前寄奕經諭旨並與百勝

欽定剿平粵匪方略卷六十五

十六

王夢齡等體察地方情形相機辦理刑部員外郎恩錫係奕經隨帶之員著仍留徐州差委毋庸回京

上諭內閣曰刑部右侍郎奕經曾任尙書協辦大學士屢次獲咎經朕棄瑕錄用派令統帶官兵至徐宿一帶防剿斬獲首要匪犯多名一切布置尙合機宜前因患瘧賞假調理方冀速痊藉資倚畀遽聞溘逝軫惜殊深奕經著照侍郎軍營病故例賜卹任內一切

處分悉予開復應得卹典該衙門察例具奏

十八日己丑僧格林沁奏言查王慶坻揚芬港一

帶水路要隘均經分布官兵屯紮扼截並因獨流正西之王家口鎮乃赴大城必由之路亦經派撥官兵前往計逆匪占踞獨流靜海相距十八里之遙首尾尙能相顧我兵雖連日進攻該逆堅匿不出未必勢真窮蹙揆之逆情斷不肯

欽定剿平粵匪方略卷六十五

十九

久踞一隅臣所統勁旅又不能不儘數撥赴前敵所餘之兵業經竭力分布現在水勢潏洄逆匪設分股奔竄必能扼截惟瞬交大雪一經結凍則頭頭是道設大股蠶擁豕突卽當分兵處處攔截得力與否殊無把握惟有仰仗

天威俾前敵之軍乘時圍殄渠逆早奏膚公方稱萬全同日勝保奏言臣自十三日攻剿獲勝後連日

進仗該逆但厚加土壘深窞濠溝並將兩次進
 兵之處引水灌注泥深壘偏攻撲較難其靜海
 南面雖西凌阿善祿疊次進攻該逆堅匿不出
 尙未得手臣現將北路妥爲布置擬於日內親
 提勁旅馳往靜海或商令達洪阿突出奇兵衝
 過賊壘繞出靜海以北與西凌阿善祿併力夾
 攻奪復靜海後合兵會剿獨流庶可剋期殄滅

聖學聖方略卷十五

二十

旨飭下該營共撥運三四尊護送來營以資攻擊

勝保又奏言查十月十五日靜海逆匪在城上
 開放槍礮西凌阿善祿督率兵勇亦開大礮回
 擊轟毀城上木柵三處木城一座逆衆擁出兵

勇奮力齊撲傷斃逆匪多名該逆潛從南門撲
 出千餘人經副將孔廣順等各帶兵勇四路夾
 擊殲斃賊匪二三百名十七日派撥天津正定
 西甯三營官兵並馬隊一百餘名至靜海城北
 與西凌阿善祿合力夾攻該逆分三股蠶擁抄
 出我兵奮力回擊斃賊不少統計此次斃賊五
 六百名惟賊勢雖極窮蹙尙有五六百斤礮位
 三四十尊擡槍鳥槍數百桿是以臣擬添調礮
 位盡力圍攻不使久延時日均奏入

聖學聖方略卷十五

三十一

上命軍機大臣傳諭僧格林沁曰據奏王慶坨等處要
 隘分兵屯紮並選擇官兵添赴前敵布置甚屬周妥
 本日據勝保奏稱現擬分兵先攻靜海等語逆匪分
 踞獨流靜海築壘窞濠負隅死守勝保擬攻靜海以
 分賊勢惟獨流係賊衆屯聚之所儻我軍向南攻勦

靜海而獨流之賊乘虛竄出不可不防該大臣駐紮
王慶坻應否移營前進兩軍聲息不通何能取勝須
與勝保隨時知照相機接應計出萬全不使賊匪竄
逸爲要

上又命軍機大臣傳諭勝保曰逆匪分踞獨流靜海往
來奔救該大臣擬先攻靜海翦賊羽翼亦出奇制勝
之一法惟北面最關緊要且由獨流至靜海更恐有

欽定剿平粵匪方略卷六十五

三

腹背受敵之虞該大臣務須籌畫萬全斷不可顧此
失彼致墮奸計逆匪堅守木城礮攻未能得力是否
可用土袋累成礮臺自高擊下或於獨流靜海之間
橫紮營盤斷賊往來接應之路總宜隨地相機妥籌
布置

同日晉康奏言查失守城池各員分賠銀米經
費據戶部奏稱如果一年數月內全完應遣戍

者應否免遣已到戍者應否釋回再行請

旨定奪等語在部臣曲爲矜全亦仰體

聖衷法外施仁之意惟守土者旣失城池所得罪名如

容贖免則廉而貧者抱向隅之戚貪而富者有

免戍之條凡不肖劣員孰不嚼比戶之膏血納

僚屬之苞苴以爲異日分賠倖免地乎賊匪越

兩湖至江南未經一戰所過地方如入無人之

欽定剿平粵匪方略卷六十五

三

境幸賴

天威震怒懲創數人始先後有汴梁懷慶之捷若藉分

賠爲名開倖免地步天下事更不堪設想矣奏

入

上諭內閣曰軍營賞罰必應嚴明守土各員果能如汴

梁懷慶之竭力守禦轉危爲安朕必優加懋賞若庸

劣之員平日旣漫無準備臨事復藉詞脫逃竟有棄

城不顧委銀米以資敵者喪心昧良實堪痛恨若復加之寬典何以整飭紀綱所有失守城池各員除將銀米勒賠外仍著各治以應得之罪毋稍寬縱

勦平粵匪方略卷六十五

二十六

欽定勦平粵匪方略卷六十六 癸丑年

十月二十一日 壬辰 向榮奏言 臣接奉

諭旨令派和春等帶兵赴江北協勦揚州自應欽遵辦

理惟臣有鑒於鄧紹良之失除和春而外一時

實難另派得力鎮將肩此重任署將軍蘇布通

阿一員老成諳練忠勇足恃原可奉派前往無

如此時大營鎮將除音德布瞿騰龍虎嵩林三

勦平粵匪方略卷六十六

一

員先後帶兵分勦外馬龍甫經病故德安現又

帶兵堵禦東壩其餘鎮將二三員僅敷調遣遇

有緩急足供臂指之使者實屬不可多得惟蘇

布通阿堪以助 臣勦賊現在紮營七橋壘在城

東南 臣紮營紫金山在城東北相距約十二三

里之遙均屬要地每有軍事彼此往來面商深

資勦助設有緊急 臣與該署將軍勢不能不分

一人駐守一人帶兵馳救以顧其所急臣思揚城固應先復然以東南大局而論尤宜急攻金陵惜臣所將兵勇僅存萬人實能出敵打仗者不過數千若再行分撥即遇可乘之機亦難操必勝之權臣與彭玉璽反覆籌商擬俟京口瓜州賊壘次第掃除恢復鎮郡再移大兵協勦揚城則該逆聞風膽落自可不攻而破臣等已調

聖皇聖方略卷十六

二

到洋銅十萬斤造成六萬斤銅礮一尊續造三萬斤鐵礮一尊該逆知我礮成頗有驚慌之意因一夜趕築礮臺豫備轟擊並密散疑函徧張白帖使各逆首互相猜疑又令兵勇數百人用噴筒火罐於黑夜或黎明數數燒其營壘該逆甚為畏懼但使大礮攻打得力臣自當督兵晝夜進剿塌穴擒渠以慰

聖懷奏入

上命軍機大臣傳諭向榮曰據奏金陵兵力現難分撥尙係實在情形著照所請和春等即毋庸前往惟該大臣等頓兵日久師老無功大江南北幾成坐困之勢現據奏稱造礮築臺豫備轟擊並布散疑函焚燒賊壘既有可乘之機著即趕緊設法圍攻迅圖克復該大臣所稱擬赴京口瓜州先復鎮郡再移兵協勦揚城之處並著隨時速籌妥辦毋稍延緩

聖皇聖方略卷十六

三

同日琦善奏言近奉

諭旨以皖省告急

命飭瞿騰龍帶兵赴援惟三汊河一旅力扼要衝所以能屢敗瓜州賊匪者實賴瞿騰龍之兵爲之援應當此圍城愈急更宜備豫不虞謀報瓜州賊匪又欲糾衆以圖再舉此正須增兵之時非可

撤兵之日也夫援皖之與駐揚同一防其北竄
然療病者必以標本分後先用兵者必以遠近
權緩急無論兵糧久已停支長途資斧無從措
辦且道途遙遠亦恐緩不濟急此間藩籬自撤
適足示弱長驕微特揚城與瓜州之賊聯為一
氣克復無期且恐四出蔓延所關匪細伏願

聖主鑒 臣血誠並非專顧一隅實欲維持全局將瞿騰

聖主鑒

四

龍之兵暫駐揚州協勦一經克復即行赴皖實
於軍務有裨奏入

上命軍機大臣傳諭琦善日前以皖省緊急諭令瞿騰

龍前往援應今皖省賊情稍緩該大臣復以瓜州緊

要為詞所奏尚係實情瞿騰龍即暫留瓜州協勦惟

揚鎮諸城久為賊踞該大臣等頓兵株守八月有餘

琦善以防賊北竄為解而賊已擾及畿輔向榮以防

賊南竄為解而賊已蔓延江西湖北安徽等處尚稱
維持全局不知何處始是偏隅現在瞿龍騰既已准
留若再不迅圖克復更從何處添兵何處籌餉耶著
琦善即督飭將弁迅速進攻萬不准再有耽延致干
重罪

同日江忠源奏言 臣本擬即日起程赴任因親
信楚勇及自江西雲南四川帶來官兵俱赴武

聖主鑒

五

昌守城是以不能剋期前往再四思維祇得與
音德布酌帶田家鎮收集之兵一千四百餘名
先行赴皖俟賊船全出楚境再飭催各起兵勇
隨後趕到正在起程間接奉

諭旨以安慶被賊占踞廬州又在危急令 臣帶兵迅赴

新任 臣即由黃陂一帶取道六安徑赴廬郡現

已差弁確探安慶廬江賊情應如何辦理之處

惟當殫竭血誠統籌全局以期仰副

聖主除暴安良之至意

同日吳文鎔崇綸奏言查漢口漢陽賊船既已開駛而安徽待援甚急升任撫臣江忠源已於本月十一日自漢口起程赴任酌帶兵勇一千四百名前往如賊船全出楚境武昌解嚴臣等即將江忠源原帶楚兵撤令赴皖以資攻剿均

欽定剿平粵匪方略卷六十六

六

奏八

上命軍機大臣傳諭江忠源曰前因賊踞漢陽武昌危急令江忠源暫留湖北該撫現已由黃陂一帶取道六安徑赴廬郡現在皖省情形亦甚緊要安慶久被賊踞仍恐該逆窺伺巢廬或與皖北捻匪潛相勾結所有防剿事宜該撫抵任後著卽統籌全局與呂賢基袁甲三劉裕鈐等隨時體察情形妥爲辦理本日

據吳文鎔崇綸等奏江忠源原帶兵勇如武昌解嚴卽可酌赴皖省該撫務當先將帶到兵勇迅速布置不可專待楚北撤回兵勇致有延誤至安徽與湖北河南交界地方均須酌度緩急相機防禦如有警急該撫仍當馳往協剿毋誤事機

欽定剿平粵匪方略卷六十六

七

吳文鎔崇綸又奏言查逆賊自攻破田家鎮大營卽連檣直上分泊漢陽漢口及省岸之塘角地方省城兵勇不過二千人賊船猝至勢甚危殆九月十八日賊衆紛紛上岸攻撲省城之武勝漢陽等門槍礮不絕俱用雲梯爬城臣等督率兵勇盡力抵禦拋擲火罐擊斃長髮賊一名擊傷賊匪二名奪獲雲梯一架各城兵勇俱奮力堵擊賊氣稍奪始行退去夜間賊復於武勝門外江邊築成營牆一片意欲紮營其時城外

民房未經拆盡故賊得以藏身 臣等當卽重賞兵丁飭令下城將其營牆拆毀用火罐燒燬民房賊於空屋中紛竄下船全行開向北岸停泊 臣等一面催提由江西赴援田家鎮之兵勇陸續到省添布城上守梁並於城東門外分撥兵勇擇要紮營以防賊匪抄襲後路一面飛檄江忠源唐樹義將駐防廣濟之兵並收集田家鎮

聖朝方略卷六十六

八

潰散兵勇馳抵漢口設法攻勦俾漢岸之賊殲除則省城之圍自解江忠源等行抵黃陂因賊已由漢川孝感北擾德安遂提兵赴援德安中途探知賊匪未至德安漢川孝感之賊仍竄回漢口江忠源等復帶兵南指此十數日內該匪將漢陽府城內焚燬殆盡又分股駕船於距省上下數十里沿江村鎮及湖汊河港內村鎮肆

行搶掠飽載而回以漢口爲巢穴以船隻爲營壘復於夜間明火擊鼓爲渡江撲城之狀 臣等憑城目擊因無船無兵不能分撥痛勦不得已派知府伍煜等帶奮勇兵壯各十餘人覓得小划船數隻藏帶火具黑夜潛渡過江焚其船隻因該逆船隻均間段灣泊不及延燒前後止焚燬其大小船數十隻並焚其岸上收糧房屋一

聖朝方略卷六十六

九

所又先於九月二十七日股匪駛入黃陂內港欲撲縣城適已革副將張金甲帶兵四百餘名在彼駐防得信後卽率弁兵並激勵鄉民數百人迎頭截擊擊沈賊船二十五隻焚燬二隻斬首三十餘級生擒二十一名餘匪駛出外江逃歸漢口十月初五日江忠源唐樹義帶兵進紮漢口距漢口不過數十里是夜二更後該匪忽

張帆開礮往下游駛去至初六日黎明所有漢陽城外及漢口河內停泊賊船全數開去江忠源等卽派守備劉富成督兵施放擡礮擊沈賊船數隻餘船駛向中流劉富成率荊州水師兵丁鼻水扳翻賊船四隻淹斃賊匪一百餘人牽獲賊船一隻生擒賊匪十二名是日申刻又有賊船數十隻回竄至漢口下數里地方停泊適

欽定剿平粵匪方略卷六十六

十

伍焜帶勇數百名至漢陽漢口一帶查勘收復事宜趕卽馳赴江干督率壯勇施放槍礮擊斃十數賊該匪等情急開至中流向下游駛去連日差探賊船或一二百隻或數十隻在距省六十里之陽邏以下至黃州一帶靠北岸停泊賊情詭詐難保不乘間回竄我兵苦無船隻無從追剿而省城防守猶當加倍嚴密臣等一俟雇

有船隻當卽選派將弁追赴下游以剿爲堵遏其回竄之路

同日舒興阿奏言臣查歸德府屬爲豫省東路門戶地勢平衍無險可扼須多派官兵駐守該處現有徐廣縉督帶陝甘並本省兵二千二百餘名練勇五百名駐紮南陽府與湖北荆襄接壤該處有南陽鎮總兵柏山駐紮前已知柏

欽定剿平粵匪方略卷六十六

十一

山徐廣縉督飭將弁兵勇嚴密防堵新任河南撫臣英桂現已到任該撫擬卽出省前往督辦其應否尙須添兵之處臣等隨時咨商辦理其汝甯府屬之信陽州爲楚豫交界要區原駐防兵因匪蹤遠竄業經裁撤現有陸應穀於陳州防兵內撥往三百名並飭汝甯府廖姓帶勇五百名前往又調前駐澠池等處副將錫普常阿

等帶兵五百餘名協防臣覈計兵力尙形單薄應俟由直隸調回豫省之副都統綿洵總兵桂齡等所帶陝甘兵一千七百餘名到後卽行酌量派往至陳州府屬爲南北通衢與光州等處連界僅駐有山西兵八百餘名並陸應穀續調駐紮衛輝府之署副將春明等所帶陝甘官兵四百名共計一千二百餘名尙難得力其沈邱

聖朝方略卷六十六

十一

項城二縣均與江南之太和縣接壤時有皖豫捻匪滋擾該府南接汝甯直達信陽東界安徽之蒙城亳州東北又與歸德府接連實爲適中之地尤關緊要應於此處擇險駐兵以杜竄越查前調之副都統綿洵總兵桂齡並奉

旨飭回仍由臣調遣之總兵郝光甲等所帶官兵一時斷難趕到現值防堵喫緊之際自應就現到之

兵一千八百餘名先行帶赴陳州駐紮以爲各路援應兼防楚皖逆匪北竄之路臣於初七日行抵省城原擬略爲部署卽行前進惟沿途車馬不齊兵行實難迅速兼因渡船撤收後南北兩岸僅存船六隻隨臣前後行走官兵二千三百餘名經臣飭催趕緊輪流過渡始於十五日陸續催到一千八百餘名其後起漢中兵五百

聖朝方略卷六十六

十二

名及前飭由洛陽改道之河州兵五百名迄今未到臣因豫境防堵萬分喫重先將現到官兵令於十六日由省分起馳赴陳州駐紮一面仍飛飭未到官兵迅速前進以備調撥均奏入報

二十二日 癸巳 桂良奏言 臣前奉

諭旨以饒陽縣辦理團練認真飭令查明請獎當經飭

查茲據饒陽縣知縣秦聚奎稟稱本年正二月間率同教佐各官將保甲一律查竣諄勸各村紳士齊心團練互相保衛共練勇一萬四千餘名該縣置備器械親加訓練分布城鄉防守逆匪竄踞深州本有窺伺饒陽之意被該縣拏獲奸細訊明正法賊遂由深州竄出不敢犯境其團練經費該縣倡捐制錢三千串各官紳亦出力助餉開列姓名稟報前來臣查秦聚奎辦理團練具有成效洵宜仰沐

欽定剿平粵匪方略卷六十六

十四

恩施可否

賞加四品頂戴以直隸州知州儘先升用署典史袁文潮請以主簿遇缺卽補教諭張惠立訓導李文炳請以應升之缺卽行升用均出自

天恩其餘捐貲出力紳士另繕清單恭呈

御覽奏入

上從之

同日青麇奏言查賊匪盤踞湖北者一股盤踞九江者一股盤踞安慶者一股盤踞金陵者一股是大江一帶均被占踞且我處之地利人心均被賊匪周知至於賊匪呼吸一氣無隙可乘卽如臣駐德安距省二百餘里現自省以上之

欽定剿平粵匪方略卷六十六

十五

金口自省以下之清山對面之漢口三處均被占踞防禦極爲周密推之安慶不問可知且聞自漢口以上至長江埠一帶居民盡爲裹脅情形甚屬狡猾爲今之計惟有三省合攻方可得力而合攻之才非江忠源不可非會同湖北江西督撫不可蓋江忠源之兵千人一心各督撫再爲揀選良將精兵並軍需一切均歸調度方

能展其所長不至掣肘此合攻之人宜慎也至合攻之法非由湖北而江西由江西而安慶不可蓋由湖北江西設法尾追令其全入蕪湖關然後用重兵將蕪湖認真扼守令賊無回竄之路卽趕緊咨會提督向榮極力攻剿如此則四面合圍雖數萬之賊可盡撲滅此合攻之法宜密也否則江忠源徑赴安徽則湖北必失湖北

欽定四庫全書 欽定方略卷六十六

十六

一失則取江西更易賊得統兩省裹脅之衆以圖北犯雖有智者不能爲之謀矣應請

飭下江忠源密商湖北江西各督撫揀選精兵進剿仍於各該省之要隘處處防守以備接應而蕪湖關一處尤非重兵不能扼守也奏入

上命軍機大臣傳諭青麀曰昨據江忠源奏賊船下竄武昌解嚴已由黃陂一帶取道六安徑赴廬郡當卽

諭令該撫抵任後仍當於湖北河南交界地方相機防禦現在逆船雖經下竄尙在黃州一帶往來不可不嚴加防範青麀現在考試德安著於試畢後暫任該府所有江北等處卽著該學政會同臬司唐樹義督率地方文武員弁實力防剿並勸諭紳民廣爲團練仍隨時知照英桂江忠源一體嚴防以遏賊北竄之路

欽定四庫全書 欽定方略卷六十六

十七

同日呂賢基劉裕鈐奏言臣賢基在舒城籌辦團練據已革按察使張熙宇稟稱十三日夜大雨如注安慶賊匪於子時襲冷水鋪德成營盤另一股越過練潭撲入松安營中各營兵力單薄賊來愈衆兵勇敗退賊匪直竄入桐城南路意欲乘機入城張熙宇遂由小路退守大關地方等語臣正在分飭各兵勇嚴守大關卽據桐

城文生張勳來舒面稟十四日賊匪人股已至附城十餘里經張勳等親赴張熙宇行營請發援兵張熙宇回以未接警信而賊匪四五百人已偏近南門又有一股由東門繞道衝撲各壯勇腹背受敵同時潰散回望桐城城頭已有無數黃旗分門站立縣城失守臣等聞信之下曷勝痛恨查集賢關內屋宇被燒兵勇棲止無所

勦平粵匪方略卷六十六

十六

是以飭令張熙宇及漢中鎮總兵恆興署副將松安等節節駐守冷水鋪練潭等處防其北竄乃張熙宇身統各兵經文生張勳等請救並不帶兵護城輒首先退至大關實屬恇怯相應請旨先將張熙宇從重治罪以肅軍令現在賊匪大隊既踞桐城亟須防其北竄應請旨速飭袁甲三迅帶兵勇前來舒城一帶相機進剿臣

賢基仍駐舒城號召團練嚴防北竄之路臣裕鈐籌撥兵勇設法攻勦以期克復桐城奏入

上命軍機大臣傳諭呂賢基袁甲三劉裕鈐曰賊匪大股直撲集賢關外桐城失守覽奏曷勝焦急袁甲三現在潁州著卽統帶兵勇馳赴桐城一帶相機勦辦並著呂賢基劉裕鈐督飭員弁兵勇扼要截勦以遏賊衝玉山扼守東關常清駐紮和州是否能聲勢聯絡互爲援應著該侍郎等酌度情形先其所急力籌防勦江忠源計日可抵皖省應如何調撥兵勇杜賊北竄之路並著會商籌辦毋失事機

勦平粵匪方略卷六十六

十九

上又命軍機大臣傳諭江忠源曰現在桐城失守皖省情形十分喫緊呂賢基駐紮舒城與劉裕鈐督率兵勇相機收復桐城未知能否得手江忠源計已馳抵皖境著卽統率所帶兵勇飛速前往並調撥皖省兵

勇合力防剿既須防捻匪之勾結尤宜於扼要處所杜賊北竄之路

上又命軍機大臣傳諭楊以增曰賊匪闖入桐城難保不希圖北竄徐宿等處情形甚為緊要著楊以增派撥兵勇於要隘處所嚴密設防恩錫前有旨令署安徽藩司此時江忠源計已到皖劉裕鈐即可回任恩錫現在徐州著卽飭令該員協同籌辦務當妥速布置毋得稍有疏虞

勦平匪方略卷六十六

二十



上諭內閣曰賊匪乘雨直撲集賢關各營兵勇潰敗桐城失守覽奏曷勝憤恨張熙宇係屢經獲罪之員朕因其前在閩省勦辦會匪尙有小才是以姑從寬與責令仍在皖省防剿宜如何激發天良帶罪自效乃於賊將至時並不竭力堵禦輒由小路退守迨張勳請救猶敢置之不問以未接警信推託試思該生求

救非警信而何似此惴怯畏葸無能之輩祇知自顧身家喪心昧良尙何足惜張熙宇著卽行正法以肅軍令並著呂賢基劉裕鈐等查明總兵恆興副將松安如有退縮逃避等情卽著一面奏聞一面正法新任巡撫江忠源帶兵計日已可抵皖袁甲三現已帶領兵勇馳往協剿著卽督飭地方文武激勵紳民合力進攻迅掃賊氛

勦平匪方略卷六十六

三十一



同日張芾奏言江西省城解圍欽奉

上諭旨令臣查明保奏查各該員弁或在城協同守禦始終出力或遠道赴援勦賊有功或本在城外圍練勦捕匪徒及採辦硝磺籌捐銀錢冒險運送城內以濟軍需理合據實開單保奏籲請恩施再總兵音德布阿隆阿帶兵會勦雖未能迅速滅賊而省圍已解亦有微勞可否量予議敘出自

天恩奏入

上諭內閣曰張芾奏遵保守城文武員弁等開單呈覽保舉未免過優且文職人員為數尤多殊非覈實之道守城出力人員固應奏請恩施然其中亦有失守應得處分必當確覈功過分別具奏請旨豈可一律保舉以致冒濫所有張芾單開文武各員弁請予獎勵之處著該部詳查覈議具奏

欽定剿平粵匪方略卷六十六

三

二十三日甲午太僕寺卿王茂蔭奏言臣思賊匪

自離西粵狂竄南方稽天討於三年煽毒氛於數省凡被難地方士庶人等或負義不屈而致戕或被脅不從而遭害甚或全家罹難闔室自焚雖智愚貴賤之不同實節義忠貞之無愧此固國家厚澤深仁之所致要亦下民敷天率土之真

忱臣聞向來各省死難士民

恩許建祠合祀其被害最烈者或從優

旌表今殉難士民外省均未查辦日久恐致淹沒合無

仰懇

飭下各督撫悉心詳查於遇賊死節之士民婦女等有

姓氏可查者悉查明題請

旌表准予祠祀實係無姓氏可查者則統書難民總牌

欽定剿平粵匪方略卷六十六

三

附祀其中或有蹈節最著被害尤烈者另行優

請

旌卹之處出自

天恩奏入

上諭內閣曰軍興以來被賊擾害地方文武官紳及兵

勇人等或臨陣捐軀或遇賊被害經各督撫奏報無

不立沛恩施給予卹典並諭令各省督撫查明被害

較烈之員再行分別酌議加贈予諡或令入祀昭忠祠以勵臣節而慰忠魂復念被難各地方士庶人等或因罵賊致戕或因禦侮遭害甚至全家罹難閨室自焚雖貴賤之不同實節義之無愧特恐僻處鄉隅不獲上邀旌卹以致湮沒弗彰朕心惻焉著各該督撫通飭所屬迅速查明遇賊死節士民婦女等除照例題請旌表外其殉難尤烈者並准其奏明請旨分別賜卹該督撫等其秉公詳覈毋濫毋遺以副朕勵節褒忠之至意

勦平粵匪方略卷六十六

三十四

三十一

二十四日乙未托明阿奏言臣前至山西豐儀鎮地方勦匪腦受槍傷奏蒙

賞假調理自抵澤州府就醫將及兩月雖加意調治而傷處膿潰不止兼之氣血兩虧舊疾感發據醫家云必須安心靜養方可痊愈惟有叩懇

天恩俯准開缺回旗調理出自逾格鴻慈奏入

上諭內閣曰托明阿前在山西豐儀鎮截勦逆匪受傷當經賞假令其就近在澤州府醫治茲據奏稱傷痕尚未平復托明阿著准其開缺回旗安心調理

二十五日丙申

上命軍機大臣傳諭僧格林沁曰僧格林沁統兵在外

勦平粵匪方略卷六十六

三十五

三十二

天氣漸寒本日已明降諭旨頒去賞件交該大臣祇領矣現在靜海獨流兩處賊匪攻勦情形未接奏報該逆詭詐百出難保不乘間竄逸且各處積水一經冰凍道路處處可通著僧格林沁悉心體察於靜海獨流迤北等處督飭帶兵員弁嚴密堵禦其西路水陸各要隘尤須節節派兵扼守使該逆無隙可乘勦辦更易得手並須嚴查零星餘匪勾結本地土匪改

裝偷竄甚至假扮官兵婦女乞丐僧道難民等項週
跡往來探聽軍情尤不可不加意嚴防一經緝獲務
卽訊究賊中虛實將該犯盡法懲治近日通州一帶
查拏奸細不少可見該匪四處窺探形蹤詭秘全在
軍營文武員弁時時認真稽查令該匪不得乘間滲
跡方爲嚴密至東路一帶亦須隨時偵探酌量緩急
妥爲布置

欽定剿平粵匪方略卷六十六

壬

上諭內閣曰御前大臣科爾沁郡王僧格林沁經朕特
命爲參贊大臣統領重兵出京扼要駐紮籌辦防剿
一切布置均合機宜現值天氣嚴寒念該大臣在軍
營中辛勞備至且聞其拊循士卒尤能甘苦與共殊
堪嘉尙著發去御用貂冠一頂黑狐駸馬褂一件綠
玉煙壺一箇白玉四喜搬指一箇交僧格林沁祇領
以昭恩眷

二十六日酉丁呂賢基奏言桐舒交界之處惟大
小關最爲要隘然非有兵勇五六千名不足以
資守禦現在兵勇寥寥因飭舒城縣知縣鈕福
疇招募勇丁一千三百名又咨商撫臣劉裕鈞
趕緊募勇湊成三千之數卽由大小關前進攻
剿若非厚集兵力

欽定剿平粵匪方略卷六十六

壬

特派統兵大員克復桐城安慶則賊勢愈張北竄之路
處處可虞伏祈
飭令江忠源及袁甲三迅速統帶兵勇來舒前進攻剿
以期一鼓殲滅奏入

上命軍機大臣傳諭呂賢基袁甲三江忠源劉裕鈞曰
據呂賢基奏桐舒交界之處惟大小關最爲要隘非
厚集兵力不足以資守禦等語江忠源於本月十一
日由黃陂一帶徑赴廬郡計日當可抵任現在武昌

之楚勇是否可以分撥赴皖音德布所帶之兵此時
行抵何處務卽飛催前進該撫帶兵馳抵該省聲勢
庶可少壯前有旨令袁甲三赴桐城一帶會同江忠
源協剿想能酌度緩急不致有誤事機舒城縣募勇
一千餘名亦可濟兵力之未逮著呂賢基劉裕鈞認
眞召募實力團練江忠源抵任後卽將皖省全局妥
速籌畫督帶兵勇收復桐城集賢關則安慶之匪自

聖朝方略卷六十六

三

可次第剿除

二十七日 戊戌 勝保奏言臣於二十四日督兵前

進達洪阿帶健銳火器及西甯兵丁在運河西
北面奕紀帶右翼天津固原官兵在東南面臣
親帶左翼並各兵勇在東面隄埂居中督陣四
路齊攻又用船隻載八千斤大礮從運河駕至
獨流逼近街口轟擊先將太陽宮廟樓打毀逆

匪隨輒瓦跌下數十人其各望樓或木架或席
片皆被我營大礮火箭焚燒擊燬復令川勇乘
勢擡運雲梯板片直撲西北賊壘已越過濠溝
兩道該逆情急死拒槍礮密如雨下礮牌一時
洞穿猶復冒死撲至第三道濠邊椿劍愈密濠
面愈寬且冒險近壘礮火飛騰勢難立足徐徐
收隊二十五日復列隊進攻令達洪阿調隊同

聖朝方略卷六十六

三

攻運河東岸其西岸分撥兵勇數百名屯紮槍
礮環攻節次轟塌房屋逆衆往來奔救多被我
兵轟斃其奔出土壘者亦卽斬擒該逆勢愈窮
蹙惟奉

旨撥運京營礮位至今未到臣一面飛催一面仍激勵

將士密謀攻取之計以期速破賊巢
勝保又奏言查近來軍營積習將士每遇調遣

無不藉詞耽延時懷觀望卽如郝光甲前日行

抵連鎮正值靜海獨流攻勦喫緊之時因奏請

飭令暫留軍營一面行知該總兵今半月之久尙無到

營消息如此不知緩急任意因循是使有用之

兵置之無用觀望遷延實堪痛恨應請

旨將郝光甲卽行革職仍令帶兵以觀後效奏入

上命軍機大臣傳諭勝保曰逆匪在獨流一帶深溝高

欽定剿平粵匪方略卷六十六

三十一

壘堅匿不出經該大臣督飭將弁兵勇於二十四五

兩日分路進攻先後殲斃不下數百名勦辦尙屬得

手著卽趁此聲威激勵將士立破賊巢切勿專待京

中運往之礮致稽時日再賊勢窮蹙兼之天氣已寒

河冰漸合難保不圖他竄尤須加意嚴防不可稍涉

大意本日已明降諭旨將郝光甲革職仍交該大臣

差遣該大臣卽行提催郝光甲帶兵星速來營如再

抗延卽以軍法從事

上又命軍機大臣傳諭僧格林沁曰本月二十四五兩

日勝保督率各路兵勇轟燒賊壘約斃逆匪數百名

惟所謂京營礮位尙未趕到當此圍攻喫緊之際必

須厚集兵力速破賊巢著僧格林沁卽於德勒克色

楞伊勒東阿二人中揀派一員酌帶精兵前赴勝保

軍營協勦務將獨流逆匪迅速殄滅俾軍務早竣以

欽定剿平粵匪方略卷六十六

三十二

慰廬念

上諭內閣曰陝西陝安鎮總兵郝光甲前經派往豫省

交舒興阿調遣嗣因該總兵帶兵行抵連鎮當經勝

保飭令趕赴大營聽候調撥乃半月之久尙未到營

似此任意逗留必應從嚴懲辦郝光甲著卽革職仍

交勝保差委責令帶兵自效儻再藉詞不進卽著該

大臣提解來營一面奏聞一面正法

三十日辛丑桂良奏言臣前委遊擊馬桂林帶兵赴靜海塘官屯隘口紮營防堵茲據署藩司張集馨詳稱因鹽山滄州青縣有回匪搶掠滋事該司將馬桂林所帶之天津兵三百五十名以一百五十名派至青縣二百名調至滄州等情臣接閱之下不勝駭異查塘官屯距賊營僅五十餘里為水陸緊要隘口該司不知緩急擅將

聖朝聖方略卷六

三

官兵妄為調動致令要隘空虛現據探報賊營置備冰牀鞦韆並據河間縣拏獲僧人本容供出逆匪潛遣黨與駕船十二隻每船十人假扮僧道婦女乞匄分路探徑連日北風大作轉瞬河冰凍合萬一逆匪探知虛實由塘官屯乘虛竄出貽害豈可勝言現在馬桂林是否尙在青縣一帶抑已折回防所業經臣飛札飭查始終

並無稟報實屬玩誤已極相應請旨將署遊擊馬桂林卽行革職署藩司張集馨總辦軍務毫無斟酌應請

飭部嚴加議處以示懲儆奏入

上諭曰馬桂林著革職張集馨著交部嚴加議處

桂良又奏言再張集馨經勝保催赴東路防堵

臣卽札飭該司無論行抵何處立即折回毋庸

聖朝聖方略卷六

三

來省旋據探報該司已抵高陽縣境臣復專弁前往迎截詎該司抗不遵依徑自來省查軍營動靜間不容髮該司初奉勝保札調既不遵令赴防迨勝保飛咨催調臣屢飭折回復抗違進省該司自辦軍務以來所費錢糧庫款甚鉅並未聞其接仗遷延觀望虛糜帑金竟置官兵於無用之地臣既有所見不敢不據實直陳奏入

上諭內閣曰張集馨係棄瑕錄用之員不知感奮圖報
帶領多兵耗費軍需屢違調遣現當防勦喫緊之際
豈容此等劣員玩延貽誤張集馨著革職發往新疆
效力贖罪不准逗留

欽定剿平粵匪方略卷六十六

十四

欽定剿平粵匪方略卷六十七 癸丑年

十一月初一日壬寅勝保奏言臣連日進攻賊勢

愈蹙時思竄逸嚴飭各路將弁加意防範二十

七日侵曉白霧迷漫恐逆眾乘勢逃竄卽於辰

刻督兵前進逆匪由東南擁出馬步二千餘人

我兵奮勇齊進殲斃一百餘名卽欲乘勝撲入

踏冰前進適值風沙陡起幾難開目冰質未堅

欽定剿平粵匪方略卷六十七

一

人馬易陷正在鏖戰之時賊馬數百由隄壓下

達洪阿在北列隊見賊擁出卽帶健銳各兵前

來接應從旁施放槍礮該逆大潰其西北賊兵

經右翼前鋒各軍及天津民勇殺斃四五十名

我兵撲至東南壘邊而還查此次逆賊乘風大

霧迷之際傾巢出拒意欲竄逸經我兵四路圍

攻頗爲得手惟追撲東南之兵因風沙過大陷

入冰坑致有損傷實堪憤恨現擬分兵三路剋日齊攻探明何路空虛併力攻入以冀早圖克復用竟全功

勝保又奏言二十九日卯刻臣督兵三路齊攻並將運到礮位向賊壘西面轟擊乘勢從南北兩路撲入該逆擁出千餘人死拒我兵奮力前進連環衝擊達洪阿亦帶健銳火器兩營官兵

聖學聖方略卷六十七

二

隨後接應殲斃逆匪甚多臣又選派天津得力鄉勇馮玉德身懷火彈瀕入賊壘逃出回營詢知賊營糧米已不甚多又經該勇黑夜乘風放火將其裝麥船焚燒七隻連日北風嚴寒臣已密派員弁前往查看如冰堅可行即當調集兵勇乘其不備四面攻入使賊腹背受敵定可得手

同日戶部左侍郎王慶雲奏言逆賊困守獨流經官兵四面合圍已成飛走俱窮之勢查該鎮水路紛歧淺不及尺現在節逾小雪水澤腹堅萬一該匪力窮西竄近畿難免震驚請

諭令帶兵大臣每兵一名隨帶鉸齒兩副密速製備以便追剿均奏入

上命軍機大臣傳諭勝保曰逆匪竄踞靜海獨流經官

聖學聖方略卷六十七

三

兵圍剿雖屢獲勝仗總未能掃數殲除朕心甚為焦急著勝保激勵將士奮力攻擊務於十日之內殄滅賊氛毋再稽延該逆勢窮思竄尤須處處布置嚴行堵截現在天寒水凍到處可通若將要隘處所鑿冰斷道使賊匪無從奔脫剿辦更易得手鄉勇馮玉德能入賊壘探聽虛實又放火焚賊麥船甚有膽勇此等得力兵勇必當留心物色善用其長隨時存記賊

平後卽行加等保奏據稱賊匪糧食將盡並聞其火藥短缺正可乘賊窮蹙之際嚴斷接濟併力進攻據王慶雲奏現值河冰凍結請飭官兵製備鉸齒以便截擊等語著卽相機籌辦毋稍延誤

上諭內閣曰此次攻勦獨流逆匪達洪阿從旁施放槍礮先占必勝之勢進止合機奮勇尤堪嘉尙著傳旨嘉獎勝保督兵進勦屢獲勝仗賊勢窮蹙已極著卽

欽定剿平粵匪方略卷六十七

四

乘此聲威速殄羣醜將逆首生擒解京盡法處治該大臣若能迅奏膚公朕必錫爵酬勳將士等亦同膺懋賞若曠日持久國法具在朕亦豈能寬宥耶此旨卽著編諭各營將士俾令奮勉圖功剋期奏捷

初二日 癸卯 翰林院侍講學士馮譽驥等言 臣聞

天津練勇數千類皆膂力矯捷氣質强悍其素性樂於戰鬪有忘生輕死之心上月賊犯天津

知縣謝子澄率領禦賊該團勇因該縣撫馭有方相率盡力遂能疊挫賊鋒誠使

朝廷優詔褒嘉以作其忠義之氣復懸重賞以激勵之必能得其死命至各路官兵應如何策應如何堵截之處令勝保妥爲籌辦務使羣策羣力同心共濟不得稍爲掣肘以致貽誤事機奏

欽定剿平粵匪方略卷六十七

五

上命軍機大臣傳諭勝保曰前因勇目劉積德幫同官軍殺賊先後諭知勝保查明保奏昨又據勝保奏鄉勇馮玉德能入賊壘探聽虛實是天津練勇均知同仇敵愾奮勇可嘉本日已明降諭旨優予獎勵矣此等驍捷壯勇如能駕馭得宜加以激勵必可助官軍之不足著該大臣與文謙悉心商酌相機調撥或歸文謙統帶或卽令謝子澄帶領來營助勦第未知兵

勇合在一處有無牽掣情形必須妥為布置善用其長以收實效

上諭內閣曰朕素聞天津地方民心強固所練鄉勇類皆驍健足資禦賊是以疊降諭旨令長蘆鹽政文謙等妥為激勸使之保衛鄉間九月二十八日逆匪由青縣突竄天津彼時大兵尚未到齊經文謙等督兵截勦該處練勇隨同天津縣知縣謝子澄直前迎殺

聖朝方略卷六十七

六

擒斬甚多卽雁戶排槍亦足佐官兵槍礮之不逮該練勇等忠義勇敢洵屬可嘉使各屬地方盡能如此勦力同心不特自保身家並可上為朝廷出力何慮逆氛不靖城守不堅文謙謝子澄平日撫馭得宜亦可概見著勝保傳旨嘉獎此時賊踞靜海獨流大軍四面合圍窮寇不難立殄而偵探嚮導尤以本地鄉勇為得宜著勝保卽傳旨曉諭明定賞格如該練勇

人等有能隨營帶隊力破賊巢者卽破格保奏優加賞賚上次天津出力各勇目姓名勞績朕已稔聞儘能始終奮勉剋期滅賊該大臣等自能仰體朕心有勞必錄正無慮功績不能上達也

同日吳文鎔奏言據臬司唐樹義稟稱十九日黎明瞭見賊船五六百隻停泊巴河當派候補知府伍焯等率帶兵勇分為四隊由黃州府城

聖朝方略卷六十七

七

分起進發午刻行近賊船該匪於船上施放槍礮儘力抗拒我兵佯敗賊果登岸趕來我兵分三路兜回大進槍礮直前殺賊約百餘名復用火箭火彈噴筒向賊船拋擲登時燒燬賊船七十餘隻其排列在後之賊船見岸上賊已潰敗復率千餘人登岸意將抄襲我兵之後我軍伏兵四面齊起奮力爭先又斃賊三百餘名該匪

自田家鎮上竄之後沿途搶掠焚劫肆無忌憚

經此次實力痛剿實足以快人心而寒賊膽

吳文鎔又奏言賊現已下竄武漢江面肅清舒

興阿所帶陸路之兵無庸來楚惟皖省情形喫

重似須由豫達皖繞出廬州探明江忠源兵抵

何處與之約會合圖收復安慶府城則皖楚均

可受益奏入

剿平粵匪方略卷六十七



上命軍機大臣傳諭舒興阿曰現在賊匪盤踞皖省非

厚集兵力不足以資剿辦已疊次諭令江忠源星速

赴任皖省情形實屬喫緊舒興阿著毋庸赴楚即日

帶兵由豫迅往安徽與江忠源會合進剿將安慶郡

城及集賢關桐城等處賊匪迅速剿除以期肅清江

北

上諭內閣曰該匪沿江竄擾經此次痛加懲創賊膽已

寒吳文鎔等務當乘此兵威迅速追剿毋任竄逸候

補知府伍煜前有旨准張亮基將該員調赴山東現

在剿賊得力著仍留湖北以資差委

同日三品卿銜兵科給事中袁甲三奏言准呂

賢基咨稱桐城失守奏請

飭臣督帶兵勇前赴舒城一帶防剿臣查桐城距廬郡

二百餘里自應急圖收復以遏北竄之路惟臣

剿平粵匪方略卷六十七

九

所帶之兵即係周天爵駐守固鎮之兵除前次

撥歸五百名由奕經安置固鎮外隨營不及八

百名復因懷遠告急飭撥三百餘名前往援剿

現在存營僅三百餘名賴有本地團練協同捕

剿是以聲威尙壯至周天爵從前所招之勇均

經遣散臣現帶鄉勇三百餘名係由本處團練

內挑選稍資津貼以之近地剿匪則可以之遠

方出征則不可且團練不供征調屢經奉

旨此時若強令從征則凡屬團練均懷疑慮於本地勦

匪大有關礙且前駐臨淮之馬隊官兵現經百

勝等派赴廬州應援若再撤北路兵勇湊赴南

路既於南路無益而北路門戶大開防勦又將

何恃聞舒城一帶團練尙屬整齊惟統率無人

無律之師恐難禦敵查有留皖差委之主事朱

聖學方略卷六十七

十

麟祺講求兵法人亦勇敢前在盱眙五河一帶

布置守禦現已回廬應請

飭令該員迅往舒城一帶會同該文武以勦爲防就近

克復桐城必能於事有濟再在籍道員趙昉現

在安慶一帶亦距舒城甚近該員鄉望允協就

近移紮舒城以資督率更爲得力 臣奉

旨統籌全局斷不敢稍分畛域而北路空虛太甚設有

貽誤關繫非輕謹據實直陳奏入

上命軍機大臣傳諭袁甲三日皖北捻逆肆擾該給事

中未能分兵前往自係實在情形著照所請卽飭主

事朱麟祺道員趙昉趨程馳赴舒城一帶督率練勇

會同地方文武辦理防勦事宜務令桐城及早克復

以保廬郡

初三日甲辰向榮奏言總兵德安在東壩督兵防

聖學方略卷六十七

十一

勦二十一日探聞賊船駛抵高涇該總兵卽督

率兵勇馳赴迎勦立將賊船衝散二十三日復

有逆船百餘號約四五千入竟敢登岸蠶擁而

來意欲撲我營盤卽飛率各營由東門一帶奮

勇迎敵力戰多時該逆相持不退德安首先衝

入賊隊刀砍矛刺賊衆紛紛倒地我兵後隊齊

上橫衝賊陣爲數段該逆見勢不敵四散潰走

一第 000 升 黃 參 日 五 一 五 五 4 五 三 三 一

兵勇追至南門河下擲放噴筒火彈立燒賊船八十餘隻舟中之賊燒死無數我兵追殺十餘里生擒逆匪九十餘名統計斃賊一千餘人聞該逆尙有大幫船隻停泊蕪湖黃池一帶恐其復來窺伺臣特令鄧紹良仍帶湖南官兵五百名參將長桂帶領廣東兵勇六百名星夜馳往接應以資協剿

欽定剿平粵匪方略卷六十七

十三

向榮又奏言頃臣接奉

諭旨以徐州地居要隘令於和春蘇布通阿二員內揀派一員馳往接辦查徐宿總扼南北之衝實關緊要和春沈毅勇敢久歷戰陣自應遵

旨派令前往接統官兵而鎮江爲南路關鍵統帶水陸各將必須威望素著駕馭有方者乃能勝此重任蘇布通阿與臣現在計散黨與密通內應未

便更易派往此外鎮將中甚難其選查有已革提督余萬清歷練老成才識頗優似較諸將略勝一籌以之統帶鎮江水陸各軍尙屬得宜儘仍不知振作卽遵照前

旨以軍法從事奏入

上命軍機大臣傳諭向榮曰高瀆賊匪雖經痛剿而大幫船隻尙在蕪湖黃池一帶正不能不防其窺伺蘇

欽定剿平粵匪方略卷六十七

十三

常復來滋擾該大臣現已嚴飭德安鄧紹良等加意堵截仍須設法追擊將該匪船隻盡數焚剿萬不可再令他竄至金陵城中賊情及現在如何籌攻未據聲敘該大臣擁兵城下半載有餘坐使該逆分擾鄰疆往來自便是誠何心所稱與蘇布通阿籌商事宜何時見諸施行卽如鎮江軍務派余萬清前往接辦該革員如何較勝諸將該大臣有無把握亦未據詳

細具奏著向榮一面密籌克復金陵於該匪思竄各路節節堵截務將元惡大魁設計殲擒其密通內應情事尤須慎重迅速不可稍有洩漏一面剋期攻剿鎮城務令水陸各軍同時並舉俾該逆內外不能兼顧庶可得手並飭余萬清統帶各軍趕早布置建功贖罪不得藉口船廠未齊株守以待儻仍遷延貽誤不能倖邀寬典也

聖學聖方略卷六十七

十四

上諭內閣曰高淳近接東壩為蘇常門戶該逆乘間竄

至即被官兵痛加焚殺總兵德安帶兵迎勦甚合機宜著交部從優議敘現在向榮復派已革提督鄧紹良帶湖南官兵參將長桂帶廣東兵勇馳往幫同堵截著即扼要防勦務將逃回蕪湖餘匪儘數殲除其金陵鎮江兩城逆匪日漸窮蹙即著向榮督率諸將乘勢進攻迅圖克復不准再有耽延

聞

同日許乃釗奏言探得逆船在安徽江面游弋由蕪湖縣之灣沚地方竄擾黃池查黃池距東壩百里該逆探悉路徑難保不豕突東壩窺伺蘇常現值設法徵輸之時儻民間聞警又復驚惶遷徙餉需更無所出現在向榮已派兵三千七百名馳往應援但恐東壩下游尙形單薄查廣東參將長桂所帶潮州兵勇六百名係歷經

聖學聖方略卷六十七

十五

戰陣得力之兵現在甫抵上海新橋尙未安營堪以撥往宜興溧陽一帶迎頭堵截奏入報

初五日丙午劉裕鈞奏言十月三十日舒城防勦

之漢中鎮總兵恆興來廬據稱舒城已於二十九日申刻被匪攻破臣思安省餉乏兵單久邀

聖鑒前因桐城失陷時侍郎呂賢基在舒團練臣於萬

難措手之際籌兵籌餉力圖接濟刻下廬郡僅存鄉勇千名口糧又復不濟危急情形朝不及夕聞新任撫臣江忠源已帶兵二千名來皖於二十七日行抵六安州因感冒風寒在彼暫住頃聞於三十日力疾由六安前至舒城臣擬於初一日委員齎送巡撫關防交江忠源接受一面號召鄉團設法防堵以杜賊匪北竄奏入

聖學方略卷六十七

十六

上諭曰呂賢基尙無下落實深懸繫該侍郎素懷忠義必能大節無虧恆興又像逃回者若呂賢基已亡恆興豈能使活

上命軍機大臣傳諭江忠源曰前因桐城失陷諭令江忠源等合力進攻茲逆匪復竄舒城偏近廬州情形更爲緊要袁甲三勦辦穎毫一帶土匪勢難兼顧江忠源已抵皖省由六安趕赴舒城著卽督率兵勇剋

期攻勦速殄賊氛該撫忠勇素著屢立戰功朕所倚畀現值防勦緊急之時所帶兵僅二千名不知前募楚勇能否趕到又聞該撫力疾前進朕心殊深繫念軍務一切總須酌度緩急相機籌辦劉裕鈺招集團練設法防堵務當固守廬郡各處要隘呂賢基在舒城辦理團練尙無下落實深懸繫著卽查明具奏

聖學方略卷六十七

十七

上又命軍機大臣傳諭舒興阿曰本日據劉裕鈺奏舒城於上月二十九日失守廬州危急現在江忠源已抵皖省由六安赴舒城惟該撫所帶之兵僅二千名不敷勦辦著舒興阿遵照前旨督兵飛速前進會同江忠源合力進攻保衛廬郡並設法克復舒城桐城安慶等處以期肅清江北遏賊紛竄

上諭內閣曰舒城被匪攻破恆興以專閫大員前因桐城失守業經降旨革職並查明如有退縮逃避等情

即行正法今既在舒城防勦何以遽行折回况舒城於二十九日申刻失守恆興於三十日丑刻已至廬郡距失守不過數時顯係奔命逃回似此遇賊退縮畏葸無能之員尙何足惜恆興著即行正法以肅軍令現在江忠源已帶兵由六安馳赴舒城著該撫卽督飭文武員弁及該處紳勇合力進攻迅圖克復

同日文謙奏言查逆匪攻撲津郡候補道天津

勦平粵方略卷六十七

十六

府知府錢忻和候補同知直隸州知州天津縣知縣謝子澄各帶兵勇親身督戰尤爲奮勉且先期募勇保衛津郡民情感戴錢忻和可否

賞戴花翎並加鹽運使銜謝子澄請免補同知直隸州

知州以知府用俟直隸軍務告竣再行開缺候補奏入

上諭內閣曰本年九月間賊竄天津逼近府城經文謙

等督率府縣招募練勇晝夜巡防並於梢植口地方擊退賊匪郡城得以保全天津府知府錢忻和著賞加鹽運使銜並賞戴花翎天津縣知縣謝子澄著以知府用並賞戴花翎仍暫留本任俟軍務告竣再行開缺

同日

上諭內閣曰逆賊竄踞江南三城九閱月矣逞其兇狡

勦平粵方略卷六十七

十九

荼毒生靈天地不容神人共憤朕不惜重兵鉅帑救民水火之中而統兵大臣勦辦遷延致令元惡稽誅堅城未復朕念及三城百姓遭罹慘劫輒恨將帥之無能而每聞該士民等忠憤同仇人思自奮又未嘗不幸民心之大可用也本年四月以來疊據各路奏報如金陵之四十八社揚州之虹橋紳董皆能同心勦力協助官兵卽東壩紳士盤獲僞官擊燬賊船六

合等處練勇斃賊至數千之多餘鳳徐宿之間鄉民
殺賊自衛者比比皆是可見敵愾禦侮忠義自在人
心特恐統兵大臣激勵無方或臨事不爲援應或論
功不能覈實以致義憤之民漸生疑慮在該士民等
享國家二百餘年昇平之福感奮出於至誠當此逆
氛肆擾鄉里摧殘公義私讐無不銘心刻骨逆賊奸
詭殘忍惟以裹脅爲能爾士民等旣偏近賊蹤難保

欽定剿平粵匪方略卷六十七

三

不爲所窘迫不從則受其屠戮從之則自外生成利
害權衡定能熟計近聞三城賊匪勢已窮蹙且糧食
不給專以擄掠爲事克復之機時不可失又聞金陵
百姓有義約布告上江兩縣約定數萬人併力攻城
以義憤之民勦窮蹙之賊揆之天道人心斷無不克
之理功成受賞朕將拭目俟之著通諭江南江北士
民如果能設法破賊克城殲擒逆首倡義之人朕必

優予爵賞其餘亦必破格施恩並將該士民等應完

錢清免徵三年因一人之功推及一鄉因一鄉之功

推及一邑諒爾士民亦當同深感奮也至帶兵大臣

師久無功朕已屢加譴責所以不卽治罪者尙冀其

自知愧奮力贖前愆若敢任聽將弁牽制義民使不

得成此大功或功成之後冒竊邀恩一經訪聞法不

稍貸如能兵民合力同破賊巢掃穴擒渠互相策應

欽定剿平粵匪方略卷六十七

三

不特免其遷延之罪仍可同膺懋賞之榮其濱江一
帶城鄉村堡強弱不同人心則一儻士民等力能殺
賊破船奪其輜重除優加獎勵外仍以所得充賞不
准兵弁攘功其人少力微僅能自衛者能將糧食等
物收藏嚴密斷賊接濟事平之後亦以功論至逆賊
船隻皆自擄掠而來如船戶水手能乘閒燒燬賊船
擒殺逆匪自拔來歸者亦准報官論賞總之兵以衛

民民以助兵心貴相聯功不相掩軍營將弁及各屬士民等務須合力同心盡殲醜類用副朕爲民除害之至意

初六日丁未勝保奏言臣於初二日丑刻乘夜督

兵進攻各兵冒死向前已越兩濠賊壘槍礮似

雨不能撲進現在探得該逆擬由東路奔竄臣

已疊次嚴囑西凌阿善祿等晝夜加意嚴防勿

聖恩聖方略卷六十七

三

令偷竄奏入

上命軍機大臣傳諭勝保曰該逆負嵎死守已逾一月

若不趕緊剿滅恐賊窮必竄師老則疲又成餘燼復

然之勢該大臣膺茲重寄必應密籌全局迅奏膚公

以紓朕念現在東南一帶尙覺空虛據稱賊匪欲由

東路奔竄雖已嚴飭西凌阿善祿加意防範仍恐兵

力不敷德勒克色楞本係幫辦勝保軍務現已諭知

僧格林沁迅飭該貝子赴營協同防剿

上又命軍機大臣傳諭僧格林沁曰現在勝保軍營帶

兵需人德勒克色楞係特旨派令幫辦勝保軍務著

僧格林沁即日飭令該貝子迅速前赴梁王莊大營

其所帶蒙古馬隊各兵著仍留於僧格林沁軍營以

備防堵德勒克色楞務與勝保悉心妥籌布置將獨

流靜海兩處逆匪迅即殄滅無令他竄

聖恩聖方略卷六十七

三

同日琦善陳金綬雷以誠慧成福濟奏言查揚

城基廣墉崇一面濱臨運渠三面環以濠塹賊

得恃以爲固幸自礮臺增築後有居高臨下之

勢賊頗驚懼十九日賊由天甯廣儲二門城上

縋下數百人意圖攻撲礮臺臣等督兵迎擊斃

賊數十人賊始敗退東路亦時有賊匪出城窺

伺均經兵勇截擊遁回該逆惟以負固深藏爲

苟延旦夕之計臣等復飭將弁於晝夜嚴攻之外加以乘夜暗襲之法昏黑之中賊匪不測我軍多寡城頭開放槍礮徹夜不絕計其所耗火藥亦甚不少二十八日夜間密遣兵丁於北門城濠邊施放火箭過河將賊匪所置擋木延燒殆盡賊匪集眾守陴人聲鼎沸臣等仍飭各礮臺弁兵於賊匪驚怖之時連開巨礮俾增疑懼

欽定剿平粵匪方略卷六十七

三十四

一俟賊有可乘之機卽當迅圖克復

琦善陳金綬雷以誠慧成福濟又奏言查瓜州賊首尹謙吉自經三汊河官兵屢次擊敗未敢深入赴接近復糾合金陵大股前來接應加以兩湖調回之黨數逾巨萬設揚城之賊再由南門奔出深恐南門外官兵及三汊河各營腹背受敵臣已密飭防守三汊河上下之參將吉連

等極力堵禦毋令瓜州來援之賊得以竄入並飭副將松齡等帶兵扼守南門以防城內之賊乘閒竄出臣等又挑選精兵準備迎敵其東路各門與桂花莊一帶亦由臣雷以誠臣慧成臣福濟督同晉康查文經妥爲備禦不使賊智得逞奏入

上諭曰琦善在軍營日久無功若再不將揚州克復盡

欽定剿平粵匪方略卷六十七

三十五

殲醜類何顏對朕何顏對天下之人此時鋪張過甚迫賊竄後何以自解卽使盡屬實在情形亦不必如此鋪張朕總以能否收功爲定斷著琦善等於批摺到日限於八九日內務須攻破揚城殄滅無遺不准再令蔓延又滋他患

上命軍機大臣傳諭琦善曰該大臣所陳明攻暗襲各法均係軍營中應辦之事何必如此鋪張詭爲秘計

著琦善等即遵批諭依限克復城池使尹逆夥黨勢孤望絕則續來之逆聞風膽落易於殲擒

初七日 戊申 舒興阿奏言前因豫省毗連楚皖防

勦喫重 臣原帶官兵不敷分布奏請酌調綿洵桂齡等所帶官兵一千七百餘員名來豫差遣
嗣奉

諭旨令 臣將陝安鎮總兵郝光甲原帶官兵二千五百

聖恩方略卷六十七

三

餘員名酌量調回以資進剿當即飛飭郝光甲迅速前來茲據郝光甲呈報於本月初八日由直隸阜城縣奉文折回覈計程途已行抵豫境 臣於此起官兵內飭派五百名令赴歸德府協防其餘官兵二千餘員名催令郝光甲迅速帶領兼程來營以資布置奏入

上諭內閣曰已革陝安鎮總兵郝光甲前經派往河南

交舒興阿調遣嗣因該革員帶兵行抵連鎮距靜海甚近經勝保奏令趕赴獨流大營聽候調撥復據勝保奏參該革員遷延半月之久尚未到營當即降旨革職仍交勝保差委茲據舒興阿奏稱郝光甲所帶之兵已據呈報於十月初八日由直隸阜城縣奉文折回等語覽奏殊堪詫異該員既已行抵連鎮何以復行折回既據稟報未奉勝保飭令赴豫札文何以

聖恩方略卷六十七

三

又有呈報舒興阿奉文抵豫之說且覈計程途時日種種情節支離實不可解當此軍務喫緊之際豈容此等庸劣畏蕙之員遷延觀望貽誤事機著勝保迅即查明郝光甲現在逗留何處提訊明確如係捏詞支飾不遵調度著即遵照前旨以軍法從事毋稍姑息

同日曾國藩奏言 臣前奉派兵救援湖北之

旨卽經函商撫臣派令候補知府張丞實候選同知王
奎管帶湘勇三千前赴湖北尙未啟行連日接
湖北撫臣來函及各處探報均稱賊船於十月
初五以後陸續開赴下游漢陽府縣業經收復
江面肅清武昌解嚴等語則援鄂之師自可稍
緩因思該匪以舟楫爲巢穴以擄掠爲生涯長
江千里任其橫行我兵無敢過而問者前在江
西近在湖北凡傍水城池莫不殘毀皆由舟師
未備無可如何今若爲專保省會之計不過數
千兵勇卽可堅守無虞若爲保衛全楚之計必
須多備礮船乃能堵剿兼施夏間奉到

欽定剿平粵匪方略卷六十七

天

諭旨飭令兩湖督撫籌備舟師經署督臣張亮基造船
運礮設法興辦尙未完備忽於九月十三日田
家鎮失守一切戰船礮位盡爲賊有現在兩湖

地方無一舟可爲戰艦無一卒能習水師今若
帶勇但赴鄂省則鄂省已無賊矣若馳赴下游
則賊以水去我以陸追不能與之相遇又何能
痛加剿洗再四思維總以辦船爲第一先務臣
現駐衡州卽在衡城試行趕辦俟舟師辦有頭
緒卽行奏明臣親自統帶馳赴下游目下武昌
無賊臣赴鄂之行自可暫緩不特臣不必遽去

欽定剿平粵匪方略卷六十七

无

卽臣與撫臣商派援鄂之湘勇三千亦可暫緩
起程臣已咨明撫臣飭令帶勇之張丞實王奎
無庸啟行如礮船尙未辦齊逆船仍復來鄂則
由臣商同督撫隨時斟酌仍專由陸路先行赴
援斷不敢有誤事機奏入

上諭曰所慮俱是汝能斟酌緩急甚屬可嘉

欽定剿平粵匪方略卷六十八 癸丑年

十一月初八日酉己江忠源奏言臣於十月十八

日由鄂赴皖兼程前進二十六日抵安徽霍邱

縣境之洪家集忽感風寒寒熱交作二十七日

力疾行八十餘里酉刻至六安州城病益增劇

不得不暫留州城趕緊醫治三十日忽接探報

賊於二十九日申刻進陷舒城工部侍郎呂賢

剿平粵匪方略卷六十八

一

基殉難臣聞信之下痛憤填胸查舒城距廬州

僅百二十里距六安州亦百二十里均為賊北

竄要途而廬州為新改省會尤關緊要應即星

夜趕赴接篆視事以固根本奈連日服藥病勢

轉加萬難就道因就六安連夜布置守城等事

一面飛咨署撫臣劉裕鈺趕緊於廬郡妥為布

置儻賊由舒至六臣誓與城存亡若由舒至廬

臣亦不敢俟病全愈但能扶掖上輿即當帶兵

赴援臣受

恩深重正值軍務緊急之時而身遭沈疴焦灼萬狀然

一息尙存誓當竭一息之心力以冀仰答

聖恩於萬一奏入

上命軍機大臣傳諭江忠源曰舒城逼近廬州該撫現

因感受風寒不能前進朕心實深懸繫現當防剿喫

剿平粵匪方略卷六十八

二

緊之際督辦需人本日已諭令福濟兼程馳赴廬州

六安一帶會同該撫辦理防剿事宜該撫如病已就

痊著即與福濟相機籌辦務將桐舒等處賊匪併力

殲除斷不可任令北竄舒興阿現在帶兵由陳州赴

皖著催其迅速前進袁甲三現在勦辦捻匪勢難兼

顧廬郡仍著該撫隨時知照該給事中毋令穎毫一

帶捻匪與該逆匪勾結為患

上又命軍機大臣傳諭福濟曰舒城密邇廬州爲南北咽喉最關緊要呂賢基業經殉難江忠源復因患病不能前進袁甲三勦辦穎亳一帶捻匪又未能兼顧現值勦賊喫緊之際督辦無人恐誤事機著福濟卽行馳赴廬州六安一帶會同江忠源擇要防勦總期力挫兇鋒遏賊北竄安徽情形緊急福濟接奉此旨務卽星速就道萬勿耽延所有揚州灣頭一帶防勦

欽定剿平粵匪方略卷六十八

三

事宜卽責成慧成與雷以誠等妥籌辦理

上又命軍機大臣傳諭袁甲三曰舒城去廬州僅百餘里現在賊勢猖獗江忠源雖已馳抵六安又值患病不能前進本日已諭令福濟馳赴安徽督辦前據袁甲三奏擬赴蒙懷一帶爲廬郡聲援諒已移營前進著卽擇要駐紮迅籌勦辦毋使土匪與該逆勾結爲患並探明賊蹤如廬州緊急應如何援應之處酌量

辦理

上諭內閣曰前因劉裕鈺奏安徽舒城失守侍郎呂賢基尙無下落朕深知該侍郎素懷忠義必能大節無虧茲據江忠源奏逆匪於十月二十九日攻陷舒城呂賢基殉難呂賢基由翰林科道洊任京卿朕因其品學兼優超擢侍郎本年春間令其回籍督辦團練頗能實力任事該侍郎年力正強方資倚畀乃以逆

欽定剿平粵匪方略卷六十八

四

匪竄擾舒城捐軀盡節悼惜殊深呂賢基著追贈尙書銜照尙書例賜卹任內一切處分悉予開復應得卹典該衙門察例具奏伊子編修呂錦文著俟服闋後以侍讀升用所有隨員幕友盡節姓名並著江忠源劉裕鈺確切查明請卹

初九日 庚戌勝保奏言查靜海獨流相距十八里有奇西北已添兵嚴防似可無慮惟東面尙覺

空虛臣派令運同劉向贊帶領槍排船隻分列防剿該逆決隄放水護繞賊營使我兵不能進戰靜海城外四面皆水幾無安營之所再四思維惟有於上游築壩遏水使運河斷流方可設法攻取現在賊匪窮極思竄若東南網開一面則此賊必逃獨流靜海必可收復然必須分兵埋伏要路節節截殺大軍緊追自然滅盡而山

聖學聖方略卷六十八

五

東兵力不厚設有漏逸又恐餘燼復燃若必設法圍困在此殄除又須稍寬時日力籌攻拔勝保又奏言臣賦性愚直絕少才能深荷

聖明倚畀身非木石能勿銜感然臣能見諒於

君父未必能取悅於僉壬僧格林沁日日差官弁來臣

營盤探聽消息臣出隊時每帶赴陣前指示情

形令其回報復詳加函致咨明奏稿以期諸事

和衷在僧格林沁縱不見疑而其左右僉壬多係廣西軍營債事之人未必甘心滿意前月十一日獨流之戰派令奕紀赴陣前接應奕紀膽怯未敢身先臣因奕紀善造火器是以僅予申飭未遽奏參惟不敢妄加保薦自蹈欺飾至山右遲誤債事之臣竟似因臣參劾以致褫職又如屢次

聖學聖方略卷六十八

六

諭令德勒克色楞及達洪阿前來雖斷自宸衷未必不疑為臣所請其中難辦情形亦為達洪阿

奕紀所共曉臣固不敢稍存諉卸致負

生成而此不得已之苦衷不能不據實上陳可否仰求

皇上早加嚴譴以杜僉壬之口俾臣得以帶罪圖效抑

或

簡派親信重臣督率辦理使臣有所稟承之處出自

聖裁奏八

上命軍機大臣傳諭勝保曰朕因勝保勇敢忠誠特命
統領諸軍廓清畿輔責任綦重倚畀至專惟望其迅
殄賊氛拯民水火自逆匪竄踞靜海獨流距京較近
又命僧格林沁駐兵北路爲京師屏障卽爲該大臣
聲援勝保與僧格林沁共辦一事自應不分畛域兩
營聲息時刻相通乃以僧格林沁遣官弁等至營探

欽定剿平粵匪方略卷六十八

七

聽遠謂爲監察軍情是自疑因以疑人其所見亦甚
狹矣並稱請派親信重臣督率辦理尤屬非是試思
該大臣身爲統帥豈非親信重臣乎朕旣畀以重任
豈復有所猜疑果能奮勉圖功盡殲醜類上慰朕心
下孚衆望悠悠之口何足介意耶現在逆匪勢窮思
竄若伏兵要路誘賊離巢爲截擊之計是否確有把
握儻徒爲收復獨流靜海起見縱令竄逸勦辦更難

得手至所稱於上游築壩洩水斷流以冀剋期滅賊
自係要著務卽趕緊籌辦萬勿再有遲延

同日琦善陳金綬雷以誠慧成福濟奏言前據
儀徵縣知縣都榮森稟稱疊有賊船百餘隻自
金陵順流東駛隨後船隻仍在沿江游駛等語
臣等查此次賊黨赴援數逾百萬業已分股先
擾浦口勢必會合大股悉赴瓜州而六合儀徵

欽定剿平粵匪方略卷六十八

八

亦復處處喫緊當經分飭加緊嚴防初二日申
刻果有瓜州賊匪三百餘人由運河東西兩岸
窺探經我兵分投迎擊旋即退回初三日又有
賊匪四五百人由西岸繞至高明寺迤西直對
三汊河官兵營盤意圖攻撲經參將吉連等帶
兵迎擊傷斃賊匪及落水死者約有四五百名
適聞騰龍德興阿帶兵赴援又經轟斃賊匪四

五百名正在進剿得手之際忽於是日酉刻據報金陵賊匪於初二日申酉間竄至儀徵沙漫洲地方分股登岸哲克東阿張守仁卽帶滿漢官兵連夜前往迎剿初三日巳刻賊匪先撲南門旋撲西門縣城業已失守查該逆竄踞儀邑距揚止數十里道路紛歧四通八達皆爲軍營後路兵丁祇有此數實有防不勝防之勢現將

聖朝方略卷六十八

九

揚城前後兩路竭力籌堵並飛飭浦口六合等處加意嚴防奏入

上命軍機大臣傳諭琦善陳金綬雷以誠慧成曰金陵賊匪竄至儀徵沙漫洲地方分股登岸縣城旋即失守儀徵距揚城甚近道路紛歧皆爲我兵大營後路形勢最爲緊要該大臣等何竟毫無防範一至於此此時若不趕緊克復儀徵我兵腹背受敵其患何可

勝言著該大臣等迅卽派委大員帶兵馳往剿辦儀徵失守顯有內應該縣都榮森平素不得民心賊至並未堵禦現在何處著查明如有逃避情事卽以軍法從事浦口瓜州賊匪經瞿騰龍等屢次擊退仍著督飭該總兵等加意嚴防遏賊北竄

十一日 壬子 青麀奏言德安駐城精兵調赴黃州

聖朝方略卷六十八

十

前來以資保衛二十六日據副將駱永忠面稱該副將奉到督臣吳文鎔嚴札調赴黃州內稱該副將安坐於無賊之地殊不知德安無兵無勇搬徙已空賊到恐難保全惟目下情形黃州較德安尤爲喫重自應令該副將馳赴黃州仍一面咨商督臣可否撥兵前來抑或將德安本營兵撥回現未接到咨覆查德安一屬五州縣

四通八達毗連襄豫體察形勢均爲扼要自九月二十二日起無分晝夜臣與該府縣悉心籌畫密爲布置該府縣辦事細心頗資得力昨接河南光山縣函賊有由黃岡逼近光州之勢又信陽州函該處捻匪四起在信陽西北一帶與隨州緊連儻四面賊起雖有重兵已難望其制勝况徵調一空更何所持儻有疏虞臣能當此

欽定剿平粵匪方略卷六十八

十二

重咎耶奏入

上諭曰所奏實係真情吳文鎔祇知顧一省垣若賊已北竄株守鄂省何益急則治標該督何不知緩急若是

青麀又奏言據探黃州賊匪甚熾前於二十三日經唐樹義獲有勝仗賊已回竄不料二十八日大股直撲黃州兵皆潰散臣又飛札令駱

永忠無論行抵何處一路相機堵剿並飛咨河南撫臣英桂陝甘督臣舒興阿撥兵前來楚豫交界之光州信陽兩處以防北竄奏入

上命軍機大臣傳諭青麀唐樹義曰據奏德安府防兵不敷鄉勇未可盡恃各屬處處喫緊自係實在情形惟據稱黃州較德安尤爲喫重略永忠之兵不能不令其馳赴是該學政續接探報已深悉巴河一帶賊

欽定剿平粵匪方略卷六十八

十三

情緊急湖北兵力之單不獨德安一處當賊擾孝感時固須嚴扼該郡以杜北竄之賊今賊已下竄自應撥兵跟剿吳文鎔若祇顧省垣誠屬不知緩急惟移兵就賊亦自應先其所急其賊由黃岡逼近光州一節黃岡距光州二百餘里既有唐樹義帶兵在彼諒不至遽形逼近本日已諭知英桂於楚豫交界一律嚴防安徽情形亦甚緊要舒興阿已令星馳赴皖此

時當已由陳州起程勢不能再令折回所有楚豫接壤地方如何防剿之處該學政即可隨時知照英桂相機妥辦駱永忠所帶之兵現已調赴黃州即著唐樹義督帶兵勇緊躡賊蹤盡力追殺毋使再行回竄

上又命軍機大臣傳諭吳文鎔崇綸曰前據吳文鎔奏

聖學方略卷六十八

十三

防賊回竄一則慮賊旁擾均係就所駐之地而言此時巴河一帶賊蹤蟻聚自以急剿黃州為尤要現在青慶已飭副將駱永忠馳赴黃州本日復傳諭唐樹義盡力跟剿著該督等悉心體察如防城兵勇尙可分撥即行酌量調往庶可得力其德安府城係比連豫省之地亦關緊要已諭知青慶妥為防守

上又命軍機大臣傳諭舒興阿曰前經疊降諭旨令舒

興阿馳往安徽會同江忠源剿辦逆匪未據該督奏報何日抵皖昨因呂賢基殉節江忠源因病尙在六安賊氛逼近廬州已令福濟馳赴該處督辦防剿惟揚州尙未攻克儀徵又復失守福濟之能否分身前往尙不可知河南雖界連楚皖惟楚北賊蹤已經下竄唐樹義帶兵跟蹤追擊該匪必順流而南設與皖省匪從彙為大股北向奔突不但廬州可危即穎鳳

聖學方略卷六十八

十四

蒙亳一帶皆係曾被蹂躪之區兵勇無多人心未固捻匪復時常出沒儻經該逆勾結肆擾勢將不可撲滅惟有趁其未至廬州迅速帶兵前往力遏賊鋒方可設法收復舒城桐城安慶等處該督前奏以陳州歸德光州各屬毗連皖境因請駐守陳州是藉防堵為名置兵於無賊之地於事勢緩急道途險易絕不一加忖度是誠何心賊情剽疾異常我兵遷延愈甚

近來統兵大臣率蹈此種惡習舒興阿乃亦出此實所不解著該督於接奉此旨後即日兼程馳抵廬州與江忠源迅籌攻勦其皖豫交界各處均在穎毫後路大兵經行便可隨處察度兼顧不得因已派福濟帶兵應援遂觀望不前徒糜軍餉儻因該督赴皖遲延以致賊蹤北竄朕豈能置舒興阿於不問耶本日據青廉奏咨商該督撥兵防堵信陽光州各要隘已

欽定剿平粵匪方略卷六十八

十五

諭知英桂就近酌量派防矣

上又命軍機大臣傳諭英桂曰本日青廉奏據光山縣稟報賊由黃岡逼近光州又信陽州密函該處捻匪四起在信陽西北一帶與隨州緊連是光州信陽等處均屬最關緊要信陽僅有派防兵勇一千餘名實形單薄該撫前奏即咨明舒興阿迅飭甘肅遊擊王定莖帶兵馳往信陽擇要駐守目下是否已到著英

桂嚴飭南汝光道會同各帶兵將弁將該處各要隘認真防堵並飭光州所屬嚴密設防無令楚北賊匪闖入豫境仍派委委員將黃河口岸認真巡查密防奸細偷渡舒興阿現已馳赴皖省豫境防勦事宜該撫責無旁貸務當竭力妥籌無稍貽誤

十二日癸丑怡良許乃釗奏言臣等接准向榮咨會遵

欽定剿平粵匪方略卷六十八

十六

旨飭令和春前往徐州另派已革提督余萬清接統鎮江水陸諸軍等語查鎮江為蘇杭屏蔽關繫綦重鎮江逆匪無時不思竄突前提督鄧紹良雖稱勇敢尙有支持不住之時幸和春洞悉賊情接任後籌備周密賊匪屢次衝突無不痛勦截回近日逆匪潛通常州土匪欲圖內應經和春搜獲逆信密拏黨與絕其詭謀且威望素著軍

民信服邇日餉需不繼各營兵勇不免嘖有煩

言和春恩威並濟頗能鎮服若一經更易生手

恐軍心未能鎮定逆匪乘隙臨張蘇常及杭嘉

一帶均不堪設想是此時鎮江情形十分緊要

臨敵易將兵家所忌實不宜驟令和春離開鎮

江且黃池一帶時有賊船出沒蘇省紳民一聞

和春赴徐州之信無不惶惑臣等馳函會商意

見符合謹據實瀝陳伏懇

天恩俯念鎮江地方緊要仍令署提督和春一手經理

其徐州軍營可否

飭下向榮察看已革提督余萬清是否堪以派赴徐州

之處伏候

命下遵行

同日署禮部左侍郎光祿寺卿宋晉奏言查逆

聖學聖方略卷六十八

十七

聖學聖方略卷六十八

十六

匪現陷舒城漸逼廬郡難保其不窺伺北方侍

郎呂賢基已經殉難新任巡撫江忠源又復患

病惟丁憂侍郎曾國藩忠誠素著瞻識俱優在

湖南辦理團練屢次派勇接濟江忠源是其鄉

望素孚人皆樂為效用具有明徵可否

飭令挑選練勇乘船順流東下與江忠源水陸夾擊以

冀速殄賊氛如能將皖省沿江賊船大加剷洗

則金陵揚鎮之賊必皆膽落向榮等自可共圖

克復至曾國藩現雖丁憂然縷墨從戎古人無

避當此軍務緊急尤當以

國事為重如蒙

特旨飭令前來該侍郎諒不至推諉也

宋晉又奏言現在江南賊匪四出竄擾總由江

面為其所踞一任豕突狼奔難於處處嚴堵惟

命下遵行

續修四庫全書 史部 紀事本末類

有添調廣東紅單船速赴江南以期掃除三城
盤踞之賊請

特諭伍崇曜迅再添募紅單船百號剋期前來江南勦

賊不可稍有遲緩至督帶艇船尤須爲廣東義

勇推信之人始能得力查丁憂給事中蘇廷魁

謀略深沈忠款篤至粵省紳士羣爲推許可否

飭令督帶廣船迅駛入江奮力勦洗如此布置則曾國

勦平粵方略卷六十八

十九

藩帶勇自上流而來蘇廷魁率船自下游而至

兩面夾擊不患江面賊氛之不悉就蕩平也

宋晉又奏言東壩爲蘇省咽喉現在下竄賊匪

雖經擊退難保不蟻聚復來似應設法固守以

圖萬全可否

飭下向榮於壩口一帶沿岸數丈外我軍槍礮能及之

處排立木椿四重於水內連以鐵索以拒賊船

並於岸上連築木城護以土牆中開礮孔以便
轟擊如此布置則水有木椿賊船不能前進陸
有槍礮賊船不得停留更有木城遮護我能傷
賊賊不能傷我以逸待勞卽可以寡敵衆均奏
入

上命軍機大臣傳諭向榮怡良許乃釗日前據向榮奏

遵派和春馳往徐州所有鎮江軍務卽委余萬清接

勦平粵方略卷六十八

二十

辦茲據怡良許乃釗奏稱鎮江地方緊要斷非生手

所能接辦請仍令提督和春一手經理自係實在情

形和春著仍留鎮江統帶水陸諸軍以資籌勦該大

臣等卽責成該提督迅速克復鎮江無稍延緩余萬

清著卽飭令渡江交江忠源酌量差遣本日據宋晉

奏東壩爲蘇省咽喉請於壩口一帶立木椿木城以

資守禦等語如此布置能否得力著該大臣等酌度

辦理

又命軍機大臣傳諭葉名琛柏貴曰前有旨令葉名琛等於廣東雇覓海船馳赴江南並令與候補道伍崇曜商酌雇覓茲據宋晉奏請特諭伍崇曜再添募紅單船百號剋期前赴江南助剿並稱丁憂給事中蘇廷魁可以帶船入江等語江南賊匪四出竄擾總由江面為其所踞若此項船隻果能雇備妥速駛行

聖學方略卷六十八

三

入江則三城盤踞之賊自不難一鼓蕩平著葉名琛柏貴與伍崇曜悉心商酌迅速辦理俟辦有成數卽著選派得力將弁或令蘇廷魁管帶由海入江以資剿洗該員等果能辦成此事肅清江面自當破格酬庸渥加恩賞也

上又命軍機大臣傳諭曾國藩曰現在安徽逆匪勢甚狡獪連陷桐城舒城逼近廬郡呂賢基已經殉難江

忠源又復患病暫駐六安不能前進總由江面無水師戰船攔截追剿任令賊船往來自如以致逆匪日肆鴟張該侍郎前奏亦曾籌慮及此著卽趕辦船隻礮位並將前募楚勇六千由該侍郎統帶自洞庭湖駛入大江順流東下直赴安徽江面與江忠源會合水陸夾擊以期收復安慶及桐舒等城並可牽制賊匪北竄之路現在廣東紅單船數十隻計已由閩入江又有艇船數十隻均可備夾擊之用該侍郎忠誠素著兼有膽識朕所素知諒必能統籌全局不負委任也

聖學方略卷六十八

三

同日

上命軍機大臣傳諭僧格林沁曰朕聞已革前任九江道士魁現在該大臣軍營該革員前在賽尙阿軍營狡詐貪鄙大煽威柄以致物議沸騰今復隨該大臣

前往甚不放心在離大臣秉性忠直惟誠待人朕所素知轉恐因此受人欺蔽似此劣蹟昭著之員何必留於軍營再滋物議著該大臣飭令士魁刻卽回京無稍逗留

十三日甲寅山東巡撫張亮基奏言逆匪竄踞靜海東省武定德州等處防堵緊要臣於十一月初三日先抵武郡督同藩司崇恩詳勘該府形

欽定剿平粵匪方略卷六十八



勢並據各路探報大兵在靜海會剿情形知近日事機較前稍異有非徒守本境所能遏其奔竄者查武定府屬之陽信海豐樂陵與直隸之鹽山慶雲等縣壤地毗連前者賊由深州而東志在直犯天津武定府邊界各屬分派防兵數百名使賊知我有備不敢分竄今大兵偪圍靜海羣匪困守孤城靜海西北兩面官兵星羅碁

布卽南面附近鹽山慶雲等處亦尙有兵扼守惟東近海灘積水較深故官兵圍剿獨缺東面現屆嚴寒轉瞬冰凝卽成平陸該匪舍此別無竄路儘被竄出則海豐樂陵陽信沿海一帶無處不遭蹂躪臣與藩司虛衷商榷意見相同該司自請統帶兵勇至鹽山慶雲等處相機防禦總期臨時變通不使該逆乘虛闖入臣於武郡

欽定剿平粵匪方略卷六十八



布置後卽日由德平馳赴德州督同臬司厲恩官查勘情形應如何籌防之處再行奏明辦理奏入報

聞

十四日乙卯勝保奏言臣於十二日親督兵勇直撲賊壘甫至隄邊詎該逆因西南未得竄出又料我兵必移往靜海西岸防守膽敢調回靜海

馬步賊隊千餘名從東南撲來暗襲我兵之後
獨流之賊又分四路擁出逆眾三四千名分撲
我兵隊伍臣聞報靜海賊至卽令達洪阿抵禦
獨流賊匪臣督兵迎擊靜海匪股復督飭托雲
保魁福馬隊及正定步隊由隄岸抄擊該逆見
我兵兩路衝截遂一齊敗回靜海而獨流壘中
之賊愈出愈多達洪阿等極力擊殺殲斃無數
賊猶死戰不退臣卽商令德勒克色楞暫行督
陣臣單騎馳繞北隄令健銳營出奇兵從賊後
抄擊賊遂大敗川勇及天津各勇並健銳火器
營兵奮勇掩殺復飭佟鑑速用神威礮連環轟
擊隄面冰坑賊屍填積逆眾奔回木壘我兵隨
追隨殺直抵濠邊此次斃賊千有餘名實足大
快人心臣細探賊營糧米祇數數日若不使之

聖皇聖略卷六十八

五

聖皇聖略卷六十八

五

竄逸內潰外攻蕩平立待惟各路防兵或千餘
或數百如遇賊匪全股突出終覺力薄西路雖
節節派兵布置而不免畛域各分深恐一處疏
虞敗壞全局所有西北西南一路應請

飭令慶祺就近酌辦如鎮將不遵調度咨明嚴辦奏入
上命軍機大臣傳諭勝保曰逆匪窮蹙已極我兵攻勦
愈力該逆必思他竄該大臣洞悉賊情自能節節布
置無待朕之諄囑所稱西路官兵不免稍存畛域請
旨責成慶祺嚴防已諭知僧格林沁傳知該侍郎遵
辦勝保統領全軍一切調度各營自應遵照著卽傳
旨諭知慶祺盡力堵截如大兵攻拔賊壘逆匪或從
西路竄逸不但將不遵調度之鎮將從重治罪卽慶
祺亦不能辭咎也

上又命軍機大臣傳諭僧格林沁曰勝保勦辦靜海獨

流兩處賊匪獲勝逆勢窮蹙已極自不難立就殄滅北路一帶經僧格林沁防堵周妥惟西路一帶似尙不甚可靠現在慶祺紮營正在獨流西面著僧格林沁卽行傳旨諭知該侍郎酌度緩急嚴飭西路各營鎮將悉力堵截儻有防範不嚴被賊竄逸情事朕不但將不遵調度之鎮將從重治罪卽慶祺亦不能辭咎也

欽定剿平粵匪方略卷六十八

三

同日琦善陳金綬雷以誠慧成福濟奏言初四日辰刻賊匪由南門突出四五千人分三大股衝突副都統薩炳阿督率協領富呢雅杭阿等督帶馬步各隊設伏以待逮賊衆已過四方石及礮臺約一里許官兵槍礮弓箭齊發賊衆大敗回城計殺斃賊匪五百餘名生擒賊匪十七名是日瓜州大股之賊率衆逾萬復至三汊河

瞿騰龍德興阿督率參將吉連等開放大礮擊沈賊船一隻淹斃十餘名賊又從廬家州地方傍隄西竄經瞿騰龍德興阿等分兵追剿兩面夾擊始行遁回初六日賊匪復出南門甫過礮臺德興阿松齡等卽整隊掩擊賊匪急遁入城初七日清晨賊由儀徵循河東行至樸樹灣約數千人德興阿親督馬隊抄擊瞿騰龍率步隊

欽定剿平粵匪方略卷六十八

三

迎剿其時城內之賊復由南門竄出由八里鋪至上游窺伺均經官兵分投擊回臣等伏查此時揚城之賊急圖突圍而出復有瓜州之賊糾合金陵鎮江大股由瓜州分道來援儀徵之賊又復分股接應賊數愈增官兵更形單薄當此萬分喫緊之際臣等惟有悉心籌畫合力防維以期及早克復奏入

上命軍機大臣傳諭琦善陳金綬雷以誠慧成曰此時皖境賊氛愈熾南岸江鎮兩城亦收復無期朕心焦灼該大臣豈不知之稍有天良亦當感愧思奮現在大兵萃聚揚州如先將郡城克復則儀徵瓜州自必勢如破竹該大臣等擬如何進攻當有成算疊次所降諭旨責備成全均有深意儘再因循日久國法具在不能曲宥也

聖朝聖方略卷六十八

五

上諭內閣曰此次揚城之賊急圖突圍而出瓜州之賊復糾合大股分道來援又有儀徵賊眾接應悉經官兵迎剿抄擊匪勢不支若再不乘勝籌攻將揚州與儀徵剋日收復並將瓜州地方賊匪迅速掃除該處生民久罹鋒鏑朕心寢饋難安該大臣等其勦力同心迅將此股逆賊殲拾淨盡以慰朕念正不在以逐日小有斬獲徒勞奏牘也

同日台湧奏言十一月初四日接崇綸函咨賊匪尙未盡出楚境黃州巴河上下豈可任其久踞急應痛剿以絕根株囑臣卽將前選滿兵二千名統帶赴省等因查巴河對岸一帶係由大冶通山崇蒲等縣入荆捷徑該匪於武漢下竄未遠復又逆流上駛似此詭詐行蹤難保非以荆州名勝之區冀圖擄掠而駐防荆州城內滿

聖朝聖方略卷六十八

三

兵僅餘二千有奇若將派防之滿兵全行拔營赴省誠恐該匪乘虛而入不免有顧此失彼之虞又前於十月十七日准湖廣督臣吳文鎔函咨囑臣既回荆州自可不必來省如賊船回窺省城警急再爲飛咨帶兵前來等因自未便遽行帶兵起程該匪現復擾踞黃州是襄郡地方尤宜豫爲防範臣擬將前調之提鄖二標兵一

千三百名令遊擊翟萬林統帶赴襄會同襄陽道羅遵殿相度設防用固人心臣現署提督全省大局均應籌畫所有現在應否卽行統帶滿兵赴省並添漢兵派防襄陽之處候

旨遵行奏入

上命軍機大臣傳諭台湧曰前經降旨令台湧擇要截剿與吳文鎔等互爲聲援茲據該將軍奏稱應否帶

欽定剿平粵匪方略卷六十八

三



兵赴省並添兵派防襄陽請旨定奪軍情變幻靡常全在酌量緩急相機布置若必事事請旨施行則往返數千里接奉諭旨之時情形又各不同豈可稍涉拘泥目下楚省情形黃州最爲警急武昌稍可從緩襄陽等處亦應豫爲防範所請將提卽兩標兵一千三百名令遊擊翟萬林帶赴襄陽著卽嚴飭該遊擊會同安襄卽荆道羅遵殿實力籌防無稍疏懈總之

武昌省城與荆襄均關緊要該將軍現署提督惟當統籌全局與吳文鎔崇綸協力同心先其所急不可稍分畛域

上又命軍機大臣傳諭吳文鎔崇綸曰本日據台湧奏崇綸函咨該將軍赴省合剿吳文鎔又函咨無庸赴省辦理似屬兩歧請旨定奪已降旨令台湧酌度情形先其所急不必事事請旨矣現在巴河一帶賊船

欽定剿平粵匪方略卷六十八

三



蟻聚該督等自以急勦黃州逆匪爲尤要台湧所選滿兵二千如能統帶前往自可協力助剿惟荆州爲楚西重鎮若將派防滿洲官兵全行調撥出境萬一逆匪乘虛竄入貽誤非輕以目下情形而論所有台湧前選滿洲官兵二千自應駐紮荆州以資防守軍情變幻旦夕不同著吳文鎔崇綸體察情形隨時知照台湧互相策應總之省垣防守與荆襄等處均屬

緊要該督等務與台湧協力同心妥籌布置不可稍分畛域

禦學匪方略卷六十八

三

欽定勦平粵匪方略卷六十九 癸丑年

二十六

十一月十五日丙辰楊以增奏言臣接獲

堵連日將肅清淮北運道各事部署後已定期

前往適接揚州探報知金陵大股賊船援撲鎮

揚已將儀徵占踞查該逆占踞儀徵固為接應

瓜揚但西擾六合北窺天長均有間道可達清

江臣若遠離恐清江民心惶惑且署提臣和春

禦學匪方略卷六十九

一

已於初七日過浦赴徐權其緩急臣自應仍駐

清江就現有兵勇鎮靜嚴防以期安定奏入報

聞

同日山東道監察御史錢慶善奏言臣聞近日

勝保一軍攻擊逆匪木城天津義勇先入官兵

未能接踵前進以致勇入受傷漸生怨懟當此

攻勦喫緊之際兵勇相睽利鈍攸關請

飭令勝保拊循義勇俾生感奮並將帶隊不前之武弁查明正法以肅紀律又聞逆匪待援不至糧食日短坐以待斃彼必不甘鋌而走險防更宜密更聞此股逆首一籍隸湖廣一籍隸山東因刻下口糧不繼或思東竄或思北來詭計未定各懷已見自宜乘其心意不堅設法勦擊奏八

上命軍機大臣傳諭勝保曰御史錢慶善奏近日攻擊

聖學聖方略卷六十九

二

逆匪木城天津義勇先入官兵未能接踵前進以致勇入受傷漸生怨懟等語天津義勇素稱驍悍著該大臣實力拊循務使兵勇一心互相策應至所稱此股逆首一思東竄一思北來詭計未定乘此勦擊必不相顧著卽妥速設法迅籌攻勦但有可乘之機不可坐失

十八日 己未 舒興阿奏言 臣 欽奉

諭旨著臣毋庸赴楚卽日帶兵迅往安徽會合進剿自

應趕緊籌辦惟近來官兵經過地方供備車馬維艱現在軍務喫緊臣擬將鍋帳軍裝量爲酌減期於兵行迅速一俟車馬齊備卽日督率官兵馳往安徽一帶與江忠源會合進剿以期肅清江北

同日袁甲三奏言竊維自古禦敵之道不外防

聖學聖方略卷六十九

三

勦然必能勦而後能防所謂能戰而後能守也粵賊竄擾數省

皇上籌兵籌餉無一處不防究無一處能防者何哉地散則難守兵分則難支軍興數載未聞聚各處防兵與粵賊決一死戰而一隅有警四隅籌防左支右絀賊之所至徒供一潰卽日取失守者而議之亦屬於事無濟此專言防而不言勦者

之貽誤事機也卽如安徽一省除江南徐揚金陵本屬接壤此外楚豫蘇浙江西連界之區不一而足紛歧錯出門戶甚多而建省安慶則以大江分南北今建省廬州又當以廬州分南北賊踞安慶長江之險皆爲賊有安慶直如粵逆傳舍廬郡以南不勝防矣此外陸路則浦口爲第一門戶梁山爲第二門戶其三最要則臨淮

欽定四庫全書

四

其四則固鎮水路則由裕溪東關直達廬郡不過百數十里由盱眙至臨淮亦不過二百餘里下則和州之烏江上則桐城之樅陽由舟登陸直通驛傳若專事言防一處之險駐兵數百募勇又數百卽安徽一省已足竭天下之財而無益於事此已覆之轍不待臣明言者也現在賊偏桐舒駸駸北竄而各處險要半屬空虛臣以

爲廬郡以南亟宜勦廬郡以北則宜防防勦並施非多兵不可安省兵力單弱每因別無可調募勇以濟兵之不足而自正月安慶告陷以來所招之勇無不見賊立潰鳳陽之勇城陷而隨賊肆掠舒城之勇戰潰而導賊入城此鄉勇萬不可恃臣所目擊耳聞者也現在新撫臣江忠源因兵力太單不得不各處募勇江忠源調度

欽定四庫全書

五

有方且所帶楚勇甚屬得力必能妥爲控馭然此處人情非如楚勇之嫻訓練而能聯臂指效忠義而可作腹心臣愚不能無慮竊計勇旣無用兵亦難籌此時武昌解圍楚豫交界可以無警查陝甘督臣舒興阿所帶陝甘兵三千名尙在陳州可以移緩就急來皖應援由陳州府四十里至沙河登舟由沙河入皖直抵六安順流

而下一帆可至必得此兵與撫臣會合一處大壯聲勢庶可以決成功應請

旨飭令舒興阿星速帶兵前來庶江忠源得以併力南攻不致以烏合之勇再誤機宜卽謂逆情詭譎難保不復回武昌楚豫之交未能十分放心然皖省距楚豫皆近亦可就近策應儘舒興阿不能親來亦請

欽定剿平粵匪方略卷六十九

六

飭令派兵二千名前赴皖省交撫臣江忠源調遣兵力既厚南路之賊卽可痛加剿擊先取舒桐次復安慶殲除淨盡固爲深幸卽有餘匪偪入長江下流或扼東西梁山要隘攔截或與江揚共議翦除大江東南庶幾有豸不亟圖此而專事設防則失安慶而守桐失桐城而守舒失舒之後六廬交警西北兩路爲之騷然其患詎可勝言

况賊已壓境再行四路催援無論在事文武各有專責勢難去而之他卽聞信卽來而夫馬耽延亦屬緩不濟急且自桐城旣失南北文報梗塞不通江南安甯徽池太廣五府一州聲息不聞前據探報賊由蕪湖進宣城之灣沚而窺徽甯由太平廣德偪東壩而撲蘇常若果如此蘇浙危矣此南路之急宜剿而不宜防者也北路

欽定剿平粵匪方略卷六十九

七

水陸要隘各有重兵駐防而由廬州至宿徐祇固鎮有防兵七百臨淮並無一兵臣統籌大局守固鎮不如守臨淮固鎮僅堵陸路專護宿徐臨淮則水陸並防兼爲皖豫屏障此前侍郎臣周天爵舍臨守固之未爲得計也然查臨淮以一河爲阻自應防堵北岸而北岸廬舍蕭條地形寥廓又非防兵厚集不足聯絡抵禦河臣楊

以增既駐徐州勢可兼顧應請

旨飭下楊以增俟和春蘇布通阿無論何人來徐即飭

令酌帶兵勇並防守固鎮之兵概赴臨淮則北

可捍衛宿徐阻賊長驅之路西可保障懷蒙遏

其竄豫之衝此廬郡以北至要之地與其分而

守不若合而防也至安慶克復後各路合兵以

防為勦以勦為防撫臣江忠源自能相機籌策

聖恩聖方略卷六十九

八

非臣一時所能豫計也均奏入

上命軍機大臣傳諭舒興阿曰連日疊降諭旨令舒興

阿馳赴安徽會剿該督已早經奉到皖省情形緊急

自應迅速赴援何以該督屢次奏報仍在陳州並藉

口於地方供備車馬維艱必欲俟一切齊備方能前

進此種惡習實堪痛恨河南歸陳一帶喫重已有徐

廣縉在彼防守並命牛鑑於交卸臬篆後即行馳往

且在穎亳後路該督果即統帶大兵赴皖何患該逆

之闖入豫境若任意遷延不顧大局於心何安本日

又據袁甲三奏請飭令舒興阿領兵赴皖援應並稱

陳州四十里至沙河登舟由沙河入皖直抵六安順

流而下一帆可達是程途不遠絕無迂折繞越之難

著舒興阿迅即前赴廬州該省勦辦事宜即責成舒

興阿會同江忠源速籌攻克毋稍延誤

聖恩聖方略卷六十九

九

上又命軍機大臣傳諭袁甲三曰所陳皖省南北兩路

情形均能按切時勢自應如此辦理逆賊占踞江面

游行無忌近復竄踞桐舒北路最形緊急江忠源病

當漸愈諒可即日帶兵迎勦舒興阿自陳州赴皖該

督所帶官兵並郝光甲管帶之兵已有四千餘名果

能剋日前進與江忠源併力合勦當可得力昨復諭

令曾國藩自湖南統帶礮船沿江下擊以備水陸夾

攻但不知何時可以趕到至臨淮固鎮一路單弱情形甚爲可慮楊以增未能卽赴徐州和春已於初七日過清江浦但未會詳敘帶兵若干諒因金陵大營無兵可分之故今欲嚴扼臨淮固鎮不能不就現有兵勇擇要布置該給事中旣經見及必須專防臨淮卽與該提督妥籌商辦前命袁甲三兼顧宿徐現據奏報已抵蒙城自可就近布置該給事中勦辦捻匪

欽定剿平粵匪方略卷六十九

十

甚爲妥速頗有聲威諒必能悉心籌畫保障全淮也

十九日庚申江忠源奏言臣於初四五日病勢漸

輕適署撫臣劉裕鈔委員齎送安徽巡撫關防

蕪湖關關防到六安臣卽於初八日祇領任事

連日探報賊在舒城補修城垣開挖濠溝閉門

堅守臣當留總兵音德布帶領兵勇一千餘名

防守六安臣於初九日力疾帶領兵勇二千七

百餘名自六安兼程前進初十日馳抵廬郡擬先將廬郡守禦事宜略爲布置卽知會音德布約定時日從六安前進臣帶領兵勇從廬州前進兩路夾攻仰託

聖主威福舒城當不難克復惟是安省現在萬難措手情形有不能不據實直陳於

君父之前者江南岸上自東流下至蕪湖瀕江數百里

欽定剿平粵匪方略卷六十九

十一

賊船隨處可泊卽隨處可以上岸現在江面梗

阻尙難兼顧就江北岸而論上自望江下迄和

州沿江六百餘里防不勝防其中最要之處莫

如東關而玉山與張印塘所帶兵勇僅二千二

百名現在廬郡所恃者僅臣帶來四川兵開化

勇廣勇七百餘名及在六安新募之勇二千名

與李鴻章勇六百名劉裕鈔新募之勇數千名

且初集之衆尙須設法教練方能得力此安省兵勇單薄之實在情形也至於兵餉藩庫絲毫無存東關兵勇已欠發口糧二十餘日臣所帶來銀六萬兩除發給滇川開廣各兵勇十一月分口糧及新募各勇半月口糧並置備各勇鍋帳器械已用二萬餘兩外僅存三萬餘兩若將東關兵勇及劉裕鈐等新募之勇口糧全行補

聖學聖考卷六十九

十三

給所存已屬無幾而城上守禦器械一切俱無城中米糧又復不足子藥鉛丸俱形短少若欲一一置辦直苦無從措手此安省兵餉匱乏之實在情形也新任臬司既無來皖信息現在尙係已革臬司張印塘署理揀發知府四員僅到陸希湜一員業已委署潁州府篆務廬郡候補知縣僅有數員候補佐雜亦僅有十餘員臣初

到任既未知其能否而應辦之事百端交集直是無員可委此安省乏員之實在情形也夫安徽一省本當賊匪北出之衝現在桐城又復爲賊所踞而無兵無餉無人至於如此臣抵廬一日焦灼萬端然臣受

恩深重自當於萬難措手之時力求有濟俟廬郡布置稍定卽當督率兵勇前往攻勦斷不使賊匪比

聖學聖考卷六十九

十三

竄一步以仰慰

宵旰憂勞

江忠源又奏言正緒摺聞十一日戌刻劉裕鈐等派往防守沙河之勇敗回十二日黎明賊匪大隊徑撲廬郡守城兵勇過單不敷分布臣力疾激勵將士誓以死守並分別咨調音德布自六安帶兵赴援玉山張印塘自東關帶兵赴援

袁甲三賊紆青自鳳穎帶兵赴援並懇

恩就近飭派大臣統帶兵勇星馳赴廬並由部就近籌

撥餉銀以濟急需

同日江南提督和春奏言前奉

諭旨令臣馳赴徐州督辦防勦事宜卽於十一月初一

日起程十二日行抵徐州查該處南連皖省北

界山東城之西南兩面皆山東北緊靠黃河有

欽定剿平粵匪方略卷六十九

十四

護城長隄一道高於城垣查看形勢駐兵防堵

必須守隄兼以守山方爲扼要徐州現存兵勇

四千餘名未經戰陣必須逐日教練庶遇敵可

期應手查徐州近接廬鳳爲南北咽喉防堵最

關緊要現聞安徽竄匪擾陷舒城賊勢尙在狡

獯必得迎頭截勦始可絕其北竄但安徽之臨

淮固鎮爲皖北之藩籬卽爲徐州之門戶此時

臨淮並無兵勇固鎮祇有參將劉玉豹帶領山

東官兵七百名未免單薄臣奉

旨防守徐州不能不兼顧前路已飛咨向榮酌派得力

官兵一千名星馳前來卽由臣統領前往堵勦

以遏北竄

同日張亮基奏言臣於十一日馳抵德州一路

詳視形勢凡與直隸接壤之處皆係平曠曠野

欽定剿平粵匪方略卷六十九

十五

無險可扼實屬防不勝防惟相度邊要聯營截

擊尙屬以逸待勞操縱由己該州邊隘以柘園

鎮爲最要應以重兵扼守而在城兵勇僅千餘

名不敷分布查將軍瑞昌帶兵一千名現駐濮

州該處雖亦緊要而審度現在情形不能不移

緩就急先顧北路臣已飛咨該將軍帶兵來德

與臬司厲恩官各於柘園鎮附近擇要分營駐

紮聯成犄角之勢臣到任數日旋卽出省省署
稽壓各件並刑錢捐輸各要務未及籌辦現在
武德兩路既有藩臬兩司及將軍瑞昌扼要分
駐足資守禦臣擬暫行到省料理應辦要務仍
隨時確探南北各路事機何處緊要卽親往何
處督防庶免顧此失彼之虞均奏入

上命軍機大臣傳諭江忠源曰該撫病已漸痊朕心稍

聖訓卷六十九

十六

慰惟廬郡情形緊急殊深焦灼已嚴催舒興阿督兵
馳救和春已抵徐州亦令卽赴廬州會剿並命吳文
鎔等速飭戴文蘭統帶兵勇前來復諭令張芾撥銀
十萬兩河南山東無論何項銀兩迅速籌解安徽以
應急需矣袁甲三扼守北路剿除捻匪其能否赴援
尙未可必前命曾國藩趕辦船隻礙位並將所募楚
勇六千名由該侍郎統帶直赴安營與江忠源會合

水陸夾擊但恐到皖尙需時日該撫務須督率在城
文武竭力固守俟援兵一到卽可內外夾攻保全廬
郡卽以固北路藩籬

上又命軍機大臣傳諭和春日前因怡良奏鎮江軍務
須一手辦理降旨令和春折回惟現在皖省緊急宿
徐甚關緊要和春業已到徐著毋庸折回鎮江本日
據江忠源馳奏逆匪直撲廬郡萬分緊急著和春卽

聖訓卷六十九

十七

日酌帶兵勇兼程馳赴廬州會同江忠源等合力攻
剿毋稍延誤至所稱擬咨向榮酌派得力官兵一千
名星馳來徐以備攻剿著卽飛速咨調惟廬城勢甚
危急若待江南兵到再行赴援已屬無及現在舒興
阿統帶陝甘官兵四千餘名計日可抵廬郡該提督
卽可與舒興阿酌量調撥總以急援廬州遏賊北竄
爲要

上又命軍機大臣傳諭張亮基曰現在山東武定德州等處均關緊要該撫因有藩司崇恩臬司厲恩官並將軍瑞昌帶兵防堵速請回省料理刑錢各務殊屬不知緩急該撫統轄全省責無旁貸何得安坐省城轉以防勦事宜委之他人況省城團練現有劉源灝等辦理更有何應辦要事重於軍務者耶目下靜海獨流逆匪尙未勦除淨盡南路一帶處處與東省界

欽定剿平粵匪方略卷六十九

十六

連設有賊蹤關入谷將誰誘張亮基著卽出省馳赴德州扼要防堵仍探明何路緊要卽向何路截擊總當統籌兼顧不得株守省垣致誤事機現據江忠源奏報賊由舒城圍撲廬州情形緊急餉需刻不容緩著張亮基於山東省無論何款先行籌撥銀五六萬兩卽日派員解赴皖省以濟要需

上又命軍機大臣傳諭吳文鎔崇綸曰逆匪攻撲廬州

郡城危急該撫所帶兵勇單弱已極江忠源前次飭赴武昌之楚勇一千餘名湖南兵六百名雲南四川

兵未渡江者亦多留守武昌此項兵勇久隨江忠源歷陣兵將相習湖北省城存兵尙不爲少而廬州危急萬分稍有疏虞致賊北竄所關匪細著吳文鎔崇綸迅飭原帶此項兵勇之都司戴文蘭並將弁人等趕緊將江忠源原帶兵勇全數帶赴廬州聽候調遣

欽定剿平粵匪方略卷六十九

十九

萬勿遲誤其黃州逆匪卽責成唐樹義實力追勦勿得株守省垣藉詞諉卸

上又命軍機大臣傳諭舒興阿曰據江忠源奏本月十二日賊匪徑撲廬州該處兵力甚單情形危急亟請就近飭派援兵前往著舒興阿帶兵星馳徑赴廬州與江忠源內外夾擊保護郡城該處爲賊匪北出之衝較之他處尤關緊要不待藉口於車馬未齊遲延

誤事現在提督和春已至徐州本日諭令馳赴廬郡
惟該提督帶兵無多著該督即將所帶官兵分撥和
春統帶以資攻剿

上又命軍機大臣傳諭袁甲三日賊撲廬州郡城危急
袁甲三駐紮蒙城距廬郡不遠現在該郡兵勇甚單
情形緊急著該給事中酌量如何帶兵前往協剿並
兼顧北路不令該匪乘虛上竄迅即妥籌辦理

欽定四庫全書

二十

欽定四庫全書

三十一

上又命軍機大臣傳諭張芾曰本日據江忠源奏廬郡
情形危在呼吸需餉緊急著張芾迅將前撥銀十萬
兩全數撥解以濟急需

上又命軍機大臣傳諭英桂曰本日據江忠源奏廬州
情形緊急餉需刻不容緩著英桂於河南省無論何
款先行籌撥銀五六萬兩即日解赴皖省毋得貽誤

同日張芾奏言江省自上年七月辦理防堵以

來截至省城解圍後共用銀一百四十四萬餘
兩除截留本省地丁及雲南銅本等項銀二百
六萬餘兩業已墊用銀三十八萬有奇此時逆
匪竄擾皖楚九江湖口等處防務正在喫緊吉
安之泰和安福饒州之鄱陽浮梁樂平等縣土
匪尙未殲除淨盡應發防堵經費兵勇口糧用
款尤繁庫儲存銀無幾勢將難乎爲繼惟有請

旨准在江西咸豐二三年應解雲南貴州銅本兵餉內
借留銀三十五萬兩以資接濟奏入

上諭曰屢次嚴催不准截留何不知緩急置全局於不
顧實堪痛恨汝自抵任以來祇知有一江西款項則
任意截留保奏則太覺冗濫一籌莫展昧良喪心至
於此極朕自愧用汝庸愚大吏不知汝汗流浹背否

二十日辛酉 向榮奏言據常州道府來稟盤獲奸

匪謝得玉等供稱有十一月初四初六等日勾結鎮賊橫常之信臣恐逆賊由鎮江西門徑竄丹陽當飛飭統帶鎮江官兵余萬清等加意防範一面札飭德安鄧紹良帶兵就近由高瀆移赴常州俾資鎮定旋據余萬清來文查知逆船數十隻由瓜州駛過鎮江欲撲我軍營盤乘隙下竄初四日辰刻北門擁出四千餘賊勢極兇

聖學聖方略卷六十九

三

猛直欲撲營南竄余萬清等督領大兵遏其前衝鏖戰多時該逆不能越過且拒且退余萬清等乘勢督兵衝殺殲逆賊二百餘名生擒七名奪獲二百斤大礮兩尊該逆潰遁我兵追逼城圍將附近城下賊踞卡房悉數焚燒查逆匪自本年三月失踞鍾山以後倚城爲營負隅自固臣屢謀進攻該逆百般死拒不敢出城一步

鎮城逆匪疊次出撲均被我兵擊敗此次勾結土匪希圖竄常以窺伺蘇浙詭秘奸謀又經識破惟三城究未克復無以仰慰

宵旰現在新鑄六萬斤大銅礮將次搬至礮臺城內聞此信息甚爲驚惶我軍乘此大張聲勢使賊人聞風氣餒一面潛通內應離間解散以孤賊勢奏入

聖學聖方略卷六十九

三

上諭曰余萬清尙知愧奮著激勵進攻迅破鎮江爲要至江南情形如是鋪張總未克復汝尙有何面目自誇耶

同日勝保奏言十六日卯刻臣督兵潛進並派達洪阿等帶健銳火器營兵分路進攻臣與德勒克色楞督率各營居中調度又令守備馬翰忠知縣方鴻恩分投督陣不准兵勇退後該逆

於木城內槍礮密排我軍離濠尙遠礮已如雨
臣見各兵勇齊憤激死力向前而限於地勢
未能飛越若急於求功損傷必眾不得已傳令
各路暫行撤隊忽見賊營南面擁出馬步賊眾
四五百名我兵一齊追上槍礮環攻立斃賊八
十餘名擒回賊目一名長髮老賊二名臣回營
後訊據賊目供稱十二日撲出賊匪實被我兵

聖學聖考卷六十九

三

擊殺一千餘名其偽丞相林瀛詳面鼻帶受槍
傷逃回靜海城中現係偽丞相李開芳在此拒
守等語均卽正法查各路堵禦之兵西路雖奏
奉

諭旨責成慶祺調度而東南西凌阿善祿前紮營駐兵
之所被賊掘隄放水已成一片巨浸現已移營
南面高阜之處與臣營盤隔絕東路益覺空虛

可慮除派正定官兵二百名西甯河州官兵三
百名並天津勇五百名前往靜海東北楊莊畢
莊一帶駐守外仍令天津知縣謝子澄趕緊雇
夫開鑿水濠阻賊逃竄其靜海東南四十餘里
之四檔口地方路通東省最爲扼要恐餘匪擾
及山東勢復滋蔓查山東撫臣現在帶兵駐守
武定距四檔口僅二百數十里應請

聖學聖考卷六十九

三

飭令該撫迅速防堵以昭慎重奏入
上命軍機大臣傳諭勝保曰此次進剿雖有斬擒而限
於地勢仍未能直入賊壘實深焦灼靜海西南一帶
蘊秀帶兵在彼駐紮能否得力朕甚不放心西凌阿
善祿等移營高阜去靜海較遠且與該大臣營盤隔
絕聲勢未能聯絡深恐有誤事機均著該大臣體察
情形酌量布置所請山東巡撫派兵協堵一節現在

東省防堵緊要兵力較單不敷分撥本日已令瑞麟帶領前鋒等營兵一千名前往軍營卽由該大臣節制應於何處堵截卽著酌量調度再瑞昌帶兵一千名現在移營德州並著隨時知照扼要防堵

上又命軍機大臣傳諭巡防王大臣曰著卽日挑選前鋒護軍驍騎技勇各營兵共一千名交瑞麟統帶前赴勝保軍營勿稍遲延

同日

上諭內閣曰侍郎呂賢基素懷忠義大節無虧前因逆匪竄擾舒城捐軀盡節業經降旨追贈尙書銜優加賜卹著再加恩於舒城建立專祠以慰忠魂而光卹典並著賞給銀三千兩由廣儲司發給交伊子呂錦文祗領卽日前赴安徽扶柩回籍治喪用示朕篤念蓋臣有加無已至意

剿平粵匪方略卷六九

壬

剿平粵匪方略卷六九

壬

二十一日^{壬戌}舒興阿奏言前因偵知安徽舒城失守廬州被圍緊急^臣亟宜督兵馳往會剿查官兵行走路徑應由淮甯沈邱八安徽太和縣境再由潁州取道六安卽可進兵相機勦辦^臣隨飭該地方官趕備車馬無如車馬一時未能齊備現在雇覓商船由淮屬周家口內河順流而下馬隊沿岸相隨覈計水程四五日可抵潁州卽於十五六日分起赴皖^臣親率三起挨次行走其馬隊卽分隨步隊船隻沿岸並進^臣到潁州府或水或陸趕緊馳往與江忠源合力勦除肅清江北萬不敢稍涉遲誤以冀上慰宸廬至豫省現在情形惟南陽較緩其羅山信陽等州縣與楚皖二省賊匪滋擾之區或壤地交錯或路徑紛歧既虞逆賊窺伺又慮捻匪勾引^臣已

飛咨撫臣英桂督率柏山並分咨徐廣緒一體
移緩就急擇要嚴防以期共保無虞臣現帶兵
赴皖河南兵力較單直境指日廓清可否量添
兵力來豫之處出自

聖裁奏入

上諭曰現在廬郡已經被圍汝若待事事妥當緩緩由
水路進發必致貽誤事機今歲秋勝保自晉省偏賊

聖朝方略卷六十九

天

至直沿路並無車馬口糧該大臣與兵丁同食野菜
纔將將趕上亦由該大臣素得兵心之故汝由樞臣
外任兼圻歷練有年緩急應曉豈反不如勝保耶朕
甚為汝愧天下大患胥由因循觀望之所致朕為天
下主既失之於前豈復忍不挽之於後朕總以不誤
兵機能知緩急兼能奮勇殺賊者是賴若一無用之
輩雖留之亦無益國法豈能倖逃懷之

欽定勦平粵匪方略卷七十 癸丑年

十一月二十二日 癸亥 琦善陳金綬雷以誠慧成

奏言查瓜州援揚之賊在運河西岸築立土城
數處意欲近逼三汊河與儀徵之賊為犄角之
勢臣等公商必須注以全力方能制勝臣琦善

遂於初十日親往三汊河與瞿騰龍先期布置

十一日黎明晉康查文經自東面陳家巷帶勇

聖朝方略卷七十

一

赴三汊河 臣慧成添派弁兵 臣雷以誠亦遣張
翊國帶勇協勦瞿騰龍德興阿率帶弁兵會同
河東兵勇由高明寺搭橋過河分三路前進遊
擊安勇等亦由東路溝港鋪板直撲賊營該逆
大股出巢抵死抗拒瞿騰龍督率弁兵奮勇衝
殺擊斃手執大黃旗賊目一名賊始敗退我兵
乘勢追至賊巢燬其所踞窩棚數處殲斃賊匪

及焚溺死者無算是日巳刻城內之賊由南門撲出數千名分路衝突副都統薩炳阿副將松齡由南路分兩翼襲抄賊始大敗其自南門分股西趨之賊經參將鞠殿華等分隊迎擊斃賊百餘名餘匪悉退入城至儀徵之賊雖屢挫其鋒該匪仍敢由儀徵河之樸樹灣南岸建立土城數處並過河占踞臨河之隆覺寺等處臣琦

欽定剿平粵匪方略卷七十一

二

善遂由三汊河繞越二十餘里於十三日五鼓督率瞿騰龍德興阿等潛師前往十四日黎明踰溝直逼樸樹灣北岸賊營賊匪大驚死守不出官兵伴爲撤隊而設伏於高岡之後以待賊果大股出巢來追迫深入伏中馬步隊齊出擊之賊隊遂亂官兵乘勢追殺將賊匪盤踞之窩巢燒燬數十處殺斃賊匪七八百名焚溺死者

不計其數臣等伏查瓜州通江之河向分三道中路一道爲瓜州河分東西兩岸西路一道爲儀徵河分南北兩岸東路一道爲揚州運河今賊已踞其二復會合南京鎮江瓜州各路之賊由兩河分路齊進賊船不下數千隻儀徵北門復有山路可直達揚城西北以襲我兵後路而官兵除傷病不滿一萬各路防剿實覺應接不

欽定剿平粵匪方略卷七十一

三

暇當此萬分緊急之際惟有激勵將士竭力堵禦再十五六日三汊河等處賊匪竄擾甚急接仗情形容另行續奏奏入

上命軍機大臣傳諭琦善陳金綬雷以誠慧成曰該大臣等任令逆賊占踞揚城復又將儀徵失陷逆猷猖獗愈甚而我兵日事遷延此次兜截來援之賊雖經疊獲勝仗而內竄之賊未能併力殲除若不急圖攻

克致令儀徵瓜州匪眾合夥救援揚城攻勦更難得手所稱三汊河等處賊匪竄擾甚急續將接仗情形查奏等語該大臣係於十六日發報何以不將現在接仗大概情形附奏實深懸繫此時福濟業已赴皖廬州一帶賊勢緊急該大臣等圍攻揚城頓兵日久坐視江北賊匪蔓延徒以不能兼顧為辭不知統兵大帥所司何事也

欽定四庫全書

四

二十三日甲子江忠源奏言查廬郡南臨大江北

枕淮水為自古形勝最要之區現在金陵揚鎮

三城未復又為賊匪北出之衝周城七門惟南

門得勝門外向無房屋水西門外房屋尙少餘

俱民房櫛比臣到任卽出示毀拆尙未興工賊

已踵至盤踞各民房內施放槍礮又水西一門

城牆最低而城外坡隴獨高賊紮營其上俯瞰

城中最為喫重臣卽駐守其處將城牆加高培厚其次大西門民房偏近城根又無濠溝賊到卽在該處開挖地道經隨臣來安之湖南舉人鄒漢勛訓導鄒台卹駐守雇覓夫役從內迎掘惟城垣周圍三十餘里兵不滿三百勇不滿五千且係新集之眾不諳守城規矩雖將臣帶來兵勇數百分布各城而為數無多究不敷用幸

欽定四庫全書

五

城內紳民深明大義見臣力疾登陴部署一切人人感激奮興出丁助守且設局分段送飯送粥送茶晝夜不絕兵勇無須舉火得以專意守堞賊於十三日五更用槍礮分攻得勝大東小東及南北二門暗用雲梯爬大西門月城經鄒漢勛督率兵勇抵禦斃賊十餘名賊猶抵死不退業有數十名爬上月城被我兵奮力將其殺

斃奪獲大黃旗一面雲梯六架其餘各門亦各斃賊十餘名是日合計斃賊一百四五十名十四日黎明賊乘大霧猛攻北門經張文斌會同把總尹孝忠外委張得貴督率武生周恩等奮力抵禦斃賊四五十名尹孝忠腹受礮傷移時身故張得貴右肩中槍子傷猶力禦不退右手復受礮傷三指均斷賊來愈猛周恩父子督率

聖朝方略卷七

六

衆勇拚死抵敵賊始敗退同時賊又乘霧分撲小東門經知府陳源亮督率守備程智泉力斃賊二十餘名是日合計斃賊六七十名十五日卯初賊以小股分攻六門以大隊用雲梯攻得勝門經都司楊煥章督率四川弁兵奮力抵禦把總尙得勝帶勇幫同轟擊自卯至辰斃賊百餘名奪獲雲梯五十餘架各門斃賊七八十名

是日合計斃賊二百餘名此連日賊匪攻城我兵疊獲勝仗之實情也所有傷亡兵民均由臣隨時分別賞恤其尹孝忠一員應請

旨交部從優議卹惟是守城數日以來雖屢獲勝兵勇究屬過單軍餉究屬過絀伏乞

恩旨就近迅調援兵多撥軍餉星速救援保全廬郡卽

以遏賊北竄之路臣歷守廣西湖南江西各城

聖朝方略卷七

七

紳民急公好義固不乏人求如廬郡之萬衆一心實所未見良由涵濡

聖澤淪肌浹髓故能有勇知方衆志成城除俟事竣由

臣擇尤保奏外應請

旨先行下詔嘉獎以勵衆心抑臣更有請者臣甫經到

任賊卽圍城又值萬難措手之時非賞罰嚴明不能整齊衆志如有出力尤著之員可否由臣

隨時保獎其不遵調度之員並由臣隨時正法
伏候

訓示遵行

同日袁甲三奏言臣接撫臣江忠源來咨據稱
逆匪直撲廬郡守城兵單速請赴援臣接閱之
下不勝焦灼江忠源初到廬州一切守禦之具
未必籌辦齊全自應四路赴援以救危城惟臣

聖學聖方略卷七

八

所帶兵勇除宿州營兵先已飭令回宿外其餘
分撥各兵如卽全撤則淮南一帶人心驚惶土
匪必肆猖獗若另為湊集亦恐不成一軍於南
路大局無濟查陝甘督臣舒興阿帶兵三四千
名於十七日自河南陳州起程來皖臣當卽專
函飛催請其星速赴廬約計旬日可到得此生
力軍與江忠源會合必可取勝且音德布玉山

常清等各帶重兵距廬均止百餘里如可赴援
諒已趕到惟逆情既如此狡獪卽被擊敗難保
不再圖北竄徐宿一帶喫緊非常而臨固尤為
緊要門戶臣卽日起赴宿州先行布置並就近
與和春商酌如和春進紮臨淮卽以駐守固鎮
臣現帶之兵並臧紆青等勇統歸和春管帶以
當第一層門戶臣與王夢齡百勝等分駐宿徐
以為後路援應如和春必須駐徐臣卽酌駐臨
固獨當一面總期聲勢聯絡斷不任該逆長驅
北犯抑臣更有請者鳳潁土匪不少南路風聲
既緊難保不乘機為亂且逆匪若由廬郡擊敗
難保不西竄六安擾及鳳潁並由正陽關竄入
豫省非豫為防備仍恐臨事無所措手應請

聖學聖方略卷七

九

旨飭催徐廣縉酌帶兵勇仍進駐蒙亳牽制土匪並為

各路聲援至舒興阿所帶之兵關係由太阜前進距正陽關止數十里並請

飭令舒興阿酌留官兵駐守正陽關似於北路防禦較

爲周密

袁甲三又奏言接署江南提督和春咨稱臨淮固鎮爲皖北藩籬卽爲徐州門戶防守徐州不能不兼顧前路等語是迎頭堵剿以防北竄與

欽定剿平粵匪方略卷七

十

臣意見相同惟函內有兩江督臣怡良以鎮江軍務緊要奏請該提督一手經理尙未奉有

諭旨臣查鎮江防剿自係喫重然彼處兵將甚多且距

江揚甚近尙可就近調撥現在皖省事急北路並無重臣及曾歷戎行之人臣卽竭力籌辦恐未能確有把握聞和春屢著戰功所論防剿機宜均中窾要實爲北路長城應請

旨飭令和春仍防宿徐洵於北路大局有裨均奏入

上命軍機大臣傳諭江忠源曰廬郡擊賊連日獲勝覽

奏深慰至皖省兵力單弱前已飛諭吳文鎔等酌撥

存楚兵勇交戴文蘭星馳赴援舒興阿所帶官兵四

千九百餘名由陳州水路赴皖本日復嚴催兼程前

進諒不日卽可趕到至應如何調遣之處卽著江忠

源會同舒興阿協力籌辦務將圍攻廬郡之賊先行

欽定剿平粵匪方略卷七

十一

撲滅則桐舒二城之匪亦必聞風喪膽該郡紳民萬

衆一心洵足爲長城之倚並著該撫隨時激勵以固

其志和春現在徐州已有旨諭令袁甲三會商扼剿

事宜並諭舒興阿所帶之兵酌分和春統帶必可得

力至江西省應撥解銀十萬兩節經嚴催解皖復飭

河南山東兩省無論何款先行籌解數萬兩以應急

需卽著該撫派委委員分投迎提又廣東省有解交

部庫銀十五萬兩此時如行抵皖境亦准該撫截留備用

上又命軍機大臣傳諭袁甲三日廬州被圍緊急賊匪大隊盤踞城外音德布現在六安玉山現在東關常清現在和州所帶之兵是否抵郡江忠源摺內均未聲敘昨已諭和春由徐州前進想亦即日起程該給事中與和春既已熟商所慮宿徐臨淮緊要之處即

聖學聖略卷七

十二

著妥為布置不可疏虞本日復有旨飛催舒興阿兼程赴援並令將所帶之兵酌量分給和春統帶況由徐州前進本係迎頭剿殺既可力解城圍並可杜賊北竄於剿賊情形更為得勢

上又命軍機大臣傳諭舒興阿曰舒興阿前奏分帶馬步官兵於十五六日起程赴皖計已早過潁州此項官兵幾及五千名水陸並進聲勢甚壯著即酌撥數

百名派委得力將弁帶往正陽關扼守如令該逆過關一步即將扼守該處之領兵鎮將以軍法從事該督仍親督官兵兼程前進速援廬州不得再事遷延和春現在徐州已有旨令其赴援廬州該督所帶之兵即可分撥交其統帶和春熟悉賊情屢經戰陣必可得力郝光甲屢次逗留規避甚不足恃該督若將兵丁全行交其管帶恐有貽誤著隨時查察如仍畏

聖學聖略卷七

十三

蕙不前即行奏明將該革員正法毋稍瞻徇

上諭內閣曰逆匪自竄擾舒城以後突於十一月十二日大股直撲廬州該撫江忠源於先期一日趕抵郡城力疾登陴分門布置城內紳民亦各出丁助守疊獲大勝破其詭計賊膽已落城守愈堅江忠源自廣西湖南轉戰經年所至有功本年防守江西省城轉危為安今逆賊突撲廬州該撫以病軀督戰即能疊

挫兇鋒士皆用命洵屬忠勇可嘉並據江忠源奏廬
郡紳民萬眾一心同仇敵愾爲各省所未見尤堪嘉
尙著該撫先行傳旨褒獎事竣據實保奏朕必破格
施恩湖北外委張得貫肩受槍傷礮斷三指猶能力
戰殺賊武生周恩父子帶勇拼死禦賊均屬奮勇出
眾所有在事文武有能似此出力尤著者卽著隨時
保奏其有不遵調度畏葸貽誤者卽著隨時正法總

欽定剿平粵匪方略卷十

十四

期信賞必罰以振軍威所有湖北把總尹孝忠防守
北門中礮陣亡實堪憫惻著交部從優議卹

二十四日乙丑福濟奏言臣於十三日接奉

諭旨令馳赴安徽廬州會同江忠源督辦防勦當於十
六日趕緊帶兵起程繼思儀徵甫經失守揚城
正在喫緊今忽撤兵數百名誠恐顧彼失此有
誤事機當將河漕兩標兵五百八十名仍留灣

頭交慧成調遣臣僅帶山東鄉勇一百五十名
前往惟皖省不靖勦滅必藉兵威查寶應縣平
橋有參將嵩齡帶領山東兵四百名防守雖係
揚州後路而賊烽遠隔數百里斷無意外之虞
以之調赴安徽似可轉無用爲有用更益以淮
安城守營兵二百名臣共帶兵六百名稍壯聲
威可資進勦

欽定剿平粵匪方略卷十

十五

同日雷以誠慧成奏言十三日夜賊匪以船爲
橋分過東岸桂花莊迤下紮曾經晉康查文經
帶兵於十四十六等日兩次擊殺賊匪千餘名
賊匪在桂花莊一帶晝夜放火爲號城內逆賊
探有救應連日由徐凝鈔關等門出城衝突我
兵晝夜換班鏖戰殺死賊匪無數詎賊匪前面
併力接戰實則暗由城頭運下木植排成木寨

架礮向我營攻擊礮子如雨勢甚猖獗經晉康
查文經等親督參將師長鎮首先領隊由中路
搶入木寨衛守備李金鼇等帶隊由西路搶入
參將蘇勒芳阿等帶隊由東路搶入將木寨內
賊匪擊殺殆盡奪獲滾木數百件旗幟槍械數
百件生擒賊匪二十餘名此次賊匪亟思衝出
與瓜州賊匪會合幸蒙

聖恩聖略卷中

十六

諭旨豫示機宜兵勇用命能將賊築木寨立刻搶奪足
以張軍威而褫賊膽均奏入報

聞

二十五日丙寅瑞昌奏言臣於十三日接山東巡

撫張亮基來咨以逆匪久踞靜海德州兵勇單
弱不足以資防禦請

飭臣統兵前往德州迤北堵剿臣即飭令頭起官兵於

十九日起程其餘各起官兵亦陸續前進斷不
敢稍有遲緩致誤事機奏入

上諭曰到防後知照勝保聽該大臣派撥何路防剿即
遵令行

同日楊以增奏言清江為南北咽喉水陸程途
四通八達設防本屬不易且局勇礮勇合計見
多分布即少其外調客兵祇有山東七百餘名

聖恩聖略卷中

十七

山西三百餘名除派往蔣壩三百名平橋四百
名外計存浦僅山西兵三百餘名萬一揚賊潰
圍北竄兵勇甚單難資守禦臣與前清臣李湘
棻密計熟籌惟有在寶應高郵一帶扼要嚴防
較之平橋尤為得力李湘棻即日督帶參將嵩
瑞兵四百名並自練礮勇進駐寶應高郵一帶
相機堵剿以防北竄奏入報

二十六日_{丁卯}勝保奏言臣接慶祺密函獨流西北有水之處近日冰凍將堅賊營防範稍疏易於攻撲臣以進攻地勢非親往相度不可遂帶小隊百人坐冰牀前赴西北面積水處所詳視地勢折回慶祺營中面商機宜繞至第六鋪地方忽聞東南連環槍礮知係我兵開仗南岸料

欽定剿平粵匪方略卷七

十六

有德勒克色楞並達洪阿督陣必可抵禦惟北岸兵力稍單恐賊由此而出馳馬先赴北岸我兵果被大股賊匪圍繞臣即督小隊百餘人用連環槍礮緊跟轟擊先斃執旗賊目四五人又擊倒長髮賊三四十名賊勢潰退臣正在催兵淹殺遙望南岸我兵已早開仗且聞神威礮連環攻擊見黃旗紛倒賊屍填積料獲大勝正可

乘勢兩岸夾擊嗣因南岸撤隊太速該逆用噴筒火彈復行撲出我兵自相擾亂恐有疏失而為河所阻又無船隻未能飛越萬分憤急幸北岸逆眾已奔回土壘臣即由浮橋渡南岸大營維時賊匪已退入木城詳查我兵何故退回據各營將士面稟是日午刻忽見賊壘擁出二三千人分三路撲來我兵奮力迎擊斃賊無數申

欽定剿平粵匪方略卷七

十九

刻逆眾傾巢盡出我兵亦分投掩殺賊順南隄而逃副都統佟鑑用礮橫擊黃旗紛倒隄面賊屍填積約斃四五百名逆眾未能入壘其勢已慌南北兩面又有知府朱鎮知縣謝子澄帶勇追殺該逆沿隄上下狂奔窘蹙萬狀佟鑑見賊勢大潰飛馬親赴濠邊欲拽賊營搭濠板片斷賊歸路隨行兵丁不過二三百名該逆拌死從

佟鑑背後衝去將我兵分爲兩截佟鑑到岸卽
 飭兵丁併力拽取板片不意爲冰所膠急不能
 拔親自下馬督拽足滑而踣賊衆擁來刺朱
 鎮謝子澄遙見佟鑑被困危急不及督勇策馬
 赴前救護謝子澄卽與佟鑑同時陣亡朱鎮亦
 受槍傷幸大隊官兵繼至賊衆奪橋奔回僅將
 朱鎮扶救回營而護礮官兵及拉礮丁夫被衝
 失散達洪阿所督北路健銳火器兩營官兵離
 壘北最近收隊時先行退下全隊兵勇亦遂擊
 動逆匪復從壘中悉數撲出德勒克色楞急督
 吉林馬隊蒙古各兵極力抵禦又經 臣從河北
 督放槍礮始將賊匪擊回而健銳火器兩營兵
 丁仍復奔回不能列隊以致二品大員失援陣
 亡四百斤神威礮八尊遺失一半 臣甫離營半

聖學方略卷七

三

聖學方略卷七

三

日未經臨陣指揮大捷之餘遇此失挫達洪阿
 久歷戎行所帶皆京旗勁旅隨 臣打仗已非一
 次於一切調度機宜諒能略曉乃始以貪功銳
 進繼以輕退失機致該逆萬分窮蹙之餘又張
 兇燄除將首先退回之官兵令達洪阿查明一
 律正法外達洪阿銳進輕退調度乖方應請
 旨先行摘去頂戴仍交部嚴加議處責令帶兵自效 臣

勝保 臣 德勒克色楞有統帶幫辦之責咎俱難
 辭應一併仰懇

飭部嚴議

勝保又奏言副都統佟鑑自管帶礮位到營每
 次隨 臣 進攻謹受調度奮往向前不意此次 臣
 因赴西河履勘情形未能親臨督陣逆賊撲出
 該副都統連環施放槍礮已轟斃賊匪數百名

因見賊勢大潰親至濼邊拽取濼板斷賊歸路
竟爲逆匪擁圍身受重傷陣亡忠勇血誠深堪
憫惻查該員上有老母八十餘歲下無子嗣仰
懇

天恩飭部從優議卹並飭該旗查明近支有無可以承
嗣之人具奏以慰忠魂又知府用天津縣知縣
謝子澄前次禦賊保衛津城自調赴軍營帶勇

聖恩賜方略卷十

三

殺賊無不勇往爭先今見佟鑑失陷策馬赴援
身受七傷捐軀致命倍深痛惜應一併請

旨飭部從優議卹候選知府朱鎮亦因佟鑑危急單騎
馳救以致身受槍傷甚重至今槍子未出查該
員以文員帶勇屢次奮勇打仗今又不避危險
身受重傷實屬勇往出力爲軍營中不可多得
之員可否懇

恩以道員歸部選用並
賞戴花翎之處出自

聖裁奏入

上命軍機大臣傳諭勝保曰該大臣統領全軍於諸將
進退機宜不能先期調度以致損折賢員實堪痛惜
計攻勦獨流靜海而月以來日盼殄除該逆以定畿
輔不料有此敗衄轉令逆燄猖獗殊失朕望朕因將

聖恩賜方略卷十

三

才難得姑予薄譴勝保等若不將此股逆匪全行撲
滅何足以贖愆尤所有德勒克色楞原帶之東三盟
兵丁已諭知僧格林沁速撥數百名飭赴勝保大營
交該員子統帶以資攻擊該大臣卽熟籌布置西北
面積水處所如果冰凌堅實可以設法進攻不得坐
失機宜天津練勇素稱矯捷謝子澄旣經陣亡恐該
勇無人統束或致四散該大臣卽傳諭鹽政文謙迅

赴軍營將謝子澄前帶各勇收集統帶該鹽政係特派天津防勦大員素得該處士民之心該大臣務當推誠相與藉資臂助達洪阿係棄瑕錄用之員此次大損軍威實堪痛恨已有旨將該員革職家產查封仍令帶罪自效若再不遵調度失機貽誤國法豈容倖逃並著該大臣傳知各營以後進剿事宜無論何員貽誤卽以軍法從事

聖恩聖方略卷十

三十四

上諭內閣曰此次南岸失利雖因達洪阿銳進輕退以致挫衄勝保身為統帥各營皆歸節制何以離營半日卽至將士不遵調度輕率進兵平日所稱號令嚴明者何在德勒克色楞係幫辦大員不能督率約束咎亦難辭勝保德勒克色楞均著各降四級留任拔去花翎以示薄懲達洪阿與賊接仗已非一次豈不能深悉賊情乃始以貪功銳進繼以輕退失機尤堪

痛恨著卽行革職仍交勝保責令帶罪自效如再不奮勉卽於軍前正法該革員家產並著查封候旨辦理鑲黃旗蒙古副都統佟鑑管帶礮位疊著戰功此次接仗業已轟斃賊匪數百名乃因拽取濠板被賊擁圍猶復手執長矛連刺數賊身受重傷登時遇害忠勇血誠覽奏不禁隕涕佟鑑著加恩追贈將軍卽照將軍陣亡例賜卹入祀昭忠祠並賞給二等輕

聖恩聖方略卷十

三十五

車都尉世職仍准其入城治喪任內一切處分悉予開復應得卹典該衙門察例具奏該員現無子嗣著該旗於本族近支內擇其應繼之人卽為立嗣承襲世職知府用天津縣知縣謝子澄督帶練勇保衛天津民心愛戴自調赴軍營帶勇殺賊極為奮勇乃以救援佟鑑身受七傷被害情形尤堪痛惜謝子澄著加恩賞給布政使銜卽照布政使陣亡例賜卹於四

川原籍建立專祠並賞給騎都尉世職佟鑑謝子澄仍著於陣亡地方建祠置祀以慰忠魂至候選知府朱鎮不避危險單騎赴援以致身受槍傷實屬勇往出力著加恩以道員歸部選用並賞戴花翎以示優獎

同日崇綸奏言現在賊船由黃州府竄往樊口分股又赴華容新店各村鎮四出焚掠臣屢勸

欽定剿平粵匪方略卷七十一

三

督臣派兵攻勦督臣之意必待湖南兩廣並自造各船礮到齊方可出師若以數千之旅惟恐有失萬不肯行終日閉城坐守一籌莫展查省中現有兵勇一萬數千名除守城及紮營附城要隘外尚有數千可以出征若待湖南兩廣各船礮到齊道路迢遙深恐有需時日况賊匪大股多赴安徽現在楚境者俱係零星小醜並有

土匪冒名搶劫長髮老賊實係無多若派數千

官兵配以現有礮船水陸夾擊足資痛剿且聞

賊匪現在田鎮築壘若果日久盤踞則商賈不

通驛路梗塞為患滋深臣思荊州將軍台湧兼

署提篆統轄滿漢官兵現賊在下游荆襄安謐

當已函致該將軍仍帶前調滿兵二千名來省

會商如肯帶領前來先就現成礮船水陸並征

欽定剿平粵匪方略卷七十一

三

否則臣即前去或兩人同往與其株守一方莫如殺賊救民最為目前要著臣日夜籌思萬分焦灼以致病勢較重仰懇

天恩暫准賞假調理奏入

上命軍機大臣傳諭吳文鎔崇綸曰前據台湧奏稱先後接據吳文鎔崇綸函咨一則令其帶兵赴省一則令其不必來省是該督撫各執一詞意見已屬兩歧

茲據崇綸奏力籌勦賊並吳文鎔閉城坐守等語朕以吳文鎔老成練達現當楚北逆氛未靖一切籌防籌勦堪資倚任詎可株守省垣不圖前進崇綸與吳文鎔辦事一方應如何協力同心迅圖攻勦遇事齟齬先已不能和衷又安望其於事有濟儻因各懷己見致誤事機該督撫等厥罪維均朕斷不能為之曲宥該逆於田鎮築壘黃州一帶賊亦不少臬司唐樹

聖學聖方略卷七

天

義曾否遵旨前往設法兜勦著吳文鎔一面嚴飭該臬司迅圖勦洗一面親督官軍出省督戰並察看何路緊要即馳往何路截勦所有省城防守事宜即責成崇綸妥籌布置儻有疏虞亦必重治其罪決不寬貸台湧官兵應否飭令帶赴下游會合追擊並著該督撫會商兼顧不得各執己見崇綸因病請假著即賞假十日調理一切防勦要務仍當盡心籌畫毋稍

諉卸

二十八日己和春奏言查逆匪直撲廬州情形危急宿徐為南北咽喉最關緊要而臨淮近接廬郡堵禦尤為喫緊現在袁甲三帶領兵勇移紮宿州防守甚嚴惟該逆以大股攻撲廬郡若分股由巢縣和州竄突或儀徵之賊由天長盱眙北趨均可直抵臨淮必須嚴堵該處方可遏

聖學聖方略卷七

天

賊北竄臣已將徐州防堵事宜移交鎮臣百勝徐州道王夢齡接辦即帶熱河駐防兵並賊紆青練勇共一千餘名於二十五日起程馳赴宿州會商袁甲三先將臨淮防堵妥為布置即趕至廬州會同舒興阿江忠源合力攻勦以保危城惟現在所帶兵勇未經戰陣恐攻勦未能應手臣原帶湖南三四五起官兵七百餘名現在

鎮江向來打仗勇敢已忝向榮將此起官兵派已革副將鄭魁士管帶前來以資得力奏入報

聞

同日

上命軍機大臣傳諭勝保曰朕思逆匪渡河北竄勝保督兵追勦屢著戰功懷慶解圍之後特授爲欽差大臣各路官兵均歸節制朕待勝保恩意不爲不厚倚

欽定剿平粵匪方略卷七

三

昇不爲不專該大臣中夜捫心亦當知感知懼乃自逆匪占踞獨流靜海後屢閱奏報詞氣矜張漸有自滿之意前此我兵誤陷冰坑致多損折此次接仗竟至大員陣亡遺失礮位該大臣身爲統帥離營之時何竟毫無布置及至失事轉以離營他往誘過於人又何以折服將士之心爲大將者必當虛心集益謀出萬全使將士人人用命感奮圖功若師心自用不

聽人言以致衆心渙散不肯出力或偏聽幕客傳述

之言或濫開委員逢迎之路致有貽誤其患何可勝

言勝保經此次訓諭後若能返躬省過與諸將士合

力同心剋期勦逆不但盡贖前愆仍可渥膺懋賞儻

遷延日久糜帑無功是勝保不能承受朕恩國法豈

能寬宥德勒克色楞係幫辦大員與勝保共辦一事

責無旁貸汝二人尤當知無不言和衷共濟達洪阿

欽定剿平粵匪方略卷七

三

究係勇將此次加以薄懲正望其奮勉立功再邀恩眷朕賞功罰罪一秉至公惟視汝等自取何如耳懷之慎之

二十九日

庚午

僧格林沁奏言近聞獨流一帶

有薙髮潛出者深恐該逆瀕出探聽消息以便擇

路豕突復探得逆匪各做麪餅用小袋裝盛其

爲趕辦裹糧急思他竄無疑臣當派員前往慶

祺軍營令其轉傳各營一體嚴加防範至前敵進仗情形我兵雖連日出隊無如該逆詭譎異常我兵往攻先必堅守窺我軍心懈慢伺隙方出臣思該逆恃險固守以逸待勞我兵如此進攻似難得力現已密致勝保步步為營先將營盤偏近再將天津海口七千斤至萬斤大礮運至營中此礮力能致遠若高築礮臺向內攻擊

勦平匪方略卷七十

三

或可傾覆賊巢二十三日我兵失利失去礮位軍械無算臣聞信之下憤懣難名且謝子澄為津郡循吏深洽輿情所帶義勇頗資得力今猝然陣亡設人心渙散郡城可慮之至二十六日據奕紀報天津義勇因謝子澄陣亡幾至生變臣當即發去告示剴切安撫茲又據慶祺委員稟報該縣南里坦地方有青縣土匪結夥搶掠

若不消息將萌深恐與該逆勾結亦經飛咨直隸督臣迅委幹員前往擒捕並嚴札該縣實力查拏以靖地方奏入

上命軍機大臣傳諭僧格林沁曰二十三日我兵進仗失利銳氣少挫疊經降旨嚴飭勝保督率將士併力攻勦以贖前愆現在該逆有裹糧思竄情形該大臣駐紮王慶坨地方足可堵禦北面惟由獨流至東安

勦平匪方略卷七十

三

一路亦應派兵扼其要衝不可稍涉大意至青縣土匪在南里坦地方乘機竊發難保不與該逆勾結該大臣現已知會桂良趕緊派委幹員迅速捕拏仍著於附近大營處所嚴密巡緝毋致延蔓
同日勝保奏言二十七日卯刻臣親督各營將弁一齊出隊商令德勒克色楞帶蒙古馬隊分列陣後以備接應抄襲復恐該逆由靜海抄來

豫傳黑龍江總管魁福密授機宜並將托雲保
所帶吉林官兵及健銳營馬隊一併帶往令其
於葡萄窪一帶設伏以待又傳令駐守羅古莊
步隊官兵抄殺接應一面催調大礮出隊臣卽
乘馬親督前進行距獨流二里許遙見北岸逆
匪出至下圈村一帶排列馬步隊約有六七百
名臣卽督天津固原官兵逼近河岸開放連環

欽定剿平粵匪方略卷七



槍礮擊死該逆大半餘皆帶傷狼狽竄回臣復
令開放連環大礮將其木城屋宇擊破十數處
其靜海撲來馬賊三四百名甫至葡萄窪經魁
福帶領馬隊陡然壓下該逆猝不及防經我兵
擊斃一百餘名追趕入水者三四十名維時天
色漸晚臣慮將士貪功深入卽令撤隊徐退勿
蹈前轍奏入報

聞

欽定剿平粵匪方略卷七



欽定剿平粵匪方略卷七十一 癸丑年

十二月初一日 辛未 張亮基奏言查逆匪羅輝

海屢經大兵攻剿勢已窮蹙度其奔竄之路武

屬各縣逆鋒偏近且海灘散漫處處皆可闖入

德州雖係水陸通衢距靜海稍遠由靜海至德

州非於直隸境內轉折數州縣不能徑達此兩

路既有藩臬兩司及將軍瑞昌分統兵勇扼要

聖皇輿方略卷七十一

一

駐防似足以備守禦省城僅留兵五百餘名非

急募壯勇數千由臣在省親督訓練使之驟知

紀律則制勝之策一無把握臣由德州暫行回

省以冀居中調度茲蒙

垂廬德州衙要

諭令親往督防遵於十一月二十四日自省起程馳赴

德州扼要駐防並將各屬募送到省壯勇統帶

赴德隨營訓練以資守備仍遵

諭旨確探何處事機緊要即親往何處策應亦不敢拘

守德州致滋貽誤奏入

上諭曰汝非無才亦非不能振作者但能刻刻奮發自

有展布之日勉之勉之

初二日 壬申 琦善陳金綬奏言上月二十四日德

興阿督率滿漢官兵由東石人頭地方進剿適

聖皇輿方略卷七十一

二

遇賊匪二千餘名分爲三股直撲我隊德興阿

亦分三路衝擊斃賊三百餘名總兵翟騰龍帶

兵過河至運河西岸擊賊該逆隔水爲營經翟

騰龍設法繞擊殲賊多名詎意瓜州賊匪於是

日子刻由運河東岸潛渡揚子橋抄襲該處鄉

勇紮營揚子橋之北另在揚子橋附近廟內屯

紮賊匪將廟圍住而鄉勇尙在睡夢之中被賊

殺害及擄去者數十名維時參將師長鎮等馳往救援晉康查文經亦各帶兵勇攻勦賊始敗退仍由揚子橋過河當經馮景尼添勇防守申刻賊復繞赴揚子橋下游渡河而北揚子橋營中之勇未戰先潰大礮器械盡以資賊旋准晉康咨稱賊匪分股撲施家橋張翊國帶隊逃走該處已被賊占臣琦善聞信之餘不勝灼焦遂

欽定剿平粵匪方略卷七十一

三

於二十五日黎明偕臣陳金綬率總兵瞿騰龍挑選各營精銳由三汊河渡至運河東岸該逆羣出抗拒經官兵痛加勦洗殺賊一千數百餘名是日東石人頭之賊亦經德興阿等擊敗殲斃三百餘名當此攻截喫緊之際各勇紛紛潰散並有潰勇千餘人執持器械沿途乘間搶掠深為可恨參將馮景尼所轄之勇潰散多名實

難辭咎應請

旨將該參將卽行革職仍留營效力以觀後效職員張翊國專司防守施家橋勇數有一千數百名之多是否臨敵逃去應請斥革訊明辦理

同日雷以誠奏言自賊匪攻破儀徵進攻樸樹灣由西岸上衝三汊河瓜州之賊遂向東北沿東岸上衝直達桂花莊勢甚鷗張臣與琦善陳

欽定剿平粵匪方略卷七十一

四

金綬慧成彼此相商若非三面會勦難以遏其衝突定期於十一月二十四日黎明進攻當由臣飭張翊國督率各勇目並派千總孫得富帶勇一千八百名由施家橋分三路進攻詎料該賊衆於五鼓時分隊往北路潛襲馮景尼之營及張翊國帶勇進攻桂花莊土城東路其時南路之勇先到奮力攻擊兩土城登時並破張翊

國大隊直趨北路錢礮齊施斃賊無數我勇正向東南追剿不意大股賊匪七八千人由北路冒煙衝出前後夾攻另有大股賊匪分隊由南小路抄出各勇之後徑撲施家橋四面裹合守營之勇力不能支陣亡過半賊遂闖營放火張翊國正在奮力衝擊見營盤火起乘空抽身殺出身中二槍孫得富身中火銃一處矛傷二處

聖朝方略卷七十一

五

率勇回救亦已無及遂趕赴霍家橋地方紮住嚴守查張翊國督率各勇日會剿連破賊城二座不意爲北路之賊前後夾攻致聲勢隔斷被賊抄襲營盤各無可辭應將該職員張翊國摘去頂戴以示懲儆 臣調度無方亦難辭咎伏乞 皇上將 臣 交部議處均奏入

上命軍機大臣傳諭琦善陳金綬雷以誠慧成日琦善

統領全軍攻勦揚州賊匪自春及冬擁兵觀望坐令四出衝突近復攻陷儀徵每隔旬餘輒以小有斬擒勝仗奏報塞責相持累月餉竭兵疲是誰之咎耶鄉勇本係烏合之衆與兵丁有閒全在該大臣等申明紀律用其銳氣以助兵力之不逮乃任令日久玩生紛紛潰散尙有何顏據以入告甚至賊衆掩至而鄉勇尙在睡夢之中尤出情理之外卽各營鎮將員弁

聖朝方略卷七十一

六

無論何人保奏何人管轄統歸琦善節制何平日漫無稽察直待事機已誤始以誘過之辭奏請查辦前經疊降嚴旨並殊諭斥責該大臣置若罔聞不克早圖收復至此情形支絀罪將焉歸著該大臣迅速通籌分別堵截斷賊援應其在營各勇尤須加意撫綏激勵勿令效尤潰散流而爲匪參將馮景尼所轄之勇潰逃多名該員不能約束罪無可辭著卽革職仍

留營效力以觀後效又據奏晉康咨稱賊匪分股撲施家橋時職員張翊國帶隊逃走本日復據雷以誠奏張翊國帶勇進攻桂花莊土城東路因南路之勇先到將兩土城攻破張翊國大隊北趨正在奮力衝擊因見營盤火起抽身殺出身中二槍與晉康所咨不符張翊國著先行革職交琦善等確切訊明有無逃避情事再行據實會奏

欽定剿平粵匪方略卷七十一

七

琦善又奏言正具奏間慧成遣外委陳彥魁等來營面稱賊由揚子橋北竄東路鄉勇全行潰散晉康現在灣頭聞賊匪至陳家巷營盤全被占踞又稱賊已至三里橋將偏灣頭慧成處僅有兵丁一百餘名查東路募勇踰萬口糧充足不知何以任令全行潰散現在雷以誠所守之施家橋已被賊匪占踞萬福橋未得確信慧成

在灣頭業已上船際此危急之時均已置軍務於不問臣防勦西南北三面正在盡力堵禦提臣陳金綬亦在南路防堵惟有飛速知會陳金綬前來商籌杜賊北竄之法奏入

上諭曰此時豈可還分彼此總以禦賊北竄為最要之急著大局為重無顧其他

同日慧成奏言逆匪竄至揚子橋經官兵擊退

欽定剿平粵匪方略卷七十一

八

後愈聚愈多逐處放火衝突屢敗不退其城內之賊亦分門出撲使我兵腹背受敵又三汊河賊船鱗次必將水陸夾攻長驅北竄臣現紮揚城東路為清淮要隘原可設法堵截惟存營兵僅數百名斷不能禦數萬之賊設邵伯灣頭有失勢必由南而北直竄清淮向守缺口東關等處均係參將馮景尼所帶鄉勇昨已陸續潰散

城上逆匪目擊東面各營撤退正遂其北竄之心實屬異常危急查臣紮營東路總以扼賊北竄為第一要著現將陳家巷等處之宜化熱河兵勇一千餘名調赴東路一帶分紮竭力堵禦仍隨時咨會琦善雷以誠協力堵剿奏入

上諭曰此皆因以前畛域太分致貽崩解之患汝係滿洲大員竭力為之成敗非是時所能計及也

聖朝方略卷七十一

九

同日舒興阿奏言上月二十一日臣至潁州府探知江忠源已由六安前赴廬州又聞該撫將賊匪擊敗竄往廬江一帶臣即於二十三日由水路取道潁上縣正陽關壽州即由壽州陸路馳赴廬州與江忠源會商攻剿
同日福濟奏言皖省逆賊鷓鴣張土匪蠶起非厚集兵力不足以振軍威臣除調紮平橋蔣壩山

東兵及淮安城守營兵共八百名又飛調漕標兵四百名並在清江募選壯勇一千名統計二千餘名庶可以資攻剿惟兵勇散處各方調募需時且須修理帳房器械購領火藥鉛丸更非奔逐道途所能備辦臣擬暫在清江浦趕緊料理一俟驪完即當馳赴廬鳳各郡均奏入報

聞

聖朝方略卷七十一

十

同日青麇奏言臣前蒙
旨旨准臣暫駐德安籌防又
命會同河南撫臣英桂安徽撫臣江忠源臬司唐樹義等扼守江北一帶臣接臬司唐樹義咨稱黃州已獲勝仗因該處居民遷徙淨盡所帶兵勇療飢乏策是以將兵撤回進省又准督臣吳文鎔咨覆略永忠業已帶兵赴省賊匪尙在黃州一

帶省垣防守甚重現在兵勇僅敷分撥一俟稍有餘兵即將德安營之兵撤回歸伍各等情查湖北十府一州除武昌一府在江以南其餘均在江北地方既屬遠闊人心亦復散渙且聞得荆州將軍之兵亦被省中調去是江北一帶直無一兵儘有疏虞孰當其咎應請

旨飭令督撫妥籌辦理庶可於事有濟再督臣吳文鎔

欽定剿平粵匪方略卷七十一

十一

久任封圻現在省垣精兵將及二萬豈可令其置身事外臣斷不敢稍存推卸仍一面駐守德安與知府易容之等設法募勇勸捐竭力防範並不時將緊要情形咨會陝甘督臣舒興阿河南撫臣英桂俾知防守臣亦得相機商辦一俟賊匪出境德安再行撤防奏入

上命軍機大臣傳諭吳文鎔崇綸曰現在逆匪竄踞黃

州一帶該處為皖豫要衝關繫江北大局若非併力迎擊何以遏賊北竄之衝武昌存城官兵計已將及二萬乃吳文鎔等擁兵株守置通省全局天下大局於不問臬司唐樹義前因退敗遁回省城已不可解而派援黃州之副將略永忠又復帶兵回省吳文鎔所謂調度者何在且兩旬以來並未據該督等將緊要軍情隨時入告著吳文鎔懍遵前旨迅即督兵出

欽定剿平粵匪方略卷七十一

十二

省迎賊所向奮力進攻斷不准再事遷延致干重罪其省城防剿仍著崇綸妥籌布置亦不得藉詞諉卸
初三日癸酉和春袁甲三奏言臣和春於十一月二十六日行抵宿州與臣袁甲三悉心通籌查臨淮為南北要隘無論廬州江揚之賊何股北竄皆當其衝必須兵力厚集方有把握惟廬州萬分喫緊連日探聞廬州之賊雖疊經江忠源

擊退旋復圍攻必當急援廬州現存兵勇萬不
能合併專駐臨淮祇得將駐守固鎮之兵七百
餘名移赴臨淮並臣袁甲三前派赴懷遠勦匪
之山東兵三百名全行撤歸臨淮派令參將劉
玉豹管帶妥為布置臣和春亦親到臨淮查看
地勢卽帶領密雲熱河等處官兵直趨廬州該
逆於廬郡被創後難保不由六類一路竄豫英
霍一路竄楚潁州府爲皖豫楚交界適中之地
必須有重臣駐紮隨時策應聞舒興阿帶兵四
千名已抵壽州擬請

聖事方略卷七十一

十三

聖事方略卷七十一

十四

令舒興阿酌帶兵一千名折回潁州防賊西竄楚豫
其餘三千名分交臣和春及江忠源調遣以資
攻剿至前駐徐州之密雲熱河官兵旣經分撥
赴廬則徐州亦屬空虛該處爲南北衝要臣袁

甲三欲徑赴徐州則臨淮儘有緩急又恐較長
莫及擬暫駐宿州以爲臨淮後應奏入

上命軍機大臣傳諭和春袁甲三日賊匪攻撲廬州情
形甚爲緊要和春自當趕緊赴援現在舒興阿所帶
官兵業經到齊卽著和春飛咨該督撥兵三千名以
資攻剿並知照該督卽於潁州一帶扼要駐紮嚴防
逆匪分竄豫楚之路與和春袁甲三互相策應參將
劉玉豹扼守臨淮其餘徐宿一帶袁甲三必須擇要駐
紮以爲臨淮後應熱河等處官兵已由和春帶赴廬
郡著卽知照琦善此項官兵毋庸調赴揚州

同日

上命軍機大臣傳諭琦善陳金綬雷以誠慧成曰琦善
屢報賊勢窮蹙已極乃並不迅圖克復且與雷以誠
慧成等各懷意見坐失事機實堪痛恨揚州東北一

路爲高郵寶應及淮安要道施家橋已被賊踞邵伯灣頭一帶最關緊要該大臣既知東路勇不足恃自當迅派得力提鎮大員帶兵馳往扼要堵擊若陳金綬之兵與琦善同在西北一路但知擁兵自衛竟置東北於不顧該處勇多兵少設使勇盡潰散賊從此路北竄琦善豈能諉罪著陳金綬迅速統帶官兵直趨揚州東北擇要駐紮與慧成雷以誠等合力截剿

聖皇聖方略卷十一

十五

堵賊北竄陳金綬係幫辦大員自到揚州以來未見著有戰功此時東路緊要該提督若再不知奮勉國法具在豈能再從寬宥耶

上又命軍機大臣傳諭王履謙長臻楊以增曰賊踞揚城久未克復現在逆衆救援屬至勢甚猖獗恐其由揚州東北一帶乘機紛竄清江浦爲淮揚後路此時更應嚴密堵截著楊以增扼要嚴防知縣吳棠聞其

團練壯勇甚得民心若飭令帶勇擊賊定當得力至黃河爲南北天險著王履謙長臻實力稽查將各處隘口船隻概行收集並著楊以增於黃河漫口上下游嚴防奸匪竄逸毋得互相推諉致滋貽誤

上又命軍機大臣傳諭張亮基曰揚州東路鄉勇潰散邵伯灣頭萬分喫緊山東與淮徐接壤自應嚴密設防惟獨流逆匪未平南北兩路均關緊要張亮基現

聖皇聖方略卷十一

十六

赴德州恐未能兼顧南路應如何選將撥兵於山東江南交界各要隘嚴防賊匪竄入之路著卽迅籌布置據實馳奏並督飭沿河員弁實力巡查各口岸毋令賊匪偷渡

初四日甲戌勝保奏言近因逆匪勢窮圖竄卽於距賊壘里許之杜家嘴地方相度地勢趕築礮臺以便晝夜攻擊該逆日於壘邊暗伏窺伺上

月二十八九兩夜該逆屢次搶撲。臣終夜嚴兵以待。圍營不准舉火。使賊不知虛實。俟其撲近。土牆卽於黑暗中用槍礮連環轟擊。又密派馬隊抄襲於外。傷斃甚多。初一日復列陣而出。逆匪時出三五百人往來奔突。旋卽大股擁至。齊拋火彈。直至新築礮臺腳下。舍命很撲。幸天津固原西甯河州宣化及健銳火器營兵俱能膽

聖朝方略卷七十一

十七

壯氣定列於礮臺上。下一齊開放。連環槍礮打死賊匪。不計其數。而該逆仍復死命相持。臣等催令至營。多取火把張燈。以壯聲勢。並飭吉林黑龍江及蒙古馬隊同由南面抄擊。該逆始敗。退回巢。統計連日傷死逆賊約及五六百名。我兵一無受傷。此番移營。逼近賊巢。營壘相峙。僅隔里許。深居險地。刻刻寇敵當前。彼之木城日

久益堅。我之士牆新築未固。防範頗難。非久經戰陣之兵。膽氣壯者。斷難駐守。臣已分撥兵丁嚴密堵禦。一二日礮臺築就。居高臨下。極力攻擊。逆匪定益膽寒。以便設法剿滅。

勝保又奏言。查第六府地方爲獨流西北要路。現在伊勒東阿帶兵六百名在彼堵禦。臣復派左右兩翼兵丁二百名前往晝夜會哨巡防。然

聖朝方略卷七十一

十六

每念及兵力尙單。時刻懸心。而臣大營官兵日夜與賊攻戰。又無可分撥。僧格林沁現駐王慶坨。作爲北路聲援。自係緊要之區。臣愚見以爲第六府若有重防。則王慶坨卽可無虞。應否仰懇

飭下該大臣前往相度情形。斟酌移兵進駐。則聲勢更壯。並可與臣就近和衷會商。同籌剿賊。奏入。

上命軍機大臣傳諭勝保德勒克色楞曰逆匪占踞獨
流靜海已踰兩月此股一日不除畿輔一日不安况
揚州賊援屬至現已全股竄赴瓜州設使大股北竄
則淮徐山東一帶更將滋蔓難圖該大臣等務當趁
此賊勢窮蹙之時趕緊進攻另片奏請飭僧格林沁
移兵進紮第六府本日已諭令僧格林沁酌度情形
剋卽移營前進會同勝保相機夾攻該大臣與僧格

聖學方略卷七十一

十九

林沁共辦一事務須合力同心剋期進剿迅殄醜類
又命軍機大臣傳諭僧格林沁曰勝保奏稱第六府
地方爲獨流西北要路若有重兵防守聲勢更壯著
僧格林沁相度情形移兵前進與勝保併力攻剿以
期一鼓殲除斷不可令賊匪竄逸本日據琦善等奏
揚州賊匪全股由東路竄赴瓜州揚城雖已收復而
匪黨仍復肆擾若不將畿疆趕緊廓清致逆匪北竄

勾結剿辦更難得手僧格林沁與勝保務當同心合
力迅速奏功該大臣忠勇素著必能統籌全局用副
委任

同日琦善陳金綬奏言臣琦善於上月二十六
日與臣陳金綬面商擬囑臣陳金綬酌帶官兵
遏賊北竄清江之路又慮邵伯鎮以上數百里
中河湖相連無地可以駐兵正在籌議間而瓜

聖學方略卷七十一

二十

州賊匪已由東路各門進城三更以後見城中
火光四起遠聞鈔關門一帶人聲沸騰揣知賊
匪因被圍已久急思出竄二十七日天色甫曙
督令官兵於西北南三面分隊登城見城內賊
匪實已無多當卽生擒賊匪訊知大股均從東
面竄逸因留臣陳金綬嚴防西北臣琦善親督
官兵四百名馳赴三汊河督同瞿騰龍德興阿

帶領滿漢官兵搭橋過河截擊正見南竄之賊
絡繹不絕因運河之東又阻有汙河數道無從
飛越飭令弁兵施放大礮斃賊多名無如賊匪
愈繞愈遠槍礮力不能及而揚子橋賊營即以
鄉勇所棄之大礮向我兵轟擊頗有傷亡是以
益難進步遙見賊匪後隊攜帶輜重有騎馬賊
目押隊徐行東路各營竟無一兵一勇尾追令

聖朝聖略卷十一

三

人憤激旋見無數黃旗又復回轉恐賊以退為
進因即撤隊過河 臣琦善馳回西南北三面察
看維時官兵業已進城正在安撫難民忽有鄉
勇多人由東面進城焚掠該勇既已縱賊尙欲
擾民情節殊為可惡經 臣琦善諭飭如禁止不
遵即令官兵開放槍礮轟打以懲獷悍現在城
中難民及老弱殘疾陸續出城者不少因天色

已晚仍將城門關閉嚴兵看守俟天明後再行
清查辦理此時賊匪大股悉赴瓜州理應相機
進剿惟運河兩岸賊營相望必須探明虛實方
可議攻而三汙河控扼要津一時亦斷難遽撤
况賊匪大股竄出勢必沿江肆擾六合浦口均
係北岸俱應增兵籌防如六合浦口並無警報
即當收復儀徵進攻瓜州容俟偵探情形斟酌

聖朝聖略卷十一

三

辦理查晉康查文經均已退至灣頭慧成所帶
之兵均在灣頭屯駐各勇掠民貲財其慘虐甚
於盜賊所有招募管帶練勇之參將馮景尼前
請革職不足蔽辜應請

旨即行正法五品銜張翊國前經雷以誠派令防守施
家橋是其專責乃竟棄而弗守實屬罪無可道
應請

旨發往新疆充當苦差不准奏留軍營以肅軍令 臣琦

善忝膺節制號令不行惟求

皇上從重治罪至慧成雷以誠同膺重寄晉康查文經

亦有協勦之責如此潰敗失律致賊匪竄入竄

出全由東路貽誤非輕理合據實奏劾恭候

欽定奏入

上命軍機大臣傳諭琦善陳金綬雷以誠慧成曰朕前

欽定奏入

三

謂琦善待賊盡竄收復空城今竟不出所料琦善陳
金綬與雷以誠慧成共辦一事乃始終不能和衷共
濟各分畛域以致賊匪乘間全股竄逸均難辭罪晉
康查文經現退至灣頭該員等畏葸無能亦可概見
現在賊踞瓜州儀徵兩處江口若不東竄通泰一帶
勢必折回比竄昨有旨令陳金綬帶兵直趨揚州東
北駐紮此時賊已退出揚城自當督兵前進自北而

南扼要堵擊如有賊匪回竄擾及揚州上游必將琦
善等盡置重典決不寬宥

上諭內閣曰揚州賊匪窮蹙久思竄逸各路統兵大員

宜如何嚴密設防杜其奔突乃因東面勇潰致令瓜

州賊匪竄入揚州聯為一氣棄城逃去實堪痛恨馮

景尼帶勇分守揚子橋首先奔潰各勇效尤以致賊

匪全股竄出必應從嚴懲辦以伸國法馮景尼著卽

欽定奏入

三

行正法張翊國防守施家橋是其專責乃竟棄而弗
守亦屬罪無可逭張翊國著發往新疆充當苦差雷
以誠慧成與晉康查文經均在揚州東路防勦督率
無方均難辭罪琦善統領全軍不能及早克復揚州
以致賊援屬至鄉勇潰散猶復以賊從東路竄出藉
詞諉罪陳金綬幫辦軍務一籌莫展厥罪惟均琦善
陳金綬雷以誠慧成均著革職晉康查文經著一併

革職帶罪自效仍責令琦善等督率晉康查文經並各營將弁迅將儀徵瓜州逆匪剋日剿除並於江路運河派兵分投堵截儘再不知奮勉致令賊匪紛竄朕惟執法從事決不寬貸

同日江忠源奏言十一月十六日聞該匪攻撲小東門礮臺攜帶雲梯爬城比經守備程智泉督飭廣勇施放火礮轟斃長髮賊六名打傷者

聖恩賜方略卷七十一

三

不計其數始各棄梯回巢查該匪初到時大西門所挖地道既經臣督飭駐守該門之湖南舉人鄒漢勛等從內迎掘其大東門一帶護城有河跨河有橋該匪盤踞橋西民房內日夜用槍礮轟擊我兵亦以槍礮回擊該匪勢不能前十七日早據程智泉稟稱該匪因屢次奪橋均被我兵擊退乃潛於橋北水面編搭浮橋偷近城

根開挖地道深廣數丈臣隨即督飭程智泉親歷月城察看形勢一面諭飭兵勇限於是夜傍城紮營橋東截其來路是夜亥刻令程智泉統帶廣勇二百餘名由月城南穴地而出直攻地道該匪等從洞口迎頭出窺經外委馮富揮刀直前斬獲長髮首級一顆兵勇等連擲火罐該匪踉伏洞中無一出者維時橋西賊匪竄出千

聖恩賜方略卷七十一

三

餘人勢甚洶湧程智泉督率廣勇抵死鏖戰一面飭令趕築營盤未及兩時我軍營盤已就兼以城上槍礮如雨該逆敗退斃賊一百數十餘名次日黎明查點洞中燒斃賊匪四十七名合計斃賊二百餘名二十一夜接據已革臬司張印塘呈報十三日會同壽春鎮玉山督率東關兵勇二千名趕緊前進於十七日到廬十八日

開仗連搶賊營三座並奪礮臺正力戰賊忽分股由東面抄我後路以致馬隊驚潰兵勇慌亂玉山陣亡幸已奪回屍身查驗頭面身腰共受槍傷十七處革司隨復收集殘兵令回店埠駐紮以圖後舉惟西安馬隊帶兵官伊昌阿珂登額遽行逃去經革司力阻不肯少留現在不知何往等語十九日辰刻於水西門城上遙見

聖學方略卷七十一

七

紅藍旗幟知係鎮 臣音德布援兵來自六安 臣當派都司馬良勳統帶兵勇縋城接應旋與該匪接仗斃賊七十餘名二十二十一二十二等日該逆不時分攻各門均經我兵擊退三日約斃賊一百餘名查此次豫防地道經程智泉督率廣勇奮力直前於城外紮立營盤爭奇奪隘轉危爲安實屬奮勇可嘉所有尤爲出力各弁

額懇

恩施以示鼓勵壽春鎮 臣玉山督兵赴援捐軀殉難情尤可憫應請

旨交部從優議卹其西安帶兵官伊昌阿珂登額二員於潰散之後經已革臬司張印塘力阻不肯少留應請

旨將二員交部治罪奏入

聖學方略卷七十一

天

論內閣曰逆匪肆擾廬郡現已連次被創正當乘勢攻剿著江忠源激勵兵勇併力截擊以期迅殄賊氛所有出力之守備程智泉著賞給都司銜並賞戴花翎勇目吳濟美黃正吉均著以千總遇缺卽補謝賢達著賞戴藍翎馮富著以把總補用並賞戴藍翎程步龍陳松均著以把總補用李釗著以外委卽補嚴國英楊德新梁榮盧鵬超陳月明章雄德均著賞戴

藍翎章貴著以外委補用已革壽春鎮總兵玉山督兵接仗身受多傷殞命從優著照總兵陣亡例賜卹西安帶兵官伊昌阿珂登額當玉山陣亡後遽行逃去經張印塘阻止不肯少留現在尙無下落實屬可惡著江忠源查明該二員逃避情形卽行正法

初五日乙亥吳文鎔奏言臣查賊船聚集巴河不下千隻我處船礮未齊水路未能追剿因於防

聖學圖方略卷七十一

三

城兵勇內分撥一千五百名飭令前任高州鎮總兵楊昌泗統帶渡江偵明賊蹤所在相機剿殺旋又探聞賊匪將巴河大隊船隻駛至黃州城下停泊於黃州城外築土城砌礮臺欲於江面搭橋直抵南岸武昌縣屬之樊口地方儘由樊口登岸卽可抄至省城東面後路臣正擬酌分兵勇在南岸要隘堵截令北岸兵勇相機攻

擊詎楊昌泗忽帶兵勇旋省據云黃州側近港汊內並無一賊而賊之駛聚黃州省垣業已探知該總兵行營相距數十里何以一無聞見恐係探知有賊避而旋省難資倚任適主事楊熙帶勇來楚協剿先一日行抵鄂垣詢知伊所帶之勇雖僅五百名實皆精銳臣趨於防城兵勇內酌撥一千五百名合之川勇五百名卽令楊

聖學圖方略卷七十一

三

熙統帶渡江馳赴黃州一帶相機進剿又撥兵一千五百名於南岸要隘紮營堵截抄襲省城東面之賊惟楚省現在兵勇數雖及萬而城垣周圍二十里城上城外防兵勢難多撤南北兩岸僅撥去三千餘名兵力不厚祇能設法伺擊仍須俟船礮齊備另募水勇多名水陸並進庶可痛剿再楊昌泗本係革職之人留之軍營效

力現在仍不奮勇圖報若僅予革職飭令回籍轉得遂其自逸之私應請

旨發往軍臺以示懲儆

吳文鎔又奏言臣於九月十五日接印十六日撫臣崇綸卽至臣署告云現在城內居民遷避一空勢難堅守不如紮營城外尙可一戰等語臣心不以爲然惟臣甫到兩日一切情形未悉

欽定剿平粵匪方略卷七十一

三

安敢膠執已見遂定稿入奏當時臣曾對衆人云如十日半月後援兵四集可以制勝自可出城紮營儘三五日內援兵未集而賊船已至仍是閉城堅守不得以既有此奏遂棄城不顧也詎十八日丑刻賊船離城不過三十里臣趕請撫臣及文武各員來署商量守城之計乃遲至天明並無一人至者臣卽騎馬馳往撫署中途

聞撫臣及文武行卽出城紮營臣聞之心膽俱

裂卽趨至撫署告以此時惟有閉城堅守斷無

出城紮營之理撫臣猶曉曉爭辯謂守此空城

何用指臣爲祇知博取死節美名不顧屢喪大

臣有傷

國體臣始恍然於撫臣之必欲出城紮營者意將

乘機逃避藉口於本在城外可免失陷城池之

欽定剿平粵匪方略卷七十一

三

罪耳臣當云此時惟有城存與存城亡與亡如敢有異議者臣先手刃此人衆議始息撫臣亦無可如何始定登陴堅守之計撫臣雖駐守城上遇事均與臣齟齬卽如荊州將軍台湧旣撤兵回營荊州亦關緊要撫臣必欲調之來省臣再三阻之撫臣遂不與臣謀徑發咨函促台湧來省並捏稱已調綠營精兵七八千人向巴河

勦賊以影響全無之事形之公牘視軍務為兒戲臣實不勝悚懼又如現在賊聚黃州自應酌撥兵勇由陸路偵蹤伺勦水路則船廠未齊水勇未集祇可姑待再舉而撫臣必欲此時雇民船數百號撥兵五六千水陸並進並未思及現在防城之兵既勻不出五六千人而民船舵工水手一聞與賊打仗均必紛紛退避臨時必至

聖諭方略卷十一

三

誤事臣再三勸阻大拂其意以致現在應辦應奏之事撫臣不肯列銜當茲賊寇在境臣方慮衷息氣事事期與共濟其不可行不能行之事臣斷不敢違心苟同而撫臣堅僻自是一城之中彼此各辦各事設有貽誤咎將誰執輾轉愁思不敢不據實直陳於

君父之前至臣才識迂疏軍旅之事更所未嫻何敢自

以為是謂所行克當惟有仰懇

天恩將臣立賜罷斥另

簡重臣來楚或先令撫臣兼攝督篆以期事歸畫一任

有責成不致貽誤封疆奏入

上命軍機大臣傳諭吳文鎔崇綸曰前據崇綸奏稱吳文鎔祇知閉城坐守等語當經嚴飭吳文鎔崇綸務須同心合力迅圖勦辦茲復據吳文鎔瀝陳崇綸與

聖諭方略卷十一

四

該督齟齬各情形均係負氣爭辯並請立賜罷斥尤屬膽大妄言該督撫均係朕特簡大員試思時勢何等急迫乃敢各執己見置國事於不問殊堪痛恨值此軍情緊急若再不以防勦為重國法豈能倖逃著吳文鎔仍遵前旨迅速統帶官兵出省迎勦崇綸仍著專辦省城內外防守事宜儘因布置未周堵禦不力致有疏虞惟崇綸是問若進勦有誤機宜惟吳文

鎔是問決不寬宥

上又命軍機大臣傳諭台湧官文貴陞曰前曾諭令吳文鎔出省勦辦黃州一帶賊匪本日復催令前進並命青麐前赴武昌省城現在德安一帶並無大員駐守著台湧卽刻兼程馳往德安接辦防堵事宜以便青麐起程赴省德安等處近鄰河南江面賊船尙未掃除淨盡該逆詭計多端必須刻刻防其北竄該將

欽定剿平粵匪方略卷七十一

三

軍兼署提督所有江北水陸各路均著督率地方文武認真嚴防其上游荆襄各屬並應嚴密堵禦隨時稽查毋令賊蹤闖入荊州駐防官兵卽著官文貴陸統帶防守

上又命軍機大臣傳諭青麐曰現在賊匪竄擾黃州一帶已命吳文鎔帶兵出省勦辦武昌重地防守緊要本日有旨令台湧兼程馳赴德安接辦防堵事務青

麐俟台湧到德安接辦後卽著趕赴武昌籌辦防堵事宜

上諭內閣曰已革高州鎮總兵楊昌泗經該督飭令統帶兵勇跟蹤勦賊乃敢擅行回省且以並無賊匪飾詞巧避殊出情理之外楊昌泗著卽發往軍臺效力贖罪至按察使唐樹義前由黃州退回省城吳文鎔何以不行奏參重文輕武此等惡習最堪痛恨唐樹

欽定剿平粵匪方略卷七十一

三

義著卽革職暫留本任仍責令帶兵勦賊以觀後效同日向榮奏言臣前設計解散賊黨潛通內應茲陸續逃出者數萬並據城內密報約有三千餘人俟期內外夾擊臣一面將攻城器具準備齊全一俟大礮擡上礮架對城轟放卽行全力合勦現與彭玉燮等彼此會商已定期祭旗犒賞誓同勦力一鼓登陣惟江面空虛究難放心

日盼兵增船備以資攻勦又接余萬清來文鎮江逆賊屢圖下窺經官軍大挫其鋒上月初十等日督兵進勦頗有斬獲十七日五更督水陸各軍進攻該逆抵死抗拒嗣於東門擁出二千餘人余萬清等督湖南兵迎頭衝殺該逆靠城木寨內又出數百餘人經廣東貴州官兵衝擊該逆潰散我軍愈加奮勇破其靠城木寨西門復出四百餘人意圖抄擊經潮勇截勦並搶進西門外賊住甄城燒燬賊巢三十餘間維時水軍師艇連檣駛至適見南岸賊船多隻揚帆徑渡北岸師艇開礮擊沈湖廣大船數隻小船十餘隻賊即退回北固山下隄前是日共斃賊三百餘名現仍相機攻勦奏入

聖學方略卷十一

三

三

三

三

上諭曰朕看未必盡實不過因攻打情形多日未奏藉

此數衍然搏穴擊虛亦是善法第恐徒勞無功向榮嗣後或勝或敗必將實在情節敘出朕雖未曾與汝謀面汝之肺腑朕已早見料汝亦斷不敢視朕如賽尙阿一派壽張了事也

上命軍機大臣傳諭向榮曰向榮自抵金陵以來實在與賊接仗僅止鍾山七橋壘兩次嗣後疊次奏報非言攻城之難即鋪張進攻之法究竟數月以來從未

聖學方略卷十一

三

三

三

見一眞實勝仗近來所奏事事敷衍如賊竄高瀆則鋪敘德安勝仗賊自鎮江出撲則鋪敘余萬清勝仗而於金陵賊巢絕不設法進攻但稱鑄造大礮張射告示欲以虛聲制勝試思逆賊負嵎堅守如此猖獗豈虛聲所能制勝現在瓜州儀徵大股逆匪分撲揚州將揚城之賊全數引出沿江賊船絡繹廬州被賊圍撲勢亦危急如果向榮能急攻金陵傾賊巢穴該

逆豈能四出滋擾向榮前次所奏城內廣西真賊不
過千餘湖南死黨亦不過五六千人豈亦欲效琦善
之聽賊自竄收復空城然後自請治罪耶以現在情
形而論揚城之賊久則必竄金陵之賊斷無自竄之
理向榮株守紫金山自謂東南屏蔽不知果能奮力
進攻賊必懼而返顧不但南不能竄蘇常北亦何能
肆擾此人人共知之理向榮豈不知之向榮接奉此

欽定剿平粵匪方略卷七十一

三十九

旨若再不迅速進攻仍前遷延觀望國法具在斷不
能以東南暫保無事遂從寬宥也

初六日丙子楊以增奏言探聞揚城現已收復該

處賊衆逃往瓜州儀徵賊營各處奔竄連日接
六合縣稟報該縣水陸地方均有大夥逆匪欲
將北竄危急萬分並准琦善以蔣壩最關緊要
兵力太單咨商添兵 臣念揚城已復高寶一帶

聞

情形較前稍緩自應先其所急令前清 臣李湘
棻帶領萊州營兵四百餘名趕駐蔣壩以壯聲
威奏入報

欽定剿平粵匪方略卷七十一

四

欽定勦平粵匪方略卷七十二 癸丑年

十二月初七日 丑丁曾國藩奏言 臣接奉

諭旨令挑選練勇雇覓船隻順流東下與江忠源水陸

夾擊 臣查自田家鎮失防以來督 臣吳文鎔撫

臣駱秉章與 臣往返函商至十餘次皆言各省

分防糜餉多而兵力薄不如數省合防糜餉少

而力較厚即與張芾江忠源函商亦言四省合

勦平粵匪方略卷七十二

一

防之道兼籌以勦為堵之策 臣前月覆奏一摺

曾言舟師辦有頭緒即由 臣親自統帶駛赴下

游是未奉此次

諭旨之前 臣之志已思率師東下一紓積憤矣惟礮船

一件實有不宜草率從事者 臣前發摺後即鳩

工購材試行造辦成造樣船數隻皆以工匠太

生規模太小不足以壓長江之浪不足以勝巨

礮之震近由撫 臣處送到水師守備成名標一

員又由督撫 臣處咨到廣東繪來之拖罟快蟹

船式二種始細加講求照快蟹之式重新製造

現已先造十號更須添造二三十號計必中官

能載千餘斤之礮兩旁能載數百斤之礮乃足

以壯軍威而摧逆燄惟新造之舟百物未備雖

日夜趕辦亦難遽就必須一月以外乃可下河

勦平粵匪方略卷七十二

二

至價買舊船修改艙面其用力稍省其為日自

少然至二三百號之多亦須一月餘之久至拖

罟船隻本奉

諭旨令兩湖督撫照式製造者武昌現在照造未知合

用與否衡州匠少技拙現在尙未試造前經奉

旨特派之廣西右江道張敬修帶有工匠自粵來楚若

到湘尙早 臣當令其趕辦如到湘太遲亦不能

以勢難遽成之拖畧延刻不可緩之時日此辦船之大略也至於礮位一項現在衡城存礮無幾聞張敬修購辦洋礮廣礮千尊由韶州一帶來楚臣專候此項礮位前來乃足以資配放至於募勇一事前臣添勇六千之信係爲江忠源尙守江西言之也旋奉帶勇六千之

信係爲臣救援湖北言之也厥後武昌解嚴臣奏明暫

欽定剿平粵匪方略卷七十二

三

不赴鄂因飭江忠源之胞弟先帶楚勇千人赴皖其餘五千之數因舟師尙未辦齊故陸勇亦未發往臣接奉此

有陸勇已屬整備而水勇尙無章程計張敬修帶來之礮勇與湖南新募之水手亦須湊成四千人乃可自成一隊水陸兩軍合之則兩相夾擊分之則各能自立庶不致一遇大股卽被衝散統計

船礮水勇三者皆非一月所能辦就必須明春乃可成行且廣東購備之礮張敬修雇募之勇皆係奉肅清江面之

旨而來者臣若不督帶同行則殊失

聖主命臣統籌全局之意亦非臣與吳文鎔等四省合防之心臣之斟酌遲速規畫大局不得不一一縷陳奏入

欽定剿平粵匪方略卷七十二

四

上諭曰現在安省待援甚急若必偏執已見則太覺遲緩朕知汝尙能激發天良故特命汝赴援以濟燃眉今觀汝奏直以數省軍務一身克當果能盡符其言甚好若稍涉張皇豈不貽笑於天下著設法趕緊赴援能早一步卽得一步之益汝能自擔重任迴非畏葸者比言旣出諸汝口必須盡如所言

同日河南巡撫英桂奏言上月二十七日臣抵

信陽州城接准湖北撫臣崇綸咨稱黃州府屬之巴河地方仍有逆船往來游駛先於十四日有賊船百餘隻竄入黃州所轄之鵝公頸一帶小河內有竄擾麻城宋埠之意等語信陽州距巴河陸程僅數百里麻城近與豫境接壤賊蹤靡定必須擇要嚴防查信陽州南九十里之武勝平靖兩關均為自楚入豫門戶黃土關亦與

勦平粵匪方略卷七十二

五

湖北應山縣連界均應分兵固守以杜竄越現派遊擊陳昌猷等帶兵分駐三關並令知府廖牲督帶兵勇駐紮羅山以期周密又光州所屬固始商城光山等縣俱與楚皖毗連探聞安徽舒城一帶賊氛猶熾臣前飭參將希拉布等帶兵一千二百餘名分駐防守尙乏大員統帶現在南陽情形較寬臣已飛飭鎮臣柏山酌留兵

聞

勇駐守南陽搜捕土匪一面帶兵數百名馳往光州督率守禦臣卽駐紮信陽州隨時相機調度奏入報

同日江忠源奏言上月二十三日該逆環攻郡城槍礮如雨經兵勇奮力抵禦自戌至丑賊始敗退昏黑之中不知斃賊多少二十四五六等

勦平粵匪方略卷七十二

六

日疊有斬擒二十六日夜間該逆乘夜偷過城濠逼近城根各紮營一座以爲開挖地道之計五更月出我兵始行看出當卽督飭都司馬良勳等帶領開化勇本地勇於水西門月城穴牆而出直撲賊營並令臣自湖北帶來之親隨楚勇四十名帶同本地練勇從紫金堦縋城而下牽制大西門一帶賊匪馬良勳等帶勇撲近賊

營各勇奮不顧身逼近牆根拋擲火彈該逆驚
亂各勇乘勢一面將營牆拆毀一面奮力攻擊
斬獲長髮賊首級一顆擊斃賊五六十名該逆
敗入濠外高坡營內大西門及紫金壩一帶賊
營果出隊前來救應經楚勇頭目鄧善珍等督
率眾勇橫出攔截鏖戰一時之久賊抵敵不住
各勇乘勢燒燬賊營一座約斃賊匪六七百名

欽定剿平粵匪方略卷七十二

七

又令程智泉帶領廣勇從小東門穴牆而出攻
奪賊營斃賊二三十名是日燒燬賊匪新營二
座舊營一座各處共斃賊匪一百五六十名馬
良勳頭上肩上均受微傷惟得勝門外新營尙
未焚燬深爲可慮是夜令把總尙得勝帶領六
安勇乘夜縋城而下傍城紮營至二十八日黎
明營盤甫成該逆數千人蟻擁而至尙得勝督

令眾勇在營內施放槍礮都司楊煥章督率川
兵及本地勇在城上施放槍礮賊勢雖猛近城
卽斃臣復調楚勇帶同六安勇從大西門前往
接應楊煥章見賊勢跳躍將近兩時其氣已竭
督令兵勇下城尙得勝亦督勇出營奮力攻擊
再接再厲該逆抵敵不住大敗逃奔我兵乘勢
追殺斃賊百數十名生擒十九名焚燒賊新營

欽定剿平粵匪方略卷七十二

八

一座舊營四座尙得勝偏身受火罐傷午正收
隊入城楚勇六安勇至大西門該逆點發地雷
轟倒大西門月城十丈六尺該逆蟻擁而上經
湖南舉人鄒漢勛身先士卒帶領楚勇開化勇
四川兵六安勇奮力抵禦將賊擊退追出缺口
外抵住賊匪趕用沙袋石塊修築約有五六尺
高始將城外兵勇撤進至酉正修築完整高與

城齊斃賊五六十名當賊匪攻撲得勝門時復分股攻撲南門小東門均經擊退斃賊數十名是日該逆以大股猛攻得勝門復分股力攻南門小東門兼用地雷轟倒大西門月城勢甚危險仰賴

聖主威福各處均獲勝仗並將地雷轟塌之處登時搶護化險為平是夜該逆復於水西門外偷過濠

勦平粵匪方略卷七十二

九

溝紮營二座二十九日黎明仍令馬良勳徐懷義帶領開化勇本地勇縋城而出奮力攻撲各勇偏近賊營該逆拚死來爭各勇亦拚死抵禦自卯至酉約斃賊匪二三十名是日賊匪攻撲小東門紫金埂各處小東門之賊被程智泉督率廣勇擊退斃賊十餘名紫金埂之賊經楚勇帶同本地勇擊退並下城追擊斃賊二十餘名

臣接陝甘總督臣舒興阿來函知已帶兵於十五六日自陳州起程前來救援又得已革臬司張印塘來稟在店埠收集玉山殘敗兵勇六百餘名又新招江南大營遺散之川勇一千名並與編修李鴻章招集各鄉團練現在趕辦鍋帳器具一俟齊備即當進偏城下文探知音德布於十一月十九日與賊接仗未能得手現已紮營城西二十里外臣業經分別咨行催令速進惟查城外賊營四面林立各路援兵能否直達城下尚難豫定奏入

勦平粵匪方略卷七十二

十

上嘉之

初八日戊寅僧格林沁奏言臣自十月初六日移營王慶坨時相度地勢自王慶坨營盤迤南數里即係大清河積水漫淹一片接連子牙河直

至獨流中祇有葛淀隄一道疊經派員查看隄岸寬僅丈餘至數尺不等南北兩面皆水礙難紮營臣限於地勢是以暫在王慶坨駐紮查王慶坨地當緊要南有大隄可以扼賊北竄之路東距天津楊村較近各處如有警報臣均可帶兵策應易於截擊因此仍在王慶坨駐紮並為設法監造各樣攻剿器具運赴前敵以資各路

剿平粵匪方略卷二十三

十一

分用茲據勝保奏稱第六府為獨流要路臣相度地勢移兵前進查獨流地勢除勝保於東面紮營堪以進攻此外皆係冰水其第六府地方祇有數尺寬隄雖間有水落處所地面狹窄實難安營况臣移營第六府與勝保合力攻剿賊如北竄又成尾追之勢因仍扼紮王慶坨遏賊北竄奏入

上命軍機大臣傳諭僧格林沁曰現在獨流逆匪經大

兵攻剿勢已窮蹙自以防其乘虛北竄為要既據該大臣體察情形仍須駐紮王慶坨以備策應著仍於該處扼要堵剿並當飭令副都統伊勒東阿那敷德副將史榮椿等嚴密防範現值天寒冰結尤應晝夜巡查不可稍涉大意該大臣統領重兵為京師屏障責任綦重想已統籌全局布置周妥設有疏虞惟該

剿平粵匪方略卷二十三

十一

大臣是問

上又命軍機大臣傳諭勝保曰據僧格林沁奏查看第六府地面狹窄實難安營已諭令僧格林沁仍駐紮王慶坨責成專防後路矣勝保辦獨流逆匪已逾兩月尙未能掃穴擒渠實屬延緩近日移營前進偏近賊壘建築礮臺晝夜環攻自應得手惟連日未見奏報殊深懸繫該逆雖堅匿不出亦須設法轟擊分

路進攻或誘令出巢設伏截擊不可任賊負嶠疲我
兵力現在防禦後路既專責僧格林沁進剿賊巢勝
保亦責無旁貸著卽督率帶兵各員剋日進攻至靜
海城內賊匪近日情形及西凌阿善祿刻下如何攻
剿之處並著該大臣迅速據實具奏

同日琦善陳金綬奏言查揚城賊匪不得已而
思竄難保其不意存繫戀伺隙重來此時自以

聖朝方略卷七十二

十三

保守城池繕完守具爲第一要務無如鄉勇之
潰散者復紛紛入城乘機肆擾伏思前此鄉勇
萬人一闕而散何以不先不後適當賊至之時
苟非先期約定何能如此齊心其情節種種可
疑現在 臣琦善惟派弁兵駐守而嚴禁鄉勇入
城一面與雷以誠慧成函商或行遣散或歸原
營以便稽查而免擾累又以六合浦口均係江

北要隘誠恐賊匪逃竄之後復分股沿江窺伺
業已抽撥官兵二千名遣員帶領馳往六合浦
口會同駐守六合之德崇額等及駐守浦口之
武慶等暫時協同防剿至儀徵縣城尙爲賊踞
其毗連儀徵之天長縣亦北通五河盱眙臨淮
之路現查地方尙屬安堵惟賊匪棄城而逃三
窟已失其一在逆匪未必甘心現在賊船尙聚

聖朝方略卷七十二

十四

瓜州仍添賊固守儀徵之賊又由樸樹灣直至
東西石人頭凍青鋪時時窺探虛實既須防賊
之再來尤須防賊之分擾儻六合浦口並無警
報卽當先後儀徵再攻瓜州庶方隅之中妖氛
淨掃奏入

上諭曰募勇原難其不通逆總在駕馭得宜不致欲用
不可欲逐不能以致牽累好兵不能打仗

初九日卯己勝保奏言初六日卯刻臣商令德勒克色楞前赴礮臺列隊守護相機轟擊令德興阿恭鈺等攻擊獨流北面瑞麟帶新到之兵在後列隊遙助聲勢防其衝突臣親帶火器營正定宣化各隊官兵一千餘名由葡萄窪繞冰而過前赴獨流以南相度地勢以便窺斷隄埂使該逆不得往來自由是時松玉及副將史榮椿

欽定剿平粵匪方略卷三十二

十五

等各營官兵已在王家營隄岸一帶排列隊伍並據報西岸賊匪數百已被擊敗臣卽乘馬上隄聞靜海迤北槍聲甚多知係五里莊一帶接仗卽派吉林黑龍江馬隊五百名前往接應並遏靜海逆賊救援獨流之路復調西甯河州兩營官兵在臣後面作爲接應布置甫就忽聞賊巢一片聲喊撲出馬步賊匪二三千名狂奔而

來又由西岸撲出賊數百人直奔松玉等隊臣急令我兵分作兩翼迎擊並隔岸催調松玉等官兵一齊前進因松玉等兵單並抽撥擡槍隔河夾擊兩岸槍礮連環擊倒賊旗數十桿賊屍順隄滾下不計其數逆衆登時敗退入壘正欲傳令暫撤逆賊忽全股出巢捨命撲來並有騎馬賊二三百名意欲抄臣之後臣見賊出甚多

欽定剿平粵匪方略卷三十二

十六

拌死前來因急策馬出陣麾令隨身小隊馬步兵二百餘名由隄岸奮力迎擊各營兵勇見臣親率向前遂各奮勇百倍擊斃騎馬賊三四十名馬奔賊敗自相衝入賊隊一時驚潰我兵乘勢掩殺並將其中隊執大黃旗賊目砍倒逆勢不支紛紛披靡隨追隨殺積屍遍野旗幟刀矛拋棄滿地德勒克色楞在礮臺上見賊匪衆多

卽督令施放大礮轟擊賊匪無處躲閃被礮子擊死甚多統計此次攻戰一日之久殲斃逆衆七八百名實足以快人心而褫賊魄惟相度地勢若在獨流靜海中間橫紮營盤腹背受敵非官兵三四千不可如任其往來奔救反覺賊勢合而我勢分 臣總期設法盡殲醜類或先將其往來隄垸空斷絕其救援一面日日進攻使之

聖學聖方略卷七十二

十七

糧絕心亂庶可奏功奏入

上命軍機大臣傳諭勝保德勒克色楞曰勝保此次兜勦尙屬得手惟靜海獨流之間賊匪時時勾結救援使我兵腹背受敵必須斷其接應攻勦方能得力所稱橫紮營盤空斷往來隄垸絕賊救援之路卽著密速籌辦豫爲布置現在賊勢窮蹙已極各路官兵不爲不厚該大臣務須激勵將士剋日掃穴擒渠毋再

遷延貽誤

同日福濟奏言 臣前行抵邵伯鎮具摺奏調遊擊嵩瑞平橋兵四百餘名業蒙

允准當卽移知南河督 臣以便飭營遵照趕令起程乃

於初三日接准南河督 臣咨文因揚城已復恐賊北竄仍令前漕 臣李湘棻帶領嵩瑞兵四百餘名趕往蔣壩竊思揚郡賊已南去北面似可

聖學聖方略卷七十二

十六

無虞雖蔣壩爲天長六合後路詰奸緝匪未可稍疏但廬州被圍十分喫緊 臣所謂漕標各營兵尙無到浦音信不得已移緩就急懇乞

天恩俯准仍將遊擊嵩瑞千總張鼎元之兵共七百名帶往俾可迅速前進其前調及增調鹽城營與續調東海營共兵五百名俟到齊後統交南河督 臣派防各處一轉移閒實於防勦有益奏入

上是之

十一日辛巳琦善陳金綬奏言慧成自到場以來住居灣頭船上擁兵自衛從未親臨戰陣現除收回潰勇不計外其所帶之兵共有一千四百七十名皆在灣頭臣琦善以目下揚城無賊尤宜重扼東南因咨會慧成移營前進以防揚城東面詎意慧成並不咨商亦不前進徑調防守便益門之總兵多隆武帶兵四百名移紮五里廟狼山營兵三百名移紮沙河橋臣查該總兵多隆武等駐兵便益門外本屬不可移動又非久經行陣之兵萬不足恃慧成向於撤兵調兵重務並不向臣琦善咨商以至賊至勇散無從先期調度至勦捕逆匪事權須一前此十一月十一日約定慧成福濟派勇赴三汊河協勦行

欽定剿平粵匪方略卷七十二

十九

至中途被福濟令箭截回亦未向臣知會軍務各自任性焉能協力同心加以帶兵各大員往往意存諱飾工於取巧晉康查文經防堵徐凝鈔關兩門所有師長鑣等各營之勇悉聽其檄調迨瓜州之賊竄過施家橋揚子橋兩路師長鑣營勇已潰正應竭力堵禦乃晉康卽退至灣頭查文經又經慧成調回致內外賊匪聯爲一片其咎宜有所歸

同日雷以誠慧成奏言揚城餘匪雖竄而附城數十里內賊營尙未全撤恐其以退爲進乘虛北竄現在灣頭僅存兵一千數百名間有未散之勇亦斷不可恃查灣頭爲四通八達之區水陸兩路均可上窺清淮臣等扼守灣頭實爲力爭上游之計茲據琦善移稱東路以揚子橋寶

欽定剿平粵匪方略卷七十二

二十

塔灣鹽捕教場爲藩籬令 臣慧成移營前進分
布是撤北路之屏蔽也設賊竟長驅而窺清淮
勢將不可復問查琦善現統重兵九千餘名與
其擁以自衛置有用之兵於無用不若分布各
路以顧大局而防北竄所有琦善請撤灣頭大
營分布東路之處萬不可行均奏入

上命軍機大臣傳諭琦善陳金綬雷以誠慧成曰雷以

聖祖方略卷七十二

三

誠慧成奏琦善請移灣頭大營分布東路萬不可行
復據琦善陳金綬奏查明東路帶兵大員諱飾取巧
各一摺朕閱該大臣等所言各情仍是各挾私意諉
過於人琦善統領諸軍各路帶兵大員均歸節制東
路勇潰雷以誠慧成固屬罪無可辭琦善又豈能坐
觀成敗徒以一糸了事雷以誠所築礮臺無礮無兵
各營礮位無人收管慧成悉將各營兵丁撤回退保

灣頭似此畏葸無能一籌莫展殊堪痛恨現在瓜州
賊船千餘隻尙未開行究竟賊勢欲竄何處該大臣
如何進攻如何堵截全未籌及惟知與雷以誠等互
相詆毀竟置大局於不顧是誠何心前有旨令陳金
綬徑赴揚州東北一帶扼要駐紮著卽飭令陳金綬
迅速帶兵前進嚴防揚城東面並可追剿瓜州等處
賊匪該逆詭譎異常揚城雖已退出難保不乘間復

聖祖方略卷七十二

三

圖北竄琦善卽嚴飭雷以誠慧成等扼守萬福橋灣
頭一帶要隘並非令其株守一隅亦須隨時相機接
應儻雷以誠慧成等藉此遠避不加奮勉卽著該大
臣秉公嚴叅朕必治以重罪

十四日 甲申勝保奏言逆匪占踞靜海獨流之時

老賊及裹脅者不下數萬人騎馬賊目約有數
千自 臣等攻剿以來大小數十戰殲斃解散已

有十之六七現在賊勢日蹙合查兩處賊衆不能過萬而騎馬賊亦不滿千賊情惶惑糧草日絕且直隸山西等省被脅之衆經臣設法解散日來逃出甚多訊據逃出難民供稱自築礮臺後礮子打入賊營傷斃不少雖老賊亦未嘗不心膽俱寒無可爲計然惟其計窮則思竄愈力惟其死守則攻剿更難臣惟有嚴飭各路晝夜

聖朝方略卷七十三

三

嚴防一面於獨流南面窰築營盤以斷賊援然隄埂爲逆匪往來咽喉之地我兵紮營腹背受敵我旣斷其救援賊必死相爭護其地至險其守甚難自初六日我兵獲勝臣逐日親至其地意欲誘賊出巢而賊畏創不出查梁王莊大營南至葡萄窪約三四里葡萄窪斜至隄埂最近之處亦約三里此三里之中必須連築營盤四

五座每座撥兵四五百名庶可聯絡聲勢斷賊應援然非久經戰陣之兵仍恐扼守不住臣所統各路官兵雖二萬數千名而周圍地方遼闊四十餘里除分駐靜海兩岸並西南西北各路防兵外大營所存馬步隊不過八千獨流北岸防剿官兵連瑞麟所帶之兵又去二千餘名羅古莊等處又撥去堵剿兵勇二千餘名臣每日

聖朝方略卷七十三

三

進戰之兵不過三千有餘幸有川勇楚勇千餘名天津勇千名以助兵力之不足設法調度勉資攻剿現在若就攻剿之兵抽派葡萄窪一帶防護隄路極力籌撥祇能分出數百名已不足守禦再四籌度查有前奉

諭旨防堵德州之將軍瑞昌帶兵一千名又駐紮鹽山屬新店地方藩司崇恩帶兵勇一千餘名均距

靜海不遠臣以為遠堵不如近逼已於議崇恩
管帶兵勇移營前進並咨調瑞昌亦來靜海復
商令善祿俟其兩路兵到即酌量抽撥勁旅一
二千並就臣營中久戰之兵再行抽撥數百名
在新築營壘紮住以便圍剿得手現在督集兵
夫築壘再竭數日之力營壘可成即當密速籌
辦斷其往來接應一面復飭委員增修礮臺將

聖恩匪方略卷七十二

五

大礮併力轟擊斷不敢稍留餘力有失機宜奏
入

上諭曰一切布置尙妥是時萬不可再令竄逸今歲總
要滅盡朕志已定不可漫視

勝保又奏言查逆匪竄踞靜海獨流於茲二月
揆其情勢委極窮蹙俟其食竭力盡而取之事
當易如反掌但今日事勢迫不及待自以愈速

愈妙若論勦賊之法兵法所謂不戰而屈人之
兵為上策其次則以縱為擒兵法曰利而誘之
又曰圍師必缺審計賊所必出之道故示其瑕
以誘其來暗於前途握要之地設數伏以待之
而大兵復從後躡之賊屢陷伏必無生理此外
則惟督兵攻撲之一法但冒死衝突夷傷必多
賊知死在目前勢必拚命相角以魏絀爪牙之

聖恩匪方略卷七十二

六

兵易延頸待斃之命竊以為非計之得也連日
督兵攻勦該逆懲於屢敗藏匿不出臣萬分焦
灼日與德勒克色楞達洪阿瑞麟及營中將校
和衷商推皆以前二策為握要之圖然臣猶不
敢自恃仍刻刻相機觀釁如稍有可乘之隙即
當掩甲疾馳迅圖克復奏入

上諭曰覽奏各情欲稍加寬假以冀獲全此功然時勢

不同是時斷難寬假直省肅清南省逆賊自易勦洗
勝保又奏言據西凌阿善祿咨開本月初六日
辰刻我兵列隊在東隄新濠之外午刻忽見賊
由南門擁出數百人轉東疾行意在奔竄我兵
向前迎擊賊眾踏冰東奔我兵亦履冰追擊該
逆復出數百人順隄南來我兵槍礮齊施兩股
賊匪見我兵攻擊甚猛衝向東南我兵又一齊

聖朝方略卷三十三

三

截殺斃賊無數賊即敗回靜海不出又據撥防
斬家莊大粉堆地方帶兵官稟稱於初九日忽
由靜海擁出賊匪馬隊一百餘名並隨從逆眾
約三四百名意欲探路逃竄經我兵擊斃騎馬
賊十餘名該逆敗入靜海賊壘臣仍飭各營兵
勇隨時加意嚴防奏入報

聞

同日雷以誠慧成奏言查古人建寨築礮堅壁
清野實爲防禦流寇第一良法按江南地勢大
半溝陔汊港設險爲難建築非易惟有以寨爲
堡以土爲砦做按戶抽丁之法作深溝高壘之
謀節經臣等選派幹員親爲區畫先於東北黃
泥溝沙河橋一帶官爲興辦就舊溝小港因寬
加深卽以空溝之土加築爲砦環城而南計長

聖朝方略卷三十三

三

三十餘里計砦百十餘座並雇民夫守砦以濟
兵勇之不足儻遇有警一砦鳴鑼眾砦皆應俾
各營得以準備其邵伯仙女鎮等處亦經臣等
分委員弁出示勸諭均已一律興辦至裏下河
各州縣現亦委員前往相度地勢會同地方官
變通籌辦惟恐將來日久生懈應請
飭下督撫責成各該州縣永遠遵行

雷以誠又奏言本月初五日五品銜張翊國督同千總張德龍帶勇攻打施家橋之南花園莊賊匪土城該匪出戰張翊國令各勇斜衝抄斷賊隊擊斃賊匪多名並經張德龍手刃長髮賊目兩名賊眾退入土城八品頂戴王桂蘇太開放火箭火彈將該土城燒燬賊乘火逸出我勇追斬無算現在施家橋已無賊蹤奏入

聖朝聖略卷三十二

三

上命軍機大臣傳諭琦善雷以誠慧成曰堅壁清野原為防剿豫籌良法凡賊氛偏近地方自應相度形勢隨時辦理現在揚城逆匪雖已全數竄出難保不再肆搶掠荼毒居民所有黃泥溝沙河橋等處雷以誠等擬派幹員築堡建砦以為守禦之計自係應辦之事著琦善體察情形如實於地方有益即令雷以誠慧成妥為籌辦其附近各州縣應行仿照辦理之處

並著該大臣剴切曉諭使紳民人等踴躍從事以收眾志成城之效

上又命軍機大臣傳諭琦善曰前據琦善奏張翊國棄施家橋而不守當經降旨將該弁發往新疆矣茲據雷以誠奏稱張翊國等於本月初五日攻打施家橋燒燬逆匪土城追斬無算是否係雷以誠飾詞入奏為張翊國希冀免罪地步抑係張翊國實有出力之

聖朝聖略卷三十二

三

處著琦善秉公確查據實具奏

同日吳文鎔奏言自賊船下竄以來因水路船廠未齊水勇水手亦未募足祇能酌量撥兵由陸路設法攻擊不克水陸並進剋期大舉是以一面與撫臣崇綸商催造船鑄礮選募水勇一面與前任禮部侍郎臣曾國藩往返函商曾國藩在衡州府亦趕緊改造船隻雇練水勇一約

於正月開統帶舟師由南至北與臣會合前進
無論賊船在楚在皖總必極力窮追痛加剿洗
以期一鼓殄滅此臣會國藩所云合四省之力
掃此賊氛即臣與曾國藩籌剿之大略也臣賦
性迂拙事期踏實因籌勦各事宜正在辦理尙
未就緒不敢先事鋪張擬臣崇綸遠欲以雇船
派兵懸虛未集之事遂爲力籌勦賊經臣再三

欽定剿平粵匪方略卷七十二



勸阻以致不肯會銜奏事茲欽奉

諭旨因田鎮既有賊營巴河尙有賊船分踞黃州之賊
亦復不少

命臣親督官軍出省督戰不准守候船廠造齊致滋延
誤查現在黃州以下均有賊蹤而切近省城自
以黃州爲緊要臣謹遵

旨親督官軍趕緊渡江馳赴黃州一帶相機督戰先將


黃州之賊剿除節節跟追以期肅清楚境彼時
如北省船廠兵勇備齊曾國藩統帶舟師陸勇
由南省前來便可水陸並進掃蕩妖氛奏入報

聞

吳文鎔又奏言現在臣遵

旨帶兵出省督戰撫臣崇綸欲臣暫且不必出省謂防
勦必須兼顧臣兼權熟計現帶兵四千出省防

欽定剿平粵匪方略卷七十二



城兵勇尙有六千又添調滿兵二千城守亦不
爲單再四籌商仍應遵

旨出省督戰或先將陸路之賊次第剿除少一路賊匪
庶百姓早獲一日安全奏入

上是之

十五日酉乙慧成奏言前次賊自儀徵至運河支
搭浮橋自西而東琦善各營均在西岸並不嚴

防截殺明知臣兵力單薄不肯撥兵相助備賊
由東路北竄大局將不可問現在琦善擁兵不
動藉搜捕餘匪撫恤難民為名逗留揚州令賊
遠颺相應請

旨飭令琦善趕緊酌撥勁旅分駐揚州東路一面派兵
跟追敗匪所有揚州撫恤各事宜無須琦善身
親其事應責成地方官迅速妥為辦理奏入

欽定四庫全書



上命軍機大臣傳諭琦善曰此時逆匪全在瓜州儀徵
一帶正宜督兵進剿慧成等兵力既單且驚潰之餘
豈能望其復振該大臣統領全軍責無旁貸務即先
行設法收復儀徵毋得株守揚州擁兵不動至揚城
撫恤事宜應即責令地方官妥為經理其瓜州一帶
賊匪並著飭令陳金綬督兵追剿扼要堵截以遏賊
匪分竄之路

同日蔣爵遠奏言貴州即用道黎平府知府胡
林翼奉

旨留於湖北交吳文鎔崇綸差遣委用查胡林翼先經
委赴鎮遠一帶防堵楚匪交卸府篆嗣後事竣
因值甕安縣榔匪滋事委令前往查拏現在該
匪首要就獲地方安靜即飭胡林翼馳赴湖北
聽候差委奏入報

欽定四庫全書



聞

欽定剿平粵匪方略卷七十三 癸丑年

十二月十六日 丙戌 舒興阿奏言 臣前聞廬州被

圍緊急隨督兵由潁壽一帶水陸前進屢具公

牘信函知會江忠源囑其堅守並密為約會以

備官兵夾擊因未接見回咨實深焦灼 臣於壽

州起程時派已革總兵郝光甲並前任雲南普

洱鎮總兵楊青鶴酌帶官兵三千名作為前隊

剿平粵匪方略卷七十三

當令由郡城西北面分為兩路旋探旋進嗣 臣

於初四日行抵距廬州四十里之吳山廟適江

忠源差兵二名縋城送到覆函據稱賊匪圍困

七門急待援兵等語查郝光甲所帶前隊官兵

已據報稱初五日可抵郡城水西門高橋地方

擇地紮營楊青鶴所帶之兵計亦陸續起到前

在店埠之已革臬司張印塘現移岡子集聞信

趕至見面約期隨同進剿即於次日先攻水西

門逆匪所紮木城郝光甲親率都司馬榮等帶

官兵五百餘名攻打西面遊擊富昌等帶官兵

五百餘名攻打東面千總段作棟等各帶兵勇

往來策應夾擊張印塘派令遊擊何朝亮知州

李登洲等共帶兵勇八百名由中路前進楊青

鶴督率署遊擊吉蘭泰等分帶官兵在土梁左

剿平粵匪方略卷七十三

右埋伏以備接應該員等約定後即於初六日

已刻出隊兩路直撲木城逆賊望見併力出迎

我兵奮勇攻擊前隊先至木城攀援直上逆賊

極力抗拒木城外賊匪見官兵逼近紛紛逃竄

時第四五座木城內賊眾分為兩路擁出抄襲

後路我兵恐被圍裹立時回擊守備包紀功等

各帶伏兵齊起分投截殺賊匪恃其人眾死力

迎拒維時何朝亮等所帶兵勇亦趕至助攻自
已至西廩戰四時之久賊勢不支紛紛竄回北
門木城堅拒不出統計官兵殲賊約八百餘名
生擒一名奪獲旗幟刀矛多件張印塘派出兵
勇轟斃賊匪百餘名現在臣已帶兵行抵距郝
光甲等營五六里之岡子集安營查該官兵於
初次抵營開仗尙屬奮勉惟賊數衆多城垣周

聖學聖考卷七十三

三

圍約有三十七八里甚屬遼闊七門外俱有木
城土壘此擊彼應勢甚猖獗必須先攻破一二
木城以便與郡城西面官亭駐紮之總兵音德
布候選同知直隸州劉長佑兵勇聲勢聯絡並
與郡城消息相通方可得手現在趕緊設法會
剿以期迅解城圍
舒輿阿又奏言臣初四日在瓦埠途次准袁甲

三和春咨送摺稿內稱臣已行抵壽州西路空
虛太甚潁州爲皖楚豫交界適中之地擬將臣
所帶之兵分撥三千名交和春及江忠源分帶
調遣並請

飭臣帶兵千名折回潁州防賊西竄楚豫惟臣先因廬

州被圍緊急帶兵趕緊赴援現已行近廬郡正
在督飭官兵攻剿豈能又令折回是袁甲三等

聖學聖考卷七十三

四

擬令臣折回潁州防堵殊覺窒礙難行
舒輿阿又奏言聞副都統常清現帶官兵來廬
赴援前起官兵已行抵定遠縣查廬郡惟東北
面無兵防守該逆匪一經擊敗勢必伺隙奔逃
亟應撥兵堵剿臣現已飛函知會常清卽由定
遠直趨廬郡北面四十里之店埠地方扼要駐
紮以遏逆匪北竄之路並函催和春趕緊由定

一
舒輿阿又奏言臣初四日在瓦埠途次准袁甲

遠前來該處協力堵剿不使逆匪北竄又於初八日編修李鴻章等來臣行營謁見據稱聞大兵來援廬郡該紳士等所有先經團練之壯丁今願自備口食隨同官兵擊賊自效臣查該紳士深明大義當卽面爲獎勵並令其作速調集壯丁聽候約期隨同進剿

舒興阿又奏言臣由水路行至距正陽關之八

欽定剿平粵匪方略卷七十三

五

里埭地方查知正陽關係在赴六安州迤南河內前赴壽州並不由關經過遠望形勢商船雲集當卽派員察看該處係水陸通衢防守誠不容緩非駐兵數百不能遏賊北竄適署壽州知州金光飭來見詢以地方情形頗爲熟悉因與面籌正陽關防守事宜據稱正陽關係該州所屬本爲緊要之區擬俟照料官兵過境後卽帶

壯勇數百名會同通判督飭本關團勇千餘名妥爲布置臣沿途訪聞該署知州緝盜得力保衛有方前次賊擾臨淮鳳陽壽州得以安堵實賴該員防守之力當卽札委金光飭酌帶練勇前往正陽關擇要設防以扼賊由六安北竄之路

同日和春袁甲三奏言臨淮爲南北咽喉第一

欽定剿平粵匪方略卷七十三

六

緊要門戶防堵實不可緩惟廬州尙未解圍儘該逆大股盡撲廬州尤爲萬分喫重以大局而論自應先其所急是以臣和春卽於十二月初二日督帶兵勇自宿起程初五日行抵臨淮初六日於河之兩岸親加歷勘查得臨淮水陸要道遏賊北竄正當其衝現在該處防守止有壯勇五百名萬不可恃因思漕臣福濟帶兵二千

餘名已自清江起程無論水陸均須經過臨淮
該漕督來皖督勦本在江忠源抱病之日廬州
大局無人支持是以

特命該漕督前來近日廬郡消息漸佳撫臣病已全愈
各援兵亦陸續到齊臨淮喫緊非常應請

旨飭令福濟卽行駐守臨淮既與南路聲息相通並可
扼守北竄要路均奏入

欽定方略卷七十三

七

上命軍機大臣傳諭舒興阿江忠源和春曰舒興阿奏
帶兵行抵合肥縣岡子集紮營所派前隊楊青鶴郝
光甲等進仗業已獲勝又據和春等奏稱業已帶兵
前赴廬州此時諒可趕到現在廬郡城外援兵大集
舒興阿與和春務須合力進勦並知照江忠源內外
夾擊以期迅解城圍該督另片奏行近廬郡不能折
回潁州並令金光飭扼守正陽關自係實在情形卽

著照所議辦理

上又命軍機大臣傳諭福濟袁甲三日現在廬州城外
援兵雲集聲勢益壯賊匪被勦奔突難保不北竄臨
淮該處爲南北咽喉現在兵力單弱且無大員統帶
設有疏虞所關匪細著福濟於行抵臨淮時探明廬
州賊匪如已被勦窮蹙城圍已解自當扼守臨淮以
防餘匪紛竄如廬州情形緊急仍應帶兵接應不可
拘執並著與舒興阿和春袁甲三悉心酌度勿誤事
機

欽定方略卷七十三

八

上諭內閣曰此次接仗兵勇甚爲奮勉舒興阿初抵安
徽卽獲大勝實足振軍威而寒賊膽現在和春計亦
馳抵廬州著舒興阿與該提督嚴飭鎮將兵勇並與
江忠源合力內外夾攻迅解廬郡之圍掃除羣醜毋
稍遲延

同日向榮奏言初四日寅刻派已革提督福興
遊擊張國樑攻朝陽門之左總兵吉順明安泰
等攻朝陽門之右總兵秦定三德安等從中路
直攻朝陽門賊營另派兵勇先赴西善橋協同
團練繞攻水西門遙分賊勢並派革員鄧紹良
帶領兵勇伏於明陵之左豫防賊由太平門襲
我之後署將軍蘇布通阿往來督催是日臣親

聖皇方略卷七十三

九

督官兵先行開放大礮聲勢震盪各兵勇乘勢
分路直前城頭賊衆並朝陽門外賊營槍礮如
雨我兵銳氣百倍槍越城濠架登雲梯該逆火
彈輒石齊下我兵奮不顧身極力仰攻忽明陵
山後擁出逆匪約五六千人勢甚兇猛當經伏
兵迎頭截擊一面加派參將傅振邦遊擊鮑雲
翥等帶兵助戰該逆愈集愈衆復經遊擊全玉

貴等橫衝賊隊斬殺無算該逆前隊抵敵不住
紛紛潰散後隊猶併力拒敵我兵乘勢搶上山
梁復又斬殺數十人該逆始全股奔回太平門
我兵越山追殺殲擒極多是日自寅至巳鏖戰
四時殺斃賊匪約三百餘名生擒十一名各兵
勇實屬奮力用命但賊拼死堅拒以致未能得
手臣惟有激勵將士相機籌勦以期迅圖克復

聖皇方略卷七十三

十

奏八報

十七日 丁亥 崇綸奏言督臣吳文鎔因奉

旨出省督戰欲再撥防城官兵四千名親往進剿共計
先後撥兵七千餘名僅留守城兵六千名祇得
會咨將軍仍調荊州滿兵二千名來省接濟臣
與司道各員同向督臣籌商遵

旨先遣臬司唐樹義帶領舟師前往攻剿俟餉力兵力

稍可騰挪督臣再行親往庶防剿兩得其宜督

臣不以爲可伏思軍務至重隨時變遷自當廣

益集思以期妥協無如督臣任性偏執不聽人

言一味拘泥以致百姓憤怨弁兵互調各不聯

屬不得不據實奏

聞至督臣統師出省所有防守各要務臣惟有竭盡心

勦平匪方略卷七十三

十一

力妥籌辦理奏八

上命軍機大臣傳諭吳文鎔崇綸曰崇綸前以吳文鎔

閉城坐守奏此次奏報各情何以自相矛盾殊堪

詫異現在逆匪雖多半下竄皖省若被我兵剿捕緊

急難保不由江路回竄楚北吳文鎔著卽趕緊渡江

親赴黃州督勦並著嚴飭唐樹義等迅速前往水陸

會剿其省城內外防守事宜仍責成崇綸嚴密布置

毋稍疏虞至所調荊州駐防兵二千名著卽催令迅

速趕到協同防堵

十八日戊子琦善奏言查賊踞儀徵已逾一月臣

正派參將鞠殿華等帶兵於本月初九日馳往

攻剿適於前一日經儀徵縣知縣都榮森等分

帶兵勇撲入城內殲賊多名並擒獲奸匪八名

初十日卯刻江口之賊紛紛上岸接應竄入南

勦平匪方略卷七十三

十二

門鞠殿華等卽整隊前進該地方文武亦隨同

進攻由東北二門攻入城內將城內之賊奮力

剿殺並將所有餘匪驅出南門外從內河追至

外河用銅礮擡礮擊斃賊匪數百名落河淹斃

者不計其數生擒八名奪獲旗幟器械多件自

卯至申悉將城市關廂賊匪剿逐無遺忽報老

河影地方又有賊匪數百人登岸肆擾復經滿

漢官兵分投堵剿追至江邊擊斃賊匪二百餘名奪獲大小船十五隻當即焚燬餘匪悉乘舟入江臣於是夜酌帶弁兵暨西安馬隊親赴儀徵次日徧查該縣城內外一律肅清但能實力扼守卽以杜賊北竄天長之路至三汊河樸樹灣等處之賊初七日用礮對官兵營盤轟擊我兵開礮擊退斃賊多名瞿騰龍德興阿督率馬

聖朝方略卷七十三

十三

步隊分三路迎敵另揀精兵徑赴河干焚燬賊船十餘隻賊匪棄營驚竄官兵追殺數百名溺死無算踏平賊營十三座儀徵河內凍青鋪東西石人頭等處一律肅清初八日黎明臣琦善約同陳金綬率領將備由灣頭循運河東岸進攻瞿騰龍德興阿亦渡河來會另派將弁由三汊河西岸夾攻行至八里鋪賊見官兵卽開礮

抗拒我兵亦施放銅礮擡礮連環轟擊斃賊無數當將賊船轟退賊房燒燬初十日探得賊匪又棄營南遁至八里鋪復經瞿騰龍德興阿督兵過河追至四里鋪地方將兩岸賊房悉行焚燬斃賊多名又將河內賊船燒燬兩隻餘船揚帆南遁我兵乘勝追殺直抵瓜州維時天色已晚敵隊回營復探得瓜州賊營之下游已徧江

聖朝方略卷七十三

十四

口賊船七八百隻帆檣林立既不敢入內河迎敵又不遽向大江開行不知其意欲何爲官兵並無船隻無從火攻惟有由陸路相機進剿奏

上命軍機大臣傳諭琦善陳金綬雷以誠慧成曰前踞揚城之賊旣已逃竄一空現在又以收復儀徵空城入奏賊勢欲往何處竄擾均未聲敘該逆全股蟻集

瓜州分擾三汭河等處琦善陳金綬若但知株守一隅任賊肆擾仍恐顧此失彼所有三汭河以下至瓜州一帶著琦善與陳金綬妥速籌商親督官兵前往堵剿陳金綬此時是否與琦善分路進兵抑係同在一處亦未詳敘其天長六合一路尤須揀調精兵派員扼守並著琦善迅籌布置仍嚴飭武慶於浦口一帶加意防守以固藩籬

聖朝方略卷十三

十五

上諭內閣曰此次琦善等督兵攻擊儀徵雖經克復而瓜州之賊尙未遠颺該大臣務當乘此聲勢將瓜州及三汭河盤踞各匪悉數剿除毋留餘孽

同日江忠源奏言初一日夜水西門月城外所紮營盤因逼近賊營該匪連擲火罐其賊營之在高坡者又日夜用槍礮對城轟擊時城上守垛皆新集之勇並無槍礮因卽撤回城內賊遂

於營內開挖地道其大西門月城賊原挖三洞我兵從內迎掘二十八日尙未掘通隨被該逆點發一處當經駐守該門之湖南舉人鄒漢勛等登時搶護初二初三兩日我兵連破兩洞該逆伎倆已窮先是初一初二初三等日先後接據音德布劉長佑戴文蘭等函稟知己分帶兵勇先後行抵廬境音德布已紮營西城外二十

聖朝方略卷十三

十六

里劉長佑戴文蘭到日復與音德布進營西城外之十里鋪初四日音德布劉長佑戴文蘭等三路進攻臣當於各門派兵分路緹城接應牽制賊勢時劉長佑等所帶各勇併力直前先燬賊營外哨棚二十餘座隨用火彈拋入賊營登時火起各勇乘勢撲殺該匪紛紛逃竄槍斃二十餘名生擒三名時西南賊營忽出數百人衝

突南路壽勇抵敵不住復經劉長佑等督率兵
勇奮力擊殺賊始敗退是日水西門所派兵勇
由紫金埧縋城而出斬獲長髮賊首級一顆槍
斃賊匪十餘名得勝門一路經臣派令參將崇
禧等統帶兵勇直搗賊巢燬營五座斬獲長髮
賊首級三十顆生擒二十七名槍斃者一百餘
名北門一路經外委黃占超等帶勇縋城謀燬

聖皇聖略卷十三

十七

賊營斬獲長髮賊首級一顆槍斃十餘名其餘
各門約斃賊匪五六十名初五初六等日城內
外合力夾擊各路均有斬擒賊見援兵四集城
內復更番接應不敢近撲城門惟於水西門晝
夜攻擊城內日受礮子百數十顆該逆慣用地
雷臣雖嚴密豫防而水西大西兩門常有耽耽
思騁之意臣於萬分焦急之時勉強鎮靜安定

人心現在咨會督臣舒興阿並札飭張印塘劉
長佑等令其步步為營漸逼城下迅解重圍
江忠源又奏言前奉

諭旨飭令舒興阿分撥陝甘官兵交和春統帶仰見

聖主知人善任莫名欽感查和春自賊起廣西以來轉

戰數年身經百戰賊情熟悉謀勇兼優目前提

鎮大員無有出其右者上年賊竄湖南經賽尙

聖皇聖略卷十三

十六

阿派令總統諸軍屢挫兇鋒賊眾畏憚因程喬
采頻掣其肘徐廣縉甫到衡州又將其總統革
去是以未能成功迨後賊勢日熾該署提督每
對人言輒為流涕忠義之氣歷久彌著現在廬
州城外援兵雲集急需久歷戎行調度有方之
員以資統制戴文蘭業經臣調入城中音德布
實非統御之才楊青鶴郝光甲初六日一戰臣

在城上見其布置一切似於戰陣機宜尙未熟
悉若得和春總統城外各路援兵鎮將以下均
受節制必能迅解重圍遏賊北竄可否仰懇

天恩飭派和春總統城外諸軍節制各鎮之處出自
聖裁奏入

上命軍機大臣傳諭舒興阿江忠源和春曰此時廬郡
尙未解圍亟應迅圖勦辦和春由宿州前進赴援計

聖恩方略卷十三

九

已趕到舒興阿所帶官兵著遵照前旨交和春統帶
與江忠源勦力同心爲內外夾攻之計舒興阿著卽
將廬州後路扼守事宜相度酌辦並就近與福濟袁
甲三互相知照兼可以壯和春前路聲威

上諭內閣曰現在各路援兵雲集舒興阿和春均抵廬
州所有攻勦事宜自應專責總統大員以資得力和
春久歷戎行謀勇兼著卽著總統城外諸軍無論何

路赴援官兵悉歸節制其有不遵調遣者卽以軍法
從事舒興阿自潁亳一帶赴援沿途險要情形均經
親歷著卽妥籌扼守事宜以防餘賊竄逸其城內防
守事宜卽著江忠源督同戴文蘭嚴密布置以期聲
勢聯絡迅解城圍

江忠源又奏言初八夜據報楚北賊匪由蘄水
竄入英山揚言欲入六霍等語查英山北通光

聖恩方略卷十三

二十

固東河六霍臣已飛咨河南撫臣趕緊設防並
咨督臣舒興阿就城外酌撥兵勇前赴六安防
堵臣身在圍城未能先事豫防應請

旨將臣交部嚴加議處奏入

上諭內閣曰江忠源奏據報湖北逆匪竄入英山自請
嚴議江忠源現在廬州防守雖於所屬地方未能兼
顧究屬不能先事豫防著交部照例議處

十九日丑已勝保奏言查葡萄窪等處偏隄紮營距賊營既近又爲靜海獨流往來咽喉要路該逆情急每乘夜更番滋擾均被官軍擊回本月十六日臣親至新築營壘相度地勢令各營分路設伏以待仍商同德勒克色楞督帶馬隊列於大營門外以作接應臣於初更時親至羅古莊以南忽聞一片喊聲逆賊擁出約有數千分

欽定剿平粵匪方略卷七十三

三

三路撲來臣卽令正定宣化步隊各兵認取白晝所指各路從南面擊殺固原西甯河州各官兵從北面截勦並令魁福帶黑龍江馬隊在北面步隊以外托雲保帶吉林馬隊在南面步隊以外分路抄截又派總兵孔廣順帶川楚勇由東壓下臣親帶天津河南各勇及小隊官兵一齊喊殺賊始猶勉強拌命瀕戰繼因傷斃過多

又見四路兵勇同時抄擊人馬雜踏奪路狂奔拋棄槍械火藥等件不計其數其靜海前來接應賊匪三四百名亦被吉林蒙古馬隊追殺退回統計斃賊五六百名查該逆情急無路見我兵紮營截堵遂乘夜詭出屢擾我兵今番受此痛創我兵軍威益振膽氣愈壯臣俟紮住營盤卽當剋期進剿迅殄逆氛

欽定剿平粵匪方略卷七十三

三

勝保又奏言逆匪於十六日夜被我兵痛創後又因礮臺連日用大礮向賊壘轟擊斃賊甚多逆衆幾無立足之地於十七日夜潛在隄岸築壘避礮臣卽調齊隊伍親至葡萄窪令總兵孔廣順督帶川勇在前黑龍江馬隊在北吉林馬隊在南其餘官兵分隊在後接應並督令天津練勇與各兵勇一同直前奮擊槍礮齊施逆

衆傾巢出拒 臣嚴督隊伍用神威礮四尊連向
 逆衆轟擊賊屍隨倒隨拖拌死抗拒忽靜海逆
 匪千餘自南隄來時已天明 臣急分兵迎敵仍
 自帶小隊並天津練勇督戰而賊之來勢甚猛
 我兵連放神威礮數時之久礮身已熱因見賊
 偏近下藥太多以致震裂 臣旋即督兵轉至新
 營誘賊離巢該逆大股果分路撲來擁至營旁
 地勢稍狹逆衆攢簇稠密之時 臣急令開礮轟
 擊每礮斃二三十人逆衆黃旗紛紛倒地賊知
 有伏踉蹌逃回適所調駐守楊莊戶之正定西
 甯河州官兵趕到橫衝截殺生力新兵勇氣百
 倍馬步各隊乘勢掩殺齊用連環槍礮追擊沿
 路擒斬甚多壓至賊壘隄岸之上德勒克色楞
 木在梁王莊前防賊抄營因 臣督兵鏖戰爲時

聖恩方略卷七十三

三

聖恩方略卷七十三

三

已久隨督蒙古馬隊前來接應達洪阿病尙未
 愈力疾乘馬督帶巡捕技勇兩營官兵亦來策
 應維時賊已狂奔回巢我兵因連日以來守護
 礮臺新營晝夜勤苦此番自丑刻出隊直至午
 刻計共斃賊四五百名斬賊首級十餘顆奪獲
 擡槍二十餘桿該逆勢已窮蹙所患兵力尙單
 每遇有機可乘輒苦無兵可撥一俟瑞昌崇恩
 之兵到靜海後善祿帶兵前來兵力稍厚即可
 橫紮營盤盡力攻勦奏入

上命軍機大臣傳諭勝保德勒克色楞曰逆匪占踞獨
 流靜海以來該大臣疊報賊勢窮蹙已極朕日望捷
 音並予以限期乃仍以小勝塞責能否剋期掃蕩尙
 無把握務須激勵將士埽穴擒渠以清畿輔又據勝
 保奏十七日勦賊情形現在逆匪勢窮情急新營偏

近賊壘尤應加意嚴防毋稍大意

上又命軍機大臣傳諭瑞昌崇恩曰逆匪占踞獨流兩

月有餘尙未剿滅必須厚集兵力以期迅速殲除既

據勝保奏稱知會瑞昌崇恩迅即帶兵來直協剿想

已起程現在靜海需兵甚亟著瑞昌崇恩飛即督帶

兵勇兼程前進直赴靜海聽候勝保調度毋稍遲延

上諭內閣曰逆匪連日撲出經我兵疊次攻剿獲勝賊

欽定剿平粵匪方略卷七十三

三

勢窮蹙已極著勝保德勒克色楞迅即督飭各路將

弁兵勇合力兜擒毋任竄逸達洪阿力疾督兵以知

愧奮著賞還家產如能始終奮勉無難再沛恩施

同日江忠源奏言賊匪於十一日五更率眾四

五百人大張聲勢先攻小東門經駐守該門之

知府陳源堯及巡查該門之都司和寬帶廣東

勇之守備程智泉督率兵勇二百餘名奮力抵

禦臣隨添派楚勇三十名飛往協助並以逆情

詭譎慮其聲東擊西諄囑都司馬良勳戴文蘭

加意嚴防維時小東門賊尙未退水西門月城

迤北城堞忽然轟裂八丈有奇黑煙噴湧昏不

見人缺口兵勇衣被火燃躍入護城河內徧身

皮膚如剝其餘兵勇始雖奮力攔截及見火光

兇猛城身搖撼紛紛從馬道滾下惟馬良勳戴

欽定剿平粵匪方略卷七十三

三

文蘭站立缺口抵死不動臣目擊情形計無生

理親督兵勇冒煙衝上該逆乘勢遙擁槍入一

穿黃衣賊目手執大旗當先直上馬良勳以身

迎敵該賊目用長矛向馬良勳胸膛直刺馬良

勳以手格之隨以長矛迎面刺死該賊目滾落

城下旋又手刃一賊其旁賊之蟻附者復經戴

文蘭手刃數名臣復督率兵勇施放槍礮拋擲

火彈轟斃賊匪百餘名受傷者無算該逆冒死不能衝上乃少退卻其小東門賊匪經陳源亮和寬程智泉督率兵勇並臣派去楚勇奮力殺賊四五十名我兵乘勢從營內抄出城根又跟蹤追斃十餘名是日賊勢兇猛安危在呼吸之間仰賴

聖主威福得以化險爲平臣現仍加意嚴防並咨會督

聖學聖略卷十三

三

臣舒興阿等剋日進勦以圖迅解重圍奏八

上命軍機大臣傳諭江忠源和春曰逆匪屢次用地雷轟城經該撫督率將弁兵勇槍護轉危爲安江忠源謀勇兼施深堪嘉尙現在和春帶兵計已趕到廬郡已有旨令其總統各路赴援官兵迅解城圍該撫卽與該提督激勵將士內外夾攻總以及早解圍爲要昨據奏賊匪由蘄水竄入英山揚言欲至六霍該處

北通光固最關緊要江忠源雖在城中勢難兼顧仍當力籌全局隨時知照舒興阿福濟相機援應萬不可任賊北竄

上諭內閣曰此次廬州逆賊用地雷轟陷城堞勢極危

險江忠源力保危城躬親戰陣督率將弁兵勇併力捍禦實屬忠勇可嘉之至著賞給霍隆武巴圖魯名

號馬良勳戴文蘭力扼轟陷城牆缺口手刃逆匪驍

聖學聖略卷十三

三

勇異常均堪嘉尙馬良勳著賞給卓哩克泰巴圖魯名號戴文蘭卽著以副將補用現在大兵雲集著江忠源督率兵勇與和春等內外夾擊迅解城圍盡殲醜類毋稍遲延

二十日 庚寅 慧成奏言查桂花莊施家橋一帶賊

匪均退至瓜州駐紮亟宜相機攻勦已飭前派

駐守運河西岸便宜門總兵多隆武帶領山東

弁兵先行移營前進 臣等亦次第向前移紮務將瓜州賊匪殲除以期肅清江北惟逆黨自揚城敗竄後運河東西兩岸賊情甚爲渙散並無鬪志前由金陵駛至瓜儀船隻亦多開往上游詢據逃回難民供稱賊匪欲由金陵上游東壩地方窺伺蘇杭等語 臣已飛咨大江南北兩岸附近金陵省分加意嚴防以免竄擾奏入報

欽定剿平粵匪方略卷七十三

三十九

聞

欽定剿平粵匪方略卷七十四 癸丑年

十二月二十一日 辛卯 琦善奏言據六合縣知縣

溫紹原稟稱本月十一日卯刻忽有賊船數隻

自南岸觀音門駛至六合通江集壩外蟻擁登

岸焚燒民房後尙有賊船多隻自觀音門陸續

開來當經該縣偕守備秦懷揚等馳往分途兜

剿殺斃多名並有在籍檢討徐蕁等招集民勇

欽定剿平粵匪方略卷七十四

一

助陣賊匪驚遁回船開往南岸在後各船亦俱

駛回觀音門又查浦口地方有總兵武慶等率

兵扼守屢經擊退賊船防堵最爲得力茲據報

稱本月初六日有賊船六隻駛至三江口地方

隨即督兵撿拏並拋擲火藥口袋燒燬船隻賊

匪溺死者無數生擒賊匪三十七名奪獲賊匪

書信等三封僞木印一顆槍礮多件提訊獲賊

僉稱自安慶奉賊渠楊秀青僞令調回金陵內
有僞將軍提督指揮監軍各一名初七日又據
派出官兵在觀音門地方截獲賊船六隻賊匪
四十三名據供奉楊秀青僞令赴鎮江瓜州一
帶臣查逆匪書信內稱揚城攻勦緊急萬不可
守不如固守瓜州又有擬在瓜州添紮三營之
語賊匪詭詐百端此信或係真實賊情其儀徵

聖朝方略卷七十四

二

地方自克復縣城後關廂一帶均稱安謐臣添
派總兵李志和等帶兵一千一百餘名前往駐
守據地方文武等稟報江心時有逆船往來老
河影等處尙有逆船停泊江邊並未上岸滋擾
江北各口岸均尙肅清至瓜州賊匪業已遁至
江濱修築輒城土城意圖負隅抗拒曩騰龍等
連日乘勝追勦直抵瓜州因賊營大濶連環施

放一時未能得手現在陳金毅移營三汊河東
岸之桂花莊總兵多隆武在養生堂駐紮臣已
疊次函囑慧成移營前進臣查除三汊河之外
尙有儀徵河道勢須兼顧擬至西岸適中地方
駐紮以便調度奏入

上諭曰賊匪詭詐多端所獲逆書不可盡信瓜州逆匪
情形動靜若何速查馳奏

聖朝方略卷七十四

三

二十二日_{壬辰}和春奏言臣於十二月十四日行
至合肥梁園尙未准舒興阿撥兵前來差探廬
郡賊勢雖經我軍攻勦疊獲勝仗而賊匪甚衆
其東南面賊匪尤多此二處緊接北路店埠正
當其衝並無官兵堵禦甚屬空虛督臣舒興阿
帶領官兵五千名業已到廬在於西北面之岡
子集紮營已革臬司張印塘帶領兵勇原在店

準防堵現已移紮岡子集與舒興阿營盤相近此外尚有總兵音德布並江忠源之弟江忠濟共帶兵勇四五千名是西北面兵勇約有一萬餘名查逆匪現在大股圍攻廬城東南面爲北路咽喉實屬喫重必須厚集兵力趕緊進剿一面在於店準扼要堵禦使該逆無從北竄以冀迅解重圍惟臣所帶之兵僅止千名於十五日

欽定剿平粵匪方略卷七十四



卽由梁園繞道馳赴岡子集與舒興阿面商撥兵堵剿舒興阿以所帶官兵僅敷調遣不能分撥婉商再三未能允行並令臣前赴西面以就兵力伏思店準本屬北路門戶且廬城東南面賊匪甚多自當加意嚴防始可遏其北竄臣旣到廬未便以兵力過單置要隘於不顧因聞都統常清帶有馬隊七百餘名由定遠前進卽經

先行飛咨紮駐店準茲臣由岡子集折回卽帶同密雲熱河兵馳赴店準紮營堵禦並飛催參將劉玉豹趕緊帶兵來廬設法進剿但兵力仍形單弱查現隨漕臣福濟之參將嵩瑞帶有山東官兵四百餘名此時福濟旣在臨淮防堵所有此起官兵業經飛咨趕緊派撥馳赴店準又已革臬司張印塘原帶兵勇千餘名現在西面亦已飛調迅速前來再臣在鎮江原帶之湖南三四五起官兵七百餘名請

欽定剿平粵匪方略卷七十四



言迅飭向榮卽令鄭魁士星速帶領兼程來廬以便攻剿如此各路抽調若趕緊到防則兵力稍厚自當迅速進攻以解重圍

同日慧成奏言接據探報金陵賊營惟雨化臺爲最大初四日賊來劫營至紫金山一帶與官

兵相遇殺賊甚多僞王府於是日被天火焚燒
初五日官兵攻打賊營逆匪施放火箭反自燒
其營門有被掠百姓乘勢縱火斃賊無數等語
查前次逆匪初起時其燄甚熾民情頗被煽惑
目下賊勢漸散民心漸固臣當安撫百姓以收
民心而鼓衆志均奏入

上命軍機大臣傳諭舒興阿和春曰和春奏行抵合肥

聖學聖方略卷七十四

六

梁園地方察看西北面兵勇約有萬餘而廬州東南
面逆匪最多又爲北路咽喉必須厚集兵力方能由
店埠一帶進剿現在該提督帶赴店埠之兵僅止千
餘名加以張印塘原帶兵勇亦止千餘名此外催調
之兵又恐緩不濟急若再稍有稽延廬州城內餉乏
力疲深爲可慮著舒興阿卽遵前旨迅將所帶官兵
分撥二三千名交和春統帶卽由店埠趕緊赴剿如

所撥將弁或有託故推諉者卽著和春查明以軍法
從事廬州赴援之任朕已專責和春儘該提督有意
遷延致誤事機自難逃朕洞鑒若各路帶兵官員意
存掣肘亦不能曲爲寬宥也

上又命軍機大臣傳諭向榮曰現在廬州城圍未解正
當勦辦喫緊之際所有和春前在鎮江原帶之湖南
三四五起官兵七百餘名素稱得力且爲該提督親

聖學聖方略卷七十四

七

信之兵著向榮卽飭已革副將鄭魁士統帶起程馳
赴廬州交和春調遣以資攻剿連日金陵進攻情形
未據奏報本日慧成奏探稱金陵賊營惟雨花臺最
大初四日賊至紫金山與官兵相遇殺賊甚多僞王
府被天火焚燒初五日官兵打仗賊放火箭反自燒
其營門百姓乘勢縱火斃賊無數等語如果屬實大
有可乘之機卽著妥速籌辦據實奏報

二十四日^{甲午}勝保德勒克色楞奏言該逆自十七十八日兩次受創後欲阻我兵進攻紮營決隄放水葡萄窪一帶漫溢甚寬新築營盤水已數寸現督飭兵弁挑土鋪墊設法宜洩攔禦因一面傳令於靜海上游西岸決隄放水灌入下西河又派員至靜海東岸相度地勢空決隄埂使水注東南既可杜其竄路又可殺其水勢現

欽定剿平粵匪方略卷七十四

八

在瑞昌崇恩之兵陸續已到靜海善祿日內即可抽帶官兵千餘名會同臣等分兵駐紮新營合力進剿臣勝保與德勒克色楞連日審度地勢靜海獨流相距止十八里有奇而周圍地方遼闊四處皆通又值天寒水凍恐該逆窮蹙踏冰潛竄是以凡有要路俱已嚴密設防臣勝保屢次跪讀

嚴旨漸恨無以自容苟有一隙可乘誓必滅此朝食至

軍營一切情形臣勝保雖屢陳之奏隨而其辦理棘手傳聞異辭之處有非筆墨所能盡宜者當此功虧一簣之時或宜力攻或宜圍剿措置稍有失當全局成敗攸關善祿日內到營仰懇皇上准令臣德勒克色楞兼程來京將其中委曲詳細情形據實面陳並有密奏機宜上乘

欽定剿平粵匪方略卷七十四

九

宸謨即行回營遵辦更於軍務

國事兩有裨益奏入

上命軍機大臣傳諭勝保德勒克色楞曰逆匪占踞獨流靜海將及三月該大臣等此次所奏賊匪情形仍以慎重爲詞一切措置全無把握本日據舒與阿奏廬州於十六日夜被賊攻陷巡撫江忠源殉難該處爲南北咽喉賊勢如此狡猾若不將獨流之賊趕緊

勦滅設廬州大股乘間北來時勢將不可問著該大臣設法進攻剋期掃蕩所請令德勒克色楞來京密奏機宜之處卽著迅速來京

勝保又奏言十八日接仗管帶職位章京黃周賓身受槍傷卽時陣亡情殊可憫請

旨飭部照例議卹奏入

上諭曰黃周賓著照例議卹覽此彼日之進仗失職無

聖朝方略卷七十四

十

疑因何掩飾入奏僞爲炸裂殊屬可恨勝保出京甫及一年何沾染習氣若是之深著據實明白回奏

同日舒興阿奏言十六日夜四鼓時聞廬郡城內礮聲不絕總兵楊青鶴已革總兵郝光甲等帶領將備官兵出隊救援臣營亦卽派兵接應因道路橋梁已被逆賊拆毀空斷又係黑夜之間中有賊營阻隔槍礮齊施該逆拚死抵禦相

聖朝方略卷七十四

十一

持不下另股仍在水西門外用地雷將城轟裂數丈當經撫臣督飭兵勇卽時補塞距該匪復於南門小東門等處用長梯數百架爬城並由城外紛投火彈火毬致守城兵勇慌亂逃散雖經撫臣督飭弁兵迎頭截擊殺賊數百名乃該匪愈集愈多我兵抵擋不住天將明時城已失陷逃出民勇均言撫臣在水西門內禦賊陣亡據署臬司張印塘總兵音德布報稱情形大略相同並據音德布稱撫臣之弟六品銜江忠濟帶領楚勇千餘名同時救援無能爲力臣聞信之下五中焦灼憤恨萬分查撫臣江忠源忠勇素著守護郡城一月有餘力疾辦公晝夜不形疏懈官民無不感戴無如城垣遼闊內外兵力均單竟至城亡遇害情實可憫應否從優議卹

恩施

之處出自

同日和春奏言臣於十七日馳赴店埠將現帶之兵千名同副都統常清所帶馬步隊七百餘名先在店埠紮營防堵一面設法進剿乃正在

欽定剿平粵匪方略卷七十四

十一

空築營壘間忽聞逆匪用地雷轟陷城垣廬郡失守臣查此股逆匪本由江西擊敗竄至皖省優陷安慶占踞舒桐二縣又復直撲廬州因城外民房未經燒燬被該逆偷挖地道致城失陷亟宜趕緊圍攻以冀克復且廬郡為北路咽喉堵禦尤為喫緊必須添派官兵合力兜剿查揚州業已收復賊匪退踞瓜州該處兵力尚厚可以抽調又現在金陵帶兵之總兵秦定三屢經戰陣素稱勇敢請

旨飭令揚州統兵大員趕緊酌撥官兵數千名作速來

廬並請

諭知向榮派令秦定三隨帶官兵一二千名星夜前來其前調湖南官兵亦即催令迅速起程以資合力攻剿迅圖克復均奏入

欽定剿平粵匪方略卷七十四

十二

上命軍機大臣傳諭和春舒興阿日前因廬州情形緊急諭令舒興阿和春前往督剿並以和春熟悉賊情特命總統諸軍惟兵力較單令舒興阿酌撥官兵二三千名俾資調遣乃該督既不肯抽撥又不能督率鎮將竭力攻剿以致郡城被陷盡臣捐軀實堪痛恨江忠源忠勇素著屢立戰功朕方欲畀以勦賊重任今竟因援兵不力城陷陣亡覽奏之下悼惜殊深和春現在進紮何處所有城外各路兵勇一萬餘名即著統歸和春管帶調遣福濟所帶兵勇計日亦可趕

到兵力尙不甚單江忠源所帶兵勇著卽趕緊收集無令渙散江忠源之弟江忠濟等所帶之勇亦必得力並著和春酌量調撥加以激勵以備助勦舒興阿係專派統兵赴皖大員旣已行抵廬郡尙不趕緊攻勦乃擁兵自衛坐誤事機本日降旨革職令其帶罪自效若再不知奮勉著和春奏明卽於軍前正法和春膺茲重任務當與福濟暨諸將士合力同心迅圖

聖朝方略卷七十四

十四

克復若再遷延時日致賊久踞廬州或乘間北竄惟和春是問

上又命軍機大臣傳諭琦善向榮曰廬州失陷該處爲南北咽喉最關緊要和春所帶兵勇甚形單弱舒興阿雖帶兵數千亦恐不能得力必須添派重兵以資勦辦著琦善於揚州軍營撥兵四千名派薩炳阿管帶向榮撥兵一千名派秦定三管帶卽日馳赴安徽

統歸和春調遣逆匪現踞瓜州揚州情形較緩金陵久未克復逆匪已紛擾安徽江北情形更爲喫緊勢不能不先其所急著該大臣等卽派該員等星速帶兵前往不准片刻遲延

上又命軍機大臣傳諭楊以增長張亮基英桂曰逆匪攻陷廬州勢益鷓張深恐乘機北竄前經疊次諭令楊以增等嚴防河岸此時情形更爲喫緊尤當嚴

聖朝方略卷七十四

十五

密防範勿稍大意其應如何擇要駐兵堵剿之處著楊以增長張亮基英桂迅籌妥辦總期聲勢聯絡不可稍分畛域儻任聽逆匪偷渡北竄朕惟該督撫等是問

上諭內閣曰據舒興阿奏本月十六日夜廬州郡城失守江忠源在水西門內禦賊陣亡等語江忠源以知縣調赴軍營屢立戰功超擢臬司令其幫辦軍務本

年在江西守城尤爲出力倍著忠勤旋卽授爲安徽巡撫由湖北力疾赴皖甫抵廬州卽值逆匪圍攻郡城督率文武紳民兵勇竭力守護一月有餘屢次出奇制勝力捍危城方資倚畀乃因援兵不力以致賊陷廬州捐軀盡節深堪悼惜江忠源著追贈總督卽照總督陣亡例賜卹入祀昭忠祠任內一切處分悉予開復應得卹典該衙門察例具奏並著於殉難地

欽定剿平粵匪方略卷七十四

十六

方建立專祠以慰忠魂舒興阿統帶重兵旣已行抵廬州不能督兵竭力救援又不遵旨撥兵交和春統帶調遣以致郡城被陷蓋臣捐軀實屬辜恩大負委任著卽革職帶罪自效和春自徐州赴援帶兵無多所有舒興阿管帶之兵卽著和春統帶各路援兵均歸調遣務當督率鎮將激勵兵勇迅圖克復郡城毋稍遷延

同日福濟奏言臣於初九日自清江起程因急欲赴援廬州將兵勇分起前進無如經過地方凋敝異常夫馬不能敷用屢催罔應於十八日甫抵臨淮關分走湖路兵四百名到僅及半自因風色不順所致心急途遠焦灼萬分俟到齊卽當星速前進聞廬郡賊勢臨張府城七門均有賊壘東北情形甚形喫重臣當隨時相機

欽定剿平粵匪方略卷七十四

十七

迅圖進剿奏入

上命軍機大臣傳諭福濟曰本日據舒興阿奏逆匪攻陷廬州江忠源殉難已授福濟爲安徽巡撫著卽帶兵前往會同和春合力攻剿一面克復廬州一面遏賊紛竄萬勿遷延致干重罪

二十五日乙未舒興阿奏言臣現在帶兵駐紮之岡子集並楊青鶴郝光甲所駐之高橋等處均

在廬郡西北距賊巢八九里及十餘里不等現
經督飭官兵兩次進剿雖均有斬獲祇以兵力
過單一時斷難得手當此攻剿喫緊和春咨撥
之兵未便令其調往東北四十里店埠地方致
與音德布諸軍聲息隔越現已飛咨和春迅即
前來以便就近交兵統帶進剿前准江忠源自
城中來咨以賊匪由湖北分股竄擾英山情形

聖朝方略卷七十四

十六

危急囑臣撥兵馳往六安州協同防守臣已分
兵五百名同張印塘撥出募勇五百名先行馳
往六安防守其餘撥定官兵二千五百名俟和
春到來應即交給統帶臣即帶領官兵一千餘
名遵

旨馳往潁州一帶籌防奏入

上命軍機大臣傳諭和春日舒興阿所帶兵勇昨已有

旨全歸和春管帶調遣此時皖省情形總以迅復廬
州嚴防北竄為要現在兵勇亦不為少該提督自應
迅籌進剿若專顧堵禦俟琦善向榮撥兵到後再圖
進攻恐逆匪久占廬州又成負隅之勢舒興阿應否
仍赴潁州抑派往他處要隘防堵著和春酌量調遣
需兵若干即由該提督分派仍歸節制以一事權其
自楚竄擾英山之賊如何截其來路使之不能連結

聖朝方略卷七十四

十九

均著妥籌辦理

二十六日丙申安徽巡撫福濟奏言查揚州東路

漕標兵三百名河標兵二百八十名本歸臣管

轄屢次接仗斬獲甚多前由揚起程時兵弁齊

聲情願隨往殺賊立功因儀徵甫經失守逆匪

屢窺三汊河斟酌緩急情形不得不暫留揚州

以資防剿現聞揚儀先後收復賊趨南路灣頭

自應撤防况琦善等統兵萬餘皆強幹之師足資調度清河兵弁留營不見其多不留並不見少臣馳抵臨淮關相機籌辦廬州之圍未解固應星速赴援廬州之圍卽解亦須窮追進剿所帶兵止六百名新募之勇甫歷戎行深恐未能得力如得舊隸之兵作爲前驅迅圖剿滅不獨臣收指臂之助於皖省全局實有關繫應請

欽定剿平粵匪方略卷七十四

二十

飭下琦善慧成雷以誠等卽令段應元吳慶孚將清河兩標兵五百八十名檢齊軍械迅速起程赴皖以助攻剿

福濟又奏言臣途次接袁甲三咨文因臨淮緊要留臣駐守防堵業經具奏自應聽候

諭旨何敢妄瀆惟管見所及亦不敢自安緘默致誤事機夫臨淮爲徐泗門戶廬州又臨淮門戶藩籬

固則堂奧自安自是不易之論查廬州七省通衢形勝之地從古所必爭現在大股賊匪四面環攻雖經江忠源等固守從未大受懲創揚儀餘匪更恐窺伺天長冀圖會合情形十分喫緊賊以全力注之我亦以全力應之方爲制勝之法通盤籌計實宜先其所急迅速赴援至於臨淮一帶必須妥爲布置臣親詣河干查看地勢

欽定剿平粵匪方略卷七十四

三十一

曠野平原無險可扼擬如袁甲三等所議於北岸多設營盤聯絡一氣聲息相通沿河船隻均不准泊南岸以防暗度已札飭舉人臧紆青管帶壯勇一千名會同署廬鳳潁道立誠知府裘寶善和衷商辦一體嚴防臣惟有激勵兵勇進援廬州以靖逆氣而全省會奏入

上命軍機大臣傳諭琦善曰現在皖省情形緊急福濟

所帶兵弁無多揚州既經解圍東路已有重兵扼守
所有紮營該處之漕河標兵向隸福濟麾下調遣較
為得力著琦善迅飭段應元吳慶孚檢齊軍械管帶
起程剋期馳赴安徽交福濟調撥如現在撥防衝要
處所即可不必調動至前降旨令琦善於揚州軍營
內飛速撥兵四千名飭令薩炳阿統帶趕緊前赴安
徽歸和春節制此項兵丁必須迅速派往不得藉詞

聖學方略卷七十四



請留致誤事機

二十七日 丁酉 僧格林沁奏言逆匪占踞獨流靜
海復又分賊在獨流靜海之間五里莊地方築
成木壘竟成三窟之勢且據拏獲奸匪供稱該
逆將官兵失去礮位安放木城之內是該逆壁
固壘堅連得利器足資抗拒現在東西兩面日
夜開礮轟其巢穴該逆堅匿不出連日總未接

仗近獲由賊營逃出之人供有逆匪婦女扮作
乞丐往南乞援並南省之匪二月可到等語雖
似逆匪捏造之言未足盡信然總宜迅速蒞功
方免他慮奏入

上諭曰逆匪情形實非窮蹙汝前奏一俟冰堅即可進
偏火攻已隔多日並未見續奏是否得力是何攻法
再據汝所聞有何可乘之機著一併據實密奏

聖學方略卷七十四



同日張芾奏言 臣前請留滇黔銅鉛銀兩欽奉
諭旨屢次嚴催不准截留何不知緩急置全局於不顧
等因 臣伏讀之下恐懼悚惶莫能言喻竊查江
西省城本年五月間被賊竄擾閉城之日藩司
糧道兩庫共存銀五十餘萬兩至八月解嚴之
日用存銀不滿十萬兩因安徽撫 臣江忠源等
帶兵赴楚給發一月口糧共用銀五萬餘兩存

銀無多愈形支絀原擬俟陸續徵收及勸捐等項稍資應用乃因水災兵燹後催科竟無起色勸捐亦屬寥寥總緣賊氛尙近商民多未復業一切不能周轉是兵民交困不特全局可憂卽江西一省已有不可終日之勢據藩司詳請將應撥雲貴銅本鉛本等項奏請截留銀三十五萬兩實因無款可籌暫爲騰挪並非有現銀存

欽定剿平粵匪方略卷七十四

三四

庫欲請留用也現在寇患未平江西一省本係自顧不暇卽稍有餘力尙須協濟鄰省所有雲貴銅鉛等項銀兩萬萬不能籌撥查運道未通銅鉛亦不能北上可否暫停採買其雲貴二省兵餉或令該省自行勸捐籌辦伏候

聖裁 臣至愚極陋過蒙

委任遭遇時艱每形隕越辜負

鴻慈汗顏無地

皇上責以一籌莫展庸愚無能 臣無所逃罪至昧良喪心 臣雖不肖萬不忍出此亦不敢出此也抑 臣更有請者現在

宵旰焦勞臣工或未必盡能仰體而

訓諭誥誡之時

聖心自有權衡則受者知所做惕聞者罔不懍服此尤

欽定剿平粵匪方略卷七十四

三五

臣區區之忱不僅爲一身計也奏入

上諭內閣曰前據張芾奏請留滇黔銅鉛銀兩朕因其不知緩急任意截留保舉守城各員太覺冗濫是以於批摺內嚴旨切責正望其激勵有爲兼籌全局庶不負朕諄諄訓誨之意乃本日據奏籌撥軍餉摺內不知感愧仍復曉曉置辯張芾係內廷翰林會司部務由學政特簡巡撫值此軍務方殷籌餉孔亟之際

應如何酌度緩急詳慎舉劾於奉到諭旨時虛心體會為朕分憂乃據所奏但以庸愚引咎轉視訓諭為多事實屬負氣妄言有負委任張芾著交部議處

二十八日 戊戌 英桂奏言准安徽撫臣江忠源咨

會六安州屬之英山縣有賊匪由湖北分股竄擾情形危急飛咨嚴行防堵臣查豫省之光州固始均與六安州一帶毗連防堵極為緊要前

聖學聖方略卷七十四

三

經咨催南陽鎮臣柏山帶兵前往駐紮計期即可到防臣本擬俟新任南汝光道余炳燾到任後即行前赴汝郡以為光固聲援現聞楚北逆匪大股俱竄下游其黃州盤踞之餘匪經湖廣督臣帶兵追剿自可就近掃除豫省信陽州之武勝等關俱已派兵嚴守余炳燾到後即飭其督率巡防可期周密臣酌帶兵勇即往汝甯駐

紮居中調度為鎮臣後路策應以固光州等處邊防奏入報

二十九日 己亥 琦善奏言查儀徵甫經克復老河

影等處尚有賊船停泊必須嚴加防範當即派委通永鎮總兵李志和等帶領官兵前往儀徵駐守並時赴江岸巡哨賊船停泊江中見有官

聖學聖方略卷七十四

三

兵不敢登岸旋即陸續開行其樸樹灣之南北兩岸暨東西石人頭凍青鋪等處之賊早經擊散並經德興阿將南岸民房逐一搜查並未見有一賊又據六合縣知縣溫紹原稟稱本月十七日有賊船五十餘隻自金陵觀音門駛至江北賊匪數百名上岸焚掠該處俱係圩田窄埂且隔河兩道溫紹原用船支搭浮橋守備秦懷

揚率領弁勇爭先過河殺斃賊匪百餘名副都
統德崇額督率馬隊並外委王兆湧帶勇馳至
擊斃多賊餘匪俱驚遁回船秦懷揚等奮勇追
勦將擡礮火箭擊沈賊船二隻賊匪溺死者無
算其浦口地方自武慶等擊賊獲勝後連日未
有警報是江北儀徵六合浦口現均一律安靜
其瓜州賊船均已遁回金陵未聞北竄之信惟

聖朝方略卷七十四

三

瓜州賊巢既有甄城一座該逆日夜增高培厚
又有土城木城相爲犄角四面挑挖濠溝引江
水以貫注其河路亦釘椿木官兵連日攻勦未
能得手現在陳金綬已移營三汊河東岸之桂
花莊東南連營三座宜化營又居其東總兵多
隆武移營養生堂俟六合浦口助勦之兵撤回
徐州鎮之兵添馬步隊營盤數座即可遠潘家

橋施家橋一併防住瞿騰龍德興阿在三汊河
西岸扼其中路臣移營至揚州秦家橋西南地
方該處距樸樹灣新集僅數里通儀徵之陸路
賈家樓二里水路之東西石人頭凍青鋪四五
里三汊河約八九里實爲控扼瓜州儀徵水路
之要

聖朝方略卷七十四

三

琦善又奏言和州爲皖省濱江要地距浦口祇
隔一百餘里前派副都統常清帶兵八百五十
餘名在該州之烏江駐紮方虞兵力不敷近據
該副都統呈報因該省廬州緊急咨調赴援業
已起程查和州在金陵西北相距不遠賊船沿
江上下該州曾經兩次攻陷而所屬之裕溪口
尤爲熟徑今將防兵調撤雖係爲援應起見但
恐賊船乘虛駛入未免顧彼失此皖豫地勢毗

連處處可以北竄似宜嚴密防維

同日雷以誠奏言前月二十六日馮景尼等近城各營勇潰之時將東林寺千總孫得富分帶之勇衝動離營者二百餘名臣營萬福橋及黃泥溝沙河橋等處並無潰散情事且有擊獲逃勇及放火奸細數十名均經訊明正法惟自馮景尼各營勇潰之後琦善愈以為勇不可恃並

聖學聖方略卷七十四

三

稱奏明令將各勇全行撤去及奉

諭旨有撫綏激勸各勇並扼守萬福橋隨時相機接應之語仰見

皇上洞燭形勢權衡輕重欽佩莫名特臣此時若不將勇裁撤是違琦善節制也若竟全行撤去是不謹遵

諭旨也臣實進退維谷靡所適從現查捐輸之項日形

竭蹶餉需實難為繼反復思維惟有於現存各

勇四千八百名內酌減二千三百餘名陸續妥為遣散其餘二千數百名暫行扼守萬福橋並分駐霍家橋等處及看守捐輸支發火藥軍裝等局仍一面照前摺所請力行堅壁清野之法俟地方漸臻安靖臣必將各勇漸次裁汰以節糜費特慮撤之太驟無論散遣不易且東路頓

聖學聖方略卷七十四

三

覺空虛於刻下情勢似不相宜均奏入

上命軍機大臣傳諭琦善陳金綬雷以誠慧成曰琦善奏稱瓜州賊船均已遁回金陵未聞北竄之事是否確實設安徽沿江一帶又有警報豈得以賊船已返金陵遂謂非瓜州大股意存誘卸已屬顯然即常清之兵遵調赴援廬州豈能再令折回和州既與浦口相近琦善仍應撥兵設法嚴防何得虛言搪塞豫為

站脚地步廬郡係北路咽喉逆賊狡狴殊甚備或觀
覲北來事勢何堪設想琦善身為總統設有疏虞惟
該大臣是問至瓜州賊匪業已築壘堅守若不及時
攻克又成負嵎之勢萬一復擾揚州及儀徵等縣琦
善將何顏見朕耶雷以誠前募鄉勇既不足恃自應
裁汰其現存各勇二千餘名亦未便全行撤散仍著
雷以誠管帶約束以助兵力據琦善奏稱亟須向前

欽定剿平粵匪方略卷七十四

三

移營應如何分撥布置仍著妥籌辦理總之揚州儀
徵賊匪均係自行竄去固因勇潰所致亦並非兵力
驅除此時惟有併力急攻瓜州嚴防北竄稍贖前愆
同日

上命軍機大臣傳諭僧格林沁勝保曰朕因靜海獨流
賊匪負嵎日久疊次切責勝保迅速剿除乃遷延三
月尙未奏功且南軍失利大股逆匪蟻聚廬州其覲

覲北竄之心焉能保其必無非將此股先行鏟除不
足以寒南中賊膽該逆全踞東面勝保之兵亦多向
東面攻勦而獨流至靜海五里莊地方又有該逆木
壘必須重兵分路圍勦奪其隄堧斷賊南北救援之
路方能得手祇有僧格林沁駐軍王慶坨離賊營三
十餘里相距較遠不如歸併一處以壯聲威著僧格
林沁卽日統兵前進與勝保會合籌攻所有該參贊

欽定剿平粵匪方略卷七十四

三

大臣營內之三盟官兵及培成綑闊那敷德等所帶
馬步各隊均可酌提歸併前路至伊勒東阿史榮椿
所帶之兵或令前進或應仍留王慶坨駐紮均著妥
籌布置僧格林沁自出京後並未與賊接仗趁此久
蓄威聲必可掃數殲擒若再有耽延何顏對朕僧格
林沁抵獨流後應於何處駐紮或會攻獨流或分攻
何處務須與勝保和衷商榷朕必不爲遙制總期剋

日將獨流靜海與五里莊賊匪盡數剿滅萬不可令賊竄逸再滋延蔓

上諭內閣曰逆匪竄踞靜海獨流已將三月勝保統領各路大兵四面環攻屢據奏稱賊情窮蹙已甚總未能掃穴擒渠勝保督師日久無功能無自愧僧格林沁現在駐兵王慶坻著卽統帶馬步各隊移營前進與勝保合爲一軍併力進剿務將逆壘一律掃除不

聖訓方略卷七十四

十四

准互相推諉勝保若因派僧格林沁前進遂存卸責之見國法具在豈能寬貸諒該大臣等斷不敢各存意見再事遷延也

欽定勦平粵匪方略卷七十五 甲寅年

四年正月初二日 寅 壬 僧格林沁奏言據慶祺函

稱上年除夕由靜海撲出逆匪三千餘名意在向西潰圍須將西面兵力加厚方免疏失當卽札令侍衛繻關帶察哈爾官兵五百名前往協堵旋准慶祺咨稱賊竄大城現在孫家莊梁頭村東河頭均被賊踞是逆匪潛行潰出 臣欽奉

聖訓方略卷七十五

一

諭旨帶兵會剿因王慶坻乃北面極關緊要之地一經撤兵恐逆匪乘虛北犯是以飛調多爾濟那木凱將現統之兵兼程趕赴 臣營原擬令在王慶坻防堵今固安一帶既屬萬分喫重仍飭該統領在固安屯紮如探有警報一面由固安向南迎擊一面飛報 臣營卽由武清馳至固安攔前截剿若西面竄出之賊或經殄除或經擊回卽

遵

旨移營前敵奏入

上諭曰前路逆情隨時探聽仍應會勦為是現在西面雖有竄出之賊尚有伊勒東阿等儘敷防勦汝可速定進止接奉批摺卽行覆奏

同日勝保奏言上年十二月二十七日靜海西岸出賊數百人經我兵截回二十九日卯刻臣

欽定剿平粵匪方略卷七十五

二

親督兵勇攻壘該逆匿不敢出午未之間忽從壘中蠡擁而前我兵四面抄擊殺斃賊一百數十名賊勢潰敗入巢並見多賊棄刀下馬長跪道旁我兵見其似屬投誠當於陣前招回十三人供係提臣向榮遣赴賊中使作內應不意走漏消息被賊拘禁見其技勇用為偽官時在林鳳詳左右屢思投誠今見臣解散告示始敢乘

勢逸出臣察其情詞雖出至誠然難保非賊詭計現擬暫緩其一死使知

國家恩威庶賊營被脅之眾聞風投散則逆匪不難殲除

勝保又奏言臣正拜摺間接據經文岱稟報上年十二月二十九日辰刻靜海西門突出賊匪二千餘名直撲烏征阿水營西路各營分兵接

欽定剿平粵匪方略卷七十五

三

應截殺逆匪多名賊匪轉向西南經文岱水營西岸各營官兵及東岸崇恩之兵協力助勦經文岱之兵亦卽下船迎擊賊敗向正西逃竄大股截回靜海其零匪數百名已越過冰濠不能歸壘卽將水申于家莊等村占踞意欲探路奔往王家口官兵現已將該村圍住請撥兵協勦臣卽飛咨僧格林沁就近於西北一帶撥兵扼

要嚴防並咨令慶祺撥兵往助先將賊匪所搭浮橋拆斷再行攻奪村莊 臣尙恐兵力不敷又派撥兵勇六百名馬隊三百餘名令其直赴王家口相機協剿又飛咨西凌阿善祿於東西兩岸迅撥步隊官兵一千名馳往西南一帶抄截不使逆賊竄逸並抽撥馬隊一千名赴青縣以北盧家圍以南四五十里地方堵截如賊有竄逸迎頭截殺至該逆由何路竄出容即查明防守員弁嚴行叅劾奏入

聖朝聖方略卷七十五

四

上命軍機大臣傳諭勝保曰各路防兵屢次諭令嚴密堵截何以任令賊匪占踞于家莊等村究係向何路竄出著即查明帶兵之員據實嚴叅此股零匪僅有數百人官兵現已將該逆圍困該大臣又派兵前往剿截務即嚴飭各路將弁趕緊將此股勦洗淨盡儻

再有疏失任令竄逸惟勝保是問據奏進攻賊巢情形屢云賊勢窮蹙粉飾鋪張敷衍塞責而至今賊勢仍屬兇悍勝保督兵已逾三月尙未能掃穴擒渠自問能無愧乎朕惟以勦滅賊匪為憑豈虛言所能了事著即乘機進剿迅殄賊氛毋得再事遷延致干重罪

聖朝聖方略卷七十五

五

同日袁甲三奏言賊匪新得廬州聞城內米糧尙足火藥柴草均已缺乏乘其根基未定指日以大兵臨之或可收功且夕萬一根深蒂固又將勞師糜餉應請

旨迅發大兵併力廬城剋期會剿並請明降諭旨何人能領兵即歸何人統帶不得以勢分相臨不得以意氣用事提 臣和春 聖心之所簡在踵江忠源之後者庶幾在此 臣思江忠

源謀勇兼全此次孤軍嚴守三十六日卒以援將不前而殞其命臣今檢其來書及咨會奏稿皆一己盡瘁匪躬絕無一語歸咎於人若江忠源者不獨可爲良臣直無愧古之純臣矣

聖恩於江忠源卹典之厚廕襲之隆當無復加查有其弟江忠濟江忠濬隨同剿賊久歷戎行所帶楚勇皆能用命應請

欽定剿平粵匪方略卷七十五

六

特旨激以公義動以私忿將江忠濟江忠濬等優予官職卽留安徽軍營會剿當可得其兄之遺意而備將材之選也並請速降

諭旨飭令曾國藩迅帶礮船並自練之勇五千人由湖北九江而來與北兵會合作水陸夾擊之勢又查有刑部郎中李文安奉

旨回籍督帶鄉勇協辦防剿現已行抵臨淮該員原籍

距臨淮一百餘里情形熟悉呼應較靈臣卽令其駐守臨淮聯絡鄉團藉壯聲威可期得力袁甲三又奏言查陝甘總督舒興阿於廬州告警之初已蒙

聖明鑒及飭令赴援並令將所帶之兵酌分和春乃該督擁兵自衛誓不肯分嗣接和春來信述及該提督紆道親赴伊魯面商一切該督堅持成見

欽定剿平粵匪方略卷七十五

七

不惟不分自帶之兵卽他人之兵亦不允其抽調致令和春束手無策甫到店埠而廬城已報失守江忠源以名將之才坐困危城不得不以死報

國該撫守城逾月疊向舒興阿告急該督竟駐距城三十里外之岡子集不肯前進況本月初十日前後江忠源疊戰獲勝賊勢已衰城門時啟

時閉我兵若乘勢環城亦可藉圖牽制舒興阿
一步不進紮營西北路賊即由西面陷城謂非
舒興阿庸懦而何 臣奉到

諭旨據舒興阿奏初次進剿即獲大勝等語查該督之

摺係上年十二月初九日拜發初九日以前探

報並未聞有該督接仗獲勝之事即江忠源初

九日來信亦未提及一字不知其所謂大獲勝

聖學方略卷七十五

八

仗如何陳奏是其任性偏執復敢捏詞飾奏自

文其非致令廬郡一失中原大局幾難收拾應

請速伸

乾斷治以應得之罪勿令再誤事機奏入

上命軍機大臣傳諭和春福濟袁甲三日廬郡失守疊

次諭令和春督兵進剿並令其總統諸軍俾事權歸

一舒興阿業經革職復令即行回旗所帶官兵均歸

和春調遣兵力尙不甚單廬州城內火藥既缺正可
乘守禦未備力圖克復不可專待薩炳阿奏定三之
兵遷延時日致成負嵎之勢總兵郝光甲楊青鶴皆

係舒興阿軍營帶兵之員如果不知奮勉著即據實

嚴叅江忠源為國捐軀每一念及不勝悼惜其弟江

忠濟江忠濬隨同江忠源管帶楚勇屢著勞績一門

忠勇實屬可嘉著和春即將本日所降恩旨傳諭該

聖學方略卷七十五

九

員等加以激勵俾令仍帶兵勇隨同剿賊若能始終

出力不難優予恩施福濟現授安徽巡撫務即帶兵

前往與和春合力剿辦毋得藉詞延誤臨淮關一帶

即責成郎中李文安督帶鄉勇實力防剿其長淮衛

十里城沫河口老雞河等處應否撥兵堵禦著和春

迅籌布置以杜逆匪北竄之路

上又命軍機大臣傳諭會國藩曰廬州為南北要衝現

在爲賊所踞必須乘其喘息未定趕緊進剿會國藩製辦船礮並所募楚勇數千人此時諒已齊備著卽迅由長江駛赴安徽會同和春福濟水陸並進南北夾攻迅殄賊氛

論內閣曰前任安徽巡撫江忠源之弟江忠濟江忠澹管帶楚勇疊次剿賊均屬出力江忠濟業經加恩以知府用六品銜江忠澹並著加恩以知州用仍令

欽定剿平粵匪方略卷七十五

十

管帶兵勇隨同剿賊以副朕篤念忠蓋之至意

又諭內閣曰前因舒興阿救援廬州不力又不撥兵交和春統帶以致郡城失守降旨將舒興阿革職令其帶罪自效因思此等畏葸無能之員卽留軍營亦屬無益著和春飭令回旗不准逗留

初三日癸卯僧格林沁奏言據副將史榮椿等稟

報探得賈口村南張家莊一帶賊匪出沒隨卽

列隊堵截加意嚴防本月初一日突見獨流賊匪撲出三四千人該副將等帶兵迎擊開放大礮該逆渡冰拒敵我兵奮勇攻擊斃賊三百餘名餘匪退回獨流又據駐紮王家口之副都統那敷德呈報竄出逆匪現今占踞東河頭梁頭等村該副都統嚴兵以待該逆並未出撲臣思此時逆匪向西奔竄惟有分布各營迎頭攔擊

欽定剿平粵匪方略卷七十五

十一

以杜潰竄至節次打仗出力官兵容俟查明保獎其賈口村民同深敵愾業經撥銀犒賞奏入上命軍機大臣傳諭僧格林沁曰前有旨令僧格林沁移營前進與勝保合爲一軍昨據該大臣奏靜海逆匪意圖西竄擬仍由武清橫至固安攔前截剿已於摺內批示現在西路本有伊勒東阿所帶官兵儘敷防剿本日復面諭布彥泰馳往王慶坨後路之防愈

形周密僧格林沁即當迅速移營親赴前敵不得再有耽延該大臣督兵出京已及四月初因勝保一軍足敷剿辦未令該大臣前進以現在情形而論非合力攻剿不能迅速殄滅若徒株守一隅何時蕝事著僧格林沁於接奉此旨後刻即前進其北面防堵事宜即交布彥泰督辦並將如何會剿情形迅速據實覆奏

聖恩聖旨略卷十五

十一

同日向榮奏言查逆匪自踞金陵所以能竄擾南北者因上游無師船故得恣意往來屢奉

諭旨飭催先圖肅清江面是誠剿賊第一勝算臣前調

廣東水師拖罟不能應手而鎮江所謂水營各船惟廣艇三十二隻尙屬可用實屬不敷堵剿嗣由廣東籌募紅單拖罟船二種乃紅單為閩省截留拖罟為上海留剿現當剿逆至緊必先

籌得力之船臣謀之諸鎮將並詢兩粵官弁僉稱水師拖罟打仗最為得力若能調來其利有四廣東拖罟每船設礮三四十尊四面排列船身堅利其利一每船皆水師之兵分管礮位奮勇爛熟其利二其船為水師之船不用雇價其人係水師之兵但給口糧非比紅單拖罟每船月費千圓每戰要求厚賞其利三臣聞廣東副

聖恩聖旨略卷十五

十三

將梁顯揚參將黃開廣崔大同黃者華潘慶遊擊李仁安吳全美都司陳國泰等皆水師著名得力將佐如令調齊分管拖罟剿賊至為可靠其利四惟有懇求

聖恩飭令廣東督臣選調外海水師拖罟船五十隻指派副將梁顯揚等分幫管駕趕緊由海入江會同陸路攻剿又聞廣東有快蟹船一種其船用

樂七八十柄踏浪如飛且礮械極多亦常募令在洋捕盜上年梧州勦匪係南海軍功梁恩升招募水勇俱守法敢戰如再招募快蟹五十隻隨同施畧前來相輔協勦可期江面肅清奏入上命軍機大臣傳諭葉名琛柏貴曰據向榮奏請調廣東水師施畧快蟹各船並水師得力員弁此事屢經降旨飭調該督撫總以窒礙爲詞然向榮前在廣西

欽定剿平粵匪方略卷七十五

十四

日擊勦辦艇匪及現詢在營兩粵官弁均以粵東水師船隻爲得力且內外臣工條奏所見略同江南賊匪騷擾經年患在腹心豈可再事延緩若以經費支絀畏難不前或心存畛域藉詞堅拒該督撫素日辦事尙屬認真不當如是著葉名琛柏貴按照向榮所奏迅卽選調外海水師施畧船五十隻檄調副將梁顯揚等分起管帶剋日出洋速赴江南並飭屬趕緊

招募快蟹船五十隻雇齊水勇隨同前往協勦仍遵前旨諄勸伍崇隴龍元偉蘇廷魁設法趕辦毋任藉詞推諉其福建截留回廣修整之紅單船隻亦著查明趕修仍飭令陳國泰吳全美等管帶駛赴大江至調赴楚北之兵丁礮匠人等諒已前往想會國藩可以帶赴安徽足資攻勦

欽定剿平粵匪方略卷七十五

十五

向榮又奏言臣探知下游駛回賊船千餘隻連檣而上屯踞太平門外並由龍脖子時出窺伺特飭鎮將繞至山後進攻該逆突由洪武通濟聚寶三門各出賊二千餘衆兜撲七橋壘營盤經署將軍蘇布通阿督兵迎擊臣一面飭令福興秦定三等督帶兵勇三路策應並派吉順等帶兵攻朝陽太平兩門以分賊勢該逆果於龍脖子擁出一隊漸次逼近孝陵經廣西勇趕到

生擒長髮賊九人川楚官兵繼進共殲斃四五十名該逆敗走維時攻撲七橋壘之賊與川兵捷勇鏖戰多時該匪復由洪武門出賊千餘欲抄攻四川勇丁營盤經千總李鳴勳自城腳橫堦該逆乃從上方橋潰逃並於橋南接近雨花臺地面乘夜添築營壘黎明我軍喊殺直前賊營排列迎拒又由三門突出悍賊數千我軍衝

勦平賊營

十六

八賊陣短兵相接所有近橋兩座賊營立刻踏毀後隊見之愈形踴躍分路截殺或左從聚寶門一帶旁抄或右向洪武門山岡伏擊或直突通濟門中路截賊四分該逆不支各由濠內竄伏次晚復密挑精銳兵勇潛往襲取該逆因連日戰敗探知我兵復至五營一齊潰遁盡向兩花臺南門一帶竄匿 臣查此次接仗逆眾萬有

餘人官軍能以少勝多統計斃賊不下七八百名淹斃無算尙屬奮勉 臣惟有督率將士乘勝攻勦

同日吳文鎔奏言 臣行抵黃岡縣之淋山河督同主事楊熙等擇要紮營探悉賊匪於黃州府城外東北二面築土壘三處西南一面自赤壁山下築壘直抵江岸爲濠二重設有木椿竹籤

勦平賊營

十七

等物黃州江邊泊船數百隻巴河及黃石港均泊有賊船傍南岸之得勝洲紮有賊營三江口設有賊卡賊眾半在船中半在城壘 臣一面多張告示解散脅從並於行營左近樹立大旗凡棄械逃散者無論被脅久暫一概免罪賊眾聞風逃逸甚多附近黃州四出擄掠之賊悉皆遁走 臣隨即進次迴龍山飭楊熙進紮堵城臬司

唐樹義水師進逼三江口水陸相為呼應臣亦
移紮松楊鋪督兵進攻查堵城距黃州二十五
里松楊鋪距城五里撥選兵弁一由堵城大路
進攻黃州一由太平寺閒道繞出赤壁山下進
擊賊壘水路由三江口順流破卡擊勦黃州附
近之賊船以分賊勢連日大雪賊匪伏匿不出
唐樹義阻風尚泊白湖山下一俟稍霽即當約
會三路並進均奏入報

欽定剿平粵匪方略卷七十五

十六

同日和春奏言查安徽為南北要區安慶早為
逆匪占踞桐城舒城相繼失守茲復竄陷廬州
自應急圖克復惟廬郡西北兩路雖有兵勇一
萬餘名奈多未經戰陣難期得手必得通融籌
畫方克有濟查金陵賊匪負嶠甚固鎮江逆匪

亦多伏匿不出該二處官兵本不甚多然俱係

敢戰之士如湖南貴州廣東四川等省之兵素

稱得力揚州既經收復可以抽撥臣前請

飭下揚州統兵大員派撥官兵數千名來廬尙恐不足

惟有請

旨催令向榮將前調鎮江湖南官兵七百餘名及續調

金陵得力官兵迅即派撥二三千名交秦定三

欽定剿平粵匪方略卷七十五

十九

鄭魁士管帶前來會合進剿以清江北奏入

上命軍機大臣傳諭向榮曰廬州關繫北路要衝若不

迅圖勦滅於大局更不可問著向榮懍遵前旨即將

湖南官兵並前調軍營得力之兵派委鄭魁士秦定

三迅速管帶起程交和春調遣不准率行請留致有

延誤其金陵鎮江仍著向榮周密布置及早攻克不

得以分兵藉口稍涉疏虞

同日曾國藩奏言臣前覆陳赴皖援剿情形仰蒙

訓諭周詳惟現辦情形與臣之愚見尙恐

聖明有未盡知不得不詳細陳明臣起行之期未能遽

定前派張敬修赴廣東購礮千餘尊分爲十起

解楚雖頭起業經到衡後九起尙無信息臣所

辦戰船新造者九十號改造者百餘號合之雇

欽定四庫全書

二十

載者共四百號正月中旬當可完畢惟礮位至

少亦須八百尊俟稍敷配用方能起程黃州以

下節節有賊水路往援之兵不能遽達皖境臣

前兩奉援鄂之

旨命臣籌備船礮肅清江面後兩奉援皖之

旨命臣駛入大江順流東下直赴安徽現在黃州以下

被賊占踞已成負嵎之勢若舟師東下必須克

復黃州攻破巴河埽清數百里江面賊船乃克
達於皖境萬一黃州巴河之賊堅守抗拒則臣
之到皖無期安徽待援甚急前劉長佑帶楚勇
千餘名自湖北前往江忠濬帶勇一千名又有
滇兵一千名均自湖南陸續前往計湘省援皖
之兵已三千餘矣臣奉

命由水路前往中有阻隔恐難埽蕩而前而統籌大局

欽定四庫全書

三

正宜堵截江面攻散賊船以保武昌臣查本年

兩次賊舟上竄湖南防堵耗費甚多湖北江西

亦各耗費數十萬三省合力防堵之說係江忠

源與臣函內言之待南省船礮到鄂即與北省

水師合力進剿係吳文鎔與臣函內言之是以

臣前摺內聲敘茲奉到

訓諭臣自度才力實屬不能而江忠源等之言臣以爲

皆係切要之務該逆占踞黃州巴河一路其意常在窺伺武昌論目前之警報則廬州爲燃眉之急論天下之大局則武昌爲必爭之地何也能保武昌則能扼金陵之上游能固荆襄之門戶乃能通兩廣四川之餉道若武昌不保恐成割據之勢爲今之計宜先合兩湖之兵力水陸並進以勦爲堵不使賊舟回竄武昌乃爲決不可易之策若攻勦得手能將黃州巴河之賊逐漸驅除步步進逼直至湖口之下小孤之間與江西安徽四省合防則南服猶可支撐臣之才力固不能勝臣之見解亦不及此此係吳文鎔駱秉章江忠源之議論然舍此別無良策臣此次東下擬幫同吳文鎔照此辦理至臣所練之勇勦辦郴桂土匪不能遽行撤回自駐紮衡州

欽定剿平粵匪方略卷七十五

三

以來本處土匪竄撲常甯藍山等縣城盤踞道州之四菴橋經臣派勇隨處攻勦先後撲滅復有一股竄入永興縣城亦經派勇往勦計臣勇在桂屬者千有餘人在郴屬者八百人昨奉諭旨令臣督帶船勇速赴安徽常甯土匪責成駱秉章妥辦自應欽遵辦理惟桂屬正在搜捕未便遽行更換郴州永興情形危急不能不星速進勦擬待船廠辦齊再將各勇撤回帶赴下游不致誤事臣以丁憂人員奏明不願出省辦事乃疊奉

欽定剿平粵匪方略卷七十五

三

明旨飭令東征祇以大局糜爛非臣子所敢避謝之時然攻勦之事實無勝算賊勢猖獗如此豈臣區區所能奏效茲奉

批諭臣自維才智淺薄惟有愚誠不敢避死而已至於

成敗利鈍一無可恃若遽責臣以成效則臣惶
悚無地與其將來毫無樹立受大言欺

君之罪不如此時據實陳明受畏憚不前之咎臣既不

能在籍終制貽譏士林若復以大言僨事貽笑

天下臣亦何顏自立於天地間乎伏乞

聖慈憐臣進退兩難誠臣以敬慎不遽責臣以速效自

當殫竭血誠斷不敢妄自矜詡奏入

聖學聖方略卷七十五

三

上諭曰成敗利鈍固不可逆睹然汝之心可質天日非

獨朕知若甘受畏憚之罪殊屬非是

同日

上諭內閣曰御前二等待衛穆騰阿乾清門二等待衛

圖庫爾著卽馳赴軍營交僧格林沁差遣委用

初四日甲辰僧格林沁奏言查前敵勝保所統各

路官兵不下數萬惟因屢次挫失非厚集兵力

斷難望其藏功臣詳細籌度如移營前敵須帶

馬步官兵三千方敷攻勦東面與勝保合爲一

軍可保無虞南面有兵萬餘足資堵截第西北

倍加喫重仍須將多爾濟那木凱調至王慶坨

統帶察哈爾等處官兵並臣留防之兵在彼屯

紮該統領現統之山西兵一千名尙須分撥西

面第三府賈口窪兩處要隘協勦北面所關至

聖學聖方略卷七十五

三

重僅有兵一千數百名不特兵力覺單並恐多

爾濟那木凱未能當此重任臣所帶馬隊官兵

爲水所阻必須由天津繞越長途數百里更恐

緩不濟急可否仰懇

天恩遣派重臣帶兵迅速來防接替臣既無北顧之憂

卽可統兵前進臣先輕騎徑往前敵親身周歷

與勝保互商機宜勘定紮營地勢再行前進

同日勝保奏言據慶祺咨報靜海賊匪續又竄出數百名赴于家莊等村與前賊合爲一處亟應添設重兵扼要堵截 臣伏讀

諭旨已飭僧格林沁帶兵來會此時逆匪意在西注 臣已於獨流靜海兩處軍營內抽撥官兵一千二百餘名馳赴王家口會同那敷德協防復飛咨僧格林沁撥兵速往截勦該逆雖向西逸出不

欽定剿平粵匪方略卷七十五

三

能北竄勢必折而南奔 臣於青縣以北程官屯等處抽撥馬步各隊妥爲分布又飛咨西凌阿善祿嚴督兩岸官兵認真堵禦不使再有逸出並令會同派往王家口官兵併力奪取村莊勦淨餘匪以贖前愆

勝保又奏言此次賊撲西南水濠占踞村莊王家口最爲要隘其地四通八達必須大兵移紮

將占踞村莊之賊勦盡方可相機前進如靜海逆匪捨命西竄該處正當其衝更可迎截痛勦可否懇

恩飭令僧格林沁速來面商良策抑或令該大臣徑行移營王家口霸臺一帶駐紮截勦則西北兩路之賊俱不能竄逸而與慶祺之營聲勢聯絡較之防守王慶地似更周密

欽定剿平粵匪方略卷七十五

三

勝保又奏言上年除夕靜海賊匪往河西排紮經文岱之兵下船迎敵蘆秀崇恩開礮轟擊斃賊四五百名另股及東岸賊匪又出千餘來抄兵勇繞前截勦復斃多名續據德坤邱聯恩稟報是日賊匪搭板竄過濠西立即督兵追截至西南李家莊地方擊斃五六十名餘匪竄回東河頭村本月初一日西凌阿等督兵攻其南面

雙成蘊秀攻其西面直抵南梢門左右城上賊
匪及各木城中槍礮齊發我兵亦開礮對擊並
用三千斤大礮轟斃賊匪甚多賊復從東邊擁
出三千餘人直撲大粉堆善祿令明慶帶領馬
隊馳往接應遙見賊匪踏冰而過陷落頗多又
據侍衛布勒和德稟稱帶兵進至三審西魁閣
地方忽靜海北門擁出賊匪多名我兵排隊迎

聖朝聖略卷七十五

天

擊傷斃賊匪數十人適明慶趕到兩路夾擊復
斃賊二十餘名賊即敗退各等情 臣於是日親
督兵勇攻擊獨流逆匪偪近濠邊施放連環槍
礮打入木城斃賊六七十人該逆堅守不出我
兵阻濠難進容再設法圖攻均奏入

上命軍機大臣傳諭僧格林沁曰逆匪意圖西竄王家
口霸臺一帶最為喫重雖經勝保抽撥官兵會同那

敷德堵剿仍恐兵力不敷僧格林沁所帶官兵本係
扼賊北竄若此時再不向前迎剿直待有北犯確信
始行向西橫截已落後著著即剋日帶兵徑赴王家
口一帶盡力攻剿務將賊踞村莊全數奪回使西北
兩路均無可竄此係緊要機宜亦即可乘之機會僧
格林沁若再有推諉則竟是臨事畏葸大負朕之委
任諒該大臣必不敢如是也

聖朝聖略卷七十五

天

上又命軍機大臣傳諭勝保德勒克色楞曰逆賊乘虛
肆竄是其慣技既據奏稱王家口霸臺一帶為遏賊
西竄之衝自應扼要堵截僧格林沁已令迅赴前敵
會攻想日內必應趕到勝保與該大臣共辦一事應
如何妥密布置務須和衷商推互為應援萬不可稍
存意見至逆蹤剽悍若由西而北固關緊要即折而
南奔亦須籌備所稱青縣以北程官屯等處抽撥馬

步隊分布之處是否足資攔截並著嚴飭帶兵各員加意嚴防西凌阿善祿防剿靜海是其專責何以屢經賊眾逸出並不實力抵禦如有遷延疏懈情事卽行據實嚴叅懲辦所有現在占踞各村莊之賊務卽乘其壁壘未堅迅速勦除不得任令大股續至又成負固之勢其獨流逆黨仍著亟籌攻剿務與僧格林沁隨時會商妥辦儘再遲延玩誤惟僧格林沁與勝

欽定剿平粵匪方略卷七十五

三十一

保是問

初五日乙巳勝保奏言臣聞靜海逆匪竄撲當派

兵勇馬隊馳往王家口堵剿並飛咨善祿瑞昌各帶兵前往復於大營內選派西甯河州固原兵五百餘名令總兵桂齡統帶助剿復飛咨慶祺嚴飭松玉等併力抄截臣一面進攻獨流初二日辰刻整隊委達洪阿孔廣順由菩提窪南

面進攻瑞麟督兵進攻北面該逆見我兵擁至堅匿不出又因我兵攻擊甚力不能分股向南遂向西面突出千餘人直撲賈口營盤松玉督兵迎擊斃賊數十名將賊分爲兩股一股撲入蘆葦塘立經擊退一股僅在河邊搖旗吶喊松玉等督令哲里木盟並火器營等兵奮力直前計共斃賊二百餘名其靜海竄出之匪善祿崇

欽定剿平粵匪方略卷七十五

三十一

恩等分路進攻賊由村內出拒勢甚兇悍我兵擊殺百餘人將于家莊等村奪回餘匪或逃回靜海或竄入東河頭村其西路賊匪占踞梁頭各村亦經德坤等及倭什渾布等督兵奮攻將梁頭三村奪回斃賊數十名惟東河頭一村尙未攻克臣已諄飭各路官兵剋期進剿並靜海兩岸嚴防續竄奏入

上命軍機大臣傳諭僧格林沁勝保德勒克色楞曰逆
匪盤踞獨流靜海三月有餘尙未撲滅淨盡復令由
西南竄出占踞村莊雖經奪回于家莊等處而東河
頭一村尙未奪回難保該逆不另謀巢穴分我兵力
昨諭僧格林沁帶兵赴王家口霸臺一帶盡力攻剿
遏賊西竄之衝諒已移營前進並諭勝保於南路程
官屯等處加意嚴防現在已將賊踞村莊奪回正可

聖朝方略卷七十五

三

乘此機會將東河頭一村立即奪回以杜賊匪紛竄
之路德勒克色楞計已到營著僧格林沁即與勝保
趕緊會商進剿機宜既已合爲一軍該大臣等自當
統籌全局同心進剿

同日

上命軍機大臣傳諭戶部堂官管理三庫大臣工部堂
官順天府曰現在獨流逆匪經官兵合力進攻糧餉

最爲緊要著速撥內帑銀三十萬兩於初六日即行
起解前赴勝保軍營應用匣輔及車輛等件著工部
順天府趕緊豫備

同日福濟奏言查關山係古清流關形勢險要
爲自江入皖緊要門戶前因防守無人賊得避
實搆虛陷鳳陽而趨豫省蔓延至今必須迅圖
扼守以固藩籬惟臣行營兵祇四百名尙有二

聖朝方略卷七十五

三

百名未到頃接和春來咨即日進赴廬州亦斷
難留兵分駐相應請

旨飭下琦善等速撥精兵二千名赴關山澗溪臨淮一
帶堵禦防賊北竄奏入

上命軍機大臣傳諭福濟曰前因廬州失守降旨令琦
善撥兵四千名向榮撥兵一二千名均歸和春調遣
此時諒已陸續起程合計和春統帶之兵爲數不少

所有琦善軍營官兵未便再行調撥現在賊踞廬州
必須迅速殄滅則江北一帶可期漸就肅清福濟著
卽星速前往與和春合力進攻並飛催琦善向榮嚴
飭薩炳阿秦定三將所調各兵迅赴和春軍營不可
稍有稽遲關山等處著該撫酌量情形撥兵堵截以
杜逆匪北竄之路

欽定剿平粵匪方略卷七十五

四

欽定剿平粵匪方略卷七十六 甲寅年

正月初七日 丁未 僧格林沁奏言 臣遵

旨移營王家口極力堵剿惟北面之兵旣難增添若照

前奏撥帶三千實形空虛現擬督帶精健等營

官兵一千餘名前進其餘兵二千名仍留王慶

坨交培成統帶嚴防並飛札多爾濟那木凱卽

日移兵前來該統領所統之山西兵一千名卽

欽定剿平粵匪方略卷七十六

一

於西面第三府賈口窪分布奏入報

聞

同日琦善奏言查瓜州與鎮江之京口相對一

經克復則京口之勢自孤此賊匪所以不肯退

棄也現聞該匪於江心之金山寺築臺設礮直

欲跨有長江之險使南北聯爲一氣 臣接向榮

函稱賊船由瓜州駛回前後千餘隻併入金陵

大駭其勢陡增更有廬州折回賊眾逼近我軍
囑將瞿騰龍所帶之兵調回是揚州儀徵敗竄
之賊全在金陵竊維江南之軍情雖急而江北
之賊勢未衰現在 臣駐兵西路陳金綬駐兵東
路瞿騰龍駐兵三汊河是為中路尤屬要衝如
調往他處則三汊河之藩籬已撤瓜州之賊設
有猖獗揚城東北難以保守 臣已將不能撤調

聖朝方略卷七十六

二

之故函覆向榮並擬酌撥馬隊一起渡江助剿
俟向榮覆到再行酌辦奏入

上諭曰蘇常一帶甚為可慮所撥馬隊若能設法渡江
固好究不若步兵為宜

同日吳文鎔奏言 臣因主事楊熙移營堵城 臣
必須徑紮松楊鋪聲勢方能聯絡當即督雪拔
營前進及至松楊鋪察看地勢平行雪深盈尺

並無紮營之處即督率將弁仍行前進直抵堵
城雪勢更大即駐紮楊熙營前上年十二月二
十五日派都司劉富成等各帶兵練相機進剿
行至距城數里之籠王山地方該逆分三路抗
拒始則數十人一起前卻誘敵我兵占住山梁
嚴陣以待嗣有賊數千人分路撲來我兵迎擊
斃匪百餘名劉富成首先衝入賊隊手刃數賊

聖朝方略卷七十六

三

賊即敗退我兵因山路泥滑恐有埋伏仍紮住
山梁不動該匪等旋又分撲我兵由山梁壓下
轟斃賊匪數十名割獲長髮首級十數顆賊復
敗竄我兵知賊中有伏不便輕追中計正在整
隊聞該匪又復繞路反撲我兵分兩翼迎擊殺
斃百餘名賊匪逃遁另股賊匪忽由江邊抄襲
我兵復分隊抵擊轟斃數名旋即敗回連日伏

匪不出唐樹義水師因阻風尙未進至三江口
擬俟雪霽風定仍相機約會進攻奏入

上諭內閣曰前因湖北潰散餘匪下竄黃州一帶降旨
諭令吳文鎔督兵追剿該督行抵黃岡縣境紮營堵
城地方督同主事楊熙所帶川勇合力進攻大獲全
勝著卽督率將弁兵勇乘勝進攻並嚴飭唐樹義督
兵前進爲水陸夾擊之計毋任延蔓

欽定剿平粵匪方略卷七十六

四

初八日戊申舒興阿奏言查和春於上年十二月
十五日來臣營中當卽面商囑令將所帶官兵
趕緊帶來以便就近遵

旨撥給官兵三千名交其統帶已於奏報接仗摺內陳
明嗣因和春徑赴店埠未見前來臣疊次文移
催調復囑其轉致新任臬司畢承昭豫備夫役
運載軍火以便官兵前往迄未見覆乃於二十

七日始接和春咨云廬郡西南一帶路通六安
防堵緊要陝甘官兵應留西面防守又接和春
鈔錄奏稿云廬郡西北兩路雖有兵勇萬餘未
經戰陣難期得手請

旨飭催向榮先調鎮江湖南官兵七百餘名續調金陵
得力官兵二三千名前來會剿是臣處所撥官
兵和春並無調往之意然疊奉

欽定剿平粵匪方略卷七十六

五

諭旨飭臣撥兵令其統帶應請

諭下和春將臣所撥之兵調取統帶以資進剿現在廬
郡失守臣雖係待罪之員不敢置身事外應與
和春合力同心急圖克復不敢稍存意見奏入

上命軍機大臣傳諭和春曰前據和春奏赴岡子集與
舒興阿面商分撥官兵舒興阿以官兵僅敷調遣不
肯允行旋據袁甲三將和春所致信件呈覽內稱舒

興阿近在西路並不通信於十八日差人送文三件
聲明八百里飛催該提督前往倒填十五十六等日
期是舒興阿與和春顯有意見不合本日據舒興阿
奏則稱和春來營面商後即赴店埠疊次移催迄未
見覆嗣接該提督來咨又有將陝甘官兵留於西面
防守之語請飭該提督將所撥之兵調取統帶等語
究竟該提督當時如何與舒興阿婉商舒興阿所稱

聖朝方略卷七十六

六

令和春將兵帶來以便就近撥給官兵之語是何意
見所稱疊次備文移催是否即和春所指倒填月日
之文和春既謂兵單何以咨覆舒興阿文內又將陝
甘官兵留於西面是否舒興阿前此不肯分撥遂不
願調取著和春詳細查明據實具奏現在舒興阿業
已革職廬州各路援兵均歸和春調遣自不慮有掣
肘著即趕緊分撥進攻迅圖克復不得專待江南江

北分調之兵致滋延誤

初九日己酉勝保奏言初五日天明出隊行至菩

提窪距賊營尙有二三里之遙該逆已由隄而
下約數十人意在覘我動靜孔廣順帶領兵勇
迎擊斃賊十餘名臣在大營聞信即帶馬步小
隊前往督陣達洪阿亦力疾隨同出隊甫至陣
前賊眾排列隄上約有二三千人旗幟甚多復

聖朝方略卷七十六

七

由靜海潛出馬步賊約二千名當即傳令將步
隊分爲兩翼孔廣順在左達洪阿在右兩面抄
擊復令魁福帶領黑龍江吉林馬隊分爲兩路
一向靜海一向獨流魁福帶領官兵衝上隄堦
我兵馬隊衝入賊隊逆勢不支逃奔靜海城中
其獨流之賊復經馬隊截剿步隊從旁橫擊站
立不住回馬飛奔我兵乘勢掩殺斃賊一百餘

名步賊猶伏臺施放槍礮經孔廣順帶領兵勇
三面圍住殲斃二百餘名奪獲器械旗幟百餘
件生擒六人餘賊向獨流奔回僧格林沁已於
初六日抵王家口駐紮臣等當會商攻擊以清
畿甸查前任副都統德順每遇接仗無不身先
士卒甚屬勇往可否仰懇

天恩給予五品頂戴副都統明慶屢次督隊馳馬殺賊

欽定剿平粵匪方略卷十六

八

因冰裂落水救出仍不少退吉林委協領倭克
金打仗奮勇身受重傷德廉屢擒逆賊多名以
上三員均有微勞並懇

賞戴花翎以勵戎行奏入

上諭內閣曰此次進攻獨流逆匪大獲勝仗前任密雲
副都統德順身先士卒著賞給六品頂戴吉林委協
領倭克金打仗奮勇德廉屢次出力均著賞戴花翎

副都統明慶馳馬殺賊冰裂落水仍不少退奮勇可
嘉著賞給玉搬指一箇翎管一支該大臣卽督飭將
弁乘機進剿毋再遷延

同日桂良奏言查靜海逆匪被剿紛竄亟應堵
禦以固藩籬所有靜海西南一帶要隘甚多臣
前於應官屯白溝河苑家口等處派兵駐紮復
嚴飭加意防堵於沿隄埋伏地雷以爲剿賊之
計應官屯白溝河等處不時偵探互相策應以
壯聲援其界牌口地方距王家口最近現飭幹
弁帶兵馳赴該處空斷隄埂並帶礮二尊安置
河岸如有賊匪竄至卽行開放又查河間府爲
西南衝要防兵無多難資堵禦前經臣咨商僧
格林沁將駐紮正定之山西大同兵飛調六百
名卽赴河間防堵復將留省之密雲官兵五百

欽定剿平粵匪方略卷十六

九

名飭赴高陽南援河間北蔽會垣聲息相通可
防可勦至省城重地 臣督飭文武員弁於守禦
一切事宜布置周密現又於四門外添設釣橋
劍空月河分紮兵勇營盤數處備遇緩急聲勢
可期聯絡奏入報

聞

初十日 庚戌勝保德勒克色楞奏言初八日戌刻

聖事方略卷七十六

十

探報賊匪陸續向南潛竄 臣即傳令齊隊派總

兵孔廣順等進攻獨流東岸 臣與達洪阿親督
健銳各營官兵在後接應北岸瑞麟等亦督官
兵攻其西岸直抵該逆濠邊一鼓作氣奮勇進
攻賊勢不支我兵一擁而上四面放火燒其木
壘斃賊無數奪獲槍礮旗幟一百餘件又將藏
匿之賊搜殺二百餘人餘匪亡命向南狂奔 臣

德勒克色楞督令魁福等在菩提窪一帶帶領
馬隊橫隄截殺而冰湖一片路徑四通天時昏
黑賊蹤或歸靜海或奔河西尙未能定 臣已派
隊連夜向南緊追並飛咨僧格林沁慶祺西凌
阿善祿一體堵禦 臣即日移兵靜海並確探賊
蹤親督大兵分勦

勝保又奏言 臣前因賊踞東河頭直通子牙鎮

聖事方略卷七十六

十一

該處地甚饒裕西通大城南通青州為王家口

唇齒該逆若踞子牙又成獨流局面是以咨會
瑞昌俟僧格林沁到王家口後即帶兵馳往堵
勦乃初九日忽接僧格林沁咨開已令瑞昌紮
營王家口以南不必往子牙鎮現在獨流攻克
王家口已有重兵該逆知子牙為糧米所聚必
以全力竄撲而該處之兵為僧格林沁截留逆

賊一到萬一又被占踞則勦滅卽無了期臣已
飛咨瑞昌仍帶兵速赴子牙鎮堵截以圖補救
其西北一帶應請責成僧格林沁就近迎勦以
免貽誤奏入

上命軍機大臣傳諭勝保德勒克色楞西凌阿善祿曰
逆匪占踞獨流以來屢次諭令該大臣嚴密堵截無
任竄逸卽該大臣疊次奏報亦云賊勢窮蹙朕日望

聖皇聖后略卷十六

十一

捷音以爲剋期必能掃蕩乃本日據奏獨流逆匪於
初八日夜向西南奔逸或歸靜海或奔河西尙未可
定等語是獨流之賊全股竄出且並不知逃往何處
比及探明派兵勦擊而賊蹤已遠又成尾追之勢該
大臣統領大兵數萬有餘布置數月之久乃竟任令
久困餘匪奔突而出儻復占踞要隘賊勢益張自問
當得何罪勝保身爲統帥旣經貽誤於前已屬罪無

可道德勒克色楞及西凌阿善祿等俱係幫辦之員
均難辭罪趁此賊匪狂奔喘息未定正可殄滅無餘
儻再致令鳴張朕必將勝保等從重治罪

上又命軍機大臣傳諭僧格林沁曰子牙鎮爲糧米所
聚若被該逆竄踞又成負隅之勢勦辦更難得手勝
保旣令瑞昌帶兵前往堵勦何以僧格林沁竟行截
留遲至三日始行咨明勝保實屬不知緩急該大臣

聖皇聖后略卷十六

十二

與勝保共辦一事當此軍情萬分喫緊自應合力同
心統籌全局豈可堅執意見致令掣肘就目下賊情
而論王慶坻仍係西北要隘著僧格林沁卽行折回
王慶坻探賊所向實力堵勦所有瑞昌那敷德史榮
椿及僧格林沁帶赴王家口各官兵均著交勝保調
遣如僧格林沁此時尙未赴王家口亦卽將前此奏
明帶往之兵一千餘名迅交勝保調撥至培成伊勒

東阿所帶官兵仍歸僧格林沁統帶逆匪潰竄狂奔務當偵探明確相機截剿

上又命軍機大臣傳諭桂良曰現在逆匪奔突靡定已飭令勝保督兵截追靜海西南一路最關緊要著桂良速派得力將弁於各處要隘嚴加防守並探明賊蹤扼要堵截萬不可令該逆再踞要隘致成負隅之勢

聖學聖方卷七十六

十四

聖學聖方卷七十六

十五

十一日 辛亥 河南學政張之萬奏言查逆賊窮困獨流靜海二處我兵重重圍之東西皆水兼得地利不日定可盡殲近聞該逆米糧將盡正窮而思竄之時臣聞東南一路我兵過單靜海西臨運河該逆決放河水大營卽未能直抵城下直南之路祇一綫單隄我兵堵之極密惟東南由鹽山直抵山東北抵天津之東似宜豫爲防

範臣思防堵固借兵力尤貴因乎地勢時屆春融土易開掘將運河隄岸十數里內挖爲長溝卽以其土堆爲土壘我兵盡屯壘南排列槍礮使賊無計可施而以北路之兵日夕攻之盡數殲擒當可計日而待合無仰懇

嚴諭帶兵大員將靜海東南一帶竄逸之路嚴密堵截無存畏難之見無爲追襲之謀則窮蹙殘匪無

難一鼓蕩平

張之萬又奏言粵匪竄擾安徽勢甚猖獗鄰近各省自應聯絡聲勢斷其北竄之路查廬州之北至要之區惟徐州西北至要之區惟歸德開封其地皆偏近黃河南岸但守黃河渡口仍恐不足深恃臣查歸德防兵甚少卽徐廣緒所帶之勇亦屬不敷防禦撫臣駐紮汝陽去歸德較

遠難於策應可否

飭令移紮較近歸德地方或酌量分兵駐守以壯聲援
至開封自賊擾後米穀尙可支持而運煤甚艱
民用極形拮据可否

飭令藩司鄭敦謹速回本任招集商賈以裕民生揚州
儀徵以次收復其瓜州之賊諒易撲滅事勢較
緩若

聖皇聖方略卷七十六

十六

諭令琦善等分撥二三千精銳之兵繞出廬州之北及

西北二路分投勦防必於大局有裨

張之萬又奏言臣聞僧格林沁令山東將運河

築壩堵截並令河南將衛河上流全行堵遏原

以防該逆決放有礙進攻而不知其策之大非

也賊在靜海其不能復竄者皆以南北阻兵東

西阻水之故若先斷運河之流將東西之水日

就淺涸是賊本無路可出而爲之留路也且賊

在靜海其可冀盡殲者賴乎地勢東西既阻於

水附近又無大村莊接濟急攻之固可盡殲重

困之亦將自斃應請

飭下該大臣速收此令以收地利之效而絕賊竄出之

萌奏入

上命軍機大臣傳諭勝保曰張之萬奏靜海東南一帶

聖皇聖方略卷七十六

十七

兵單未能堵禦擬於運河隄岸十數里內挖溝築壘

我兵屯紮再由北路攻之可期殄滅所奏不爲無見

惟現在逆匪竄向西南與該學政所奏情形是否相

同勝保昨奏於西南北三面皆有布置獨於東面未

經詳細敘及是否此路情形較輕抑已防堵嚴密著

勝保悉心體察分別辦理至堵截運河衛河一節是

否果有其事此舉極關緊要未可輕爲嘗試該大臣

務須妥慎籌辦毋致別滋流弊此時靜海城內及東河頭兩處賊匪是否仍行盤踞抑或希圖乘間竄逸我兵應如何分攻合剿並著將辦理情形迅速具奏

十二日壬子吏部奏言查江西巡撫張芾於軍務

方殷籌餉孔亟之際應如何酌度緩急詳慎舉劾乃於奉到

諭旨時並不虛心體會但以庸愚引咎實屬負氣妄言

聖朝聖略卷七十六

十六

有負委任欽奉

諭旨交部議處應請將江西巡撫張芾照溺職例革職

奏入

上從之

同日

上命軍機大臣傳諭僧格林沁曰前因僧格林沁曾否

已至王家口未據奏報降旨令其折回王慶坻以防

西北要隘本日據惠親王等面奏探聞僧格林沁已在大城地方與賊接仗殲斃逆匪數百名是該大臣已追賊南下事機緊要若仍拘泥諭旨遽行折回恐

逆匪竟奔西南保定一帶又被滋擾著僧格林沁即行追趕不可使該逆稍留喘息之地勝保因恐驅賊北上已帶兵馳赴霸州為迎頭邀截之計本日亦諭令迅速由北而南迎頭截擊其北面各路已於涿州

聖朝聖略卷七十六

十九

固安東安三處及後路之黃村節節布置計有兵五六千名並令德勒克色楞暫回固安調度北路諸軍該大臣等可無後顧之憂總以盡力追殺為要勝保不能嚴密防範僧格林沁屢次遲回不進以致逆匪分竄若按軍律治罪該大臣等均無可辭儻再不痛加勦洗稍贖前愆自問數月以來老師糜餉更有何面目對朕耶直隸保定省城為京師屏蔽防守甚關

緊要昨據桂良奏唐官屯苑家口等處皆祇官兵百餘名勝保所奏續派明慶瑞昌瑞麟慶祺等分堵之兵未知到否即使趕到已落賊後儘保定稍有疏失朕惟僧格林沁勝保是問連日接仗情形卽著迅速具奏

上又命軍機大臣傳諭勝保德勒克色楞曰據惠親王等面奏知靜海獨流逆匪全股西竄僧格林沁已馳

欽定剿平粵匪方略卷七十六

二十

抵大城與賊接仗勝保疾趨霸州遏其北竄該大臣等奉旨剿賊日久無功致令乘虛奔突卽將該大臣等以軍法從事亦不足惜惟畿輔近地事機緊急該大臣等果稍有天良必當趁該逆奔竄未定之時盡力堵禦迅速剿除以贖罪戾現已諭知僧格林沁卽由文安大城一帶督兵截擊不得令該逆更向西南紛擾尤不可任令北竄勝保意在由北而南迎頭截

剿徑赴霸州但自大城而西北尙隔保定任邱等縣及東西淀會同河若令過河而西將更不可收拾本日已命惠親王等將東路三營卽日移紮東安固安涿州爲黃村前敵著德勒克色楞於奉到諭旨後卽行揀帶精銳官兵一千名兼程馳往固安駐紮防守

所有黃村東安固安涿州通州蘆溝橋等處官兵統歸德勒克色楞節制其餘該貝子所帶各兵統交瑞

欽定剿平粵匪方略卷七十六

三十一

麟管帶隨同勝保前往迎剿該大臣可以無須兼顧北路卽刻督兵向南扼賊竄路極力截殺與僧格林沁隨時知照爲夾擊之計萬不許令該逆再有占踞地方或竟敢窺伺保定省垣該處爲京師屏蔽財物充阜尤不可稍有疏虞勝保當探明賊蹤現在處所迅督各路官軍層層布置迎擊兜剿不得更以積冰積水爲詞稍事迂緩仍與僧格林沁德勒克色楞西

凌阿善祿柱良時相知照密籌防禦該大臣等負罪已深此時暫勿加譴若再不將該逆悉數掃除但有一處蔓延必將該大臣等就地正法勿謂寬典可冀倖邀也

十三日 癸丑 僧格林沁奏言 臣遵

旨移營於初六日馳抵王家口初九日該逆全股撲向

西南逃竄 臣飛督拉木棍布扎布綳關那敷德

聖朝聖略卷七十六

三

帶領馬隊官兵一千餘名跟蹤追至子牙鎮迤

南奮勇擊殺計自子牙鎮至張家莊六十餘里

賊屍枕藉約斃長髮賊一千餘名生擒六七十

名初十日丑刻仍督兵追擊該逆沿路拋棄衣

物意在我兵檢拾以便脫逃當傳飭各兵如有

拾取物件者以軍法從事一面督兵痛加勦洗

該逆後隊約有六七百名全數殄滅並殺斃賊

目四名適西凌阿等帶領吉林黑龍江馬隊趕到卽令合爲一軍向前追殺復又斃賊三四百名該逆竄入東城村向外施放槍礮維時已交亥刻傳令撤隊十一日我軍分五路進兵以一路擊其中隊以兩路擊其左右其餘兩路以防該逆抄襲該逆見我兵嚴整仍退入村內臣未能攜帶大礮難以轟擊逆匪雖不兇猛而狡猾異常 臣所帶馬隊僅三千餘名不敢遽行攻撲惟有嚴防北面一俟後路官兵到時合力夾擊並飛咨勝保派兵援應及轉行培成多爾濟那木凱速往河間保定迎截奏入

聖朝聖略卷七十六

三

上命軍機大臣傳諭僧格林沁勝保曰獨流等處逆匪

全股向西南逃竄經僧格林沁督帶馬隊連日跟追

先後殲擒賊匪二千餘名該大臣初次與賊接仗卽

能激勵將士痛加勦洗且跟蹤緊追行走迅速尙屬可嘉現在逆匪竄踞東城村西渡阿等所帶馬隊均已趕到僧格林沁現帶馬隊三千餘名在東城村外屯紮正可乘其喘息未定盡力攻擊並嚴飭各路弁兵認真堵截無令再有竄逸勝保統帶大兵由北而南現在行抵何處兵貴神速豈得再有遲誤勝保前在山西追賊甚爲迅速此次搜捕餘匪何以藉冰水

聖朝方略卷七十六

三十四

難行爲詞至今尙未趕到豈以追賊之事竟諉之僧格林沁耶北路一帶昨已諭令德勒克色楞帶兵馳往固安所有黃村等處官兵統歸節制僧格林沁勝保此時總以合力夾擊迅殲逋寇爲要策著卽督兵併力兜圍斷不准任令賊匪占踞鄉村擾撲城邑又成負隅之勢

上諭內閣曰獨流靜海各逆匪屢經我軍攻勦窮蹙全

數潰圍逃竄現經僧格林沁督帶馬隊官兵沿途追擊斃賊二千餘名勦捕尙爲迅速著該大臣督飭各路大兵趕緊兜圍並著勝保統帶馬步各隊飛速前進合力夾擊盡殲醜類

同日琦善奏言臣前奉

諭旨撥兵馳赴安徽歸和春調遣當酌撥馬步官兵三千名交薩炳阿管帶馳往內派徐州兵八百四

聖朝方略卷七十六

三十五

十名熱河兵四百名宣化兵五百名甘州提標兵五百五十名甯夏兵五百名並副都統忠泰原帶吉林五起馬隊二百五十名給與戰箭二千枝仍令忠泰帶領一同前往由六合浦口徑達廬州較爲迅捷奏入報

聞

十四日甲寅僧格林沁奏言逆匪蟻聚河間所屬

東城村並將附近之桃園西成二小村屯踞以爲犄角臣因兵力太單兼之官兵於冰雪之中目不交睫者數日未免勞苦是以亟盼勝保慶祺等策應此時若操之過急一經四潰則散漫無制若竟不乘勢攻打又恐該逆得以休息刻已飛催勝保等速來及時合圍痛剿即可聚而殲旃並請

聖輿方略卷十六

天

密飭直隸山東河南各省一體防截各固疆圉以免疏虞

同日勝保德勒克色楞奏言臣連日趨行扼賊北竄因文安霸州一帶雪融冰滑馬步官兵行走不能迅速臣因帶馬隊五百餘名先行於十二日午刻馳抵任邱深得逆賊竄踞米家莊東城一帶已經僧格林沁及西凌阿等追及多所

斬獲臣即日相度地勢豫爲扼截擬將慶祺瑞麟所帶之兵暫留任邱杜其西北之路並酌撥馬隊在任邱以北爲步隊後路聲援臣與德勒克色楞先帶馬隊前往軍營與僧格林沁會商並催天津正定及健銳火器等營官兵於日內到齊後卽令陸續前進總期極力攻擊使之不容喘息方可易於殄滅均奏入

聖輿方略卷十六

毛

上命軍機大臣傳諭僧格林沁勝保德勒克色楞曰現在賊踞米家莊東城一帶任邱去該處甚近正可乘機剋期進剿德勒克色楞著毋庸折回固安卽與勝保統帶各兵趕赴前敵會同僧格林沁併力圍剿其後路未到之兵均著嚴提前進不准藉詞逗留該大臣等務卽同心協力四面兜剿迅殄賊氛不准再令竄逸

上又命軍機大臣傳諭文謙曰昨據僧格林沁奏獨流等處賊匪全股竄入東城村本日據勝保奏該逆竄踞米家莊東城一帶逆匪利在狂奔且聲東擊西是其慣技現在竄往西南仍去天津未遠著文謙督飭各路兵勇嚴密防守毋稍鬆懈靜海獨流各村莊業已收復該處百姓慘遭荼毒蕩產破家深堪憫惻著卽督飭地方官妥爲安撫勿令一夫失所

欽定剿平粵匪方略卷七十六

天

上諭內閣曰前有旨令德勒克色楞揀帶精銳官兵一千名在固安一帶防守現在德勒克色楞已同勝保統帶大兵兜剿逆匪著改派載齡馳赴固安駐紮統領固安東安黃村涿州通州蘆溝橋等處官兵各路帶兵大員均歸調遣

十五日卯 僧格林沁勝保奏言正月十三日申刻臣勝保統帶馬隊五百餘名馳抵軍營適臣

僧格林沁正在出隊卽在行開會晤當卽會同將該逆所踞村莊前後地勢詳加周歷商酌必須多集兵力四面圍剿現已飛催留駐任邱之瑞麟慶祺統兵前進其培成所帶之兵亦經札催趕赴大營並行文天津調取大礮星速運來以備及時攻擊至德勒克色楞奉

欽定剿平粵匪方略卷七十六

天

旨駐紮固安所統之兵尙單現經商定札令多爾濟那木凱統帶察哈爾官兵及山西官兵均赴固安隨同該貝子嚴密防堵其山東等省恐其紛竄臣等亦飛咨嚴防奏入

上諭曰昨因德勒克色楞已抵任邱諭令不必回固安著仍遵前旨卽行折回隨同僧格林沁等攻剿其多爾濟那木凱所帶之兵可調回固安以昭嚴密上命軍機大臣傳諭張亮基恆春英桂曰現在靜海獨

流賊匪全股竄出屯聚河間所屬之東城村經僧格林沁壘次斬擒大獲勝仗勝保亦由任邱督兵前進會同剿辦該逆情形窮蹙難保不分路四竄西南兩野雖經派兵堵截惟該逆聲東擊西是其慣技河間接壤山東德州尤為喫重其河南之武安涉縣與山西之黎城潞城等處為該逆入直來路尤當先籌防範其山東臨清上下毗連直隸處所尤防零匪竄入

聖朝方略卷七十六

三十一

豫省之河北各縣與山西之東北凡有鄰近直隸各要隘均宜一體設防著張亮基恆春英桂督飭文武員弁嚴密巡查堵禦毋許匪蹤闖入張亮基駐紮德州尤當激勵將士勤加偵探與僧格林沁勝保大營聯絡聲勢隨時知照不可稍涉大意

同日向榮奏言臣疊經奉

旨以廬州失守令派鄭魁士秦定三帶兵赴和春軍營

查臣所帶官兵除分攻鎮江調勦上海派防東場外大營兵不滿萬鎮江亦祇楚粵川黔之兵四千可用其餘蘇浙兵勇僅可稍助聲勢和春勦辦廬州非親兵不能得力所謂湖南三四五起官兵臣謹遵

旨飭令鄭魁士管帶前往其所請添調秦定三原可一

併派往惟念三四五起楚兵僅八百五十餘名

聖朝方略卷七十六

三十一

若添派他省之兵未免畸零參雜不如仍將楚兵添撥湊成一隊勁軍且均為和春舊統調遣更易查有湖南六起官兵五百名現紮紫金山打仗甚為勇往合以三四五起官兵共有一千三百餘名之多仍宜派大員統帶秦定三原帶貴州官兵未便更張從前統帶楚兵係鄖陽鎮瞿騰龍嗣因調過江北與河州鎮吉順互易吉

順接管楚兵頗能約束今卽飭令統帶督同鄭
魁士官兵一併起程馳往至鎮江軍營臣卽就
近酌撥官兵不致顧此失彼現在金陵賊衆我
兵較減臣惟有設法勦辦斷不敢以兵分示弱
於賊昨據余萬清呈稱初一日五更進攻鎮城
該逆從東門擁衆出敵經官兵斬獲四五十名
時有瓜州賊船駛過江岸截勦甚衆隨俱敗入
土城現仍飭令相機進攻奏入報

欽定剿平粵匪方略卷七十六

三

欽定剿平粵匪方略卷七十六

三

聞

十八日^{戊午}僧格林沁勝保奏言現在瑞麟慶祺
培成伊勒東阿達洪阿等督帶各路官兵次第
趕到其步隊官兵亦大半到營河間府離束城
較近已令慶祺帶兵二千餘名前往扼截並經
飛調大礮來營十五日該逆從西面撲出臣等

督率馬步各隊擊斃百餘名生擒數名該逆匪
八賊巢惟有仰體

聖諭和衷共濟趕圖勦辦奏入

上諭曰如此甚好汝二人功成之後同膺懋賞方不負
朕之恩

同日和春奏言查逆匪攻陷廬州自應乘其守
禦未備趕緊進剿惟自十二月十九日以後雨

雪交加不能移營前進其先後所調鎮江金陵
揚州官兵迄今尙無來信至舒興阿原帶陝甘
官兵經臣委總兵珠克登管帶會同音德布嚴
加防堵江忠濬所帶楚勇年前已調至店埠紮
營防勦江忠濬早由江西回籍江忠源原帶楚
勇於江西解圍後多已回楚現在勇丁俱係新
募今江忠濬仰蒙

聖恩以知州用臣復面加策勵該員感激之餘亟思勉

承兄志伏思逆匪占踞安慶攻陷廬州舒桐又

已失守是皖省賊勢萬分喫緊相應請

旨飭催向榮琦善迅將調撥官兵趕緊交秦定三鄭魁

士薩炳阿管帶來廬以資會剿

和春又奏言頃接向榮來咨已派鄭魁士帶兵

七百餘名吉順帶兵五百名來皖助剿惟前調

聖恩厚賜卷七十六



秦定三帶領貴州官兵二三千名一節未經提

及查總兵秦定三出師四載曾經數百戰無不

身先士卒實屬勇敢過人刻下皖省軍務重大

不能不先其所急仍請

飭下向榮速令秦定三帶領貴州官兵二三千名趕緊

前來以資得力奏入

上命軍機大臣傳諭琦善向榮曰逆匪現踞廬州尙無

竄志趁此逆蹤未定厚集兵力四面兜圍可冀克復

著該大臣等迅飭鄭魁士等帶兵兼程馳赴廬州軍

營並派秦定三帶兵前往以資調遣不得稍有遲延

儘帶兵員弁藉詞逗留卽著從嚴叅辦此時江北情

形喫重諒該大臣等必能統籌全局先其所急也

聖恩厚賜卷七十六



欽定剿平粵匪方略卷七十七 甲寅年

正月十九日己未吳文鎔奏言查臣於黃州剿賊

獲勝後下巴河之賊於新正初五六日分股竄

至上巴河地方滋擾臣即派都司周祿等督率

前往行抵上巴河該匪等已聞風遁至隔河之

竹瓦店地方盤踞我兵即趕緊覓渡鄉民代覓

木筏乘夜搭成浮橋次日兵勇齊抵竹瓦店街

剿平粵匪方略卷七十七

一

口賊匪伏匿不出該都司等進街誘敵軍功張

開甲甫至街中見有執大黃旗賊目一名奔來

即上前撲捕該匪等矛刺張開甲二傷倒地張

開甲帶傷掙起將執大黃旗賊目砍斃割取首

級退出街口該匪等大衆出街追來我兵四面

環攻斃賊一百餘名餘匪向下巴河逃去復徧

加搜捕已無一賊容再相機進剿奏入報

聞

二十一日辛酉琦善奏言正月初九日臣親督官

兵自三汊河分路進剿瞿騰龍德興阿等由運

河西岸進攻陳金綬督參將鞠殿華等由運河

東岸進攻總兵多隆武侍衛穆克登額在後防

賊抄襲我兵用礮對賊營轟擊賊匪堅拒不出

旋見賊船百餘隻由鎮江渡江來援當經馬步

剿平粵匪方略卷七十七

二

隊官兵剿殺斃賊百餘名瓜州出賊千餘經鞠

殿華等分路迎敵復斃多名初十日翟騰龍等

仍由西岸前進賊匪槍礮如雨官兵攜帶木板

浴橋越濠並用火毬火箭向賊營拋放將西岸


賊營全行焚燬是日陳金綬督兵由東岸進攻

敗其設伏之兵十一日瞿騰龍德興阿帶領馬

步官兵由西岸過河攻撲賊營奮勇衝殺賊匪

敗潰焚燬賊大船五隻其東岸之賊亦經陳金
綬擊退十三日臣親赴三汊河督陳金綬瞿騰
龍德興阿等由運河東西兩岸直撲瓜州陳金
綬等由東岸行至四里鋪賊匪整隊相待約數
百人千總滕兆魁開放銅礮轟斃賊匪甚多瞿
騰龍德興阿由西岸前進督率遊擊馬永泰等
衝撲賊營誘令出巢該逆果衝出二千餘名我

聖恩聖方略卷十七



兵俟其入伏合力衝殺該逆腹背受敵自相踐
踏弁兵乘勝掩殺計斃七八百名臣仍親督官
兵上緊攻勦以期早克堅城

同日楊以增奏言查廬州驛路直連徐州計七
百餘里現在豐北以下黃河斷流若沿岸設防
非數十萬重兵不敷分布因思黃河以南有淮
河東西橫互亦屬天險現在賊踞廬州距淮不

遠臣已咨各路帶兵大員扼守淮南並責成淮
南北各州縣實力團練以助兵力之不足否則
賊偏長淮溯流而下徑達洪湖較之由陸路北
趨徐州其勢更易是洪湖水陸隘口尤關緊要
上年所派參將蔡天祿等募練水勇二千餘人
槍礮技藝均屬可觀現已嚴飭防範至福濟赴
援皖省臣於未奉

聖恩聖方略卷十七



諭旨之先即將山東官兵四百餘名撥歸統帶並撥給
清河縣練勇三百名隨住攻勦茲又將蔣壩駐
紮守備張鼎元所帶兵丁籌給口糧飭令馳往
福濟行營聽候調遣均奏入報

聞

同日青廉奏言臣於初九日晉省即與撫臣崇
綸細商現在省城僅有兵勇四千餘名將就分

撥至水陸各要隘直無兵可分查漢口最爲緊
要現有四川松潘建昌兩鎮統帶官兵已至湖
北之巴東利川二縣防堵原係四川交界門戶
但巴東利川非由漢口不能到是防漢陽漢口
與防巴東利川無異臣已飛咨四川督臣裕瑞
商派該鎮一員帶兵二千前來漢陽漢口防守
再同知伍煜駐守漢口寬嚴有法民心愛戴土
匪頗爲斂跡現督臣札調赴魯臣與撫臣商酌
仍將該員暫留漢口以資得力
青慶又奏言查湖北軍情緊要文武各員生手
居多已革高廉鎮楊昌泗前帶兵到德安時臣
見其人頗謹慎久歷戎行現經督臣奏伊自
知罪戾仍復晝夜幫同守城未敢稍耽安逸臣
詢以守城之法亦頗熟悉合無仰懇

欽定剿平粵匪方略卷七十七

五



天恩暫將楊昌泗留在武昌令其帶罪效力出自
逾格恩施奏入

上命軍機大臣傳諭青慶曰青慶奏抵省日期並派兵
防守漢陽漢口情形覽奏均悉上年據崇綸奏稱賊
踞巴河屢勸督臣派兵攻剿決意不從閉城坐守伺
據吳文鎔遞陳崇綸與該督齟齬及吳文鎔遵旨帶
兵出省崇綸又稱俟兵餉充足督臣再行親往吳文
鎔任性偏執勿促卽行朕閱該督撫歷次奏報無非
彼此爭辯不能和衷辦事督撫大吏責任封疆若各
挾私意必致貽誤地方著青慶將該督撫因何起釁
不和緣由秉公密察據實具奏
上諭內閣曰已革高廉鎮總兵楊昌泗著留於湖北帶
罪效力楊昌泗本係革職發往軍臺之員如再不知
奮勉卽著崇綸等嚴叅從重治罪

欽定剿平粵匪方略卷七十七

六



同日

上命軍機大臣傳諭僧格林沁勝保德勒克色楞西凌阿善祿曰逆匪由獨流靜海竄出占踞東城村一帶經該大臣等統帶馬步各隊先後趕到並據奏稱瑞麟慶祺培成伊勒東阿達洪阿等均已次第到營德勒克色楞此時想亦由固安折回現在大兵雲集逆匪竄踞鄉村喘息未定正當趁勢督兵圍剿連日亟

聖恩方略卷十七

七

盼捷音乃數日來未據續報兵貴神速似此觀望遷延使逆匪得以從容防備又成負嵎之勢攻剿更難得手僧格林沁追賊至河間尙屬奮勉乃遷延數日未見有何振作朕實不解勝保辦理軍務以來毫無成效若再不奮勉國法豈能倖逃汝二人現在一處斷不准互相推諉致誤全局果能在正月內掃數殲除同受厚恩不獨有益於國亦全朕用人體面汝二

人熟思攻剿之策勿再貽誤著僧格林沁勝保嚴飭各路帶兵大員趕緊進攻將此股逆匪剋日殄除以慰朕念

二十二日 壬戌 僧格林沁勝保奏言東城一帶村

落稠密樹木叢雜逆匪分股竄踞六七村莊雖已分兵扼守竊恐少有疏漏附近糧米卽以資寇且據難民及生擒賊犯供稱該逆不敢遽竄

聖恩方略卷十七

八

步步挪移向前侵占村莊乘隙圖竄等語 臣等出示令西南兩面附近賊巢三十里內村居人民將所存糧食草料搬運遠徙庶賊野無所掠其勢易潰奏入

上諭曰可見該逆未有久踞之意攻剿更應得手解散脅從隨時酌量出示辦理

僧格林沁勝保又奏言 臣等逐日親督官兵圍

攻該逆狡猾異常堅匿不出十八日卯刻出隊
該逆亦出隊排列直至申刻我兵始得抄圍斃
匪數十名奪獲馬匹槍礮旗幟數十件該逆一
經受傷仍卽奔回村內堅守礮火猛烈我兵難
於逼近各營僅有五百斤礮位其力較微擬俟
大礮運來卽行極力攻勦至逆匪自靜海獨流
潰圍逃竄經臣僧格林沁督兵追擊斃賊二千

聖恩方略卷七七

九

餘名該弁兵等尙屬奮勉可否懇

恩准擇其尤爲出力者酌量保奏出自

聖裁奏入

上諭內閣曰逆匪由獨流靜海竄至東城村一帶經僧
格林沁帶兵追勦頗有斬獲尙屬奮勉及至逆匪占
踞村莊仍復遷延數日未見立功勝保自到獨流經
朕屢次嚴諭務將此股逆匪掃除淨盡乃以圍攻數

月之賊又任乘閒逃竄致滋蔓延均屬罪無可逭朕
屢次寬宥不加嚴誅正冀其奮勉圖功稍贖前愆本
日據奏勦賊各情雖經疊有斬擒總未能痛加剋洗
現在德勒克色楞瑞麟慶祺培成伊勒東阿達洪阿
等均已次第到營大兵雲集豈可再失事機著卽督
飭趕緊進攻掃除羣逆以清畿輔若再遲延貽誤國
法豈能倖逃所有追賊打仗官兵准擇其尤爲出力

聖恩方略卷七七

十

者秉公酌保候朕施恩

同日袁甲三奏言查皖省壽州六安向稱殷富
久爲賊所垂涎且壽州之正陽關爲賊西竄豫
省門戶六安爲賊南竄豫省門戶現在兩處偏
近賊烽距廬郡一百八十里人心惶惑賊報一
日數警近聞賊之奸細直至六安張貼僞示揚
言賊股不日直竄六安城內居民遷徙已空該

州又經江忠源於四城外豫空濠塹現在無兵
可守萬一賊匪猝至徒授寇資廬州喫緊和春
無兵可撥萬難兼顧竊思豫省防堵之兵紮在
數百里外散漫無濟不若通撥防兵進駐正陽
六安總扼入豫門戶正陽六安無虞豫省即可
安堵應請

旨飭下河南撫臣飛催各路防兵分布正陽六安兩路

聖學匯方略卷七七

十一

嚴密防堵以資扼守奏入

上命軍機大臣傳諭英桂曰袁甲三奏皖省壽州六安

恐為賊所覬覦壽州正陽關為賊西竄豫省門戶六

安為賊南竄豫省門戶現在兩處逼近賊烽請撥兵

嚴防等語此時廬州正當勦辦喫緊之際和春兵力

勢難兼顧河南防兵正可越境扼要堵剿固豫省之

藩籬即以杜北竄之要路著英桂飭令河南與安徽

接壤防兵馳赴正陽六安兩路嚴加防守並飭徐廣
縉等督帶兵勇前往相機勦辦不得坐視鄰省賊匪
紛竄

袁甲三又奏言查臨淮為南北衝要水陸交通
若僅慮廬賊北竄則因賊於廬即無庸另行設
防設金陵之賊由滁州北竄臨淮仍循上年故
道何以禦之現聞巢縣賊船數百隻直駛焦湖

聖學匯方略卷七七

十二

已抵合肥之陸家畝長樂河一帶停泊擄掠離
廬城五六十里與城中之賊往來勾結是店肆
之兵已有前後受敵之勢若另出一股由柘皋
陸路循山以東直趨池河藕塘而至臨淮坦平
大路誰能遏之况臨淮為廬州水路門戶儻該
逆知廬州之兵不能分而於臨淮另樹一幟與
廬州為犄角則廬州更難措手臨淮以南又有

鳳定土匪被該逆誘以重利潛赴賊營接濟者
並有假充逆賊聚眾搶掠者 臣再四思維擬即
挑選兵勇前赴臨淮妥為布置並派駐臨淮之
臧紆青練勇亦令隨同防禦臨淮固則北路之
藩籬固不僅保全宿徐一帶已也奏入報

聞

二十三日 癸亥

欽定剿平粵匪方略卷七十七

十三

上命軍機大臣傳諭僧格林沁勝保曰昨於該大臣等
摺內批諭解散脅從一節隨時酌量出示辦理因思
該逆亡命長驅專以襄脅為事現在奔竄餘匪其老
賊為數尚多而被脅隨行者亦復不少誠恐愚氓無
知悔罪思歸投誠無路轉堅其從逆之心惟在該大
臣等相機酌辦或出示曉諭射入賊壘使賊黨自相
疑貳或臨陣豎旗如能殺賊投誠及自拔來歸確有

憑據者准其免罪隨地妥為安置並酌量咨遣回籍
其有設計詐降圖為內應者尤當隨機應變察其真
偽賊情詭譎不可不加意防備萬勿墮賊奸計著僧
格林沁勝保妥籌辦理於解散之中仍寓區別之意
庶足以孤賊勢而杜奸謀

二十七日 丁卯 僧格林沁勝保奏言 臣等連日會

同德勒克色楞西凌阿善祿等熟商進攻之法

欽定剿平粵匪方略卷七十七

十四

並布置一切雖屢次出隊殺賊無多非用大礮
轟擊不能得手十六日 臣等傳齊各隊並令達
洪阿那敷德瑞麟瑞昌等分路進攻 臣僧格林
沁在西北督隊 臣勝保亦繞赴西面會督各營
攻撲斃匪七八十人十八日督隊攻圍漸偏賊
巢逆匪從東城西面撲出經蒙古黑龍江馬隊
並瑞麟達洪阿等帶兵迎勦又用五百斤銅礮

轟擊馬隊追殺數十人其東面經各兵勇圍撲已至辛莊村門始開槍礮逆眾情急撲出束城亦出多賊各隊迎擊並開放神威礮轟斃賊匪十餘人逆匪退踞土坡以西又經吉林黑龍江及蒙古馬隊由西北壓下固原官兵亦向前攻偪又斃賊數十人賊勢敗退臣等連日籌商恐西南不免空虛臣勝保復赴西南一帶相度形

聖皇聖考卷七十七

十五

勢臣德勒克色楞於二十一日催督各兵到營扼要駐紮天津大礮於本日運到三尊其餘亦陸續可到容卽相機轟擊奏入

上命軍機大臣傳諭僧格林沁勝保曰該大臣等會督大兵追剿竄匪將及兩旬不過小有斬獲尙未能大加懲創剋日掃除前經嚴旨切責該大臣等不知愧厲奮勉迅圖殄滅總以專待大礮爲詞逐日遷延何

時始能竣事且束城等村與獨流之可以負隅久踞者週別何以不能偪近賊壘是否該逆又經築有木城該大臣等匿不以聞東西兩路分兵疊進該逆均得由束城分股接應該大臣等所謂智取者安在現在大礮已到三尊其餘指日亦可運到該大臣等無所藉口著卽督飭將弁急圖殲滅之方斷不准再令乘閒竄逸經文岱蘊秀前統官兵不能遏賊西竄厥

聖皇聖考卷七十七

十六

罪甚重該二員現在何處著卽查明下落據實具奏同日琦善奏言本月十五日臣親赴三汊河督兵仍由東西兩岸進攻陳金綬督飭參將鞠殿華等斃賊數十人瞿騰龍德興阿督率馬步隊及陝甘官兵施放槍礮又斃賊三百餘名十六日陳金綬督兵進剿遇賊於四里鋪之南擊斃數十人瞿騰龍督令參將英桂等奮勇衝鋒亦

斃匪數十名餘賊敗入土城誘之不出十七日
鞠殿華帶兵行近瓜州賊在濠南營外挑戰經
官兵擊殺數十名瞿騰龍督率漢中延綏大名
官兵由西岸進勦該匪祇在營外轟打並不過
河我兵亦隔濠對擊斃賊四五十人該逆復分
股過河我兵亦分隊前往用礮轟斃百餘人十
八日臣親督瞿騰龍等由西岸進勦擊斃多名

欽定剿平粵匪方略卷十七

十七

又有賊匪兩股分路竄出遊擊滿祿等分隊攻
撲開放槍礮斃賊百餘名餘匪竄入土城將浮
橋拆斷官兵不能前進臣查瓜州賊營外濠寬
數里巨礮林立勢難撲入雖屢獲勝仗終未能
破其木城甄城查該處與鎮江緊對非杜其江
面應援實難攻克現有艇船水師大小五十七
號停泊焦山之麓一遇風便即揚帆上駛以便

腹背夾擊奏入

上諭曰水陸夾攻自可得手著即趕緊進攻剋日殲除
同日崇綸青麀奏言臣等接據大營稟報十五
日黎明督臣吳文鎔派兵勇迎敵守備劉富成
率領鎮守兵在前副將駱永忠德亮等居後直
抵黃州距城四五里賊匪議擁出拒鎮守兵即
欲逃避當經德亮等喝住嗣因賊匪從後抄入

欽定剿平粵匪方略卷十七

十六

各勇先逃官兵繼之全行潰散督臣大營在後
亦即火起營盤十一座盡成灰燼督臣經兵保
衛退往靈沙一路暫避臣等伏查全軍潰敗逆
賊愈張現在各屬土匪肆起到處滋擾恐成大
患因思荊州將軍台湧老成諳練久歷戎行應
請

旨即飭台湧會同已到之副都統魁玉統兵前往陸路

接應臣等並咨催侍郎曾國藩速將所造戰船配齊廣東購解洋礮兼程來楚會同進攻如此水陸並勦庶可杜上竄而保全局頃接探報賊船已至陽邏距省城六十里省城雖屬兵單惟有激勵兵將嚴謹防守又據臬司唐樹義稟報督臣吳文鎔接仗時該營忽見火起兵勇盡散祇得保全船礮退至葉家洲暫駐查戰艦全需

聖朝方略卷七十七

十九

岸兵保護今孤船在洲實屬堪虞自應撤回省中再行辦理奏入

上命軍機大臣傳諭崇綸青麐曰賊船既有上竄陽邏之信省城重地關繫緊要著崇綸青麐督同文武激勵兵民合力固守毋得藉口人心不齊稍疏防備所有魁玉現帶之官兵一千名即著留於省城毋庸隨同台湧前進漢口一鎮為自江入漢要路設賊匪逞

其故智揚帆直上荆襄德安等處均屬可慮漢陽近在對江該撫務當設法撥兵防守勿令賊船闖越儘有疏失朕惟該撫等是問唐樹義所帶礮船雖不甚多惟現在湖南礮船尚未抵鄂江面攻勦尚賴有此利器已諭知台湧於進攻時酌量調帶以便水陸夾擊力遏兇鋒其黃州一帶賊匪仍與台湧會商勦辦不得專待援兵致成株守吳文鎔現在何處隨營文武如何下落均著速查詳奏

聖朝方略卷七十七

二十

上又命軍機大臣傳諭台湧曰逆賊竄踞黃州前經吳文鎔督兵進勦尙有斬獲乃此次進仗竟致兵勇相繼潰逃全軍敗散且營盤盡被賊焚吳文鎔避至靈沙河其餘各官亦不知下落現在逆眾占踞堵城大營並聞陽邏一帶已有賊船陸續上竄若不趕緊迎頭堵剿必致賊勢愈張辦理更形棘手台湧現駐德

安著卽酌帶官兵馳赴前路確探賊蹤所向盡力迎
勦其潰散兵丁仍當招集該將軍當此軍情緊迫之
際惟當激勵將士星速趨程前進總以迅掃妖氛爲
要毋得稍事遷延並將酌帶兵數起程日期先行由
驛馳報仍確查吳文鎔現在何處各員弁如何下落
及此次失事實情切實具奏又據崇綸等奏稱
探聞唐樹義統領舟師因見火起兵散將船撥退至

欽定剿平粵匪方略卷七十七

三

葉家洲等語此項船礮著毋庸撤回省垣一併歸台
湧統帶調遣以備水陸夾攻所有德安北路等處仍
著台湧設法籌顧毋稍疏虞

同日張亮基奏言臣駐防德州探聞靜海獨流
逆匪西聚東城鎮該處距德州僅二百里當將
臣新練壯勇二千餘名分紮劉智廟扼截留該
州本地兵勇及滿營官兵爲後路策應連日偵

知逆賊自靜海竄出經僧格林沁檢斬已多由
德州至河間通衢大道該逆未必敢於窺伺查
德州附近之德平縣與直隸甯津等縣接壤其
小道距河間亦近該處前亦派有防兵二百五
十名尙慮兵單不足守禦其武定府屬邊界雖
距逆烽稍遠亦須防及該逆回竄前經藩司崇
恩留駐直隸鹽山縣新店兵勇一千餘名奉

欽定剿平粵匪方略卷七十七

三

旨令前任河南藩司王簡前往督率該員尙未抵防賊
既西竄此項兵勇似可酌量撤回以一半調赴
德平仍派該員統帶同德平現有弁兵扼要防
堵一半調至德州撥赴要隘分駐其武定府屬
之樂陵陽信海豐惠民等縣尙各有分防兵勇
數百名仍令酌留以杜逆匪回竄此外則惟東
昌臨清等屬與直隸天津犬牙相錯之處甚多

然其地皆在河間以西已嚴飭該府州就本地
現有兵勇並激勵各該縣民團實力防守如果
該逆再由河間西竄卽當相度機宜移師應援
亦可免顧此失彼之虞奏八

上命軍機大臣傳諭張亮基曰逆匪占踞東城村一帶
疊經大兵攻勦據僧格林沁勝保奏拏獲奸細並逃
出難民供賊巢糧米無多不能久踞欲零星逃竄該

聖朝方略卷十七

三

處距東境甚近難保不乘閒竄逸張亮基奏請將前
撥鹽山防兵撤回調赴德平縣及德州分駐要隘防
守以期聲勢聯絡自應如此辦理惟賊情詭譎奔突
靡常儻由河間西竄雖德平德州等處情形稍緩該
撫仍當不分畛域相機移師出境應援迎頭截擊毋
得株守一隅

二十八日 戊辰 台湧奏言 臣行抵德安接辦防堵

據探督 臣吳文鎔統兵進剿始而獲勝不料賊
抄後路兵勇敗潰督 臣尙無消息旋據孝感縣
知縣李殿華稟報賊匪上竄已水陸並至漢陽
等情伏思該匪詭譎異常去向莫測自應通籌
江北大局惟有飛函分致於荊州則諄囑官文
貴陞及荆宜施道昇福督率在城文武加倍嚴
防並函商四川督 臣裕瑞派兵堵紮入川要口

聖朝方略卷十七

三

於襄陽則諄囑安襄鄖荆道羅遵殿妥籌布置
並飛調鄖陽鎮官兵八百名駐紮該處以便就
近派撥其黃州大營潰兵有陸續來至德安者
暫行收集仍差丁於黃陂黃安麻城一帶確探
吳文鎔消息至前調提標各營官兵現又飛催
趕緊前來一俟到齊卽當親往調度會合河南
助防官兵相機堵剿遏賊北竄之路奏八

上命軍機大臣傳諭台湧曰台湧奏大營失利江北情形緊急探聞賊匪水陸已至漢陽覽奏實深焦灼著台湧通籌江北大局一面布置要隘一面督兵前進以期力挫兇鋒遏賊北竄所有荆襄等處據奏已飭各該文武大員妥籌堵禦仍著該將軍隨時嚴飭帶兵各員實力防堵務與防守豫境邊界之巡撫英桂總兵柏山聯絡聲勢互為應援武昌為省垣重地漢

欽定剿平粵匪方略卷七十七

三

陽近在對江應如何設法兼顧並著該將軍相機籌辦至台湧現帶官兵是否足敷截剿前據青麀奏稱查有四川松潘建昌兩鎮統帶官兵已來湖北之巴東利川二縣防堵此項官兵原為保障川省門戶而設惟遠防不如近扼已據青麀咨商務瑞酌派該鎮帶兵二千名前赴漢口一帶卽著該將軍飛催前進為移緩救急之計並統歸台湧調遣以資協勦武昌

防守情形並隨時探明速奏

上又命軍機大臣傳諭駱秉章曾國藩曰昨據崇綸等奏黃州兵勇潰散營盤被焚總督尙無消息本日據台湧奏稱賊匪水陸已至漢陽其德安荊州襄陽等處皆與豫省接壤甚關緊要台湧遵旨前進亦未必能多帶官兵黃州潰兵卽收集亦必不甚得力鄰近省分萬無可調惟湖南撥兵應援較為近便著駱秉

欽定剿平粵匪方略卷七十七

三

章迅卽選派精銳官兵一二千名並派曾經戰陣諳悉賊情之將弁管帶前往交台湧調遣勿稍延緩現在賊蹤已距武昌甚近唐樹義師船因岸上官兵潰敗撤回武昌昨有旨交台湧調遣水陸堵禦尙形單弱省城兵勇合計約有六七千名僅敷分布要隘漢陽漢口恐難兼顧儘逆匪溯漢而上窺伺荆襄攻勦更難得手此時惟有曾國藩統帶礮船兵勇迅速順

流而下直抵武漢可以扼賊之吭此舉關繫南北大局甚為緊要現逾正月中旬船勇當早齊備廣東所購洋礮諒已陸續解到著曾國藩迅即統帶剋日開行由長江下駛與台湧會合並督同唐樹義師船水陸並進以期力遏兇鋒

上又命軍機大臣傳諭英桂曰昨據崇綸青麀奏探聞

黃州兵勇潰散營盤被焚本日台湧奏稱賊匪水陸

欽定四庫全書

三七

並進竄至漢陽該將軍已飛調官兵與豫省防兵互為聯絡以壯聲威惟賊勢猖獗意圖北竄固楚北之藩籬即可以保河南之門戶英桂現在汝陽與湖北黃陂等處接壤台湧所帶兵力甚單著英桂飛飭總兵柏山選帶精兵出境截殺與台湧聯兵應援迅蕩賊氛不得區分畛域其光州信陽各處與德安麻城毗連並著英桂督飭所屬一體嚴防

二十九日己己僧格林沁勝保奏言臣等於二十

六日寅刻出隊臣僧格林沁督兵先攻東城逆

匪堅匿不出因令西凌阿在彼列隊親自折赴

排回村會同臣勝保督兵進攻令達洪阿帶領

健銳火器技勇巡捕各營及古北口官兵天津

練勇攻其西南令天津固原官兵及四川山東

河南練勇攻其東北將至村邊達洪阿帶領兵

欽定四庫全書

三八

勇親冒鋒鏑鼓勇直前兵勇傷亡數十名仍復力攻不退已將該逆鹿角寨拉開賊匪情急於東西村口分股撲出經我兩路兵勇合擊斃賊百餘名忽有馬步賊千餘名由東城撲出將我兵抄裏復經天津固原官兵施放槍礮轟斃百餘名步隊亦追殺數十名賊始退入村莊我兵受傷已多暫行收隊當攻勦排回之時有賊千

餘由東城以北直撲桃園經西陵阿督飭副將
史榮椿等開放神捷劈山礮轟斃賊匪三十餘
名又經黑龍江察哈爾馬隊由兩翼截殺復斃
賊十餘名賊又另股攻撲王村經總兵孔廣順
督令兵勇奮擊殺賊二十餘名統計斃賊二三
百名臣等於收隊後恐該逆乘夜暗襲傳飭各
營嚴加防範該逆果於亥刻擁眾撲營先撲北

欽定剿平粵匪方略卷七十七

三

面經兵勇擊回其西面出賊數百名亦爲馬隊
壓退因折擾東面之張九劉九等村莊營盤經
山東河南兵勇擊斃數十名又轉而南撲復經
雙成督令馬隊截擊該逆乃由村後抄入營內
疊用火彈燃燒帳房崇恩張集馨帶領兵勇接
應又經臣勝保飛派吉林黑龍江馬隊數百名
由東北面抄擊傷賊甚多餘匪敗退未能竄出

其南路小李村經善祿攻擊賊匪撲出百餘人
我兵從樹林內槍礮環攻斃匪二十餘人賊即
回巢查連日該逆情形糧草將盡窮極思奔臣
等惟有嚴飭各路官兵齊心協力並飛催後路
大礮運到奮勇進攻打仗陣亡之外火器營正
參領恭誦春奮勇捐軀應請

旨飭部議卹

欽定剿平粵匪方略卷七十七

三

僧格林沁勝保又奏言查西安右翼副都統雙
成派在杜九村地方駐紮宜如何加意防範乃
該逆乘夜出撲致令抄入營盤疏忽之咎實屬
難辭應請

旨將雙成摘去頂戴以觀後效奏入

上命軍機大臣傳諭僧格林沁勝保曰前據該大臣等
奏大礮運到三尊於二十六日齊隊奮攻朕以爲必

有把握可期一鼓蕩平乃本日據奏進剿情形仍不過小有斬擒該大臣等前奏所謂布置周妥安在耶現在廬州等處賊匪臨張仍圖北竄又據崇綸青慶台湧先後奏到黃州大營失利賊匪已至漢陽江北情形如此緊急該大臣等尤應兼籌並計肅清畿輔爲移兵南下之舉此時河間一帶剿匪情形關係大局必當迅速殄滅或聚而殲旃或誘令出巢四面兜

聖學聖方略卷七十七

三

上諭內閣曰逆匪竄踞東城各村屢欲乘間逃逸經僧格林沁勝保親督官兵奮力擊退斃賊甚多現在大

礮業已運到著僧格林沁勝保乘此聲威迅速進剿斷不准再有延誤打仗陣亡之外火器營正參領恭訥春著交部議卹西安右翼副都統雙成在杜九村駐紮並不加意防守致令該逆乘閒抄入營盤殊屬防堵不力雙成著摘去頂戴如再不知奮勉著卽嚴

參懲辦

同日英桂奏言查由直入豫以彰德府屬之豐

聖學聖方略卷七十七

三

樂鎮爲最要門戶其次則內黃楚旺水路通衢衛輝屬境毗連直隸而開封府屬之蘭儀河口北岸又與直隸長垣山東曹州接壤現在靜海獨流逆匪全股竄逃所有鄰近各要隘均宜一體設防較之皖楚接壤州縣尤爲喫重臣身任疆寄全省大局旣北重於南自當先其所急未便遠駐汝甯所有南路光州汝甯一帶責成南

陽鎮臣柏山會同南汝光道余炳燾隨時會商
堵禦其羅山地方爲湖北入豫門戶仍飭汝甯
府知府廖姓督勇駐守至歸陳等處前已暫留
徐廣縉駐紮歸德牛鑑督兵馳赴陳州仍互相
知照會合勦堵並飭該管府州嚴查周家口河
路船隻堵其搶舟竄越臣拜摺後擬帶領兵勇
先回省城酌量布置如河北情形緊急卽馳赴

欽定剿平粵匪方略卷七十七

三

彰德督防儘逆匪竄偏山東則大河南岸密邇
汴梁尤當馳往防守容隨時相機籌度不敢稍
涉大意奏入

上命軍機大臣傳諭英桂曰昨因台湧奏探聞黃州官
兵失利賊竄漢陽諭令英桂飛飭柏山帶兵出境與
台湧聯絡應援茲據該撫奏稱統籌豫省全局北路
重於南路所有光州汝甯信陽一帶責成鎮道等會

商堵勦該撫帶兵回省隨時籌度等語此時楚北情
形較之河北彰衛等處尤爲緊急賊勢狡猾必須防
其北竄著英桂卽遵前旨嚴催總兵柏山飛速帶兵
前進以勦爲防與台湧所帶官兵聯爲一氣以期力
遏賊氛該撫現已回省儘楚豫交界地方情形緊急
調度恐致有誤著卽折回汝陽等處督同南汝光道
余炳燾汝甯府知府廖姓妥爲守禦現在靜海獨流

欽定剿平粵匪方略卷七十七

三

逆匪竄踞東城村一帶經僧格林沁勝保等屢次斬
擒勢甚窮蹙亦難保不衝突河北一路與直隸毗連
著卽嚴飭地方文武加意嚴防該撫務當權衡緩急
相機策應不得以專防北路爲詞轉將南來楚匪委
之柏山一人堵勦致有疏虞

同日福濟奏言臣於正月初十日由臨淮關帶
領各隊前進十九日行抵店埠查廬郡賊衆固

守與安慶舒桐為犄角之勢十分猖獗况定遠壽州各處土匪滋擾動即嘯聚千人橫行搶劫臣行至定遠即拏獲奸細一名帶有逆書偽示現在粵賊臨張難保不意圖勾結臣到任後與和春悉心商酌激勵兵弁迅圖克復以仰副

聖主勦賊安民之至意奏入

上諭曰現在廬郡被賊占踞舒桐均未克復是安省軍

聖主勦賊安民之至意奏入

聖

情緊急之至汝可數日即發一報來雖無甚動靜亦不准過十日庶朕能速知籌辦尚可趕得上將此旨並傳知和春遵行

欽定勦平粵匪方略卷七十八 甲寅年

二月初二日 辛未 兩廣總督葉名琛廣東巡撫柏

貴奏言查前次雇募紅單船隻原為江南勦匪之用今因船身滲漏回粵修理若俟各原船修葺完固再令赴江未免有需時日當飭副將懷塔布將原帶兩幫船三十四隻逐加勘驗僅有十九隻修理尚堪駕駛其餘皆不可用仍一面

勦平粵匪方略卷七十八

一

另行添雇以期迅速現據馬映階等稟稱分往潭洲半埔沙灣等處紅單船二十三隻甫入海口合之前雇修理船十九隻共計四十二隻臣等飭令趕修二月初旬當可工竣彼時南風漸轉務令儘數起程不得稍有延誤奏入

上命軍機大臣傳諭葉名琛柏貴曰前因紅單船隻在福建廈門勦匪損壞准令回粵修理茲據該督等奏

續經雇募船隻於二月初旬儘數起程現在已屆仲春南風漸轉卽著仍派陳國泰吳全美管帶此次船隻較多一切駕馭彈壓必須專派大員著葉名琛於該省水師總兵副將內擇其熟悉洋面情形勦捕素稱勇敢者酌派一二員統帶前往務於春間悉數駛抵大江不准沿途逗留

初三日壬申貴州提督佈克慎奏言臣於去歲十

欽定剿平粵匪方略卷七十八

二

月行抵湖北省城旋帶兵紮淋山河並進偏堵

城正月十四日經督臣知照令於十五日出隊

進勦次日臣督兵抵黃州東門連次接仗未能

獲勝適見後路太平寺一帶火光驟起又見賊

匪由江邊抄襲臣前後迎擊不料被賊矛傷右

股跌馬落冰經古州兵丁張國樑等救起帶傷

乘馬其時各營盤多有火起聞督臣已退至麻

城臣隨卽趕至並未相見探聽亦無確耗臣擬

由黃陂入省會商及至黃陂該匪已於十九日

竄擾漢陽橫江屯紮南北隔絕武昌城內礮聲

震耳未能進省游匪已擾至黃陂灑口一帶臣

於孝感縣屬之小河地方收集弁兵途次接見

主事楊熙因令該員等收集潰兵以防北竄臣

帶兵千名既不能督戰取勝又不能救援大營

欽定剿平粵匪方略卷七十八

三

惟有仰求

天恩將臣從重治罪以儆無能奏入

上諭曰佈克慎著革職隨同台湧帶兵征勦

初四日癸酉僧格林沁勝保奏言正月二十七日

賊撲遵祖莊營盤經吉林官兵開放槍礮傷斃

無數賊始退回復轉向念祖莊衝撲我軍齊出

奮擊該逆踉蹌奔潰殺賊一百餘名臣等所派

馬隊趕到復追殺數十名二十九日傳令攻取辛莊賊於陳官莊之西擁出數百人直撲烏林阿之營經烏林阿督令官兵擊退 臣僧格林沁一面進攻東城 臣勝保先令山東河南四川各勇直前攻撲賊先於辛莊左右兩處設伏抄襲各勇分投抵禦賊愈聚愈多天津固原西甯河州官兵開放連環槍礮賊眾紛紛倒地 臣勝保

聖朝方略卷七十八

四

復派出馬隊迎擊將騎馬賊殲斃過半 臣僧格林沁亦親督馬隊官兵由西北抄截並於北面開放銅礮向賊巢轟擊 臣勝保於東北面用炸礮神威礮轟擊統計斃賊四百餘名仍嚴飭官兵晝夜嚴防不准疏懈查該逆占踞各村惟排回地處正西 臣等一面設法勦辦一面用礮攻擊俟收復排回西面各營俱可逼近至 臣等營

盤距東城僅三里許出售數武礮力即可直抵賊巢且地勢寬闊馬步各隊官兵進退俱能得力

僧格林沁勝保又奏言總兵經文岱侍衛蘊秀已於正月間趕赴大營該總兵等未能遏賊西竄業將所帶官兵委員管帶當茲軍務喫緊未便任其優游事外因將總兵經文岱侍衛蘊秀

聖朝方略卷七十八

五

留營差遣儘不知愧奮即據實奏從重懲辦 僧格林沁勝保又奏言前經投出之蕭良芳林來沈兼沈五祥沈廷方窗等六名 臣勝保隨時體察見其痛悔前非二月初一日進攻東城令其隨隊打仗蕭良芳等撲入賊隊 臣等目覩蕭良芳等力殺七賊沈兼林來沈廷等身受重傷似此悔罪自新可否免罪仍請量予

恩施之處出自

聖裁

僧格林沁又奏言查那木薩賚札布於正月初九初十等日隨同貝勒拉木棍布札布追剿逆匪親帶蒙古兵丁直衝賊隊該護衛手刃長髮賊多名實屬勇敢臣因該護衛係三品頂翎未敢請給二品頂戴又未便沒其微勞可否

聖恩方略卷七十八

六

賞給勇號出自

恩施

同日太僕寺卿齊承彥奏言臣聞賊由獨流竄出時匍行雪地多至駭腳皸裂現雖占踞東城等村勢已窮蹙臣以為脅從之民可撫則撫亦釜底抽薪之一法其不受撫者正宜及時進攻勿失機會北地兵馬喜寒惡熱嗣後天氣漸暝

人馬易病若南賊再來彼時更難措手可否

飭諭統兵大臣乘此天氣嚴寒用我所長庶士卒氣壯

幾輔可立見肅清至賊之伎倆全靠木城土壘

昔日占踞獨流若何布置則東城之賊情亦可

得其大概矣均奏入

上命軍機大臣傳諭僧格林沁勝保曰逆匪竄踞東城

等村尙未痛加剿洗據現獲奸細供稱賊因糧食將

聖恩方略卷七十八

七

盡有欲於數日內他竄之語該大臣等正當乘機進攻為掃穴擒渠之計至設伏誘賊出巢分股截殺固亦剿賊之一法但恐賊眾莽命奔突一時堵截稍疏仍不免潰圍他竄總不如移營逼近賊巢併力攻擊使逆匪無路逃竄即可聚而殲旃乃為上策前據奏稱擬挖長濠是否挑挖已就排回村距東城較遠我兵聲勢何由聯絡該大臣等務當設法攻剿萬不可

再延時日齊承彥奏長髮賊不能耐寒著卽激勵將弁及時進攻勿失機會所稱解散脅從一節著一併體察情形妥慎籌辦切勿墮賊奸計

上諭內閣曰逆匪占踞東城等處被圍圖竄經僧格林沁勝保等督率官兵迎擊疊獲勝仗著卽乘勝進攻盡殲醜類其前由賊營投出之蕭良芳林來沈兼沈五祥沈廷方窗等隨同官兵打仗殺賊著免其治罪

聖學聖方略卷七十八

八

並賞給六品頂戴以示法外之仁

上又諭內閣曰總兵經文岱侍衛蘊秀於賊匪西竄未能堵禦均難辭罪經文岱業已摘去頂戴蘊秀著一併摘去頂戴俱著暫行革職仍留軍營交僧格林沁等差委

上又諭內閣曰索特那木彭蘇克之頭等護衛那木薩賚札布勦賊出力著賞給庫奇勒格巴圖魯名號

同日青慶奏言十二月十八日臣接據探報賊

船已經上竄當卽登城瞭望見賊船全入小河

口內次日直到漢陽府東門與省城西門正對

官兵施放大礮擊沈大小船共九隻賊鋒頓挫

卽換小船緊占江邊連夜在小河口築起土城

二十日夜該逆緊貼東岸上行於塘角地方又

築土牆距省城北門數里其東岸新店該逆已

聖學聖方略卷七十八

九

經紮營是水旱兩路要隘均被占踞漢陽東門外並造木城一座省城屢經兵燹人心散渙萬難措手茲奉

諭旨馳抵武昌惟有竭力扼守或可轉危爲安奏入

上命軍機大臣傳諭台湧曰賊匪竄踞漢陽勢必擾及

武昌崇綸青慶守禦省城情形甚屬危急唐樹義礮

船究在何處逗留吳文鎔是否查有下落台湧接奉

此旨著卽督催官兵相機進剿並將近日賊蹤動靜及武昌情形迅速奏聞仍著隨時知會英桂柏山等於楚豫交界處所聯絡聲勢遏賊北竄其荆襄一帶仍當督飭員弁嚴加防守佈克慎現退至孝感地方已有旨將該員革職令其隨同該將軍帶兵進剿其潰散兵勇應如何分別收集並著妥籌辦理

青麀又奏言查臬司唐樹義攜帶礮船來省經

聖朝方略卷七十八

十

撫臣札駐鮎魚套地方近因賊船上竄礮船正資攻剿撫臣飛札迎提乃沿途查探現在尙無確音奏入

上諭曰唐樹義真係一無用之輩前次起用該員並不
知感惟以高節自居謂勉強出山稍酬高厚屢次抗
違死有餘辜

同日英桂奏言據光州探稟皖省六安州城復

於正月間爲賊占踞查六安與光州並所屬之固始商城交界商城與湖北麻城毗連信陽羅山等州縣又與漢陽黃州兩府屬接壤人心頗形搖動此時豫省北路較之南路稍寬臣仍應督防南路惟豫省兵力單薄若將防兵越境剿辦則本處益形空虛湖北漢黃有賊信陽羅山等處關隘防堵兵勇更難抽調每於各州縣告

聖朝方略卷七十八

十一

急請兵祇能節節騰挪擇其尤爲緊要者酌撥以應臣現暫駐適中之汝郡以爲各路應援並隨時偵探南北賊情何處緊急卽行馳往何處策應斷不敢株守一隅

同日張之萬奏言臣查河南歸陳汝光一帶或連湖北或接安徽皆粵匪滋擾之區獨流之賊近復竄出彰德各處旣應設防黃河各渡亦須

添勇兵力愈分愈恐難恃雖撫臣英桂現駐汝陽搜緝捻匪陳州有牛鑑歸德有徐廣縉而或帶勇數百名或帶勇千名以之靖土匪則有餘以之禦粵匪則不足若非勵百姓同仇之氣固各縣義勇之心此外別無長策臣聞署太康縣知縣祝塏現有歸德府屬四五縣聯莊會中首事並安徽亳州一帶居民赴省投遞公呈請該

聖學聖方略卷七十八

十二

縣督辦各處團練如准其督辦約可得十餘萬人

飭令河南撫臣專派該員總辦團練凡歸陳各屬團練

事宜統歸該員經理而以牛鑑徐廣縉總其成惟此等團練義民必思設法鼓勵並請

飭令撫臣剴切曉示酌立賞格有能拒殺粵匪保衛城

池者如何獎勵之處明白示悉以堅其好義急公之心臣復聞歸德所屬民氣素強聯莊之中頗有能精熟技藝有勇知方者若事有專屬時時察看擇其實在可用之人鼓舞召募以歸行伍則良將勁旅未始不出於此均奏入

上命軍機大臣傳諭英桂曰逆匪竄踞廬州勦辦情形未據和春等奏報茲據該撫奏稱六安州城亦探聞

聖學聖方略卷七十八

十三

被匪竄擾皖豫交界處所必須嚴密設防其湖北黃州賊匪直撲漢陽河南信陽羅山等處防範尤不可少疏該撫仍當體察情形相機前進並隨時知會台湧督飭將弁互為聲援武昌省城該匪是否竄偏著即確探馳奏據張之萬奏歸德陳州一帶辦理團練請統歸知縣祝塏經理著該撫察看該員並酌量地方情形妥速籌辦

初六日乙亥福濟和春奏言臣和春接據總兵音德布函稱六安州土匪勾結舒城逆匪於二十日竄至六安占踞州城伏查總兵音德布督兵專防六安竄路今六安賊匪雖由舒城竄入究未能先事豫防臣和春總統諸軍臣福濟職司統轄均屬籌防未周應請旨交部議處奏八

聖學方略卷七十八

十四

上從之

和春又奏言查店埠爲比路要隘並無重兵堵守舒興阿應撥之兵未准分撥實屬無從防剿上年十二月十五日臣繞道赴岡子集營盤向舒興阿面商分撥舒興阿以所帶陝甘官兵僅敷調遣不能派赴店埠維時岡子集有楚勇二千四百名總兵音德布帶有雲南四川兵二千

餘名或於此二起內酌撥一起舒興阿以非其所轄復向婉商由臣調至店埠舒興阿又以如果調往則西路兵力益單未便調撥此外尙有已革臬司張印塘帶有兵勇一千六百名向其商派亦未允行臣折回梁園因臬司畢承昭業已到廬張印塘所帶兵勇自應移交是以將此起兵勇千餘名調至店埠紮營扼堵該兵勇於

聖學方略卷七十八

十五

二十日始行前來已在廬城失守之後十七日臣由梁園趕至店埠正在窰築營壘卽聞城已失陷舒興阿並無來信十八日晚閒差人送文三件聲明由八百里飛催臣前赴岡子集營盤以便撥兵字據所填發文日期一係十五一係十七一係十八等日其廬城失守一節未准咨會二十一日又據來咨前因廬郡被圍緊急官

兵與賊對敵是以難令前往店埠今城池已失
應遵

旨撥出官兵飭令前赴店埠進剿卽經 臣函覆以廬郡
既失亟應趕緊遏住竄路使逆匪無從擾及他
處西面路通六安防堵關繫緊要所有陝甘官
兵應留於西面防守此時未可分撥舒興阿於
二十三二十七等日仍復催令移會臬司趕備

聖訓方略卷十八

十六

馱載以便官兵前赴店埠又經 臣明晰咨覆此
舒興阿於廬州失陷之後始行撥兵 臣咨會留
於西面防堵並非因前此不肯分撥不願調取
之原委也又查舒興阿統帶陝甘官兵六千名
外西路原有楚勇二千餘名又音德布帶雲南
四川兵二千餘名張印塘管帶兵勇一千餘名
彼時均未調撥合算實有一萬餘名舒興阿所

聞

稱祇有六千名係指親帶陝甘兵而言以致數
目不符奏入報

初七日子 丙張亮基奏言豫東兩省黃河渡口爲
遏賊北竄要津必須嚴查船隻出入惟東省南
運引商應銷豫省歸德等屬官鹽向由曹州府
屬之單縣董家口渡河分赴各屬售銷前據通

聖訓方略卷十八

十七

判李彥森以應否准其照常過渡具稟請示河
臣長臻則以運銷官鹽民食攸關自難一律禁
止 臣通盤籌畫約計各商應運鹽包於該渡日
設小船十隻每日渡鹽千餘包以四十日爲限
足可運竣卽責成道員李天錫等催令各商如
期趕運不准如常年之壓前等後並令該商於
過渡時北岸一商發鹽雇夫擡運上船南岸一

商收鹽雇夫起運下船南北人夫不准過岸一
俟渡竣即將各船裁撤與民運煤炭糧食常川
過渡漫無稽覈者不同兩岸人夫不准過岸亦
可杜絕奸匪偷渡奏入

上命軍機大臣傳諭王履謙長臻英桂張亮基曰現在
獨流潰竄餘匪仍踞東城村一帶卽著照張亮基所
議接運官鹽妥爲趕辦但不准拘定四十日之限總

欽定剿平粵匪方略卷七十八

十六

以迅速運竣爲要其尋常販運煤米船隻仍著一概
收集毋令奸細乘閒偷渡王履謙巡河是其專責長
臻職司總河英桂張亮基身任地方均著懍遵前旨
督飭各該委員及地方文武營汛認真巡緝儻再有
賊蹤闖入國法具在豈能倖逃

初九日 戊寅 僧格林沁勝保奏言查逆匪占踞東
城等村 臣等連日進攻該逆死拒不出我兵連

次撲近牆柵逆匪暗由牆孔施放槍礮密如雨
下每遇進撲賊巢弁勇時有傷亡調到大礮向
排回等村轟打擊塌屋宇甚多壓斃逆匪無算
現在該逆雖不能竄出仍恐其乘隙逃逸 臣等
再四籌度惟有開挖深濠以資圍困該逆如拌
死奔撲我兵卽可奮力截擊儻竟如前死守我
兵祇須嚴扼長圍不日賊巢糧盡卽可不攻自

欽定剿平粵匪方略卷七十八

十九

潰彼時亦易剿殄現在東北西北兩面開挖已
竣並於濠外安放鹿角樹柵其西面亦經動工
趕緊挑挖東南面一片積水間有不能挖濠之
處亦卽設法堵截惟有額懇

天恩暫寬時日俾得極力圖維曷勝悚惶屏營之至奏
八
上命軍機大臣傳諭僧格林沁勝保曰此股竄匪該大

臣等若能於奔突未定之時乘機協剿何致遷延至此尙不能埽穴擒渠乃日久布置仍似此敷衍入奏並未立有尺寸之功自問於心能無愧乎刻下大礮已到東北西北空濠已竣西面東南兩路亦皆設法堵截著卽督率各路官兵趕緊進攻若不及早奏功國法豈能再宥

同日琦善奏言查灣頭在揚城東北地居堂奧

勦平匪方略卷七十八

二十

於形勢無關近聞慧成以灣頭兵單請調駐防宿遷之山西營兵三百名移紮臣查東路及施家橋一帶已有陳金綬率兵駐紮臣又撥兵分立營壘賊匪豈能越揚城而擾及灣頭若南路戰兵不能遏賊則後隊皆望風而靡卽使灣頭駐兵三百亦復何濟於事臣以爲灣頭毋庸添兵宿遷之兵萬不可調往他處奏入

上諭曰軍營總貴事權歸一焉能事事請旨慧成父子日若懸河藉效忠之名實祇自衛而已

琦善又奏言本月二十等日總兵瞿騰龍等帶兵由西岸馬橋進攻瓜州敗其伏賊參將鞠殿華等由東岸進攻誘賊不出二十六日東風大作艇船直泊瓜州用礮轟擊賊營斃賊無算次日臣密飭官兵乘雪進兵攻其不備一面知會

勦平匪方略卷七十八

三十一

艇船爲腹背夾擊之舉遂於二十八日子刻臣親督官兵出隊由運河東西兩岸及東岸之虹橋西岸之馬橋四路進攻辰刻艇船由金山截駛下攻瞭見北岸官兵亦正對仗總兵葉常春等轟倒賊匪礮臺一座並擊沈大賊船三隻餘匪悉溺於江二十九日辰刻復經艇船駛赴瓜州大口擊燬逆匪瞭臺一座賊船隨即折回

1. 8. 11. 千 續修四庫全書 第 6 卷 史部

常春等卽飭將弁分帶局艇追及於老河影江面沈其二船是日陸路官兵仍由運河兩岸進攻該逆皆在土城內官兵用礮向其轟擊多有殲斃該賊仍堅守不出查瓜州地處江濱該逆掘濠環營又引江水灌濠非水陸夾擊難期速殄昨據總兵李志和稟報大小賊船一百餘隻從金陵駛至儀徵江面均在江心行走不敢泊

勦平粵匪方略卷七十八

三

岸等情顯係金陵賊渠聞瓜州被攻緊急遣黨來援若不先扼瓜州上下兩岸江口杜金陵續江兩路之接濟不惟船在江面陸路官兵無從堵剿而來源不斷卽舟師亦難得手該艇船此番連次打仗頗爲奮勉現又藉詞修理退泊焦山惟有仰懇

天恩嚴飭統帶艇船之該總兵等緊扼瓜州上下兩口

庶可攔截江面以斷接濟而孤賊勢奏入

上諭曰此次尤爲出力者速行查明保奏葉常春李德麟周士法均著革去頂戴以觀後效如再有藉詞觀望之處卽先行正法順便奏聞

琦善又奏言據總兵武慶等呈稱正月十六日二更時南岸逆船百餘隻駛至浦日之馬家莊該總兵等督率遊擊王巨孝等馳往堵截甫至

勦平粵匪方略卷七十八

三

江干適該逆船正欲泊岸官兵施放槍礮賊匪多名復令魁霖等帶領火器營兵丁從旁抄出用火箭火毬焚燒逆船多隻斬殺及焚溺者不計其數其餘逆船意欲逃竄該鎮復督令兵勇擒拏奪獲大船二十六隻小船十隻起獲八百斤大礮一尊五百斤四百斤大礮各二尊三百斤以下礮十二尊臣查浦口北通滁鳳南對金

陵係驛站要衝於地勢最爲喫緊此次逆船一百餘號乘月夜連檣北駛經總兵武慶等以陸路官兵勦燬淨盡合無仰懇

天恩俯准將出力各員從優保奏奏入上從之

琦善又奏言查行軍之道首在激揚士氣苟馳驅况瘁而莫之矜貧困飢寒而莫之恤情不得

聖朝方略卷七十八

三

五

以上聞澤不遑於下究致令行閒解體戰士與嗟此皆統兵者之過也 臣視師以來猶賴隨征諸將士勦力同心雙來死事於前瞿騰龍等宜勞於後大小百餘戰從無挫衄去冬寇援屬至轉戰一月士心愈奮不幸勇潰賊竄未盡殲除軍中將士咸爲眦裂又賊踞瓜州衝寒出戰浦口六合等處沿江防守亦復屢有殲擒特以軍

營積習往往小有俘斬輒冒殊勳 臣實不敢效尤又以巨寇未殄當懸重賞留以有待非敢抑其功而不言也既而思之爲

國家靳惜名器而不肯從實臚陳坐使勞勩經年者曾無片長見錄彼見他人之倖進未免自覺向隅不能得其心卽不能用其力如是則雖有孫吳之將不能成功至師行糧食自古爲然粵

聖朝方略卷七十八

三

五

寇之起官軍駐粵駐楚糜餉至累千萬迨 臣督師江上已值度支告匱之餘乃他處軍營猶得轉輸相繼其募勇者又或藉資勸捐或提用各項生息本銀士飽馬騰從無缺餉獨 臣軍營不給餉者已及半載前經戶部奏撥 臣營之粵餉行至中途又爲湖北截留矣此時軍無見糧士有菜色陣亡召補無人應募撫綏之術至是已

窮况別處軍營皆不缺餉相距咫尺士卒豈無所聞責戰則同餽軍則異揆諸事理未可謂平萬一軍心渙散恐至不可收拾彼時卽將臣從重治罪亦復於事何補伏願

皇上俯准將出力將領弁兵合計一年勞績量予獎勵由臣覈實酌保並祈

飭下戶部速撥實存庫款接濟臣營兵餉兼

欽定剿平粵匪方略卷七十八

三

飭沿途經過各省務遵前次部文毋得擅自截留以致有名無實奏入

上諭曰所有出力各員弁准汝覈實保奏琦善大營軍餉著戶部作爲另款急速籌畫旋經戶部議覆於該營近省地丁鹽關雜款各項內每月協濟各若干萬兩


上從之

琦善又奏言臣案今之鄉勇卽前代之鄉兵以土著之民捍桑梓之患蓋以董之者有紳士治之者有牧令故勇怯易知莠良易辨樂趨事而憚犯法非謂可以離鄉而殄賊也乃今之用鄉勇者往往移而用之他府他縣且用之他省用之遠省地形非所知風俗非所習非有族鄰之可聯以情非有官紳之可察其弊其應募者大

欽定剿平粵匪方略卷七十八

三

抵市井負販之徒乞丐無籍之輩甚且盜魁恃爲逋藪奸民藉以寄食總而言之不過趨利而來設使賊以金帛相啗安知不爲重利所誘而去小則潛遞消息大者卽爲內應武昌安慶之陷城鎮江之塌營比比然矣臣愚以爲鄉勇一項祇宜用之於各州縣不宜用之於軍營卽不得已而用之亦於募勇之時造具花名清冊送



ZW 21101000583331

2094546

2121.5
15a

續修四庫全書 史部 紀事本末類

部庶幾有所稽覈斷不宜任令來去自由漫無
覺察如今日之甚者也嗣後除各州縣自行團
練毋庸造冊報部覈銷外其餘各省軍營現存
之勇請

旨飭下統兵大員轉飭帶勇各員一一確查姓名籍貫

住址限於十日內造具花名清冊並將勇目及

帶勇各員分晰開載呈報戶兵二部及統兵大

聖朝聖方略卷十八

天

臣查覈庶令兵勇同歸伍籍而餉項亦不致虛

糜奏入

上諭曰軍機王大臣會同該部妥速議奏惟期事歸覈

實餉無虛費旋經軍機王大臣會同戶部議覆此次

琦善所請將各營現存之勇造具清冊呈報戶

兵二部及統兵大臣查覈之處係為覈實支銷

起見應如所請

上從之

聖朝聖方略卷十八

无

七二四